



## Acerca de este libro

Esta es una copia digital de un libro que, durante generaciones, se ha conservado en las estanterías de una biblioteca, hasta que Google ha decidido escanearlo como parte de un proyecto que pretende que sea posible descubrir en línea libros de todo el mundo.

Ha sobrevivido tantos años como para que los derechos de autor hayan expirado y el libro pase a ser de dominio público. El que un libro sea de dominio público significa que nunca ha estado protegido por derechos de autor, o bien que el período legal de estos derechos ya ha expirado. Es posible que una misma obra sea de dominio público en unos países y, sin embargo, no lo sea en otros. Los libros de dominio público son nuestras puertas hacia el pasado, suponen un patrimonio histórico, cultural y de conocimientos que, a menudo, resulta difícil de descubrir.

Todas las anotaciones, marcas y otras señales en los márgenes que estén presentes en el volumen original aparecerán también en este archivo como testimonio del largo viaje que el libro ha recorrido desde el editor hasta la biblioteca y, finalmente, hasta usted.

## Normas de uso

Google se enorgullece de poder colaborar con distintas bibliotecas para digitalizar los materiales de dominio público a fin de hacerlos accesibles a todo el mundo. Los libros de dominio público son patrimonio de todos, nosotros somos sus humildes guardianes. No obstante, se trata de un trabajo caro. Por este motivo, y para poder ofrecer este recurso, hemos tomado medidas para evitar que se produzca un abuso por parte de terceros con fines comerciales, y hemos incluido restricciones técnicas sobre las solicitudes automatizadas.

Asimismo, le pedimos que:

- + *Haga un uso exclusivamente no comercial de estos archivos* Hemos diseñado la Búsqueda de libros de Google para el uso de particulares; como tal, le pedimos que utilice estos archivos con fines personales, y no comerciales.
- + *No envíe solicitudes automatizadas* Por favor, no envíe solicitudes automatizadas de ningún tipo al sistema de Google. Si está llevando a cabo una investigación sobre traducción automática, reconocimiento óptico de caracteres u otros campos para los que resulte útil disfrutar de acceso a una gran cantidad de texto, por favor, envíenos un mensaje. Fomentamos el uso de materiales de dominio público con estos propósitos y seguro que podremos ayudarle.
- + *Conserve la atribución* La filigrana de Google que verá en todos los archivos es fundamental para informar a los usuarios sobre este proyecto y ayudarles a encontrar materiales adicionales en la Búsqueda de libros de Google. Por favor, no la elimine.
- + *Manténgase siempre dentro de la legalidad* Sea cual sea el uso que haga de estos materiales, recuerde que es responsable de asegurarse de que todo lo que hace es legal. No dé por sentado que, por el hecho de que una obra se considere de dominio público para los usuarios de los Estados Unidos, lo será también para los usuarios de otros países. La legislación sobre derechos de autor varía de un país a otro, y no podemos facilitar información sobre si está permitido un uso específico de algún libro. Por favor, no suponga que la aparición de un libro en nuestro programa significa que se puede utilizar de igual manera en todo el mundo. La responsabilidad ante la infracción de los derechos de autor puede ser muy grave.

## Acerca de la Búsqueda de libros de Google

El objetivo de Google consiste en organizar información procedente de todo el mundo y hacerla accesible y útil de forma universal. El programa de Búsqueda de libros de Google ayuda a los lectores a descubrir los libros de todo el mundo a la vez que ayuda a autores y editores a llegar a nuevas audiencias. Podrá realizar búsquedas en el texto completo de este libro en la web, en la página <http://books.google.com>



8<sup>o</sup> Th. P.

1234

Vitriarius.

<36611694370011

<36611694370011

**Bayer. Staatsbibliothek**





Philos.

Les nat. & géat.

4

1/40.

PHIL. REINH. VITRIARII,  
Jurisconfulti & Antecessoris Ordinarii,  
INSTITUTIONES  
JURIS NATURÆ  
ET  
GENTIUM

in usum

SERENISSIMI PRINCIPIS

CHRISTIANI LUDOVICI  
MARCHIONIS BRANDENBURGICI &c. &c.

ad methodum

HUGONIS GROTII  
CONSCRIPTÆ

& aucte à

JOHANNE JACOBO VITRIARIO.  
*Accedit*

JOHANNIS FRANCISCI BUDDÆI  
Historia Juris Naturalis, Synopsis Juris Naturalis  
& Gentium juxta disciplinam Ebræorum,  
ut & Specimen Jurisprudentiæ Historicæ.



LUGD. BATAVORUM,

Apud { SAMUELEM LUCHTMANS, } 1734  
*Academia Typographum.*



THE UNIVERSITY OF CHICAGO  
LIBRARY

1917

1917

1917

1917

1917

1917

1917

1917

1917

1917



S E R E N I S S I M O

*PRINCIPI AC DOMINO,*

DOMINO

**CHRISTIANO  
LUDOVICO,**

MARCHIONI BRANDENBURGICO,  
BORUSSIÆ, MAGDEBURGI,

CLIVIÆ, JULIACI, MONTIUM,  
STETINI, POMERANIÆ,  
CASSUBIORUM ET

VANDALORUM, UT ET IN SILESIA  
CROSNÆ ET SCHWIBUSSII

D U C I,

B U R G G R A V I O

N O R I M B E R G E N S I,

\* 2

PRIN-

P R I N C I P I

H A L B E R S T A D I I ,

M I N D Æ & C A M I N I ,

C O M I T I

H O H E N Z O L L E R Æ ,

M A R C Æ & R A V E N S B E R G Æ ,

D O M I N O

R A V E N S T E I N I I & T E R R I T O R I O R U M

L E O B U R G I I & B U T O V I I

&c. &c.

*P R I N C I P I E T D O M I N O*

M E O

C L E M E N T I S S I M O

omnem Salutem

{ Externam  
&  
Æternam.

SERE-



SERENISSIME  
PRINCEPS,



I qua Lugdunensis no-  
stræ Academiæ felici-  
tas est prædicanda, ea  
certe nunquam non me-  
morandis extollenda ve-  
nit encomiis, quod SERENITAS TUA  
illustri sua præsentia eam illustrare.

## DEDICATIO.

atque cellissimo suo nomine Brandenburgico, quod omnis gloriæ omnisque decoris amplitudinem mirabili compendio in se concludit, posteritati commendare clementissimè dignata fuerit. Unde Musæ nostræ Leidenses sibi merito gratulantur, & memoriam sui **CHRISTIANI LUDOVICI BRANDENBURGICI** in omne ævum sacram habebunt. Cumque ego singulari quadam fortuna delectus fuerim, ut studia **SERENITATIS TUAE** officiis meis humilissimis qualitercūque adjuvarem, obsequii mei ac reverentiæ documentum quoddam dare volui publicum, ut **SERENITAS TUA**, quæ nunc discessum è nostris Musarum campis parat, semper haberet,

## DEDICATIO.

beret , quod devotionis meæ memoriam & inter ipsos aliquando armorum strepitus renovare posset. Neque vero hoc SERENITATI TUAE displicere posse confido , siquidem in ejusmodi studiorum argumento hactenus versati sumus , ad quorum exercitium gloriosissimi Tui Natales sunt destinati. Augusti enim sanguinis feliciter in Te transfusa indoles non nisi virtutis , gloriæ , ac omnis meriti exemplar æmulandum Tibi amplificandumque commendat. Et si licet auspicia captare , SERENISSIME PRINCEPS , incomparabilis ille vigor in vultu , vis in oculis , gravitas in conspectu , decor in gestu actuque , graviorum aliquan-

## DEDICATIO.

do curarum pro Patria & Republica sustinendarum vel certissimi rantii vel potius sponsores sunt. Certe nulla pars est hactenus ætatis, quæ non indubitato subinde documento plenissime hoc asseveraverit. A teneris annis sincero de divinis sensu animum imbuere, omnesque Tuos conatus ad Deum referre voluisti; & recte, nam qui religioni ac pietati studet, proxime ad Deum accedit, & optatissima quæque consequitur; imo principes pietate & justitia Dii fiunt. Et cum veram laudem in sola virtute positam existimes, neque Majorum Tuorum laudibus ac gloriæ, nisi in virtutem incumbas, Te respondere posse, persuasam habeas, fa-  
ves

## DEDICATIO.

ves ingeniis, suffragaris artibus, & felici successu vividam istam capacissimi ingenii vim per omne sapientiz genus, qua quidem instrui Principes decorum & necessum est, circumfers. Civitates, provincias, regna, imo universum orbem animo perlustare hactenus Tibi voluptati fuit. Historiarum cognitionem, Principi viro & gerendis regendisque rebus olim destinato necessariam, ab ineunte ætate Tibi commendatam habuisti. Et cum turpe sit, ea non comprehendere scientia, usu doctrinaque percipere, in quibus patriæ res agitur, publica jura Imperii Romano-Germanici mira aviditate & audire & scire voluisti. Cumque præterea divina providentia & benigni-

\* 5



## DEDICATIO.

gnitate ex ea stirpe originem ducas ,  
ex qua Deus Heroes format, ex qua  
tot prodeunt Heroes, quot furculi ;  
Belli jura ; & Pacis , raro sed dome-  
stico Tibi exemplo , jungere debui-  
sti. Scilicet, SERENISSIME PRIN-  
CEPS, juste non minus , quam forti-  
titer gerunt bellum , qui à Bran-  
denburgica ultimi Heroici sangui-  
nis stirpe procedunt , & quidem  
magna vi & effectu : victoria enim  
justæ causæ præcipue adscribitur , &  
ad conciliandas quoque amicitias mul-  
tum valet opinio de bello non teme-  
re , nec injuste suscepto , pieque ge-  
sto ; nemo enim iis se facile adjun-  
git , quibus jus , fas , fidem vilia ef-  
se putat. Hæc jura ut Tibi , SERE-  
NISSIME PRINCEPS , exponerem , cum  
mi-

## DEDICATIO.

mihi in subselliis doctorum versanti  
clementissime injungere volueris, sub-  
jectissimi mei officii esse duxi, ita  
ea complecti, ut facili labore SERE-  
NITAS TUA perveniret, quo animum  
induxerat. Suscipe igitur, CLEMEN-  
TISSIME DOMINE, hoc pignus obse-  
quentissimi mei affectus, suscipe il-  
lud gratiosa manu & clementissima  
Tua benevolentia illud complecti ne  
dedignare. Si TUA SERENITAS admi-  
ferit pietatem meam, hominis, non  
nisi simplicis reverentiæ obsequia e-  
docti, non est, quod aliorum homi-  
num judicia vel timere vel placare  
contendam. Hoc tantum agam, ut  
precibus non desinendis quotidie ve-  
nerer Deum Ter Opt: Max: quò  
SERENITATEM TUAM Brandenburi-  
cæ

# DEDICATIO:

ex Domus splendori ac incremento,  
Potentissimi FRATRIS gaudio ac  
commodo, totiusque patriæ delicio ac  
decori quam diutissime seruet.

## SERENITATI TUAE

*Dabam è Museo, Lugduni  
Batav. decimo quinto  
Natali die Principi sacro  
d. 24. Maji 1692.*

*Devotissimus*

PHILIPPUS REINHARDUS  
VITRIARIUS.

PRÆ-



# P R Æ F A T I O

A D

L E C T O R E M.

L. B. S.

**N**isi Serenissimus Princeps tanta in honestam animorum culturam fuisset propensione, & veræ nobilitatis apicem virtutis sublimitate metiretur, forte nec desiderasset, ut has Institutiones Juris Naturæ & Gentium scriptis complecterer, nec ut prælo submitterem. Quorum utrumque cum pro innata sua & propria bonitate in omnes, quos virtutis & eruditionis amor commendat, voluerit fieri, (aliis enim necessarium futurum, quod sibi recto animi judicio utile putabat) hoc mandatum non minore animi voluptate, quam jucunditate exequendum suscepi. Nam licet Serenissimi Principis nomen omni scholastico conatu sublimius esset,  
cre-

## AD LECTOREM.

*credere tamen debui, non minus spectari ex Academia devotum obsequiosumque animum, quam ex palestra, non minus ex subfelliis doctorum, quam è tabernaculis militum oblata clementi & benigno vultu suscipi. Videbam præterea, nullas hæcenus Institutiones Juris Naturæ & Gentium ita fuisse conscriptas, ut totius legitimæ Jurisprudentiæ naturalis elementa exhiberent; id quod, si voto & animo conatus respondit, in his benevolus & æquus lector deprehendet. Secutus sum magni Hugonis Grotii divinum opus de Jure Belli & Pacis, libros, capita, paragraphos; attamen non servili vel cæca quadam subjectione, verum ut liber in libera rep., qualis est hæc nostra literarum, in qua unusquisque libere sentit, libere loquitur, dummodo linguæ absit impia & injuriosa licentia in Deum, in patriam, in proximum. Ubi ejus opinionem veram puto, quia hæc meæ Institutiones continent elementa eorum, quæ, ut ita loquar, sunt in ipsius Pandectis J. N. & Gentium; ipsa verba ubique retineo: ubi ab ipso dissentio, in margine notatur. Theologiam Theologis relinquo. In libro tertio, quia à capite decimo usque ad caput decimum septimum retro legit vestigia, conjunxi cum capite quarto caput decimum & undecimum, cum cap. V. cap. XII. cum cap. VI. cap. XIII.*  
cum

## AD LECTOREM.

*cum cap. VII. cap. XIV. cum cap. VIII. cap. XV. cum cap. IX. cap. XVI. & cum celeberrimus PUFENDORFIUS sit perpetuus in divinum nostrum Scriptorem commentarius, quamvis alia methodo, semper ipsum comitem videbis. Dissidentes, si cui forte quæstiones maxime controversas sub examen revocare animus esset, adjeci. Et ne quid ad complementum mei compendii deesset, definitiones, divisiones, & multa alia, ab aliis prætermissa, in singulis capitibus à me proposita & explicata invenies. Cæterum cum Filius meus JOH. JACOBUS VITRIARIUS primum in Heidelbergensi, jam vero in Ultrajectina Academia juris Publici & Privati Professor Ordinarius, in ultima harum Institutionum editione an. 1704. Indicem locupletissimum & plurimas quæstiones adjecerit, alias auxerit, summaria singulis Capitibus præmiserit, ut & Eruditissimas duas Dissertationes Viri Excellentissimi JOH. FRANCISCI BUDDEI; tunc temporis Phil. Moralis ac Civilis in Academia Fridericiana Prof. Publ. ordin. ex dictarum Institutionum Editione Hallensi in majus earum ornamentum, & studiosorum commodum retinuerit, ea omnia hic quoque servata videbimus. Cumque nuperrime Vir Plurimum Reverendus & Celeberrimus JOH. WOLFGANGUS JÆGERUS, Primarius in Acad.*

## AD LECTOREM.

*cad. Tubingensi Theologia Professor, in Observationibus suis ad Hugonem Grotium de Jure Belli & Pacis, ex Collegio quodam MS. mihi opiniones aliquas affinxerit, & ut tales refutaverit, deceptus MS. cui Impostor aliquis nomen meum preposuerat, ut ipse Vir Excellentissimus in Literis humanissimis ad me datis 21. Febr. 1711. agnoscit, superest B. L. ut Te moneam, ne vel huic, vel simili MS. fidem habeas, nec alias mihi opiniones tribuas, quam quas publice in hisce meis Institutionibus editas videbis. Hisce vale, benevole lector, & si quaedam occurrant, quæ non placent, amice ut dissentias, nostrisque studiis faveas, etiam atque etiam rogo.*

IN-

# I N D E X

## C A P I T U M.

### L I B. I.

#### C A P. I.

- Quid bellum, quid jus?* Pag. 3  
II. *An bellare unquam justum sit?* 16  
III. *Belli partitio in publicum, privatum & mixtum. Summi imperii explicatio.* 18  
IV. *De bello subditorum in superiores.* 44  
V. *Qui bellum licite gerant.* 57

#### L I B. II.

- I. *De belli causis, & primum de defensione sui & rerum.* 59  
II. *De his, quæ hominibus communiter competunt.* 72  
III. *De acquisitione originaria rerum, ubi de mari & fluminibus.* 95  
IV. *De derelictione præsumpta, & eam secuta occupatione: & quid ab usucapione & præscriptione differat.* 104  
V. *De acquisitione originaria juris in personas: ubi de jure parentum: de matrimoniis: de collegiis: de jure in subditos, servos.* 116  
VI. *De acquisitione derivativa facto hominis, ubi de alienatione imperii, & rerum imperii.* 142

\*\*

VII.



## I N D E X.

VII. <i>De acquisitione derivativa quæ fit per legem: ubi de successione ab intestato.</i>	152
VIII. <i>De acquisitionibus, quæ vulgo dicuntur juris Gentium.</i>	184
IX. <i>Quando imperia vel dominia desinant.</i>	193
X. <i>De obligatione, quæ ex dominio oritur.</i>	202
XI. <i>De promissis.</i>	212
XII. <i>De contractibus.</i>	234
XIII. <i>De jurejurando.</i>	261
XIV. <i>De eorum qui summum imperium habent, promissis &amp; contractibus &amp; juramentis.</i>	276
XV. <i>De fœderibus ac sponsionibus.</i>	289
XVI. <i>De interpretatione.</i>	299
XVII. <i>De damno per injuriam dato, &amp; obligatione, quæ inde oritur.</i>	326
XVIII. <i>De legationum jure.</i>	337
XIX. <i>De jure sepulturae.</i>	350
XX. <i>De pœnis.</i>	356
XXI. <i>De pœnarum communicatione.</i>	383
XXII. <i>De causis injustis.</i>	396
XXIII. <i>De causis dubiis.</i>	402
XXIV. <i>Monita de non temere, etiam ex justis causis, suscipiendo bello.</i>	410
XXV. <i>De causis belli pro aliis suscipiendi.</i>	412
	XXVI.

# CAPITULUM.

XXVI. *De causis justis, ut bellum geratur  
ab his, qui sub alieno imperio sunt.* 418

## LIB. III.

- |       |   |     |
|-------|---|-----|
| I.    | <i>Quantum in bello liceat, regulæ generalès<br/>ex jure naturæ: ubi &amp; de dolis &amp; menda-<br/>cio.</i> | 424 |
| II.   | <i>Quomodo jure gentium bona subditorum<br/>pro debito imperantium obligentur: ubi<br/>de repressaliis.</i>   | 440 |
| III.  | <i>De bello justo solenni jure Gentium:<br/>ubi de indictione.</i>  | 448 |
| IV.   | <i>De jure interficiendi hostes in bello so-<br/>lenni, &amp; alia vi in corpus.</i>                          |     |
| X.    | <i>Monita de his quæ fiunt in bello injusto.</i>  |     |
| XI.   | <i>Temperamentum circa jus interficien-<br/>di in bello justo.</i>  | 453 |
| V.    | <i>De rebus vastandis eripiendisque.</i>  |     |
| XII.  | <i>Temperamentum circa vastationem &amp;<br/>similia.</i>   | 462 |
| VI.   | <i>De jure acquirendi bello capta.</i>  |     |
| XIII. | <i>Temperamentum circa res captas.</i>  | 467 |
| VII.  | <i>De jure in captivos.</i>   |     |
| XIV.  | <i>Temperamentum circa captos.</i>  | 477 |
| VIII. | <i>De imperio in victos.</i>  |     |
| XV.   | <i>Temperamentum circa acquisitionem<br/>imperii.</i>   | 485 |
|       | ** 2  | IX. |

## INDEX CAPITUM.

- {IX. *De postliminio.*  
 {XVI. *Temperamentum circa ea, quæ jure  
 Gentium postliminio carent.* 490  
 X. seu XVII. *ap. Gr. De his qui in bello  
 medii sunt.* 499  
 XI. seu XVIII. *ap. Gr. De his quæ in bello  
 privatim sunt.* 504  
 XII. seu XIX. *ap. Gr. De fide inter hostes.*  
 507  
 XIII. seu XX. *ap. Gr. De fide publica,  
 qua bellum finitur: ubi de pacis pactione,  
 de sorte, de certamine condicito, de arbi-  
 trio, deditioe, obsidibus, pignoribus.* 514  
 XIV. seu XXI. *ap. Gr. De fide, manente bel-  
 lo; ubi de induciis, comœatu, captivo-  
 rum redemptione.* 540  
 XV. seu XXII. *ap. Gr. De fide minorum  
 potestatum in bello.* 554  
 XVI. seu XXIII. *ap. Gr. De fide privata  
 in bello.* 559  
 XVII. seu XXIV. *ap. Gr. De fide tacita.*  
 363  
 XVIII. seu XXV. *ap. Gr. Conclusio, cum  
 monitis ad fidem & pacem.* 565


PRO-

## PROLEGOMENA.

- |   |   |
|---|---|
| I. An homo ad pacem, an<br>ad bellum natus sit. | ad bellum.  |
| II. Unde probetur, cum ad<br>pacem natus,       | IV. Cur plures homines tam<br>proni sint ad bellum. |
| III. Cur homo non sit natus                     | V. Quando bellare liceat.                           |

## I.

*Status, in quo homo est creatus & natus,  
est ne status belli an pacis?*

**R.** omo creatus & natus est ad pacem colendam cum omnibus, & in societate particulari & universalis omnium gentium cum ipso viventibus.

Grot. l. 3.  
c. ult. §. 2.  
in fin. &  
seq. in Pro-  
leg. n. 16.

## II.

*Unde hoc probatur?*

**R.** Ex appetitu societatis eccellente & ipsius naturæ conveniente: in bello enim nulla est societas, sed summa dissociatio.

Grot. in  
Proleg. n. 7.  
& 8. l. 1. c. 1.  
§. 2. l. 3. c. 4.  
§. 8.

## III.

*Verum homo non videtur ad societatem natus, sed ad bellum in omnes?*

**R.** Imo ad societatem natus est;  
I. Quia homini congenita est facultas sciendi & agendi secundum generalia

Hobbes de  
Civ. c. 9. §.  
3. Pufend.  
l. 2. c. 2. per  
tot. Grot. in  
Proleg. n. 7.  
& 8.

A

præ-

Grot. l. 2. c.  
5. §. 8. c. 7.  
§. 4. in Pro-  
leg. n. 16.  
§. 22.

præcepta, sc. ut honestè vivat, neminem lædat, & jus suum cuique tribuat: quorum extra societatem nullus est usus. 2. Quia solus inter animantes est instructus sermone. 3. Quia extra societatem nec nascitur, nec conservari, nec educari potest. Est enim 4. infirmus & multarum rerum ad vitam recte ducendam egens; imò nec ulla tam valida est civitas, quæ non aliquando aliorum extra se ope indigere possit, vel ad commercia, vel etiam ad arcendas multarum externarum gentium junctas inter se vires.

## IV.

*Unde ergo est, quod plures homines & populi, eorumque Rectores, tam proni sint in bellum?*

Grot. l. 1. c.  
1. §. 12. in  
med. l. 2. c.  
22. §. 17. n.  
2. dist. 6. 22.  
§. 1.

R. 1. Causa est malitia eorum. 2. effrenis augendæ propriæ potentiæ libido. 3. alienis inhians cupiditas, quibus 4. interdum accedit sævitæ voluptas.

## V.

Grot. l. 1. c.  
2. c. 3. §. 2.  
§. 1. 2. c. 1.  
§. 2.

*Quando licet bellare?*  
R. Si justa subsit causa.

# INSTITUTIONES JURIS

## NATURÆ ET GENTIUM.

### C A P. I.

#### Quid Bellum, quid Jus?

- |   |  |
|---|--|
| <p>I. <i>Quid sit bellum.</i><br/>         II. <i>Quotuplex sit bellum.</i><br/>         III. <i>An in bello jus observetur.</i><br/>         IV. <i>Quotuplex sit significatio juris.</i><br/>         V. <i>Quid sit injustum.</i><br/>         VI. <i>Quotuplex sit justum.</i><br/>         VII. <i>Unde justii divisio in rectorium &amp; æquatorium probetur.</i><br/>         VIII. <i>Quæ sit secunda juris significatio.</i><br/>         IX. <i>An qualitas moralis personæ tantum competat.</i><br/>         X. <i>Quotuplex sit hæc qualitas moralis.</i><br/>         XI. <i>Quid sit facultas.</i><br/>         XII. <i>Quæ sub ea contineantur.</i><br/>         XIII. <i>Quotuplex sit.</i><br/>         XIV. <i>Quid sit vulgaris.</i><br/>         XV. <i>Quid eminens.</i><br/>         XVI. <i>Cur facultas eminens dicatur superior vulgari.</i><br/>         XVII. <i>Quid sit qualitas moralis minus perfecta.</i><br/>         XVIII. <i>Quæ justitia in facultate respiciatur.</i><br/>         XIX. <i>Quæ in aptitudine.</i><br/>         XX. <i>Quæ sit tertia juris significatio.</i><br/>         XXI. <i>Quomodo in hac ter-</i></p> | <p><i>tia significacione dividatur.</i><br/>         XXII. <i>Quid sit jus divinum.</i><br/>         XXIII. <i>Quotuplex.</i><br/>         XXIV. <i>Quid sit jus morale.</i><br/>         XXV. <i>Quotuplex.</i><br/>         XXVI. <i>Quid sit jus divinum positivum.</i><br/>         XXVII. <i>Quid sit jus naturæ.</i><br/>         XXVIII. <i>Quæ dicantur honesta.</i><br/>         XXIX. <i>Quæ turpia.</i><br/>         XXX. <i>Cur hæc determinentur ex natura societatis humane.</i><br/>         XXXI. <i>Quid si quis negaret dari jus naturæ.</i><br/>         XXXII. <i>Unde probetur dari jus naturæ.</i><br/>         XXXIII. <i>Quotuplex sit jus naturæ.</i><br/>         XXXIV. <i>An sit perpetuum.</i><br/>         XXXV. <i>An mutari possit.</i><br/>         XXXVI. <i>An bruta sint capacia juris naturæ.</i><br/>         XXXVII. <i>Quomodo probetur aliquid esse juris naturæ.</i><br/>         XXXVIII. <i>Quid tandem circa jus naturæ sit notandum.</i></p> |
|---|--|

XXXIX. Quid sit jus gentium.

XL. Cur Deus hoc jus constituerit.

XLI. Quodnam ejus juris sit fundamentum.

XLII. An jus naturæ & gentium sint diversa.

XLIII. Quomodo probetur

allquid esse juri gentium.

XLIV. In quem usum jns divinum positivum in his quæstionibus adhibeatur.

XLV. Quid sit jus humanum.

XLVI. An hoc jus in decidendis de jure belli quæstionibus adhibeatur.

## I. Quid est Bellum?

Grot. l. 1. c. 2.  
§. 2. c. 3.  
§. 2. l. 2. c.  
23. §. 6. seq.



**B**ellum est status per vim certantium, quæ tales sunt, i. e. quamdiu in tali statu vivunt, & jus suum alio modo consequi non possunt, quàm per bellum. Et sic est status subsidiarius.

### II. Quotuplex est bellum?

**R.** Bellum est vel privatam, vel publicum, vel mixtum. Privatam prius est: quia societates privatæ seu minores sunt priores societatibus publicis seu majoribus; & inter illas non minus, quàm in his & inter has justitia est administranda.

### III. An in bello jus observatur?

Grot. l. 1. c.  
1. princ.

Grot. in  
Proleg. §.  
25. seq.

**R.** Jus naturæ & gentium, quia  
1. hæc jura obligant omnes homines, & eos qui habent summum Imperium, & eos qui his obediunt. 2. Omni tempore, sc. tempore pacis & tempore belli:

li; bella enim suscipi non debent, nisi ad juris consecutionem, nec suscepta geri, nisi intra juris & fidei modum.

IV. *Quotuplex est significatio juris?*

℞. Triplex. in prima, jus nihil aliud, quam quod justum est, significat, idque negante magis sensu, quam agente, ut jus sit quod injustum non est. Groto. l. 1. c. 1. §. 3. n. 1.

V. *Quid est injustum?*

℞. Injustum est, quod naturæ societatis ratione utentium repugnat. Sic alteri detrahere commodi sui causa, contra naturam est, quia id si fiat, societas hominum & communitas evertatur necesse est. Groto. d. 1.

VI. *Quotuplex est justum?*

℞. Aliud est ex æquo inter se viventium, quod æquatorium: aliud ejus qui regit & qui regitur, qua tales sunt, quod rectorium vocatur. Groto. l. 1. c. 1. §. 3. n. 2.

VII. *Unde hæc divisio justis probatur?*

℞. Quia societas alia est æqualis, ut inter fratres, cives, amicos, foederatos; alia inæqualis, ut inter maritum & uxorem, patrem & liberos, dominum & servum, regem & subditos. Groto. i. 2. c. 5. §. 23. l. 1. c. 3. §. 21. Junia. 2. o. §. §. 17. l. 2. c. 15. §. 6. & seq. l. 2. c. 5. §. 8. & 1. & seqq. & §. 26. 27. & seqq. l. 1. c. 3. §. 7. & seqq.

VIII. *Quæ est secunda juris significatio?*

℞. In secunda significatione, jus est Groto. l. 1. c. 1. §. 4.  
A 3 qua-



qualitas moralis, personæ competens, ad aliquid iuste habendum vel agendum.

IX. *An hæc qualitas moralis personæ tantum competit?*

Grot. d. l.

R. Personæ tantum competit, etiam si rem interdum sequatur, i. e. etiam si propter rem competat, & ad quemcunque possessorem transeat. Sic servitutes prædiorum jura realia dicuntur, comparatione facta ad alia mere personalia: non quia non ipsa quoque personæ competant, sed quia non alii competunt, quam qui rem certam habeat.

§. 3. l. de  
servit.  
præd. pr. l.  
de usufr.

X. *Quotuplex est hæc qualitas moralis?*

Grot. d. l.

R. Duplex. perfecta, quæ facultas; & minus perfecta, quæ aptitudo dicitur.

XI. *Quid est facultas?*

Grot. l. l. c.  
l. §. 5.

R. Facultas, quam Jurisconsulti nomine sui appellant, est jus proprie & stricte dictum, quod actionem efficacem producit.

Grot. d. l. l. l.  
c. 3. §. 22. l.  
2. c. 5. §. 1.  
& seqq. &  
§. 27. l. 10.  
11. & 49.  
D. de verb.  
signif.

XII. *Quanam sub hac facultate, sive jure proprie dicto continentur?*

R. Potestas tum in se, quæ libertas dicitur, tum in alios, ut patria, dominica: dominium plenum & minus plenum;

num; & creditum, cui ex adverso respondet debitum.

XIII. *Quotuplex est hæc facultas?*

R. Vulgaris, & eminentis.

Groc. l. 1. c. 1.  
1. §. 6.

XIV. *Quid est vulgaris?*

R. Quæ usus particularis causa comparata est.

Grot. d. 1.

XV. *Quid eminentis?*

R. Quæ superior est jure vulgari, utpote communitati competens in personas earumque res, boni communis causa.

Grot. d. 1.

XVI. *Cur dicitur hæc facultas eminentis superior vulgari?*

R. Quia vulgaris ab eminente dependet, quatenus regia potestas eminenter sub se habet maritalem, patriam, & dominicam potestatem; & in res singulorum majus est reip. dominium, ad bonum commune, quam dominorum singularium: sic reipublicæ quisque ad usus publicos magis obligatur, quam creditori. Plura de hac eminenti facultate vid. l. 2. c. 2. *quest.* 10. 11. & *seq.*

Grot. d. 1.

XVII. *Quid est qualitas moralis minus perfecta?*

R. Qualitas moralis minus perfecta sive aptitudo, est jus minus proprie dictum, quod jus habendi & petendi

Grot. l. 1. c. 1. §. 7.

juxta alios producit.

XVIII. *Quæ justitia respicitur in facultate sive in jure strictè dicto?*

Grot. l. 2.  
c. 17. §. 2.  
n. 2. §. 3.

R. Justitia expletrix, sive commutativa, qua unicuique tribuitur, quod ipsi tanquam uni ex singulis peculiari-ter debetur.

XIX. *Quæ in aptitudine sive in jure minus proprie dicto?*

R. Justitia attributrix, sive distribu-tiva, qua unicuique tribuitur, quod ipsi in civitate debetur ex rebus com-munibus, ideo quia civis est.

XX. *Quæ est tertia juris significatio?*

Grot. l. 1.  
c. 1. §. 9.

R. In tertia significatione, jus idem valet quod lex, quoties vox legis lar-gissime sumitur, ut sit regula actuum moralium obligans ad id, quod rectum est.

XXI. *Quotuplex est jus?*

R. Est vel divinum, vel humanum.

XXII. *Quid est jus divinum?*

Seld. l. 1.  
c. 10.

R. Jus divinum est jus, quod aucto-re Deo latum est.

XXIII. *Quotuplex est jus divinum?*

R. Est vel morale, vel positivum.

XXIV. *Quid est jus morale?*

R. Jus morale est jus, quod obligat omnes homines & omnes gentes.

XXV. *Jus morale quotuplex est?*

R. Vel

R. Vel est jus naturæ, vel jus gentium.

XXVI. *Quid est jus divinum positivum?*

R. Jus divinum positivum est jus, quod obligat certam gentem, e. g. Judæos; & est vel forense vel ceremoniale.

XXVII. *Quid est jus naturæ?*

R. Jus naturæ est jus, quod Deus per rectam rationem inter omnes homines constituit, propter honestatem & turpitudinem.

Grot. l. 1. c. 1. §. 10. n. 1.

XXVIII. *Quæ dicuntur honesta?*

R. Honestæ dicuntur omnia, quæ cum natura societatis humanæ conveniunt, & omnino requiruntur ad ejus conservationem; ut amare Deum ex toto corde, & proximum ut seipsum.

Grot. l. 1. c. 1. §. 10. n. 2. Puf. in spic. Controu. c. 5. §. 6. & 7. Grot. l. 1. c. 1. §. 3.

XXIX. *Quæ dicuntur turpia?*

R. Quæ non conveniunt cum natura societatis humanæ, ordinem in ea tollunt, & omnino eam destruunt; ut negare Deum vel verbis vel factis, falsos Deos colere, inobedientia erga superiores, impietas in parentes, inhumanitas in proximum.

Boet. in Proleg. p. 60. Grot. l. 2. c. 20 §. 44. n. 3-4-5. 6. & §. 45. & §. 46. n. 4

XXX. *Cur hæc ita determinantur ex natura societatis humanæ?*

R. Quia jus naturæ propter confer-

vationem societatis humanæ & ordinatæ est latum: ergo quæ cum ea conveniunt, eamque conservant, rectè dicuntur honesta, & quæ non conveniunt cum ea & eam destruunt, dicuntur turpia.

XXXI. *Quid, si quis negaret dari jus naturæ?*

*Grot. in Proleg. n. 5.*

Æ. Carneades antiquus Philosophus id olim negavit, & putavit omnia jura utilitatis tantum gratia esse lata: adeoque jus naturæ vel nullum esse, vel esse stultitiam, quia vult, ut sibi quis noceat alienis commodis consulens. Quæ opinio falsa est. 1. Quia etiamsi nulla re indigeremus, jus naturæ futurum fuisset, latum cum ipsa humana natura, ut in societate ordinata tranquillè vitam transigere possemus. 2. Jus naturæ non vult, ut nobis noceamus & alienis commodis consulamus; sed ut amemus proximum ut nos ipsos, & nostram utilitatem jungamus cum utilitate proximi nostri; seu non debemus tanti facere propriam utilitatem, ut propterea communia populorum jura negligamus: quod enim mihi licet in proximum, id ipsi licet in me. Sic populus jura naturæ & gentium violans, suæ tranquillitatis in posterum rescin-

*Proleg. n. 6.  
Pl. l. 1. c. 2.  
§. 1. n. 6. c. 3.  
§. 3. n. 3.*

*In proleg.  
n. 18.  
Puf. l. 2.  
c. 3. §. 10.  
in med.*

scindit munimenta 3. Sapientiae, non stultitiae est eò ferri, ad quod à natura nostra nos duci sentimus.

XXXII. *Unde probatur dari jus naturæ?*

R. 1. Quia inter homines naturales dantur societates, ergo etiam naturale datur jus; nulla enim societas sine jure conservari potest, nec nuptialis, nec paterna, nec herilis &c. 2. Quia omnes homines, qui male quid egerunt, etiam illi, qui vel legem à Deo expresse non acceperunt, vel quibus ab hominibus metus nullus impendet, vel quod Principes sint, vel quod occultissimè gesta res sit, terrentur in conscientia, ut vocant, & metuunt poenam, ergo propter transgressionem legis, quæ non est alia, quam illa, quæ nata est cum ipsis, & per rectam rationem à Deo in cordibus ipsorum lata.

Grot. in Proleg. n. 23 § 20. l. 3. c. 3. §. 2. n. 1.

XXXIII. *Jus naturæ quotuplex?*

R. Aliud est jus naturæ absolutum, quod omni tempore & omni loco hominem obligat; aliud est hypotheticum, quod præsupponit factum humanum, quo posito obligat, e. g. Deum colere, honestè vivere, sunt juris naturæ absoluti: homines enim semper & omni in loco Deo cultum debent, **omnis**

*Grot. l. 1. c. 1. §. 10. n. 4.* omnis homo omni tempore & loco honeste vivat: furtum non facere, est juris naturæ hypothetici, quod præsupponit distinctionem dominiorum, quâ positâ, obligat; ante eam furtum non est.

**XXXIV.** *Jus naturæ estne perpetuum, an vera mutari potest?*

*R.* Jus naturæ est immutabile, adeo ut ne a Deo quidem mutari queat: licet enim libere ab initio hominem creaverit, tamen dum ipsum animal sociale creavit, & propterea hoc jus ipsi concreavit, quamdiu hominis naturam non mutat, tamdiu jus naturæ mutare non potest: & Deus non potest velle, ut homo vivat in societate ordinata, & tamen tollere illud jus, quod ordinem constituit & conservat in societate. Dei enim potentia ad impossibilia se non extendit.

*Grot. l. 1. c. 1. §. 10. n. 5.*  
*Puf. l. 2. c. 3. §. 5.*

**XXXV.** *Objectum juris naturæ an Deus mutare potest?*

*R.* Quia Deus est supremus Dominus & auctor vitæ & rerum nostrarum, de iis pro lubitu suo disponere potest: & si jubeat hominem occidi, non erit homicidium, quia exemit hunc hominem ex numero eorum objectorum, quæ comprehendebantur sub

sub isto præcepto *non occidas*: si jubeat alicui auferri res suas, non erit furtum, quia objectum hujus præcepti *furtum non facias*, à Deo est mutatum. Et hæc mutatio objecti non est confundenda cum mutatione juris naturæ ipsius.

XXXVI. *An bruta sunt capacia juris naturæ?*

R. Non: juris enim capax non est, nisi natura præceptis utens generalibus. Grot. l. 1. c. 1. §. 11. n. r.

XXXVII. *Quomodo probatur aliquid esse juris naturæ?*

R. 1. Si ostendatur alicujus rei convenientia aut disconvenientia cum natura rationali ac sociali. 2. Quicquid apud omnes gentes, quæ ratione sua recte utuntur, i. e. ut ipsorum ratio conveniat cum natura, creditur esse juris naturæ: nam universalis effectus universalem requirit causam, talis autem existimationis causa nulla alia videtur esse, præter sensum ipsum communem. Grot. l. 1. c. 1. §. 12. n. r. aliter Seld. l. 1. c. 4. §. 5. Pufend. l. 2. c. 3. §. 7. Boeckl. bic.

XXXVIII. *Quid tandem notandum circa jus naturæ?*

R. Quædam juris naturalis non proprie dicuntur, sed, ut scholæ loqui amant, reductive, quibus jus naturale non Grot. l. 1. c. 1. §. 10. n. 3. l. 1. c. 4. §. 19. l. 3. c. 13. §. 4.



non repugnat. interdum etiam per abusionem ea, quæ ratio honesta, aut oppositis meliora esse indicat, etsi non debita, solent dici juris naturalis.

XXXIX. *Quid est jus gentium?*

*aliter Grot. l. 1. c. 1. §. 14. aliter Boeckl. c. 1. §. 14. p. 169. & Pufend. l. 2. c. 3. §. fin. Grot. in Proleg. n. 17.*

R. Jus gentium est jus, quod Deus per rectam rationem inter omnes gentes, propter communem necessitatem & utilitatem constituit.

XL. *Cur Deus hoc jus constituit?*

R. Quia in magna hac gentium civitate non requiruntur tantum jura, quæ ipsam constituunt & conservant: verum requiruntur & alia, quæ faciunt, ut beatudinem in ea & tranquillitatem consequamur majorem, & commodiorem.

XLI. *Quodnam ergo est fundamentum hujus juris?*

*Str. Synt. Jur. Civ. Ex. 1. tb. 55. Grot. l. 2. c. 5. §. 13. n. 3.*

R. Communis inter omnes gentes utilitas & necessitas: sic apud omnes gentes utile ac necesse est, ut matrimonium inter fratres & sorores sit prohibitum, ut constituentur in unaquaque civitate certi magistratus, ut dominia distinguantur, ut sit libertas transfundi per territorium alterius, commercia exercendi, legatos mittendi, foedera faciendi, ut certis ritibus & certo modo bellum geratur.

XLII.

XLII. *An ergo jus naturæ & gentium non est idem?*

R. Non. 1. Jus naturæ est constitutum propter honestatem & turpitudinem; jus gentium propter communem necessitatem & utilitatem. 2. Jus naturæ omnino est immutabile; jus gentium mutari potest: vel potius non obligat, quando cessat ratio communis utilitatis & necessitatis; hinc tempore belli, quia nobis non est utile, ut hostis per territorium nostrum transeat, vel commercia in eo & per illud exercent, hoc jus gentium nos non obligat.

XLIII. *Quomodo probatur aliquid esse juris gentium?*

R. 1. Si contineat communem utilitatem vel necessitatem inter omnes gentes. 2. Si omnes gentes, quæ ratione sua rectè utuntur, i. e. quatenus illa convenit cum communi utilitate vel necessitate, aliquid dicunt esse juris gentium.

*aliter Groc.  
l. 1. c. 1. §.  
14. n. 1.*

XLIV. *Jus divinum positivum per Mosem datum, quemnam usum habet in hac de jure belli & similibus quæstionibus?*

R. Lex Hebræa ostendit id, quod ea lege præcipitur, non esse contra jus  
na-

naturæ. Nam cum jus naturæ sit perpetuum & immutabile, non potuit a Deo, qui injustus nunquam est, quicquam adversus id jus præcipi.

XLV. *Quid est jus humanum?*

Grot. in  
Proleg. §.  
17. & lib. 1.  
c. 1. §. 14.

℞. Jus humanum est jus, quod a potestate civili, seu ab eo, qui habet majestatem, in propriam suæ civitatis utilitatem & necessitatem est latum.

XLVI. *Hoc jus an in decidendis quaestionibus de jure belli adhibetur:*

Grot. in  
Proleg. §.  
25. & 26. l.  
1. c. 1. in pr.  
c. 3. §. 7. n. 1.

℞. Non. quia jus civile eos, qui habent majestatem, & inter quos bella geruntur, non obligat: sed tantum subditos istius majestatis, quæ tulit jus civile.

C A P U T II.

An bellare unquam justum sit.

I. *An bellare licent.*

II. *Quid sint prima natura.*

III. *An prima naturæ per se sufficiant ad probandum jus naturæ.*

I. *An bellare unquam justum est?*

Grot. l. 1. c.  
2. §. 1. n. 1.  
4. dissent.  
Feld. bic.  
jung. Proleg.  
n. 29.  
aliter O-  
fiand b. l.  
Grot. l. 1. c.  
2. §. 1. n. 5.  
& 6.

℞. **A**ffirmatur. 1. Quia prima naturæ a recta ratione disposita & determinata hoc permittunt & volunt: finis enim belli est vitæ membrorumque conservatio, & rerum ad vitam utilium aut retentio, aut acquisitio. 2. Quia recta ratio istam tantum vim

vim inhibet, quæ societati repugnat, i. e. quæ jus alienum tollit, qualis non est vis bellica, nisi sit injusta. 3. Quia S. Scriptura hoc permittit, & bella probat; non tantum quia Deus Israelitis bellare mandavit contra septem populos ab ipsis excidendos, unde & hæc bella Dei bella in Sacris literis nominantur: verum etiam quia Deus de modo gerendi belli populo suo leges generales ac perpetuas præscripsit Deut. 20. v. 10. 15. 4. Quia omnes gentes hoc statuunt. 5. Quia communis necessitas & utilitas inter omnes gentes id exigit.

Grot. dict.  
loc. §. 2. th.  
1. Ep. 2.  
Seld. l. 6.  
c. 12.

dict. c. 2.  
§. 3. dict.  
c. §. 4. sed  
aliter.

II. *Quia diximus de primis naturæ, quid sunt prima naturæ?*

Prima naturæ vocantur, quod simulatque natum est animal, ipsum sibi conciliatur & commendatur ad se conservandum, atque ad suum statum & ad ea, quæ conservantia sunt ejus status, diligenda; alienatur autem ab interitu iisque rebus, quæ interitum videntur afferre: hinc singulis animantibus vires sunt a natura attributæ, ut sibi tuendis juvandisque sufficiant:

Grot. l. 1.  
c. 2. §. 1.  
n. 1. Ep. 4.  
2. c. 17. §.  
2.

dict. cap. §.  
1. n. 4.

*Sentit enim vim quidque suam, qua possit abuti:*

*Cornua nota prius vitulo, quam frontibus extant.*

B Ib

*Illis iratus petit atque infensus in-  
urget.*

III. *An hæc prima naturæ per se suffi-  
ciunt ad probandum jus naturæ?*

R. Non, nisi convenient cum ipsa  
ratione, quæ corpore est potior, atque  
hæc convenientia, in qua honestum sit  
propositum, pluris est facienda, quam  
ad quæ sola primum animi appetitio  
ferebatur; quia prima naturæ commen-  
dant nos rectæ rationi, quæ nobis ca-  
rior esse debet, quam illa, a quibus ad  
eam venerimus.

Grot. I. 1.  
c. 2 §. 1. et 2.

### C A P U T III.

Belli partitio in publicum, privatum,  
& mixtum. Summi imperii  
explicatio.

- |   |   |
|---|---|
| I. <i>Quæ sit prima belli divi-<br/>sio.</i>  | XI. <i>Quando magistratus<br/>possit bellum gerere.</i>                                       |
| II. <i>Quid sit bellum publi-<br/>cum.</i>  | XII. <i>An injuriam invasio-<br/>nis persequi &amp; vindicare<br/>possit.</i>                 |
| III. <i>Quid privatum.</i>  | XIII. <i>An non sufficiat con-<br/>jectura voluntatis.</i>                                    |
| IV. <i>Quid mixtum.</i>   | XIV. <i>Quid si ipsi conceda-<br/>tur facultas belli incipien-<br/>di.</i>                    |
| V. <i>An post instituta judicia<br/>publica bellum privatum li-<br/>cite geri possit.</i> | XV. <i>An ad tuendam ple-<br/>bem &amp; exercendam jurif-<br/>dictionem habeat jus belli.</i> |
| VI. <i>Quando bellum priva-<br/>tum sit permissum.</i>                                    | XVI. <i>Quid sit Majestas.</i>  |
| VII. <i>Quæ modis &amp; quando<br/>cesset iudicium.</i>                                   | XVII. <i>Cur dicatur summa.</i>   |
| VIII. <i>Quotuplex sit bellum<br/>publicum.</i>   | XVIII. <i>An adus ejus a ne-<br/>mine possint videri irriti.</i>                              |
| IX. <i>Quid sit bellum solemne.</i>   | XIX.  |
| X. <i>Quid minus solemne.</i>   |   |

- XIX. Quotuplex sit subiectum maiestatis.
- XX. Quid commune subiectum.
- XXI. An populi, qui in alterius ditionem concesserunt, habeant maiestatem.
- XXII. Quid si plures populi unum habeant caput, an singuli maiestatem retineant.
- XXIII. Unde hoc constet.
- XXIV. An durante domo regnatrice, populus habeat maiestatem.
- XXV. An civitates artificissimo foedere iuncta singule retineant maiestatem.
- XXVI. Quid sit subiectum maiestatis proprium.
- XXVII. Cur vocatur proprium.
- XXVIII. Quot sint iura Maiestatis.
- XXIX. Cur quidam admittant maiestatem realem.
- XXX. Unde probetur maiestatem non esse populi.
- XXXI. An haec tantum in monarchiis obtineant.
- XXXII. An populus, quia regem constituit, rege sit superior.
- XXXIII. An populus, quia omne regimen eorum causa qui reguntur, est comparatum, sit supra regem.
- XXXIV. An rex male imperans non subiciatur populo.
- XXXV. An ex nomine & externa administrationis specie de summa potestate
- judicari possit.
- XXXVI. An ex imperii delatione per electionem aut successionem.
- XXXVII. An imperium summum diverso modo haberi possit.
- XXXVIII. An detur monarcha temporarius.
- XXXIX. Quomodo imperia possint esse in patrimonio.
- XL. An populus alienari possit.
- XLI. An jus regendi populum devictum sit in patrimonio populi.
- XLII. An regna populi voluntate delata alienari possint.
- XLIII. An feminitas imperii distingui possit ab habendi plenitudine.
- XLIV. Quorum sit tutela cum rex potestate fungit non potest.
- XLV. An rex promittens aliquid Deo aut subditis retineat summum imperium.
- XLVI. Quid si addatur, si rex fidem fallat, ut cum regno cadat.
- XLVII. An summum imperium dividi possit.
- XLVIII. Quid si populus futuro regi aliquid imperet per modum mementois precepti, aut si quid sit additum, quo intelligatur, regem cogi aut puniri posse.
- XLIX. Si talis partitio instituat, qualis sit resp.
- L. An ex tali statu bicipi-

- ti non oriantur multa in-  
commoda.
- LI. Quid si reges acta sua  
a senatu probari velint.
- LII. An inaequaliter fede-  
ratus summum imperium  
babeat.
- LIII. An ipsi tale inaequale  
fedus expediat.
- LIV. An summum imperium  
babeant qui certi quid per-

stant.

- LV. An illi, qui nexu seu-  
dali tenentur.
- LVI. An ex administrandis  
modo summum imperium  
semper dignosci possit.
- LVII. Unde probetur mo-  
dum administrandi ab ip-  
so summo imperio diver-  
sum esse posse.

### I. Quae est belli prima & necessaria partitio?

Grot. l. 1.  
c. 3. §. 1.  
n. 1. & §.  
4. n. 3.

℞. **B**ellum aliud est privatum, aliud  
publicum, aliud mixtum.

#### II. Quid est bellum publicum?

℞. Bellum publicum est, quod ge-  
ritur auctore eo, qui habet jurisdic-  
tionem, i. e. summum imperium, vel in-  
terdum imperium summò minus.

#### III. Quid est privatum?

dist. c. 3.  
§. 1. n. 1.  
c. 4. §. 1.  
n. 1.

℞. Bellum privatum est, quod ge-  
ritur a privato in privatum, e. g. a vi-  
atore in latronem.

#### IV. Quid est mixtum?

dist. c. 4.  
§. 1.

℞. Quod ex una parte est publicum,  
ex altera privatum, e. g. quod privatus  
gerit in eum, qui summo utitur impe-  
rio, at non in se; aut quod summum  
imperium habens gerit in privatos sibi  
non subjectos.

#### V. An post instituta judicia publica bel-

*bellum privatum licitè geri potest?*

¶. Non potest, nisi certis in casibus: quia 1. frustra instituta esset iudiciorum auctoritas. Et non est singulis concedendum, quod per magistratum publicè potest fieri, ne occasio sit majoris tumultus faciendi. 2. Quia legum nulla esset reverentia; ideo enim latae sunt, ut nihil manu, nihil proprio ageretur impulsu: quid enim a bellica confusione pax tranquilla distat, si per vim litigia terminantur? Et vim vocant leges, quoties quis id, quod deberi sibi putat, non per iudicem reponit.

Grot. diſt.  
c. 3. §. 1.  
n. 2. l. 2.  
c. 1. §. 14.  
in fin.

diſt. l. 1. c.  
3. §. 1. n.  
2. in fin.

VI. *Qui sunt isti casus, ubi bellum licitè inter privatos geri potest?*

¶. Ubi iudicia cessant: nam lex vetans sine iudicio suum consequi, intelligi commode debet, ubi copia est iudicii: nam ubi iudicia deficiunt, incipit bellum.

diſt. c. 3.  
§. 2. n. 1.  
l. 2. c. 1.  
§. 2.

VII. *Quot modis cessat iudicium?*

¶. Duobus: momentanee, aut continue. Momentanee, quando eo ipso momento vel tempore, quo vi certatur, non potest iudex exspectari sine certo periculo aut damno, e. g. in necessaria defensione suae vitae.

diſt. c. 3.  
§. 2. l. 2.  
c. 1. §. 3.  
§. 5.

Continue, quando non tantum eo

Grot. l. 2.  
c. 20. §. 8.



momento, quo vi decertatur, iudicis copia haberi non potest, verum etiam tempore successivo: idque aut jure, aut facto; jure, si quis versetur in locis, ubi nulla est civitas, neque spes sit, adversam partem venturam in locum, ubi civitas est, ut si versetur in insulis vacuis, solitudine, mari, aut locis non occupatis. facto, ut si quidem versetur in loco, ubi iudicis copia haberi potest, sed subditi non audiant iudicem, & nullo jure recusent pati executionem fieri, vel si iudex aperte dicat, se mihi non administraturum jus, aut malitiose de die in diem, de anno in annum protrahat.

Grot. l. 2.  
c. 3. §. 2.  
n. 1.

VIII. *Quotuplex est bellum publicum?*

℞. Duplex: solenne, & minus solenne.

IX. *Quid est solenne?*

℞. Quod geritur auctore eo, qui summam potestatem habet in civitate, & cui ritus quidam adsunt, scilicet denunciatio.

X. *Quid minus solenne.*

℞. Quod ritibus illis carere potest, & geri in privatos, & auctorem habere magistratum.

XI. *Quando magistratus potest bellum gerere?*

℞. Si

Grot. d. l.  
1. c. 3. §.  
4. aliter  
Ziegl.

Grot. dist.  
§. in fin.

Grot. l. 3.  
c. 3. §. 1.  
n. 2. §. 3.  
4. §. 5.  
Puf. l. 8.  
c. 6. §. 9.

Grot. dist.  
c. 3. §. 4.  
n. 2.

**R.** Si ita præfens sit periculum, ut tempus non ferat eum consuli, qui supremum in civitate jus habet, necessitas facultatem se defendendi concedit. diſt. c. 3. §. 4. n. 2. Covring de fin. Imp. c. 19.

Sic proreges, præfides provinciarum, præfecti caſtrorum &c. in caſu neceſſitatis contra aliorum invaſionem jure ſe defendunt, & videtur ſummum imperium habens maluiſſe civitatem quacunque ratione ſalutem ſuam procurare, quam ab hoſtibus capi.

**XII.** *Si rex injuriam invaſionis perſequi negligat, an eam perſequi & vindicare poſſunt?*

**R.** Non, quia bellum offenſivum tantum geritur auctore eo, qui habet ſummam poteſtatem. Grot. diſt. c. 3. §. 3. n. 3. in fin.

**XIII.** *An hic non ſufficit conjectura voluntatis, e. g. ſi occaſio detur eas feliciter vindicandi?*

**R.** Non. quia non ſufficit videre, quid hoc rerum ſtatu ſummam poteſtatem habenti, ſi conſulatur, placiturum ſit, ſed videndum, quid ille, ubi res moram fert, aut dubiam habet deliberationem, ſe inconſulto cupiat fieri: & licet hoc tempore & tali rerum ſtatu forte voluntas imperantis eſſet, ut bellum gereretur, tamen, quia ſi unusquisque magiſtratus hujus rei judicium ad

Grot. diſt. c. 3. §. 5. n. 3. Puf. l. 8. c. 6. §. 11.

se traheret, perpetuis periculis civitas exponeretur, quibus tamen ex natura & fine ejus est occurrendum, hoc permitti non debet. Imo, vel hoc summum imperium habenti displiceret, quod minister limites muneris sui excederet.

XIV. *Sed si in imperio latè patente inferiores potestates belli inchoandi concessam habeant facultatem?*

Grot. dist.  
p. 3. §. 5.  
n. 2.

R. Si hoc fiat, jam sane censendum erit, bellum geri ex vi summæ potestatis; nam quod faciendi quis jus alii dat, ejus ipse auctor censetur.

XV. *An extra hos casus non habent potestatem gerendi bellum, scilicet ad tuendam plebem & exercendam jurisdictionem, si vis occurrat?*

Ziegl. ad  
Grot. l. 1.  
c. 3. §. 4.  
n. 1. Puf.  
l. §. c. 6.  
§. 10. alii-  
ter Grot. l.  
1. c. 3. §. 5.  
n. 2. & 3.

R. Ad tuendam plebem & jurisdictionem exercendam non opus habent jure belli, sed modico imperio seu facultate ad coercendos refractarios, quæ concessa est omnibus, qui habent jurisdictionem; & si eorum tantus sit numerus, ut iis compescendis lictores aut apparitores non sufficiant, rectè summæ potestatis judicium super tali negotio expectant, hæc enim plebem tuetur, magistratus jurisdictionem exercet.

Ne-

Neque tamen propriè hæc vis coactiva, quam majestas rebellibus & refractariis opponit, bellum dici potest, quia hoc est inter pares, aut qui tales esse volunt.

*in Proleg.*  
§. 25.

XVI. *Verum quia bellum geritur ab eo, qui habet summam potestatem seu majestatem, quid est majestas?*

ꝛ. Majestas est summa potestas in civitate ubique, i. e. in personas & res.

XVII. *Cur dicitur hæc potestas summa?*

ꝛ. Quia actus ejus alterius juri non subsunt, ita ut alterius voluntatis humanæ arbitrio irriti reddi possint.

*Grot. l. 1. c. 3. §. 7. n. 1.*

XVIII. *An ergo actus ejus à nemine possunt reddi irriti?*

ꝛ. Tantum ab eo, qui summam potestatem habet, cui voluntatem mutare licet, ut & successori, qui eodem jure utitur, ac proinde eandem habet potestatem.

*Grot. d. 1.*

XIX. *Subjectum majestatis quod duplex?*

ꝛ. Est duplex: Commune seu essentialis, & proprium seu existentis.

*Grot. diff. §. 7. n. 1. &*

XX. *Quid est commune?*

*3. Lamp. de Rep. Rom. Germ. part. 1. §. 59. &*

ꝛ. Civitas, seu majestas non est, nisi in civitate: quæ est coetus perfectus li-

berorum hominum, juris fruendi & communis utilitatis causa sociatus: seu est societas magna ex pluribus minoribus composita, omnis pene sufficientiæ finem habens.

*XXI. Populi, qui concesserunt in alterius ditionem, habentne majestatem?*

*Grot. diff.*  
*§. 7 n. 2. l. 2.*  
*c. 9. §. 6.*

*R.* Non, quia non sunt civitas per se, aut coetus perfectus liberorum hominum, sed membra minus digna perfectæ civitatis, in cujus ditionem concesserunt, ut sunt provinciæ Romanorum, & quasi incorporantur, ut dicunt, regno alterius.

*XXII. Si ergo plures sint populi, qui singuli perfectum cœtum constituunt & unum caput habent, an singuli retinent majestatem?*

*diff. §. 7. n.*  
*2. l. 2. c. 9. §.*  
*9.*

*R.* Affirmatur. in morali enim corpore eadem persona potest esse caput plurium & distinctorum corporum diversa ratione considerata; secus ac in corpore naturali.

*XXIII. Unde hoc constat?*

*Grot. d. c. 3.*  
*§. 7. n. 2.*

*R.* Hujus rei certum indicium esse potest, si extincta domo regnatrice imperium ad quemcunque populum seorsim revertatur.

*XXIV. Ergone durante domo regnatrice*

*trix civitas ipsa seu populus non habet majestatem?*

R. Qui agnoscunt duplicem majestatem, realem scilicet & personalem, affirmant quæstionem: ii, qui agnoscunt saltem unam in una civitate, negant; quorum opinio verior est, 1. quia omne primum & summum debet esse solum. 2. quia in democratia hæc pluralitas ostendi non potest. 3. quia jura majestatis realis a juribus majestatis personalis diversa non dantur: & simulac à civitate transit in personam imperantis, desinit esse realis: sicut dum desinit esse personalis, iterum fit realis; & à Deo, ad quem revertitur, tanquam suam causam efficientem proximam & solam, populo iterum confertur.

*Limm. ad capit. Rudolph. II. art. 32. p. 533. Grot. dict. §. 7. n. 2. Boech. Inst. Pol. l. 2. c. 1. p. 94. & seqq. Fried. Hor. 2. Pol. c. 1. §. 10. aliter Pufendorf. l. 7. c. 3. §. 3. & seqq.*

*XXV. Civitates artificiose fœdere junctæ an singulæ retinent majestatem?*

R. Quia manent coetus perfectus, retinent sua jura, leges & libertatem, etiam retinent majestatem.

*Grot. dict. §. 7. n. 2. in fin. l. 2. c. 9. §. 9.*

*XXVI. Quod est subjectum majestatis existentie seu proprium?*

R. Ipsi imperantes, in quibus majestas existit, & per quos omnia in civitate disponuntur & diriguntur proprio nomine; persona una, pluresve, pro cu-

*Grot. dict. §. 7. n. 3.*

cujusque gentis legibus ac moribus.

**XXVII. Cur vocatur proprium?**

R. Quia ab eo resp: denominantur, & per illud à se invicem differunt: scilicet, si unus habeat majestatem, vocatur monarchia; si plures, aristocratia; si omnes, democratia; si & unus & plures, vel unus & omnes, vel unus, plures & omnes, resp. mixta.

**XXVIII. Quot sunt jura majestatis?**

*Frid. Horn.  
l. 2. c. 2. §. 2.  
Grot. l. 1. c.  
3. §. 6. n. 2.*

R. Quia majestas est potestas seu jus, tanquam res incorporalis, dividi non potest, sed est indivisa in se, & sic est unicum jus majestatis, quod à varietate objectorum varia accipit nomina, e. g. vocatur jus legislatorium, quando leges fert: jus constituendi magistratus, quando magistratus constituit &c. Hinc pro nostro concipiendi modo possunt constitui tria, ad quæ reliqua omnia reducuntur: imperium in personas, dominium in res, & regimen universi.

**XXIX. Diximus supra, quosdam admittere majestatem realem, in quem finem hoc statuunt?**

*Limn. diã.  
capit. vid.  
quest. 21.  
Grot. l. 1. c.  
3. §. 8. n. 1.*

R. Ut ostendant, ubique & sine exceptione summam potestatem esse populi, ita ut ei reges, quoties imperio suo male utuntur, & coërcere & punire liceat: quæ sententia multis malis cau-

causam dedit & dare etiamnum potest, penitus animis recepta.

XXX. Unde probatur, majestatem non semper esse populi?

R. I. Per ea, quæ supra dicta sunt. 2. Quia populus nunquam concessit potestatem regi, quam nunquam habuit, sed solus Deus: & populus liber regem sibi eligendo, inter manus Dei, a quo proxime accepit, eam resignat, qui postquam à populo rex est electus, eam regi confert. 3. Quia rex est Dei vicarius, non populi, ergo a Deo, non a populo accipit suam potestatem. 4. Populus liber sibi potest eligere qualem vult gubernationis formam, ita ut regendi sui jus ita in alium velit transferri, ut nullam ejus juris partem sibi retineat: neque ex præstantia hujus vel illius formæ, sed ex voluntate jus metiendum est, e. g. si in tantum periculum adductus alia lege, qui se defendat, reperire non possit: neque ex incommodis, quæ hinc sequuntur, aut sequi possunt, judicandum; nam qualemcunque formam gubernationis animo finxeris, nunquam incommodis aut periculis carebis, aut hæc cum illis sunt habenda, aut illa cum his mittenda. 5. Quia jus regendi populum bello acquiri potest. 6. Quia tum sacra,

Quæst. 24.

Frid. Horni  
d. l. vid.  
quæst. 24. in  
fin.

Græ. l. 1. c.  
3. §. 8. n. x.

dist. §. 8. n.  
3.

dist. §. 8. n.  
1. in fin.

dist. §. 8. n.  
6. dist. §. 8.  
n. 8.



cra, tum profana historia hoc testantur.

XXXI. *An hæc ita se habent tantum in monarchiis, an vero etiam in aliis rerumpp. formis?*

Grot. dict §.  
8. n. 6. & 7.

R. Idem jus eademque ratio est procerum, qui plebe exclusa civitatem regunt; & populi, qui alios sub se populos habet.

XXXII. *At populus, quia regem constituit, ergo rege est superior?*

Grot. l. 1. c.  
3. §. 8. n. 13.  
Ziegl. ad b.  
I Puf. l. 7. c.  
6. §. 6. in  
med.

R. Constituens constituto est superior, quando constitutionis effectus perpetuo pendet a voluntate constituentis, ut si constituens non tantum constituat personam, verum etiam conferat potestatem; sic rex constituens magistratum eo est superior, quia non tantum magistratus personam constituit, verum etiam potestatem ei confert: secus quando constitutio quidem ab initio est voluntatis, sed postea effectum habet necessitatis, quomodo mulier virum constituit, cui parere semper necesse habet, quia potestatem maritalem ei non confert, sed Deus, qui est causa omnis ordinis inter imperantes & parentes in societatibus politicis. Quo accedit, quod non omnes reges, scilicet imperantes, constituentur a populo, quod exemplis

plis gentium bello devictarum satis intelligi potest.

XXXIII. *An non ideo populus rege est superior, quia omne regimen eorum causa, qui reguntur, non qui regunt, est comparatum?*

℞. Plures hoc affirmant ex finis nobilitate. Sed hoc universaliter verum non est, omne regimen ejus, qui regitur, causa esse comparatum; sic imperia, quæ victoriâ parta sunt, possunt esse comparata ad imperantium utilitatem; possunt quædam utilitatem respicere tam ejus qui regit, quam ejus qui regitur; ut cum populus impotens sibi tuendo regem potentem imponit.

2. Non sequitur quod illi inferunt, propterea populum imperantibus esse superiorem, nam & tutela pupilli causa reperta est, & tamen tutela est potestas in pupillum. Verum quidem est, tutorem removeri posse, si rem pupilli male administret, non autem regem seu imperantes, quia tutor superiorem habet, non vero rex seu imperantes; horum enim peccata Deus sibi curæ peculiari esse testatur, qui ea aut vindicat, si ita opus judicet, aut tolerat in pœnam aut explorationem populi. Nec refert, quod populi interdum puniti le-

Grot.d.§.8.  
n.14 Ziegl.  
bñc; sed non  
bene.

Grot. d. §. 8.  
n. 16. Puf. l.  
7. c. 6. §. 6.

Grot. l. 1. 2. c.  
21. §. 7. 14.  
& 17.

legantur ob regum peccata: non enim id eo evenit, quod populus regem aut non puniret aut non reprimeret, cum enim sit inferior, nec potest, nec tenetur ea prohibere aut punire, sed Deus summo dominio, quod in vitam necemque singulorum habet, uti potuit in poenam regis, cujus supplicium est subditis orbari.

XXXIV. *An non tunc demum populus universus subjicitur regi, dum bene imperat, & dum male imperat rex, populo subjicitur?*

Grot. l. 1. c.  
3. §. 9.

l. 2. c. 26. §.  
3. Frider.  
Horn. l. 2.  
c. 12. §. 6.  
& 7.

Grot. d. §. 9.  
n. 1. in fin.  
& eod. c. §.  
17.

R. Si hoc diceretur, non facienda ob regis imperium mala, seu ea, quæ manifeste sunt iniqua, verum diceretur, quia Deo magis est obediendum, quam hominibus: sed inde non sequitur, ergo populus universus regem coercere vel punire potest: & actuum bonitas vel malitia, quia concernunt virtutes vel particularia vitia, apta non sunt, ut partes imperii distinguant, seu ut populo communicent majestatem: & si populo alicui propositum fuisset partiri cum rege imperium, fines certe potestati utriusque assignari debuissent tales, qui cognosci facile possent ex locorum, personarum, aut negotiorum discrimine.

XXXV.

XXXV. *An ex nomine & externa specie administrationis potest judicari de summa potestate?*

R. Prima cautio hæc sit, ne decipiamur ambiguo nominis sono, aut rerum externarum specie: sic veteri Germaniæ reges erant, quos Tacitus præfuisse ait auctoritate suadendi, non potestate jubendi: contra Romani Imperatores, postquam palam & sine ulla dissimulatione regnum liberrimum tenuerunt, principes tamen vocabantur: sed & insignia regiæ majestatis in liberis quibusdam civitatibus tribui principibus solent. Item & comitia ordinum alibi sunt tantum majus regis consilium, alibi de majestate participant, alibi etiã jus habent de actis principis cognoscendi, atque etiã leges præscribendi, quibus princeps teneatur.

Grot. l. 1. c. 3. §. 10.

d. §. 10. n. 2.  
 & 3. Limn.  
 Tom. 4. Ad  
 dit. l. 2. c. 14.  
 p. 200.

Grot. d. §.  
 10. n. 4.  
 Boet. in  
 Comment.  
 b. 1.

XXXVI. *An discrimen summi imperii & summo minoris petendum ex imperii delatione per electionem aut successionem?*

R. Negatur. successio enim non est titulus imperii, qui imperio formam assignet, sed veteris continuatio, jus enim ab electione familiæ coeptum succedendo continuatur; quare quantum

Grot. dit.  
 §. 10. n. 5.

C

pri-

*Frid. Horn.  
de civit. l. 2.  
c. 9. §. 1. fin.*

prima electio tribuit, tantum defert successio: seu electio & successio sunt tantum modi perveniendi ad imperium; seu modi, quibus designamus personas, quæ imperare debent, imperium autem ipsum non conferunt.

XXXVII. *An ergo imperium summum diverso modo haberi potest?*

*Grot. l. 1. c.  
3. §. II.*

R. Altera cautio hæc esto, aliud esse de re quærere, aliud de habendi modo: sic alii habent summum imperium jure pleno proprietatis seu in patrimonio, ut qui iusto bello id quæsiverunt, aut in quorum ditionem aliquis populus ita se dedit, ut nihil de majestate retineret: alii non, seu regnum non habent in patrimonio, ut reges tam qui primi eliguntur, quam qui electis legitime succedunt: alii jure temporario.

XXXVIII. *An datur monarcha temporarius?*

*aliter Grot.  
l. 1. c. 3. §. II.  
n. 2. Boech.  
in Pol. 2. c. 1.  
pag. 108. &  
comment. b.  
l.*

R. Affirmatur, quia rerum moralium natura ex operationibus cognoscitur: quare quæ facultates eisdem effectus habent, eodem nomine nuncupandæ sunt. Sic si quis rogatus, ut, si alteri nascantur liberi, regnum iis restituat, ante eorum nativitatem majestatem habet, quia omnia in civitate inde-

independente ab hominibus potestate proprio nomine disponit, neque ipsius actus ab ullo homine irriti reddi possunt, & dum regnum restituit, non vi superiori ab homine coactus, sed ad fidem quam defuncto dedit, exsolvendam hoc facit. Exempla Dictatoris Romani, curatorum qui regibus dantur dum, impuberes sunt, aut furore aut captivitate impediuntur, nihil probant, quia Dictator Romanus & tales curatores magistratus sunt, ab aliis hominibus dependent, & omnia non nomine proprio, sed alieno agunt; imò interdum ipsorum actus possunt reddi irriti vel a populo, vel a rege, & sic eos non exercent, ut rex optimo jure.

Grot. l. 1. c. 3.  
3. §. 12. n. 4.  
Puf. l. 7. c. 6.  
6. §. 15. in  
fin. Boecl. in  
Comment. b.  
l. aliter  
Grot. b. l. Fr.  
Horn. l. 2. c. 10.  
§. 3. Con-  
ring. de Re-  
gno §. 4.  
Ziegl. de  
jur. Majest.  
l. 1. c. 1. §. 42.

XXXIX. *Quomodo imperia possunt esse in patrimonio, cum liberi homines non sint in commercio?*

R. Natura quidem liberos homines constituit extra commercium: quia quicquid est in commercio, potest aestimari certo pretio, & liberi homines certo pretio aestimari non possunt, aut si aestimentur, non amplius sunt liberi, sed sunt servi: verum jus imperandi est in patrimonio & commercio.

Pufend. l. 57  
c. 1. §. 51.

XL. *Atqui populus sæpe alienatur, & quicquid alienatur seu vendi-*

*tur, est in commercio & certo pretio aestimatur?*

Grot. 1.1.c.3.  
§.12.n.1.

R. Proprie non ipsi homines alienantur, sed jus perpetuum eos regendi, qua populus sunt, seu potius, jus habendi majestatem alienatur.

*XLI. Imo hoc jus videtur esse in patrimonio populi, quia rex illud non sine civium sanguine ac sudore quaesivit?*

Grot. 1.1.c.  
3. §. 12. n. 3.  
Hottom.  
Illustr.  
caest. 1.  
Grot. 1.2.c.  
§. 11.

R. Fieri 1. potuit, ut rex ex sua privata substantia exercitum aluerit. 2. aut ex fructibus ejus patrimonii quod principatum sequitur, qui ipsius sunt, licet patrimonium sit populi, & sic evenire potest, ut rex in quosdam populos imperium habeat proprio jure, ita ut alienare etiam possit.

*XLII. Regna, quae populi voluntate delata sunt, possuntne alienari?*

Grot. 1.1.c.  
3. §. 13. n.  
1. Alber.  
Gens. 1.3.c.  
15. p. 608.  
Grot. 1.2.c.  
7. §. 15. l. 2.  
c. 6. §. 9. in  
fin. l. 2. c. 6.  
§. 4. in fin.

R. Non est praesumendum, eam fuisse populi voluntatem, ut alienatio imperii regi suo permetteretur; quia ideo hunc regem & interdum ipsius familiam elegit, ut exerceret summum imperium per se, non per quemvis alium, & sic hoc jus ex primæva voluntate, dum in societatem coiverunt, metiendum est.

*XLIII. Diximus, modum habendi sum-*

mmmm

*num imperium distinguendum ab imperio ipso, ane ergo summitas imperii potest distinguui ab habendi plenitudine?*

ꝛ. Dicunt hoc adeo verum esse, ut non modo pleraque imperia summa non plene, i. e. non in patrimonio habeantur, sed & multa non summa habeantur plene, i. e. in patrimonio, ut marchionatus, comitatus, quæ propterea facilius quam regna vendi & testamento relinqui soleant. Nos distinguimus, si per vocabula, *plene habere*, intelligatur, ut quis non solum summum imperium, sed commune cum aliis habeat, bene dicitur; verum, si intelligatur, ut non habeat omnia jura majestatis, falsum est. Quia quicquid est summum, a nemine dependet, & quicquid a nemine dependet, nullos habet limites & plenum est, licet interdum commune & conjunctim cum aliis qui participant de summo imperio; sic Imperatoris nostri gloriosissimi imperium est summum & plenum, licet non solus habeat majestatem in Imperio R. G. sed conjunctim cum Statibus Imperii: marchionatus, comitatus &c. nec omnino summa sunt, nec plena, quia sunt feuda Imperatoris & Imperii,

*Grot. l. 1. c. 3. §. 14*

*Instit. jur. Publ. l. 1. tit. 7. in fin.*

*2. Feud. 10. & Bistebius ibi. Struv. Syn. I. F. c. 13. apb. 12. & 13.*



& sic imperium in iis est dependens & minus plenum, nec ita facile vendi & testamento alienari possunt.

**XLIV.** *Quorum est tutela, cum rex etate aut morbo impeditur sua fungi potestate?*

Grot. l. r. c.  
3. §. 15.

Inst. Jur.  
Publ. l. 3.  
tit. 11. §. 4.  
& 5.

R. In regnis non patrimonialibus tutela eorum est, quibus lex publica, aut ea deficiente, consensus populi eam mandat. In regnis patrimonialibus eorum, quos pater aut propinqui elegerint. Quamvis & in non patrimonialibus tutela testamentaria locum habeat, exempla vid. in A. B. tit. 7. in tutela Serenissimorum Electorum I. R. G.

**XLV.** *Imperium desinitne esse summum, si imperaturus promittat aliqua aut Deo, aut subditis?*

R. Si promittat Deo aut subditis de observatione juris divini vel naturalis & gentium, ad quam omnes reges tenentur, etiamsi nihil promiserint, e. g. justitiam omnibus æqualiter administrare &c. summum imperium nec desinit, nec commune fit cum aliis: verum si promittat de regulis quibusdam exercendi summum imperium, ad quas sine promisso non teneretur, videndum an promissio tantum cadat in exercitium actus, e. g. nolo gerere bellum

Boeck. in  
Comm. b. l.  
Puf. l. 3. c.  
6. §. 1. aliter  
Grot. l. r. c.  
3. §. 16. n. 2.

lum sine communicato cum Statibus regni consilio, adhuc & summum manet imperium, & solus retinet: si promissio cadat etiam directè in ipsam facultatem, e. g. nec volo nec possum gerere bellum, nisi consensu Statuum, *Wir sollen und wollen*, summum quidem manet imperium, sed solus non retinet, qui facultatem communicat cum Statibus regni. Hinc si contra prius promissum faciat, actus tantum erit injustus; si contra posterius, etiam erit nullus, propter defectum facultatis, quam solus non habet, non ex vi superiori.

XLVI. *Quid si addatur, si rex fidem fallat, ut tum regno cadat?*

R. Si talis lex commissaria in delatione regni adjiciatur, desinit summum imperium habere, quia 1. se subicit judicio populi vel Statuum regni. 2. quia poena infligitur a superiore, propter transgressionem legis, quam præscripsit.

*Boeckl. b. 1. aliter Grot. l. 1. c. 3. §. 16. n. 4. & 5. & l. 2. c. 20. §. 1. & 3.*

XLVII. *An summum imperium dividi potest?*

R. Summum imperium unum quid est ac per se indivisum, quia est potestas seu jus, & sic res incorporalis, fieri tamen interdum potest, ut dividatur

*Grot. l. 1. c. 3. §. 17. n. 1.*

*Instr. Pac.*  
*Ofn. art. 8.*  
*n. 2.*

*Boecl. in*  
*Comm. ad*  
*Grot. l. 1. c.*  
*2. §. 17. n. 1.*  
*Puf. l. 7. c.*  
*6. §. 15. in*  
*fin.*

per partes, ut vocant, potentiales, seu objectum ejus dividi potest. e. g. in Imperio R. G. dignitates per universum Imperium conferuntur a solo Imperatore, leges universales feruntur ab Imperatore & omnibus Imperii Statibus in comitiis. Dividi etiam potest per partes subjectivas, seu ut subjectum existentiae dividatur, e. g. in imperio R. G. subjectum existentiae majestatis Imperator solus est in Reservatis suis; in juribus comitialibus Imperator & Status Imperii simul. Etiam ratione locorum, & ratione temporis, e. g. hic in oriente, ille in occidente, hic hoc tempore, illi alio tempore imperent.

*XLVIII. An talis partitio instituitur, si quid populus adhuc liber futuro regi imperet per modum manentis praecepti, aut si quid sit additum, quo intelligatur, regem cogi aut puniri posse?*

*Vid. quaest.*  
*45. aliter*  
*Grot. l. 1. c.*  
*3. §. 3. n. 1.*

*Grot. l. 2. c.*  
*20. §. 17. n.*  
*2.*

*R.* Non, sed populus solus habet summum imperium, rex tantum titulum: quia is, cui praecipimus, inferior est, ut & is qui puniri potest: par enim in parem non habet imperium, sed superior in inferiorem, & coactio moralis seu civilis semper fit a superiore, secus quam physica, ibi enim cogit qui for-

fortior est, non qui superior dignitate aut potestate.

*XLIX. Quando talis partitio instituitur, ut ante diximus, qualis est respublica?*

R. Est resp. mixta, quia ubi subjecta majestatis existentiae miscentur, ibi fit resp. mixta; a subjecto enim existentiae resp. denominatur. Si unus imperet, est monarchia &c. vid. quaest. 27.

Boeck. Inst.  
Pol. l. 2. c. 1.  
in Com. b. l.  
aliter Bodinus l. 20. 1.  
Gassend. in  
Phil. Mor.  
p. 1466.  
Fr. Horn. l.  
3. c. un § 3.  
Puf. l. 7. c.  
4. §. 13.

*L. Sed talis status biceps multa incommoda defert in civitatem?*

R. In civilibus nihil est, quod omnino ex parte incommodis careat, & jus non ex eo, quod optimum huic aut illi videtur, sed ex voluntate eorum, qui in civitatem coeunt, metiendum.

Grot. l. 1. c.  
3. §. 17. 2. 2.

*LI. Si reges acta quaedam sua nolint esse rata, nisi a senatu aut alio coetu aliquo probentur, eritne partitio & resp. mixta?*

R. Non, sed est tantum simulacrum reip. mixtae: quia facultas imperandi sic non communicatur cum senatu, aut alio coetu aliquo, sed tantum modus administrandi; & quae acta eum in modum rescinduntur, intelligi debent rescindi regis ipsius imperio, qui eo modo sibi cavere voluit, ne quid fallaciter

Grot. l. 1. c.  
3. §. 18.  
Boeck. in  
Com. b. l.

impetratum pro vera ipsius voluntate haberetur. Simile quid est, si rex non subscribere velit, nisi prius subscriptum videat a suo cancellario, cujus fidem in omnibus perspectam habet.

**LII. *An inaequaliter fœderatus summum imperium habere potest?***

**R.** Aut foedus conjunctum est cum imminutione summi imperii: ut si facultas imperandi vel plane transferatur in confœderatum, vel communicetur, e. g. ne cui bellum faciat confœderatus injussu alterius, facultas imperandi in ipsum est translata: qui enim me jubet, me superior est. Aut est sine imminutione imperii, ut si quis promittat confœderato, se certis locis arces non ædificaturum, se non navigaturum certo loco &c. facultas enim castra extruendi & munimenta, navigandi &c. facultas penes ipsum manet, licet exercitium ex pacto restringatur, ut ubique hoc non possit. Huc refer foedera protectionis & advocatiæ. Item, dum populus populo reverentiam & honoris signa quædam exhibere promittit.

Grot. l. 2. c.

15 §. 7. n. 1.

§. 2.

Grot. l. 1. c.

3. §. 21. n. 1.

**LIII. *At sæpe, qui superior est in fœdere, si is potentia multum antecellat, summum imperium usurpat?***

**R.** Verum est, præsertim si foedus sit

Grot. l. 1. c.

3. §. 21. n.

10.

fit perpetuum, & cum jure præsidia inducendi in oppida. Hinc ad prudentiam civilem pertinet in tractandis consiliis circa istiusmodi foedera & clientelas cautè incedere: non enim inepte vulgo dicitur, clientelam primum ad servitutem esse gradum.

*Puf. l. 8. c. 9. §. 4. in fin. Bodin. de Rep. l. 5. c. 6.*

LIV. *An summum imperium habent, qui certum quid pensitant, aut ad redimendas vexas, aut ad tutelam comparandam?*

R. Quo minus summum imperium habere possint, nullam dubitandi causam video, cum de imperandi facultate plane nihil decedat, quamquam infirmitatis confessio de dignitate aliquid delibat.

*Grot. l. 1. c. 3. §. 23. Alber. Gent. l. 3 c. 4. Seld. l. 6. c. 17.*

LV. *An qui nexu feudali vinciuntur, habent summum imperium?*

R. Non: quia dominus feudi retinet dominium directum seu superius, & vasallus tantum dominium utile seu inferius, & regalia consequitur. Imo ob crimina feudalia puniri & feudum amittere potest.

*Aliter Grot. l. 1. c. 3 §. 23. n. 1. § 2. § 1. 2. c. 6. §. 9.*

LVI. *An ex modo administrandi summum imperium semper judicandum de formâ imperii aut summo imperio ipso?*

R. Negatur. aliud enim est jus, aliud usus

*Grot. l. 1. c. 3. §. ult.*

*alter Lim.*  
*l. 1. c. 10. §.*  
*24. & in*  
*tom. addit.*  
*ad b. lib.*

usus juris. five, modus administrandi summum imperium potest esse diversus a summo imperio. sic modus administrandi potest esse aristocraticus, imperium autem monarchicum, e. g. dum rex infans est, furiosus, captivus &c. jus seu summum imperium habet, sed exercere non potest, verum sæpe exercetur per senatores regni, & sic modus administrandi est aristocraticus, imperio monarchico existente.

#### LVII. *Unde hoc cognoscitur?*

ꝛ. Si salvis imperii legibus fundamentalibus hic modus administrandi a summum imperium habente mutari possit, diversus est ab imperio ipso, seu a forma ipsius reip. & si salvis imperii legibus fundamentalibus mutari non possit modus administrandi, hic & imperium ipsum, seu forma reip. conveniunt, & non sunt diversa, ut in Imperio R. G. & modus administrandi & forma ipsa reip. sunt mixta.

### C A P U T IV.

#### De bello subditorum in superiores,

- |  |  |
|--|--|
| <p>I. <i>An subditi adversus imperantes licitè arma sumant.</i></p> <p>II. <i>Unde probetur, eos id non posse.</i></p> <p>III. <i>An 1 Sam. 8. v. 11</i></p> | <p>describatur verum jus regium.</p> <p>IV. <i>An magistratus inferior non possit contra imperantem arma sumere.</i></p> <p>V. <i>An lex de non resistendo</i></p> |
|--|--|

do nos obliget in gravissimo & certissimo discrimine.

VI. Cur personæ regis sit parcendum.

VII. An ergo injurias pati utile sit.

VIII. An regiis ministris & iniqui mandati executoribus sit parcendum.

IX. Quibus in casibus detur jus belli adversus regem.

X. Quid si rex imperium abdicaverit, aut pro derelicto habuerit.

XI. Quando censeatur imperium derelictum.

XII. Quid si regnum alienet, aut alii subjiciat.

XIII. Quid si hanc regni alienationem tentet.

XIV. Quid si vere hostili animo in totius populi exitium feratur.

XV. Quis de ejus hostili animo judicare debeat.

XVI. Quid si Rex regnum

committat ex feloniam, vel ipse per clausulam in imperii delatione appositam subditos suos certo casu obedientiæ vinculo solverit.

XVII. Quid si rex in partem summi imperii, quam populus habet, involet.

XVIII. Quid si hoc in casu belli potestas penes regem sit.

XIX. Quid liceat in invasorem imperii.

XX. An talem invasorem occidere liceat ex mandato ejus, qui verum jus imperandi habet.

XXI. An ex lege antecedente.

XXII. Quid si rex in tyrannum degeneret.

XXIII. Quid sit tyrannus.

XXIV. Quid in eum liceat.

XXV. In controverso jure quid privatus facere debeat.

I. *An subditi adversus summam potestatem, aut inferiores agentes, quod agunt, summæ potestatis auctori-  
tate, licite arma sumunt?*

Grot. l. 1. c. 4. §. 1. n. 2. & 3.

¶. **S**i quid imperent naturali juri aut divinis præceptis contrarium, non est faciendum quod jubent: quia Deo magis, quam hominibus obediendum; at, si qua ex tali causa, aut alio-

Grot. l. 2. c. 26. §. 3.

li-



libet, injuria nobis inferatur, quamdiu non est tyrannus, & vinculum inter imperantes & parentes non solvit, tolleranda est potius, quam vi resistendum.

## II. Unde hoc probatur?

*Grot. dist. c.*  
4 §. 2. n. 1.

*R.* Probatur 1. quia alias civitas, quæ jus majus in nos & nostra consequitur, quam ipsi habemus, finem suum, qui est, ut quiete & tranquille vivamus, non posset consequi. Unde enim sanitas ægrotantibus, si non per omnia medicis pareant? quid tuti navigantibus, si plebs nautica gubernantium jussa contemnat. 2. Non est civitas, sed dissociata multitudo & confusa turba, nemo ubi audit neminem. 3. Frustra majestas sive populi, sive unius, qui summo fungitur imperio, tot legibus & tot poenis defenditur, si maneat resistendi

*Grot. dist.*  
§. 2. n. 3.

*dist. c. 4.*  
§. 3.

*Frid. Horn.*  
l. 2. c. 4. §. 8.  
*Boeckl. Inst.*  
*Pol. 2. c. 2.*  
*Et in Com-*  
*ment. O-*  
*stand. b. l.*  
*aliter Grot.*  
*dist. §. 3.*

licentia. 4. In lege Hebræa mortis supplicio damnatur, qui inobediens fuerit aut summo Pontifici, aut qui extra ordinem rector populi a Deo est constitutus. Deut. xvii. v. 14. 1 Sam. viii.

v. 11.

## III. An 1 Sam. 8. v. 11. describitur verum jus regium?

*R.* Aff. 1. quia populus regem petiit, & Deus promisit regem talem, qua-

C A P U T IV. 47

qualem alii populi habebant. 2. Quia omnes actus ibi designati per se vitium nullum continent. 3. Posita necessitate reip. necessario a quocunque rege, si salvam velit remp. suscipiuntur. 4. Recensentur ibi jura regis ordinaria & extraordinaria seu eminentis domini: instruit enim Samuel populum, eique regis potestatem & imperii amplitudinem exponit, secus quam Moses, qui regis officium describit. Puf. l. 7. c. 8. §. 3. & 6.

IV. *An hæc tantum locum habent in privatis, an vero etiam in magistratibus inferioribus?*

ꝛ. Inveni sunt nostro sæculo viri, eruditi quidem illi, sed temporibus & locis nimium servientes, qui putabant, hæc tantum locum habere in privatis, non etiam in magistratibus inferioribus, quibus jus esse putant resistendi injuriis ejus, cujus summum est imperium; imo & peccare eos, ni id faciant. Quæ opinio admittenda non est: quia quidem magistratus illi, inferiorum ratione habita, sunt publicæ personæ, sed ad superiores si considerentur, privati sunt. Nam omnis facultas gubernandi, quæ est in magistratibus, summæ potestati ita subjicitur, ut quicquid contra voluntatem summi imperan-

Grot. dict. c. 4. §. 6. n. 1.

rantis faciant, id defectum sit ea facultate, ac proinde pro actu privato habendum; & quicquid imperii censentur habere, id omne debent principi, qui si detrahat manum & reposcat potestatem, nudi adstant, nihil pristinae dignitatis retinentes. Quo accedit, quod in populo Hebræo, ubi tot fuerunt reges divini humanique juris contemptores, nunquam inferiores magistratus, in quibus plurimi fuerunt viri pii & fortes, id sibi juris sumserunt, nisi si qui a Deo, cujus in reges summum jus est, mandatum speciale acceperant.

di. c. 4. §.  
6. n. 3.

V. *An lex de non resistendo nos obligat in gravissimo & certissimo discrimine?*

di. c. 4. §.  
7. n. 1.

xx. Leges etiam Dei quaedam, quamquam generaliter prolatae, tacitam habent exceptionem summæ necessitatis, ut lex de sabbatho sanctificando, & non edendis panibus propositionis: non quod Deo jus non sit ad certam mortem subeundam nos obstringere, sed quod leges quaedam ejus sint argumenti, ut non credibile sit, datas ex tam rigida voluntate. An autem lex de non resistendo regi talis sit? plures dubitant: quia natura turpe est summo resistere imperio, & quemadmodum jus  
na-

naturæ, ita & hoc præceptum de non resistendo regi immutabile est. Verum non videntur damnandi vel singuli, aut pars populi minor, si ita utantur ultimo necessitatis præsidio, ut interim communis boni respectum non deserant, & in tali periculo personæ regis vel principis semper parcant.

Ziegl. O-  
sland. b. l.

dict. §. 7.  
n. 4. 6. &  
7.

VI. *Cur persona regis excipitur?*

ꝛ. Quia 1. est sancta, propter majestatem, quæ eandem personam inhabitat, quæ impias nobis infert manus, eamque semper comitatur, ita ut ejus reverentiam nunquam nobis deponere liceat, & nec voce lædendus sit, multo minus manu. Nam cum summum imperium non possit non multorum odiis patere, securitas fungentis peculiariter a Deo est munita, & regium nomen gentes, quæ sub regibus sunt, pro Deo colunt. 2. Quia multis est utilis; nisi enim rectores civitatum essent, feriolem feris viveremus vitam, non mordentes tantum, sed & vorantes alios alii.

dict. c. 4 §.  
7. n. 6.  
Horn. de  
Civ. l. 2. c.  
12. §. 11.  
& 13.

Grot. d. l.  
& l. 2. c. 1.  
§. 9. Pu-  
fend. l. 2.  
c. 5. §. 2.

VII. *At utile non est pati injurias?*

ꝛ. Hæc injuria interventu meliorum pensatur, tranquillitate scilicet publica, in qua & singulorum comprehenditur; & si quando nimia iracundia alii sive

dict. c. 4.  
§. 4. n. 2.  
& 3.

D

af-

*Recl. in  
Inst. Pol.  
l. 1. c. 6.  
p. 84*

affectibus transversi agantur rectores, quo minus rectam ineant viam, quæ ad tranquillitatem ducit, id inter minus frequentia habendum est; vel si non utile videatur huic, qui patitur injuriam, ejus tamen patientia utilis est universitati, ad cujus conservationem est natus, etiam cum amissione vitæ, si aliter fieri non possit.

VIII. *An idem dicendum de ministris quos adhibet?*

*Grot. l. 2.  
c. 26. §. 1.  
n. 1. in fin.  
& n. 2.*

*Horn. l. 2.  
c. 12. §. 11.  
med.*

¶. Si ministros adhibeat, ut iniqui mandati executores, hos malitia regis non præstabit sacro-sanctos, & ab imperio injusti regis & tyranni nullam facultatem injuste agendi consequuntur; sed absistere debent ab executione præcepti iniqui, ministerium enim est crimen; & si quis aut patri, aut magistratui, aut domino turpia aut iniqua facta imperanti, non paret, is nec inobediens est, nec injuriam facit, nec peccat. Et hinc si malitiam malitiæ jungant, inque executione pergant, quin a læsis omnes, tanquam latrones trucidari possint, non dubitamus.

IX. *An igitur nullo in casu datur jus belli adversus regem aut principem?*

*diff. c. 4.  
§. 8.*

¶. Qui principes sub populo sunt, si ve ab initio talem acceperunt potestatem,

tēm, five postea ita convenit, si peccent in leges reip. non tantum vi repelli possunt, sed si opus sit, puniri morte. Confer tamen supra c. 3. q. 45. ubi ostendimus, tales principes majestatem non habere.

X. *An jus belli datur in eum, qui abdicavit imperium, aut habet pro derelicto?*

R. Affirmatur; quia post id tempus habetur pro privato, & omnia in eum licent, quæ in privatum. dist. c. 4. §. 9.

XI. *Quando habetur imperium pro derelicto?*

R. Pro derelicto habet imperium, qui sciens volensque patitur illud perire, aut in summum discrimen adduci, nec in salutem ejus quicquam movet dignum memoratu. Qui illud per fugam manifeste derelinquit, qui è regno ejectus illud ab alio præscribi patitur, nec armis, nec protestatione interposita sibi consulit, cum invasore paciscitur, nulla juris sui mentione facta, ipsum regem vel principem illius regionis nominando, titulo & insignibus regis abstinendo. Nec enim ita se gerit circa rem, quam pro sua vindicat vir bonus, aut prudens. Minime autem pro derelicto habere imperium censendus est.

Covring. de fin. Imp. c. 19. §. 5. Boel. in Comment. ad Grot. l. 1. c. 4. §. 9.

qui id tractat negligentius.

XII. *Quid si rex regnum alienet, aut alii subjiciat?*

*dist. c. 4.  
§. 10.*

R. Amitti ab eo regnum existimat Barclajus. verum sine ratione; nam talis actus, si regnum electione aut successoria lege deferatur, nullus est, propter defectum facultatis; quæ autem nulla sunt, nullum habent juris effectum.

XIII. *Si tamen id etiam tradere aut subjicere moliatur?*

*Grot. d. c. 4.  
§. 10. in  
fin. l. 2. c. 7.  
§. 27. n. 1.  
in fin.*

R. Quin ei resisti possit, non est dubitandum. Modus enim habendi imperium ne mutetur, obstare potest populus; id enim sub imperio comprehensum non est, sed ex primæva in civitatem coëuntium voluntate metiendum est, ubi nullum fuit imperium. Et si sibi ipsi defendendo sufficiat, separatam potest instituere civitatem: parendum enim in omnibus patri, in eo autem non est parendum, quo efficitur, ne pater sit.

XIV. *An bellum in eum est licitum, qui vere hostili animo in totius populi exitium fertur?*

*dist. c. 4.  
§. 11.*

R. Affirmatur. consistere enim simul non possunt voluntas imperandi & voluntas perdendi. Quare qui se hostem po-

populi totius profitetur, is eo ipso abdicat regnum. Sed vix videtur id accidere posse in rege mentis compote, qui uni populo imperat : si enim pluribus imperet, accidere potest, ut unius populi in gratiam alterum velit perditum.

XV. *Quis judicabit, an sit hostis?*

R. 1. Multæ hic se ingerunt difficultates, nec enim hoc simpliciter populi iudicio permittendum, qui forte rerum præsentium pertæsus facile regem hostem pronunciaret. 2. Notæ læpetales sunt, ut non statim hostem, sed pessime imperantem ostendant. Hinc subditi necessitate obsequii tamdiu non sunt liberati, quamdiu reip. essentia non est intercisa, & constat ejus compages. Et si pluribus populis imperet, & alterum velit perditum, videndum, an hoc faciat ex causa pœnali, an odio tyrannico.

*Boet. in Comment. l. 1. c. 4. §. 11. Lampad. de Rep. R. G. part. 1. §. 11. 12. 13.*

XVI. *An in eum bellum est licitum, qui Regnum committit ex feloniam, aut ex clausula in imperii delatione apposita, quâ subditi obedientiæ vinculo solvuntur, si rex hoc aut illud fecerit?*

R. Affirmatur; quia tunc recidit in privatam personam : vel potius, quia

*Grot. d. e. 4. §. 12. Et 14. Cor.*



ring. in  
thes. Re-  
rump. part.  
1. p. 180.  
§ 181.

nunquam majestatem habuit. vid. supra  
c. 3. q. 45.

XVII. *An si rex partem habeat summi  
imperii, partem alteram populus  
aut senatus, regi in partem  
non suam involanti vis ju-  
sta opponi poterit?*

dist. c. 4.  
§. 13.

R. Affirmatur, quia eatenus impe-  
rium non habet.

XVIII. *Quid si belli potestas penes  
regem esset?*

dist. c. 4. §.  
13. Boecl.  
in Com-  
ment b. l.  
Conring.  
ad Lamp.  
part. 1. §.  
11. conf.  
Grot. l. 2.  
c. 16. §. 14.  
§ 1. 3. c. 3.  
§. 4.

R. Si belli potestas est penes regem,  
intelligendum est de bello externo, non  
de bello in coimperantes, qui non  
possunt non jus habere partem suam tu-  
endi, adeo ut & rex suam imperii par-  
tem belli jure amittere possit: in mixta  
enim rep. ille justam bellandi causam  
habet, qui suam partem defendit.

XIX. *Quid licet in invasorem imperii?*

R. Quamdiu durat causa invadendi,  
seu quamdiu imperium non est plane  
arreptum, videtur manere belli jus, ac  
proinde in eum licere, quod in hostem  
licet, qui à quolibet etiam privato po-  
test interfici: si autem imperium omni-  
no sit acquisitum, vel quia pactio est  
secuta, aut fides illi data, aut victoria  
in populum obtenta, adeo ut cogatur  
arma omnino ponere, nullum in ejus  
per-

Horn. l. 2.  
c. 9. §. 2. 3.  
4.

personam jus superest populo. Ad imperium enim nihil attinet, quocumque modo sit adquisitum, semper enim & ubique sibi respondens postulat obsequium, quod à Deo majestati conjunctum est; & simul ac invadenti victoriam concessit, è populo in invasorem omne imperium, citra ullam istius pactionem, transtulisse dicendum est. Imperia enim armis quærentur, victoriis propagantur, neque voluntas Dei, qui reges imponit & deponit, ex belli causa æstimanda est.

Grot. l. 1. c. 8. §. 1. & 4.

XX. *An ergo talem tyrannum occidere non licet, si diserta auctoritas accedat ejus, qui verum jus imperandi habet, sive is rex sit, sive senatus, sive populus?*

Grot. l. 1. c. 4. §. 18. aliter.

ꝛ. Licet, si nulla pactio intercessit, & victoria nondum omninò est obtenta; alias non licet, quia summum imperium non amplius est penes eum, qui fuit rex.

XXI. *Quid si ante invasionem lex exstiterit, ut unusquisque invasorem occidere possit?*

Grot. l. 1. c. 4. §. 17. aliter.

ꝛ. Quamdiu in actu occupandi & invadendi constitutus est, licet; non autem postquam occupavit.

XXII. *Quid si aliquis etiam ab initio legitimus rex degeneraret in tyrannum,*

*num, seu fieret tyrannus  
exercitio?*

*Boet. in  
Com. ad  
§. 14.*

¶. Quid sit tyrannus, non satis est definitum; nec hinc Philosophi auctoritate abuti debemus, & descriptiones quasdam pro veris definitionibus arripere; nec ex notis tyrannicis §. Pol. 11. eam exstruere, sunt enim quaedam 1. nec bonæ nec malæ per se. 2. quaedam ita comparatæ, ut optimo cuique principi competere possint. Nec statim ad mores patrios confugere & illum tyrannum dicere licet, qui facit contra mores patrios, quos interdum populus ementitur, & titulo legis adornat, vel qui jam aliquot sæculis in usu non fuerunt; contra primævas enim leges reip. tempus multa innovat. Et hinc sicut in definiendo tyranno, ita & in eo, quid in illum liceat, non ita faciles sumus oportet.

*XXIII. An ergo definiri non potest?*

¶. Fortè non male describitur tyrannus, quod sit is, qui nec eo, quo decet, ordine & modo imperat, sed omni honestatis, virtutis, juris ratione, inprimis patrii, insuper habità, in tractanda rep. libidinem animi pro lege habet. Requiritur ergo hinc regni cujusque solida cognitio.

XXIV.

XXIV. *Si hæc omnia certa sint, quid in ipsum licet?*

R. In remediis adversus tyrannum conquirendis nullus temeritati & festinationi locus est. Quia tamen sic omnino dissolvitur vinculum inter imperantes & parentes, quin in tali necessitatis casu, quando reip. aliter consuli non potest, deponi possit, non dubitamus.

*Frid. Horn.  
l. 2. c. 9. §. 3.  
& 4. aliter*

XXV. *Si dubium sit ad quem imperandi jus pertineat?*

R. In re controversa iudicium sibi privatus sumere non debet, sed possessionem sequi. Sic tributum solvi Cæsari Christus jubebat, quia ejus imaginem nummus præferebat, i. e. quia in possessione erat imperii.

*Grot. l. 1. c.  
4. §. 20.  
conf. hic  
Becman.  
in not.*

C A P U T V.

Qui bellum licite gerant.

I. *Quæ sit causa principalis effectrix in bello.*

II. *An pro aliis bellare liceat.*

III. *Quæ sint hominum inter se vincula, quæ ad*

*mutuam opem invitant.*

IV. *Quæ sit causa instrumentalis.*

V. *An subditi ad bellum cogi possint.*

I. *Quæ est causa principalis effectrix in bello?*

R. **I**s, cujus res agitur: in privato privatus; in publico potestas publica, maximè summa.

*Grot. l. 1.  
c. 5. §. 1.*

D 5

II.

II. *An & pro aliis bellum movere possimus?*

Grot. d. c.  
§. 2. n. 1.

R. Alteri prodesse, non licitum modo, sed & honestum est.

III. *Quæ sunt hominum inter se vincula, quæ ad mutuam opem invitant?*

Grot. d. c.  
§. 2. n. 1.  
2. in fin.

R. Diversa sunt: nam & cognati ad opem ferendam coeunt, & vicini in-  
clamantur, & qui ejusdem sunt civita-  
tis participes. Et hisce vinculis defi-  
cientibus, sufficit humanæ naturæ com-  
munio. Deus enim præter cætera, ho-  
mini dedit hunc pietatis affectum, ut  
homo hominem tueatur, diligat, fo-  
veat, contraque omnia pericula & ac-  
cipiat & præstet auxilium.

IV. *Quæ est causa instrumentalis?*

Grot. d. c.  
§. 3.

R. Filius patri est instrumentum,  
pars quippe ejus naturaliter; servus do-  
mino; subditus imperanti; qui ita a-  
gunt sua voluntate, ut ea ab altero pen-  
deat.

V. *An omnes subditi naturaliter bello possunt adhiberi?*

Grot. d. c.  
§. 4. l. 2.  
c. 25. §. 1.  
p. 26. §. 5.

R. Dubium non est, propter sum-  
mum imperium in ipsorum personas:  
& quia sunt quasi pars rectoris; hinc  
etiam in casu necessitatis cogi possunt,

I N S T I T U T I O N U M  
J U R I S N A T U R Æ E T  
G E N T I U M  
L I B E R I I.  
C A P U T I.

De belli causis, & primum de defen-  
sione sui & rerum.

- |   |  |
|---|--|
| <p>I. Quid sit causa belli.<br/>II. Quotuplex sit.<br/>III. An in omni bello causa justifica requiratur.<br/>IV. Quid sit causa justifica.<br/>V. An is, qui injuriam nec passus est, nec metuit, justam habeat belli causam.<br/>VI. An detur bellum penale.<br/>VII. Quæ sit prima justa belli causa.<br/>VIII. Quid si corpus impetatur vi præsentem.<br/>IX. Quid si invasor peccato careat.<br/>X. Quid si innocentes interpositi fugam aut defensionem impediunt.<br/>XI. Quale periculum requiratur, ut alium licite occidere possim.<br/>XII. An quis cogatur expectare primum ictum.<br/>XIII. Quid si quis conjuraverit, aut alias insidias struat.<br/>XIV. An pro integritate</p> | <p>membroꝝ bellum sit licitum.<br/>XV. An pro pudicitia conservanda.<br/>XVI. Quando occidi potius, quam occidere debeamus.<br/>XVII. An rex innocentem insultans; ipso facto rex esse desinat.<br/>XVIII. An unusquisque salutem propriam antepone-<br/>re debeat saluti reip.<br/>XIX. An interfectio licita sit ad arcendam injuriam aut malum simile.<br/>XX. Talem injuriam patienter ferens an honorem suum augeat.<br/>XXI. In periculo vite constitutus an fugere debeat.<br/>XXII. An fuga ignominiosa sit.<br/>XXIII. An occidi possit, qui male de nobis loquitur.<br/>XXIV. An pro rebus defendendis interfectio sit licita.<br/>XXV. An fur interdum occidi possit.</p> |
|---|--|

XXVI.

- XXVI. *An lex civilis, interfici aliquem permit- tens, jus det, an solam impunitatem.*
- XXVII. *Quando licita esse possit singularis dimicatio.*
- XXVIII. *Quid si magistratus duos mortem meritos inter se committat.*
- XXIX. *An ad vindicandas privatas injurias duella sint permittenda.*
- XXX. *An hactenus dicta de jure se & sua tuendi etiam ad bellum publicum aptari possint*
- XXXI. *An ad imminuendam potentiam vicini arma licite sumantur.*
- XXXII. *Quid si de ejus animo hostili constet.*
- XXXIII. *An licita sit defensio in eo, qui justam bello causam dedit.*
- XXXIV. *An oblata satisfactio semper acceptari debeat.*

### I. *Quid est causa belli?*

Grot. l. 2.  
c. 1. §. 1.  
c. 22. §. 1.  
n. 1. & 2.

R. **C**ausa belli, quæ & principium vocatur, licet inter se diversa sint, est, propter quod quis bellum gerit.

### II. *Quotuplex est causa belli?*

Grot. diff.  
loc. Boecl.  
ad 1. An-  
nal.  
Tac. c. 10.  
Puf. l. 8.  
c. 6. §. 4.  
& 5.

R. Duplex: justifica, quæ movet sub ratione justæ, & bellum justum reddit; & suasoria, quæ sub ratione utilis movet. Illæ dicuntur etiam prætextus, quia plerumque in publicum edi solent: hæc in pectore bellantium latent, ut gloriæ cupido, metus vicinæ potentia, odia &c. causæ justificæ proprii nostri sunt argumenti.

### III. *An in omni bello causa justificæ requiritur?*

Grot. d. §.  
1. n. 3.

R. Non minus de bello publico, quam privato verum est. Licet enim bella

bella publicâ auctoritate suscepta habeant aliquos effectus juris quos bella privata non habent, non tamen vacent peccato, nisi justa causa sublit, & qui ea gerunt, vocantur latrones, prædones, dicuntur alios fraude latronum ac scelere regnis spoliare &c.

IV. *Quæ est causa justificata?*

R. Nulla esse alia potest, nisi injuria, aut facta, aut non facta. Propter injuriam factam, aut reparamus quod nostrum est vel fuit, aut punimus. Propter injuriam nondum factam defendimus aut corpus, aut rem. Hinc plerique tres bellorum causas justas statuunt, defensionem, recuperationem rerum, & punitionem.

Grot. d. §.  
1. n. 4. §  
§. 2.

Grot. d. §  
2. n. 2.

V. *Qui ergo injuriam passus non est, vel eam non certè metuit, an habet justam causam?*

R. Non, & ab omni jure abhorret perperam sic dicta Ratio belli, *raison de Guerre*, quâ putant omne esse licitum, quod status belli feliciter perficendi deprecere videtur, posthabito omni æquitatis respectu; quo referuntur populationes in territorio amico vel neutrali, militum excursiones, depredationes, hospitationes &c. an etiam castri occupatio in solo neutrali,

Text. in  
Syn. J. G.  
c. 17. §. 2.

RE



ne hostis illud occupet? videbimus in cap. 2. ad §. 10.

VI. *Cur diximus, plerique admittunt tres justas causas?*

*Feld. ad Grot. l. 2. c. 1. §. 2. n. 2. Boeckl. in Com. b. l. Grot. in Proleg. §. 25.*

℞. Quia plures bellum poenale non agnoscunt, & quidem recte: poenae enim exigitur ab inferiore, bella suscipiuntur inter æquales.

VII. *Quæ est prima justæ belli causa?*

*Grot. d. l. 2. cap. 1. §. 2. n. 3. in fin. aliter Text. in Syn. J. G. c. 17. §. 9. Grot. d. c. §. 3. Ziegl. ad l. 1. c. 3. §. 3. Puf. l. 2. c. 5. §. 5.*

℞. Injuria nondum facta, quæ petit aut corpus aut rem.

VIII. *Si corpus impetatur vi præsentem cum periculo vitæ non aliter evitabili, an bellum est licitum?*

℞. Licitum est, etiam cum interfectione periculum inferentis: imo jure naturæ præceptum, ita ut nec lege civili tolli possit, & is, qui se non defendit, se ipsum occidisse videatur.

IX. *Quid si is, qui me invadit, peccato careat?*

*Grot. d. l. & Puf.*

℞. Etiam si peccato careat, puta quod bonâ fide militet, aut alium me putet quam sim, aut quod insaniam aut infomniis agitetur, non eo tolletur jus se tuendi, cum natura quemque sibi commendet, & sufficiat, quod ego non teneam id, quod ille intentat, pati, non magis quam si bestia aliena periculum in-

intentaret. Imo propter naturalem à  
morem sui ipsius homo in pari cum al-  
tero periculo constitutus sibi potius,  
quam alteri consulere & potest & de-  
bet: quia alias non esset caritas in pro-  
ximum, sed crudelitas in se ipsum.

Grot. l. 1.  
c. 3. §. 3.  
n. 3.

X. *Quid si innocentes interpositi, in-  
fantes scilicet, claudi &c. defensionem  
aut fugam, sine qua evadi  
mors non potest, impediunt?*

R. Impelli & prosterni possunt,  
etiãsi mors inde sequatur: ad jus e-  
nim agendi multa consequi possunt in-  
directè & extra agentis propositum, ad  
quæ per se jus non esset. hi enim non  
occiduntur ex intentione, quum illa  
mors non eligatur ut quiddam prima-  
rio intentum, sicut in punitione judi-  
ciali, sed ut unicum quod eo tempore  
suppetit. Sic navis piratis plena, aut  
domus latronibus, tormentis peti po-  
test, etiãsi intra eandem navem aut  
domum sint pauci infantes, mulieres,  
aut alioqui innocentes, quibus inde  
creetur periculum.

Grot. l. 3.  
c. 1. §. 4.  
aliter l. 2.  
c. 1. §. 4.  
n. 2. Boeckl.  
in Com-  
ment. l. 2.  
c. 1. §. 4.  
& Ziegl.  
aliter Puf.  
l. 2. c. 6.  
§. 4.

XI. *Quale periculum hic requiritur ut  
alium occidere possimus?*

R. Præsens & quasi in puncto.

Grot. l. 2.  
c. 1. §. 5.  
n. 1.

XII. *An quis cogitur expectare pri-  
mum ictum?*

R. Si

Grot. d. l.  
Alber.  
Gent. l. 1.  
c. 13.

R. Si insultator arma arripiat, & quidem ita, ut appareat eum id facere occidendi animo, occupari potest facinus; & melius est prævenire, quam præveniri; in moralibus enim non invenitur punctum sine aliqua latitudine. multum autem falluntur & fallunt, qui metum qualemcunque ad jus occupandæ interfectionis admittunt, talis enim requiritur, de quo moraliter certi sumus, & qui in virum constantem cadere possit.

XIII. *Quid si quis vim non jam presentem intentet, sed conjurasse aut insidiari compertus sit, si venenum struere, si falsum testimonium, iniquum judicium moliri?*

aliter Grot.  
l. 2. c. 1. §.  
5. n. 2. &  
Ziegl. b. l.

R. Si aliter periculum evadi non potest, conjuratos, insidiatores, aut venenum struentes occidi posse verius est: quia ex signis externis animus occidendi omnino apparet, propter quem facinus occupari potest. In falsa accusatione, falso testimonio, iniquo judicio res aliter se habet: aliis enim remediis corrigi hæc possunt, & sic periculum evitari.

XIV. *Quid dicemus de periculo mutilationis membri?*

R. Si

¶ Si membrum sit è præcipuis, & vitæ quasi æquiparabile, cujus abscissio periculum mortis post se trahit, si aliter vitari nequeat, intentantem periculum occidi posse putem: mutilatio enim talis membri non minoris æstimatur, quàm si vita adimatur. l. 4. §. 2. D. ad leg. Corn. de ficar.

Grot. l. 2. c. 1. §. 6.  
 Boeckl. ibi.  
 Puf. l. 2. c. 5. §. 10. a.  
 iter Feld.  
 b. l.

XV. *An pro pudicitia conservanda?*

¶ Pudicitia quidem semel ablata naturaliter seu physice restitui non potest: verum quia inter offensionem & defensionem debet esse æqualitas, vitæ vero nullum periculum imminet, & moraliter seu civiliter pudicitia potest restitui, vita autem semel amissa restitui non potest, interfectionem illicitam quidem, sed si injuriæ atrocitate commota violentum stupratorem occidat, eam excusandam esse putamus: appetitus enim declinandi mali maximè est naturalis, ideoque inter appetitus honestissimus; unde quæ mortis, carceris, doloris aut summæ egestatis vitandæ causa, aut ad pudicitiam conservandam injustè fiunt, maximè excusabilia videri solent.

Ziegl. ad  
 Grot. l. 2. c. 1. §. 7. aliter  
 Grot. d. l. §. 1. c. 2. §. 5. n. 7. l. 2. c. 17. §. 15. l. 8. §. 2.  
 D. quod metus causa.

XVI. *An non interdum præceptum est, occidi potius, quam occidere?*

¶ Si in vasor sit rex, aut princeps, qui similem habet potestatem, sine pecca-

Grot. l. 2. c. 20 §. 29. n. 1.

Grot. l. 1. c. 4. §. 7. n. 6. §. 7. §. 1. 2. c. 1. §. 9. n. 1.

to occidi non potest: I. quia est persona sancta, vid. supra c. 4. q. 6. (2.) quia multis utilis.

XVII. *An non vero rex innocentem insultans ipso facto rex esse desinit?*

Grot. l. 2. c. 1. §. 9. n. 2.  
c. 8. §. 20.  
aliter Puf.  
l. 2. c. 5. §. 14. in fm.

R. Sicut dominia, ita & imperia non amittuntur delinquendo, nisi lex id statuat: delictum enim est factum improbum a lege puniendum. Talis autem lex, quæ hoc de imperiis statueret, ut delicto in privatum (si enim sit in ipsam remp. rex fit hostis & desinit esse rex) amitterentur, nusquam reperta est, nec repertum iri credo; summam enim rerum confusionem induceret, & ex imperantibus parentes & inferiores efficeret.

XVIII. *Atqui unusquisque reip. & regis incolumitatem desiderat propter propriam suam salutem, & hinc eam anteponere debet & saluti reip. & regis?*

Grot. d. §. 9.  
n. 2. in fm.  
l. 1. c. 4.  
§. 4. n. 5.

R. Nostri quidem causa remp. salvam esse volumus, sed non tantum nostri, verum & aliorum, vid. supra cap. 4.

q. 7.  
XIX. *Si cui periculum imminet accipiendæ alapæ, aut mali similis, e. g. ictus fustis?*

Feld. ad  
Grot. l. 2.

R. Defensio modum accipit ab offensione,

sione; & vero inæqualia sunt mors & alapa; hæc civiliter reparari potest, contra mortem vero nulla remedia supersunt. Si tamen ab alapâ inflicta statim ferrum stringatur ab utroque, & quis invasorem occidat, non sine ratione mitius puniri debet.

c. 1. §. 10.  
n. 1. aliter  
Grot. d. l.  
jung. Puf.  
l. 2. c. 5.  
§. 12.

XX. *At vero qui fert talem injuriam, auget suum bonorem, quia se excellenter patientem ostendit?*

R. Grotius sic existimat; verum ejus philosophiam mos vitæ civilis non fert, neque propterea excellenter patiens censendus est: nam quævis ferre & a quovis, virtus non est, sed ignavia.

l. 2. c. 1.  
§. 10. n. 2.  
Feld. b. l.

XXI. *An in periculo vitæ constitutus fugere cogitur?*

R. Si in fugâ periculum non sit, fugiendum, quia fuga est modus se & suum proximum conservandi.

Grot. d. §.  
10. n. 3.

XXII. *At fuga ignominiosa est, præsertim nobili homini?*

R. Est falsa quædam ignominie opinio, aspernanda ab omnibus iis, qui virtutem & sapientiam sectantur: quia non suscipitur ex ignaviâ aut neglectu officii; sed quia ratio hic nullam fortitudinis materiam invenit.

Grot. d. §.  
10. n. 3.  
Puf. l. 2.  
c. 5. §. 16.  
in med.

XXIII. *An occidi potest is, qui male de nobis loquitur & talia dicit, quæ cre-*

*dita nostram existimationem apud bonos delibarent?*

*Grot. diff.* R. Non. quia interfectio ista non est  
 §. 10. n. 3. modus aptus ad tuendam existimationem;  
 in fin. l. 5. sed studium virtutis, & alia re-  
 §. 1. D. de media jure nobis concessa.  
 extr. cogn.

XXIV. *An ad res nostras conservandas raptor potest occidi?*

*aliter Grot.* R. Si sit talis res, ex qua vita nostra &  
 l. 2. c. 1. §. familiae nostrae pendeat, quaeque judi-  
 §. 1. §. 13. cio recuperari non possit, forte quia  
 jung. l. 1. fur est ignotus & in fuga constitutus,  
 c. 2. §. 8. n. occidi potest. Alter enim non plus ju-  
 4. in fin. ris ad res meas, quam ad vitam eripien-  
 Puf. l. 2. c. dam habet, & cum citra res vita non  
 §. §. 16. possit conservari, hanc quoque conse-  
 Boecl. in quenter impugnat, qui illis se spolia-  
 Comment. re nititur. Quo accedit, securitatem &  
 tranquillitatem societatis civilis ac ge-  
 neris humani non posse subsistere, si re-  
 rum raptores occidere non liceret, im-  
 primis judiciis sublatis. Imo pleraque  
 bella geruntur, non ut aliis vita, sed  
 res eripiantur.

XXV. *An fur interdum occidi potest?*

R. Occidi potest, imprimis si ipse in  
 §. 1. §. 12. periculum vitae adducar: nec obstat mi-  
 Puf. l. 2. hi, quod me in id discrimen adduxe-  
 c. 5. §. 18. rim, dum rem meam cupio retinere,  
 aut occupatam extorquere, aut furem

capere ; nam in his omnibus mihi nihil potest imputari , qui versor in actu licito , nec cuiquam injuriam facio , cum utar meo jure.

XXVI. *An lex civilis , interfici aliquem permittens , jus dat , an solam impunitatem ?*

ꝛ. Interdum jus dat , interdum tantum impunitatem.

Grot. l. 2.  
c. 1. §. 14.  
c. 20. §. 17.  
junct. Puf.  
l. 8. c. 3.  
§. 23.

XXVII. *Quando ergo singularis dimicatio est permessa ?*

ꝛ. Quando inuasor alteri concedit licentiam dimicandi , alioquin eum occisurus sine dimicatione. vid. quæst. 8.

Grot.  
l. 2. c. 2.  
§. 15.

XXVIII. *An etiam si magistratus duos mortem meritos inter se committat ?*

ꝛ. Affirmatur ; & tunc unicuique licet arripere spem salutis , vel alter alterum occidere potest. At , qui id jussit , forte minus rectè officio functus videbitur , cum satius fuisset , si unius supplicium sufficere videbatur , forte eligi moriturum , ut fieri solet in decumatione , cujus usus frequens est in bello.

Grot. d. a.  
§. 15.

XXIX. *An præter hunc casum , magistratus duella potest concedere , ad vindicandas privatas injurias ?*

ꝛ. Negatur. quia hoc est tentare Deum,

Boed. in  
Comment.  
ad Grot. b.



Grot. l. 2.  
c. 20. §. 8.  
¶ 5.

Deum, & incerto eventui rem minime incertis rationibus definiendam permittere. Quod tamen Germanis ante Christianismum in more positum, nunc autem optima ratione mutatum.

XXX. *An quæ hætenus dicta sunt de jure se & sua tuendi, ad bellum privatum tantum pertinent, an vero etiam ad publicum aptari possunt?*

Grot. l. 2.  
c. 1. §. 16.

¶. Aptari possunt, habita aliqua ratione diversitatis, nam in privato bello jus bellandi cessat, simul ac est judicii copia; publicum, quia non oritur, nisi ubi aut non sunt, aut cessant judicia, tractum habet & perpetuo fovetur, accedentibus novis damnis & injuriis. In bello privato fermè defensio mera consideratur: in publico, præter defensionem, etiam injuriæ vindicta intenditur, & si fieri potest, ut vires hosti adimantur, ne in posterum nocere nobis possit.

Grot. l. 2.  
c. 20. §. 8.

XXXI. *An ergo arma rectè sumuntur ad imminuendam potentiam crescentem, quæ nimium aucta nocere potest?*

Grot. l. 2. c.  
1. §. 17.

¶. Licet hoc in consultationem venire possit, vim tamen pati posse, jus non tribuit ad eam inferendam; & ita vita

vita humana est, ut plena securitas nunquam nobis constet. Adversus incertos metus à divina providentia & ab innoxia cautione, ut exercitum conscribendo, castella muniendo &c. non à vi, præsidium est petendum.

Alber-  
Gent. l. 1.  
c. 13.

XXXII. *Quid si non tantum de potentia, sed & de animo nocendi constet, & quidem ita, ut certum id sit ea certitudine, quæ in morali materia locum habet?*

R. Occupari potest bellum: imò si magnæ adsint metus conjecturæ, metuens poterit exigere cautionem, ut suspectus se contineat intra suam regionem, qui si hoc recuset, manifestum suæ hostilitatis argumentum edit, & ille alter quocunque modo defensionem adornare potest.

Scharrock.  
de off. c. 7.  
n. 9. & 10.

XXXIII. *An juste defenduntur bellum promeriti?*

R. Non. sed qui bellum promeritus est, primum offerre debet satisfactionem ei, quem læsit, viri boni arbitratu: quæ rejecta, pia demum erunt arma.

Grot. l. 2.  
c. 1. §. 18.

XXXIV. *An, si uterque jam in bello constitutus sit, satisfactio oblata acceptari debet?*

R. Plures negant; quia ei qui pium bellum gerit, injuriæ vindicta permissa est.

Ziegl. l. 1.  
Puf. l. 2.  
c. 5. §. 19.

est. Alii affirmant; quæ opinio æquior videtur, pœnitenti enim parcendum, & iniquum est, hostem non audire, ubi nocere adhuc potest, sed non vult.

## CAPUT II.

De his, quæ hominibus communiter competunt.

- |   |   |
|---|---|
| <p>I. Quæ sit altera belli causa.</p> <p>II. Quot modis aliquid nostrum sit.</p> <p>III. Quotuplices sint res a proprietate vacuæ.</p> <p>IV. Proprietatis quale sit exordium.</p> <p>V. An homo statim acciperit dominium, an potius facultatem res vacuas occupandi.</p> <p>VI. Ante multiplicatum genus humanum, an nullum fuerit dominium.</p> <p>VII. Quomodo postea introductum fuerit.</p> <p>VIII. An in primo statu labore &amp; industria opus fuisset.</p> <p>IX. Quid sit dominium.</p> <p>X. Quotuplex.</p> <p>XI. Unde probetur, majestatem habere dominium eminens.</p> <p>XII. An majestati tale concedi dominium tuto &amp; vere possit.</p> <p>XIII. Quæ res propria fieri non possint.</p> <p>XIV. An mare possit esse in dominio.</p> <p>XV. In quibus partibus</p> | <p>mare occupari possit.</p> <p>XVI. Unde hoc probetur.</p> <p>XVII. Mare ergo per se non est incapax domini.</p> <p>XVIII. Quæ res propriæ nondum facta, propriæ fieri possint.</p> <p>XIX. Quotuplex sit occupatio.</p> <p>XX. An fera, pisces &amp; aves per universitatem occupata sint.</p> <p>XXI. An princeps feras ex suo in aliud territorium fugientes vindicare possit.</p> <p>XXII. Lex civilis de veneratione lata an etiam obliget peregrinos.</p> <p>XXIII. An hominibus jure naturæ competat aliquod jus in res jam proprias factas.</p> <p>XXIV. An invito domino res possint auferri.</p> <p>XXV. An hoc in casu committatur furtum.</p> <p>XXVI. An cessante necessitate restitutio debeat fieri.</p> <p>XXVII. Quando locus in solo pasato situs occupari possit.</p> |
|---|---|

XXVIII.

XXVIII. Quid ex tali loco sumendum sit.

XXIX. An præter casum extrema necessitatis aliud jus hominibus competat in res jam occupatas.

XXX. An flumen possit esse in proprietate.

XXXI. Quale jus homines alii in illud habeant, ut & in partem maris, & in terras jam occupatas.

XXXII. An jus transeundi competat istis, qui bellum pium gerit.

XXXIII. An dictum jus ipsi competens metu alieno tollatur.

XXXIV. Quæ rationes cavendi de innocio transitu adhiberi possint.

XXXV. An mercibus debeat transitus.

XXXVI. An ipsis hoc in casu vestigal imponi possit.

XXXVII. Quis sit modus exigendi vestigalis.

XXXVIII. An transeuntes vel prætervehentes jus morandi ad tempus habeant.

XXXIX. An exteris sedibus suis pulsus concedi debeat perpetua habitatio.

XL. An habeant jus petendi loca deserta & inculta.

XLI. Quotuplex sit jus quod homines habent ad actus quos vita humana desiderat.

XLII. Quod sit simplex seu absolutum jus ad dictos actus.

XLIII. Quid si ipsi, a quibus petitur, ejus rei indigeant.

XLIV. An hoc jus exteris competat ad res suas vendendas.

XLV. Quo in casu hoc jus habeant.

XLVI. An hoc jus ad querenda matrimonia pertineat.

XLVII. Quomodo habeamus jus ex suppositione ad actus aliquos.

XLVIII. An licitus sit contractus cum populo, ut is fruges suas eis, quibuscum jam contraxit, non aliis vendat.

I. Quæ est altera belli causa?

R. Altera belli causa est injuria facta adversus id, quod nostrum est. Grot. l. 2. c. 2. §. 1.

II. Quot modis aliquid nostrum est?

R. Nostrum aliud est communi hominum jure, aliud jure singulari. Jus illud commune directe est in rem corpora-

poralem, aut ad actus aliquos. Res corporales aut vacuæ sunt à proprietate, aut jam aliquorum sunt propriæ.

III. *Quotuplices sunt res à proprietate vacuæ?*

R. Aut tales sunt, ut in totum seu integræ propriæ fieri nequeant, aut ut possint.

IV. *Quale ergo est exordium dominiæ seu proprietatis?*

Grot. Proleg. n. 16.  
l. 1. c. 2.  
§. 1. n. 1.  
l. 2. c. 5.  
§. 5. in fin.  
l. 3. c. 1.  
§. 2. n. 1.

R. Deus creavit hominem infirmum & multarum rerum indigum, & simul ipsum sibi commendavit ad se conservandum, adeoque ipsi concessit jus in omnia ea, quæ ad ipsius conservacionem erant vel necessaria vel utilia.

V. *An homo accepit statim ipsarum rerum dominium, an vero jus seu facultatem res vacuas occupandi?*

Ziegl. ad Grot. l. 2. c. 2. §. 2. n. 1. & seq. aliter.

R. Dominium præsupponit factum humanum & plures homines, ideoque Deus concessit saltem jus seu facultatem res vacuas occupandi, & post multiplicatum genus humanum eas dividendi.

VI. *Antequam ergo fuerunt plures homines, an non fuit dominium?*

Puf. 4. c. 4. §. 3. Grot. l. 2. c. 2. §. 2. n. 1. &

R. Antequam plures fuerunt homines, nihil proprium vel commune fuit: quia communio involvit socium possessio-

sessionis & dominii; proprietas autem notat exclusionem alterius à jure ad istam rem quam solus ut propriam habeo; sic ut utraque non possit intelligi, nisi postquam plures uno homines esse coeperunt.

*seq. aliter  
Text. in  
Syn. J. G.  
c. 8. §. 7.  
& 8.*

VII. *Postquam genus humanum est multiplicatum, quomodo dominium est introductum?*

Res, quæ immediate sui usum hominibus præbent, vel ad nutrimentum, vel quæ corpori tegendo inserviunt, primum in proprietatem venerunt, & quod quisque sic arripuerat, id ei alter nisi per injuriam eripere non poterat: cumque plurima labore & industria opus habebant, inconueniens fuisset, si æquale jus ad ea habuisset, qui nihil operæ contulerat ad eorum productionem, ideoque producenti cedebant. Deinde res immobiles, quæ immediate usum nobis præstant, uti sunt domus, & tandem res per naturam citra industriam humanam productæ, ut sunt agri, ex usu & necessitate uniuscujusque occupatæ sunt: reliquæ vero vacuæ manserunt, ut eas in posterum occupare potuerint, quibus id visum erat. Unde videtur factum, ut qui agri alicui essent assignati,

*Puf. l. 4. c. 4. §. 6.*

ti, aut quibus cæteri tacite cessissent, quod unum solum istis frui quietè paterentur, ii ad eum solum pertinerent; & qui reliqui essent, illis cederent, qui deinceps eos occupaturi essent.

VIII. *An in primo statu etiam labore & industriâ opus fuisset?*

*Offand. l. 2.  
c. 2. obs. 2.  
Grot. l. 2.  
c. 2. §. 2. n.  
4. aliter.*

R. Non admittendum, primos homines terram non coluisse, & citra artium exercitationem & usum exegisse vitam, aut in sylvas excurrisse intar brutorum, ut vescerentur tantum sponte natæ & antra habitarent; eadem enim tunc fuit artium necessitas & utilitas, ut & iudicium humanum & industria, quibus inventæ sunt, quæ nunc est; & ut scriptura sacra loquitur, Adamus non debuit tantum hortum Paradisi inhabitare, sed & colere, ut ex cultura viveret. Gen. 2. v. 15.

IX. *Post introductam proprietatem quid est dominium?*

R. Dominium est jus de rebus pro arbitrio proprio nomine disponendi, & eas à quocunque alio possessore vindicandi.

X. *Quotuplex est dominium?*

*Grot. l. 1. c.  
1. §. 5. § 6.  
Becc. ibi.  
Fr. Horn.  
l. 2. c. 4*

R. Duplex. vulgare seu commune, quod privatis; & dominium eminens, quod reip. competit in res privatorum, ad

ad reip. utilitatem & necessitatem.

XI. *Unde probatur majestatem habenti in res privatorum competere dominium eminens?*

R. Probatur 1. quia Deus majestati, Fr. Hor. 2. c. 4. quæ est vicaria ejus potestas, illud jus tribuit, quod ex creatione in personas & res est consecutus. 2. Majestas de rebus privatorum pro utilitate & necessitate reip. proprio nomine & pro arbitrio disponere potest. 3. Majestas producit effectus domini in rebus privatorum, eas optimo jure alienando, dum negligentibus aufert, vel indignis, ut in usucapionibus, confiscationibus; iis, qui vel abutuntur vel administrare non possunt, curatores constituit, in prodigis, minoribus &c. 4. Sacra scriptura hoc testatur 1 Sam. 8. vs. 10. & seqq. Matth. 22. vs. 20. & 21. ubi dicitur, reddite Cæsari, quæ sunt Cæsaris, quando tributum erat solvendum.

XII. *At vero, si majestas haberet dominium in rebus privatorum, ipsi daretur facultas in iis grassandi; vel etiam unius rei duo essent domini, & à privatis Rex nihil acquirere posset, quia quod meum est, amplius meum fieri non potest?*

R.



R. Hoc dominium Rex non exercet, nisi ubi reip. utilitas & necessitas id exigit.

2. Majestas habet dominium summum & eminens, privati subalternum, & sic sunt domini diverso modo. 3. Acquirere potest à privatis hoc dominium subalternum; non autem acquirit eminens, quod jam ejus est.

XIII. *Quæ res non possunt fieri propria in totum seu integræ?*

Grot. l. 2.  
c. 2. §. 3.  
n. 1. & 2.

R. Res, quarum tanta est magnitudo, ut ad usum omnibus populis sufficiant, v.g. mare, ad aquam hauriendam, ad navigationem: idem dicendum de aëre, si quis ejus usus esse posset, ad quem terræ usus non esset necessarius, ut est ad aucupia: nec aliud censendum de Syrtibus, ubi nihil est, quod cultum ferat, & usus unicus petendarum inde arenarum exhauriri nequit.

XIV. *An ergo mare non potest esse in dominio?*

Puf. l. 4. c.  
5. §. 9. &  
10. Boecl.  
ad Grot. d.  
6. 2. §. 3.

R. Vastus oceanus, magnis continentibus Europæ, Asiæ, Africæ, Americæ, terræ Australi & incognitæ interjectus, uni soli in universum, aut paucis, exclusis reliquis, acquiri non potest: quia ab ejus promiscuo usu alios arce-re moraliter impossibile est, imò illicitum; neque enim Deus uni vel alteri, sed

fed universo hominum generi terrarum orbem concessit, simulque naturaliter homines æquales esse voluit; unde gravis esset injuria & dura servitus, si quis dominium maris universale sibi soli vindicaret.

*XV. Mare, in quibus partibus potest occupari & in domino esse?*

R. Distinguendus est usus maris in iis, ubi exhaustus esse potest, ut in certis piscium generibus, gemmis, & si quæ sint alia, & in his occupari & in dominio esse potest; & ubi est inexhaustus seu exhauriri non potest, & omnibus innoxius est, ut in navigatione, commerciis exercendis, in quibus in proprietatem unius venire non potest.

*Puf. d. c. 5. §. 7.*

*XVI. Cur hoc ita?*

R. Quia illud demum est in dominio, quod 1. usum aliquem mediatum vel immediatum hominibus præbere, & 2. custodiri potest; quod ultimum in priori usu, non autem in posteriori obtinet.

*XVII. An ergo ex se mare non est incapax dominii?*

R. Non. custodiri quidem universum ab uno populo non potest, tamen magnitudo ejus in omnibus non obstat, quo minus in quibusdam alii possint

*Becman. in bist. orb. part. 2. c. 4. §. 2.*

*Osiand. l. 2.  
c. 2. §. 3.*

sint ab usu ejus arceri, vel ex terra, ubi per angustum fretum in nostras terras sinus maris infunditur, vel per naves armatas. Quo accedit, quod concessioni divinæ, qua hominibus in terram capessere imperium permittitur, etiam mare jungatur. Æque enim dicitur, dominamini piscibus maris, quam animalibus terrestribus; in animalia autem imperium non competit, nisi simul jus in illud elementum, quod inhabitant, concedatur.

XVIII. *Quæ sunt res, quæ in totum seu integræ propriæ fieri possunt, sed nondum factæ sunt?*

*Grot. l. 2.  
c. 2. §. 4.*

R. Sunt loca multa inculta adhuc, insulæ in mari, feræ, pisces, aves. Vide tamen quæst. 20.

XIX. *Quoniam, ut diximus, propriæ sunt res per occupationem, quotuplex est occupatio?*

*Grot. d. c.  
2. §. 4.*

R. Occupatio est duplex: alia per unitatem, quæ fit per populum aut eum, qui populo imperat; & per hanc occupationem omnia sibi acquirit, quæ in singulos dominos descripta non sunt, ut flumina, lacus, stagna, sylvæ, montes asperi: alia per singulos, quando à populo singulis vel expresse assignatur, quantum debeant occupa-

re,

re, vél tacitè, dum permittit, ut unusquisque occupet, quantum excolere potest.

XX. *Feræ, pisces & aves, annon videntur per universitatem occupatæ?*

R. Verius est, per occupationem, quæ facta est per universitatem in elementis, quæ inhabitant, etiam dominium earum bestiarum esse acquisitum populo, vel ei, qui habet jus in populum; adeo ut si quis contra legem ipsorum eas capiat, furtum committat. Et sic lex civilis non tantum dominium ipsarum naturaliter acquirendum antevertit, sed per universalem occupationem jam adquisitum defendit & tuetur.

Fr. Horn. h. 2. c. 3. §. 5. aliter Ziegl. ad Grot. l. 2. c. 2. §. 5. & Puf. l. 5. c. 6. §. 11.

Grot. d. c. 2. §. 5. in fin.

XXI. *At, si princeps haberet dominium ferarum, eas posset vindicare, si ex uno territorio in aliud aufugerent?*

R. Dominium est restrictum ad territorium principis, ergo simul ac transfereunt in aliud territorium, desinunt esse principis, & cedunt occupanti seu domino istius territorii; sicut quando fera bestia evadit custodiam privatorum.

aliter Ziegl.

XXII. *Quando lex civilis lata est de venatione, an etiam obligat exteros?*

R. Aff. quia ad gubernationem populi

Grot. l. 2. c. 2. §. 5. c. 11. §. 5. n. 2.

puli moraliter necessarium est, ut qui ei vel ad tempus se admiscant, quod fit intrando territorium, ii conformes se reddant ejus populi institutis, tanquam subditi temporarii.

XXIII. *An hominibus jure communi seu jure naturæ competit aliquod jus in res eas, quæ jam factæ sunt propriae?*

Grot. d.c.2.  
§.6. aliter.

R. Quia jus naturæ præcipit, ut proximum diligamus, uti nos ipsos, eumque juvemus, in gravissima necessitate habet jus in meas res, perinde ac si à me occupatæ non essent.

XXIV. *An ergo me invito eas mihi potest auferre?*

Grot. d.c.2.  
§.7. Seld. d.  
I. N. &  
G. l. 6. c. 6.  
in fin.

R. Non semper. primo enim omnimodo tentandum est, an alia ratione necessitas possit evadi; puta magistratum adeundo, aut etiam tentando, an rei usus à domino possit precibus obtineri, imprimis laborando; subveniendum enim necessitati, non instruenda est pigritia. 2. Requiritur, ut si rem ipsi concedam, postea non teneam pari necessitate; melior enim est causa suum non tradentis, quam poscentis alienum; & prima causa est sui ipsius, secunda proximi.

Grot. d.c.2.  
§.8. & ibi  
Boecl. sed  
aliter.

XXV. *Si mihi invito hoc in casu rem*

an-

*auferat, an committit furtum?*

R. Non, quia dominus negando officium humanitatis, suo dominio ipso jure excidit, & sic res, ut vacua, occupatur.

*Puf. l. 2. c. 6. §. 8.*

XXVI. *Si cessante necessitate possit fieri restitutio, debetne fieri?*

R. Verius est, jus hic non fuisse absolutum, sed restrictum ad onus restituendi, ubi necessitas cessat: tale enim jus sufficit ad juvandum proximum, & ad servandam naturalem æquitatem, quæ vult, ut alius cum meo damno non fiat locupletior.

*Grot. d. c. 2. §. 9. & c. 10 §. 2. Ziegl. b. 1. aliter.*

XXVII. *An is, qui bellum pium gerit, potest locum occupare, qui situs est in solo pacato, si certum sit periculum, ne hostis eum locum invadat, & inde irreparabilia damna det?*

R. Si omnino periculum sit certum, & aliter hostis impediri non possit, necessitas jus facit; alias adversus incertos metus à divina providentia & innoxia cautione, non à vi præsidium petendum: inprimis cum sic transferatur bellum in ejus territorium, qui hostis non est, & nec læsit, nec lædere voluit.

*Grot. d. c. 2. §. 10. Boet. in Com. h. l. Feld.*

XXVIII. *Quando talis locus occupatur, quid sumitur?*

F 2

R. Ni-

Grot. d. c.  
2. §. 10.

IV. Nihil quod ad cautionem non est necessarium; puta nuda loci custodia, relicto domino vero jurisdictione & fructibus, & cessante necessitate redditur custodia.

XXIX. *An præter casum extremæ necessitatis, homines habent aliquod jus in res, quæ aliis factæ sunt propriæ, jure naturæ?*

Grot. d. 9.  
2. §. 11.

R. Affirmatur, scilicet jus innoxie utilitatis: neque enim societatis debitum quis exhausit, qui infesto aliquo facto me à se non protelavit, sed qui etiam aliquid proficui mihi præstitit.

l. 3. D. de  
justitia &  
juro.

Natura enim necessitudinem & cognitionem quandam inter homines constituit mutuis officiis exercendam. Hinc neque alimenta nostra perdere fas est, ubi ipsi plus satis habemus, neque fontem, postquam inde, quantum libet, potaverimus, obturare aut occultare, neque signa navigationis aut itineris abolere, quæ nobis usui fuerunt.

XXX. *An flumen est in proprietate?*

Grot. l. 2.  
6. 2. §. 4.  
in fin. §. 12.

R. Flumen, quæ flumen dicitur, per occupationem, quæ fit per universitatem, factum est ejus populi, intra cujus fines fluit, vel ejus, cujus in ditione est populus, atque ei licet mollem in flumen injicere; quæ in flumine

ne

ne nascuntur, ejus sunt. At idem flumen, qua aqua profluens vocatur, commune mansit, nimirum ut bibi hauriri que possit.

XXXI. *Si terræ & flumina, & si quæ pars maris in proprietatem alicujus populi venerit, an alii homines in ea adhuc jus habent?*

R. Quia ex lege humanitatis & jure societatis universalis alter alteri debet præstare usum rei suæ innoxium, ergo transitus patere debet his, qui eo opus habent ad justas causas, qui, ubi necessitas adigit, etiam vi possunt vindicare eum, si quidem ex inani diffidentia aut animi malignitate denegetur. Quamvis de hac re aliter disputent philosophi, & aliter sentiant populi gentesque in ipso usu vitæ humanæ; nemo enim dubitat, quin liceat sibi armatorum transitum impedire, si possit, sicut omnes ex diverso credunt, licere sibi, si possint, transitum vi aperire, ad eum ut hodie non tam juris controversia, quam transactionis esse videatur.

XXXII. *Si ergo quis quod suum est, justo bello petat, an ipsi transitus patere non debet?*

R. Quamvis justum bellum alteri inferri possit, tamen hoc non statim fieri debet

Grot. d. e. 2.  
§. 13. Puf.  
l. 3. c. 3. §.  
5.

Boet. in  
Comment.  
l. 2. c. 2.  
§. 13.

Puf. l. 3. c.  
3. §. 5. in  
med. aliter



Grot. d. c.  
2. §. 13.

debet per meum territorium: transitus enim mihi debet esse innoxius, & vero sic facile sedes belli in meum territorium transferri potest; idem enim jus transitus hosti tuo ex altera parte competit, qui tibi, & sic in meo territorio tibi occurrere & resistere potest.

XXXIII. *An non sic jus meum metu tuo tollitur?*

Feld. b. l.  
Text. de J.  
G. c. 26. §.  
36. & seqq.  
instantia  
Ziegl. b. l.  
non concludit.

ꝛ. Multitudo transeuntium est justa metus causa, imprimis armatorum: tutum enim non est tot hospites in aedes suas admittere, ut ab ipsis quis ejici possit. Hinc tibi jus quæsitum nullum est, ubi transitus mihi potest esse noxius, vel quia ipse subjugari possum; vel quia hostem tuum mihi hostem facio, & bello me implico.

XXXIV. *At vero sunt rationes cavendi contra hunc metum, ut si divisis manibus transmittantur copiae, si inermes, si impensâ transeuntis præsidia idonea conducantur?*

Puf. d. l. a.  
liter Grot.  
d. c. 2. §. 13.  
n. 4.

ꝛ. Cautiones de hoste intermi transmittendo, & ut præsidia idonea conducantur, non sunt tales, quæ facile impetrari possunt: altera enim à viro militari, ut arma ponat, vix exigi debet, altera nimis sumptuosa est; ut verò agminibus divisis transeant, facillimum qui-

quidem & tutissimum est, sed tamen hostis tuus adhuc in solo meo tibi occurrere, & iter impedire potest.

**XXXV.** *Estne justa transeundi causa, si commercia velim exercere cum gente seposita, an & mercibus debetur transitus?*

¶. Et si prohibere non possim, si nullum pactum cum tali gente, scilicet, ut solus cum ea commercia colam, intercessit, quominus commercia cum ea exerceas, tamen si utilitas reip. propriæ hoc suadeat, prohibere possim, ne ista per meum territorium exercean- tur: nec interest, quod forte aliter ex- erceri non possint, propter tuum enim commodum jus in meo meum mihi non tollitur. Quo accedit, quod nullo jure humanitatis cogar concedere transitum aliis mercibus, quam quæ ad vitam aliorum omnino sunt necessariæ; si autem ad luxum faciant, aut ad exuberans lucrum, ut sint potentiæ nimis crescentis instrumenta, prohibere possum. Et licet propriè nullo afficiar damno, dum lucrum speratum & incertum mihi intervertitur, tamen cum mihi semper propriæ reip. salus potior sit, merces in meo territorio mihi sistendi jus est; id quod hodie vocamus

Grot. d. c. 2.  
§. 13 n. 5.  
& §. ult.

Puf. d. 1.

jus stapulæ, ut à meis civibus postea divehantur in loca remotiora.

XXXVI. *An ita transeuntibus mercibus terra, aut amne, aut parte maris, vectigalia imponi possunt ab eo, qui in terra imperium habet?*

Grot. d.c. 2.  
§. 14. n. 1. &  
2. c. 3. §. 14.

R. Quæcunque onera ad illas merces nullum habent respectum, ea mercibus istis imponi, nulla æquitas patitur, ut capitatio civibus imposita ad sustentanda reip. onera; si autem pertineant ad præstandam securitatem mercibus, aut ad onera sustinenda, e. g. ubi signa brevium, aut portus, aut naves stationariæ in excubitu sunt, vel si ripæ arcibus, munimentis, præsiidiis &c. adversus piratica ausa instruendæ, ad ea compensanda vectigal aliquod imponi mercibus potest, dum modus causæ non excedatur: inde enim pendet justitia ut tributi, ita & vectigalis.

XXXVII. *Quis est modus exigendi vectigalis?*

Grot. d.c. 2.  
§. 14. n. 3.  
Boeckl. b. 1.

R. Adeo facile æstimari non potest, quis sit æquus modus vectigalis exigendi: & qui æstimant, non solas expensas considerare debent, sed tempora reip. naturam mercium, emendi vendendique facultatem, pecuniarum copiam

piam inopiamve &c. Hinc est, ut, qui jus habet vectigal exigendi de mercibus, habeat etiam jus, si natura mercium hoc admittat, & commerciorum libertas non impediatur, resignandi, refringendi, aperiendique vasa, inspectionis causa.

XXXVIII. *An pratervehentes aut transeuntes aliquantis per possunt morari valetudinis aut alia qua justa de causa?*

ꝛ. Prius constare oportet, quam faciem ipsa classis præ se ferat, hostes an Puf. l. 3. c. 3. §. 8.

amicos vehat? an à contagiosis morbis immunis sit? & his omnibus observatis & aliis, quæ requiruntur ad utilitatem innoxiam, humanitatis est, ut non solum exscendere, sed & ut in litore tuguriolum momentaneum exstruere possint, modo littus non reddatur deterius. Grot. d. c. 2. §. 15. n. 1. §. 2.

Æquitas tamen vult, ut hoc non semper fiat gratis, sicut enim Boecl. b. 4.

afflicto afflictio non est addenda, si ex naufragio appellat, aut alia causa miseratione digna, forte quia propter religionem pulsus aufugit; ita si lucri sui gratia in litore nostro exscendat, durum esset, si pro compensatione impensarum vel præstitæ securitatis, nihil solveret: hinc est, ut in locis quibus-

Seld. de mar. cl. p. 319.

dam pro jactis anchoris aliquid sit præstandum.

XXXIX. *Exteris, qui sedibus suis pulsi receptum quærunt, concedendane perpetua est habitatio?*

*Eld. ad  
Grot. b. l.*

*Puf. l. 3.  
c. 3. §. 10.*

*R.* Quoslibet recipere peregrinos in civitatem, non modo periculosum est, sed nec civitatis cujusque status id admittit; finis enim ejus est civium beatitudo, quæ impeditur promiscua omnium receptione & barbarorum morum introductione. Hinc misericordia ita est temperanda, ut nos ipsi aliis non fiamus miserabiles; & probe considerari debet, an ea sit agri nostri fertilitas, ut commodè eos alere possit, solers an ignava turba, quæ recipi debet, an advenæ ita distribui possint & locari, ut hinc civitati periculum nullum immineat &c.

XL. *An, si quid intraterritorium populi sit deserti soli, postulantis id concedendum est?*

*Boecl. ad  
Grot. l. 2.  
c. 2. §. 17. 1  
aliter Grot.  
d. l.*

*R.* Contenti debent esse iis, quæ istis assignamus, & fortuna ejusmodi exulum non statim dat ipsis jus à quocunque populo, & ubi placuerit, expostulandi sedes, sed circumferendæ preces, ad extremum non futuræ ubique inefficaces, si vel religionis causa, vel alia

alio infortunio expellantur : conjurati enim & desperati latrones merito nobis sunt suspecti.

**XL I.** *Jure naturæ omnes homines etiam habent facultatem ad actus aliquos exercendos apud nos, quotuplex est ista facultas?*

ꝛ. Duplex, secundum quosdam: alia Grot. d. c. 2. §. 18. est simplex seu absoluta, quæ ipsis semper competit; alia ex suppositione, quæ ipsis competit, si eam etiam aliis concedamus.

**XL II.** *Quæ est simplex seu absoluta?*

ꝛ. Simpliciter & semper habent facultatem ad actus tales, quibus comparantur ea, sine quibus vita duci nequit, puta alimenta, vestimenta, medicamenta. Hinc aut lege lata, aut conspiratione hoc impedire non licet: est enim tale impedimentum naturæ societatis contrarium. Grot. d. §. 18.

**XL III.** *Quid si ipsi ejus rei indigeamus?*

ꝛ. Impediri possunt; & in summa penuria frumenti venditio recte prohibetur. Hinc si urbem aliquam tanta multitudo peregrinorum impleverit, ut sustinere eos nequeat, si salva esse velit, peregrini semel admissi recte ejiciuntur; alias enim indigenæ essent ejiciendi, cum tamen propriæ civitatis Grot. d. c. 2. §. 11. aliter. Boeckl. b. 1. m.

tis cura potior esse debeat.

**XLIV.** *An exteri ad sua vendenda apud nos eandem habent facultatem?*

Grot. d. c.  
l. §. 20.

**R.** Negatur. cuilibet enim liberum est statuere, quid velit acquirere, aut non: & si domesticis copiis quis sit contentus, qua fronte aliquis alienas merces ipsi invito obtruserit, inprimis si damnum aliquod civitati inde oriri posset, forte si subditorum nostrorum industria impediretur, aut opes ipsorum ad externos transportarentur.

**XLV.** *Si populus aliquis, undique alterius territorio circumdatus, merce aliqua abundaret, rebus autem aliis ad vitam ducendam necessariis indigeret, an non ipso invito eas in ejus territorio vendere posset?*

Boeckl. ad  
Grot. l. 2. c.  
§. 2. §. 20.

**R.** Ad minimum facultas ipsi esset concedenda vendendi eas aliis per territorium; alias justam adversus me haberet bellandi causam,

**XLVI.** *An ad hoc jus libertas matrimonii ambiendi & contrahendi refertur?*

Grot. d. c.  
a. §. 21. &  
Boeckl. ibi.  
Alber.  
Gent. l. 1. c.  
c. 17. aliter  
Osiand. b. l.  
Fuf. l. 3. c.  
§. §. 13.

**R.** Si cætera paria sint, si eandem religionem profiteantur, iisdem sint moribus, scelestum vitæ genus non sequantur &c. iis facultas comparandi uxores adimi non debet, aut si conspi-

ratio

ratione quadam ad excidium civitatis  
 hoc fiat; populus enim virorum est u-  
 nius tantum ætatis. Hinc si aliunde co-  
 pia mulierum, quam ab iis, à quibus  
 petitæ sunt, haberi non possit, necessa-  
 rium propterea bellum inferre permis-  
 sum esse videtur, & leges civiles ali-  
 quorum populorum, quæ connubia ex-  
 teris negant, non de quibusvis connubiis  
 agunt, sed de iis tantum, quæ speciales  
 quosdam effectus juris civilis produ-  
 cunt.

XLVII. *Quomodo jus habemus ex  
 suppositione ad actus aliquos?*

æ. Si aliquis populus promiscue per-  
 mittat externis aliquos actus in suo ter-  
 ritorio, e. g. venari, piscari, aucu-  
 pari, margaritas legere, ex testamen-  
 to capere, res vendere, conjugia con-  
 trahere &c. alii populo, nisi delictum  
 præcesserit, sine injuria, secundum  
 aliquos, denegare eosdem non potest.  
 Verum merito de hoc dubitaveris: aut  
 enim concessio facta est expresse, id-  
 que vel precario, vel per modum pa-  
 cti, aut promissionis perfectæ; & im-  
 pudens esset, si quis ignotus hæc tan-  
 quam jure sibi debita prætenderet: aut  
 ista notis & ignotis precario & per dissi-  
 mulationem concessimus, tunc muta-  
 tis

*Grot. d. 6.  
 2. §. 22.*

*Boeck. b. l.  
 § Feld.  
 sed aliter.*



tis nostris rationibus, aut propter immodestiam utentium, aut necessitatem nostræ reip. revocari & prohiberi merito possunt. Reip. enim propria salus prima est.

XLVIII. *Licetne alicui populo cum alio pacisci, ut is sibi soli vendat certos fructus, qui alibi non nascuntur?*

Grot. l. 2 c. 12. §. 16. &  
c. 2. §. 24.  
Ziegl. b.  
l. sed aliter, contra quem disputat Puf. l. 3. c. 3. §. 6.

RE. Sicut privata monopolia interdum ab iniquo pravoque consilio liberantur, ita & in hoc publici monopoli genere non eodem semper modo erit judicandum; potest enim vitium ex tempore, locorum conditione, populorum utentium necessitate &c. accedere, quod tamen regulam non subvertit: talia enim pacta per se juri naturæ non repugnant, si is, qui emit, paratus sit aliis vendere æquo pretio: nam aliarum gentium non interest, à quo emant, quod ad desideria naturæ attinet; & sic impedimentum nullum fit naturæ societatis humanæ, imprimis si populus, qui id stipulatus est, alterum populum in suam tutelam receperit, sumtusque eo nomine faciendos habeat.

## CAPUT III.

De acquisitione originaria rerum,  
ubi de mari & fluminibus.

- I. *Quot modis aliquid nostrum fiat jure singulari.*  
 II. *Originaria acquisitio quot modis fiat.*  
 III. *An hodie adhuc per divisionem originarie acquiri possit.*  
 IV. *An per concessionem servitutis, & constitutionem pignoris.*  
 V. *An per specificationem.*  
 VI. *Quenam occupari possint.*  
 VII. *Que materia imperio subjaceant.*  
 VIII. *An retento imperio, dominium aliis assignari possit.*  
 IX. *An occupatio rerum mobilium lege civili anteverti possit.*  
 X. *An requiratur nova prohibitio.*  
 XI. *Quid requiratur in eo, qui dominium vult acquirere.*  
 XII. *An infantes & furiosi dominium acquirere possint.*
- XIII. *An dominio per se utantur.*  
 XIV. *Flumina & maria an occupari possint.*  
 XV. *An solum mare internum.*  
 XVI. *An animi actu solo.*  
 XVII. *Quot modis talis occupatio fiat.*  
 XVIII. *Pactiones, quae populum aliquem ultra certos terminos vetant navigare, an doceant maris occupationem.*  
 XIX. *Fluminis cursus mutatus an imperii terminum mutet.*  
 XX. *Quid si alveus mutatus sit.*  
 XXI. *An totum flumen uni populo accedere possit.*  
 XXII. *Res derelictæ, aut quarum defecerunt domini, an originarie acquiri possint.*

I. *Quot modis aliquid nostrum fit jure singulari?*

ꝛ. **A**cquisitione originaria vel derivata. Grot. l. 2. c. 3. §. 1.

II. *Quot modis res originarie nobis acquiruntur?*

ꝛ. Jure singulari res originarie seu primum à nobis acquiruntur, quando alii Grot. l. 2. c. 3. §. 1.

alii homines, extra casum extremæ necessitatis, & innoxiae utilitatis, nullum amplius jus commune nobiscum habent in res: idque duobus modis, scilicet occupatione & divisione.

III. *At verò originaria acquisitio per divisionem fieri potuit tantum, quando genus humanum coivit in civitates?*

diff. l. 2. c.  
3. §. 1.

R. Hodie adhuc acquisitio primum à nobis potest fieri per divisionem, quando scilicet novæ occupantur terræ à populo, & singulis privatis per divisionem assignantur: tunc enim respectu domini privati, divisio est modus acquirendi illud originarius.

Ziegl ad  
Grot. l. 2.  
c. 3. §. 1.

IV. *Annon concessione servitutis, & constitutione pignoris, originarie acquiritur?*

Grot. l. 2.  
c. 3. §. 2.

R. Non. hæc enim jura nova non sunt, nisi modo, & virtute ipsa jam inerant in dominio domini.

V. *An specificatio est modus acquirendi originarius?*

Grot. l. 2.  
c. 3. §. 3.

R. Cum naturaliter nihil fiat, nisi ex materia prius existente, specificatio ad originarium acquirendi modum referri non potest, nisi materia, ex qua nova species facta fuit, nullius fuerit, tunc enim ad occupationis genus hæc

ac-

acquisitio pertinebit; sin nostra fuerit, continuabitur dominium specie introducta.

VI. *Quanam possunt occupari?*

R. In iis, quæ nullius sunt, duo sunt occupabilia, imperium seu jus imperandi, & dominium, quatenus ab hoc jure imperandi distinguitur.

Grot. di. 1. 2. cap. 3. §. 4.

VII. *Quæ sunt materie subjacentes imperio?*

R. Primaria sunt personæ, quæ materia sola interdum sufficit; ut in exercitu virorum, mulierum, puerorum, quærente novas sedes, seu uno verbo, coloniæ: secundaria locus, qui territorium dicitur. Sic jure belli in victos originarie acquirimus & jus imperandi seu imperium, & dominium: ea enim, quæ hostium sunt, à nobis habentur ut res nullius; quia quæ ex jure societatis fluunt, seu ex jure naturæ, in quantum faciunt ad finem in bello obtinendum, non debemus hostibus, qui per belli denunciationem societati ejusque juribus renunciarunt.

di. 1. loc.

l. 3. c. 6. §. 8. inf.

Pof. 1. 4. c. 2. §. 8. in fin.

VIII. *Poffumusne retinere imperium, & dominium assignare aliis?*

R. Quanquam plerumque uno actu quæri solent imperium & dominium, sunt tamen distincta, ideoque domi-

Grot. 1. 2. c. 3. §. 4. n. 2.

G nium

nium non in cives tantum, sed & in extraneos transit, manente, penes quem fuit, imperio; sic advenis possumus assignare dominium in agris & retinere imperium.

*IX. In loco, cujus imperium jam occupatum est, anne jus occupandi res mobiles, ut metalla, aurum, argentum, feras bestias &c. anteverti potest lege civili?*

Grot. l. 2. c. 6.  
3. §. 5. aliter Puf. l.  
4. c. 6. §. 7.

*R.* Non tantum jus occupandi has res anteverti potest lege civili, seu non tantum prohiberi potest lege privatis, ne has res occupent, etiam in proprio solo; sed & per universitatem jam à populo, seu ab eo, qui jus in populum habet, occupatæ videntur, & sunt in ejus dominio. vid. supra c. 2. q. 20.

*X. At si viderentur jam occupatæ, vel a populo, vel ab eo, qui jus habet in populum, quid opus esset nova prohibitione?*

Grot. l. 2. c. 6.  
§. 5. 7.

*R.* Quia primis temporibus, & hodie adhuc plurimis in locis, occupatio harum rerum privatis tacite permittitur à populo, vel ab eo, qui jus habet in populum, ideo, ut de contraria voluntate & animo has res sibi retinendi omnibus constet, prohibitiones & interdicta fieri solent: non autem ideo, quod non

vi-

videantur occupatæ aut in dominio esse.

XI. *Quid requiritur in eo, qui dominium vult acquirere?*

ꝛ. Usus rationis: opus enim est intentione acquirendi, quod rem istam in posterum velit habere pro sua; & intellectu, ut sciat istum actum aptum esse, ut ipsi inde jus nascatur. Grot. l. 2.  
c. 3. §. 6.

XII. *An ergo infantes, furiosi &c. dominium non possunt acquirere?*

ꝛ. Jus gentium ob utilitatem communem constituit, ut & infantes & furiosi dominia accipere & retinere possint, personam illorum interim quasi sustinente humano genere: nec interest, an ab alio jam acquisitum accipiant, an originarie acquirant: si enim jus & legislator, propter eorum utilitatem & præsumtum consensum, quo scilicet non præsumuntur respuere id, quod ipsis expedit, ipsorum personam hic sustinet, cur non etiam in dominio noviter acquirendo, si e. g. novæ terræ occuparentur, & ipsis forte à legislatore aliqua portio, citra ipsorum occupationem, assignaretur; & sicut jus & legislator ipsis possunt acquirere per tutores, cur non immediate sine tutoribus iidem acquirerent? Grot. l. 2.  
c. 3. §. 6.  
  
aliter Puff.  
l. 4. c. 4. §.  
15.

XIII. *An dominio per se uti possunt?*

G 2                      ꝛ. Non.

Grot. d. l.

ꝛ. Non. dominium enim eorum stat intra actum primum, nec ad actum secundum pertingit; id est, ad habendi, non ad per se utendi jus pertinet, & alienatio, quæque huic sunt similia, in ipsa sui natura includunt actum voluntatis ratione utentis; quæ in talibus non existit.

XIV. *Flumina & maria possuntne occupari?*

Grot. l. 2.  
c. 3. §. 7.  
& 8.)

ꝛ. Affirmatur; quia 1. natura & fluminum & marium domini capax est. 2. utilitatem nobis præstare, & custodiri possunt. vid. supra cap. præced. q. 16.

XV. *An mare internum tantum potest occupari?*

Grot. d. l.  
sed aliter.

ꝛ. Non tantum inclusum ad populum adjacentem, sed & omne mare aluens ad dominum continentis pertinet: & quidem quivis populus maritimus, & cui ullus navigandi usus est; præsumitur dominium maris littoribus suis prætensi occupasse; quousque illud munimenti rationem habere censetur: in primis autem portus, & ubi alias commoda in terram exscensio fieri potest, sinus quoque maris, freta, lacus &c. ad populum pertinent, qui territorium ibi occupat; & si sint diversi ab utroque

Puf. l. 4. c.  
5. §. 8. in  
fav. Alber.  
Gent. c. 8.  
& 14. Seld.  
in mar. cl.  
l. 2. c. 20.  
21. & 22.  
jung. Ziegl.  
h. l.

latere, pro latitudine terrarum, ad medium usque ad eos spectant: nisi vel per conventionem indivisim imperium contra externos exercere, & promiscue inter se isto æquore uti placuerit, vel uni soli in totum cedat, acquisitum ex pacto expresso vel tacito, jure victoriæ, aut quia is prior ad maria sedes fixerit, illudque solus statim occupaverit, & contra alios actus imperii exercuerit.

XVI. *An solo animi actu mare occupari potest?*

R. Dum quis territorium occupat, statim intelligitur mare occupasse, in quantum hoc ad territorii sui utilitatem & necessitatem, ut quæst. præced. dictum, requiritur; ad exemplum occupationis rerum immobilium, in quibus non est opus, ut quis singulas glebas terræ circumambulet, sed dum quis fundum intrat animo eum occupandi, statim totum occupasse intelligitur.

*Grot. l. 2.  
c. 3. §. 12.  
sed aliter.*

XVII. *Quot modis imperium in portionem maris acquiri potest?*

R. Acquiri potest & ratione personarum, & ratione territorii: ratione personarum, si classis, qui maritimus est exercitus, aliquo in loco maris se habeat eo tempore, quo de maris impe-

*Grot. d. c.  
3. §. 13. n.  
2. Boecl. &  
Ziegl. b. l.*



rio vindicando agitur, & ista classis perpetuo ibi subsistat: ratione territorii, quatenus ex terra cogi possunt, qui in proxima maris parte versantur, nec minus, quam si in ipsa terra reperi-  
rentur.

**XVIII.** *Quando populus alteri populo se obstringit, ne ultra certum terminum naviget, an hoc docet maris occupationem, aut juris navigandi?*

Grot. d. c. 3.  
§. 15. n. 1.  
& 2. aliter  
Ziegl. b. 1.

R. Negatur. populi enim pactis cedere possunt de jure, quod sibi competit; & quod cum omnibus habent commune, in gratiam ejus, cujus interest. Imo, si occupatum fuisset ab altero populo, talis pactio non require-  
retur.

**XIX.** *Cum flumen mutat cursum, an simul imperii terminus mutatur, & quæ flumen adjecit, an ea cedunt iis, quibus adjecta sunt?*

Grot. d. c. 3.  
§. 16. text.  
in Syn. J. G.  
c. 8. §. 36.

R. Si territorium ad flumen se extendat, cursu fluminis paulatim mutato, mutantur & fines territorii: & quicquid alteri parti adjectum est, sub ejus est imperio, cui adjectum est: quia eo animo populus imperium occupasse primitus creditur, ut flumen sua medietate dirimeret eos, tanquam natu-  
ralis

ralis terminus, quia imperiis distinguendis nihil est aptius, quàm quod non facile transitur, ut sunt flumina & montes.

XX. *An idem dicendum, si alveum mutaverit annis?*

R. Non. nam flumen, etiam qua imperia determinat, non consideratur nude, qua aqua est, sed qua aqua alveo tali fluens ripisque talibus inclusa: at si alveo veteri deserto alià irruperit flumen, non idem erit, quod fuit ante, secus quàm quando paulatim cursum mutat, sed novum vetere extincto, & sicut, si exaruisset flumen, imperii terminus maneret medietas alvei, qui proxime fuisset, ita mutato alveo idem observandum. Hæc enim mens populorum fuisse censenda est, ut flumine quidem naturaliter dirimi vellent, attamen si flumen esse desisset, ut tum teneret quisque quod tenuisset.

Grot. d. c. 2.  
§. 17. & ibi  
Boccl.

XXI. *An totum flumen uni populo, potest accedere?*

R. Aff. si alterius imperium in ripam serius & occupato jam flumine coeperit, aut eum in modum res pactionibus definita sit.

Grot. d. c.  
3. §. 19.

XXII. *Si quedam dominum habuerunt, sed habere desierunt, aut quia*

G 4

de

*derelicta sunt, aut quia defecerunt domini, an hæc originarie possunt acquiri?*

d. §. 19. n. 3.

§. Privati ea originariè acquirere possunt, si populus seu universitas, aut dominus superior, à cujus dominio generali pendent, eorum occupationem privatis aut concedat, aut ea privatis assignet; alias enim, si quid domino particulari carere incipiat, non fit occupantis, sed ad universitatem, aut ad dominam superiorem redit.

#### C A P U T IV.

*De derelictione præsumta, & eam secuta occupatione: & quid ab usucapione & præscriptione differat.*

- |  |   |
|--|---|
| <p>I. <i>Quæ res dicantur derelictæ.</i></p> <p>II. <i>Quomodo alicui de alterius animo constare possit.</i></p> <p>III. <i>Quæ sint signa ejus externa.</i></p> <p>IV. <i>Quomodo factis aliquid habeatur pro derelictæ.</i></p> <p>V. <i>An sub factis comprehendantur non facta.</i></p> <p>VI. <i>Quæ in silentio requirantur, ut id valeat ad præsumendam derelictionem.</i></p> <p>VII. <i>An conjectura, scire alicquem &amp; velle quid, ex tempore possit desumi.</i></p> <p>VIII. <i>An tantum temporis inter præsentem, quantum inter absentes, requiratur.</i></p> | <p>IX. <i>Quot anni faciant tempus memoriam excedens.</i></p> <p>X. <i>An actus negativi ad conjecturam præsumta derelictionis sufficiant.</i></p> <p>XI. <i>An idem obtineat in imperiis.</i></p> <p>XII. <i>Quomodo res pro derelicta habita acquiratur.</i></p> <p>XIII. <i>Quid sit usucapio seu præscriptio.</i></p> <p>XIV. <i>An obtineat in regnis.</i></p> <p>XV. <i>An ad reges pertineat, cum sit juris civilis.</i></p> <p>XVI. <i>An reges ea opus habeant, cum omnia acquirant aut jure belli, aut titulo pacifico.</i></p> <p>XVII. <i>An nondum natis</i></p> |
|--|---|

jus

ius suam tali derelictione decedat.

XVIII. Lex de usucapione & prescriptione lata ab eo, qui habet summum imperium, an ad summum imperium ipsum & ejus partes pertineat.

XIX. Quicquid juris est in integro, an non observandum sit in parte.

XX. An populus in delatio-

ne imperii præscribere possit modos illud amittendi per non usum.

XXI. Ea, quæ non sunt de natura summæ imperii, an legibus populi de usucapione latis subjaceant.

XXII. An semper liceat subditis se in libertatem vindicare.

XXIII. An abus meræ facultatis præscribi possint.

I. *Quæ res dicuntur derelictæ?*

xx. **R**es derelictæ dicuntur, quas quis non amplius vult habere in numero rerum suarum. Grot. l. 2. c. 3. §. 19.

II. *At vero hoc pendet ab alterius animo, quomodo mihi de isto constare potest?*

xx. Non quidem congruum est naturæ humanæ, nudis animi actibus efficientiam juris tribuere; quia animus cognosci non potest, nisi ex signis externis: tamen natura humanæ societatis, quæ vult, ut officiorum inter nos & rerum fiat commutatio, etiam non patitur, ut actibus animi sufficienter indicatis nulla fit efficacia, quia alias nullum esset medium hæc negotia expediendi inter homines. Grot. l. 2. c. 4. §. 3. c. 2. §. 2. n. 5.

III. *Quæ sunt signa externa, ex quibus mihi constat de alterius animo?*

xx. Verba vel facta: & quidem de verbis d. c. 4. §. 3. in fin.

c. 6. §. 2. c.  
II. §. 11.

bis rem abdicantis expedita res est, dummodo non sint vaga, ambigua, obscura, & rem non satis exprimentia.

IV. *Quomodo factis aliquid habetur pro derelicto?*

d. c. 4. §. 4.  
II. §. 2.

R. Quod abjicitur aut deseritur; nisi ea sit rei circumstantia, ut temporis causa & requirendi animo aut repetendi sit abjectum aut desertum; ut si quis navis levandæ gratia aliquid abjiciat, aut fundum deserat ob metum hostium. Et hoc non tantum inter privatos, verum & inter reges locum habet & populos liberos; venit enim ex jure naturali, quo quisque suum potest abdicare; & ex naturali præsumptione, qua voluisse quis creditur, quod sufficienter significavit.

V. *An sub factis comprehenduntur non facta?*

d. c. 4. §. 5.  
Ziegl. b. l.

R. Moraliter sub factis veniunt & non facta, considerata cum debitis circumstantiis: sic qui sciens & præsens tacet, quando agitur de ejus commodo, videtur consentire: quando autem agitur de ipsius præjudicio vel obligatione, tum demum, si actum impedire potuit, & non fecit: sæpe enim circumstantiæ ostendunt, metu aliquem vel alio casu impediri, quo minus loquatur. Sic à

po-

populo potest subito introduci consuetudo ex eo, quod ab imperium habente toleratur per tempus, quantum satis est ad significandum consensum,

VI. *Quae requiruntur in silentio, ut valeat ad praesumendam derelictionem?*

R. Duo. 1. ut sit silentium scientis, d. c. 4. §. 5. n. 3. nam silentium nescientis jure naturae caret effectum 2. ut sit libere volentis: si enim alia causa appareat, cessat conjectura voluntatis. vid. quaest. 4.

VII. *Hac conjectura, scilicet ut aliquis praesumatur scire & velle, potestne etiam sumi ex tempore?*

R. In utrumque temporis magna vis est: nam primum fieri vix potest, ut ds. 4. §. 6. Puf. l. 4. c. 12. §. 8. in fm. multo tempore res ad aliquem pertinens non aliqua via ad ejus notitiam perveniat, cum multas ejus occasiones subministret tempus: deinde incussus semel metus durare quidem non nihil creditur, sed non perpetuo, cum tempus longum multas occasiones adversus metum sibi consulendi per se, vel per alios suppeditet, etiam exeundo fines ejus, qui metuitur, saltem ut protestatio de jure fiat, aut quod potius est, ut ad iudices aut arbitros provocetur.

VIII.

VIII. *An tantum temporis requiritur inter presentes, quantum requiritur inter absentes?*

5. G. Prof.  
22

ꝛ. Non. etiam jure naturæ inter præsentés minus temporis spatium ad hanc conjecturam sufficit, quam inter absentes: in omnibus autem tempus memoriæ excedens, quasi moraliter infinitum, ad rei derelictæ conjecturam semper sufficere videtur, nisi validissimæ sint in contrarium rationes; ut si quis propter impotentiam jus suum sibi vindicare non potens, protestatione illud conservet.

IX. *Quot anni faciunt tempus memoriæ excedens?*

d. c. 46. 7.

ꝛ. Anni centum non longe abeunt à tempore memoriæ excedente, quia communem humanæ vitæ terminum constituunt: quamvis non sint plane idem, propter interventum famæ & auditionis à parentibus & avis. Monumenta scripta hic non attenduntur, quia alias nullum esset tempus memoriæ excedens.

Boecl. b. l.  
pag. 118.  
& 119.

X. *Cum non sit credendum, homines jactare quod suum est, ideoque ad conjecturam præsumptæ derelictionis actus negativi non videantur sufficere, etiam cum magno temporis*

*poris spatio conjuncti, quid ergo?*

ꝛ. Cum homines se suaque ament, non quidem præsumuntur id facile quod suum est jactare, verum tamen credibile etiam non est, quemquam ejus quod vult, longo tempore nullam plane e-  
dere significationem idoneam.

d. c. 4. §. 8.  
n. 4.

XI. *An idem obtinet in imperiis?*

ꝛ. Affirmatur. quanquam enim hæc magnifici soleant, scire tamen debemus, ea magna esse onera, & diligentem atque perpetuam requirere administrationem; quæ si deficiat, facit, ut qui rex fuit, desinat esse rex.

d. c. 4. §. 8.  
n. 2. l. 1. c. 4.  
quest. 13.

XII. *Si itaque interveniat actus negativus, seu si aliquis nihil faciat circa suam rem, eamque alius interea possideat, quomodo eam acquirit?*

ꝛ. Hæc præsumta derelictio facit, ut eam usucapiat aut præscribat.

XIII. *Quid est usucapio seu præscriptio?*

ꝛ. Usucapio seu præscriptio est modus, quo propter prioris domini negligentiam, & præsumtam derelictionem, possessori per tempus idoneum res acquiritur.

XIV. *An ea obtinet in regnis?*

ꝛ. Affirmatur; quia 1. derelinqui

Græc. l. 2. c.  
4. §. 1. 2. c.  
4. §. 8. n. 3.



d. c. 4. §. 9.  
sed aliter.

d. c. 4. §. 11.  
aliter Vasq.  
l. 2. c. 51. n.  
28. vi d.  
Grot. d. c.  
4. §. 1.

possunt. 2. Hæc tandem aliquando in certo & extra controversiæ aleam constitui, humanæ societatis interest, propter pacem communem, quam quæ adjuvant conjecturæ, favorabiles putandæ sunt. Et hinc 3. communis necessitas & utilitas inter omnes gentes induxit hanc legem, ut possessio memoriam excédens non interrupta, nec provocatio- ne ad arbitrum interpellata, omnino dominium transferat; ita ut non tantum regi adversus regem, populo libero adversus populum liberum, jus imperandi acquiri possit, ut expresso consensu, ita derelictione & eam secuta, aut ex ea vim novam accipiente apprehensione; ea enim, quæ ab initio vitiosa sunt, si nova causa superveniat, convalescere possunt: verum etiam alicujus populi rex verus amittere possit regnum, & populo subjici; & qui revera non rex, sed princeps erat, rex summo cum imperio fieri, & summum imperium, quod penes populum, aut penes regem, in solidum erat, inter eos dividi.

XV. *Usucapio cum sit juris civilis, quomodo ad reges pertinet?*

Edict. l. 2.  
c. 4. p. 122.  
& seq.

R. Usucapio est juris naturæ, propter fundamenta, quibus nititur, scilicet  
de

de re derelicta, de voluntate idoneis signis declarata, de societate non perturbanda: est juris gentium, ratione definiti certo modo temporis & perpetuae possessionis: & juris civilis, propter specialem formam, quae pro conditione variarum rerum pp. varie descripta est.

XVI. *Quamvis sit juris naturae, tamen non videtur pertinere ad reges, quia quicquid hi possident, id acquisiverunt aut jure belli, aut titulo pacifico, & nullo caso opus est praescriptione?*

R. Verum est, quod quando jure belli & victoriae acquirunt, non opus est praescriptione; sed quando titulo pacifico aliquid nacti sunt, facile accidere potest, ut vel detentor, saepe etiam verus possessor, jus ad regnum in alium transferat, vel venditionis vel alio titulo, in praesudicium agnatorum suorum, qui si per tempus idoneum ad praesumptam derelictionem fileant, praescriptioni sine dubio locum faciunt: vel si pax fiat, & de locis quibusdam restituendis tractatus differantur in aliud tempus, e. g. in viginti annos, quibus elapsis tractatus reassumi debeant; si hoc non fiat, & isti, quibus possessio est adempta, inter idoneum tempus eam

*aliter Feil.  
ad Grov. l.  
c. 4. §. 1.  
Cujac. ad  
l. 1. de usufr.  
cap. aliter  
Conring.  
de fin. Imp.  
6. 12.*

*Puf. l. 4. c.  
12. §. iii.*

*Thuanus l.  
59. p. 43.*

non repetant, per præscriptionem dominium & imperandi jus recte amisisse dicuntur.

*XVII. An nondum natis jus suum tacite tali derelictione potest decedere?*

*Urot. d. c. 4.  
§. 10. Puf.  
l. 4. §. 12.  
§. 10.  
Becc. b. 1.*

*R.* Ejus qui nondum conceptus & natus est, nullum est jus; quare, si populus, à cujus voluntate jus habendi imperium proficiscitur, voluntatem mutet, accedente consensu parentum, è quibus nasci possunt, qui jus suo tempore essent habituri, sive expresse, sive tacite & per præsumtam derelictionem hoc fiat, nullam facit injuriam iis, qui nondum nati sunt, ut quibus jus quæsitum nondum est: licet jure civili, ut aliæ fictiones, ita & hæc introduci possit, ut eorum, qui nondum sunt, personam lex interim sustineat, atque ita impediatur: ne quid adversus eos possit occupari: quod tamen leges velle non temere censendæ sunt, quia ista privata utilitas publicæ valde repugnat, & facit, ut aliquo modo imperia sint in incerto & non extra controversiæ aleam.

*XVIII. Si lex de usucapione aut præscriptione sit condita ab eo, qui habet summum imperium, pertinetne ad ipsum jus imperii & ejus partes necessarias?*

*R.* Ne-

**X.** Negatur 1. quia is se non potest obligare per modum legis, quæ fertur à superiore; nemo autem se ipso superior est. 2. Nec præsumitur velle; quia legum auctores non censentur se velle comprehendere sub lege, nisi ubi & materia & ratio legis ipsis sunt communes cum subditis suis, ut cum hominibus, e.g. in æstimandis rerum pretiis, seu quando aliquid emunt, oportet, ut æque solvant pretium justum, ac si subditi emant, natura enim æqualitatem imperat inter contrahentes: jus autem imperandi non est paris rationis cum aliis rebus, imo nobilitate sua res alias multum excedit, & imperantibus proprium est. Unde sequitur, neque tempus lege definitum sufficere ad acquirendum summum imperium, aut partem ejus necessariam, si desint conjecturæ naturales, neque tantum temporis spatium requiri, si intra id tempus eæ conjecturæ, quantum satis est, adsint.

Grot. l. 1. c. 2.  
3. §. 7. n. 1.  
12. c. 4.  
§. 12.

Grot. l. 2. c. 12. §. 8.

d. c. 2. §. 12. n. 8.

**XIX.** *At verò æquitas naturalis vult, ut pars se componat ad rationem integri, & ut quicquid juris est in integro, illud etiam observetur in parte, imprimis cum integrum seu totum habeat jus in partem?*

H

R. Rex

Grot. l. 1. c.  
3. §. 8. §.  
p. d. c. 4. §.  
12. n. 1.

R. Rex quidem pars est integri, seu est pars civitatis, in qua rex est, sed talis pars, in quam tota civitas voluit jus suum transferri, ita ut nullum amplius, nec in se, nec in ipsum regem, retineret; ideoque sua lege, ne quidem ut pars integri seu civitatis, Rex obligari potest; nam integrum, seu civitas, ipso non est superior.

XX. *Sed annon in delatione imperii populus suam voluntatem exprimere potest, quo modo ac tempore imperium non utendo amitti velit?*

Grot. d. c.  
4. §. 12. n. 2.  
in fin. c. 7.  
§. 27. in fin.  
l. i. c. 3. §. 16.  
n. 1. §. 2.

R. Affirmatur; & hæc voluntas haud dubie sequenda est, nec infringi potest à rege; etiam summum imperium habente, quia ad hoc in imperii acceptatione pacto se obstrinxit, & præterea pertinet ad modum habendi imperium, qui pendet ex primæva voluntate, quando in civitatem coiverant, nec comprehenditur sub imperio; quia tunc adhuc nullum fuit.

XXI. *Ea, quæ non sunt de naturâ summi imperii, nec ut proprietates ad eam pertinent, sed separari ab ea naturaliter possunt, aut cum aliis communicari, an legibus populi de usucapione latæ subjacent?*

R. Sub-

12. Subjacent, quia comprehenduntur sub summo imperio, & ab eo dependent, ut sunt omnia jura, quæ in feudum conceduntur, & alias vocantur regalia; sic videmus, subditos esse qui præscriptione acquisiverunt, ut appellari ab iis non possit.

d. c. 4. §. 13.  
aliter  
Struv. in  
Syn. §. F.  
c. 14. §. 6.  
aliter  
Ziegl. b. 1.  
Vasq. l. 2.  
c. 82. n. 3.

XXII. *An semper licet subditis, si possint, se in libertatem, quæ est populi, qui nulli subicitur, vindicare?*

12. Non: quia post constitutum imperium regi à Deo tale jus confertur, quod in posterum à voluntate populi non dependet; & si vi partum sit imperium, olim pro libertate pugnare honestum erat, at qui victi semel sunt, & longo tempore paruerunt, si jugum excutiant, faciunt quod desperatorum hominum est, non quod libertatem amantium. Imo contraria sententia juri divino, naturæ & gentium est adversa, & omnibus rebus pp. evertendis idonea, ideoque impia & non toleranda.

d. c. 4. §. 14.

Conring. de  
fin. Imp. c.  
19. §. 7.

XXIII. *An actus mere facultatis præscribi possunt?*

12. Jura, quæ non habent quotidianum exercitium, non amittuntur, nisi ex quo tempore intercessit prohibitio.

d. c. 4. §. 14.

aut coactio, eique paritum est, cum sufficienti consensus significatione. Sic si quis per centum annos cum uno duntaxat vicino societatem habuerit, etiam cum aliis eam habere poterit; id quod obtinet quoque in omnibus aliis meræ facultatis actibus.

CAPUT V.

De acquisitione originaria juris in personas: ubi de jure parentum: de matrimoniis: de collegiis: de jure in subditos: servos.

- |   |  |
|---|--|
| I. Quomodo jus originariè acquiratur in personas.                                 | to, an non delicta manerent impunita.                                      |
| II. Cui Deus conferat jus propter generationem.                                   | XI. Quomodo propter consensum Deus jus conferat in personas.               |
| III. Quid si imperia patris & matris inter se contendant.                         | XII. Quomodo differat coassociatio à subjectione.                          |
| IV. Quid sit patria potestas.   | XIII. Quæ sit coassociatio maxime naturalis.                               |
| V. Quomodo patria potestas differat ab imperio paterno.                           | XIV. Cui competat imperium in societate maritali.                          |
| VI. An patria potestas recte distinguatur per certa temporis intercalla.          | XV. Quid sit conjugium.  |
| VII. Quibus temporibus jus coercendi competat.                                    | XVI. An permixta sit polygamia.  |
| VIII. An pater filium oppignorare, vendere, aut alteri in adoptionem dare possit. | XVII. An divortia jure natura sint licita.                                 |
| IX. An habeat jus interficiendi liberos.  | XVIII. Consensus parentum, an absolute sit necessarius.                    |
| X. Hoc jure patri denega-   | XIX. Nuptiæ an sint permixte cum eo vel ea, quæ jam in matrimonio videtur. |

XX.

- XX. *Quae nuptiae prohibeantur propter cognationem & affinitatem.*
- XXI. *An haec prohibitio etiam obtineat in linea collateralis.*
- XXII. *Concubinatus an sit verum & ratum matrimonium.*
- XXIII. *An inter civem & peregrinam, senatorem & libertam, liberum & servum, servum & ancillam &c. verum contrahatur matrimonium.*
- XXIV. *An conjugia inter certas personas à lege civili vetita, semper sint irrita.*
- XXV. *An matrimonium ad morganaticam verum & ratum sit conjugium.*
- XXVI. *Quae rationes civiles talia matrimonia iudicent.*
- XXVII. *Quae sint aliae consoziationes praeter maritalem.*
- XXVIII. *Quae sint communia omni consoziationi.*
- XXIX. *Quid si in deliberationibus pares sint sententiae.*
- XXX. *Quomodo sententiae, licet diversae appareant, conjugantur.*
- XXXI. *Quid si socius absit.*
- XXXII. *Quis sit ordo naturalis inter socios.*
- XXXIII. *Si non omnes aequaliter participant de re, quae fundamentum est societatis, quomodo sint ferenda sententiae.*
- XXXIV. *Consozatio in populum, quale jus conferat.*
- XXXV. *An populus liber habeat par jus regibus.*
- XXXVI. *An civibus de civitate abscedere liceat.*
- XXXVII. *Pacultas migrandi an prohiberi possit.*
- XXXVIII. *Quid si majestas subditas invito detineat.*
- XXXIX. *An gregatim possint discedere.*
- XL. *An quovis tempore.*
- XLI. *An civitas jus habeat in exsules.*
- XLII. *Quotuplex sit subjectio.*
- XLIII. *Quotuplex subjectio privata.*
- XLIV. *Quae sit ignobilissima subjectio speciei.*
- XLV. *An aequitas naturalis servitutem ex consensu permittat.*
- XLVI. *Quousque se extendat jus dominorum in servos.*
- XLVII. *Unde oriatur jus in prolem servilem.*
- XLVIII. *An servus aufugere liceat.*
- XLIX. *Quid sit subjectio publica.*
- L. *Quomodo jus oriatur ex delicto.*



I. *Vidimus, quomodo jus originarie acquiratur in res; quomodo originarie acquiratur in personas?*

*Frid. Horn.  
l. 1. c. 2. §.  
2. aliter  
Grot. l. 2.  
c. 5. §. 1.*

R. **D**eus, qui est unica causa efficiens potestatis & ordinis necessarii in societatibus inter imperantes & parentes, eam confert, vel propter intercedentem generationem, vel consensum, vel ob delictum.

II. *Cui confert jus propter generationem?*

*Grot. l. 1.  
c. 1. §. 3. n.  
2. aliter  
Hobbes. de  
Cive, c. 9.  
aliter Pu-  
fend. l. 6.  
c. 2. §. 4.*

R. Quamvis liberi parentibus sint æquales naturà, non tamen iis sunt æquales potestate, sed sunt sub parentum imperio; liberi enim cum parentibus vivunt in societate inæquali, quæ rectoria dicitur: & Deus & natura, quia parentibus præcipiunt educationem, simul iis concedunt imperium in liberos, hisque injungunt obedientiam & reverentiam erga parentes.

III. *Quid si imperia patris & matris inter se contendant?*

*Grot. d. 2.  
5. §. 1.  
Frid. Horn.  
d. l. 1. c. 2.  
§. 6. sed  
aliter.*

R. Patris imperium præfertur, quia propter sexus præstantiam, Deus præter imperium paternum, quod ipsi commune est cum matre, in eum solum contulit patriam potestatem.

IV. *Quid est patria potestas?*

R. Pa-

¶. Patria potestas est potestas, quam pater in liberos habet & in bona eorum, ad communem familiæ utilitatem.

V. *Quomodo patria potestas differt ab imperio paterno?*

¶. Patria potestas 1. est in personas & bona, imperium est tantum in personas. 2. Imperium patri & matri est commune, & manet patria potestate soluta, adeo ut si filius reverentiam debitam exhibere recuset, durioribus mediis ad hoc cogi possit. 3. Posita patria potestate, hæc societas est perfecta;posito autem imperio tantum, vel quia liberi exiverunt familiam, vel quia pater mortuus est, hæc societas est imperfecta, ad eum modum, quo mortuo domino, domina societatem herilem, ratione effectus, conservat & continuat.

Grot. d. 6.  
5. §. 3. §.  
6.

VI. *Possimusne patriam potestatem & imperium paternum distinguere per certa temporis intervalla?*

¶. Distinguenda sunt tria tempora: primum est tempus imperfecti iudicii, & in hoc omnium liberorum actiones sunt sub parentum dominio; æquum enim est, ut qui se regere non potest, regatur aliunde, & vero naturaliter alius inveniri non potest, cui regimen

Grot. d. c.  
5. §. 2. §.  
seqq. aliter  
Ziegl. b. 1.  
§ Feld.  
bunc refu-  
tat Boeck.  
b. 1. illum.  
Puf. l. 6. c.  
2. §. 7.

H 4 com.

*Herm. d. c. 2 §. 6.*  
*Grot. d. c. 5. §. 2. n. 2. c. 3. §. 6.*  
 competat, quam parentes, quorum pars liberi esse censentur: tamen & in hoc tempore jus sustinet eorum personam, ut si aliunde ipsis aliquid obveniat, ejus dominium sibi acquirant, licet exercitium impediatur, ob judicii imperfectionem. Secundum est tempus perfecti judicii, & in hoc tempore subsunt parentum imperiis non aliæ actiones, quam quæ ad familiæ paternæ aut maternæ statum aliquid momenti habent, seu eæ actiones, quæ non concernunt causas publicas: æquum enim est [quia manent pars familiæ] ut pars conveniat cum ratione integri, eique subjiciatur, & ut ejus conservationem quærat & promoveat; in cæteris actionibus, quæ non pertinent ad familiam, facultatem moralem agendi quidem habent liberi, tenentur tamen in illis quoque studere semper, ut placeant parentibus, ne contra pietatis, observantiæ & gratiæ rependendæ officium peccent. Tertium tempus est, in quo liberi non tantum sunt perfecti judicii, sed & in omnibus sui juris, & non sunt amplius pars familiæ, quia ex ea omnino exiverunt, & sic actus eorum non possunt reddi irriti eo nomine, quod parentes habeant: semper tamen ma-

*d. c. 5. §. 3.*  
*§. c. 4. §. 12.*

*d. c. 5. §. 6.*

manet & in hoc tempore pietatis & observantiæ debitum, quia causa, propter quam Deus eam exigit, est generatio, quæ perpetua est & tolli non potest.

VII. *Si liberi non velint facere ea quæ sunt officii?*

R. In duobus prioribus temporibus, d. c. 5. §. 4. jus regendi etiam jus coërcendi complectitur, quatenus nempe vel cogendi sunt ad officium & obedientiam, vel emendandi: imo etiam in tertio tempore, si pietatis & observantiæ debitum negent, propter imperium paternum, quod nullo tempore tollitur, necessitate exigente, durioribus mediis uti licebit.

VIII. *Quoniam imperium paternum nunquam potest avelli à persona parentum & in alium transferri, an pater filium oppignorare & sine cesse sit, vendere aut in adoptionem dare potest?*

R. Ubi alia ratio eum alendi non suppetit, potest eum oppignorare & vendere, non quidem, ut detrudatur in perfectam servitutem, sed ut alteri constituatur jus aliquod simile dominico, utendi scilicet servitio filii: hinc multo magis ipsum alii in adoptionem dare

d. c. 5. §. 5.  
Puf. l. 6.  
c. 2. §. 9.

aliter  
Boec. &  
Feld. b. l.

Grot. d. c.  
5. §. 5. in  
in fin.

licet, quia sic efficitur filius alterius ;  
censetur quippe ipsa natura jus dare  
ad id omne, sine quo obtineri non po-  
test id, quod ipsa imperat.

*IX. An pater habet jus interficiendi  
liberos ?*

d. c. 5. §. 4.  
7. 28. §.  
Boet. h. l.  
Diss. Horn.  
l. 1. c. 2.  
Bodin. de  
Rep. l. 1. c.  
4. jung.  
Boet. Inst.  
Pol. l. 1. c. 3.

¶. In societatibus simplicibus patri tanta  
potestas à Deo non est concessa, quia  
ad finem in iis obtinendum ea non o-  
pus est: sicut enim de omni summo  
imperio ac civili id vere dicitur, quia  
alias securitas & ordinata tranquillitas  
in civitate obtineri non posset, sed po-  
tius esset dissociata multitudo, scilicet,  
quod ei insit jus vitæ & necis; ita fal-  
lit in imperiis privatis, qualia sunt ma-  
ritale, patrium & domesticum.

*X. At vero sic delicta manerent im-  
punita ?*

Grot. l. 1. c.  
3. §. 1. §.  
l. 2. c. 1. §.  
14. in fin.

¶. Si sint familiæ segregæ & extra  
civitatem, Deus hoc in casu istiusmodi  
delictis puniendis non minus sufficit,  
quam si paterfamilias delictum capita-  
le commisisset: si sint in civitate, ra-  
tio rerumpp. vult, ut poenarum capi-  
taliū potestas non aliunde, quam ab  
imperantibus dependeat; singulis e-  
nim concedendum non est id, quod pu-  
blica debet fieri auctoritate, majoris  
tumultus evitandi causa.

XI.

**XI. Quomodo propter consensum Deus jus confert in personas?**

*℞.* Hoc confert aut propter consociationem, aut propter subjectionem.

*Grat. d. c. 2. §. 8.*

**XII. Quomodo differt consociatio à subjectione?**

*℞.* 1. Omnis subiectio includit consociationem, sed non omnis consociatio est subiectio: nam 2. societas potest esse inter æquales, e. g. inter fratres, amicos, foederatos, & plures patresfamilias in civitatem coeuntes; antequam imperii formam elegerunt; subiectio nunquam est inter æquales e. g. inter regem & subditos, patrem & liberos, dominum & servum. 3. in consociatione aliquis participat de iure imperandi, secus quam in subjectione.

*Grat. l. 1. c. 1. §. 3. n. 2.*

*c. 3. §. 12. n. 1. pr. & d. c. 5. §. 31.*

**XIII. Quae est consociatio maxime naturalis?**

*℞.* Consociatio maxime naturalis in conjugio apparet; quia ad id natura nos ducit.

*d. c. 7. §. 8.*

**XIV. Cui competit imperium in hac consociatione?**

*℞.* Soli marito in uxorem; marito cum uxore in familiam, habita tamen ratione praerogativae marito competentis, ob sexus differentiam. Hinc maritus uxoris caput est in rebus conjugii

*d. c. 5. §. 8. n. 1. aliter. Horn. l. 1. c. 1. §. 6. & Puf. l. 6. c. 1. §. 12.*

&

& in rebus familiæ, sicut & de domicilio constituere jus est marito.

XV. *Quid est conjugium?*

*alter Grot.  
d. c. 5. §. 8.  
p. 3.*

*R.* Conjugium est viri & mulieris conjunctio, individuum vitæ consuetudinem continens.

XVI. *An unus vir potest ducere plures uxores, aut una uxor nubere pluribus viris?*

*alter Grot.  
d. c. 5. §. 9.  
n. 1. Pu-  
fend. l. 6. c.  
1. §. 18. &  
19. in fin.  
Ibid. b. l.  
& Boecl. in  
Inst. Pol.  
l. 1. c. 2.  
p. 23.  
Meyer de  
Ux. Chri-  
stiana, S. 28.  
§. III.*

*R.* Matrimonio soluto potest; quia alterius conjugis facultas seu jus in alterius personam non nisi constante matrimonio durat, seu, ut loquuntur, polygamia successiva utrique conjugum est permessa: durante matrimonio non potest; seu polygamia simultanea est prohibita; quia Deus per conjugium conjugum in alterius conjugis corpus facultatem seu jus dat, quod ne quidem mutuo consensu, durante matrimonio, tolli potest. Nam hoc jus non pendet à consensu mutuo, sed à Deo & jure naturæ, quod vult, ut amor conjugalis sit æqualis, reciprocus & individuus, sine quo societas honesta & decora inter homines consistere non potest; jus enim naturæ æquale est in omnibus hominibus in universo mundo, & sic in pauperibus æque ac in divitibus, quibus omnibus si concedatur

tur

tur jus habendi plures uxores, evertatur societas necesse est: scilicet per liberorum nimiam multitudinem nobiles familiæ ad egestatem, modicæ ad mendicitatem redigerentur, ac tandem tenui plebecula civitates repletæ, ubi commode evacuari nequeunt, mole sua subverterentur. Quo accedit, quod polygamia sit contra primævam matrimonii institutionem, & quod fides, quæ est vinculum omnis societatis, tali concubitu violetur, quia continet adulterium, quod committitur, quoties fides conjugalis, quæ ex Dei & naturæ instituto, tacite & necessario inest omni vero conjugio, per concubitum violatur.

*Puf. l. 6. c. 1. §. 19. in fin.*

**XVII. An divortia jure naturæ sunt licita?**

ꝛ. Non, ne quidem mutuo consensu; quia jus, quod propter matrimonium conjugum in conjugem competit, à Deo & natura confertur, non à consensu contrahentium: & hoc jus individuum vitæ consuetudinem continet, quamdiu capita primaria & essentialia conjugii, seu matrimonii, ab altero non sunt violata. Scilicet initur matrimonium sobolis procreandæ causa, cui fini necessaria est mutua corporum præbitio:

*aliter Grat. d. c. 5. §. 9. n. 2. Job. Müll. de divort. Puf. l. 6. c. 13 §. 24.*

*Puf. d. l. 6. c. 1. §. 20.*



bitio: quæ si vel per malitiosam defectionem, vel pertinacem & spontaneam debiti conjugalis denegationem, fieri prohibeatur, justam divortii causam innocenti præbet. Deinde conjugium initur, ut suam quisque prolem suscipiat, non adulterinam, aut suppositivam. Imo etiam extra procreationem sobolis, honesti suam sibi seorsim volunt & debent habere uxorem, & gravem ducunt injuriam, si alteri corporis sui usuram sponte concedat: unde & hæc & aliæ similes, quibus per concubitum fides conjugii violatur, erunt justæ divortii causæ, quæ & matrimonii essentiam destrunt, & obligationem inde ortam omnino tollunt.

**XVIII.** *An consensus parentum requiritur ad validitatem conjugii jure natura?*

*Græc. d. c.  
9. 9. 10.*

*R.* Non; quia qui uxorem ducit, & naturæ debet esse ætatis, & extra familiam abit, ita ut habeat facultatem moralem, & hac in re regimini familiari non subjiciatur: quamvis officio filiorum conveniens sit, ut parentum consensum impetrent; nisi manifeste iniqua sit eorum voluntas. Nam si in omnibus rebus filii reverentiam parentibus debent, certe præcipue eam debent

bent in eo negotio, quod ad gentem totam pertinet, quale sunt nuptiæ. Hinc d. 5. 10. n. 3.  
 & in sacris literis videmus viros pios, multoque magis mulieres, in contrahendis nuptiis secutos auctoritatem parentum: sed non tamen irritum pronuntiatur Esavi conjugium, aut ejus liberi illegitimi, quia sine tali auctoritate nuptias contraxerat; non enim statim irritum est jure naturæ, quod isti juri repugnat, sed id demum, in quo deest principium dans validitatem actui, aut in quo vitium durat in effectu.

**XIX.** *Nuptiæ suntne permixtae cum ea vel ea, qui jam in matrimonio vivit?*

**R.** Non; quia & facultas moralis aliter Grot. d. c. 5. §. 11. vid. Feld. h. l. deest, sublata per prius matrimonium, & omnis effectus est vitiosus: singuli enim actus contractionem habent rei alienæ; sive vir sit, sive foemina; nam jure naturæ Deus utrique æquale jus in alterius corpus concedit.

**XX.** *An omnes jure natura inter se nuptias contrahere possunt, an vero quidam prohibentur; propter cognationem vel affinitatem?*

**R.** Matrimonia parentum cujuscunque gradus cum liberis, jure naturæ sunt prohibita, i. quia in hominum affecti- Grot. d. c. 5. §. 12. n. 5. Velhuis. de princip.

*Justi & de-*  
*cori, p. 52.*  
*aliter Puf.*  
*l. 6. c. 1. §.*  
*31. Grot. d.*  
*c. 5. §. 12.*  
*n. 2.*

fectibus, quorum ratio non est corrupta, insita est fuga quædam commixtionis cum parentibus & ex se natis: seu naturalis verecundia non finit, ortus auctores cum sua sobole misceri: 2. quia nec maritus, qui superior est lege matrimonii, eam reverentiam potest præstare matri, quam natura exigit, nec patri filia; quia, quanquam hæc inferior est in matrimonio, ipsum tamen matrimonium talem inducit societatem, quæ illius necessitudinis reverentiam excludit.

**XXI.** *Quid dicendum de gradibus affinitatis & de gradibus cognationis ex transverso limite, inter istas personas, quæ vel parentum & liberorum, vel fratrum & sororum loco sunt?*

*d. c. 5. §.*  
*23. n. 2.*  
*Meyer de*  
*grad. prob.*  
*diff. 2. c.*  
*5. p. 51.*

**R.** Præcepto divinæ voluntatis, per rectam rationem, propter communem necessitatem & utilitatem, apud omnes gentes, quæ sana utuntur ratione, in vetitum iverunt: harum enim personarum convictus, nimis quotidianus atque inobservatus, stupris & adulteriis occasionem daret, si amores tales nuptiis possent conglutinari. Quo accedit reverentia erga sanguinem & nomen paternum, quam in his personis de-

deprehendimus, & quasi propterea, si non præcipit, certe suadet, nuptiis eorum esse abstinendum.

XXII. *Concubinatus estne verum ac ratum conjugium?*

ꝛ. Non est, 1. quia contrahitur tantum libidinis explendæ causa. 2. est consuetudo diuturna, non perpetua ac individua: 3. est sine affectu maritali: licet matrimonia quædam concubinatus vocentur.

*Ostend. ad  
Grot. l. 2.  
c. 5. ubi. 15.  
Grot. d. e.  
5. §. 15.*

XXIII. *An inter civem & peregrinam, senatorem & libertam, liberum & servam, servum & ancillam &c. est verum & ratum conjugium?*

ꝛ. Affirmatur; quia in his nihil deest ad ipsam conjugii naturam, licet effectibus quibusdam juris civilis propriis privetur, aut etiam effectus quosdam naturales, impedimento legis civilis; amittat:

*d. l. n. l. iter  
feld. §. 15,  
d. c. 5.*

XXIV. *Si lex humana conjugia inter certas personas contrahi prohibeat, an erunt irrita, si re ipsa contrahantur?*

ꝛ. Non semper id, quod vetitum est, lege humana irritum est, nisi & hoc lex specialiter addiderit aut significaverit. Diversa enim sunt prohibere & irritum quid facere, & prohibitio

*d. c. 5. §. 15.*

vim suam exferere potest per poenam vel expressam vel arbitrariam.

**XXV.** *Quid dicendum de matrimonio personarum disparis qualitatis, quod nos vocamus matrimonium ad morganaticam?*

*Puf. l. 6. c. 1. §. 36.*  
*Rhet.*  
*Inst. Jur. Publ. l. 1. tit. 21. p. 303.*  
*Grot. d. c. 5. §. 15.*  
*n. 1. in med.*

**R.** Etiam hoc est verum & ratum conjugium; licet ob civiles rationes talem uxorem non adsciscamus in justæ matrisfamilias dignationem, nec ejus proli idem jus sit, quod aliis filiisfamilias competit.

**XXVI.** *Quæ sunt istæ rationes civiles?*

*Puf. l. 6. c. 1. §. 36.*  
*Bitseb. ad 2. Feud. 29.*

**R.** Potissimum hoc fit ob conservationem illustrium familiarum, aut in favorem priorum liberorum, vel denique ob melius ferendos sumtus, qui ex moribus civitatis alias in justas uxores erant faciendi. Ex quibus sequitur, injuriam fieri istiusmodi uxoribus, si vile concubinarum nomen iis imponatur, quæ à meretricibus gradu tantum differunt: nec ab hoc censu eximuntur, si vel maxime aliqua paciscatur, quod ad certum tempus uni soli se velit sociare; nam in fide conjugali longe sanctius quid est, quam solius mercedis, aut libridinis intuitu alicui soli corpus servare.

**XXVII.** *Præter hanc consociationem natu-*

*naturalem, quæ sunt aliæ consociationes?*

R. Sunt vel privatæ, vel publicæ; & hæc quidem aut in populum, quando plures patresfamilias coeunt in unam civitatem, & populum constituunt: vel ex populis, ut in foedere.

*Grot. d. 2. §. 17 & 23. §. 25. in fin.*

*XXVIII. Hæ consociationes habentne aliquid commune, seu quod obtineat in omni consociatione?*

R. Habent hoc commune, quod in iis rebus, ob quas consociatio quæque instituta est, universitas & ejus pars major nomine universitatis obligat singulos, qui sunt in societate. Omnino enim ea credenda est fuisse voluntas in societatem coeuntium, ut ratio aliqua esset commoda [quæ nihil difficultatis, aut obscuræ disceptationis haberet] expediendi negotia: quare naturaliter, seclusis pactis aut legibus, quæ interdum unanimum consensum, interdum duas tertias partes requirunt, pars major jus habet integri. Hinc juris naturæ non repugnat, ut sententia imprudentior plurimum sententiæ prudentiori pauciorum præferatur: in decidendis enim negotiis sententiæ numerantur, non ponderantur. Imo sæpe multitudo ad stipulantium erroris

*d. c. 5. §. 174 Boocl. b. 1.*

*Puf. l. 7. c. 2. §. 16. Bod. de Rep. l. 3. c. 4.*

indiciū habetur, & vulgo placere, est sapientibus displicere. Verum in concilio aliquo, cujus membra æquali jure gaudent, hæc non procedunt. Quis enim hic judicium feret, utra sententia sit prudentior? non sane ipsæ partes dissidentes; quotusquisque enim est, cui non sua prudentia magis, quam aliena placet? imo plures optimam sententiam vel ideo non sequuntur, quod ipsi non sint auctores.

XXIX. *Si pares sint sententiæ?*

Grot., d. c.  
5. §. 18.

Æ. Nihil agitur; quia non satis momenti est ad mutationem.

XXX. *Sententiæ annon interdum conjunguntur, licet diversæ appareant?*

d. c. 5. §. 19.

Æ. Si pactio aut lex aliud non præcipiat, illæ sunt conjungendæ, quarum altera partem alterius continet, scilicet in eo, in quo conveniunt: sic qui in viginti damnant, & qui in decem, conjunguntur in illo decem, quia decem continentur in viginti, & qui in viginti damnat, damnat etiam in decem; & sic obtinebit eorum sententia, si plures sint contra absolventes. At qui morte reum puniunt, & qui relegant, non conjunguntur, quia in morte non continetur relegatio, sed sunt plane

plane duæ diversæ poenæ : si quidam relegent, quidam absolvant, etiam non conjungentur, quia qui relegat, non vult reum absolvi, sed puniri, licet non ultimo supplicio.

XXXI. *Si socius absit, qui alias impediatur jure suo uti, e. g. morbo, necessaria peregrinatione, quid obtinet?*

ꝛ. Nisi pacta vel lex obstant, jus absentis præsentibus accrescit: nam alias societates, ob medii negotia expediendi defectum, facile frustrarentur suo fine. Sic in Imperio R. G. Imperatorem eligunt Electores præsentés, nulla habita absentium ratione.

XXXII. *Quis est ordo naturalis inter socios?*

ꝛ. Prout quisque in societatem venit. Sic inter fratres is servatur ordo, ut qui primus natus est, reliquos præcedat, atque ita deinceps: rejectis omnibus aliis qualitatibus, ut si forte secundo genitus esset consiliarius principis &c. dummodo agatur de rebus in collegio societatis: extra hæc enim qualitates aliæ supervenientes considerantur. Sic in eodem collegio cætera debent esse paria, e. g. si collegii membra lecta sunt partim ex nobilibus, par-

1 3 tim

Grot. d. c.  
5. §. 20. A.  
B. tit. 2. §.  
debet autem unusquisque Princeps.  
& ibi  
Limn. Inst.  
Jur. Publ.  
p. 67.

Grot. d. c.  
5 §. 21.

Faa. Grot.  
ibid. de  
Præced. c.  
3. §. 18.  
p. 79.



Grat. d. c.  
c. 5. 21. in  
i. n. aliter  
Boet. ibi.

tim ex istis, qui nobiles nati non sunt, & nobilibus præ cæteris locus sit assignatus, tunc novus collega nobilis nobilibus in eodem collegio posteriorem, aliis autem, qui nobiles nati non sunt, priorem locum tenet. An idem obtinere debeat in conciliis ad rem Christianam pertinentibus, ut reges, duces &c. qui primi Christianismum professi sunt, reliquos præcedere debeant, plures affirmant.

XXXIII. *Ubi societas fundamentum habet in re, quam non equaliter omnes participant, quomodo sententiæ sunt ferendæ?*

Grat. d. c.  
c. 5. 22.

Temp. part.  
c. 5. 5.  
i. n. &  
Cleming.  
ibi.

æ. Seculis pactis & legibus, ordo sumendus est ex modo participationis, & sententiæ etiam ad eum modum sunt ferendæ. Sic qui prior participat de re & plures partes in ea habet, prior dicit sententiæ & plures, & ad eundem modum onera fert, e. g. in Imperio R. G. iis, qui plures principatus possident, plura interdum suffragia in comitiis conceduntur, & ii plura onera ferunt.

XXXIV. *Quomodo jus propter consensum oritur, quando plures patresfam. in unum populum*

*Et civitatem coeunt?*

¶ Quando plures patresfam. in unum Grot. d. c. 6. 5. 5. 23.  
 populum ac civitatem coeunt, & liber-  
 tatem civilem retinere cupiunt, seu cum  
 eligunt formam regiminis democrati- l. 1. c. 3. §. 8. n. 2.  
 cam, Deus, quia hæc est perfectissima  
 societas, maximum dat jus corpori in  
 partes, ita ut nulla sit actio hominis c. 4. §. 2. 76  
 externa, quæ non ad hanc societatem  
 aut per se spectet, aut ex circumstan-  
 tiis spectare possit, scilicet ad finem hu-  
 jus perfectissimæ societatis obtinen-  
 dum, qui est vita beata & tranquil-  
 la.

XXXV. *Datne Deus ipsi par jus regibus?*

¶ Affirmatur, 1. quia populus liber Grot. l. 1. c. 1. §. 1. c. 3. §. 7. §. 11. n. 2. aliter Fr. Horn. l. 3. c. un. §. 2.  
 habet summam potestatem in civitate  
 ubique, i. e. in personas & res. 2. Jus,  
 quod Deus populo libero concedit,  
 producit eosdem effectus; & vero fa-  
 cultates morales, quæ producant eos-  
 dem effectus, eadem sunt, eodemque  
 nomine nuncupandæ. Uno verbo,  
 populus liber parem habet majestatem  
 cum regibus.

XXXVI. *An civibus de civitate abscedere licet?*

¶ Natura quidem nos ad societatem Grot. in. Proh. n. 6. §. d. c. 5. §. 24. n. 1. §. 2.  
 ineundam ducit & invitat, non tamen  
 huic  
 I 4

huic vel illi civitati, quam deinde relinquere nequeamus, nos addicit, sed ut cives eorumque posterii adstringantur, pactis, quique vim illorum accipiunt, moribus opus est. Ex consociationis ergo natura hoc constat, magis esse, ut licentiam pro arbitrio migrandi liber homo sibi reservasse intelligatur. Qui enim civitati se adjungit, in sui suarumque rerum conservationem hoc fecisse intelligitur; & cum contingere possit, ut publicum regimen vel alia in ista civitate privatis alicujus rationibus parum expediant, ut alibi commodius easdem possit prosequi, neque tamen conveniat postulare, ut ad unius aut paucorum libitum hæc mutantur, proximum erit, ut alicui sit concessum per migrationem sibi consulere. Sic in Imperio R. G. subditi, qui diversæ à domino territorii sunt religionis, emigrare & bona sua vel vendere, vel per alios administrare possunt.

L. 1. c. 2. §.  
L. 1. §. 2. 4.  
§. 4. l. 2.  
c. 1. §. 9. n.  
2. §. 3.

Brandes de  
jure emigr.  
l. 4. c. 3.  
Puff. §. 2.  
d. §. 4. Puff.  
l. 2. c. 11.  
§. 2.

**XXXVII. Potestne edita prohiberi, ne cives migrent sub gravi pœna, e. g. confiscatione bonorum?**

**R.** Quia pactis & legibus fundamentalibus hæc migrandi facultas civibus potest adimi, cur propter utilitatem &

Cent. II. c.  
§. 5. 24. n.  
c. 1. §. 1. de  
p. 1. §. 1.

& necessitatem civitatis, majestas tale edictum promulgare non possit, non videmus? sunt enim hæc, ut loquuntur, juris naturæ permissivi: subditus autem in omnibus, quæ non sunt contra jus divinum & naturæ, majestati obedientiam debet.

*pers. l. 3. c. 12. n. 11; liter. May. ler. ab Ehrenbach de Stat. Imp. part. 2. c. 63. n. 5.*

XXXVIII. *At majestas saepe mandat ea, quæ sunt contra jus divinum, & subditos invitos detinet?*

ꝛ. Civem emigrare volentem nullo jure hoc in casu detinet, & si fuga sibi prospiciat, non peccabit: lex enim ad impossibilia & turpia neminem obligat.

*Boecl. in Inst. Pol. l. 1. c. 6. p. 75.*

XXXIX. *An gregatim possunt discedere?*

ꝛ. Si commodum ipsis hoc sit, & conservari non possint in tali civitate, inviti detineri non possunt: nam propter sui conservationem cum aliis in civitatem coiverunt. Si propriæ salutis ratio non obstat, cum & civitatis commodum promovere, eamque & corpore & bonis incolumem servare cogantur, detineri possunt; modo ipsis, ut diximus, nihil contra jus naturæ & divinum injungatur.

*Puf. l. 8. c. 11. §. 4. liter. Grot. d. c. 5. §. 24. n. 2. Q. stand. b. l.*

*aliter Puf. d. l.*

XL. *An hæc renunciatio potest fieri quocumque tempore?*

I 5

ꝛ. Re-

Græc. p. 6.  
3. §. 24. n.  
2. in fin.

R. Renunciatio non debet fieri in-  
tempestive, seu tali tempore, quo so-  
cietatis civilis interest civem non abi-  
re, e. g. si magnum contractum sit æs  
alienum; nisi paratus sit civis in præ-  
sens partem suam exsolvere: item si  
fiducia multitudinis bellum sit susce-  
ptum, præsertim si obsidio immineat;  
nisi paratus sit civis ille alium æque i-  
donæum substituere, qui remp. defen-  
dat.

XXI. *An idem jus civitas habet in eos,  
quos in exilium expulit?*

d. e. §. 25.

R. Non; quia ad illos civitas non am-  
plius pertinet, qui ex ea ejecti sunt.

XXII. *Diximus, oriri etiam jus pro-  
pter consensum ex subjectione,  
quotuplex est subjectio?*

d. e. §. 26.

R. Subjectio ex consensu aut privata  
est, aut publica.

XXIII. *Quotuplex est subjectio pri-  
vata?*

d. §. 26.

R. Potest esse multiplex, sicut sunt  
multiplicia regiminum genera. Nobi-  
lissima species est arrogatio, qua quis  
se ita dat in familiam alterius, ut ei  
subsit ad eum modum, quo filius, qui  
maturæ est ætatis, subest patri.

XXIV. *Quæ est ignobilissima subje-  
ctionis species?*

R. Qua

12. Qua quis se dat in servitutem perfectam. Est autem servitus perfecta, quæ perpetuas operas debet, pro alimentis & aliis, quæ vitæ necessitas exigit. d. c. 5. §. 2. 7.

*XLV. Annon est iniquum, ut homo hominem recipiat in perpetuam & perfectam servitutem, cum natura omnes æquales simus?*

12. Non est iniquum, 1. quia natura quidem omnes sumus æquales ratione humanitatis, non ratione potestatis: & Deus & natura marito statim jus in uxorem, parentibus in liberos concedunt. 2. quia postquam à prima vivendi simplicitate homines discesserunt, vitamque operosius excolere, ac rei augendæ incumbere cœperunt, hebetiores & tenuiores sponte sua operas solertioribus & locupletioribus locarunt, sub promissione alimentorum & aliorum, quæ ad vitam sunt necessaria, & sic est ex consensu. Quo accedit 3. cum Deus & natura velint, hominem ab homine juyari, quod cum hæc servitus naturalis contineat utriusque utilitatem, domini scilicet & servi, vel maxime conveniens sit naturæ humanæ, ut tenuiores locupletioribus operas, & hi illis alimenta præstent: d. c. 5. §. 27. n. 2. Puf. l. 6. c. 3. §. 4. aliter Horn. l. 1. c. 3. §. 4.

quo- Puf. l. 6. c. 3. §. 9.

quorum certitudine, quam sæpe non habent, qui diurnas operas locant, vel propter defectum conductorum, vel propter fœcordiam ipsorum, non nisi fustibus expellendam, servitorum perpetuitatem compensamus.

XLVI. *Jus, quod dominus in servos consequitur, quousque se extendit?*

Grot. d. c.  
c. 9. 28.  
Puf. d. 9. 4.  
aliter Horn.  
L.

Re. In moralibus media modum accipiunt à fine; & sic dominus potest tali servo operas injungere, quascunque velit, etiam sordidas, habita tamen ratione virium & dexteritatis ipsius. Potest quoque negligentiam & fœcordiam servi asperioribus remediis coercere, & si opus sit, ex familia expellere, & fœcordiæ suæ relinquere. Jus autem vitæ & necis locum non habet in hac servitute naturali, nam hoc non requiritur ad finem obtinendam in hac, ut & in omnibus societatibus minoribus.

XLVII. *Unde nascitur jus dominorum in prolem servilem?*

Grot. d. c.  
5. §. 29. n.  
2. Puf. d.  
a. 3. §. 9. a.  
Sive Ziegl.

Re. Ex ipsa alimentorum & eorum, quæ vitæ necessaria sunt, præbitione: diu enim alendi sunt è servis nati, antequam opera eorum domino utilis esse possit, & sequentes operæ sui temporis alimentis respondent. Hinc tam-  
diu

diu serviunt , quamdiu non reddunt quantum satis est pro alimentis.

**XLVIII. An servis aufugere licet ?**

ꝛ. Si sit immanis domini sævitia, vel si alimenta deneget, etiam illi, qui ipsi se in servitutem dederunt, aufugere possunt.

Græc. d. 9.  
29. n. 2. et  
med. jung.  
Ofand. d. 1.  
Græc. l. 3. c.  
7. §. 6.  
Græc. d. c.  
5. §. 3<sup>o</sup>.

**XLIX. Quid est subjectio publica ?**

ꝛ. Publica subjectio est ; qua se populus seu plures patresfam. qui in unam civitatem coeunt, homini alicui seu regi, vel pluribus hominibus, i. e. optimatibus, seu etiam populo alteri, qui liber est, & sibi elegit regimen democraticum, in ditionem dat.

**L. Quomodo jus oritur ex delicto ?**

ꝛ. Propter delictum jus oritur, quoties qui meruit libertatem amittere, ab eo, cui poenæ exigendæ jus est, in potestatem vi redigitur ; sic Romæ libera foemina, quæ se servo alieno junxerat, fiebat serva. Populus etiam, si in alium delinquat, interdum jure victoriæ, propter hoc delictum, libertate sua civili potest privari, & in servitutem redigi civilem.

d. c. 5. §.  
32. l. 2. c. 3.  
§. 8. n. 3.  
l. 3. c. 8. §.  
2<sup>o</sup>.



## CAPUT VI.

## De acquisitione derivativa facto hominis, ubi de alienatione imperii, &amp; rerum imperii.

I. Quomodo aliquid nostrum fiat acquisitione derivativa.

II. Quomodo facto hominis.

III. Ut dominium transferatur, quid requiratur in dote.

IV. Quid in accipiente.

V. An imperia, ut aliae res, alienari possint.

VI. Imperium in partem, an parte invito alienari possit.

VII. An membra, ad totius corporis conservationem, non rite abscindantur.

VIII. An pars pro lubitu possit à corpore recedere.

IX. An corpus idem jus habeat ad partem tuendam, quod habet pars ipsa ad se tuendam.

X. Imperium in totum corpus, cum etiam competat in partem, an à summum

imperium habente in partem, alienari non possit.

XI. An talis partis alienatio necessitate, vel utilitate publica id exigente, praecipatur.

XII. Imperium in locum desertum an possit alienari.

XIII. An rex regnum suum, vel totum, vel partem, sine populi consensu, alteri possit in feudum offerre.

XIV. An oppignorare.

XV. Functiones minores an à rege, sine populi consensu, concedi possint jure hereditario.

XVI. Patrimonium populi an à rege alienari possit.

XVII. An fructus ex patrimonio.

XVIII. An pars patrimonii à rege oppignorari possit.

XIX. An testamentum sit alienationis species.

I. Quomodo aliquid nostrum sit acquisitione derivativa? seu quomodo acquirimus rem, quæ alicujus vel est, vel fuit?

Grat. l. 2. c. 32.  
6. §. 1. n. 1.

**A**cquirimus eam aut facto hominis, aut legis.

II.

II. *Quomodo facta hominis?*

¶ Quando homines rerum domini, qui liberam habent administrationem; dominium aut totum, aut ex parte, in nos transferunt: inest enim hoc in ipsa domini natura, & post introductum dominium, nihil tam naturale est, quam ut domini voluntas, rem in alium transferre volentis, rata sit.

d. c. 6. §. 1.  
l. n. 1.

l. i. c. 2. §. 1.  
10. p. 4. l.  
2. c. 2. §. 2.  
n. 5.

III. *Ut dominium sic transferatur, quid requiritur in dante?*

¶ Non sufficit actus internus voluntatis: nam hic non est congruens naturæ societatis humanæ, quæ officiorum & rerum commutationem desiderat; & vero nemo mentem alterius introspicere potest, sed simul requiruntur aut verba, aut alia signa externa, quibus hunc animum nostrum rationi convenientem indicemus.

d. c. 6. §. 1.  
n. 1. in fin.  
§. c. 4.  
§. 3.

d. c. 6. §. 1.  
n. 2. in fin.

IV. *Quid requiritur in accipiente?*

¶ Seposita lege civili, requiritur naturaliter voluntas accipiendi, cum suo signo, seu signo externo, certo, claro, & extra omnem suspensionem aut querelam incertæ voluntatis posito, indicata. Quæ voluntas ordinarie sequitur dationem; sed potest quoque præcedere; puta si quis quid dari, aut concedi sibi petierat, & dans postea consentiat: cen-

d. c. 6. §. 2.  
11. §. 1. 4.  
Boeckl. b. 4.

se-

setur enim durare voluntas, nisi mutatio appareat; & contrahentes digressi sint ad alia negotia.

V. *Imperia an, ut alie res, alienari possunt?*

*d. l. 6. §. 3.* *Ort. d. l. aliter.* *l. 2. e. 7. §. 27. Boeckl. b. l. Conring. de fin. Imp. t. 19.* *l. 2. e. 7. §. 27. Boeckl. b. l. Conring. de fin. Imp. t. 19.* *R.* Imperia, si sint in patrimonio, possunt alienari ab eo, cujus sunt in patrimonio, e. g. à rege; si non sint in patrimonio & electione, aut successione deferantur; à rege, tanquam capite populi, accedente populi consensu; quia & hic jus aliquod habet, quando agitur de modo habendi imperium: hic enim modus pendet à primæva voluntate, & non comprehenditur sub imperio. Cæterum totus hic tractatus fere regitur moribus & legibus populorum, & notitia ejus non ubivis in obvio posita est: neque enim leges, quas vulgo vocamus fundamentales, ubique præscriptæ, aut ad totam reip. rationem sufficienter descriptæ extant.

VI. *Si pars sit alienanda, e. g. civitas, provincia, an & ejus partis consensus requiritur?*

*d. e. 6. §. 4. Puf. h. 8. c. 5. §. 9. aliter. Conring. diff.* *R.* Pars, de qua alienanda agitur, consentire debet: nam qui in civitatem coeunt, contrahunt societatem quandam perpetuam & immortalem, ita ut velint

velint regi eodem imperio, & intra e- c. 196.  
Ziegl. b. 1.  
Osiand. a-  
liter Tex-  
tor, c. 30.  
§. 31.  
jusdem imperii fines degere. Et quem-  
admodum singuli jus acquisiverunt, ut  
non possint inviti è civitate ejici, aut  
alterius sub imperium tradi, nisi in  
poenæ vicem, ita & universis idem jus  
est quæsitum, ut inviti à corpore ab-  
scindi, & alii in ditionem tradi non pos-  
sint. Et si rex necessitate adactus cum Puf. d. l.  
hoste validiore pacem hac lege fece-  
rit, ut ipsi certam civitatem, certam  
regionem concedat, quæ tamen isti  
cessioni contradicit: rex quidem ex  
eadem sua præsidia deducere potest,  
& victori permittere, ut, si possit, ejus  
possessionem apprehendat: civitas ta-  
men illa, vel regio, nullâ obligatione  
impeditur, quò minus, si viribus suis  
confidat, se occupare volenti resistat,  
aut peculiarem deinceps civitatem con-  
stituatur. Si autem necessitati cogatur Grot. d. 2.  
§. 8.  
cedere, & sic communis sit necessitas  
& utilitas & corporis & partis, facile  
ex silentio consensus intervenisse vide-  
tur.

VII. *At membrum corporis humani* Grot. l. 2.  
c. 21. §. 11.  
h. 2. in fin.  
*potest abscindi, in conservationem*  
*totius corporis, ergo & meth-*  
*odum corporis hujus mora-*  
*lis?*

K

re. Para-

d. c. 6. §. 4. **R.** Partes corporis moralis non ita sunt sub suo corpore, ut partes corporis naturalis: nam hæ sine corporis vita vivere non possunt, atque ideo in usum corporis recte abscinduntur; illæ sine suo corpore vivere interdum possunt, & est corpus voluntate contractum, ac propterea jus ejus in partes ex primæva voluntate metiendum est.

**VIII. An parti jus est à corpore pro lūbitu recedere?**

d. c. 6. §. 5.  
l. 1. c. 4. §.  
7. Puf. l. 8.  
c. 5. §. 9. **R.** Non; nisi evidenter se aliter servare non possit. Nam in omnibus conventionibus excepta videtur summa necessitas, quæ facultatem dat salutem suam quovis modo expediendi. Hinc nemo jure urbes reprehenderit, quæ, ubi pro virili hostibus restiterunt, dedere se tandem maluerunt, quam excidium pati.

**IX. An corpus idem jus habet ad partem tuendam, quod habet pars ipsa ad se tuendam?**

d. c. 6. §. 6. **R.** Partis jus ad se tuendam est majus, quam corporis in partem, quia corpus demum jus consequitur in partem, propter consensum ejus in consociationem: partis autem ad se tuendam jus est antiquius, eique ante initam consociationem à Deo & natura ad sui  
con-

c. 5. §. 23.  
c. 17. §. 2.  
aliter  
Ziegl. l. 2.  
c. 6. §. 6.

conservationem concessum, quod in vitæ auferri non potest.

X. *At imperium est in corpore seu tota civitate, & sic etiam in hac parte, ac propterea, ut dominium à domino, ita ab imperium habente imperium in hanc partem alienari potest?*

R. Imperium est in toto corpore, seu tota civitate, & sic etiam in hac parte, sed non divisibiliter in plures partes, verum indivisibiliter, & quamdiu pars manet pars, & in eadem civitate; civitas enim tunc majus jus consequitur in partem, ita ut omnes ejus actiones ad eam referri debeant: verum quando pars separatur, primævum suum jus consequitur ad se ipsam defendendam, ex sua voluntate metiendum.

d. c. 6. §. 6.  
c. 5. §. 23.

XI. *Imo necessitas & utilitas publica interdum exigunt, ut pars alienetur?*

R. In extrema necessitate & innoxia utilitate habemus quidem jus etiam in res, quæ sunt in alterius dominio; sed hæc necessitas & utilitas, quæ rem ad jus naturæ reducit, comprehendit tantum usum rei alterius, & detentionem, quæ nobis communiter debentur in rebus aliorum, & naturalia sunt;

d. c. 6. §. 6.  
Puf. l. 8. c.  
5. §. 9. aliter Boeck.  
& Ziegl.  
d. l.

d. c. 6. §. 1.  
l. n. 1.

non autem jus alienandi, quod factum humano, scilicet post dominia distincta, introductum est, atque ideo inde seu ex voluntate mensuram accipit.

XII. *An imperium in locum, i. e. partem territorii, puta non habitam aut desertam, alienari potest?*

d. c. 6. §. 7.

R. Alienari potest à populo libero, aut etiam à rege, accedente populi consensu, nam territorium & totum & ejus partes sunt communia populi pro indiviso, ac proinde sub arbitrio populi: secus quam pars populi, quæ quia liberam habet voluntatem, jus quoque contradicendi habet & populo & regi, in cujus patrimonio non est jus imperandi.

XIII. *Potestne rex, sine populi consensu, regnum suum alii offerre in feudum, & ab eo recognoscere, sub onere commissi ex felonia, aut ut deficiente familia jus imperandi ad eum devolvatur, cui id in feudum obtulit, ut ad senioem?*

d. c. 6. §. 9.  
§. l. i. c. 3.  
§. 23. Puf.  
l. 8. c. 5. §.  
10.

R. Non, quia & talis infeudatio est species alienationis, quare videmus à pluribus populis irritas habitas, ut alienationes, ita & infeudationes regnorum, quas populis inconsultis reges fecerant.

XIV.

XIV. *An pignori dari potest pars populi & imperii in populum?*

R. Non potest sine consensu populi & ejus partis, quæ oppignoratur, ita ut ejus administratio & naturalis possessio tantisper sit penes creditorem: non ea tantum ex causa, quod ex pignoris datione sequi alienatio soleat, sed quia populus regem ultro constituens, ab ipso voluit gubernari, non à quovis alio, nec in multas particulas discerpi; sed præsumitur velle, ut in sua integritate conservetur, cujus rei gratia in societatem civilem coitum est.

*d. c. 6. §. 9.  
& Puf. d. 1.  
Cap. Leop.  
art. 12.*

XV. *An functiones summo imp. minores, ut ducatus, marchionatus, landgraviatus, comitatus &c. rex sine populi consensu potest concedere jure hereditario?*

*Grot. l. 1.  
c. 3. §. 14.*

R. Inconsulto populo rex id non potest, si maneamus intra terminos naturales: quia sicut ipsius imperium morte finitur, ita & concessionem ab ipso factam; nec successor obligatur ad eas servandas, quippe qui jus suum imperandi seu jus habendi imperium à populo, non ab antecessore accipit. Populi autem consensus ut expressus, ita tacitus consuetudine introductus, id jus regibus

*d. c. 6. §. 10.  
Boeckl. b. 1.  
sed aliter.*



*Inst. Jur.*  
*Publ. l. 1.*  
*tit. 14. §*  
*16. p. 166.*  
*1. F. 1.*

tribuere potest. Sic videmus, oppida & totas regiones perpetuo jure tenendas, ab Imperatoribus esse donatas.

**XVI. *Patrimonium populi potestne alienari à rege, sine populi consensu?***

*Græc. d. c.*  
*6. §. 11. Re-*  
*nat. Chop-*  
*pin. de Do-*  
*man. l. 3. c.*  
*18. Moli-*  
*naus de u.*  
*juris, q. 58.*  
*p. 519.*  
*Crag. 1.*  
*dieg. 14. p.*  
*910.*

**R.** Patrimonium populi, seu bonadomanialia, quæ regi sunt concessa ad sustentanda reip. aut regiæ dignitatis onera, à rege sine consensu populi, nec in totum, nec in partem alienari possunt. Ne quidem si res modicum valeat, quia quod meum non est, ejus nec exiguam partem alienare mihi jus est; licet in rebus modicis ex scientia & silentio facilius consensus præsumatur. Deficiente autem consensu expresso vel præsumto, alienatio est ipso jure nulla, ob defectum facultatis. Patrimonium enim imperii causa est constitutum, & quamvis rex sibi forte ad vitam suam fati prospectum judicet, tamen post ipsum alius rex præficiendus est, qui & ipse pro dignitate sustentari debet.

*Puf. l. 8. c.*  
*5. §. 11.*

**XVII. *An idem dicendum de fructibus, quos ex patrimonio Rex percipit?***

*d. c. 6. §. 12.*

**R.** Fructus sunt in regis patrimonio & dominio, & sic de iis pro lubitu, & ultima voluntate & inter vivos, habet disponendi facultatem: sic jus alluvionum

num in patrimonio esse solet, ipsæ res, quas fecit alluvio, in fructu: jus vectigalia exigendi in patrimonio, pecunia ex vectigalibus procedens in fructu: jus confiscandi in patrimonio, fundi confiscati in fructu.

XVIII. *An partes patrimonii possunt pignori opponi à rege, sine consensu populi?*

R. Pars imperii non potest, ut diximus, pars patrimonii oppignorari potest, inconsulto populo, modo rex solus habeat jus nova tributa imponendi: hæc enim luitio pignoris est species quædam tributi; perinde enim est, an cives pecuniam contribuant propter publicas necessitates, an pecunia post collata talem partem oppignoratam redimant. Imo si rex ex proprio suo patrimonio in usum reip. quædam erogaverit, merito patrimonium publicum eo nomine hypothecæ loco eidem judicabitur obstrictum, ex præsumta populi voluntate, quæ est, ut rex habeat, unde reip. onera ferat, quousque a populo debitum illud dissolvatur. Hæc autem hætenus dicta ita locum habent, nisi lex imperio addita aut regis, aut populi potestatem magis aut auxerit aut contraxerit.

d. c. 6. §. 13.  
Puf. d. l.  
Ziegl. b.  
l. aliter,

aliter Ziegl.  
d. l.

d. c. 6. §. 13.  
in fin. Puf.  
d. l.

XIX. *An alienatio potest fieri per Testamentum?*

*Urot. d. c. 6.  
§. ult. sed  
aliter jung.  
Ziegl. b. l.*

**R.** Affirmatur; quia testamentum est voluntatis nostræ sententia, de eo, quod post mortem nostram fieri volumus. Et ea est dominij vis, ut non tantum inter vivos, verum etiam in casum mortis, illud in alium transferre possimus; licet, ut actus alii, formam certam à jure civili accipere possit, quod testamenti factionem aliquando plane tollit, vel solis civibus concedit, exclusis exteris.

*Facit. de  
mor. Germ.  
c. 20. Grot.  
d. i. §. ult.  
n. 2.*

CAPUT VII

De acquisitione derivativa, quæ fit per legem: ubi de successione ab intestato.

- |   |  |
|---|--|
| <p>I. Quot modis acquisitio fiat per legem.</p> <p>II. Quot modis per legem natura fiat alienatio.</p> <p>III. Quomodo expletione juris.</p> <p>IV. An quis propria auctoritate invito debitori rem auferre possit.</p> <p>V. Quid si per judicem juris explementum obtineri non possit.</p> <p>VI. Quomodo successione ab intestato fiat alienatio.</p> <p>VII. An sit ex sola conjectura voluntatis.</p> <p>VIII. Qui in successione primus sint.</p> | <p>IX. An liberis alimenta debeantur.</p> <p>X. An omnibus liberis.</p> <p>XI. An semper.</p> <p>XII. An debeantur parentibus.</p> <p>XIII. An hoc debitum liberorum æque ordinarium sit, ac parentum.</p> <p>XIV. Avi &amp; avia an ad danda alimenta teneantur.</p> <p>XV. Reliqua bona an debeantur liberis.</p> <p>XVI. An &amp; quando ipsis adimi possint.</p> <p>XVII. Quæ sint justæ exheredationis causæ.</p> |
|---|--|

XVIII.

- XVIII.** An in tam tene-  
ram atatem, cui alimen-  
ta debentur, tale delictum  
cadere possit.
- XIX.** Quid si non satis con-  
stet, hunc illo esse geni-  
tum.
- XX.** An pater certus esse  
possit de liberis suis.
- XXI.** Quis sit pater.
- XXII.** An omnes liberi a-  
qualiter succedant in bona  
parentum.
- XXIII.** Quid sit matrimo-  
nium ad morganaticam.
- XXIV.** An sit licitum.
- XXV.** Quae rationes tale  
matrimonium suadeant.
- XXVI.** An injustum matri-  
monium mutari possit.
- XXVII.** Quibus, deficienti-  
bus liberis, successio defe-  
ratur.
- XXVIII.** Quibus, deficienti-  
bus parentibus.
- XXIX.** Quid si supersint  
fratres consanguinei & u-  
terini.
- XXX.** His deficientibus, qui  
succedant.
- XXXI.** An cognati defun-  
ctis semper sint carissimi.
- XXXII.** An haec successio-  
nes, quae ex conjectura  
naturalis deferuntur, mu-  
tari non possint.
- XXXIII.** Quid si expressa  
voluntatis indicia circa  
successionem non existant.
- XXXIV.** An haec etiam ob-  
tineant in iis, qui habent  
summum imperium.
- XXXV.** An successio regum  
per omnia sit aequalis suc-  
cessionibus privatorum.
- XXXVI.** Quot modis regna  
deferantur.
- XXXVII.** Quae regna de-  
ferantur ex liberrima vo-  
luntate regnantis.
- XXXVIII.** Qui heredes in  
talibus regnis institui  
possint.
- XXXIX.** Quid si dictum  
sit, ne regnum dividatur.
- XL.** An secundogeniti non  
succedant.
- XLI.** Regna, libero populi  
consensu facta heredita-  
ria, quomodo deferantur.
- XLII.** An debeant esse in-  
dividua.
- XLIII.** Qui in his succedant.
- XLIV.** Regum liberi an o-  
mnes sint legitimi.
- XLV.** An adoptivi succe-  
dant.
- XLVI.** Mares an praeferen-  
di feminis.
- XLVII.** An majores natu  
praeferantur.
- XLVIII.** Cur.
- XLIX.** Quid, si primogeni-  
tus sit incapax.
- L.** An regnum hoc modo de-  
latum sit pars heredita-  
tis.
- LI.** Qualis lex successionis  
sequenda sit in regno feu-  
dali.
- LII.** Quid sit successio li-  
nealis cognatica.
- LIII.** Quid si lege funda-  
mentali haec successio non  
sit determinata.
- LIV.** Quid sit majoratus.
- LV.** Quid linealis successio  
agnatica.

LVI. *An possint alii successionum modi introduci.*

LVII. *An filius possit à patre exheredari, ne in regnum succedat.*

LVIII. *An in regnis non patrimonialibus exhereditatio locum habeat.*

LIX. *An regnum abdicari possit.*

LX. *An etiam in præjudi-*

*cium liberorum.*

LXI. *Quis de controversia de regni successione iudicare debeat.*

LXII. *Filius ante adeptionem regni natus, an præferendus sit ei, qui in regia fortuna natus est.*

LXIII. *Nepos ex filio priori an præferatur filio posteriori.*

### I. *Acquisitio, quæ fit lege, quotuplex est?*

Grot. l. 2.  
c. 7. §. 1.

R. **E**st triplex: aut fit lege naturæ, aut gentium, aut civili, de qua tamen hic non agitur, id enim infinitum foret, & præcipuæ de bellis controversiæ ex lege civili non definiuntur. Tantum notandum est, leges quasdam civiles esse plane injustas, ut quæ bona naufragorum fisco addicunt.

### II. *Quotupliciter fit alienatio lege naturæ, quæ ex ipsa dominii natura ac vi sequitur?*

d. c. 7. §. 2.

R. Dupliciter; expletionem juris, & successionem.

### III. *Quomodo fit expletio juris?*

d. §. 2.

R. Quoties id, quod meum nondum est, sed mihi dari debet, aut loco rei meæ, aut mihi debitæ, cum eam ipsam consequi non possum, aliud tantundem valens accipio ab eo, qui rem meam

meam detinet, vel mihi debet. Nam justitia expletrix, quoties ad idem non potest pertingere, fertur ad tantundem, quod est morali æstimatione idem. Quum autem mei juris explementum alias consequi non possim, quam si dominus fiam, & sola rei detentio non sufficiat, dominium hoc modo transferri, probatur à fine, quæ in moralibus optima est probatio.

IV. *An ipse propria auctoritate, invito debitori rem auferre possim, eamne expectare debeo à judice?*

R. Ubi judicia vigent, jure est experiundum, quia alias frustra esset instituta judiciorum auctoritas, tumultus in civitate oriri facile possent, & ordo turbari: ubi judicia cessant vel momentanee, puta si alioqui nunquam tuum recuperare possis, aufugiente forte debitore; aut continue, ut in locis, ubi non est civitas, unusquisque propria auctoritate rem invito debitori auferre potest. d.c.7.§.2.  
n.2.

V. *Si jus quidem certum sit, judicia etiam vigeant, sed simul moraliter certum, per judicem juris explementum obtineri non posse, puta quia probatio deficiat, an sibi ipse quis potest jus dicere?*

R. Non;

Ziegl. b.  
c. 7. §. 2.  
n. 2. aliter  
Grot. b. l.

R. Non ; quia alias magna daretur injuriis faciendis licentia, & facile sub prætextu juris alter alteri vim esset illaturus, civitates furtis ac rapinis implerentur: quo accedit, quod hæc ablatio non sit habitura diuturnum effectum, si enim is, cui vis facta est, adeat judicem, & in sua probatione non deficiat, res erit restituenda, imo pluribus in locis jus crediti amittit, qui id facit.

VI. *Quomodo alienatio fit successione?*

§. 6. 7. §. 3.

R. Quia domini ea vis erat, ut domini voluntate in alium transferri posset, etiam mortis causa, si quis voluntatis suæ nullam edidisset testationem, cum tamen credibile non esset, ejus eum mentis fuisse, ut post mortem suam bona cuivis occupanti cederent, ex conjectura voluntatis, præsumitur bona sua voluisse pervenire ad eum, ad quem ea pervenire æquum atque honestum erat.

VII. *At si alienatio, quæ fit successione, sit ex conjectura voluntatis, nulla est ex jure naturæ?*

Feld. ad  
Grot. b. l.  
sed aliter.

R. Conjungi debent jus naturæ & præsumta voluntas, non sibi opponi; ideo enim quis præsumitur velle, quia jus naturæ hoc vult. Et hæc successio, cum

CAPUT VII. 157

cum sit ex ordinata & hominis fami  
 præsumta voluntate, si quis inique li-  
 beros facto forte testamento exhære-  
 det, jus naturæ etiam contra ejus vo-  
 luntatem dat successione, quæ erat pr. Inst. de  
 inoff. test.  
 inordinata, scil. hominis, qui sua ratio-  
 ne non recte usus est: adeo ut licet hoc  
 in casu successio sit contra voluntatem  
 inordinatam, non tamen sit contra  
 præsumtam voluntatem, si ordinata  
 fuisset.

VIII. *Ad quem bona pervenire æquum  
 atque honestum est?*

ꝛ. Prima causa est liberorum, quia d. c. 7. §. 3.  
 in fin.  
 ea liberis debemus.

IX. *At liberis ne quidem alimenta de-  
 bemus, sed naturali rationi tantum  
 consentaneum est, ut liberi à paren-  
 tibus alantur, ergo multo minus reli-  
 qua nostra bona?*

ꝛ. Liberis debentur alimenta ex ne- Grot. d. c. 3  
 7. §. 4. n. 12  
 aliter.  
 cessitate & præcepto juris naturæ,  
 quia alias societas humana ultra ho-  
 minis ætatem subsistere non pöset, i-  
 mo nulla unquam futura fuisset. Et  
 qui dat formam, dare debet quæ ad  
 formam sunt necessaria; quare qui  
 causa est, ut homo existat, is, quan-  
 tum necesse est, prospicere ei debet de  
 his, quæ ad vitam humanam, id est,  
 na-



naturalem ac socialem [ad hanc enim natus est] secundum suæ dignitatis statum sunt necessaria. Adeo ut impia sit sententia eorum, qui statuunt integrum esse matri, an infantem recens natum exponere velit, an educare; hi brutis animantibus sunt pejores, nam & bruta proli suæ, quantum necesse est, alimenta suppeditant. Optima quippe magistra natura est, cunctis animantibus, non tantum ad sui, sed & ad proli suæ conservationem, ut cognata hac caritate continua successio ad æternitatis circulum perveniat.

Hobbes c. 9.

Grot. d. c. 7.

§. 3. n. 2.

Boeckl. h. l.

Puf. l. 6.

c. 2. §. 12.

X. *An omnibus liberis debentur alimenta?*

R. Quia naturale est hoc debitum, ideo etiam alimenta debentur naturalibus liberis, & vulgo quæsitis, imo ex damnato coitu natis. Nec aliter capiendum, quod dici solet, legitimam humanis legibus tolli non posse, quatenus scilicet in legitima insunt alimenta necessaria. Nam quod supra est, tolli potest, non repugnante natura.

d. c. 7. §. 4.

n. 3. Puf.

l. 4. c. 11. §. 6.

XI. *An alimenta nullo casu possunt denegari?*

R. Hoc debitum alimentorum & successione in bona est juris naturæ hypothecæ.

d. c. 7. §. 7.

theticum, quod præsupponit liberorum in parentes pietatem; si enim sint ingrati, ex familia expelli & abdicari poterunt.

**XII. *Alimenta an debentur parentibus?***

**R.** Affirmatur; quia 1. parentum beneficia id merentur. 2. bona ut plurimum a parentibus sunt profecta, aut saltem semina eorundem, quæ liberi postea auxerunt. 3. in quibusdam parentibus debilitas & egestas senii accedunt.

*d. c. 7. §. 5.  
Puf. l. 4. c.  
11. Boeci.  
b. l. Seld. de  
J. N. & G.  
l. 7. c. 2.*

**XIII. *An hoc liberorum debitum in parentes æque ordinarium est, ac illud parentum in liberos?***

**R.** Non; nam liberi cum nascuntur, nihil secum afferunt, unde vivunt: adde, quod vivendum diutius habent, quam parentes: atque ideo, sicut honor & obsequium parentibus debentur, non liberis, ita educatio liberis magis, quam parentibus. Et cum parentibus debeantur, imprimis propter beneficia educationis, hinc si hæc beneficia cessent, forte quia partum dolo exposuerunt, etiam debitum alimentorum cessat.

*d. c. 7. §. 5.  
n. 1.*

**XIV. *An avi avique tenentur ad danda alimenta?***

**R.** Ubi

d. c. 7. §. 4.  
n. 4. §. 5. 6.  
Feld. b. l.

R. Ubi parentes defecerunt, æquum est, ut avus aviaque, pro mortuo filio filiaque, curam suscipiant nepotum & neptium; quod & in parentibus longius remotis pari ratione procedit, & ad eos etiam nepotes extenditur, qui per mulieres ex nobis veniunt, i. e. ad nepotes ex filiabus nostris, si aliunde ali non possint: natura enim trahit parentes ad amorem ejus, quod ex se procreatum norunt, & quod mediantibus liberis ab iis provenit. Atque hinc ortum traxit jus illud, ut nepos filii loco succedat; quam vicariam successionem, quæ per stirpes fit; repræsentationem vocant.

XV. *An & reliqua bona liberis debemus?*

d. c. 7. §. 5.  
n. 2.

R. Prima bonorum successio liberis defertur: quia creduntur parentes illis, ut corporis sui partibus, non tantum de necessariis, sed & de his, quæ ad vitam suavius honestiusque transigendam pertinent, quam uberrime voluisse prospectum, ab eo maxime tempore, quo ipsi rebus suis frui non possunt: partim ob præcisum debitum naturale, partim ex conjectura naturali, qua parentes creduntur id velle, ut liberis quam optime prospectum sit.

XVI.

XVI. *Quid si in diversum adsint indicia voluntatis paternæ?*

R. Si in diversum suppetant indicia, hæc voluntatis conjectura cessat, ut si filius ex justa causa abdicetur vel exhæredetur. d. c. 7. §. 7.

XVII. *Quæ sunt justæ exhæredationis causæ?*

R. Justæ exhæredationis causæ sunt omnes, quæ naturalis necessitudinis aut caritatis vincula aut laxare aut impedire possunt, e. g. si patri injurias manus inferat filius, si vitæ ejus insidias struat &c. & hoc in casu ne quidem alimenta debentur, quia est delictum, quod mortem meretur. N. 113. c. 3. Boecl. ad c. 7. §. 7.

XVIII. *At in tam teneram ætatem, cui alimenta debentur, tale delictum non videtur cadere posse?* Puf. l. 4. c. 11. §. 11.

R. Alimenta debentur liberis, quamdiu se ipsos honeste exhibere non possunt, & comprehendunt sumtus in studia & peregrinationes, qua sæpe in plures annos protrahuntur, ita ut in tales liberos tale delictum facile cadere possit. Imo etsi tale delictum non esset, ad alimenta deneganda sufficeret ingratitude erga parentes, & delictum quod vinculum caritatis naturalis dissolvit. Arnis. Releñ. Pol. l. 1. c. 4. sect. 4. Gafsend. Pbilos. Mor. p. 1457. Puf. l. 4. c. 11. § 5.

XIX. *Si non satis constet, hunc illo esse genitum?*

d. c. 7. §. 8. *R.* Et hæc exceptio regulæ est addenda: scilicet natura nos ducit ad partum alendum ex nobis, non autem si ex adulterio sit conceptus.

XX. *Verum de factis nulla est certa perceptio, & generis nemo sibi conscius ipse est, & mater scit suos esse liberos, pater autumat?*

l. 1. §. 10. *D. de inspic. ventre.*  
d. c. 7. §. 8.  
n. 1. in med. *R.* Ea, quæ solent in hominum conspectu fieri, sui generis certitudinem habent ex testimonio: quo sensu mater certa esse dicitur, quia inveniuntur, qui quæve partui & educationi adfuerunt; at de patre hujus gradus certitudo haberi non potest.

XXI. *Quis est pater?*

*Puf. l. 4. c. 11. §. 10.*  
*Limn. tom. 4. addit.*  
l. 2. c. 1.  
p. 202. in fin. *R.* Probabiliter pater est, quem nuptiæ demonstrant, vel qui pro tali habetur matris indicio; saltem tali certitudine, qua res facti probari solent, cum mater plures mares potuerit admittere.

XXII. *An omnes liberi æqualiter succedunt in bona parentum?*

*Puf. d. l. 4. c. 11. §. 8.*  
*Boeckl. Inst. Pol.*  
l. 2. c. 3. p. 53. *R.* Non est necesse (i.) ut bona æqualiter inter filios dividantur, sed uni atque alteri præ cæteris eximii quid assignare potest pater, vel ob singularia merita, aut præclaram spem, vel etiam ob

ob peculiarem affectum, inprimis erga familiam ejusque splendorem & conservationem, quæ sæpius detrimentum patitur divisione bonorum æquali. 2. Non tantum leges civiles, verum & jus naturæ, propter discrimen inter nuptias & alios concubitus, constitutum, magis favet liberis legitimis, quam naturalibus, licet hi tantundem trahant ex sanguine paterno, quam illi.

Grot. c. 7.  
§. 8. n. 2.  
aliter.

XXIII. *Quomodo vocatur matrimonium, quando ex pacto quidam liberi excluduntur à præcipua hæreditate, & jubentur certa portione, vel alimentis esse contenti?*

ꝛ. Matrimonium ad morganaticam, quod est legitima conjunctio, inprimis viri illustris cum foemina inferioris conditionis, hac lege, ut liberi isto matrimonio nascituri certa portione assignata sint contenti, & à reliqua hæreditate & dignitate paterna excludantur.

2. F. 29. §  
ibi Bittsch.  
Grot. d. c.  
7. §. 8. n. 3.  
Puf. l. 6.  
c. 1. §. ult.

XXIV. *An hoc matrimonium est licitum?*

ꝛ. Affirmatur; quia continet individuum vitæ consuetudinem, sobolis procreandæ gratia, licet sinistra manu jungi soleat talis uxor.

Mylerus in  
Gamol.  
Princip. c.  
6. supra, c.  
5. q. 25.

XXV. *Quæ sunt rationes, propter quas tale matrimonium*

*contrahi solet?*

Puf. d. l. 5.  
 Bitfcb. 2.  
 F. 29. fu-  
 pra, c. 5. 9.  
 26.

R. Ut I. conserventur familiae, in primis illustres, quibus divisione bonorum & imminutione tantum decedit de dignitate, quantum splendoris ipsis accedit ex nativitate: & hinc 2. est favor liberorum prioris matrimonii. 3. ne tales viri cogantur vivere in peccato seu concubinato.

XXVI. *An hoc pactum constante matrimonio à patre illustri & matre mutari potest?*

Rbet. Inst.  
 Jur. Publ.  
 l. I. tit. 21.  
 p. 304.  
 Grot. l. 2.  
 v. 14. §. 7.

R. Nihil tam naturale est, quam ut unumquodque eo modo dissolvatur, quo fuit colligatum, dummodo tertio, e. g. cognato, in cuius favorem id forte etiam factum est, ex tali pacto non sit jus quaesitum: nam hoc ipsi invito, ne quidem à principe, nisi in poenam, vel propter eminentis dominium, auferri non potest.

XXVII. *Ubi defunt liberi, quibus naturaliter defertur successio?*

d. c. 7. §. 5.  
 n. 2. Puf.  
 l. 4. c. 11.  
 §. 13.

R. Parentibus, non tamen eo modo, ut liberis. Parentes ad bona liberorum ratio miserationis admittit, liberos naturæ simul & parentum commune votum; scilicet optarent quidem parentes, bona sua in liberos devolvi, eosque habere superstites, ubi tamen ordo naturæ

turæ versus fuerit, lamentabili illo solatio hæreditatis eos utcunque demulceri par erat. Et cum nullum sit officium referenda gratia magis necessarium, nemo præsumitur voluisse perdere occasionem beneficii reddendi & referendæ gratiæ. vid. quæst. 12. d. c. 7. §. 9. n. 2.

XXVIII. *Parentibus mortuis, ad quos devolvitur hæreditas?*

ꝛ. Ad eos, qui proxime nobiscum descendunt ex parentibus, & si quidam præmortui fuerint, ad liberos eorum superstites, qui eos repræsentant: uno verbo, ad fratres & sorores germanos eorumque liberos. Nam & sic gratiam referimus parentibus nostris, in eorum scil. liberis, qui naturaliter sunt pars parentum, & quibus, si viverent, parentes maxime vellent benefieri. Quo accedit, quod commendationi naturæ, quia ex iisdem parentibus genus nobiscum ducunt, satisfaciamus. d. c. 7. §. 9. n. 2. in fine. §. nov.

XXIX. *Quid si supersint fratres consanguinei tantum & uterini?*

ꝛ. Simul hic respicitur, ex quo velut fonte bona ista in defunctum fuerint devoluta; ita ut paterna paternis, i. e. consanguineis, materna maternis, i. e. uterinis, cedant: bona autem noviter quæsitæ æqualiter dividantur. d. c. 7. §. 9. n. 1. Puf. l. 4. c. 11. §. 14.



XXX. *His deficientibus, qui succedunt?*

d. c. 7. §. 10.  
Boech. b. f.  
aliter Feld.

¶. Reliqui cognati, qui defuncto carissimi fuerunt, scilicet, qui defunctum gradu cognationis proxime attingunt.

XXXI. *At vero sæpius tales dissident à defuncto, & ipsi carissimi non sunt?*

Duf. l. 4.  
c. 11. §. 25.

¶. Licet forte cognati proximi non sint carissimi defuncto, tamen cognatio, quæ in ipsis est, & ad cujus conservationem & splendorem augendum natura & communi voto omnes feruntur, est carissima; & hinc convenientissimum est, ut bona nostra intra familiam maneant.

XXXII. *An hæc, quæ dicta sunt de naturali conjectura, ita necessaria sunt jure naturæ, ut mutari non possint?*

d. c. 7. §. 11.

¶. Dummodo liberis & parentibus legitima relinquatur, reliqua jure naturæ absolutam necessitatem nullam habent, ac proinde ex diversis causis, voluntatem humanam moventibus, variari solent, pactis, legibus, moribus, qui subitionem in locum interdum admittunt, interdum non; alibi distinguunt, unde bona veniant, alibi id insuper habent.

bent. Est ubi primogeniti postgenitis plus ferunt, ut apud Hebræos: est ubi inter se æquantur. Est ubi agnatorum habetur ratio; est ubi cognati quilibet cum agnatis tantundem ferunt. Etiam sexus alicubi momentum habet, & alibi cognationis ratio habetur, intra propiores gradus: alibi longius extenditur &c.

XXXIII. *Quid si non sint expressa voluntatis indicia circa successionem in bona post mortem?*

ꝛ. Credendum quemque id de sua successione statuisse, quod statuit lex, aut quod mos habet populi, non tantum ex vi imperii, quod vult, ut omnes inferiorum actus sint legibus conformes; sed & ex conjectura, qua unusquisque præsumitur legibus se suaque subijcere.

d. c. 7. §.  
11. n. 2.

l. 2. c. 2. §.  
5. c. 4. §. 12.  
c. 11. §. 5.  
n. 2.

XXXIV. *An hæc conjectura valet etiam in eos, quorum in manu summum est imperium?*

ꝛ. Affirmatur; nam & hi probabiliter creduntur in rebus suis æquissimum judicasse, quod aut legibus sanxerunt ipsi, aut moribus probant, in iis dico rebus, in quibus de nullo ipsorum damno agitur, & in quibus materia & ratio legis ipsis est communis cum subditis.

d. c. 7. §. 11.  
n. 2.

c. 4. §. 12.

L 4 XXXV.

XXXV. *An ergo Rex in omnibus præsumitur velle leges suas valere in successione sua?*

Boecl. ad  
c. 7. §. 12.  
n. 2.

Conring. de  
Reg. &  
Tyr. lib. 9.

R. Successio regum non per omnia se habet aut exigi potest ad regulas privatæ successions; quia successio regnorum non æstimatur ex utilitate privatorum, sed ex utilitate publica, & hinc ea, quæ in jure civili, aut privatorum successione, naturalem habent rationem aut æquitatem, huc, in quantum fieri potest, trahuntur & applicantur.

XXXVI. *Quot modis regna deferuntur?*

d. c. 7. §.  
12. & 14.

R. Regna deferuntur vel ex liberrima voluntate regnantis, eaque vel expressa, vel præsumta; vel ex voluntate populi.

XXXVII. *Quæ sunt regna, quæ deferuntur ex liberrima voluntate regnantis?*

d. §. 12.

R. Regna 1. armis subacta, 2. dedita sine conditione. Utrobique populus videtur consensisse per modum invitæ actionis, ad voluntariæ tamen æstimationem redigendæ, quia coacta voluntas etiam est voluntas: & victor omne imperium per victoriam, ut exercendum, ita & subjectum imperii existentiæ

l. 3. c. 8. §.  
1. & 2.

tiæ constituendum, est consecutus.

XXXVIII. *Quosnam heredes quis instituere potest in tali regno?*

ꝛ. Non tantum liberos legitimos, mares & foeminas, verum & naturales, adoptivos, imo & extraneos & diversæ religionis præficere, & regnum dividere potest. Imo etiam ad eos proximis ultimi possessoris regnum perveniet, qui primum regem sanguine non attingunt, si talis successio in iis locis recepta sit.

*d. c. 7. §. 12.  
Boet. b. 1.  
aliter.*

XXXIX. *Si dictum sit ne regnum dividatur?*

ꝛ. Regnum habebit natu maximus, siue omnes sint filii, siue filiæ: si filii & filiæ concurrant, habetur ratio sexus, ita ut filius natu minor, seu secundogenitus, præferatur filiæ primogenitæ: sexus enim prærogativa est perpetua, ætatis autem temporaria.

*d. c. 7. §. 13.  
aliter.*

XL. *Secundogeniti an plane non succedunt?*

ꝛ. Primogenitus erga eos se clementem & pium exhibeat, & pro ipsorum partibus, si non rependat æstimationem, assignet ipsis, ut honeste, secundum status sui dignitatem, vivere possint, ne tenuitate provisionis vitæ inquinatæ & dissolutæ occasio præbeatur.

*d. c. 7. §. 18.*

*d. c. 7. §. 13.  
in fin. Dis-  
ter. ad A. B.  
tit. 24. Inst  
Jur. Pub.  
p. 618.*

**XLI. Regna libero populi consensu facta hæreditaria quomodo deferuntur?**

*d. c. 7. §. 14.* **R.** Ex præsumpta populi voluntate, quæ videtur fuisse, ut observetur id, quod maxime expedit.

**XLII. Quid videtur maxime expedire?**

*d. c. 7. §. 14. Puf. l. 7. c. 2. §. 11. & 12. Boech. b. l.* **R.** Ni aliud lex aut mos ferat, quinque res hæ videntur expedire: 1. ut regnum sit individuum, quia id ad tuendum regnum, & civium concordiam, maxime valet. Imo etiam votum primi electi regis est, ut maneat eadem regni forma; & cum regnum, non regna acceperit, etiam ex regno non præsumitur voluisse plura regna efficere per divisionem, vel ex regno aristocratiam, ut nimirum plures fratres pro indiviso, pari inter se potestate regnum administrarent; talis enim mutatio nullo unquam ævo periculis caruit.

**XLIII. Quid præterea expedit?**

*d. c. 7. §. 15. & 16.* **R.** Alterum est, ut successio stet intra eos, qui descendunt à primo rege: ea enim familia ob nobilitatem electa censetur, eaque finita regnum redit ad populum. Tertio, ut ne succedant, nisi qui nati sunt secundum patriæ leges: non naturales tantum, quia ad con-

contemptum patent, quorum matrem pater iusto conjugio dignatus non est; & præterea quia minus certi habentur, propter deficientem fidem conjugalem: at in regnis expedit populo habere maximam certitudinem, quæ haberi potest, ad vitandas controversias.

**XLIV.** *At regum liberi omnes sunt legitimi, quia discrimen inter legitimos & naturales est ex lege civili, & vero reges legibus civilibus sunt soluti?* Horn. l. 2. c. 9. §. 17.

¶. Quamvis dispar sit conditio regum & subjectorum, quantum ad leges civiles, tamen nepotes, liberi, propinqui, familia, genus &c. semper communiter apud omnes populos, qui ratione sua recte utuntur, respectu matrimonii dicuntur: discrimen inter legitimos & naturales est à jure naturæ, à quo est discrimen inter nuptias & concubinatum, seu ii demum sunt legitimi apud omnes populos, qui ex individua vitæ consuetudine nascuntur. Et si quis aliter explicaret, stylum omnibus seculis toto orbe receptum abnegaret, quod non est privati vel unius hominis; oportet enim, ut prius ostendatur, vel nullum esse, vel omni tempore nullum fuisse discrimen inter prin-

principum uxores, pellices & amicas.

XLV. *An adoptivi succedunt?*

d. c. 7. §. 16.  
Boet. b. 1.  
Puf. l. 7.  
c. 7. §. 12.  
in med.

ꝛ. Non; quia populus in naturalem regis stirpem regnum contulit, qua deficiente, ad se voluit redire facultatem de successore disponendi, quæ facultas, admissâ adoptione, quæ quidem ad regnum jus daret, in perpetuum eluderetur; quo accedit, quod nobilitas generis vere regii magis reverendos efficit reges, majorque de eis spes concipitur. Hinc nec ascendentes primi regis, fratres, vel collaterales, multo minus affines, admittuntur, citra novam populi electionem.

XLVI. *Quodnam est quartum quod expedit?*

d. c. 7. §. 17.  
Boet. b. 1.

ꝛ. Quartum est, ut inter eos, qui pariter ad hæreditatem admittuntur, sive quia unius sunt gradus, sive quia in parentum suorum locum succedunt, præferantur mares sæminis: ideo quod mares tum ad bella, tum ad alias imperii partes, magis idonei sæminis censentur, & rarum & extraordinarium est illud Poëtæ: *Vos etenim juvenes animum geritis muliebrem, illaque virgo viri.*

XLVII. *Quintum quod est?*

ꝛ. Quin-

¶. Quintum est, ut inter mares aut d. c. 7. §. 18.  
 foeminas, ubi mares deficiunt, præfe-  
 ratur natu maximus; ita tamen, ut ubi  
 foeminæ & mares concurrunt, sexus  
 prærogativa, quæ perpetua, potior sit  
 prærogativa ætatis.

XLVIII. *Cur natu maximus præ-  
 fertur?*

¶. Variant hic opiniones: alii ad jus Horn. l. 2.  
 c. 9. §. 8.  
 & seqq.  
 naturæ, sanguinis, aut hæreditatis pro-  
 vocant: alii ad jus divinum & gen-  
 tium: alii ad populi electionem, quo-  
 rum opinio verior est: scilicet in omni  
 successione latet populi electio, seu ta-  
 cita, seu expressa; jus enim ab electione Grot. l. 1.  
 c. 3. §. 10.  
 n. 5.  
 familiæ coeptum succedendo continu-  
 atur. Quare quantum prima electio  
 tribuit, tantum defert successio.

XLIX. *Quid si primogenitus sit in-  
 capax?*

¶. Quia populus ipsum elegit, cum d. c. 7.  
 §. 18. n. 2.  
 A. B. tit.  
 25. & ibi  
 Limn.  
 præsumatur is iudicio esse perfectior,  
 aut futurus, si propter mentis aut cor-  
 poris vitium imperare non possit, non  
 succedit, sed reliqui: salva tamen  
 semper sexus primum, deinde ætatis  
 prærogativa inter capaces. Nam qua-  
 litas & sexus & ætatis, quatenus in  
 hac re a populo consideratur, ita per-  
 sonæ adhæret, ut avelli inde nequeat.

L. An



L. *An regnum, ubi in hunc modum defertur, pars est hæreditatis?*

d.c. 7. §. 19.

Boecl. b. 1.

Et ad §. 18

Puf. l. 7.

c. 7. §. 12.

Horn. l. 2.

c. 9. §. 13.

aliter. l. 2. c.

14. §. 10.

Et 11.

Et Est hæreditas quædam, quia est legitima in locum alterius defuncti successio, & successor principis non male vocatur hæres regni, solii, sceptri; sed separata est ab aliorum bonorum hæreditate, ita ut in his non cogatur simul succedere, & eorum onera ferre. Nec ab illa successione excluditur quis ob omnes causas, ob quas ab his excluditur, sed ut aliquid committat contra patriam, vel ut propter defectum imperare non possit, requiritur. Præsumta enim voluntas populi semper intelligenda est cum relatione ad commodum reip. & regnum voluisse creditur is quam optimo jure deferri; nec quicquam ejus refert, hæreditas aliorum bonorum à rege adeatur, nec ne, cum hæreditarium ordinem non ob hoc elegerit, sed ut certi quid esset, & reverentia conciliaretur ex sanguine, simulque ex genere & educatione spes esset præclaræ virtutis, & regni possessor regnum magis curaret, animosiusque defenderet, si id ipsum iis esset relicturus, quos ipse ob caritatem maximi faceret.

d.c. 7. §. 19.

in fin. My-

lerus in Ar-

cbol. c. 11.

§. 6.

LI. *Si regnum primitus datum sit in feudum ab eo, qui plene dominus erat,*

*rat, qualis lex est sequenda in successione?*

*¶* Sequenda erit lex successionis feudalis, non semper Longobardica illa, quam perscriptam habemus, sed quæ in gente quaque recepta fuit, quo tempore data est prima investitura: nam aliæ gentes leges aut mores de feudis non minus, quam Longobardi habuerunt. idem dic de regno, quod ex non feudali factum est feudale, quia ejus natura est mutata.

*d.c.7. §.20.  
Ziegl. b.1.  
Struv.  
Synr. 7. 7.  
c.9. §.1. &  
seqq.  
Frantz. de  
orig. Feud.  
Bischof. in  
proem.*

*LII. Estne in regnis adhuc alia quedam successio non hæreditaria?*

*¶* Affirmatur; scilicet successio, quæ linealis dicitur, eaque vel cognatica, vel agnatica. Cum enim favor repræsentationis, propter jus, quod defunctus in viventis bonis habet, & quod ad eos, qui ex ipso superstites sunt, transmittit, tantum in descendantibus obtineat in infinitum, in collateralibus autem evanescat, apud multas gentes linealis successio est introducta, cujus fundamentum, ut & hæreditariæ, est spes populorum de optima educatione eorum, qui spem regni habent justissimam. Hæc autem linealis successio in eo consistit, ut omnes, qui ab auctore stirpis regnatricis descendunt, vel-

*d.c.7. §.22.  
Puf. l.7. c.  
7. §.13.*

velut lineam quandam perpendiculariorem constituent, ita ut eorum quilibet regno propior sit, prout quisque in eodem gradu sexus, deinde & ætatis prærogativa, potior est. Nec prius ad aliam lineam regnum devolvitur, quam omnes ex eadem linea defecerint, & prout quisque nascitur, ita lex, ex spe ad regnum suo ordine habendum, jus verum ipsi excitat; quod jus quisque ad omnes ex se natos pari ordine demittit, licet ipse regnum non obtinuerit. Hoc modo primo loco semper vocantur liberi ultimi possessoris, sed ita, ut & mortuorum ratio habeatur, si quidem ipsis proles supersit qualiscunque gradus; & si mortui istius linea potior fuit, vel ratione sexus, vel ratione ætatis, ejusdem proles reliquos omnes excludit: & sic mortui transmittunt suum jus in vivos, & vivi seu ultimi possessores, in mortuos, salva tamen semper in pari gradu ejusdem lineæ prærogativa & sexus & ætatis. Si ultimo possessori defint liberi, ab ipso incipiendo, non recurrendo ad auctorem stirpis, itur ad lineam proximam, & sic deinceps, ita ut ob sexum aut ætatem nunquam transeat de linea in lineam. Cui consequens est, ut si ultimo possessori sit filius & filia, filius con-

contracto matrimonio moriatur, relicta filia, hæc præferatur filio, qui natus est ex filia ultimi possessoris seu avi, & filius majoris fratris præmortui fratri minori. Hæc linealis successio vocatur cognatica, quia cognati, seu foeminae & ex iis nati nataeque, non minus admittuntur, quam agnati, licet postponantur in eadem linea. Vocatur etiam successio regni Castellæ, ad cujus exemplum etiam majoratus jura in eo regno constituta.

LIII. *Quid si lege fundamentalis hæc successio non sit determinata?*

R. Si lex & exempla desint, ea sumi poterit ex ordine, qui in publicis cœtibus servatur. Nam si in eo ratio habeatur linearum, id signum erit, spem à lege in jus esse animatam, ita ut à morientibus in superstitibus transeat, & si linea primogeniti præcedat lineam secundo geniti, populus præsumatur vellem, idem observari in successione.

LIV. *Quid est majoratus?*

R. Majoratus est jus, quo ad successionem vocatur, qui in familia post mortem possessoris major natu reperitur. Hoc jus eo præcipue fine est introductum, ut tutelæ non sit locus, sed regnum semper proprios dominos habeat.

M

LV.

LV. *Quæ est alia linealis successio?*

d. c. 7. §. 23.  
Ziegl. b. l.  
Limn. 2.  
F. P. c. 2.  
§. 24.

R. Est successio linealis agnatica, duntaxat marium ex maribus; quæ vulgò vocatur successio juris Francici, seu regni Galliaë. Hæc maxime introducta est, ne per foeminarum matrimonia ad peregrinum sanguinem imperium deveniat. In hac tamen successione, deficientibus agnatis, substituantur interdum cognati, non jure successioneis aut cognationis, sed liberæ electionis, ne regnum ad externos deferatur. In utraque lineali successione in infinitum admittuntur etiam ii, qui ab ultimo possessore remotissimo gradu distant, dum à primo rege descendant.

LVI. *Possuntne alii successionum modi introduci?*

d. c. 7. §. 24.

Limn. l. 4.  
c. 8. §. 126.  
& seqq.  
Inst. Fur.  
Publ. p. 623.

R. Affirmatur; aut ex populi voluntate, aut etiam ejus, qui regnum ita in patrimonio habet, ut alienare possit. Imo, si sint regna non patrimonialia, interdum hoc est permixsum; sic in Imperio Romano-Germanico inter illustres recepta sunt pacta confraternitatis; quo etiam referri possunt pacta ganerbinatus. Sic constituere licet, ut qui vel ultimo possessori, vel primo acquirenti, quoque tempore futu-

futuri sunt proximi, succedant.

**LVII. An filius potest à patre exhæredari, ne in regnum succedat?**

**ꝛ.** In regnis patrimonialibus seu alienabilibus omnino potest, ita tamen, ut & in his regnum à reliqua hæreditate paterna distinguendum sit; & hinc licet aliquem à regno excludat, non statim videtur eum à reliqua hæreditate exclusisse, nisi voluntatem suam expresse declaraverit: & contra potest aliquem ab hæreditate excludere, ut tamen ipsum non excludat à regno; eo ipso enim dum bona alia opponit regno, non præsumitur voluisse ipsum excludere à regno. Nec tacite aliquis habetur pro exhæredato, si grave aliquid in patrem commiserit, & nulla existent condonatae culpæ indicia expressa. Eo ipso enim dum pater iudicium suum non declaravit, non videtur voluisse eum exhæredare, sed spectavit forte aliam castigationem, & pro peccato magno minus exhæredatione supplicium optavit.

**LVIII. An potest exhæredari quis in regnis non patrimonialibus, seu in iis, quæ per successionem deferuntur?**

**ꝛ.** Et in his regnis præsumtus con-

*d.c.7. §. 25.*

*Boecl. b. 1.  
Ziegl.  
Horn. l. 2.  
c. 9. §. 15.  
in fin.*

*Grot. d. c.  
7. §. 25. &  
liter.*

*Boecl. d. 1.  
Horn. d. 1.  
Grot. d. c. 7.  
§. 25. in fin.  
aliter.*

sensus populi in successione ab intestato restrictus est ad casum publicæ utilitatis, adeo ut si forte filius in tali regno contra salutem regis vel regni aliquid molitur, à successione excludi possit. Primogenito enim populus confert successione sortem, si prodesse publico studeat; sin desciscat, & periculum tyrannidis subsit, negligere putanda est civitas publicæ salutis everforem. Alias autem non procedet exhereditatio, quia populus quidem elegit vā hæreditariam, sed hæreditariam ab intestato. multo minus ead. procedet in lineali successione, ubi nulla imitatione hæreditatis, ex dono populi pervenit ad singulos præscripto ordine.

LIX. *An abdicari potest regnum seu jus succedendi in regnum?*

Grot. l. 2. c.  
5. §. 24.

R. Quin pro se quisque possit abdicare regnum, seu jus succedendi in regnum, jure naturæ & gentium, sive sit electitium, sive successivum, dubium non est: nam civitas est species societatis, in qua nemo cogitur invitus manere, & in qua imperantes sunt caput. Quo accedit, quod derelinqui imperia possint. Verum cum imperiorum primordia, quod ad subjecta

exi-

existentiæ majestatis attinet, ad consensum mutuum sint referenda, is qui regimini præest, non magis se subtrahere potest subjectis, sine justa causa, quam hi sine causa sceptrum averfari. Et hinc licet in regno successivo permessa sit abdicatio, tamen injuria in remp. non carebit factum, si rex solo quietis amore, ætate & viribus minime defectus, abdicatione sua regnum transferret in filium minorennem, præsertim bellis incumbentibus; nisi populi consensum impetraverit, eique in rep. & ætate successoris adversus periculum munienda, aliquas consilii partes reliquerit: tunc enim demta intelligitur, quæ subest injuria.

*Limn. ad  
Cap. Ferd. I.  
art. 1. p. 451.*

*Textor. c.  
30. Boecl.  
b. l.*

*LX. An & pro liberis abdicari potest?*

R. Hoc magis controversum est: in regnis hæreditariis patrimonialibus, ubi arbitrium successionis in voluntate unius est positum, pater sua abdicatione liberis nocere potest; in hæreditariis, ex præsumta populi voluntate, pater pro se & liberis renuncians, liberis obesse non potest, inprimis in lineali successione, quia simul atque existere cœperunt, jus proprium eis quæsitum est ex lege; sed nec nascituris,

*d. c. 7. §. 26*

M 3 quia



quia pater impedire non potest, quin ad illos suo tempore jus pertineat, nisi populi consensus accedat; tunc enim, quia jus quæsitum ipsis nondum est, id quod accepturi fuissent, si nascerentur, parentis & populi consensu auferri potest.

c. 4. §. 10. n.

3.

LXI. *Quando est controversia de successione regni, quis potest judicare, an rex, qui nunc regnat, an populus per se, an iudices dati?*

d. 6. 7. §. 27.

R. Neque rex, neque populus judicare potest, judicio jurisdictionis, quæ non est, nisi apud superiorem; sive judicet de alicujus persona, sive de causa. Causa autem successionis, seu controversiæ de successione, non comprehenduntur sub jure imperii, seu sub majestate, quia respiciunt modum perveniendi ad imperium, qui ex primæva patrumfamilias voluntate, quando in civitatem coiverunt, & ubi nulla adhuc regiminis forma fuit constituta, est æstimandus, seu qui mansit in statu naturali, quo nulla erat jurisdictionis. Populus non potest, quia omnem jurisdictionem in regem & regiam familiam transtulit, nec ea durante, si sit verum regnum, ulla ejus habet reliquias. Hinc recte & pie facient,

l. 1. c. 3. §. 8.

n. 2. l. 2. c. 5.

§. 23.

d. c. 7. §. 27.

n. 2. l. 1. c. 3.

§. 7. n. 2. l. 2.

c. 23. §. 8.

Publ. l. 9. c.

§. 15. l. 2.

c. 9. §. 3.

cient, qui jus vindicant, si de arbitris inter se conveniant, qui, si de primæva populi voluntate quæstio incidat, populi qui nunc est, quique idem cum eo qui olim fuit, censetur, sensum exquirunt, eumque sequuntur; nisi satis certo constet, olim aliam fuisse populi voluntatem, & ex ea jus quæsitum.

LXII. *An filius, ante adeptionem regni natus, in regno individuo præferendus est ei, qui in regia fortuna est natus?*

R. Præferendus est in quavis successionis specie. 1. quia populus regnum regi & suæ familiæ detulit, sub qua sine dubio talis filius intelligitur, & in lineali successione simul atque regnum quæsitum est, spes aliqua parta est liberis ante natis, & in hoc successiōnis genere spes semel parta jus facit, nec ex post facto cessat, nisi quod, ex sexus privilegio, suspenditur in cognatica successione. 2. si solus superesset, nullo alio relicto filio, succederet; ergo nativitas secundo geniti ipsi non potest auferre id, quod populi dono & consensu sui patris est consecutus. 3. succedit etiam in aliis bonis, in quibus non distinguitur, quo tempore

d. c. 7. §. 28.

Boecl. b. 1.

Horn. l. 2.

c. 9. §. 16.

sint quæsitæ; quæ ratio est dubia. Præterea notandum est, lege & expressa populi voluntate aliter constitui posse.

**LXIII.** *An nepos ex filio priori præfertur filio posteriori.*

d. c. 7. §. 30.  
n. 1. & 2.  
Horn. l. 2.  
c. 9. §. 16.  
aliter.

**R.** In lineali successione difficultatem nullam hoc habet: ibi enim mortui pro vivis habentur in hoc, ut in liberos jus transmittant. In hæreditariis dividuis, ubi subitio in locum, seu jus repræsentationis obtinet, in partes concurrent: at in hæreditariis individuis nepos, ex præsumpta populi & regis voluntate, præfertur, & si ætate impediatur administrare regnum, tutores constituendi, qui periculis, quæ alias ab ætate timentur, facile prævenire possunt. Pari distinctione respondendum est ad quæstionem inter fratrem superstitem ultimi regis, & fratris majoris filium; an defuncti fratris filius aut filia patruæ regis, an ex filio nepos filiæ, an minor nepos ex filio, nepoti majori ex filia præferatur.

Grot. d. o.  
7. §. 31. 32.  
& seqq.

## CAPUT VIII.

De acquisitionibus derivativis, quæ à Jctis vocantur juris gentium.

- |   |                                |
|---|--------------------------------|
| I. Quot modis acquiratur dominium jure gentium. | II. An occupatio.              |
|   | III. Quot modis per occupatio. |

- tionem.  
 IV. Quomodo venatione.  
 V. Fera bestiae occupata quamdiu censeantur esse nostra.  
 VI. Quid si addita sint signa, ex quibus dignoscantur cujus fuerint.  
 VII. Ut fera alienius fiat, quid requiratur.  
 VIII. An fera in sylva circumsepta, & pisces in stagno, a nobis possideantur.  
 IX. Quomodo acquiratur inventione.  
 X. An solo visu ita acquiri possit.  
 XI. Quomodo captivitate in bello.  
 XII. Quid acquiratur per accessionem.  
 XIII. Qui sint agrilimitati & illimitati.  
 XIV. An cum feudo constituto simul etiam fluvialia incrementa concedantur.  
 XV. Ad quem pertineat factus ex animalibus nostris.  
 XVI. Quid si pater sit certus.  
 XVII. Quomodo acquiratur specificatione.  
 XVIII. Quid si quis mala fide ex aliena materia novam speciem fecerit.  
 XIX. Quomodo acquiratur traditione.

I. *Quot modis acquirimus dominium jure gentium?*

R. Quatuor modis; occupatione, accessione, specificatione, & traditione.

II. *At vero occupatio est modus acquirendi originarius & naturalis?*

R. Est modus acquirendi originarius & naturalis in primo rerum statu, ubi omnia vacua adhuc fuerunt, & omnium occupationi patuerunt: est modus acquirendi juris gentium & derivativus, postquam res, quae occupantur, desierunt esse in dominio vel principis, vel privatorum, & permisso principis, apud omnes gentes, propter communem necessitatem & utilitatem,

d. f. 3. §. 3. iterum cedunt occupanti, quæ alias propter occupationem, quæ fit per universitatem, ad principem redirent. Ita ut respectu prioris dominii, quod fuit vel principis vel privatorum, possit vocari modus acquirendi derivativus, licet proprie loquendo, quia censentur esse res nullius, & primum ab occupante acquiruntur, sit modus acquirendi originarius. Quo accedit, quod JCTi sub modis dominium acquirendi juris gentium, comprehendant naturales.

d. c. 3. §. 19.  
n. 2. & 3.

### III. *Quot modis acquiratur occupatione, jure gentium?*

ꝛ. Tribus; venatione, inventione, & captivitate in bello.

### IV. *Quomodo venatione?*

Horn. l. 2.  
c. 3. §. 5.  
Puf. l. 4. c.  
6. §. 4. a-  
liter. Ziegl.  
b. l. Textor  
c. 8. §. 18.

ꝛ. Post introducta dominia & imperia constituta, feræ quidem bestię per occupationem, quæ fit per universitatem, principi vel ei, qui jus summum in civitate habet, fuerunt acquisitæ, verum propter simplicius vivendi genus, inter omnes gentes jus venandi privatis fuit concessum, ita ut quod quisque cepisset, suum esset; à quo simpliciori vivendi genere cum gentes discesserint, principes, prout cujuscunque necessitas & utilitas exigebat,

bat, hoc jus venandi promiscuum pri-  
vatis iterum ademerunt, & ferarum  
bestiarum dominium fere ubique loco-  
rum sibi repetierunt.

V. *Fera bestiae à nobis occupatae,  
quamdiu censentur esse nostrae?*

ꝛ. Quamdiu sunt in nostra custodia,  
& in naturalem libertatem se non re-  
ceperunt; simulac enim custodiam no-  
stram evaserunt, tunc difficilis est earum  
persecutio, vel potius nulla: præfer-  
tim cum internosci, quæ nostræ fue-  
rint, ab aliis non possint, ex probabi-  
li conjectura derelictionis, desinunt esse  
nostræ, & ubi hodie princeps permit-  
tit, iterum cedunt occupanti.

Grat. d. c.  
8. §. 3.

VI. *An nostræ manent, si addita sint  
signa, unde dignosci possit,  
cujus fuerint?*

ꝛ. Affirmatur; quia tunc videtur  
cessare præsumpta derelicto, & hinc ab  
aliis occupatæ & agnitæ dominis sunt  
reddendæ: nisi ex aliis circumstantiis  
constet, vel signa non fuisse addita  
ad retinendum dominium, vel do-  
minum domini animum non reti-  
nuisse.

d. c. 8. §. 3.  
Kulpis in  
exercit.  
Grat. b. l.  
Puf. l. 4. c.  
6. §. 12.

VII. *Ut fera alicujus fiat, quid re-  
quiritur?*

ꝛ. Requiritur corporalis quædam  
pos-

d. c. 8. §. 3.  
in fm. &  
§. 4.

possessio, quæ acquiritur vel manibus nostris, vel instrumentis aliis, ut decipulis, retibus, laqueis &c. dum modo duo adsint, primum ut ipsa instrumenta sint in nostra potestate, deinde ut fera ita sit inclusa, ut exire inde nequeat. Unde sequitur, quod si quis feram lethaliter vulneraverit, & eam persequatur, vel si à canibus ejus capta sit, alius eam capere vel eximere non possit.

VIII. *Quid dicendum de feris in sylva circumsepta, & de piscibus in stagno & piscina?*

l. 3. §. 14.  
D. de ac-  
quir. vel.  
amit. poss.  
Grot. d. c.  
8. §. 2. a-  
piter.

¶. Feræ bestię vivariis inclusæ, & pisces in piscinas coniecti, à nobis possidentur, secus quam quæ versantur in sylva circumsepta, vel in stagno, quæ antequam occupatæ fuerint, in libertate naturali manent.

IX. *Quomodo acquirimus inventionem?*

d. c. 8. §. 6.  
Ziagl. h. l.  
aliter Puf.  
l. 4. c. 9. §.  
13. Horn.  
l. 2. c. 3. §.  
8. in fin.

¶. Idem dicendum de inventionem, quod diximus de venatione: scilicet lapillos, gemmas in littore maris, res pro derelicto habitas, & thesauros, ut olim apud omnes gentes, ita hodie adhuc, ubi princeps id permittit, nostra facimus occupando.

X. *Hæc occupatio per inventionem potestne fieri oculis?*

d. c. 8. §. 6.

¶. Non; quia possessionis initium est

est corporis ad corpus adjunctio, qualis circa res mobiles maxime fit manibus, circa res soli pedibus: & scire, ubi res est, non est reperire.

XI. *Quomodo captivitate in bello acquirimus?*

R. Apud omnes gentes res hostium habentur pro rebus nullius, & sic fiunt capientium, tam eorum, qui per alios, quam qui per se capiunt. l. 3. c. 6. §. 8. in fm. & 9. in pr.

XII. *Quid acquiritur per accessionem?*

R. Accessorium cedit suo principali, sine quo esse non potest. Sic insula pertinet ad flumen, in quo nata est; si flumen sit privatum, ad privatos, si sit publicum, ad populum, aut ad eos, quibus populus illud dedit, quales sunt isti, qui prope flumen habent agros illimitatos: cum enim multa sæpe incommoda patiantur per inundationes, & vero hæc incrementa fluviatilia, in primis si fiant per alluvionem, redivisibus publicis parum momenti adferant, constitutum est, ut concedantur iis, quorum fundis accedunt, ita tamen, ut ex propria cujusque civitatis utilitate & necessitate hæc privatis iterum denegari & publico tribui possint, ceu in venatione & inventione dictum. Puf. l. 4. c. 7. §. 8. & seq.

XIII. *Qui agri dicuntur illimitati?*

R.



d. c. 8. §. 12.

¶ Qui nullum alium finem habent, quam flumen, dicuntur illimitati; & qui alium finem habent, quam flumen, seu qui se non extendunt ad flumen, sunt limitati: quales in dubio præsumuntur agri privatorum; quia hoc privatarum possessionum naturæ est congruentius, sicut contra in dubio imperia ad flumen credenda sunt illimitata, quia id territorii naturæ maxime convenit, ad arcendos hostes; nam flumina & alii termini naturales, ut montes, non ita facile transiri possunt.

d. §. 12. c. 3.

§. 17. n. 2.

XIV. *Si feudum constituitur, an simul censentur concessa incrementa fluviatilia?*

Grot. d. c.

8. §. 15.

¶ Negatur; nec sub imperii sola concessione statim fluviatilia incrementa continentur; licet aliquando cum illo definito imperio agrorum universitatem accipiant: quo casu dubium non est, quin vasalli jus habeant, quod populi aut principis fuit. idem dic, si flumen ipsum in feudum acceperint, vel agrum arcifinium seu illimitatum; tunc enim ex agri qualitate, fluviatilia incrementa ad eos pertinebunt: secus est, si sit limitatus, si in investitura nihil de eo comprehensum fuerit.

fuerit, nec regionis finos, aut longi  
fatis temporis possessio, jus ipsis pepe-  
rerit.

XV. *Fætus animantium nostrorum  
ad quem pertinet?*

R. Quicquid ex animali meo na- d.c. 2. §. 18.  
tum est, meum est. Et si pater per- Ziegl. b. 4  
tineat ad alium, & ad alium mater,  
partus ventrem sequitur, 1. quia ali-  
quando fuit pars matris, 2. quia ple-  
rumque pater ignoratur.

XVI. *Quid si de patre constet?*

R. Quia pater leviter opera sua de- Puf. l. 4. c.  
fungitur, sic ut ipsius domino parum 7. §. 4  
aut nihil decedat, mater autem, dum  
uterum gerit, ad alia fere est inutilis,  
& sollicitè alenda, adhuc ad domi-  
num matris pertinet; ita tamen, ut  
domino patris interdum aliquid sit sol-  
vendum. Idem dicendum, quando  
planta alterius vel arbor in meo fun-  
do radices egit, vel aliquis ex sua  
materia in meo fundo ædificavit. Cum  
enim apud omnes gentes communio  
pariat lites, iudex qui uni rem debet  
adjudicare, & alterum alteri in cer-  
tam pecuniæ summam interdum con-  
demnare, ut indemnis servetur, sem-  
per pronuntiabit pro eo, ad quem  
pertinet res principalis: nisi interdum

ac-

accessorii pretium, vel ars aliud suadeat, ut si planta aliena, sed rara, omnino in fundum meum radices egerit, & dominus fundi eam repetat; vel pictura præstans & artificiosa tabulæ meæ imponatur.

XVII. *Quomodo acquirimus specificatione?*

*d. c. 8. §. 19. aliter.* **R.** Quando vel ex aliena, vel partim nostra, partim aliena materia, novam speciem efficitur, regulariter, si hæc species uni sit adjudicanda (quia, ut dictum, apud omnes gentes ex

*Kulpis d. l.*

communione oriuntur lites) illi species est adjudicanda in judiciis, qui eam fecit: ut tamen dominus materiæ pretium ejus recipiat; vel interdum, ubi species reduci potest ad materiam, domino materiæ adjudicetur, & opera solvatur.

XVIII. *Quid si quis mala fide ex aliena materia novam speciem confecerit?*

*Puf. l. 4. c. 7. §. 10. in fin.*

**R.** Dubitatur, an jure naturæ eam sibi acquirat: licet enim species pluris sit, quam materia, & materia prior desuisse videatur, aut ipse vehementer re indigeat, hoc tamen ad dominium ejus rei acquirendum non sufficiet, sed probabilem aliquam causam accedere oportet.

oportet, ne dominus per malam fidem alterius, rei suæ dominio, invitus plerumque, carere cogatur.

XIX. *Quomodo traditione?*

R. Quamvis ad dominii translationem naturaliter & absolute non requiratur, ut fiat traditio, verum etiam ipso jure, citra traditionem, illud in nos transferri possit, tamen inter omnes gentes receptum est, ut si quid ab aliquo, animo dominium transferendi, mihi tradatur, & res à me ita acceptetur, dominium ejus in me transferatur, ita ut recte traditio dicatur modus acquirendi dominium ex jure gentium.

d. l. 8. §.  
25. c. 6. §.  
1. n. 2. Puf.  
l. 4 c. 7. §.  
7. aliter.

CAPUT IX.

Quando imperia vel dominia desinant.

- I. Quot modis dominia & imperia desinant.
- II. Quid si moriatur is, qui dominium vel imperium habuit, nullo successore relicto.
- III. An totus populus interire possit.
- IV. Quot modis.
- V. Corpus quomodo intereat.
- VI. Quomodo species sive spiritus, vel vinculum inter imperantes & parentes.
- VII. Quid si ex populo tam pauci superint, ut populum facere nequeant.
- VIII. An migratione popu-

- lus intereat.
- IX. An mutata regiminis forma.
- X. An per hanc regiminis mutationem civitatis debita extinguantur.
- XI. Quid si populus armis devictus sit.
- XII. Si civitas alteri uniatur, an eadem maneat.
- XIII. An dividi possit.
- XIV. Populus Romanus an hodie idem sit, qui olim fuit.
- XV. An persona heredem eadem censetur cum persona defuncti.

N I. Quos

I. *Quot modis desinunt dominia & imperia?*

Grot. l. 2. c.  
9. §. 1. in  
pr. c. 3. §. 6.

l. 1. c. 3. §.  
7. l. 2. c. 7.  
§. 3. & §.  
10. n. 2.

RE. **D**efinere ac interire dominia & imperia variis modis possunt, imprimis derelictione, quia voluntate cessante non manet dominium; & sublato subjecto, in quo est imperium vel dominium, scilicet ante alienationem vel expressam (sive inter vivos, sive ultima voluntate) vel tacitam, qualis est in successione ab intestato, ex præsumpta defuncti voluntate.

II. *Si persona, in qua fuit dominium aut imperium, moriatur, nulla edita voluntatis significatione, nullo consanguineo relicto, vel alia persona, cui jus succedendi ex pacto vel alio modo competit &c. ad quem pertinet dominium aut imperium?*

l. 2. c. 7. §.  
27. *Limn.*  
l. 4. c. 8. §.  
172. *Myl-  
ler. de Stat.  
Imp. part. I.*  
c. 25. *Grot.*  
l. 2. c. 3. §.  
19. n. 3. l.  
2. c. 9. §. 1.

RE. Dominium & imperium redeunt in eum statum, in quo fuerunt ante acquisitionem à defuncto factam. Si sit privatus, dominium ejus ad universitatem, aut ad dominum superiorem redit, à cujus dominio generali & eminenti illud pendet: si sit rex, qui populum, seu potius jus imperandi populo, habuit in patrimonio, populus fiet sui juris, nisi suam libertatem ultro deserat, & alii se in ditionem det: aliæ res,

res, in alterius territorio sitæ, redeunt ad dominum territorii; quæ verò sitæ in ipsius defuncti sunt territorio, fiunt occupantis; & quidem, si populus libertatem suam civilem retinere velit, eæ res per occupationem, quæ fit per universitatem, sunt populi, aliàs cedunt primo occupanti. Si sit rex, cui ex populi voluntate regnum delatum sit, sive per electionem, sive per successionem quamcunque, redit imperium ad Deum, qui quoniam in tali populo ordinem vult, statim illud in eum transluisse præsumitur, usquedum populus aliud subjectum majestatis existentiae sibi eligat. Si sint Optimates, & omnes intereant, idem dicendum. Si sit populus liber, idem erit, & si talis populus interiret, alii populi, qui forte fuerunt in ipsius ditione, fiunt sui juris.

III. *At civitates dicuntur immortales, quomodo totus populus interire potest?*

¶ Civitates possunt esse immortales, scilicet quamdiu spiritus, sive vitæ civilis consociatio, plena atque perfecta, vinculo imperandi (cum summo imperio) & parendi constans, subsistit. Hinc ortus mos loquendi, ut populum qui nunc est, alloquentes, ei tribua-

N 2 mus

l. 1. c. 3. §.  
12. l. 2. c.  
2. §. 4.

l. 1. c. 3. §.  
8. n. 1. Text.  
J. G. c. 30.  
§. 4. & §. 5. d.  
c. 3. §. 8. n.  
7. l. 2. c. 9.  
§. 3.

d. c. 0. §. 3.  
n. 1. §. 2. in  
fin. c. 12. §.  
8. n. 1. Kup-  
pis. b. l.  
Puf. l. 8. o.  
12. §. 7.  
Boeckl. de eo  
quod civi-  
tas egit. p.

33.

mus quæ eidem populo ante multa se-  
cula acciderunt. Hoc autem vinculo  
sublato, interit & tollitur civitas.

IV. *Quot modis hoc accidit?*

d. c. 9. §. 3.  
n. 3. *in fin.* R. Duobus modis; aut interitu cor-  
poris, aut interitu speciei, sive spiri-  
tus, quem dixi.

V. *Corpus quomodo interit?*

d. c. 9. §. 4. R. Corpus interit, vel sublatis simul  
partibus, sine quibus corpus subsiste-  
re nequit, ut si populus mari abripiat-  
ur, aut terræ motu, aut chasmate pe-  
nitus hauriatur; aut sponte internecio-  
ni se det: vel sublata corporis ratione, ut  
d. c. 9. §. 4. si cives aut sponte, ob pestilentiam vel  
seditionem, à societate discedant, aut  
vi ita distrahantur, ut coire non pos-  
sint, quod bellis accidit interdum.

VI. *Species, sive spiritus, vel vin-  
culum inter imperantes & paren-  
tes, quomodo interit?*

d. c. 9. §. 6. R. Interit hoc vinculum, sublata aut  
omni aut perfecta juris communitate,  
sive singuli libertatem personalem a-  
mittant & servi fiant, sive libertate  
personali retenta, imperio exuantur,  
l. 3. c. 8. §. 1.  
n. 1. & 2. ut corpus civitatis nullum sit, nec ma-  
gistratus, sed sine concilio publico, si-  
c. 15. §. 7. ne imperio multitudo, cui præfectus  
ab alio mittitur, ut jus reddat. Tales  
d. c. 9. §. 6. *in fin.* sunt

sunt etiam populi in provinciæ formam redacti: item hi, qui alterius populi ditionem subierunt.

VII. *Quid si ex aliquo populo tam pauci supersint, qui populum facere nequeant?*

ꝛ. Definitum non est, quot homines requirantur ad constituendum populum, quare si hi pauci se defendere possint contra vim hostilem exterorum, poterunt sibi vindicare imperium, usque dum iterum in justum numerum populi, allectis aliis, sese suppleverint: nam jura collegiorum possunt etiam conservari in uno.

*Puf. l. 8. c. 12. §. 8. Ziegl. c. 9. §. 4. Grot. c. 9. §. 4. in fin. aliter.*

VIII. *Quid si populus de loco migraverit, sive sponte, ob inediam aut alia mala, sive coactus?*

ꝛ. Potest fieri, ut eadem civitas contrahatur, aut amplificetur, aut disjungatur intervallis. Sic civitas est Hispanica, quicquid distantibus longe lateque locis Hispanici est juris; sic Germanica est civitas, quicquid Germanici est juris. Ut autem civitas, pluribus nationibus constans, urbibus, pagis, locum totum suo arbitrio auspicioque mutaverit, putant exemplis non probari, nisi quatenus sedes imperii pro tota civitate nominatur. Cæ-

*Conring. de fin. Imp. c. 1. & 2. Boecl. ad Grot. de eo quod civitas egit. p. 32. & seqq.*



terum talis populus, si maneat species, quam diximus, populus esse non definit; licet, si sedes imperii transferatur, sæpe non omen modo, sed via esse possit ad ulteriorem mutationem, ut in Imperio Romano accidit, sede imperii Roma Constantinopolim translata.

**IX.** *Si forma regiminis mutetur, & ex regno fiat aristocratia, aut democratia, aut resp. mixta, manetne eadem civitas?*

q. c. 9. §. 8.

n. 1. *Lamp. de Rep.*

*Rom. Germ.*

c. 1. §. 60.

& 61. *ibi-*

*que Con-*

*ring. Boecl.*

*diñ. diff. de*

*eo quod ci-*

*vitas egit.*

p. 5. &

*seqq.*

**R.** Affirmatur; ut enim civitas eadem dicatur, hoc non debetur formæ accidentali, ut loquuntur, quæ sumitur à subjecto existentiae, & sæpe mutari potest, sed formæ essentiali, sive ordini imperandi & parendi in genere, qui sive sit in uno, vel pluribus, vel omnibus, semper manet eadem civitas & idem populus. Sic idem est populus Romanus sub regibus, consulibus, imperatoribus. Imo etiamsi plenissimo jure regeretur, populus idem erit, qui antea erat, cum sui juris esset, dum rex ei præsit, ut caput istius populi, non ut caput alterius populi. Nam imperium quod in rege est, ut in capite, in populo manet, ut in toto, cujus pars est caput; atque ideo rege,

fi

si electus est, aut regis familia extincta, jus imperandi ad populum redit, ut diximus quæst. 2. Licet interdum, mutata civitatis forma, quædam per se coincidunt necesse sit, non quod alia jam sit civitas, sed quia quædam huic vel isti regiminis formæ erant propria, e. g. modus leges ferendi in monarchia, coincidit, si fiat transitus in democratiam. Quo vero loco in conventibus sedere debeat is qui summum imperium in populum ante liberum accepit, vel populus, si ex monarchia facta fuerit aristocratia, vel democratia, an sc. rex occupare debeat locum populi antea liberi, vel optimates vel populus locum prioris regis, dubitatur.

*l. 2. c. 16,  
§. 16. m. r.  
in fin.*

*Grot. d. c.  
9. §. 8. n. 3.  
aliter.*

*X. Si forma regiminis mutetur, an debita civitatis extinguuntur?*

*R.* Non desinit debere pecuniam populus, rege sibi imposito, quam liber debebat: est enim idem populus & dominium retinet eorum, quæ populi fuerunt, imo & imperium, quanquam jam non exercendum à corpore, sed à capite, & licet in aliud subjectum existentia sit translatum, non tamen est translatum in alium populum, & hoc subjecto extincto, non redit ad alium,

*d. c. 9. §. 2.  
n. 3. Hoc-  
tom. in  
quæst. il-  
lustr. 7.  
Boccl. d.  
dissert. p.  
4. & p. 14.*

N 4                      quam

quàm ad hunc populum.

XI. *Quid si populus armis devictus sit?*

*Grot. l. 3. c. 8. § 4. n. 3. c. 15 § 10. Puf. l. 8. c. 12 § 2. & 3. Boeckl. d. dissert. p. 54.*

*R.* Aut victor reliquit ipsi imperium & dominium, quanquam dependens, tunc dubio caret, quin populus ad huc pecuniam debeat; aut victor eadem nec imperium nec dominium reliquit, sed omnia sibi tribuit, & victis ademittit omnia, ærarium, agros publicos &c. tunc victor, si laudem justitiæ amet, & pecunia debeatur iis, qui non sunt hostes, non intercedere debet juri, quod æquitas dicitur; sicut enim alia bona, quæ hostium non sunt, si apud hostes reperiantur, non acquiruntur victori, sed sunt restituenda, ita & hæc bona incorporalia seu debita, quæ videntur eum sequi, & ab eo debere solvi, qui bona debitoris occupavit.

XII. *Si una civitas alteri uniatur, an manent eadem?*

*R.* Si uniantur per modum arctioris foederis, manet quælibet id quod antè fuit, & retinet imperium & dominium, licet interdum exercendum per unum: nam in morali corpore eadem persona, diversa ratione considerata, caput esse potest plurium ac distinctorum

rum

rum corporum, seu populorum, qui perfectum coetum singuli constituunt: cuius rei certum indicium est, quando extincta domo regnatrice, imperium ad quemcunque populum seorsim revertitur. Si alio modo uniantur, seu si una alteri incorporetur, ut loqui amant, favor sæpe populi talis quæritur in nominis sono, cum res ipsa discrepet, fiatque ut in dignioris accessionem veniat id quod minus dignum est, & pars unita majoris illius appendix fiat. Interdum utriusque forma accidentaliter interit, & nova constituitur, ut si duo democratici diversi populi, abolito pristino regimine, in unum populum regnumque coalescant, aut si duo regna, sublatis utriusque legibus fundamentalibus, remotisque familiis antiquis regnatricibus, novum regnum condant.

*l. 1. c. 3  
§. 7. n. 2.*

*Puf. d. 1. §. 6.  
c. 12. §. 6.  
Boeci. d. dif-  
fert. p. 34.  
Grot. d. c. 6.  
§. 9. aliter.*

**XIII. Civitas, quæ una fuit, potestne interdum dividi?**

xx. Evenit interdum, ut quæ una civitas fuerat, dividatur, aut consensu mutuo, aut vi bellica. Quod cum fit, plura pro uno existunt summa imperia, cum suo jure in partes singulas. Si quid autem commune fuerit, id aut communiter est administrandum, aut pro ra-

*Puf. l. 8. c. 12. §. 5. §.  
Boeci. d. l. p. 38. Grot. d. c. 9. §. 10.*

tis portionibus dividendum. Huc interdum etiam referenda est discessio, quæ ex consensu fit in colonias. Nam sic quoque novus populus sui juris nascitur, & tales coloniæ non sunt partes suæ originis; secus quam illæ, quæ vel ob militares usus, vel alias ob causas deducuntur, ut maneant pars civitatis matris, sive majoris patriæ, ut sunt Hispanorum, Anglorum, Belgarum, Gallorum, in Americanis insulis.

XIV. *An Imperium Romanum semper apud populum Romanum permansit, seu an populus Romanus adhuc hodie idem est, qui fuit olim?*

R. Non, quia imperium in populum Romanum non amplius est in ipso populo Romano, sed est translatum in Germanos.

XV. *An persona hæredis eadem censetur cum persona defuncti?*

R. Certi juris est, pro eadem censeretur cum defuncta persona, quod ad domini, tam publici, quam privati, continuationem attinet.

## CAPUT X.

De obligatione, quæ ex domino oritur.

I. *Obligatio reddendæ domini rei suæ, quoti lex sit.* II. *Quomodo hæc obligatio nascatur ex rebus existentibus.*

Coming. d.  
I. G. R. c.  
10. de fin.  
Imp. c. 9. &  
10. Limn.  
tom. 5. ad-  
dis. l. 1. c. 4.  
§. 24.  
Boeck. in  
not. imp. l.  
1. c. 5. &  
l. 2. c. 3. &  
4. Gronov.  
ad Grot. d.  
c. 9. §. 11.  
Grot. d. l.  
sed aliter.  
d. c. 9. §.  
12. c. 21. §.  
19.

- tibus.*
- III. An possessor rem alienam restituere debeat, etiamsi dominus eam non repetat.
  - IV. An bos in decalogo sit præceptum.
  - V. An suis impensis possessor rem restituere debeat.
  - VI. Si dominus & deponens in rei repetitione concurrant, cui res reddenda sit.
  - VII. An sit differentia inter res, ex jure gentium, & jure civili acquisite.
  - VIII. An bonæ fidei possessor teneatur jus suum in dubium vocare, & possessionem suam publice significare.
  - IX. Quomodo obligatio nascitur ex rebus non exstantibus.
  - X. Bonæ fidei possessor an ad restitutionem teneatur, si res perierit.
  - XI. An ad restituendos fru-

- ctus exstantes.*
- XII. An ad consumptos.
  - XIII. Quid si rem sibi donatam alii donaverit.
  - XIV. An per talem donationem locupletior fiat.
  - XV. Quid si rem vendiderit.
  - XVI. Res aliena, bona fide emta, an restituenda sit, sine repetitione pretii.
  - XVII. An ergo officium hoc sit damnosum.
  - XVIII. Res aliena emta, an restitui venditori possit, ut pretium servetur.
  - XIX. Qui rem habet, cuius dominus ignoratur, an eam pauperibus dare teneatur.
  - XX. Ob causam turpem, aut alioqui ex officio debitam, acceptum an restitui debeat.
  - XXI. An rerum fungibilium dominium, sine consensu domini, in nos transferatur.

I. *Quot modis obligatio nascitur adversus nos ex eo jure quod competit in res?*

R. **D**uobus modis adversus nos nascitur obligatio; aut è rebus exstantibus, aut è non exstantibus. Grot. l. 2. c. 10. §. 1. 76. 1.

II. *Quomodo obligatio nascitur adversus nos è rebus exstantibus?*

R. Eo ipso, dum jus naturæ vult, ut æqualitas observetur inter homines, & d. c. 10. §. 1. n. 2. Puf. l. 2. c. 12. §. 5. § c. 13.

§. 2. *Ofi-*  
*and. b. l.*  
*Kulpis. b. l.*  
*aliter.*

in contractibus & in dominio, idem jus præcipit, ut unicuique suum tribuamus, ita ut non abstrahatur ab ullius justiore petitione, & præsumit, dum homines dominia distinxerunt, eos inter se convenisse & se obligasse ad rei alienæ restitutionem; scilicet, quantum est in potestate possessoris, ut res ad dominum suum redeat.

III. *An restituere rem alienam debet possessor, etiamsi dominus eam non repetat?*

d. c. 10. §.  
1. n. 2. in  
fin.

℞. Affirmatur; quia si dominii ea tantum vis fuisset, ut poscenti domino res redderetur, nimis debile futurum fuisset dominium & nimis sumptuosa custodia: vel potius, quia jus naturæ, quod vult, ut unicuique suum tribuatur, rem pro domino repetit, & ex quasi contractu possessores ad hoc obstricti esse videntur.

IV. *At vero in Decalogo nullum est præceptum de re restituenda, sed saltem de furto non faciendo?*

Of. l. 2. c.  
10. §. 1. obs.  
1. §. ult.  
Inst. de R.  
D.

℞. Jure naturæ & ex Decalogo furtum est, quoties invito domino rem, ejus lucri faciendi gratia, retineo, sive is repetat rem, sive non.

V. *An suis impensis possessor rem restituere debet?*

℞. Non;

¶. Non; obligatur enim possessor tantum, quantum in se, ut dominus rem recipiat: hinc indicare tenetur, ut alter recipere suum possit; nec ubi impossibile fuerit rem restituere, tenetur. Nec interest, utrum quis ab initio occupationis sciverit, rem esse alienam, sive post occupationem. Seu, non interest, an sit malæ, an bonæ fidei possessor.

d. c. 10. §.  
1. n. 1.  
Ziegl. b. l.  
Feld. aliter.

VI. *Si alius rem alienam apud me deponat, & verus dominus superveniat, eamque repetat, cui res est restituenda, an domino, an deponenti?*

¶. Quia obligatio, qua domino teneor rem restituere, est antiquior, utpote ex priori contractu, posteriores contractus exceptionem inde accipiunt, nisi posterior contrahens, seu deponens, jus habeat, propter quod domino præferri debeat. Sic si creditor apud me deponat pignus, quamvis jus creditoris, quod habet in re, sit posterius jure domini, tamen creditori deponenti, non autem debitori & domino, eam restituere debet, quia creditor jus habet in re, propter quod domino præfertur: secus est, si fur aut latro rem apud me deponat; vel si fiscus

d. c. 10. §.  
1. n. 4. l. 37.  
D. Depos. l.  
1. §. pen. D.  
naut. cau-  
pon. stab. &  
ibi Brun.

Puf. l. 4. c.  
13. §. 5. Be-  
sold. in ibes.  
præf. voc.  
Grund-  
rubr. Recbt.



cus rem furtivam, aut navis levandæ causa, è navi ejectam, vindicare velit, ubi constat de domino.

VII. *An nulla est differentia inter res ex gentium jure acquisitas & ex jure civili?*

d. c. 10, §.  
1. n. 5. c.  
14. §. 8.

R. Non; nam ad dominii naturam nihil refert, ex gentium, an ex civili jure oriatur: semper enim secum habet, quæ sibi sunt naturalia, inter quæ est obligatio cujusvis possessoris, ad rem scil. domino restituendam, cum fructibus, deductis tamen impensis in fructus & in rem factis; ita ut, si quis rem alienam invenerit, præmium inventionis petere non possit, nisi fuerit promissum.

d. c. 10. §.  
1. n. 5. in  
fm.

VIII. *An bonæ fidei possessor tenetur ipse suum jus in dubium vocare, & publice significare, talem rem à se possideri, ut si forte ad alium pertinuerit, hic eam vindicare queat?*

Puf. l. 4. c.  
13. §. 2. in  
fm. l. 2. c. 4.  
§. 6. & 8.  
Lud. Mo-  
lina de Iust.  
& Jur. tr.  
2. disp. 61.

R. Negatur; quia bona fides & justus titulus eum ab omni crimine liberant, & faciunt, ut habeatur pro domino. Imo, si post usucapionem completam resciverit, rem esse alienam, restituere eam non tenetur, quia prior dominus excidit suo dominio.

IX. *Quomodo obligatio nascitur e rebus*

*bus non exstantibus adversus nos?*

RE. Ille, qui ex re aliena factus est locupletior, tenetur in tantum, in quantum factus est locupletior, modo res aliunde non sit pensata domino. Nam si v. g. tibi res furto sit subtracta, quam ego bona fide acquisivi & consumsi, & tu à fure ejus æstimationem sis consecutus, à me nihil amplius petere potes, licet factus sim locupletior, quia non amplius tuum esse videtur, quod ex re est: nec bona fides patitur, ut idem bis consequaris; hæc enim obligatio ad restitutionem, in quantum quis factus est locupletior ex re aliena, fluit non tantum exinde, quod dominia sint introducta ad servandam æqualitatem, in eo scilicet, ut unusquisque suum haberet, verum etiam hinc, quod res, cujus dominium neque consensu meo, neque delicto, neque jure belli amisi, adhuc ad me videatur pertinere, vel re consumptà, quicquid ex eadem ad te pervenerit: & est hujus dicti tanta æquitas, ut multa hinc definiant Jcti, extra legum præscripta, semper ad ipsam æquitatem, ut evidentissimam, provocantes.

X. *Si res apud bonæ fidei possessorem perie-*

d. c. 10. §.  
2. n. 1. Puf.  
l. 1. c. 13. §.  
6. Kulpis  
b. h.

*perierit, an obligatur?*

d.c. 10. §. 3.

**R.** Non tenetur ad ullam restitutionem, si res perierit; quia nec res ipsa apud eum est, nec lucrum ex re.

**XI. *Re consumpta, obligaturne fructus exstantes restituere?***

Puf. l. 4. c.

13. §. 8. l.

22. C. de

rei vindic.

§. l. 48. D.

de acq. rer.

dom. Gros.

d.c. 10. §. 4.

aliter.

Ziagl. b. l.

**R.** Omnes fructus, industriales & naturales, domino sunt restituendi, quia quicquid est ex re mea, meum est, licet industria tua intervenerit, quæ alio modo erit compensanda, non autem fructuum lucro; detrahendo sc. omnes impensas in rem factas, ut & mercedem industriæ tuæ.

**XII. *Si fructus sint consumpti?***

Gros. d. c.

10. §. 5. §. 6.

**R.** Tenetur ad restitutionem, si modo aliàs quoque tantundem erat consumpturus; nam in hoc locupletior censetur. Unde sequitur, eum non teneri de percipiendis fructibus, seu quos neglexit percipere; quia nec rem habet, nec quid aliud, quod rei loco succedit.

**XIII. *Si talis possessor rem sibi donatam alii donaverit?***

d. c. 10. §. 7.

**R.** Non tenetur, nisi omninò etiam sine hac re, donaturus tantundem fuisset: tunc enim lucrum erit, rei suæ pepercisse.

**XIV. *At vero, propter beneficium, acci-***

*accipientem dans ad remunerandum sibi obligat, & sic semper videtur locupletior fieri, etiamsi ex mera liberalitate, & citra necessitatem donet?*

R. Quamvis accipientem ad remunerandum naturaliter obligatum habeat, tamen remuneratio necessario non sequitur, sed sufficit beneficium grato animo reputare, & hinc, quamdiu remuneratio non est secuta, non videtur locupletior factus.

l. 25. §. 11.  
D. de petit.  
bared.  
Grot. l. 2.  
c. 11. §. 3.

XV. *Si rem alienam talis possessor vendiderit?*

R. Si eam bona fide ipse emerit, aliique retro vendiderit, obligatur, in quantum plus pretii accepit, quam ille dedit, habita tamen ratione laboris & expensarum circa rem vendendam: si donatam vendiderit, totum pretium restituet, quia tunc ex re sua, propter meam, nihil ipsi abest. Quæ sententia vel maxime æqua est, si dominus rei non possit possessorem convenire, & rem ipsam vindicare. Nisi forte prodegerit pretium, aliàs non prodaçturus.

d. 6. 10. §. 8.

XVI. *An res aliena, bona fide emta, restituenda est, sine repetitione pretii erogati?*

R. Affirmatur; nisi quatenus dominus

O

nus

d. c. 10. §.  
9. *Frantz.*  
2. *resol. 9. n.*  
47. *§ seqq.*

nus rei suæ possessionem probabiliter non potuit recipere, sine aliquo impendio, ut puta, si res apud piratas fuerit, tunc enim deduci poterit, quantum dominus impensurus libenter fuerat: ipsa enim possessio, præsertim recuperatu difficilis, est aliquid æstimabile, & in hoc dominus, post rem amissam, censetur factus locupletior. Hinc si possessionem facile recipere possit dominus auctoritate judicis, empor non potest pretium repetere, etiamsi eo animo emerit, ut domino restitueret: debuit enim tunc domino saltem rem indicare, qui eam sine omni pretio à possessore vindicasset.

l. 2. C. de  
furt

**XVII.** *At nemini officium suum debet esse damnosum?*

l. 11. §. 2.  
D. de act.  
emt.

*R.* Nullum hic fuit domino periculum rei non recipiendæ, ergo sibi imputet, quod rem emerit. Præterea recurrere potest ad venditorem, & evictionem petere.

**XVIII.** *Si quis bona fide rem alienam emat, & post emtionem audiat, rem esse alienam, poteritne rem venditori restituere, ut pretium servet?*

d. c. 10. §.  
9. & 10.

*R.* Si venditor sit ignotus, vel fur, latro, aut pirata, qui forte, re restituta, abiturus est, ita ut possessio recuper-

peratu sit difficilis, rem ipsi restituere non potest, quia, ex quo res fuit in ejus potestate, coepit obligatio restituendi, quantum in ipso fuit, quod non præstaret, si rem restitueret venditori: si periculum nullum sit amitendæ plane rei, restituere potest, & domino indicare possessorem, cujus nihil interest, an à possessore vindicet, an ab emtore, cum multum interfit emtoris, ut pretium recipiat, tum venditoris, ne propter exceptiones, si quas habet, possessionis beneficium amittat. Et videtur emtor fecisse, quantum in se est, ut res perveniret ad dominum, non enim hoc tenetur facere suis expensis.

Puf. l. 4. c. 13. §. 14.  
Ziegl. l. 2. c. 10. §. 10.

XIX. *Qui rem habet, cujus dominus ignoratur, an naturaliter eam pauperibus dare tenetur?*

R. Quamquam hoc valde pium sit, non tamen præcise ad hoc quis obligatur naturaliter, quia ex dominio nemo jus habet, præter dominum. Non esse autem & non apparere, tantundem valent quoad eum, cui non apparet, modo faciat, quantum in se est, ut veniat in domini notitiam, e. g. si curet rem in locis publicis proclamari.

XX. *Si quis rem accipiat ex causa*

O 2 tur-

*turpi, aut etiam ex causa honesta, ad quam quis vi officii obligatur, an eam restituere debet?*

*Feld. ad Grot. l. 2. c. 10. § 12. Ziegl. b. l. Grot. b. l. aliter. Puf. l. 4. c. 13. §. 16. aliter.*

*R.* Restituenda, quia turpiter accipere est contra honestatem accipere, & sic non nisi turpiter retineri potest. Nec sufficit hic domini & dantis voluntas, sed requiritur etiam, ut accipiens habeat facultatem accipiendi, & ut finis sit licitus, & modus rem dandi & accipiendi.

**XXI.** *An rerum fungibilium dominium in nos transfertur sine consensu domini?*

*Grot. d. c. §. 13.*

*R.* Negatur; nam res ejus generis functionem quidem recipere dicuntur, id est, restitui posse per id, quod genere idem est, sed ita demum, si consensus præcesserit, aut ex lege aut more præcessisse intelligatur, ut in mutuo; aut etiam, si res, utpote consumpta, exhiberi nequeat.

## CAPUT XI.

### De Promissis.

**K.** *An ex promissis naturaliter jus oritur.*

**II.** *Quot sint gradus loquendi de rebus futuris, quæ nostræ sunt potestatis, aut fore putantur: Et quid sit assertio.*

**III.** *Quid requiratur ad as-*

*sertionem.*

**IV.** *Quid sit Pollicitatio.*

**V.** *Quid promissio perfecta.*

**VI.** *Quid ad eam requiratur.*

**VII.** *An ebrius ex promisso obligetur.*

**VIII.** *An ex delicto.*

**IX.** *Quando puer ratione uti ini-*

- incipiat.*
- X. *Quae leges sint observandae, quando minores in integrum restituantur.*
- XI. *Si pactio fiat in mari, vel insulis vacuis.*
- XII. *Promissio errantis an obliget.*
- XIII. *Quid si ex tali inani promissa alter damnum incurrat.*
- XIV. *Quid si dolus errori causam dederit.*
- XV. *Ex metu promittens an obligetur.*
- XVI. *Quid si tertius cum latrone contrahat ut alium incolumem dimittat.*
- XVII. *Quid si latro nullum metum inferat.*
- XVIII. *Qualis requiratur materia ut promissum valeat.*
- XIX. *Quid si res nunc non sit in potestate promittentis, sed esse aliquando possit.*
- XX. *Quid si de facto impossibilia promittantur.*
- XXI. *Si ex possibili res impossibilis fiat.*
- XXII. *An promissio ob causam vitiosam naturaliter valeat.*
- XXIII. *Quid si promittatur ad consequendam rem jam antea debitam.*
- XXIV. *An promissio sine causa valeat.*
- XXV. *Quis sit modus promittendi.*
- XXVI. *An alius pro nobis promittens inuito nos ob-*
- ligare possit.*
- XXVII. *An ex contractu magistri, qui a pluribus navi praepositus est, singuli obligentur in solidum, an pro portione, quam singuli in navi habent.*
- XXVIII. *Ad promissionis validitatem quid requiratur in promissario.*
- XXIX. *Cur acceptatio non requiratur si civitati aliquid promittatur.*
- XXX. *An acceptatio debeat innotescere promissori.*
- XXXI. *An promissum, ante acceptationem factam, licite revocetur.*
- XXXII. *An mortuo voluntatis nostrae intervantio.*
- XXXIII. *An ea non mortuo.*
- XXXIV. *Quid si dubium sit an mandatum sit revocatum.*
- XXXV. *An tertius pro alio acceptare possit.*
- XXXVI. *An promissioni perfecta onus aliquod adijci possit.*
- XXXVII. *An in consummationem tertii.*
- XXXVIII. *Propter errorem & metum invalida promissio an & quomodo convalescere possit.*
- XXXIX. *An promissiones requirant causam expressam.*
- XL. *Factum alienum promittens ad quid naturaliter teneatur.*



I. *An ex promissis naturaliter jus oritur?*

l. 1. D. de pact. Grot.  
l. 2. c. 11.  
§. 1. n. 4. jung. Puf.  
l. 3. c. 5. §. 10. Kulpis in exercit. Grot. b. l. Ziegl. abster. Proleg. §. 15.

ꝛ. **A**ffirmatur; 1. quia nihil adeo congruum est humanæ fidei & societati humanæ, quam ea servare quæ placuerunt. 2. quia inter reges & populos diversos necessarius est aliquis se obligandi modus, & verò alius naturalis fingi non potest. 3. voluntate sufficienter indicatâ signis externis, rei dominium transfertur, quidni ergo & jus in personam, aut ad transferendum dominium, aut ad aliquid agendum, quippe cum in actiones nostras par jus habeamus, atque in res nostras. 4. Sapientum consensus hoc probat.

II. *Quot sunt gradus loquendi de rebus futuris, quæ nostræ sunt potestatis, aut fore putantur?*

d. c. 11. §. 2. ꝛ. Tres. primus est assertio explicans de futuro animum, qui nunc est.

III. *Quid requiritur ad assertionem, ut vitio careat?*

d. c. 11. §. 2. ꝛ. Requiritur veritas cogitationis pro tempore præsentis, non autem, ut in ea cogitatione perseveretur. Habet enim animus humanus non tantum naturalem potentiam mutandi consilium, sed & jus, quamdiu non vergit in alterius præjudicium.

IV.

IV. *Quis est alter gradus?*

℞. Pollicitatio, cum voluntas se ipsam pro futuro tempore determinat, cum signo sufficiente ad indicandam perseverandi necessitatem. Ideo etiam obligat promittentem vel absolute, vel sub conditione interdum, alteri tamen jus proprium non dat, vi cujus promittentem cogere possit. Multis enim casibus evenit, ut obligatio sit in nobis, nullum jus in alio ad exigendum, e. g. propter beneficium acceptum obligamur ad gratiam reponendam, quam tamen plerumque is, qui beneficium in nos contulit, exigere non potest. Huc referendæ sunt pollicitationes virorum potentum aut gratiosorum, quibus alicui non per verba honoris, sed serio suam commendationem, intercessionem, aut suffragium spondent, quæ tamen non volunt jure aliquo abs sese exigere, sed in solidum suæ humanitati ac veracitati cupiunt imputari; nisi forte aliquid ipsis detur, ut suffragium dent.

d. c. 11. §. 3.  
Puf. l. 3.  
c. 5. §. 6.

l. un. C. de Suffr.  
Struv.  
Syntag.  
Ex. 25. tb.  
35.

V. *Quis est tertius gradus?*

℞. Est promissio perfecta, ubi ad talem determinationem accedit signum volendi jus proprium alteri conferre, ut rem promissam plene exigere possit:

d. c. 11. §. 4.  
n. 1. Puf. l.  
3 c. 5. §. 7.  
Feld. b. l.  
aliter.

O 4 five

sive sit promissio dandi, sive promissio faciendi, in qua est alienatio particulæ cujusdam libertatis nostræ.

VI. *Quid requiritur ad perfectam promissionem?*

d. c. 11. §.  
5. n. 1.

l. 1. D. de  
mir.

R. Primum requiritur usus rationis, ut scilicet promittens intelligat præsens negotium, & videat, an conveniens sit, ut se obliget ad dandum vel faciendum, an non. Hinc furiosi, quamdiu furor durat, amentes & infantes promittere nihil possunt, nec ex promisso obligari: foeminæ possunt, uti & minores; licet hi non satis firmum iudicium habere credantur, & si propterea læsi sint, restituantur in statum, in quo fuerunt ante promissionem.

VII. *Quid dicendum de ebriis?*

c. 14. X. de  
vita &  
hon. cler.

Puf. l. 3. c.  
6. §. 4.

Tacit. de  
mor. Germ.  
c. 22.

R. Cum ebrietas rationem exulare faciat, non possunt obligari ex contractu seu promisso, si ebrietas eo usque processerit, ut ratio plane sit obruta vino. Si enim paulo largius quis tantum biberit ad hilaritatem, obligatio contrahenda ex promisso non impeditur, præsertim ubi à sobriis renovatur. Sic antiqui Germani de omnibus fere rebus, pace & bello, in conviviis consultabant, quia nullo tempore,

re, etiam ad simplices cogitationes, magis patet animus, aut ad magnas magis incalescit; & postero die repebant.

VIII. *An ebrii obligantur ex delicto?*

ꝛ. In delicto obligatio ipsorum non venit ex consensu, sed ex re, i. e. ex facto improbo, quod contra legis prohibitionem admittunt. Et eadem opera, quia interdictum est delinquere, omnia censentur interdicta, quæ ad delinquendum pertrahere possunt. Sic si quis per vinolentiam vasa, fenestras &c. confringat, merito præstat illud damnum, quod sua culpa dat, imo interdum & poenam luit. In obligatione ex promisso secus est, hoc enim pendet ex arbitrio nostro, & requirit consensum; si ergo adhibeamus ea, quæ impediunt consensum, non videmur velle, quæ inde veniunt.

*Puf. l. 3. c. 6. §. 4.*

IX. *Quando puer ratione uti incipit?*

ꝛ. Hoc certo definiri non potest, sed ex quotidianis actibus, aut etiam ex eo, quod communiter in quaque regione accidit, sumendum est. Quin natura hic multum faciat, & cura educationis, nulli dubitamus. Cæsaribus virtus contingit ante diem: & ea sunt

*l. 1. c. 3. §. 11. n. 2. d. c. 11. §. 5. n. 2. Linnæi ad A. B. c. 7. obs. 28. Mornac. ad l. 31. ff. de LL.*

regnantium emissa coelitus præcipua, aut potius privilegia, ut aureis capitalibusque ante annos ingeniis eminent, cum plumbea in cæteris adeo esse soleant, ut vires nisi cum annis accipiant, sensimque per longa tempora colligant.

X. *Quando minores restituuntur in integrum, quæ leges observari debent?*

d. c. 11. §.  
5. n. 2.

e. 14. §. 5.

l. 6. D. de  
ovib.

R. Leges istius loci, ubi domicilium minor habet & contraxit: etiamsi cum peregrino spaciatur, quia qui in loco aliquo contrahit, tanquam subditus temporarius, legibus loci subjicitur; & quia civitas actionem denegare solet ex illis negotiis, quæ isto loco sunt celebrata & legibus non sunt conformia.

XI. *Si pactio fiat in mari, vel insulis vacuis?*

Puf. l. 3. c.  
6. §. 5. in  
fin. Grot. d.  
c. 11. §. 5.  
n. 3. aliter.

Grot. aliter  
d. l. c. 7. §.  
11. n. 2. in  
fin.

R. Si fiat inter duos, qui eidem civitati subjiciuntur, leges civitatis observare debent; si sint diversarum civitatum, ipsorum pacta solo jure naturæ reguntur: nisi forte in foro alterutrius actio sit instituenda, tunc enim & leges istius loci videntur considerandæ. Idem dicendum, si per literas inter absentes negotium contrahatur. Si summum

mum habentes imperium cum subditis contrahant, id solent facere secundum leges suas, quibus licet sint soluti, iis tamen vivunt.

XII. *Quid juris, si error interveniat?* d. c. 11. §. 6. n. 2.

¶ Si promissio fundata sit in præsumptione facti, quod non ita se habet, vel præsupponat aliquam qualitatem, citra cujus intuitum promissurus non fueram, naturaliter promissionis nulla erit vis, siquidem circumstantiæ ostendant, promissorem unice ex illo facto & præsupposita qualitate, tanquam ex conditione consensum suspendisse; ut, si falso rumore persuasus, te utiliter negotia mea gessisse, tibi promiserim, promissio non valebit; vel si ex errore hæredem institutum mortuum putaverim, alium hæredem scriberem, prior tamen hæres hæreditatem obtinebit.

l. fm. D. de her. Inst. l. 28. D. de inoff. test.

XIII. *At ex tali inani promisso alter saepe damnum incurrit?*

¶ Si promissor negligens fuerit in re exploranda, aut in sensu suo exprimendo, & damnum inde alter passus sit, tenebitur id resarcire promissor, non ex vi promissionis, sed ex damno per culpam dato. Præterea, si adfuerit quidem error, sed in quo fundata non fuerit promissio, ratus erit actus, ut-

d. c. 11. §. 6. n. 3.

po.

pote non deficiente consensu. Et si promissio pro parte fundata sit in errore, valebit pro reliqua parte.

d. c. 11. §. 6. n. 3. Puf.  
l. 3. c. 6. §. 6. §. 7.  
6. §. 7.

XIV. *Quid si dolus alterius huic errori causam dederit?*

Re. Si ipsius dolus, cum quo contraxi, causam dederit huic errori, non obligor, propter deficientem consensum, qui in his non est, qui dolo decipiuntur, & quia cum decipiente non idem intelligunt & volunt. Si sit tertius, qui dolo nos ad contrahendum inducit, contractus valebit, propter consensum in eandem rem, & idem placitum, licet propter damnum, quod inde oritur, ille nobis teneatur. Sic si dolus fuerit incidens, aut in ipsam rem, aut qualitatem rei, hactenus contractus erit vitiosus, ut decepto liberum sit, aut ab illo discedere, eumque dissolvere, aut læsionis pensationem exigere.

XV. *An obligatur metu aliquid promittens?*

Puf. l. 3. c. 6. §. 10. §. 11. Grot. d. c. 11. §. 7. aliter.

Re. Si is, cui promittitur, mihi intulit metum injustum, obligationem naturaliter sibi non acquirit; quia in eo non est jus, cujus vi exigere queat obligationem: nam ad hanc generandam non sufficit consensus, sed in utroque

re-

requiruntur principia ad jus quærendum idonea, qualia non sunt in eo, qui metum injustum infert. Cum enim lex naturæ jubeat præstare id, ad quod alteri jus est, absurdum videtur, per injuriam i. e. factum legi naturali contrarium, id jus produci; inserviret enim ad sui ipsius destructionem. Sane lex, quæ prohibet metum injustum, inter modos acquirendi justos eum referre non potest. Hinc si tertius aliquis metum intulerit, obligor mecum contrahenti, quia præter consensum qui adest, in ipso etiam cessat vitium, quod aliàs obligationem impedit. Sic cessat vitium, si quis habeat jus metum inferendi, ut si princeps cogat milites, quos alteri in subsidium mittit, ut huic etiam fidem dent. Vel si quis in bello captus, aliquid promittat. Item cessat vitium, si metus sit reverentialis, ut si pater filiæ invitæ sponsum det.

*l. 2. c. 17.  
§. 18. &  
19.*

XVI. *An idem obtinet, si tertius aliquis cum latrone contrahat, ut in ipsius gratiam aliquem incolumem dimittat?*

R. Vitium non cessat, nam latro non plus juris habet obligandi hunc tertium, quam istum, pro quo hic se obligavit, & turpe est, pretio accepto abstinere à vi

*Puf. d. l. &  
liter.*



à vi & injuria inferenda, quam jus naturæ alteri inferre prohibet. Quanquam non negemus, huic tertio vim non esse illatam, eumque se obligasse proprio nomine. Item, dignam esse rem, ut aliquid præstemus pro conservatione vitæ alterius, esse etiam laudem humanitatis insignem; hæc tamen isti, qui metum intulit injustum, jus exigendi nullum tribuunt.

*XVII. Quid si aliàs cum latrone paciscar, quando nullum metum mihi infert?*

ꝛ. Pactum est servandum, quia non ut latro, sed ut homo, mecum paciscitur: & licet communis sit hostis omnium hominum, non tamen ideo omnia jura hominum amisit, ubi humano modo agit, & quemadmodum status hostilis in justo hoste non obstat, quo minus fides hosti data sit servanda, sic nec communis illa latronis hostilitas impedit, quo minus pacta cum ipso inita valeant, præsertim cum actus hostilitatis, dum paciscitur, nullos exercent; licet in modum poenæ à magistratu jus exigendi, quod ex pacto ipsi debetur, auferri possit.

*XVIII. Qualis requiritur materia ut promissum valeat?*

ꝛ. Ut

Græc. l. 3.  
c. 19. §. 2.  
§ 2.

l. 2. c. 14.  
§. 7.

R. Ut promissum sit efficax, oportet materiam esse, aut esse posse, in jure promittentis, nec enim promissum ultra extenditur. Quare non valent promissa facti per se illiciti, quia ad illa nemo jus habet, nec potest habere.

XIX. *Si res nunc non sit in potestate promittentis, sed esse aliquando possit, an valet promissio?*

R. In pendentem erit efficacia, quia promissio facta censi debet sub conditione, si res in potestatem venerit; & tenebitur promissor facere quicquid moraliter æquum est, ut ea impleatur.

XX. *Quid juris, si de facto impossibilia promittantur?*

R. Si uterque, tam promissor, quam cui promittitur, rem noverint impossibilem, lusisse tantum & nihil egisse censentur. At vero si promissor duntaxat sciverit, e. g. equum meum hodie tibi commodare promisi, qui Romæ est, tenebitur ad id, quod interest ejus, cui promissio est facta, ne ita sibi illuderetur.

XXI. *Si eo tempore, quo promissio facta est, res fuit possibilis, postea autem impossibilis fiat, an promissor obligatur?*

R. Si

d. c. 11. §. 3.

d. c. 11. §. 8. n. 2.

Puf. l. 3. c. 8. §. 5.

§. 5. l. de V. O.

¶. Si casu fortuito, & citra culpam vel dolum promissoris, fiat impossibilis, promissor liberatur à sua obligatione; dummodo id, quod ab altera parte accepit, restituat, vel si hoc non possit facere, summum conatum adhibeat, ne alter detrimenti quid capiat, quia quæ ultra hunc sunt, pro impossibilibus habentur, Sic mercatores, qui casu fortuito facultatibus labuntur, citra culpam vel dolum, creditoribus suis summum solvendi conatum debent; si dolus ipsorum interveniat, malo aliquo, seu poena coerceri possunt, & in eos valet tritum illud, qui non habet in ære, luat in corpore.

*Puf. l. 3. c.  
7. §. 3.*

XXII. *An promissio facta ob causam naturaliter vitiosam ipsa natura valet, ut si quid promittatur homicidii perpetrandi causa?*

*Ziegl. ad  
Grot. l. 2.  
c. 11. §. 9.  
Puf. l. 3. c.  
7. §. 8. in  
med.*

¶. Non; quia causa, jure naturali turpis & vitiosa, non potest non producere effectum turpem & vitiosum; sicut promissio est turpis, quia est illex mali; ita etiam impletio promissionis erit turpis, quia est pensatio sceleris, & ad plura committenda invitat. Quid prodest prohibuisse furtum, si furto facto, res furtiva possit retineri? Nec sufficit consensus utriusque, si non sit circa

circa rem licitam, aliàs enim facile omnes leges subverterentur inito pacto super iis violandis, & sic jus naturæ inserviret ad sui destructionem. Hinc Judæ promissio Thamari facta, quam meretricem putabat, erat nulla, & factum ejus in omnibus vitiosum. Vitiosa fuit fornicatio, vitiosa promissio, annuli signatorii traditio, hædi missio &c. Licet eo tempore ex errore creditum fuerit, permissum esse innuptæ & liberæ foeminæ corporis sui usum alteri concedere, sine consensu conjugali, vel gratis, vel pro mercede.

*Of. ad Gros.*  
l. 2. c. 11. §.  
9. *Grot. d.*  
l. aliter.  
*Seld. l. 5.*  
c. 4. *Brutt.*  
ad l. 4. *D. de*  
*condict. ob*  
*timp. caus.*

**XXIII.** *Si quid promittatur ob causam ante debitam, e. g. si quis rem meam deperditam invenerit, quam vi domini restituere debet, & ego inventori promittam præmium?*

**R.** Promissio valet, licet, si nihil sponte promiserim, à me inventionis præmium, ut rem restituat, exigere non possit; obligatus enim est ad restitutionem, propter dominium meæ rei, quæ penes ipsum est.

*Grot. l. 2.*  
c. 11. §. 10.  
§ c. 10. §.  
l. 7. §.

**XXIV.** *An promissio sine causa valet?*

**R.** Quamvis ejus, cui fit promissio, meritum, vel alia aliqua causa, non præcedat, tamen sine omni causa, ex mera liberalitate, mea promissio valet.

d. c. 11. §. 10.  
*Feld. b. l.*  
aliter § 6.

P

XXV.

XXV. *Quis est promittendi modus?*

d. s. 11. §.  
11. Puf. l.  
3. c. 6. §. 16.

R. Modus promittendi requirit actum externum, i. e. signum sufficiens voluntatis nostræ declarandæ, quale interdum potest esse nutus, imprimis inter illos, quorum alter linguam alterius non intelligit, & inter mutos & surdos, frequentius autem vox aut literæ: etiam homo, si constet de voluntate nostra, qua illum elegerimus, ut instrumentum nostrum, ad hoc speciatim, aut sub generali notione. Ita nomine principalium in publicis promittunt legati, in privatis institores & magistri navium.

XXVI. *An talis homo nos obligare potest contra voluntatem nostram?*

Grot. d. l.  
2. c. 11. §. 12.  
Puf. l. 3. c.  
9. §. 2. l.  
§ 5. & 45.  
l. 60. §. 3. &  
4. D. mand.

R. Si generaliter aliquis constituitur, ut nomine nostro aliquid agat, semper ex bona fide agere debet illud, quod natura negotii vult: bonam enim fidem tacite supposuisse videmur; hinc si chartas puras, seu (ut vocantur) blancas, alicui demus, nomine nostro subscriptas, non potest aliquid à natura negotii commissi alienum inscribere, neque præsumimur in illud consensisse. Si tamen duplicia mandata dederimus; aliud manifestum & forte generale, quod exhibet illi, quocum est

est contrahendum, aliud arcanum & speciale, quod internuncium duntaxat instruit, & quousque progredi debeat, præscribit; si hoc arcanum mandatum transgreditur, nobis tenetur ad id quod interest, à mandato nostro non fuisse discessum, tertio tamen obligamur ad id, quod ab illo fuit actum. Nam alias nullum esset medium per internuncios negotia expediendi, & sub prætextu, limites mandati non fuisse observatos, facile omnia conclusa subverterentur.

**XXVII.** *Si plures navem exercent & magistrum præponant, ut nomine ipsorum contrahat, an ex contractu magistri singuli obligantur pro portione, quam in navi habent, an in solidum?*

l. 1. pr. §  
§. ult. l. 2.  
C. de instit.  
§ exercit.  
act.

**R.** In solidum singuli exercitores tenentur: æquitas enim vult, si damnum aliquod sit ferendum, ut ille ferat, qui magistrum præponit, & socium parum idoneum sibi adjungit, non autem ille, qui cum magistro contrahit, & facultates exercitorum excutere non debet, nec potest. Licet leges civiles, propter suæ civitatis rationes, aliter statuere possint. Jus enim civile non in totum inservit juri naturæ.

l. 3. § 4.  
D. de exerc.  
act. Ziegl.  
ad Grot. l. 2.  
c. 11. §. 13.

Feld. b. l.  
Grot. aliter.

**XXVIII. Ut promissio jus transferat,  
ex parte promissarii, quid re-  
quiritur?**

**¶.** Requiritur acceptatio, ut in do-  
minii translatione, neque enim invito  
rem meam obtrudere, neque eam pro  
derelicta habere volo. Si tamen roga-  
tio antecessit, e. g. visne, ut decem dem  
pro hac vel illa re, censetur ea durare,  
nisi expresse fuerit revocata, & eo ca-  
su in antecessum acceptatio facta intel-  
ligitur. Ita tamen, ut rogationi con-  
veniat responsio, nam si quis de majori  
summa respondeat, quam alius roga-  
vit, requiritur expressa acceptatio.

*Grot. l. 2.*

*e. 11. §. 14.*

*Puf. l. 3. c.*

*6. §. 15.*

*Grot. d. c.*

*11. §. 14.*

**XXIX. At in pollicitatione, quando  
civitati aliquid promittitur, sufficit  
actus promittentis & acceptatio non  
requiritur?**

*Feld. d. §.*

*14. Ziegl.*

**¶.** Propter beneficia in nos à civita-  
te collata, semper hæc præsumitur ac-  
ceptare, quæ ab aliis offeruntur.

**XXX. Si acceptatio fuerit facta, an  
requiritur, ut innotescat promissori?**

*l. 2. c. 11.*

*§. 15. Puf. l.*

*3. c. 6. §. 15.*

*¶n. fin.*

**¶.** Promissio potest concipi duplici  
modo, nempe vel sic, volo ut valeat,  
si acceptetur; vel sic, volo ut valeat, si  
acceptatum intellexero. In dubio, u-  
trum sensum ob oculos habuerit pro-  
missor, ex negotii natura videndum.

Si

Si promissio fiat ex mera liberalitate, prior sensus præsumitur, nisi aliud impediatur; si non sit ex mera liberalitate, & ad mutuam obligationem pertineat, posterior.

**XXXI.** *An promissum licite revocatur ante acceptationem?*

R. Cum ante acceptationem jus nondum sit translatum, revocari promissum potest sine injustitia, imo & sine inconstantia, si revèra eo animo factum sit, ut ab acceptatione demum valere incipiat. Revocari etiam potest, mortuo ante acceptationem eo, cui forte per literas aut nuncium aliquid offerimus, ita ut ejus hæredes acceptare non possint, quia acceptatio videtur collata in ejus arbitrium, qui mortuus est, non in hæredum; aliud enim est, velle dare huic jus, quod ad hæredes transmittere potest, aliud velle dare hæredibus immediate; multum enim refert, in quem beneficium conferatur.

*Grøt. l. 2.  
c. 11. §. 16.  
Puf. l. 3.  
c. 9. §. 6.*

*l. 191. D.  
de R. J.*

**XXXII.** *An promissum revocari potest eo mortuo, qui lætus erat voluntatis nostræ internuncius?*

R. Affirmatur; quia in illius verbis posita fuerat obligatio. Unde licet hic internuncius tertio alicui indicarit, quale negotium in mandatis habeat,

*d. l. 2. c. 11.  
§. 17. Puf. l.  
3. c. 9. §. 3.*



& per hunc isti, ad quem destinabatur, innotuerit, tamen non obligor, quia ex ipsius verbis non volo obligari, neque videtur meæ voluntatis satis exactam habere notitiam, ad eam confirmandam alteri. Aliud est in tabellario, qui non est instrumentum obligationis, sed perlator instrumenti obligatorii. Itaque literæ, consensus indices, per quemvis perferri poterunt.

**XXXIII.** *An promissum revocari potest, si internuncius seu minister non sit mortuus?*

Grot. d. l.  
& Puf. d.  
c. 9. §. 4.  
aliter.

**R.** Affirmatur; sive lectus sit tantum, ut perlator sententiæ nostræ, sive ut ipse promittat. Utroque casu vim suam habebit revocatio, etiamsi ministro ea non innotuerit, dummodo ille, ad quem mittitur, de ea certior factus fuerit. Habet enim animus humanus non tantum naturalem potentiam mutandi consilium, sed & jus, quamdiu alii non obligatur.

Grot. d. c.  
11. §. 2.

**XXXIV.** *Si dubium sit, an mandatum sit revocatum?*

d. c. 11. §.  
17. n. 2.

**R.** In dubio mandantis voluntas censetur fuisse, ut impleatur mandatum, nisi magna mutatio inciderit, qualis est mors; aut si apertissime appareat, statum rerum præsentem unicam missionis

fionis causam fuisse, & hic status fuerit mutatus. Hinc legati à suscepto itinere domum redire solent, deserta legatione, si res ita mutatas intelligant, ut tota legationis materia vel causa cesset.

XXXV. *An tertius potest promissionem alteri factam acceptare?*

R. Si is qui acceptat, mandatum habeat acceptandi, plane ex tali acceptatione promissio perficitur; quia consensus potest & per ministrum interponi & significari, & velle censetur, quod in alterius voluntate posuimus, si & ille velit. Si acceptans mandatum non habeat, aut promissio sit facta acceptanti, ut rem alteri det, e. g. ego Sejo dabo, si tibi placuerit; hic in acceptantis arbitrio videtur esse, aut derivare hoc promissum in Sejum, aut recusando id impedire, quo minus ad ipsum veniat, & acceptans mihi poenitendi adimit facultatem, & si Sejo etiam placuerit, promissum jure naturali ad præstandum obligat: aut promissio est collata in ipsius nomen, cui res est danda, altero tantum teste, e. g. assevero seu promitto, te teste, me Sejo daturum, tunc etsi his verbis annuas, tamen neque tibi jus quæsivisti,

l. 2. c. 16.  
§. 25. u. 2.

d. c. 11. §.  
18, n. 2.  
Puf. l. 3.  
c. 9. §. 5.

neque Sejo, quia in personam tuam promissio non fuit collata; neque Sejo, quia cum tibi non dederit mandatum acceptandi, tuam actionem pro sua non agnoscit. Hinc promissor, quia per acceptationem Sejo jus non est quæsitum, revocare promissum potest citra injuriam, etsi non semper citra violationem constantiæ & veracitatis.

**XXXVI.** *An promissioni perfectæ onus aliquod adjici potest?*

d. c. II. §.  
19.

**R.** Ante acceptationem condiciones adjicere potest, quas vult promissor, e. g. dabo centum, si velis Romam ire: si enim ante acceptationem liceat totum revocare, licebit etiam onus adjicere; post acceptationem non potest, quia jus acceptanti est quæsitum.

**XXXVII.** *Potestne onus adjici in commodum tertii?*

d. c. II. §.  
19.

**R.** Affirmatur; dummodo tertius ille acceptaverit, e. g. dabo tibi centum, si Sejo sumptus studiorum per annum suppedites: si enim tertius conditionem nondum acceptaverit, à promissore revocari potest, quia huic tertio ante acceptationem nullum jus competere potest.

**XXXVIII.** *Si error promissioni causam*

*sam dederit, vel metus, potestne promissio conualescere, si cognito errore vel metu, promissor stare velit promisso?*

R. Conualescere potest, dummodo Grot. l. 2. c. 4. §. II. d. c. 11. §. 20. Feld. b. l. aliter. interveniat actus externus, ex quo constare possit de animo promittentis, non quidem præcise verba, cum retentio rei promissæ, ex parte ejus cui promissa est, & relictio ejus, ex parte promittentis, aut simile aliquid, sufficere possit ad significandum consensum. Nam quæ ab initio vitiosa sunt, ex post facto conualescere possunt, si res à vitio purgetur & nova causa superveniat.

XXXIX. *An promissiones semper requirunt causam expressam ut valeant?*

R. Non; tacita enim causa subesse d. c. 11. §. 11. potest, nam si quis promittat, se datum esse quod scit se non debere, videtur donare.

XL. *Si quis promittat factum alienum, seu ejus, qui non est sub ipsius potestate, ad quid obligatur?*

R. Quia in factum alienum nullam d. c. 11. §. 22. Puf. l. 3. c. 6. §. 10. facultatem habemus, facta aliena promittere non possumus, & ex tali promissione non obligamur, si stricte in-

hæreamus verbis promissionis. Quia tamen inconveniens est, actus alicujus serio suscepti nullum esse effectum, promissionem sic interpretamur, ut promittens obligetur ad curandum, ut factum præstetur. Quod eo magis valet, si quis expresse dixerit, se operam daturum, ut tertius aliquid faciat; tunc enim omni modo moraliter possibili, quantum honeste ab eo postulari potest, efficere debet, ut alius faciat: qui si abnuat facere, promittens ad interesse non obligatur, nisi & hoc in omnem eventum promiserit.

## CAPUT XII.

## De Contractibus.

- |  |   |
|--|---|
| <p>I. Quid sit contractus.</p> <p>II. Quomodo differat à pacto.</p> <p>III. Quotuplex sit. Quid sit verus, quid quasi contractus.</p> <p>IV. Verus contractus quotuplex sit. Quid nominatus, quid innominatus.</p> <p>V. Quotuplex sit contractus nominatus, quid realis, quid consensualis. An verbalis &amp; chirographarius sint juris nature.</p> <p>VI. Quot sint contractus innominati.</p> <p>VII. Quomodo præterea contractus dividantur. Quid biaterales &amp; unilaterales</p> | <p>les: onerosi &amp; benefici: bonæ fidei &amp; stricti juris.</p> <p>VIII. An in contractibus æqualitas sit observanda.</p> <p>IX. An in contractibus beneficis.</p> <p>X. Quomodo hæc æqualitas inveniatur.</p> <p>XI. Quomodo ex actibus, contractum præcedentibus, æqualitas æstimetur.</p> <p>XII. An etiam ex aliis, quæ, licet ad rei æstimationem faciant, rem tamen non contingunt.</p> <p>XIII. An vitia, ipsi emptori nota, indicanda sint.</p> <p>XIV. An etiam requiratur æqua-</p> |
|--|---|

- æqualitas in voluntate contrahendi.*
- XV.** In ipso actu principali quomodo inveniatur æqualitas.
- XVI.** Quomodo in eo, de quo agitur.
- XVII.** Quid sit pretium.
- XVIII.** Quotuplex.
- XIX.** Quot modis determinetur.
- XX.** Quæ sit mensura pretii.
- XXI.** An omnibus rebus vitæ humanæ utilibus pretium possit imponi.
- XXII.** Cur pretium mox augeatur, mox minuatur.
- XXIII.** Nummus, qualis esse debeat.
- XXIV.** An ex stanno, ferro, plumbo, corio, cortice, papyro.
- XXV.** An valor nummorum à principe pro libitu augeri vel minui possit.
- XXVI.** Quando in emtione & venditione dominium transferatur.
- XXVII.** Cur periculum statim, perfecta emtione, pertineat ad emtorem.
- XXVIII.** Si res bis sit vendita, utra venditio valeat.
- XXIX.** An monopolia cum jure naturæ pugnent.
- XXX.** In locatione & condictione, cujus damno sint sterilitas & alii casus usum impediētes.
- XXXI.** Si opera alicujus pluribus simul utilis esse possit, an à singulis mercedem petere possit, quam ab uno exigeret.
- XXXII.** An usura jure naturali sint vetita.
- XXXIII.** An pecunia sit res sterilis, & an pro usu talis rei recte solvantur usura.
- XXXIV.** Quomodo aestimetur periculum in contractu asssecurationis.
- XXXV.** Ut hic contractus subsistat, quid requiratur.
- XXXVI.** In societate negotiatoria, quomodo partes in damno & lucro dicantur æquales & inæquales.
- XXXVII.** An sociorum unus particeps esse lucri possit, & immunis damni.
- XXXVIII.** An quis damnum sentire possit, & non participare de lucro.
- XXXIX.** An æqualitas observetur in societate universorum bonorum.
- XL.** Societate finita, ad quem pertineat periculum rerum collatarum.
- XLI.** Quæ sit communis utilitas in societate navali, seu admiralitate; & quomodo æqualitas in ea inveniatur.
- XLII.** An æqualitas, in contractibus observanda, semper à contrahentibus observetur.

I. *Quid est contractus?*

**R.** **C**ontractus est conventio, vel nomen proprium, vel causam habens: vel quæ propter certum & determinatum contrahendi modum, vel propter datum factumve, quod subest, obligat ad dandum vel faciendum, vel ad præstandum. vide quæst. seq. in fin.

II. *Quomodo differunt contractus & pactum?*

*Str. Ex. 6.  
ib. 9. 30. &  
31. Scilt.  
Ex. 8. ib.  
8. & 52.  
Puf. l. 5.  
c. 2. §. 4.  
aliter,*

**R.** I. In contractu est consensus præsens; in pacto plerumque futurus. 2. In contractu est consensus determinatus, & ratione rei in contractum deductæ, & ratione modi & formæ contrahendi; in pacto est consensus nudus. 3. In contractu, præter consensum, requiritur interdum ad perfectionem rei traditio, ut in realibus, interdum determinatio, ut modo dictum, ut in consensualibus; in pactis hæc non requiruntur. 4. In contractu semper subest causa, i. e. vel certus & determinatus contrahendi modus, vel datum aut factum; in pactis secus.

III. *Quotuplex est contractus?*

*Grot. l. 2.  
c. 12. §. 1.  
& 2. aliter.  
jung.  
Ferd. b. l.*

**R.** Contractus est vel verus, vel quasi-contractus. Verus contractus est vera conventio, propter proprium nomen vel causam, quæ subest, obligationem pro-

producens. Quasi-contractus est quasi-conventio, quando scilicet jus ex facto, quod intercedit, inducit consensum & obligationem, e.g. dum quis gerit absque mandato negotia aliena, in utilitatem vel absentis, vel ignorantis. Jus ex hoc facto inducit consensum inter eum, qui negotia gerit, & eum, cujus negotia geruntur; scilicet, ille videtur se obligasse ad diligentem administrationem, & ad rationum redditionem, finito negotio, hic autem ad præstationem indemnitate, si negotiorum gestor impensas quasdam fecerit, vel damnum sentiat occasione negotii, natura enim iniquum est, ut officium alicui sit damnosum.

IV. *Veri contractus quomodo subdividuntur?*

1. Veri contractus alii sunt, qui non retinent illud nomen generale conventionis, sed propter proprium & determinatum objectum, & propriam & determinatam contrahendi formam, accipiunt nomen proprium, quod producit propriam actionem, quæ ex aliis contractibus non datur; e. g. quando pro re constituitur certum pretium in pecunia numerata, hæc conventio non retinet generale conventionis nomen, seu non dicitur tantum conventio, verum

*l. 7. D. de pact.*  
*Grot. l. 2. c. 12. §. 3.*  
*n. 2. aliter.*  
*Puf. l. 5. c. 2. §. 7.*  
*aliter.*



rum ob proprium suum & determinatum objectum, quod diversum est à pretio, & ob propriam & determinatam contrahendi formam, quæ est, ut pretium sit certum, & consistat in pecunia numerata, ut sit verum & justum, &c. accipit nomen proprium, quod aliis conventionibus tribui non potest: & actio, quæ inde oritur, etiam est propria, quæ ex hoc, & nullo alio contractu datur, scilicet actio emti venditi; & hi contractus à Doctoribus solent vocari contractus nominati. Alii sunt contractus, qui quidem non habent proprium nomen, neque proprium & determinatum objectum, sed admittunt omnis generis res: neque propriam & determinatam contrahendi formam; verum illam partium arbitrio & voluntati relinquunt, & hinc producunt actionem generalem, quæ communis est pluribus contractibus, & à forma, quæ ab ipsorum præscriptione pendet, dicitur actio præscriptis verbis, actio in factum &c. Hi contractus solent vocari contractus innominati, e. g. do tibi rem, ut mihi des aliam; sæpe rem ejusdem speciei, v. g. si imperialem tibi dem, ut alium similem imperialem mihi des; vel do tibi frumentum, ut mihi des cerevisiam,

*Ser. Ex.*  
*25. tb. 2.*  
 § 23.

fiam, vel vinum, vel aliud quid, prout contrahentibus visum fuerit.

**V. Contractus, qui nominati dicuntur, quomodo dividuntur?**

℞. Contractus, qui dicuntur nominati, alii sunt reales, qui perficiuntur rei traditione, ut est mutuum, commodatum, depositum & pignus; alii consensuales, qui modo & determinato consensu, absque rei traditione, perficiuntur, ut emtio venditio, locatio conductio, societas, & mandatum. Contractus verbalis, seu stipulatio, quatenus certis & solennibus interrogandi & respondendi formulis constat, juri naturæ est ignotus. Item contractus chirographarius, quatenus quis ex sola scriptura, licet rem non acceperit, obligatur.

§. ult. Inst. de Oblig. Et tot. tit. ff. quibus mod. re contr. obl. §. 1. Inst. de oblig. et conf.

Puf. l. 5. c. 2. §. 6. in med.

**VI. Contractus qui innominati dicuntur, quot sunt?**

℞. Plures, ex quibus tamen præcipui sunt do ut des, do ut facias, facio ut des, facio ut facias. Qui omnes re perficiuntur, seu causa constant, & antequam aliquid est datum vel factum, non est contractus, sed pactum de contrahendo.

Str. Ex. 25. tit. 2. 10 11. 15. Puf. d. l. 5. c. 2. §. 9. Grof. l. 2. c. 12. §. 3. n. 1. Et 2. a. liter.

**VII. Suntne adhuc alia contractuum nominatorum & quasi-contractuum divisiones?**

℞.

*Puf. l. 5. c.  
2. §. 5. & 8.*

**R.** Affirmatur: contractus enim nominati & quasi contractus alii sunt bilaterales, in quibus uterque obligatur, ut emptio venditio, locatio conductio, negotiorum gestio &c. alii unilaterales, ubi unus tantum obligatur, ut mutuum, solutio indebiti &c. Alii sunt onerosi; qui obligant utramque partem ad onus, ut emptio venditio, locatio conductio; alii benefici, in quibus alteri parti gratis aliquid præstatur, ut commodatum, depositum, mandatum, negotiorum gestio. Alii sunt bonæ fidei, in quibus ex bono & æquo alter alteri obligatur, & verbis ommissa pro expressis habentur, ut emptio venditio, negotiorum gestio &c. alii stricti juris in quibus obligamur ex iis, quæ expressa sunt, & quæ expressa non sunt, habentur pro omissis, ut mutuum, solutio indebiti.

*Kulpis Ex.  
6. ad lib. 2.  
c. 12. aliter. Textor.  
c. 13. §. 50. aliter.  
Franz.  
Ex. 13. q. 7.*

**VIII. An in contractibus æqualitas est observanda?**

*Puf. l. 5.  
c. 3. §. 1.*

**R.** Affirmatur; quia enim contractus inter homines ineuntur, ut pro re vel opera aliquid æquipollens recipiant, quod ob certas causas expetunt possidere potius, quam rem suam retinere, aut opera supersedere, jus naturæ, ut & in dominio semel introducto, æqua-

*Grot. l. 2.  
c. 10. §. 2.  
c. 12. §. 8.*

æqualitatem imperat, ita ut ex inæqualitate jus oriatur minus habenti.

*IX. Quid si contractus sint benefici, ut mandatum, depositum?*

R. In contractibus beneficiis non quidem omnimoda æqualitas spectatur; si enim e. g. in mandato operæ merces respondeat, non amplius est contractus beneficus, sed transit in aliud negotii genus: attamen ex suppositione ejus quod agitur, ne quis scilicet ex beneficio damnum sentiat, is qui beneficium negotium in se suscipit, indemnis servari debet, tum propter impensas, quas in negotium fecit, tum propter damnum, quod propter negotium susceptum incurrit.

Grot. l. 2.  
c. 12. §. 13.  
Puf. l. 3. c.  
3. §. 7. §. 1.  
5. c. 3. §. 7.  
Feld. ad l.  
2. c. 12. §. 8.  
aliter.

*X. Quomodo ista æqualitas invenitur & determinatur?*

R. Hæc æqualitas invenitur & determinatur partim ex actibus, qui vel præcedunt contractum, vel qui interveniunt in ipso contractu principali; partim ex eo, de quo agitur.

Grot. l. 2.  
c. 12. §. 8.

*XI. Quomodo ex actibus, qui præcedunt contractum, hanc æqualitatem invenimus & æstimamus?*

R. Is qui cum aliquo contrahit, vitia sibi nota rei, de qua agitur, significare debet; quia alias justum pretium

Feld. ad  
Grot. l. 2.  
c. 12. §. 9.  
Puf. l. 5.  
c. 3. §. 3.  
Grot. l. 2.  
c. 12. §. 9.  
aliter,

Q statui

statui nequit; nam qui sciens pro re vitiosa pretium sumit, dum alter eam æstimat non vitiosam, plus consequitur, dum alter minus habet.

XII. *An & alia, quæ extra rei substantiam posita sunt, & tamen ad æstimationem ejus faciunt, indicari debent?*

Grot. l. 2.  
c. 12. §. 9.  
n. 2.

Puf. l. 5. c.  
3. §. 4.  
Grot. d. c.  
12. §. 9. n.  
2. aliter.

R. Non; quia hoc non venit ex natura contractus, sed extrinsecus contingit: ut, si quis frumentum vendat majori pretio, & sciat multas naves in cursu esse, quæ frumentum advehunt; non cogitur hoc indicare, vel frumentum suum minori pretio vendere; frumenti enim bonitas apparet, & tunc, quando contractus initur, revera tanti est, quanti venditur, etsi paulo post minoris sit futurum, propter aliarum navium adventum, adeo ut, cum quilibet sibi ipsi sit proximus, ne quidem contra humanitatis officium faciat, si non indicet. Nam non semper quicquid tibi audire utile est, idem mihi dicere necesse est: nisi de iis agatur, quæ rem subjectam per se contingunt, ut si domus sit pestilens, si à magistratu dejici jussa &c.

XIII. *Quid juris, si vitia rei emtori jam nota sint?*

R.



*mus & æstimamus ex iis quæ interveniunt in ipso contractu principali?*

*Grot. l. 2.*

*c. 12. §. 11.*

*Puf. l. 5.*

*c. 3. §. 8.*

**R.** Si in ipso contractu non plus exigatur, quam par est. Id quod in onerosis contractibus adeo est observandum, ut id, quod pars altera amplius promittit, ne quidem tanquam donatum retineri possit. Nam animus ejus generis contractus ineuntium non censetur esse talis, nec præsumitur, nisi manifeste appareat: quod enim promittunt aut dant, credendi sunt promittere aut dare, tanquam æquale ei, quod accepturi sunt, & ut jus æqualitatis ratione debitum.

**XVI. Quomodo ex eo de quo agitur?**

*Grot. d. c.*

*12. §. 12.*

*n. 1.*

**R.** Licet nec celatum quicquam sit, quod dictum oportuit, nec plus exactum, quam deberi putabatur, si tamen in re deprehendatur inæqualitas, sine culpa contrahentium, puta quod vitium latebat, aut quia de pretio errabatur, ea tamen resarcienda est, & demendum ei qui plus habet, reddendumque minus habenti: quia in contractu id utrinque propositum aut fuit, aut esse debuit, ut uterque tantundem haberet. Quanta autem hic debeat esse læsio, judex æstimabit, vel vir bonus,

nus, ex ipsa pretii magnitudine & rei valore, secundum id, quod æquum esse ipsis recta ratio dicitur. Ut autem tunc demum rescindatur, quando quis læsus est ultra dimidium veri pretii, hoc est ex jure civili, & constitui potest, ne nimium multiplicarentur lites, si ob quamcunque læsionem, contractus rescinderentur.

*l. 2. § 2.  
C. de resc.  
vend.*

XVII. *Quid est pretium?*

Æ. Pretium est valor rerum & actionum in commercium venientium, secundum quem illæ invicem comparari solent.

*Puf. l. 5. c.  
1. §. 2. in  
fin. Grot.  
l. 2. c. 12.  
§. 14.*

XVIII. *Quotuplex est?*

Æ. Pretium est vel vulgare, vel emens. Illud est, quod deprehenditur in rebus & actionibus, seu operis in commercium venientibus, quatenus necessariae sunt vel utiles, vel delectationem hominibus adferunt. Hoc est nummus, & quicquid ejus vicem gerit, quatenus omnium rerum & operarum pretia virtualiter continet, & communem earundem mensuram præbere intelligitur.

*Grot. §  
Puf. d. l.  
§. 3.*

*Ren. Budel.  
de mones.  
l. 1. c. 3. l. 1. &  
D. de con-  
trab. emt.*

XIX. *Quot modis determinatur pretium?*

Æ. In statu naturali, extra civitatem, quarumvis rerum pretia ex conventio-

*Grot. d. c.  
12. §. 14  
in fin.*



*Puf. l. 5.  
c. 1. §. 8. in  
fin. §. 9.*

ne contrahentium determinantur. In civitatibus duplici modo: uno per legem, & vocatur pretium legitimum, quod regulariter cum justitia & æquitate congruere præsumitur, ita ut in puncto consistat, nec latitudinem habeat, sed quantulocunque excessu injustitia committatur. Quare, quando in gratiam emtorum, illud taxatur, venditori non licet ultrà exigere: quamvis si velit, & lex non prohibeat [id quod plerumque fit in gratiam aliorum mercatorum] possit minus accipere; altero autem modo pretium determinatur per communem hominum æstimationem & judicium, accedente consensu eorum, qui inter se contrahunt: & hoc vocatur Pretium commune, seu naturale, quod habet aliquam latitudinem, intra quam plus minusve potest exigi & dari, seu res tanti æstimatur, quantum pro ea communiter offerri aut dari solet. Ita ut pretium vulgare commodè subdividatur in legitimum & commune, cui adjicitur pretium affectionis, si propter peculiarem affectum, res supra commune pretium ematur vel vendatur.

*Puf. l. 5.  
c. 1. §. 7.*

XX. *Quæ est mensura seu fundamentum pretii?*

*¶. Meni-*

**R.** Mensura, seu fundamentum pretii, in se, est aptitudo rei vel actionis, qua aliquid, mediatè aut immediatè, conferre potest ad vitæ humanæ necessitates, aut ad eandem commodiorem & jucundio- rem reddendam. Unde res inutiles vocantur nullius pretii, sicut & homines interdum inutilia terræ pondera, seu nullius pretii, vocare solemus.

**XXI.** *At vero non omnibus rebus, quæ vitæ humanæ sunt utiles, pretium impositum est.*

**R.** Quædam res & actiones sunt constitutæ extra commercium hominum, & extra eorum dominium, & eo ipso pretium iis est detractum, licet utilissimæ sint in vita humana & necessariæ, ut partes aëris superioris, æther, cœlestia corpora, vastus oceanus &c. sic jure gentium res sacrae, sanctæ & religiosæ; item liber homo, quia non est in commercio, & similia, pretium nullum habent; sic actiones sacrae, exhibitio Sacramentorum &c. pretio comparari non debent. Item actiones, quæ animo perficiuntur, ut docere &c. licet, ut pro opera, quæ in his præstatur, honorarium interveniat, æquum sit. Quædam res separatim teneri nequeunt,

*Puf. l. 5.  
c. 1. §. 4.  
Grot. l. 2.  
c. 12. §. 14.  
aliter.*

*Puf. d. 1.  
l. 5. §. 5.*

*l. 1. §. 5. D.  
de extra-  
ord. cogn.*

unt, & sic pretium non habent, nisi aliis rebus accedant, e. g. apricum lumen solis, liquidus & purus aër, amoena facies terræ, umbra & similes res, quibus homines sine usu terræ frui non possunt, & hinc seorsim non habent pretium; at si jungantur cum regionibus, fundis ac prædiis, multum momenti adferunt ad augendum pretium. XXII, *Quæ sunt rationes, cur pretium mox augeatur, mox minuatur?*

*Græc. l. 2.  
c. 12. §. 14.  
Boeckl. in  
diss. de  
mens. pret.  
p. 59. 62.  
68. 70.  
Puf. l. 5.  
c. 1. §. 6.*

RA. Variæ sunt rationes; ad intensiorem pretii inprimis facit raritas; & ambitio mortalium præcipuè æstimat ea, quæ quis cum paucis habet communia, & contra vile est, quicquid intra cuiusvis suppellectilem cernitur. Res quotidiani usus, & quæ potissimum spectant victum, amictum, & arma, præcipuam pretii sui intensiorem nanciscuntur, quando raritas conjungitur cum necessitate, ut fieri solet in annonæ caritate, in obsidionibus & similibus (præter raritatem) necessitatibus. Pretia rerum artificialium intendi solent ex subtilitate & elegantia artis, ex fama artificis, interdum propter prioris possessoris præstantiam &c. Operarum & actionum pretia intendit earundum difficultas, dexteritas, utilitas,

litas, necessitas, agentium raritas. Operæ quædam nobiliores sunt, quia iis præstantur ea, quæ æstimari non possunt. Sic emis à medico rem inæstimabilem, vitam ac valetudinem bonam; à bonarum artium præceptore, studia liberalia & animi cultum. Itaque his non rei, sed operæ pretium solvitur, quod à rebus suis avocati nobis vacant, honorarium (non meriti sui, sed occupationis suæ) ferunt. Pretium animantium brutorum intenditur interdum, propter affectum peculiaritatem, ex quadam quasi familiaritate, aut quia genio nostro sese aliquo modo applicare norunt, aut quia ope eorum magnum olim malum effugimus, aut quia insignis eventus monumentum sunt, dexteritas etiam multum confert, raritas & necessitas. Præterea in communi pretio solet haberi ratio laborum & expensarum, quas communiter mercatores faciunt; extraordinariæ huc non pertinent, quando forte mercator in advehendis rebus morbo correptus, multum impendit in medicos &c. sed superflua non æstimantur. tempus, cogitationes & curæ, quas mercatores mercibus conqui-

*Senec. de benef. l. 6. c. 15.*

*Puf. d. l. §. 7.*

*Gros. d. c. 12. §. 14. n. 2.*

*Puf. d. l. §. 10.*

Q 5 im-

impendant; nec minus operæ famulorum, quos conducere necesse habent, considerandæ. Item longitudo ac periculum itineris, diversus pecuniæ & mercium valor in diversis locis. Qui vendunt merces minutatim, plus possunt exigere, quam qui in magna copia. Paucitas eumentium & pecuniæ, mercium autem abundantia, & quando merx quærit emtorem, pretium minuunt: contra eumentium & pecuniæ copia & mercium raritas pretium augent. Habetur etiam ratio lucri cessantis, quod ex pretii solutione dilata aut anticipata nascitur.

XXIII. *Materia pretii eminentis quod alias res aestimat, seu nummi, qualis esse debet?*

Græc. l. 2.

9. 12. §. 17.

Æ. Quia nummus debet esse mensura rerum aliarum, materia (1.) talis esse debet, ut per se minime, aut saltem difficulter flecti possit, ita ut usu & contrectatione perpetua non consumatur. (2.) ut sit e numero utilium & aestimabilium, talis nempe, in qua propter nobilitatem & raritatem, multarum rerum pretia contineantur, ita ut hæc materia bonitate & quantitate rebus cæteris respondeat. Si enim nummi materia inutilis esset, nemo pro rebus suis eam acciperet, puta, si ex papyro, corio,

corio, &c. nummi fierent; (3.) debet esse tractabilis, i. e. debet facile posse circumferri, condi, liquari, cogi, duci, cudi, figurari & versari, durare tamen in his omnibus minimo sui detrimento. Hinc plerisque gentibus commodissimum fuit visum, adhibere metalla nobiliora & non ita frequentia, aurum scilicet, argentum & æs, habita tamen ratione præstantiæ unius præ alio, quæ non in sola hominum opinione, sed in modò dictis consistit.

Ziegl. de  
jur. Maj.  
l. 1. c. 49.  
§. 15.

Arnif. de  
jur. Maj.  
l. 2. c. 7.  
7. aliter.

XXIV. *At sæpe populi utuntur stano, ferro, plumbo, etiam corio, cortice, papyro?*

ꝛ. Verum quidem est, exempla passim prostant, & patrum nostrorum & nostra memoria id usu venisse scimus; tamen nummi isti veri nummi non sunt, sed tantum vice nummorum, veluti subsidiarii quidam sponsores, habentur. Nec ad materias tales confugere licet, nisi urgente summa necessitate, nec alia intentione, quam ut, cessante necessitate, eæ cum veris nummis iterum permutentur, & damnum communitati illatum resarciatur.

Ren. Budol.  
de monet. l.  
1. c. 1. n. 27.  
seqq. jung.  
l. 9. §. 2. D.  
ad L. Corn.  
de fals. &  
Gotbofr. in  
not. Budæus ad  
l. 1. D. de  
contrab.  
ems. Puf.  
l. 5. c. 1. §. 13.

XXV. *An valor nummorum, pro lubitus ejus, qui summum imperium habet, potest augeri & minui, &*

an

*an tantum alieni metalli auro vel argento admiscere poterit, quantum vult?*

Ziegl. d. tr.  
l. 1. c. 49.  
§. 21. 22.  
Et seqq.  
Puf. l. 5. c.  
1. §. 14. Et  
15. Molinæus de u.  
sur. n. 797.

**R.** Non; cum enim nummus sit mensura pretii aliarum rerum, & receptus ad commodius exercenda commercia, non solum inter cives, sed & inter hos atque exteros, rector civitatis, si nummis suis enorme pretium posuerit, eos ad commercia suorum civium cum exteris reddit inutiles; & cum electa sit materia, cujus publica ac perpetua est æstimatio inter gentes, quatenus functionem recipit in comparandis rebus aut omnibus, aut maxime necessariis, si alieni metalli quantitatem & bonitatem non rite temperet, saltem ut exterorum, quibuscum nobis commercium est, monetâ non sint inferiores, ferè, præter permutationem mercium, cum exteris, civibus suis nihil reliquum facit.

**XXVI. Generali tractatione de contractibus absoluta, quæritur, quando in emtione & venditione dominium transferatur?**

Kulpis ad  
Grot. l. 2. c.  
12. Ex. 6.  
§. 4. Grot.  
l. 2. c. 12.  
§. 15. Puf.

**R.** Quia ex contractu nascitur tantum obligatio ad rem habendam, ante traditionem emtor non potest fieri dominus, vel consequi jus, quod venditor

ditor in re habuit: non enim præcise obligatur ad dandum, seu ad dominium transferendum, sed sufficit interdum emtori præstitisse, ut habere rem liceat quandocunque velit: quod translatione possessionis & facultatis usufructu absolvitur.

*l. 5. c. 5. §. 2. in fin. aliter.*

**XXVII.** *At periculum statim, perfecta emtione, pertinet ad emtorem, & res perit suo domino?*

**R.** Quamvis periculum statim pertineat ad emtorem, tamen inde non probatur, ante traditionem ipsum esse dominum; verum ideo hoc receptum est, quia ab emtoris voluntate pendet, rem venditam statim vel per se, vel per alium accipiendi, ita ut res penes ipsum, non autem penes venditorem periisset: quare etiam oportet ut solvat pretium, licet rem nunquam sit consecutus. Quo accedit, quod cum omnia commoda ad ipsum pertineant ante factam traditionem, naturale est, ut ferat quoque incommoda, & ut periculum sustineat. Tertia ratio, scilicet debitorem speciei liberari à sua obligatione, per rei interitum, probat quidem, venditorem non cogi posse, ut rem tradat, sed tamen ei exigendi pretium jus non tribuit.

*Grot. d. h. aliter.*

*Prof. d. l. aliter.*

*Ziegl. b. l.*

**XXVIII.**



XXVIII. *Si res bis sit vendita, quæ venditio valebit?*

*Græc. d. c.*      *R.* Ex duabus venditionibus ea va-  
*12. §. 15. n.*  
*2.* lebit, quæ in se continuit præsentem  
 domini translationem: per hanc enim  
 facultas moralis in rem abiit à vendi-  
 tore; quod non fit per solam promif-  
 sionem.

XXIX. *An monopolia pugnant cum jure naturæ?*

*Græc. l. 2. c.*      *R.* Monopolia non pugnant cum ju-  
*2. §. ult. c.*  
*12. §. 16.* re naturæ, quando is qui solus omnia  
 coëmit, paratus est aliis vendere æquo  
 pretio; tunc enim, licet alii non pos-  
 sint libere emere, à quocunque velint,  
 tamen hoc impedimentum naturæ so-  
 cietatis contrarium non est, cum ipso-  
 rum non interfit, à quo emant, quod  
 ad desideria naturæ attinet. Hinc etiam  
 à summa potestate, justa de causa, &  
*Puf. l. 5.*  
*6. 5. §. 7.* pretio constituto, Monopolia permitti  
 possunt. Privatis autem, citra privile-  
 gium, hoc non licet, i. e. ii prohibe-  
 re non possunt, ne alii quoque cives  
 certum genus mercium tractent: licet  
*l. un. C. de*  
*monop. Cap.*  
*Leop. art.*  
*20. Joseph.*  
*art. 19.*  
*Græc. d. l.* de compacto id interdum agant, ut res  
 supra pretium, quod summum nunc  
 est, in communi pretio vendantur, aut  
 vi aut fraude impediunt, ne major  
 copia importetur, aut ideo merces  
 coë-

coëmant, ut sic raritate earundem procurata, iniquo illas pretio vendant. Huc non referuntur isti, qui ex solertia negotiativa plures merces coëmunt, ut data occasione pluris, pro temporis tamen ratione pretio non iniquo, vendant.

XXX. *In locatione & conductione cujusdam sunt sterilitas & alii casus usum impediētes?*

ꝛ. Venditioni & emtioni proxima quidem est locatio conductio, eisdemque regulis consistit. Respondet enim pretium pensioni sive mercedi, & mercedi usus rerum vel operarum; differunt tamen in casu præstatione: nam in emtione casus pertinet ad emtorem, in conductione ad locatorem; quia est contra æquitatem naturalem, ut quis mercedem solvat pro usu, quem citra dolum & culpam non percepit. Quare si nullus sit usus, nulla debetur merces, si aliquis sit usus, aliqua debetur merces; ita ut ex boni viri arbitrio, pro circumstantiarum diversitate, iudicium ferri debeat de mercedis remissione.

XXXI. *Si mea opera pluribus possit esse utilis, ut tamen mihi non existat laboriosior, quam si uni duntaxat adhibeatur, an à singulis solidam*

pr. I. de locat. & cond.

l. 15. §. 2.  
D. loc. cond.  
Ziegl. ad  
Grot. l. 2.  
c. 12. §. 12.  
Feld. d. l.  
Puf. l. 5.  
c. 6. §. 2. &  
3. Grot. l. 2.  
c. 12. §. 12.  
alter.

*dam mercedem, vel honorarium petere possunt?*

*Puf. l. 5. c.  
6. §. 4.  
Grot. l. 2.  
c. 12. §. 19.  
aliter. Feld.  
b. l.*

*l. 2. §. 6.  
D. ad L.  
Rhod. de  
jact. Str.  
Ex. 20. 1b.  
28.*

*Of. ad  
Grot. l. 2. c.  
12. §. 20.  
Malinaus  
de Usur.  
q. 2. n. 86.  
Seld. l. 6. c.  
10. §. 11.*

*R.* Si sint operæ artificiales, quæ pluribus communicatæ vilescunt, à singulis solidam mercedem stipulari licet; si non vilescant, & si unus solus tantum promiserit, quantum plures solverent, isto invito plures admitti non possunt, quia per contractum facultas usum locandi eo tempore mihi est ademta; & si me consentiente plures admittat, æquum est, ut reliqui contribuunt conductori. Idem dicendum de operis, quæ animo perficiuntur, & pretio nummario æstimari non solent. Idem de operis vulgaribus, e. g. si quis solus navem conduxisset.

**XXXII.** *Circa mutuum quæritur an usura sint vetitæ jure naturali?*

*R.* Non; quia enim in mutuo dominium transfertur in accipientem, æquum est, ut dum re nostra caremus, ille autem commodum & lucrum inde percipit, nobis aliquid pro usu rei nostræ solvatur. Quo accedit, quod Deus voluerit, Judæos fœnerare extraneis, non Cananæis duntaxat, sed quibusvis aliis gentibus: & verò Deus non præsumitur expresse indulgere violationem & transgressionem juris  
natu-

naturæ erga quoscunque alios populos.

XXXIII. *At pecunia est res sterilis, & vero iniquum videtur, ut pro usu talis rei aliquid solvatur, imprimis cum usus rei à re ipsa, quæ tandem in eodem genere est restituenda, non possit distingui, ita ut videatur & res & usus rei reddi?*

R. Industria humana res sua natura infoecundas, e. g. domos, & sic pecuniam quoque, in quam pretium eminens est collatum, fructuosas facere potest. Et licet usus rei, seu pecuniæ, consistat in abusu, nec separari possit ab ipsa re, seu pecunia, quæ aliquando in genere restituitur, tamen quia post certum tempus demum ea redditur, & interea accipiens re utitur, hoc æstimabile est, & propterea aliquid solvendum. Hinc admittuntur alii contractus, qui in effectu cum usuris coincidunt, ut sunt census annui, montes pietatis &c.

XXXIV. *Quomodo æstimari debet pretium periculi, quod sustinetur in contractu æssurationis?*

R. Æstimatio pretii, pro magnitudine periculi, intendi potest aut remitti, ita ut major sit, si præter tempestates,

R etiam

Grot. d. e.  
12. §. 10.  
n. 1. & 2.  
Feld. b. l.  
Puf. l. 5.  
c. 7. §. 10.  
R. I. 1548.  
tit. 17. &  
Policey-  
Ordnung:  
zu Franchf.  
1577. tit.  
17. Frantz.  
Ex. 9. q. 4.  
Puf. l. 5. c.  
1. §. 11. &  
12. Grot.  
d. e. 12. §.  
21.

Grot. l. 2. c.  
12. & 23.  
in fin. Kub-  
pis. Ex. 8.  
ad Grot. l.  
2. c. 12. §. 6.  
Puf. l. 5. c.  
9. §. 8.

etiam piratæ aut hostes metuantur, major etiam tempore hyberno, quam æstivo.

XXXV. *Ut hic contractus subsistat, quid requiritur?*

Grot. d. c.  
12. §. 23.  
Marq. de  
Jur. Merc.  
l. 2. c. 13.

¶. Hic contractus avertendi periculi, quem assurancementum vocant, omnino nullus erit, si contrahentium alter rem, de qua agitur, aut salvam, quo destinabatur, pervenisse, aut periisse, sciverit.

XXXVI. *In societate negotiatoria quomodo partes in damno & lucro dicuntur æquales & inæquales?*

Grot. l. 2. c.  
12. §. 24.

¶. Quando paria sunt quæ conferuntur, sive sit pecunia, sive sint operæ, partes sunt æquales in lucro & damno; si non sint paria, partes sunt inæquales, propter exactum respectum, quem partes lucri & damni habent ad sortem.

XXXVII. *Potestne sociorum aliquis particeps esse lucri, ut immunis sit damni?*

Grot. d. §.  
24. n. 3. l.  
29. §. 1. D.  
pro soc.

¶. Hoc pactum quidem est præter naturam societatis, quæ vult, ut lucrum & damnum, pro rata sortis, sint communia: potest tamen sine injuria ita conveniri, modò tanto plus lucri ferat,

ferat, quam alioqui laturus fuerat is, qui in se damnum recepit.

**XXXVIII.** *An quis damnum sentire potest sine lucro?*

¶. Iniquissimum est genus societatis, ex qua quis damnum, non etiam lucrum, percipit: nam ita naturalis est societati utilitatum communio, ut sine ea nequeat societas consistere.

Grot. d. 9.  
24. n. 3. §.  
d. l. 29.

**XXXIX.** *An hæc æqualitas etiam ita observatur in societate universorum bonorum?*

¶. Quia incertæ spei & eventui ab initio se committunt socii, & æquale jus habent, tum circa lucrum futurum, tum circa impensas, quilibet sociorum, pro conditione sua, quantum leges frugalitatis & honestæ œconomiz ferunt, ex societate sumere potest ea, quæ ad sui suorumque sustentationem requiruntur; & societate soluta, partes fiunt æquales, non habita ratione, an quis plus, an minus contulerit.

Grot. d. 9.  
24. n. 3. §.  
fin. Str. 22.  
ib. 23. §.  
sequ.

**XL.** *Quando societas solvitur, ad quem pertinet periculum rerum, quæ collatæ sunt?*

¶. Si plures pecuniam confecerint, quilibet fert periculum suæ fortis, sicut & eam, soluta societate, præcipuam

Grot. d. 9.  
24. n. 2.  
Puf. l. 5.  
c. 8. §. 2.

quam habet: si alter conferat pecuniam, alter autem operam, tunc aut (1.) opera confertur cum solo pecuniæ usu, eoque casu periculum pertinet ad solum dominum: & si pecunia salva sit, domino salva est; aut (2.) opera confertur cum dominio pecuniæ: quo casu opera habetur quasi pretium forti adjectum, & si pecunia pereat, damnum erit commune, quemadmodum si societas solvatur, is qui operam tantum impendit, participes fit sortis.

*XLl. Quæ est communis utilitas in societate navali, seu admiralitate?*

*Grot. l. 1. c. 12. §. 25.  
Marq. de jur. merc. l. 2. c. 11. p. 305.*

*R.* Hæc societas navalis, seu Admiralitas, spectat ad communem diversorum mercatorum defensionem adversus piratas & hostes: hinc & præda communis est, & damna communiter feruntur, in quibus numerantur & vulneratorum impendia. Ut autem constet de quota parte damni ferendi, æstimantur naves, & quæ in navi sunt, & summa ex his conficitur, ut scilicet damnum resarciatur à dominis navium, pro ea parte, quam quisque habet in tali summa.

*XLII. An quæ hæctenus dicta sunt de equalitate observanda in contra-*

*tractibus, semper à contrahentibus observantur?*

R. Non, sed apud omnes gentes, ad præcidendas controversias infinitas, & ob incerta rerum pretia, naturaliter contrahentes se circumvenire possunt; i. e. natura negotiorum & commerciorum hoc requirit, ut interdum unus plus, alter minus accipiat.

Frantz. em.  
11. q. 3. l. 8.  
C. de resc.  
vend. Gros.  
l. 2. c. 12.  
§ 26. alt-  
ter. &  
Puf. l. 5. c.  
3. §. 10.

C A P U T XIII.

De Jurejurando.

- |  |   |
|--|---|
| I. Quomodo pollicitationes, premissa, contractus &c. confirmari soleant.       | XIII. Cui Deus perjurus puniat.   |
| II. Cur imprimis jurejurando soleant confirmari.                               | XIV. An juramentum de re illicita obliget.  |
| III. Quid sit jusjurandum.   | XV. Quid si jusjur. non quidem sit de re omnino illicita, sed tamen impediatur majus bonum morale.                                |
| IV. Quotuplex.   | XVI. Quid si de re naturaliter impossibili juramentum præstetur, & res tantum pro tempore, aut ex suppositione, sit impossibilis. |
| V. Quæ ad Juramentum requirantur.  | XVII. Quæ sit forma jurisjurandi.   |
| VI. Qui jurare non possint.  | XVIII. An rectè juretur per creaturas.  |
| VII. An sit juramentum, si quis non putans se jurare, proferat verba jurantia. | XIX. An per falsos Deos.  |
| VIII. An teneatur jurans, si in mente sua reservet, quod non velit obligari.   | XX. An Christianus tale juramentum à gentilibus rectè exigat.   |
| IX. An is, qui verba jurantia deliberatè proferat, animo tamen non jurandi.    | XXI. Quis sit effectus juramenti.   |
| X. Quid, si jusjurandum de lo sit elicitum.                                    | XXII. An obligetur is qui aliquid jurato promittit latroni.   |
| XI. Quid, si metu injusto.   |   |
| XII. An ex talibus juramentis Deo acquiratur obligatio.                        |   |



- XXIII. An quis juramentum, perfido præstitum, implere debeat.
- XXIV. An contractus, in quo quis enormiter est læsus, possit rescindi, si jurato fuerit confirmatus.
- XXV. An hæres obligatur ex juramento defuncti.
- XXVI. An per procuratorem & per lãteras jurari possit.
- XXVII. An sit perjurus, qui non implet juramentum, nolente altero, ut impleatur: aut subloca
- qualitate, sub quo juravit.
- XXVIII. Quid contra juramentum sit; quando tantum sit illicitum, quando irritum.
- XXIX. Quale jus superiores habeant in juramenta inferiorum.
- XXX. An eas à juramento absolvere possint.
- XXXI. Quale jus habeant in personam ejus, cui juratur.
- XXXII. Quæ juramentis sint officia.

I. *Quomodo pollicitationes, promissa, contractus &c. confirmari solent?*

Grac. l. 2. c. 13. §. 1.  
Puf. l. 4. c. 2. §. 1.

II. **V**ariis modis; pignoribus, fidejussoribus, sed imprimis jurejurando.

H. *Cur imprimis jurejurando solent confirmari?*

Feid. b. l.

III. Quia dum hæc negotia jurejurando confirmantur, homines censentur esse maxime securi; nam juramentum præstat sub amissione maximi boni, gratiæ nimirum Numinis æterni, quam nemo præsumitur velle amittere, quia ea amissa, salvus esse non potest. Hinc omnes populi, & ab omni ævo, nullum vinculum ad adstringendam fidem jurejurandò arctius existimarunt, & gravis pœna perjuris imminere nunquam

Grac. d. l.

quam non credita est, ita ut & posteritas majorum delicta lueret, secundum illud Poëtæ.

*At juramento quedam est sine nomine proles,*

*Trunca manus & trunca pedes: tamen impete magna*

*Advenit, atque omnem vastat stirpemque domumque.*

III. *Quid est jusjurandum?*

℞. Jusjurandum est religiosa affirmatio, per invocationem Dei in testem, sub amissione ipsius gratiæ facta.

Grat. l. 2. c. 13. §. 1. n. 3.

IV. *Quotuplex est jusjurandum?*

℞. Est vel Promissorium, vel assertorium. Illud est vel promissorium in specie, quando jurejurando aliquid promittimus, vel confirmatorium, quando actum præcedentem seu negotium præcedens jurejurando confirmamus. Hoc, scilicet assertorium, est illud, quod præstatur ad rem controversam decidendam.

Puf. l. 4. c. 2. §. 18. 19. 20. 21. 22.

V. *Quæ requiruntur ad juramentum?*

℞. Requiritur (1.) animus rationis compos & deliberatus, (2.) ut res, quæ promittitur, & (3.) modus seu forma, sit licita, (4.) finisque licitus & bonus.

Grat. d. c. c. 13. §. 2. 6. §. 10.

Grot. d. c.

13. §. 2. c.

11. §. 5.

Textor. c.

27. n. 23.

Et 24. ali-

ter. Kulpis

7. th. 3. in

fin. Grot.

l. 2. c. 20.

§. 46. n. 4.

VI. *Qui ergo non possunt jurare?*

R. Furiosi, mente capti, impuberes, qui non intelligunt quod agunt, ut in cap. de promissis dictum; item athei, quia Deum esse negant.

VII. *Si quis non putans se jurare, proferat verba jurantia, eritne juramentum?*

Grot. d. c.

13. §. 2.

Puf. l. 4. c.

2. §. 3.

R. Non; quia mens est, quæ jurat, non lingua, juxta illud Poëtæ:

*Jurata lingua est: mente juravi nihil.*

Sic, si quis juramentum recitat, vel etiam verba concepta alteri prælegit, talis non jurat.

VIII. *Quid si quis volens jurare, protulerit quidem verba jurantia, sed tamen in sua mente sibi reservet, quod non velit obligari, an ex tali promisso jurato obligabitur?*

Frantz. 2.

resol. 2. §. 8.

Et seqq.

Puf. l. 4. c.

2. §. 5. Grot.

d. c. 13. §. 3.

paulò aliter.

jung. l. 2. c.

4. §. 3. c. 11.

§. 4. n. 1.

Et 3.

R. Affirmatur; quia quoties signis externis animum nostrum alteri indicavimus, & is eum acceptavit, non potest non sequi obligatio; nam aliàs omnis ratio intervenientibus signis sese obligandi ex humana vita tolleretur, si quis tacita sua intentione posset impedire, ne effectus ille actum aliquem sequatur, cui producendo est institutus.

IX.

**IX. An obligatur verba jurantia deliberatò proferens, animo tamen non jurandi?**

**R.** Affirmatur: quia enim is actus ex animo deliberato processit, & alter in eum sensum rem accepit, effectum, qui ex eo sequitur, obligationem scilicet, intentione sua impedire non potest; nisi qui jurat sciat, aut probabiliter credat, ab eo, quicum negotium est, verba aliter accipi: nam dictis testem adhibens Deum, debet dicta facere vera, quomodo putat intelligi. Quamvis tamen & sic male faciat, dum nomen Dei assumit in vanum.

*Grot. d. l.  
2. c. 13. §. 3.  
n. 1. & 2.  
Of. b. l.*

**X. An, quando jusjurandum dolo est elicatum, jurans obligatur?**

**R.** Negatur; quia dolus excludit animum deliberatum, qui consistit in eo, ut idem intelligamus & idem velimus; & quando dolo inducimur ad jurandum, præsupponimus factum ita se habere, prout ab altero fuit propositum, quod tamen revera ita se non habet: & sic non idem intelligimus & volumus. At si dubium sit, an non etiam sine eo fuisset juraturus, an standum sit verbis [quia simplicitas quam maxima juramento convenit] dubitatur.

*Grot. l. 2.  
c. 13. §. 4.  
Seld. c. 16.  
in princ.*

XI. *Quid si juramentum metu injusto sit extortum?*

*Puf. l. 4. c. 2. §. 8. Grot. d. c. 13. §. 14. aliter.*

*R.* Et hoc in casu jurans non obligatur, quia metus injustus impedit consensum deliberatum & liberum, & metum injustum mihi inferens non habet jus exigendi à me juramentum.

XII. *Sed annon hoc in casu Deo acquiritur obligatio?*

*Feld. ad Grot. l. 2. c. 13. §. 14. Puf. l. 4. c. 2. §. 9. Grot. l. 2. c. 13. §. 14. aliter.*

*R.* Negatur; quia jusjurandum est testimonium aliquod Dei, testis autem ex testimonio suo non acquirit obligationem, sed eam, vel factum aliquod, de quo testatur, præsupponit.

XIII. *At vero Deus non puniret perjuros, nisi jurans obligatus fuisset Deo?*

*Puf. l. 4. c. 2. §. 2. aliter.*

*R.* Deus punit perjuros, non quia ex juramento nova obligatio oritur, sed quia delictum cum juramento concurrat, si quis pejeret, & nomen Dei in vanum assumat. Hinc etiam apparet, frustrà non adjici juramentum negotiis antè validis; acerbius enim punitur, qui iram Dei expresse provocavit; & quantum in se fuit, ad ipsius misericordiam sibi viam præclusit, quàm is qui nude promisit, & promissa non servat.

*Puf. d. l. 4. c. 2. §. 6.*

XIV. *Si præstetur jusjurandum de*

*re illicita, quid juris?*

12. Juramentum de re illicita aut naturaliter, aut divina interdictione, vel etiam humana, non obligat; quia est de re impossibili, & propter legis interdictionem, facultas illud adimplendi nobis est ademta.

l. 14. § 15.  
D. de con-  
dit. Inst.  
Feld. b. c.  
§. 6. Puf.  
l. 4. c. 2. §.

XV. *Quid si quidem res non sit omnino illicita, sed tamen impediatur majus bonum morale, seu si per id prohibeamur obire aliquod officium humanitatis & pietatis?*

12. Jurans non obligatur, quia profectum in bono & officiis humanitatis, Deo & proximo debemus. Nam Deus vult, ut pro virili enitamur, ista aliis præstare; adeo ut ejus libertatem eripere nobis ipsis non valeamus. Huc pertinent isti, qui tam duro atque inso- ciabili ingenio, morum feritatem ju- rejurando obfirmant, scilicet, ut ne hunc habeant mensæ aut lecti socium, ne illi bene unquam faciant &c. vel qui alios obstringunt, ne honestam aliquam, & humano generi utilem artem cum altero communicent &c.

Grat. hoc c.  
13. §. 7. c.  
2. §. 11. §  
seqq.

XVI. *Quid, si juramentum præstetur de re naturaliter omnino im- possibili?*

12. Quia juramentum non mutat na-  
tu-

Feld. b. c.  
13. §. 3.

turam pacti aut promissi, cui illud accedit, satis manifestum est, ad omnino impossibile neminem obligari; etsi graviter peccet, qui ita temere jurando, nomine divino abutitur. Si tantum pro tempore, aut ex suppositione, sit impossibile id quod juratur, ut si filiusfam. inscio patre, matrimonium jurato promittat foeminae, quod istam, soluta patria potestate, velit ducere, in pendentem est obligatio, & existente tempore quod supposuit, tenetur verum facere id, quod juravit.

Grot. l. 2.  
c. 13. §. 8.  
§ 9. c. 5.  
§. 10.

**XVII. Quae est forma jurisjurandi?**

R. Forma jurisjurandi est, ut fiat per religiosam invocationem nominis divini & devotionem sui ipsius, sive utrumque simul verbis exprimatur, sive alterutrum tantum, puta hoc modo: Deus testis sit & vindex, si sciens fefellerero; vel ita; Deus testis sit, aut Deus sit vindex; quae duo in idem recidunt. Nam cum superior, puniendi jus habens, testis advocatur, simul ab eo perfidiae ultio poscitur; & qui scit omnia, ultor est, ideo quia testis est.

Grot. d. c.  
13. §. 10.  
Str. Ex.  
17. tb. 9.

**XVIII. Licetne jurare per creaturas?**

R. Non; quia (1.) religiosa invocatio ipsis non debetur; (2.) quia solus Deus est

Str. Ex.  
17. tb. 7.  
Ziegl. b.

est omniscius ac omnipotens, ideoque solus dignus, qui in conscientia nostrae testem & perfidia ultorem invocetur. Sic ergo non licet jurare per Angelos, nec per principem, per solem, terram, coelum &c. Neque execrationes, quibus rem nobis charissimam devovemus, ut liberos, patriam, principem &c. quo de sinceritate nostra proximus certus sit: neque obtestationes, veluti cum res, quas magni facimus, deducimus in comparationem cum re jurata, ut sic testemur, non minus id, quod asserimus, nobis cordi esse, (ideoque verum nos dicere) quam eas res, quas obtestati sumus, confundi debent cum juramentis.

c. §. 10. &  
11. Grot. b.  
c. §. 11. aliter. Puf. l.  
4. c. 2. §. 3.  
aliter.

XIX. *Si quis juret per falso Deos, an obligatur?*

R. Affirmatur, quia ex errore putat se jurare per verum Deum; seu quia sub falsis notis, generali tamen complexione. numen intuetur: ideo verus Deus, si perjeratum sit, in suam injuriam id factum interpretatur.

Grot. b. c.  
§. 12. Feld.  
b l. Puf. l. 4.  
c. 2. §. 4.  
Ziegl. b. c.  
§. 12. & O-  
fand. aliter.

XX. *An Christiano licet à gentilibus, quibuscum negotium est, tale juramentum exigere?*

R. Christiani quidem non debent sub tali forma gentilibus deferre juramentum.

Grot. b. c.  
§. 12. Of.  
d. c. §. 12.  
Str. Ex.  
17. Feld. b. l.



mentum, multo minus ipsi ita jurare, quia idololatricum est; si tamen adduci non possint, ut aliter jurent, ipsi quidem jurabunt, ut oportet, à gentilibus autem accipiant juramentum, quale habere possunt.

XXI. *Quis est effectus juramenti?*

Grot. d. c.  
13. §. 13.  
Feld. b. l.  
aliter.

R. Sicut intendimus per juramentum, ut aut aliquid liciti promittatur, aut ut confirmetur, aut ut controversiæ finis imponatur: ita etiam effectus juramenti varius est; præcipuus tamen est præcidere controversias. Nam omnis disputationis finis est juramentum rem fanciens.

XXII. *An quis obligatur juramento aliquid promittens latroni?*

Puf. l. 4. c.  
2. §. 8. Grot.  
l. 2. c. 13. §.  
14. aliter.  
& cum eo  
Of. b. l.  
Ziegl.  
Frantz. 2.  
Resol. 3.  
Kulpis. &  
plures alii.  
Grot. l. 3.  
c. 19. §. 1. c.  
21. §. 26.  
& seqq.

R. Non, quia vitium est in latrone, scilicet dum metum injustum mihi infert, non potest acceptare promissum, & sic si de facto aliquid promisi, nulla ex promisso oritur obligatio, ne quidem respectu Dei; nam Deo nihil promisi, neque dixi in honorem & gloriam divini nominis latroni dabo. Idem dicendum, si quid piratæ, quæ tali, promittatur. Secus est, si hosti publico, quia metus quem infert, justus est.

XXIII. *An cogitur quis fidem juratam*

*tam isti servare, qui eam antea  
fregit?*

¶ Si jurata promissio respectum habeat ad alterius promissionem, ita ut ei quasi conditio insit, cum alter promissionem non implet, non fit perjurus, si vicissim non præstet id quod juravit, ob defectum conditionis: à parte scil. ejus cui juravit; conditione autem deficiente, deficit promissio & nulla est: eventus enim ostendit, nullam esse obligationem, utpote quæ non nisi sub conditione contracta erat. Si verò diversi generis sint promissa, & respectum mutuum non habeant, omninò juramentum erit servandum. Licet enim alter contra jus naturæ egerit, quod vult pacta esse servanda, mihi tamen delinquendi impunitatem concedere nequit.

Grot. l. 2. c. 13. §. 16.

Grot. l. 3. c. 19. §. 14.

**XXIV.** *Si quis juramento confirmet contractum, in quo enormiter est læsus, potestne actus rescindi?*

¶ Affirmatur, quia juramentum non mutat naturam contractus, cui accedit. Si ergo contractus, propter inæqualitatem intervenientem, potest rescindi, etiam juramentum potest rescindi, quod eam præsupponit æqualita-

Puf. l. 4. c. 2 §. 11.  
Grot. d. e. 13. §. 16.  
n. 2. aliter.  
Mornac. ad l. 1. C. si advers.  
vend. Str. Ex. 8. th. 54.

litatem, quam contractus jure naturæ postulat.

**XXV. An hæres obligatur ex juramento defuncti?**

*Grot. d. e.*  
13. §. 17.  
*Puf. l. 4. c.*  
2. §. 17.

*Grot. l. 2.*  
*c. 21. §. 8.*  
*§ 19.*

*R.* Si ex promisso jurato perfectum jus tertio sit acquisitum, hæres obligatur, quia hoc onus bonis adhæret, in quæ succedit, & in quibus defunctum repræsentat. Si nemini fuerit jus quæsitum, & ipsa obligatio consistat tantum in pietate, fide, constantia &c. hæres non obligatur, quia hæc ad hæredem non transeunt, sed finiuntur cum persona jurantis. Imo prioria casu, si hæres non præstet factum defuncti, non fiet perjurus [quia juramentum continet devotionem sui ipsius, & verò hæres se ipsum non devovit] sed tantum perfidus. Sic, si populus juraverit, illi tantum cives, qui jurarunt, si juratum non præstetur, fient perjuri, non autem reliqui, qui juramento non consenserunt, & in quorum animam non est juratum: sicut nec successores, sed tantum fiunt perfidi.

**XXVI. Possumusne jurare in alterius animam?**

*c. 6. de test.*  
*in 6. Ziegl.*  
*ad Jus Can.*

*R.* Ita; si procurator meus, mandato speciali instructus, nomine meo juret, ipse

ipse fecisse videor, quod per alium feci, & si non servem, quod jurato promisi, perjurus sum. Sic possumus jurare per literas, nihil enim refert, si verbis ore prolatis, si scriptis, Deum invocemus in testem.

3. tit. 1. u.  
13. Frantz  
2. Resol. 1.  
§ 47.  
Schilt. Ex.  
23. tb. 32.  
& Jeqq.

XXVII. *Si jus, quod tertio ex juramento est quaesitum, remittatur ab ipso, an perjurus fio, si promissum non praestem?*

R. Non; quia remissio ipsius facit, ut juramentum habeatur pro praestito. Sic etiam aliquis non amplius tenetur ex suo juramento, si qualitas, sub qua alicui juravit, cesset, ut si magistratus desinat esse magistratus, si subditus discedat à civitate &c. Nec opus est speciali remissione jurisjurandi.

Grot. d. c.  
13. §. 18.  
Puf. l. 4. c. 6.  
2. §. 11.

XXVIII. *An quod contra juramentum fit, illicitum tantum est, an etiam irritum?*

R. Judicandum hoc est ex natura actus. Aut enim juramentum continet plenam abdicationem potestatis ad actum, ut si quis juret, se nec posse, nec velle foedus facere cum aliis; si contra faciat, non erit tantum perjurus, sed & foedus erit irritum; propter defectum facultatis, quam abdicavit: aut sola fides tantum adstringitur.

Grot. l. 1.  
c. 3. §. 16.  
l. 2. c. 15.  
§. 7.

S tur

Str. Ex.  
32. th. 38.  
Facb. 4.  
const. cap.  
8.

tur jurejurando, e. g. si quis hæredi instituto juret, se non mutaturum testamentum, & postea mutet, erit perjurus tantum, sed testamenti mutatio valebit, quia facultatem mutandi testamentum retinuit. Sic, si rex regi juret, se certo in loco non exstructurum munimenta, & postea exstruat, fiet perjurus, exstructio tamen valebit, quia facultatem retinuit munimenta exstruendi.

**XXIX.** *Quale jus superiores habent in juramenta inferiorum?*

Græc. d. c.  
13 §. 20.  
Feld. b. l.  
Seld. l. 6. c.  
1. p. 703.  
& c. 7.

¶ Quia actus inferiorum non sunt plene in potestate ipsorum, sed à superioribus dependent, ideo duplex potest esse actus superiorum circa id quod juratur: alter directus in personam jurantis, alter in personam cui juratur. In personam jurantis dirigi potest, aut antequam juretur, irritum nempe reddendo juramentum: quatenus jus inferioris sub potestate superioris continetur, & sic facultatem ad actum ipsis auferendo, ut si superior prohibeat inferioribus, ne vendant frumentum exteris; venditio contra prohibitionem facta, etiam jurato, erit nulla; aut postquam juratum est, scil. ne impleatur, idque propter summum imperium, quod  
su-

superior in actiones inferiorum habet : aut ut non valeat, nisi certo respectu, ut si, forte propter imbecillitatem iudicii, aliquis minor renunciaret beneficio sibi competenti, hoc non valeat, nisi à majorenni approbetur; aut contrà, ut valeat, si confirmetur juramento.

Grot. d. c. 13 §. 20. n. 4.

**XXX.** *An ergò is, qui summum in civitate habet imperium, aliquem potest absolvere à juramento?*

Grot. d. c. 13. §. 20. n. 2. in fin. Inst. Jur. Publ. p. 278.

**ꝛ.** Ita; quia enim summam habet potestatem in ejus personam, habet etiam in ejus verba & promissiones, sive obligationem, ex jurata promissione ortam, totam tollat, sive aliquem tantum absolvat à juramento, ad effectum agendi, i. e. ut sine metu perjurii agere possit.

Brand. Myl. ad Jus Can. voce: Relaxatio juram. Ziegl. de jur. Maj. l. 1. c. 21. p. 355.

**XXXI.** *Quid juris quando actus superioris est directus in personam ejus cui juratur?*

Grot. d. c. 13. §. 20. n. 3. c. 11. §. 7.

**ꝛ.** Potest tollere ab eo jus, quod ex jurata promissione partum est, aut etiam vetare, ne quid ex tali juramento accipiat: idque duobus modis, sive in poenam, sive ob utilitatem publicam, ex vi supereminentis domini. Imò, si post juratam promissionem, vel etiam antè, subsit mutuum debitum,

Ziegl. b. l. Text. c. 27. §. 76. & 77. aist.

ipse jurans potest compensare id quod is, cui juratum est, ipsi debet, cum eo quod jurato promisit.

XXXII. *Quenam sunt affinia juramentis, seu quæ habentur pro juramentis?*

Grot. l. 2.  
c. 13. §. 22.  
Text. c. 27.  
n. 41. & 42.

Gail. 2.  
obs. 59.

Re. Multis in locis receptum est vice jurisjurandi, ut fides datis dextris, aut alio quodam signo obstringatur, ea vi, ut, ni impleatur promissio, promissor non minus detestabilis habeatur, quam si pejerasset. Præcipue de regibus, virisque principibus dictum est usitatissimum, fidem eorum pro jurejurando valere; talis est formula apud Germanos, *bey Fürstlichen, Græfflichen, Adelichen, Treuen und Ehren*. Hinc tales personæ debent esse bonæ fidei, & vitam potius ponere, quam fidem, quò pertinet illud Guntheri Ligurini:

— *Unde jus & reverentia verbo Regis inesse solet, quovis juramine major.*

## C A P U T XIV.

De eorum, qui summum imperium habent, promissis & contractibus, & juramentis.

- I. *An hæcenus dicta de promissis, contractibus & juramentis, etiam apud reges obtineant.*
- II. *Quæ*

- II. *Quæ quæstiones pecuniarum circa eorum promissa, contractus & juramenta, sint considerandæ.*
- III. *An rex se ipsum in integritatem restituere possit, & contractum suum irritum facere.*
- IV. *An in integritatem restitutiones ex jure civili veniant, & ad reges pertineant.*
- V. *An non potius in integritatem restituendi sint ab eo, cui Monarchia universalis competit.*
- VI. *An pacta cum extraneis, per tutores inita, Rex sub obtentu minoræ ætatis, revocare possit.*
- VII. *An exceptio metus, doli, læsionis &c. valeat contra capitulationes regibus præscriptas.*
- VIII. *An Rex juramentum suum rescindere possit.*
- IX. *An obligetur in iis, quæ sine causa promissit.*
- X. *An emere & vendere sine certo pretio, locare & contuere sine certa mercede possit.*
- XI. *Rex, cum subditis contrahens, an naturaliter obligetur, an Civiliter.*
- XII. *An ipsis jus quæsitum auferre possit.*
- XIII. *An res exteriorum supereminenti alterius dominio subsint.*
- XIV. *An contractus regum leges sint.*
- XV. *An ex regum contractibus teneantur successores, vel ipse populus.*
- XVI. *Quousque hæc facultas populum obligandi se extendat.*
- XVII. *Cur hæc potestas populum obligandi non iudicetur ex eventu.*
- XVIII. *Si contractus incipiat vergere ad publicam perniciem, an rescindi possit.*
- XIX. *Quid si Rex alienare vellet partem regni aut regalis patrimonii.*
- XX. *Beneficia principum an semper revocari possint.*
- XXI. *An populi teneantur contractibus invasorum imperii.*
- XXII. *Modus iste perveniendi ad imperium an non sit illegitimus.*

I. *An ea, quæ dicta sunt de promissis, contractibus & juramentis, etiam locum habent apud Reges, & eos qui par jus regibus obtinent?*

R. **A**ffirmatur, quia sunt juris naturalis & gentium, quibus juribus

Grot. in  
 Prolog. in pr.  
 l. 2. c. 11.  
 §. 5. n. 3.



ribus reges non minus obligantur, quam privati quicumque.

II. *Sed annon peculiare quædam sunt quæstiones circa promissa, contractus & juramenta regum?*

Grot. l. 2. c.  
34 §. 1.  
n. 1.

R. Ita, scilicet tum de eo, quod ipsis in actus suos licet, tum de eo, quod in subditos, tum de eo, quod in successores suos licet.

III. *An Rex potest se ipsum restituere in integrum, & suum contractum irritum facere?*

Bod. l. 1. c.  
8. Grot. d.  
c. 14. §. 1.  
n. 2. aliter.  
Grot. b. c.  
§. 11. n. 2.  
Boeckl. de  
eo quod ci-  
vit. p. 43.  
in fin. Kul-  
pis. b. c. arg.  
l. 41. D. de  
her. Inst.  
Gottfried.  
in C. no quis  
in sua cau-  
sa. &  
Morn. ibi.  
Contr. de fin.  
Imp. c. 19.  
§. 3.

R. Affirmatur, si scilicet sit evidens æquitas; hæc enim uti omnibus hominibus hoc beneficium tribuit, ut æqualitas inter contrahentes observetur, ita & regibus, sive actus sint regii, sive actus eorum privati, i. e. sive contrahant, e. g. ut Leopoldus, Josephus &c. Nam quamvis actus regii perinde sint, ac si ipsa Communitas fecisset, & communitas se ipsa non sit superior, tamen non requiritur, ut restitutio in integrum semper fiat à superiori; nam ii qui sunt Reges, aut parem ipsis potestatem habent, sicuti isti, qui copiam judicis habere non possunt, sibi ipsis possunt jus dicere, & se ipsos in integrum restituere.

IV. *At vero restitutio in integrum*

ve-

*venit ex jure civili, quod ad re-  
ges, quæ tales sunt, non  
pertinet?*

R. Restitutio in integrum non venit ex jure civili, sed ipsa æquitas naturalis vult, ut metu injusto coactus, dolo circumventus, vel ætatis lubrico lapsus, absentia vel alia justa causa læsus in integrum restituatur, vel ut actus irritus declaretur: & in hac restitutione tempus, intra quod fieri debet, non est definitum, sed definiri debet ex eo, ex quo potuit aliquis eam petere & impetrare, adeo, ut si quis istud tempus effluere patiat, jus suum vel rem pro derelicto habeat.

Grot. d. e.  
14. §. 1. n.  
2. aliter.  
Corring. d.  
h. Puf. l. 8.  
c. 10. §. 2.  
Ziegl. b. c.  
§. 1. Bod.  
d. 1. c. 8,

*V. Annon videtur dicendum, si resti-  
tui debeat, hoc non fieri debere ab  
ipsis Regibus qui læsi sunt, sed ab  
eo, cui jure naturæ competit uni-  
versalis Monarchia?*

R. Non, (1.) quia Monarchia universalis non datur. (2.) Si Monarcha universalis læderetur, se ipsum deberet in integrum restituere. Quanquam autem hæc sententia non sit admittenda, tamen si res dubia sit, eorum opinio non videtur spernenda, qui volunt opus esse, ut fiat restitutio per arbitros compromissarios; hi enim interdum

Grot. l. 2. c.  
22. §. 13. n.  
2. in fin.  
Corring. de  
fin. Imp. c.  
19. §. 8. in  
fin. Feld.  
b. c. §. 1.  
Grot. l. 2.  
c. 23. §. 8.  
l. 2. c. 20.  
§. 46.

judices inter Reges sunt.

VI. *An pacta, cum extraneis per tutores legitime inita, Rex sub obtentu minorennitatis, potest revocare?*

l. 47. D. de  
min. Ser.  
Ex. 8. th.  
46. Puf. l.  
8. c. 10 §. 3.  
quiter.

R. Affirmatur, si æquitas & læsio sit evidens. Prætextus enim minorennitatis solus non sufficit; & qui cum ipsis contraxerunt, si securi non sint, sibi imputent, quod in suo contractu non observaverint æqualitatem, quæ inter contrahentes observari debet: non enim sufficit, si legitime contrahatur, i. e. secundum formam & solennitates juris, verum etiam omnis læsio abesse debet.

VII. *An exceptio metus, doli, læsionis &c. valet contra Capitulationes, quæ regibus limitatis præscribi solent?*

Rot. l. 2. c.  
5. §. 6. &  
10. c. 11. §.  
5. Linn. in  
proem. ad  
Capit. In-  
ter. & Reg.  
p. 2. n. 1.  
& seq.  
Fuf. l. 5. c.  
10. §. 4.

R. Non, (1.) quia reges qui jurant in Capitulationes, semper sunt perfectæ ætatis. (2.) Si leges istæ nimis duræ videbantur, nemo erat qui regnum suscipere cogebat. (3.) Populus non præsumitur adeo imprudens esse, ut regem suum ejusmodi legibus velit adstringere, quæ summum imperium reddant mancum, aut velut mobile.

VIII. *An ea, quæ hætenus dicta sunt,*

q6-

*obtinent etiam in juramentis  
regum?*

R. Affirmatur, quia juramentum judicatur ex natura actus, cui accedit; si æquitas velit, ut iste actus rescindatur, juramentum, quod huic actui accessit, rescindi potest, sive anteceder hoc fiat, sive consequenter. Nec magis hic requiruntur distinctæ personæ, quam in restitutione in integrum, ubi rex seipsum, vel per arbitros restituit; nec præsupponitur in relaxatione juramenti, illud præstitum esse ab inferiori, sed præsupponitur justam subesse causam, ex qua fit relaxatio.

Bodin. l. 1. c. 8. Grot. aliter. b. o. §. 3. P. Ziegl. b. l. Kulpis. b. o. §. 2. in fun. Jung. Rbet. Inst. Fur. publ. l. 3. tit. 6. §. 5. p. 549.

IX. *An Rex obligatur in iis, quæ sine causa antecedente promisit?*

R. Ita: Nam non minus ad reges, quam ad alios pertinet, quod promissa plena, absoluta, & acceptata jus transferant in acceptantem. vid. c. IX. §. 4.

Grot. b. c. §. 4. c. 11. §. 10.

X. *An valent à Regibus facta emtio  
& venditio sine certo pretio,  
locatio & conductio sine  
certa mercede?*

R. Non; quia determinatio pretii in emtione, & expressio mercedis in locatione, non sunt à jure civili, sed à jure gentium, ex natura ipsorum horum

Ziegl. b. l. Grot. b. c. §. 5. paulo aliter, contra Vasq. 2.

§ 5 contra.

*Controv. II.*  
*lustr. c. 51.*  
*n. 34. §. ult.*  
*Insh. Mand.*  
*Pichard. ad*  
*ad §. 1. Insh.*  
*de emf.*  
*vond.*

contractuum; adeo ut si pretium in emtione non sit determinatum, non sit emtio, & si merces non sit determinata in conductione, non sit conductio, sed transeat in aliud genus contractus.

*XI. Quando Rex cum subditis contrahit, an obligatur tantum naturaliter, an verò etiam civiliter?*

*Grot. b. c.*  
*§. 6. n. 2.*  
*Feld. b. c.*  
*§. 6.*

*Grot. l. 2.*  
*c. 4. §. 12.*  
*b. c. §. 5. sed*  
*aliter.*

Re. Si per obligationem civilem intelligamus talem, quæ juri naturæ est conveniens, & quæ approbatur vel comprobatur à jure civili, civiliter obligatur: sin per obligationem civilem intelligamus obligationem, quæ à lege civili vim coactivam accipit, Rex non obligatur civiliter, ne quidem tanquam membrum coetus; quia licet sit membrum coetus, seu civitatis, tamen est tale membrum, in quod translatum est jus integri, seu omnia jura reliquorum membrorum, adeo ut à reliquis, tanquam universis, obligari non possit, nec à se ipso, quia se ipso superior non est. Obligatur ergò Rex tantum naturaliter: ut tamen ex hac naturali obligatione nascatur actio, scilicet, ut contrahens petere possit, & si Rex facere velit id quod conscientia, honestas & æquitas dicant, etiam cum effectu.

fectu. Et hinc est, cur Reges soleant permittere, ut conveniantur in propriis tribunalibus, ut jus creditoris declaretur, licet exactio sequi non possit, si sponte sententiæ satisfacere non velint; nam subditis cogere eum, cui sunt subditi, non licet.

*A. B. Cap. 5. Et ibi Limnæus.*

XII. *An Rex subditis jus quæsitum auferre potest?*

R. Affirmatur; & quidem duplici modo ipsis jus quæsitum auferre potest, aut in pœnam, aut ex vi supereminentis domini: neque necesse est stricto jure, ut fiat compensatio, quia Rex jure suo utitur. Vi enim eminentis domini, de rebus privatorum, in utilitatem publicam, disponere potest eo modo, quo paterfamilias de iis disponit in utilitatem suæ familiæ. Licet æquitas suadeat, ut damnum, quod omnium causa quis sustinuit, ab omnibus, in quorum commodum cessit id quod est impensum, resarcitur. Neque interest, utrum jus quæsitum sit ex jure naturali, an ex jure civili, nam in utrumvis par jus est regis, nec hoc magis, quam illud, sine causa tolli potest, aut si sine causa hoc Rex faciat, haud dubie tenetur reparare damnum datum; facit enim contra

*Grot. d. c. 14. §. 7.*

*Fr. Horn. l. 2. c. 4. §. 20. Grot. d. l. aliter.*

*Grot. c. 14. §. 8. Ziegl. b. l. Et de jur. Maj. l. 1. c. 4. p. 99.*

tra verum jus subditi & contra jus naturæ, quod non patitur, ut alicui jus, legitimo modo partum, sine causa & facto suo auferatur.

XIII. *An exterorum bona, quæ tempore necessitatis apud nos deprehenduntur, dominis ipsorum alibi existentibus, vi supereminentis domini, detineri possunt?*

Grot. l. 2.  
c. 14. §. 8.  
in fin.

Grot. l. 2.  
c. 2. §. 10.  
Boeck. in  
com. d. c.  
2. §. 10.  
Horn. l. 2.  
c. 4 §. 19.  
Comring. de  
Fin. Imp.  
c. 19. §. 6.

R. Verior est affirmantium opinio, quia extrema necessitas aliàs ex jure humanitatis facit, ut alterius rem occupare possim, quæ non est in meo territorio; multo magis ergo, si talis res inveniatur in meo territorio, & intra meam jurisdictionem. Quor accedunt exempla populorum ita sentientium.

XIV. *An contractus Regum sunt leges?*

Grot. d. c.  
14. §. 9.  
Feld. b. l.  
aliter.

R. Non, quia ex promissis & contractibus jus nascitur adversus regem, non ex legibus; & si has revocet, nemini facit injuriam. Quædam tamen ex legibus & contractibus mixta esse possunt, ut contractus cum vicino Rege, aut cum publicano factus, qui simul pro lege publicatur, quatenus ei insunt, quæ subditis observanda sunt.

XV. *An ex Regum contractibus*

te-

*tenentur successores?*

¶ Si sint successores omnium bonorum, & simul regni hæredes, ut in regno patrimoniali, quin promissis & contractibus teneantur, dubitandum non est; pro debitis enim, etiam personalibus, bona defuncti, respectu quorum dicimur creditores vel debitores, ut obligata sint, ipsi rerum dominio coævum est: si verò sint successores tantum in jus regni, ut in regno non patrimoniali, vel electio, vel successivo, directè quidem & immediatè hi successores, quà tales, non obligantur, quia jus non accipiunt ab eo, qui proxime decessit, sed à populo: obligantur tamen per interpositam civitatem, quatenus imperium transfereudo, civitas facultatem quoque regi concessisse videtur se obligandi, tanquam capiti suo. Nam in moralibus qui dat finem, dat ea, quæ ad finem perducunt; sine enim hac facultate obligandi populum, regi nullum est medium expediendi negotia, sive in ipsa civitate, sive cum exteris: si sunt successores partim in bona, in jus verò regni in solidum, promissa & contractus respectu ipsorum bonorum, in quæ successerunt, omnino servare debent:

*Grot. d. c.  
14. §. 10. &  
c. 21. §. 19.*

*l. 2. c. 5. §.  
17. Boet.  
de eo quod.  
civ. egit. p.  
42. usque  
ad 48.*



bent: quæ vero promissa & contractus ista bona non respiciunt, in iis observanda moda dicta distinctio, scilicet quod per interpositam civitatem obligentur.

*XVI. Quousque hæc potestas populum obligandi se extendit?*

*Grot. d. c.*  
*14. §. 12.*  
*§. c. 9. §.*  
*8. n. 1. §. 2.*  
*Carpz. de*  
*leg. reg. c.*  
*13. sect. 2.*  
*n. 13. in fin.*

*¶.* Hæc potestas populum obligandi non abit in infinitum; neque enim obligandi infinita potestas ad imperium recte exercendum necessaria est, sed requiritur, ut rex habeat probabilem rationem: quod in dubio, ob regentium auctoritatem, præsumi debet, si ve postmodum exitus respondeat consilio & rationi regis, si ve non respondeat. Non enim exitus in hac re, sed probabilis ratio rei gerendæ, spectanda est, quæ si adsit, & populus ipse obligatur, si quo casu sui juris esse cœperit, & successores, ut populi capita. Sicut &; si quid populus liber contraxisset, obligaretur is, qui postea regnum plenissimo jure à populo acciperet. An verò, si talem populum bello Rex subegisset, idem obtinere debeat, vid. cap. 9.

*Ziegl. b. c.*  
*§. 12.*

*XVII. Cur hæc potestas populum obligandi non judicatur ex eventu?*

*Grot. d. c.*  
*14. §. 12. n.*  
*1.*

*¶.* Reip. non expedit, imò periculo

culosum esset, ad tales angustias reipublicæ imperantem velle adigere. Facile enim inde oriri posset confusio, dum actum utiliter modò gestum assererent, modò negarent, ut sic nulla contrahentibus esset securitas.

XVIII. *An si contractus incipiat vergerè ad publicam perniciem, declarari potest nullus, quasi factus sub conditione, sine qua juste fieri non potest?*

ꝛ. Difficilis & periculosa est hæc declaratio, ubi cum exteris agitur, qui bona fide contraxerunt, & nullo jure casus Reip. ferre coguntur; imò, si talis conditio subintelligeretur, quis unquam exterorum certus esset de suo contractu, & quis cum alio rege vel populo contracturus esset?

*Grot. d. c.*  
*14. §. 12.*  
*n. 4. aliter*

XIX. *An contractus valent, si pertineant ad alienationem regni, ejusve partis aut regalis patrimonii, quatenus id regi non est permisum?*

ꝛ. Non, quia facti sunt de re aliena. Tantundem erit in regnis restrictis, si quam materiam aut actuum genus populus à potestate regia exceperit. Nam, ut tales actus valeant, populi per se, aut per eos, qui populum legitime re-

*Grot. a.*  
*14. §. 12.*  
*n. 6.*

fe-

ferunt, consensus requiritur, ut supra dictum, cap. 6.

XX. *An beneficia principum, quæ liberaliter sunt concessa, semper possunt revocari?*

Grot. d. c.  
14. §. 13.  
Tabor. de  
oblig. suc-  
cess. in off.  
c. 5. Ziegl.  
de jur. maj.  
l. 1. c. 12. p.  
237. Inst.  
Jur. Publ.  
p. 484. &  
seq.

ꝛ. Donationes, beneficia & privilegia, si probabilem habeant rationem, sine justa causa, nec à concedente, nec à successore, revocari possunt, nisi ad sit precarii clausula, quia imperantes hoc in casu habent facultatem concedendi, & alii habent jus seu facultatem acquirendi, ita ut jus semel acquisitum sine justa causa iis citra injuriam auferri non possit. Privilegia tamen, quæ vinculum duntaxat legis demunt, sine ullo contractu, [ut si quem Princeps eximeret ex numero eorum, qui necessarias collectas solvunt] revocabilia sunt, quia hîc nullum jus quæsitum est adversus legis auctorem, & lex sublata reponi potest.

XXI. *An populi tenentur contractibus eorum, qui imperium invaserunt?*

Grot. d. c.  
14. aliter.  
& Kulpis  
b. h.

ꝛ. Decisio omnino difficilis est: nobis videtur dicendum, quod, si (simul ac invaserunt imperium, & populus resistendi animum deposuit) majestatem statim consequantur, citra omne pactum expressum, & quod, si ipsis  
solis

folis in fit jus integri, populum efficaciter obligare possint; modus enim acquirendi jus non potest mutare ipsum jus acquisitum, seu rem ipsam.

XXII. *At modus est illegitimus?*

æ. Postquam populus deposuit resistendi animum, rex est legitimus, à Deo tali modo constitutus, qui respectu hominum illegitimus est, respectu Dei verò legitimus: solus enim Deus reges imponit & deponit iis modis, quibus ipsi visum fuerit. Minus dubitamus, si aliquis in vasor justam bellandi causam habuerit; hujus enim contractus, si probabilem causam habeant, æque erunt servandi, ac si is per successionem vel electionem ad regnum pervenisset.

*Boed. de quod civit. egit. p. 9. seqq. Text. c. 23. n. 10. conf. l. 1. c. 4. §. 15. seqq.*

C A P U T XV.

De foederibus & sponsonibus.

- |   |  |
|---|--|
| <p>I. <i>Quid sint conventiones publicæ.</i></p> <p>II. <i>Quotuplices.</i></p> <p>III. <i>Quid sit factus.</i></p> <p>IV. <i>Qui jus faciendi foederis habeant.</i></p> <p>V. <i>An tyrannus.</i></p> <p>VI. <i>An rex regno pulsus.</i></p> <p>VII. <i>Foedera quomodo dividantur.</i></p> <p>VIII. <i>Quotuplicia sint foedera, quæ juri naturæ aliquid addunt, quid æqua-</i></p> | <p>lia, quid inæqualia. <i>Æqualia quotuplicia sint.</i></p> <p>IX. <i>Quotuplicia sint inæqualia.</i></p> <p>X. <i>An foedera cum his, quæ à vera religione aliena sunt, licita sint.</i></p> <p>XI. <i>An cum atheis.</i></p> <p>XII. <i>Si plures foederatorum bella gerant, cui potius auxilium sit ferendum.</i></p> <p>XIII. <i>An factus tacite renovatum censetur.</i></p> |
|---|--|

T XIV.

XIV. An partis alterius perfidia alteram à facere liberet.

XV. Quid sit sponso.

XVI. Quotuplex.

XVII. Quid si sponso à regis aut civitate improbetur.

XVIII. An sponso obliget summam potestatem ex notitia & silentio.

### I. Quid sunt conventiones publicæ?

Grot. l. 2.  
c. 15. §. 1.

**P**ublicæ conventiones sunt, quæ nisi jure imperii majoris aut minoris, fieri nequeunt. qua nota non tantum à contractibus privatorum differunt, sed & à contractibus regum circa negotia privata.

Grot. d. c.  
15. §. 2.

### II. Quotuplices sunt?

☞ Sunt vel foedera, vel sponso-nes, vel pactiones aliæ.

Grot. l. 2.  
c. 15. §. 1.  
& 9. n. 2.

### III. Quid est fœdus?

☞ Fœdus est conventio publica, ab iis qui majestatem habent, in communem vel alterius utilitatem, facta.

### IV. Quinam habent jus faciendi fœdus?

d. c. 15. §.  
3. n. 1. in  
fin. Ziegl.  
de jur. maj.  
l. 1. c. 38. p.  
684. Instr.  
Pac. art. 8.  
n. 2. Cap.  
Leop. &  
Josepb. art.  
10. Instr.  
Pac. d. art.  
n. 2. in fin.  
Inst. Jur.  
Pwilt. p.

☞ In regnis regum est facere fœdus, in aliis civitatibus eorum, penes quos est majestas, vel exercitium hujus juris; leges enim fundamentales, ut in aliis, ita & in hoc jure, semper sunt inspiciendæ. Sic in Imperio Romano-Germanico, secundum dispositionem Instrumenti Pacis, foedera nomine Imperii in comitiis fieri debent: sed juxta Capitulationem Leopoldi & Josephi,

phi, in casu necessitatis, Electores cum Imperatore de facto hoc jus sibi solis fecerunt commune. Status Imperii foedera faciunt ratione suorum territoriorum, etiam inconsulto Imperatore.

450. in fin.  
Kulpis. add.  
Monb. p. 2.  
c. 5. §. 8.  
87. in fin.

V. *Quid dicendum de tyranno, an foedus facere potest?*

R. Si majestatem habeat, potest, si non habeat, non potest. Vide cap. praeced. quaest. ult.

VI. *Quid de rege regno pulso?*

R. Si jus regni penes ipsum maneat, potest, utcunque possessionem amiserit: si jus regni penes ipsum non maneat, non potest.

Grot. l. 1. c.  
4. §. 15. &  
16.

VII. *Quotuplicia sunt foedera?*

R. Alia (1.) idem constituunt, quod juris est naturalis, ut de simplici humanitate invicem exercenda, vel de non inferenda noxa. Hæc foedera omnino sunt necessaria & utilia; quia quamvis natura cognationem inter omnes homines constituerit, & nefas sit, alterum ab altero lædi, tamen apud plures homines, imò apud integros populos, malis moribus hæc jura sunt obliterated, ita ut latrocinari & prædas agere in extraneos, nullo bello indicto, pro licito habeatur. De cæ-

Grot. l. 2. c.  
16. §. 17.  
Boecl. de eo.  
quod civit.  
egit, p. 10.  
& 11.  
Grot. d. c.  
15. §. 5. n.  
1. & l. 3. c.  
3. §. 2. n. 36

d. c. 15. §. 5.  
n. 1. in fin.  
h. 1. D. de

cond. ob  
 turp. caus.  
 Puf. l. 8. c.  
 4. §. 2. in  
 med. vid.  
 tamen l. 50.  
 D. de pact.  
 Obrecht. de  
 spons. pac.  
 a. l. §. 3.

tero pūdere propemodum debet ho-  
 mines cultos, pactum inire, cujus ca-  
 pita nihil aliud continent, quam ne  
 simpliciter & directe jus naturæ viole-  
 tur. Huc tamen non semper referri  
 debet, ut utrinque jus hospitii aut jus  
 commercii sit; quamvis enim hæc de-  
 beantur ex humanitate, tamen non ita  
 sunt definita, ut nunquam ulteriori de-  
 terminatione, quæ pactis & foederibus  
 fieri debet, opus habeant. vid. lib. 2. c.  
 2. Alia (2.) juri naturæ aliquid adji-  
 ciunt.

VIII. *Quotuplicia sunt fœdera, quæ  
 juri naturæ aliquid adjiciunt?*

Æ. Alia sunt æqualia, quæ utrinque  
 eodem modo se habent; alia inæqua-  
 lia, quæ se habent modo inæquali. U-  
 triusque modi fœdera pacis aut socie-  
 tatis alicujus gratia fiunt. *Æqualia* fœ-  
 dera pacis sunt ea, quæ v. g. de resti-  
 tuendis captivis, rebus captis &c. pacis &  
 securitatis gratia conveniri solent. *Æ-*  
*qualia* societatis aut ad commercia per-  
 tinent, aut ad belli communitatem, aut  
 ad res alias. *Æquales* de commerciis pa-  
 ctiones variæ esse possunt, puta ne utrin-  
 que vectigal ullum solvatur, aut ne ma-  
 jus solvatur, quam in præsens, aut ad  
 certam quantitatem. Sic in bellica socie-  
 tate,

d. c. 15. §.  
 6. n. 1. & 2.

tate, ut auxilia præsentur paria equitum, peditum, navium, sive ad omne bellum, sive ad certum, aut contra incertos hostes, aut in omnes quidem, sed exceptis fociis. Ad alias res pertinent, ut ne in confinio alterius alter arces habeat, ne iter alterius hosti præbeat &c.

IX. *Quotuplicia sunt inæqualia?*

1. In foederibus inæqualia promittuntur aut ex parte digniore, aut ex parte minus digna. Ex parte digniore, ut si quis auxilia promittat, nec restipuletur, aut si majora promittat: ex parte indigniore inæqualia sunt aut cum imminutione summi imperii, aut sine ejus imminutione. Cum imminutione summi imperii sunt ista, quæ & facultatem & voluntatem, proprio arbitrio hoc vel illud in suo territorio faciendi communicant aut adimunt, e. g. ne quis bellum gerat injussu alterius. Quicumque enim mihi præcipere & me jubere potest, me est superior, omnisque mea agendi & voluntas & facultas ex ipsius arbitrio pendet. Sine imminutione summi imperii, cum facultas quidem retinetur, sed voluntas certo modo determinatur ex alterius voluntate, e. g. si quis promittat,

dc. 15. §. 71

l. 1. c. 3. §. 16. n. 2.

Grot. l. 1. c. 3. §. 21. n. 1. Ziegl. de jur. maj. l. 1. c. 1 p. 35.

T 3

fe



se alterius majestatem comiter culturum; retinet enim & tunc ipse majestatem, licet exercitium certo modo à promissione sua, non autem à vi superioris determinetur. Item, ut hostes vel amici habeantur illi, quos velit partium altera: utraque enim pars retinet majestatem circa bellum & pacem; licet ex mutua promissione voluntas majestatem exercendi sit determinata. Item, quod quis in certis locis non velit conscribere militem, arcem exstruere &c. Retinet enim jus conscribendi militem, arcem exstruendi &c. licet exercitium ad certum locum restringatur. Possunt autem talia foedera contrahi, non tantum inter victores & victos, sed & inter potentiores & impotentiores, etiam tales, qui bello inter se experti non sunt.

d. c. 15. §.  
§. 7. n. 4.

X. *Licetne foedus inire cum iis, qui à vera religione alieni sunt?*

Grot. d. c.  
15. §. 8. §.  
9. n. 1. c. 2.  
§. 11. n. 1.  
§. 2. Limm.  
ad Cap.  
Gur. 17. p.  
101. Tex-  
tor. c. 23. §.  
12. §. 14.

R. Licet; quia cum omni eo, cum quo est juris naturæ communio, sicut alias conventiones, ita & foedera inire licet, & jus naturæ ita omnibus hominibus commune est, ut religionis discrimen non admittat. Imo ipsi Hebræi talia foedera inierunt; ipsi Im-

pera-

peratores nostri & summi Pontifices. Volunt tamen Doctores, sequentia observari: (1.) ut sit casus summæ necessitatis, (2.) ne id fiat contra fideles & Christianam religionem, (3.) cavendum, ne profanæ opes inde magnum incrementum accipiant.

*Of. b. l. Reink. de Reg. Sec. & Eccl. l. 2. cl. 3. c. 3. p. 1030. aliter. Ziegl. de jur. maj. l. 1. c. 38. p. 652. aliter.*

XI. *An cum atheis?*

R. Cum athei retineant communionem juris naturæ, non videmus, cur non possint foedera contrahere; imo licet jurare non possint, quia Deum nolunt credere (tametsi conscientia aliud dicat) tamen cum in foederibus necessario juramenta non requirantur, ab hoc jure Athei excludendi non sunt. Utrum autem consultum sit, nec ne, foedus cum ipsis facere, est quæstio prudentiæ civilis: & fortè non magis consultum est, foedus cum Atheis contrahere, quàm cum perfidis, quia hi quamvis jus naturæ habeant, tamen ea, quæ sunt juris naturæ, non faciunt, & sic ipsorum promissiones non sunt securæ.

*Ziegl. b. aliter. Textor. c. 27. §. 73. & 74. Grot. l. 2. c. 20. §. 46. n. 4. conf. Gisbert. Voet. de Atheismo.*

XII. *Si quis foederatus sit pluribus, qui bellum gerunt, cuinam auxiliium ferre debet?*

R. Ad injusta bella nulla est obligatio, quare qui foederatorum justam

*d. o. 15. §. 13. n. 1. Aber. Gent. l. 3. c. 10. p. 637.*

habet belli causam, præferendus est cæteris, si cum extraneo res sit: imò etiam si sit cum alio fœderato; nisi con-  
 venerit, ne adversus eum auxilia mit-  
 tere liceat. Quod si fœderati inter se  
 committantur, ex causis utrinque in-  
 justis, utraque parte abstinendum erit.  
 Si in alios bellent, justa quisque de cau-  
 sa, & utrique auxilia mitti possint, pu-  
 ta in milite, aut in pecunia, mittenda  
 erunt. At si ipsius, qui promisit,  
 præsentia requiratur, quæ individua  
 est, tunc præferendus est is, cum quo  
 est antiquius fœdus; modò posterius  
 fœdus non contineat quasi imperii  
 translationem, puta subiectionis ali-  
 quid, seu deditiois. Nam & simili  
 modo dicimus in venditione priorem  
 præferri, nisi in posteriorem emto-  
 rem dominium sit translatum.

Grot. d. c.  
 15. §. 15.  
 n. 4. §. l. 1.  
 c. 3. §. 8. n.  
 3. l. 2. c. 12.  
 §. 15. n. 2.

**XIII.** *An finito tempore fœdus tacite  
 renovatum censetur?*

Grot. d. c.  
 15. §. 14. c.  
 16. §. 14. in  
 fin. §. 5.  
 16. n. 3. in  
 fin. Puf.  
 i. 8. c. 9. §.  
 v. 1. Text. c.  
 25. §. 17.  
 Kuiper b. c.  
 §. 4. Ziegl.  
 de jur. maj.

**R.** Finito tempore fœderi adjecto,  
 hoc ipsum quoque finitur, quod taci-  
 te renovatum non intelligitur. Nemo  
 enim præsumitur, ad novum onus sese  
 voluisse adstringere, vel nimium coar-  
 ctare libertatem agendi quæ vult; nisi  
 sint tales actus, qui nullam aliam in-  
 terpretationem recipiunt, e. g. si quis  
 tem-

tempore foederis præterlapso, efflagitet auxilium ex foedere, & foederatus non ignarus, tempus jam effluxisse, illud præstet, videtur tacite renovasse foedus, quia hic actus non videtur aliam interpretationem recipere, quam renovati foederis, quamdiu id durat. Nam ultra id tempus ne quidem tacite videntur se obligasse; imò priori tempore videtur hic actus potius esse signum benevolentiae & amicitiae (quæ etiam finito tempore durat) quam renovati foederis; vel si foedus renovatum dicamus, hæc renovatio complectitur sub se omnia capitula foederis prioris, & qui hoc vel illud capitulum non comprehendit dicit, contra ipsum est præsumtio in contrarium.

*l. i. c. 38. §. 10. p. 654  
in fin. & in comment.  
b. c. §. 14.*

*Text. d. c. 25. §. 18.*

*XIV. Si pars una foedus violaverit, an alteri licet à foedere discedere?*

*R.* Affirmatur; nam singula foederis capita vim habent tacitæ conditionis: nisi expressè aliter convenerit; quod fieri interdum solet, ne ob quasvis offensas discedere liceat à foedere, sed ut prius provocetur ad arbitros, aut poena adjecta præstetur; vel etiam hoc in casu altera pars non tenetur præstare id quod capiti ab una parte neglecto respondet.

*Grot. d. c. 15. §. 15. l. 3. c. 20. §. 35. l. 1. c. 2. §. 16. n. 5. in fin. Inst. Pac. art. 17. §. 5. & 6. Pac. Neom. art. ult.*

XV. *Quid est sponsio?*

Grot. d. c.  
15. §. 3.

R. Sponsio est conventio publica, quæ à ministro summæ potestatis, circa negotium ad eandem spectans, sine ipsius mandato initur.

XVI. *Quotuplex est sponsio?*

d. c. 15. §.  
16.

R. Sponsionum species tot possunt esse, quot sunt foederum, & distant à foederibus personarum facientium potestate.

XVII. *Si improbetur à rege aut civitate sponsio quid juris?*

Grot. d. c.  
15. §. 16. n.  
1. & 4.

R. Sive sponsio purè sit facta, citra adjectam conditionem ratihabitionis faciendæ à summa potestate, sive non purè, populus nullam in partem obligatur: sed priori casu sponsores bona primum obligantur ad id quod interest, sponsionem ratam haberi; & si ea non sufficiant, sponso est dedendus, ut is cui debetur, videat, quomodo capienda sit satisfactio ab eo, qui ipsum inanibus pactis decipit.

XVIII. *An sponsio obligat summam potestatem ex notitia & silentio?*

Grot. d. c.  
15. §. 17.  
n. 2. Ziegl.  
b. l.

R. Præter notitiam & silentium, res aliqua accedere debet, seu signum externum, ex quo ratihabitio inducatur, e. g. verba vel factum ad impletionem sponsionis tendens; nam sine signo

EX.

externo, aut facto aliquo, silentium non satis probabilem voluntatis conjecturam suppeditat.

CAPUT XVI.

De interpretatione.

- |  |   |
|--|---|
| <p>I. Cum interni actus per se spectabiles non sint, quomodo promissa exterius obligent.</p> <p>II. Quid sit interpretatio.</p> <p>III. Quotuplex.</p> <p>IV. Quae sit mensura re-<br/>ctae interpretationis.</p> <p>V. Quotuplicia sint signa, ex quibus mens colligitur.</p> <p>VI. Verba quomodo sint intelligenda.</p> <p>VII. Quando conjecturis opus sit.</p> <p>VIII. Ex quibus locis conjecturae voluntatis despromantur.</p> <p>IX. Coniuncta quotuplicia sint.</p> <p>X. Quotuplicia sint ea quae promittuntur. Quid favorabilia: quid odiosa: quid mixta.</p> <p>XI. Quomodo verba sint explicanda in non odiosis.</p> <p>XII. Quomodo in favorabilibus.</p> <p>XIII. Quomodo in odiosis.</p> <p>XIV. An sociorum nomine tantum intelligantur praesentes, aut etiam futuri.</p> <p>XV. An ergo novus socius contra primum foedera-<br/>tum defendi vel adjuvari possit.</p> | <p>XVI. Si convenerit, ne alter foederatorum, alterius injussu, bellum gerere possit, quale bellum intelligatur.</p> <p>XVII. Praemium promissum illi qui primus aliquid fecerit, si plures simul faciant, cui debeatur.</p> <p>XVIII. Quomodo pacta &amp; foedera realia distinguantur à personalibus.</p> <p>XIX. An persona foederi adjecta semper faciat foedus personale. In dubio, qualia censeantur esse foedera, an personalia; an realia.</p> <p>XX. An omnes societates morte finiantur, &amp; an foedera ad Regum successores transeant, cum juramenti vis personam non exeat.</p> <p>XXI. An foedus, cum Rege initum, extendatur ad Regem regno pulsium.</p> <p>XXII. An ad regnum in vasorem.</p> <p>XXIII. Quodnam sit aliud interpretandi genus, ex conjecturis scilicet, extra verborum significationem.</p> <p>XXIV. An extendens interpretatio facile procedat.</p> |
|--|---|

- dat.
- XXV. Quando locum habeat.
- XXVI. An mandatum per aliud aque utile impleri possit.
- XXVII. Interpretatio restringens unde petatur, extra significationem verborum.
- XXVIII. Quid si res comprehendatur sub ratione, secundum potentiam moraliter consideratam.
- XXIX. An promissa in se habeant tacitam conditionem, si res maneant eo quo sunt loco.
- XXX. Quot modis dijudicari possit, utrum casus postea emergens pugnet cum voluntate aliquid in genere constituentis. Quid
- primum ejus repugnantie sit signum.
- XXXI. Quid secundum.
- XXXII. An servanda promissa, quae iis, quibus facta, inutilia sunt, aut plus nocent promittenti, quam alteri profint.
- XXXIII. Quae sint alia ejus repugnantiae signa.
- XXXIV. An scriptura in dubio ad contractus validitatem requiratur.
- XXXV. Regum contractus an ex jure Romano sint interpretandi.
- XXXVI. An verba conditionem offerentis, an acceptantis, magis sint spectanda.
- XXXVII. Antequam accepta sit conditio, an teneatur is qui obtulit.
- I. *Cum interni actus per se spectabiles non sint, quomodo statuetur aliquid certi, ne nulla sit obligatio ex promissis & contractibus, si quisque possit se liberare, sensum sibi affingendo, quem vellet?*
- Gr. l. 2. c. 16. §. 1.  
Puf. l. 5. c. 12. §. 2.
- Gr. c. 12. §. 8.
- Pr. **I**pta dictante naturali ratione, jus est ei, cui quid promissum est, promissorem cogere ad id, quod recta interpretatio suggerit. Quia enim leges, promissiones, & pacta inter homines sunt recepta, ut ordo in societate rationali, & aequalitas inter homines conservetur, legislator, promitten-

tentes, atque paciscentes, mentem suam aperire debent signis externis inter homines receptis, & ad id constituti; actus enim interni non apti sunt ad societatem, & mente sic aperta, alteri jus perfectum acquiritur, alias enim, cum homo sit animal fallax, si semper aliam atque aliam mentem verbis affingere posset, res nunquam exitum haberet, quod in moralibus pro impossibili habetur.

II. *Quid est interpretatio?*

R. Interpretatio est signorum externorum, quibus mentem nostram indicamus, æqua & commoda ad eandem accommodatio.

III. *Quotuplex est interpretatio?*

R. Est triplex; declarativa seu simplex, extensiva & restrictiva.

Grot. d. c.  
16. §. 2. &  
20.

IV. *Quæ est mensura rectæ interpretationis?*

R. Collectio mentis ex signis maxime probabilibus.

Grot. d. c.  
16. §. 1. n. 2.  
Feld. b. c.  
§. 1. n. 2.

V. *Quotuplicia ea sunt?*

R. Sunt duplicia, verba scilicet & conjecturæ aliæ, quæ seorsim considerantur, aut conjunctim.

VI. *Quomodo sunt intelligenda verba?*

R. Si nulla sit conjectura, quæ ducat aliò, verba intelligenda sunt ex proprie-

Grot. d. c.  
16. §. 2. &  
3. l. 3. c. 1.  
§. 8. n. 1.



prietate, non Grammatica, quæ est ex origine, sed populari ex usu, seu tali quem usus communis ipsis imposuit, *Quem penes arbitrium est, & jus & norma loquendi.*

*Puf. l. 5. c.  
12. § 4. in  
p. & fin.*

Sic, si quis juret, se pactis staturum, quamdiu hanc terram insistat, terram calceamentis fortè injectam non intelligimus. In artium vocabulis, quæ populus vix capit, adhibenda erit artis cujusque prudentum definitio; e. g. si in foedere aliquo cautum sit, ne quis cum exercitu alterius fines transeat, videndum, quanta manus & quot copiarum apud prudentes, respectu habitum ad vires hostium, tum ad proprias, exercitum constituent. Et si artium vocabula à diversis diversimode definiantur, expedit ad præscindendas lites, ut popularibus verbis exprimat, in quonam significato ista vox eo loco capiatur.

VII. *Quando opus est conjecturis assumtis?*

*d. c. 16. §. 4.*

R. (1.) Cum verba aut verborum complexio plures recipiunt significationes, & (2.) quoties in pactis est species quædam repugnantiarum. Si enim certa sit pugna, tunc id, quod posterius inter contrahentes placuit, derogabit prio-

priori: quia uno tempore nemo contraria potuit voluisse, & ea natura est actuum, qui à voluntate pendent, ut novo actu voluntatis discedi inde possit.

VIII. *Ex quibus locis depromuntur conjecturæ voluntatis?*

¶. Quamvis conjecturæ interdum ita sint evidentes, ut sponte se ingerant, etiam contra receptiorem verborum significationem: plerumque tamen voluntatem conjicimus vel (1.) ex materia, ut scil. res pro materia substrata intelligatur. Sic, si convenerit, ne alter alteri arma inferat, intelligimus milites & exercitum; si autem convenerit, in deditioe præsidii, de tradendis armis, militibus discedendi facultas conceditur, instrumentis bellicis relictis. Vel (2.) ex effectu. Nam ne significatio post se trahat effectum à ratione alienum vel absurdum, à receptiore sensu paulisper erit deflectendum, ut evitetur nullitas aut obscuritas. Ex. gr. si statutum esset, ut quicumque in platea alteri sanguinem elicuerit, gravissimas pænas daret, ex hac lege chirurgus, qui alicui venam in platea secat, conveniri non potest. Sic, si quis hæredem aliquem scribat,

ad-

Grot. d. c.  
16. § 4. n.  
2. § 5. 5.

Puf. l. 5. c.  
12. §. 8. in  
med.

*Puf. d. c.*  
*12. §. 5. in*  
*fin.*

addita clausula, ut tertio alicui det ea quæ ipse velit, non cogitur totam hæreditatem huic tertio restituere. Vel (3.) ex conjunctis.

IX. *Conjuncta quotuplicia sunt?*

*Grot. d. c.*  
*16. §. 7.*

1. Conjuncta sunt aut (1.) origine, quando ejusdem auctoris sententia ex alio quodam Tractatu præcedente explicatur, ut si quis uno in loco clare mentem suam circa rem quampiam expresserit, alio quoque loco & tempore sibi constare præsumitur: nisi mutatio expresse appareat; nam in dubio voluntas sibi creditur consentiens. Sic, si quis promittat alicui triticum vel vinum, sine expressione quantitatis vel qualitatis, promissio non valet, nisi ex tractatu prius habito appareat, de certo genere certaque quantitate tritici vel vini cogitatum & actum esse. Aut etiam (2.) loco, cum scilicet ex ejusdem loci antecedentibus & consequentibus interpretatio desumitur; ut, si in aliqua lege exemplum exprimitur, definitio autem generalis vel antecedit, vel sequatur, lex non tantum de exemplo expresso, verum de omnibus aliis, quæ sub tali definitione comprehenduntur, est intelligenda. Ad ea, quæ loco conjuncta sunt, potissimum

*l. 115. in*  
*pr. de V. O.*

*l. 9. §. 5.*  
*vers. & l. 1.*  
*est. D. de*  
*jur. & fact.*  
*ign. Sua-*  
*rez. de leg.*  
*l. 6. c. 5.*  
*& seqq.*

tissimum refertur ratio legis, (quam cum mente multi confundunt, cum tamen ea sit ex indiciis, quibus mentem venamur) quæ si unica subsit, ad voluntatem movendam, cessante tali ratione, cessat voluntas. Sic leges, quæ loquuntur de donatione propter nuptias, semper intelligendæ sunt sub conditione, si nuptiæ sequantur. Si verò sint plures rationes, non statim, cessante una tota quoque lex cessat.

Grot. d. c.  
16. §. 8.

X. *Ea quæ promittuntur, quotuplicia sunt?*

ix. Alia sunt favorabilia, alia odiosa, alia mixta, sive media. Favorabilia sunt, quæ æqualitatem in se habent, quæque communem utilitatem spectant, societatem & quoslibet actus & jura conservant. Quæ utilitas quo major est, & quo latius patet, eo major est promissi favor. Sic, eorum quæ ad pacem faciunt, major est favor, quàm quæ ad bellum; & belli defensivi major, quàm offensivi. Odiosa contrà sunt, quæ unam tantum partem, aut unam magis, quàm alteram gravant, ut quæ societatis destructionem, poenam, juris sui remissionem &c. continent, vel quæ actus quosdam faciunt irritos, aut de prioribus aliquid immutant.

Grot. d. c.  
16. §. 10.

V

Quod

Quod si autem aliquid sit mixtum, puta tale, per quod priora quidem immutantur (dummodo id fiat pacis causa) id pro magnitudine boni auctmentationis, modo odiosum, modo favorabile censebitur: ita tamen, ut cæteris paribus favor censeatur prior & potior.

*XI. Quæ regule sunt tenenda circa interpretationem & significationem promissorum, in non odiosis?*

*Græ. d. c.*  
*26. §. 11.*

*Jung. d. c.*  
*16. §. 9.*

*Puf. l. 5. c.*  
*12. §. 13.*

*R.* In non odiosis sumenda sunt verba secundum totam proprietatem usûs popularis: & si plures ejusdem vocis sint significationes in populari usu, illa est sumenda, quæ est latissima. Sic, masculinum sumitur pro genere communi, seu sub se comprehendit foemininum. Sic, si convenerit, ut alter in alterius territorio quashbet feras venari possit, ut tamen cervi excipiantur, etiam cervæ intelliguntur. Indefinita locutio pro universalis habetur. Sic si convenerit, ut utrinque captivi restituantur, intelligendum hoc erit de omnibus & singulis Captivis.

*XII. Quomodo verba sumenda sunt in favorabilibus?*

*R.* Laxius verba sunt sumenda, ut  
etiam

etiam includant significationem artis, aut quam lex dedit, si loquens utatur consilio eorum qui jus intelligunt. Ad significationes vocis plane improprias non est recurrendum, nisi alioquin absurdum, aut inutilitas pacti legisve sequeretur: quia natura talium negotiorum requirit, ut clare & perspicue sententia animi exprimantur, & regulariter quilibet hoc præsumitur facere. Contrà, verba etiam strictius, quam aliàs ipsorum proprietates requirit, erunt intelligenda, si quidem id necessarium fuerit ad vitandam iniquitatem aut absurditatem. Si hoc non sit necessarium, verba intra proprietatem sumenda sunt, ita tamen, ut si utilitas sit in restrictione, subsistendum sit inter arctissimos terminos propriæ significationis; nisi circumstantiæ aliud suadeant.

Grot. d. t.  
16. §. 12.  
n. 2. Puf.  
d. c. 12. §.  
13. In mod.

XIII. *Quomodo in odiosis?*

¶ In odiosis etiam sermo figuratus aliquantulum potest admitti, ut onus vitetur. Inde in donatione & juris sui cessione verba, quantumvis generalia, restringi solent ad ea, de quibus verosimile est fuisse cogitatum. Sic auxilia, promissa ab una tantum parte, intelliguntur impendiis ejus deberi, qui postulabit. Sic foedus initum pro de-

Grot. d. t.  
16. §. 12.  
n. 3. Puf.  
d. §. 13.

fensione ditionis, domino in possessione existente, non extenditur ad eandem recuperandam, postquam iste fuit ejectus.

XIV. *Si convenerit in fœdere, ut utriusque populi socii ab utroque populo tuti sint, an tantum socii, qui fuerunt tempore fœderis, an & futuri intelliguntur?*

Grot. c.  
16. §. 13.  
n. 1. l. 3. c.  
20. §. 33.  
Ziegl.  
b. l.

R. Verbum Socii, & strictam illam de iis, qui erant fœderis tempore, & ampliorem alteram significationem, quæ ad futuros quoque socios porrigitur, recipere potest salva ratione recti sermonis. In hoc fœdere, secundum regulas antè traditas, futuri non intelliguntur socii, quia agitur de fœdere rumpendo; quæ odiosa est materia.

XV. *Si ergo alios socios alteruter postea assumat, & hi primum fœderatum injuria afficiant, potestne salvo fœdere, primus fœderatus his posterioribus bellum inferre, & alter eos defendere?*

Grot. &  
Ziegl. d. l.  
Etd. aliter.

R. Affirmatur: adsciscere eos potest, & defendere, ex jure naturali, quod primo fœdere non erat abdicatum; sicut & primus fœderatus bellum ipsis inferre potest; nam apud utrosque eo loco

loco sunt, quasi nihil de iis convenisset. Nec pugnat cum foedere, ut quos alii offendent, hi defendantur ab aliis, manente de cætero pace.

Grot. d. 6.  
13. n. 3.

XVI. *Si convenerit, ne alter fœderatorum bellum gerat alterius injus-  
su, quale bellum hic intelligen-  
dum?*

R. Belli gerendi nomen ad omne bellum, offensivum & defensivum, pertinere potest: hic arctiorem significatum sumimus, & intelligimus tantum bellum, quod infertur; non autem quod repellitur, ne nimium coarctetur libertas naturalis, qua contra vim sibi illatam defensionem sui licet suscipere.

Grot. d. c.  
16. §. 14. c.  
15. §. 7. n.  
1. & 2.  
Puf. d. c.  
12. §. 15.

XVII. *Si præmium promissum sit ei, qui primus ad metam pervenisset, debet utriusque, si simul pervenerint, an neutri?*

R. Vox *primus*, ambigua est, nam aut eum significat, qui omnes antecedit, aut quem nemo: licet quandoque pares gradu habere possit. Hic, quia præmia virtutis favorabilia sunt, verius est, concursuros esse ad præmium, si res possit dividi, aut si non possit dividi, sorte decidendum, vel novo cursu certandum; quanquam liberalius faciant ii,

Grot. d. c.  
16. §. 19.  
Puf. d. c.  
12. §. 14.  
Ziegl. b. c.  
§. 19.



qui præmium promiserunt, si utrique solidum solvant.

**XVIII. Quomodo pacta & foedera realia distinguenda sunt à personalibus?**

Grot. d. c.  
16. §. 16.  
Boeckl. de eo  
quod civit.  
egit. p. 51.  
Str. Ex. 6.  
tb. 48. &  
49. Schilt.  
Ex. 8. tb. 15.  
& segg.

**R.** Pacta & foedera realia transeunt ad successores, & eos obligant, personalia non item. Et si quidem cum populo libero actum sit, dubium non est, quin quod ei promittitur, sui natura reale sit, quia subjectum est res permanens, & propter perpetuam substitutionem non moritur. Imo etiamsi status civitatis in regnum mutetur, manebit foedus, quia manet idem corpus, & rex præest ut caput hujus, non ut caput alterius corporis; nisi appareat, causam fuisse propriam isti statui, ut si liberæ civitates, libertatis civilis tutelæ causa, foedus contrahant, & sponte postea istum statum mutant in regnum.

**XIX. Si foedus cum rege contractum sit, an propterea, quia persona pacta inferitur, foedus est personale?**

Grot. d. c.  
16. §. 16. n.  
2. c. 9. §. 8.  
Corring. ad  
Lump. part.  
1. §. 69. &  
61

**R.** Non; plerumque enim persona pacto inferitur, non ut personale pactum fiat, sed ut demonstrretur, cum quo pactum est. Hinc, si foederi ad-

je-

jectum, ut perpetuum sit, aut factum in bonum regni, aut cum ipso rege & successoribus, aut ad tempus definitum, jam satis apparet, reale foedus esse. In dubio favorabilia, ut pacis aut commerciorum causa facta foedera, realia sunt: odiosa vero, e. g. quæ fiunt propter bellum offensivum (quia magis ad onera accedunt) sunt personalia; imprimis, quod in foedere ad bellum quodvis præsumitur ratio habita prudentiæ & pietatis ejus; quocum agitur, ut qui non modo non injuste, sed nec temere bellum suscepturus videtur.

Grot. d. c.  
16. §. 16.  
n. 3.

*XX. At vero societates morte finiuntur, & præterea foedera jurejurando confirmantur, quod ad hæredes non transit?*

*R.* Cum societates ex amicitia oriuntur, & ex consideratione singularis industriæ, quæ ad heredem non transeunt, natura societatum exigit, ut morte finiantur: verum in tali foedere rex, ut caput populi, contraxit, populus autem non moritur; hinc mirum non est, si successores obligentur, qui sunt caput hujus, ut modo dictum, non alterius populi. Et licet foedera plerumque juramenti confirmentur,

Feld. ad  
Grot. b. c.  
§. 16. n. 4  
Grot. d. c.  
16. §. 16.  
n. 4. aliter.

Grot. d. c.  
16. §. 16.  
n. 5. c. 13.  
§. 17.

V 4 tamen

tamen cum in ipsa promissione, cui majoris religionis causa jusjurandum adjicitur, satis sit efficaciam; hæc obligatio ex' promissione ad hæredes transit.

**XXI.** *An fœdus, cum Rege initum, extenditur ad Regem regno pulsum?*

Grot. d. c.  
16. §. 17.  
Junge supra l. 1. c.  
4. q. 24. &  
c. præc. q. 6.

R. Cum jus regni penes ipsum maneat, si injuste possessionem amiserit, cum Rege initum fœdus manet, etiam si Rex ipse, aut successor, regno à subditis sit pulsus.

**XXII.** *An ad regni invasorem extenditur?*

Grot. d. c.  
16. §. 13.  
plura vid. supra l. 1. c.  
4. q. 19.  
& c. præc.  
9. 5.

R. Negatur, nisi vel per pactionem secutam, vel per victoriam plenissimus istius regni dominus fuerit constitutus.

**XXIII.** *Quodnam est aliud interpretandi genus ex conjecturis, extra verborum significationem?*

Grot. d. c.  
16. §. 20.  
Puf. l. 5. c.  
12. §. 17.

R. Verborum quidem unicus est usus, scil. animi sensa exprimere; & hinc non improbabile est, illum verborum sensum animo loquentis fuisse observatum, qui ab usu communi non penitus abhorret, sive istam conjecturam sumamus ex materia, sive ex effectu, sive ex conjunctis origine aut loco; tamen

Conf. qu. 8.  
& 9. b.

men cum mens loquentis interdum alia sit, quam verba præ se ferunt, aliis conjecturis opus est, & quidem certissimis, quæ mentem evincant. Id quod fit duobus modis, vel per interpretationem extendentem seu extensivam, ut loquuntur, vel coarctantem seu restrictivam.

XXIV. *An utraque æque facile procedit?*

R. Non; quæ extendit interpretatio difficilius procedit, facilius quæ arctat. Nam sicut in rebus omnibus, ut effectus non sequatur, satis est, unam deesse causam, ut vero nascantur, omnes convenire oportet, ita & in obligatione conjectura extendens obligationem non temere admittenda est; quia extra verba promittentis hinc conjecturam quærimus. Nec similis ratio semper sufficit, nec eadem, quia sæpe voluntas est causa per se sufficiens, etiam sine ratione illa, ut in omnibus privilegiis, quæ non extenduntur, neque propter similem rationem, neque propter eandem.

Grot. & Puf. d. l. Suarez. de LL. l. 6. c. 4. n. 6. & seqq.

§. 6. l. de I. N. G. & C.

XXV. *Quando ergo locum habet hæc Interpretatio?*

R. Interdum propter similitudinem rationis, ut in favorabilibus; ut plurimum

Grot. d. c. 16. §. 20. & Puf. d. c. 12. §. 17.

num autem, & (ut recte fiat) propter eandem rationem: & quidem opus est, ut constet, rationem, sub qua venit casus, quem volumus comprehendere, esse causam unicam & efficacem, quæ legislatorem vel promittentem moverit, eamque rationem ab eo consideratam in sua generalitate, ita ut eandem ad præsentem quoque casum voluisset applicare, si quidem eum prævidisset: Idque ideo, quia alioquin lex aut promissio futura fuisset iniqua aut inutilis; e. g. pactio, ne quis locus muris cingatur, facta est eo tempore, cum non aliud esset muniendi genus: is locus ne aggere quidem aut vallo cingi poterit, si satis constet, prohibendi muros unicam fuisse causam, ne iste locus muniretur, & ad vim depellendam fieret idoneus. Huc pertinent ea, quæ à Jctis traduntur de his, quæ fiunt in fraudem legis.

l. 26. § 30.  
D. de LL.  
Ziegl. ad  
Grot. b. c.  
§. 20.

**XXVI.** *An mandatum impleri potest, non per idem quod mandator præscripsit, sed per aliud eque utile, aut utilius?*

Grot. d. c.  
16. §. 12. in  
fin. Boecl.  
in dissert.  
de relig.  
mand. Puf.

**ꝛ.** Distinguendum inter mandatum imperantis, seu quod per imperium superioris injungitur, & mandatum committentis, seu quod ex contractu ultro-

ultroneo suscipitur. In hoc aliquando  
 mandatum potest impleri per æqui-  
 pollens, seu per utilius vel commo-  
 dius, scilicet, quando mandatum non  
 erat præscriptum sub speciali sua for-  
 ma, sed sub consideratione generalio-  
 ri, quæ aliter quoque obtineri possit;  
 tunc enim non verba, sed mentem re-  
 spicimus; e. g. mandavi tibi, ut fide-  
 jubes pro Titio apud Sempronium,  
 tu non fidejussisti, sed mandasti Sem-  
 pronio, ut crederet Titio: si jam ali-  
 quid eo nomine Sempronius præstitit,  
 me convenire poteris, quia obtinui fi-  
 nem meum, qui erat, ut crederetur  
 pecunia Titio à Sempronio. In illo (scil.  
 mandato imperantis) regulariter id fie-  
 ri non potest, quia superior non nisi  
 meram executionem injunxisse cense-  
 tur: nam alias dissolveretur officium  
 imperantis, si quis ad id, quod facere  
 jussus est, non responderet debito ob-  
 sequio & consilio non desiderato; &  
 sæpe resp. in casum daretur, si pro-  
 prio ausu minister partes imperanti pro-  
 prias sibi vindicare vellet. Interdum  
 tamen, per expressam clausulam, in  
 mandato licentiam accipiunt ministri  
 & legati, ut supplere aut immutare in  
 eo aliquid possint, si ratio & tempus  
 id postulent.

*l. 5. s. 4. §. 5.  
 l. ult. D.  
 mand. &  
 ibi Gioffa.*

*Ziegl. ad  
 Lanc. 3.  
 tit. 1. §. 18.*

*Pascbat.  
 de legat. 6.  
 56. & seq.  
 Linn. A.  
 B. cap. 19.*

XXVII. Unde petitur interpretatio restringens, extra significationem verborum, quæ promissionem continent?

Grot. c.  
16. §. 12.  
Puf. d. l.  
5. c. 12. §.  
19.

l. 5. §. 3.  
D. de jur.  
immun.  
jung. l. 5.  
§. 3. D.  
de capt. &  
post. revers.

R. Petitur vel (1.) ex defectu originario voluntatis, vel (2.) ex casûs emergentis repugnantia cum voluntate. Defectus originarius intelligitur ex absurdo, quod aliàs sequeretur; nemo enim credendus est velle absurda, e. g. præceptor convenit cum discipulo, ne honorarium ipsi solvatur, si discipulus causam non obtinuerit. Absolutis studiis, discipulus negat honorarium: præceptor ad judicem eum vocat, qui eum condemnat ad solvendam honorarium; nam discipulus se non potest tueri exceptione pacti, quippe cum in eo ineundo de hoc cogitatum non fuerit, & absurdus foret, qui suo pacto efficeret, quominus obtineret, quod ex eodem pacto ipsi debetur. Vel (3.) ex cessatione rationis, quæ voluntatem unicè movet, e. g. negotiatores, qui annonam urbis adjuvant, item navicularii, qui annonæ urbis serviunt, immunitatem à muneribus publicis domesticis consequuntur, quia iis peregrè cum labore & periculo funguntur; hæc immunitas cessat, si non amplius sint

sint in ejusmodi actu. Vel (4.) ex materia defectu, nam ea semper intelligenda est obversari animo loquentis, etiamsi verba latius pateant, e. g. aliquis acquirit feudum pro se & hæredibus suis; per hos intelliguntur tantum descendentes masculi, seu hæredes feudales.

Struc.  
Synth. 7. F.  
c. 4. a/b.  
12. n. 6.

**XXVIII.** *Si res comprehendatur sub ratione, secundum potentiam moraliter consideratam, quid juris?*

¶. Restrictio facienda non est. Sic, si cautum sit, ne exercitus aut classis aliquò ducatur, non poterit duci, etiam animo non nocendi: quia in pactione non certum damnum, sed periculum qualecunque spectatum est, quod moraliter à tali exercitu aut classe timeri potest, si in tali loco versetur.

Grot. d. c.  
16. §. 25.  
Puf. l. 5. c.  
12. §. 20.

**XXIX.** *An promissa in se habent hanc tacitam conditionem, si res maneat eo quo sunt loco?*

¶. In genere negatur; quia cum hæc conditio promissum reddat irritum, est odiosa, & sic non præsumitur, sed expresse addi debet. Interdum tamen tacitam istam conditionem in se habent, scilicet quando apertissime patet, statum illum præsentem in unica illa (quam modo diximus) ratione inclusum

Grot. d. c.  
16. §. 25.  
n. 2.  
Ziegl. b. c.  
§. 25. Puf.  
d. l. 5. c. 12.  
§. 20. in fin.



clusum esse. Sic passim in historiis legimus, legatos à suscepto itinere domum rediisse, quod res ita mutatas intelligerent, ut tota legationis materia aut causa cessaret.

**XXX.** *Quot modis potest dijudicari, utrum casus, qui postea emergit, pugnet cum voluntate, nec ne?*

Grot. d. t.

16. §. 26.

Puf. d. c.

12. §. 21.

Frantz. in

Dig. de

L. l. §. 78.

§. seqq.

**xx.** Repugnantia casus emergentis cum voluntate potest dijudicari duplici modo: nam aut voluntas colligitur ex naturali ratione, aut ex alio signo. Ex naturali ratione subsidio æqui-prudentiæ in intellectu, & æquitatis in voluntate; quæ æquitas est correctio ejus, in quo lex (suo modo & ad testamenta & ad pacta hæc referri possunt) deficit, ob universalitatem: seu est æqua & commoda legis interpretatio, qua ex naturali ratione ostenditur, casum quendam peculiarem sub lege generali non comprehendi, & ipsum legislatorem excepturum eum fuisse, si tempore latæ legis casum istum prævidisset. Id quod fit, quando casus repugnat juri naturæ aut divino, ad quod legislator subditos obligare non potest, e. g. si fur rem furtivam deponat, lex quæ vult, ut deponenti res restituatur, non obligat, si  
verus

verus dominus superveniat & rem repetat.

**XXXI.** *Estne ad hoc aliud indicium, legislatorem vel promittentem non voluisse casum comprehendere?*

**II.** Secundum indicium est, si verba sequi non quidem per se & omnino illicitum sit, sed æque & humaniter rem æstimanti nimis grave atque intolerabile: sive (1.) absolute spectata humana conditione (quædam enim omnibus hominibus intolerabilia videntur, e. g. fames; sit ergo lex de certis panibus vel cibis non comedendis, ea in casu extremæ necessitatis non obligabit) sive (2.) comparando personam & rem, de qua agitur, cum ipso fine actûs, ita ut tuac huic personæ hoc grave videatur & incommodum. Sic, qui rem ad dies aliquot commodavit, intra eos dies repetere eam poterit, si ipse re valde egeat, quia actus tam benefici ea est natura, ut non credendus sit quisquam, ad magnum suum incommodum sese voluisse obligare. Sic qui auxilium fœderato promisit, excusabitur, quamdiu ipse domi periclitatur, in quantum copiis opus habet; prima enim defensionis causa est subdito-

Geot. d. 6.  
16. §. 27.  
Puf. l. 5. c.  
12. §. 22. &  
l. 3. c. 7. §. 5.

c. 25. §.  
1. n. 2. &  
l. 1. c. 5. §.  
3. in fin.

ditorum, qui sunt pars imperantium.

XXXII. *An servanda sunt promissa, quæ iis, quibus promissisti, sunt inutilia, aut si tibi plus noceant, quàm illis prosint?*

Grot. d. c.

16 §. 27.

n. 2. Puf.

l. 5. c. 12. §.

22. in fin.

ꝛ. Non quidem promissorum semper est judicare, an res utilis sit futura istis, quibus promissa est, nec ne, tamen si promissor sit superior, & cura eorum, quibus promissum est, ipsi incumbat, de eo judicare potest, & non semper cogitur illud servare; vel si superveniat aliquid, cur natura prohibeat promissum præstare, ut furenti gladium depositum reddere. Nec etiam quodlibet nocuum liberat promissorem à sua obligatione; nam omnis gratuita promissio videtur conjuncta cum aliquo onere, sed tale oportet fit, quod pro natura actûs credi debeat exceptum. Sic qui operas vicino ad dies aliquot promissit, non tenetur, si morbus fonticus patris aut filii ipsum detineat.

XXXIII. *Quænam sunt alia signa, quæ ostendunt, certum casum à lege vel pacto, universaliter concepto, esse exceptum?*

Grot. d. c.

16. §. 28.

ꝛ. Quando verba alio loco posita cum præsentis lege aut pacto non quidem

dem directè pugnant, sed tamen, per incidentem singularem casum, inter se ita committuntur, ut licet diverso tempore servari & impleri potuissent, non tamen possint eodem & hoc tempore, quo incidit hic singularis casus. Hic ergo tenendæ sequentes regulæ: (1.) Illud, quod tantum permittitur, cedit ei, quod jubetur; nam permissioni tantum inest libertas faciendi vel omittendi, jussus autem involvit necessitatem faciendi & omittendi, atque in præsentī casu libertatem tollit, e. g. si lege permittatur, ut omnis civis Romanus possit habere concubinam, tempore belli autem constituitur mulierem in castris miles non habeto, prior lex cedit huic posteriori. (2.) Quod faciendum est certo tempore, seu ubi obligatio concurrit, cui saltem potest satisfieri hoc præsentī tempore, id præfertur ei, quod quovis tempore potest fieri, seu illi obligationi, quæ impleri potest quovis tempore, e. g. promisi operam annuam, quæ potest impleri quovis tempore & quavis hora diei; sed eandem operam promisi alteri, quæ potest tantum præstari certo tempore, seu certa hora in die; hæc posterior obligatio præfertur priori. Hinc tamen apparet, non posse uni & eidem

X

vel

Ziegl. b. 4  
S. 231

*Ziegl. d. l.*

*l. 80. de  
R. J. &  
ibi Jac. Go-  
thof.*

*Capit. Leop.  
art. 39.*

*A. B. tit.  
7. Inst.  
Jur. Publ.  
p. 375.*

vel injungi, vel ab eo promitti, quod simul expediri nequit, & quorum neutrum fert dilationem. (3). Affirmativum præceptum cedit negativo, scilicet si impleri non possit, nisi per violationem præcepti negativi; præcepta enim negativa semper obligant, & ad semper, seu nunquam licet malum facere; affirmativa verò semper, sed non ad semper, scil. tunc demum, quando adest occasio agendi. Sic corium non debemus furari, ut pauperibus eleemosyna detur, vel ut ipsis gratis fiant calcei. (4.) Inter conventiones legesque qualitatibus pares præfertur quod magis est peculiare, & ad rem propiùs accedit: nam specialia solent esse efficaciora generalibus; e. g. sit lex, ut Imperator in negotiis magni momenti adhibeat consensum Electorum, etiam omnium Statuum interdum. Sit alia lex, quando Electoratus vacat, Imperator de ipso debet & potest providere, tanquam de re ad se & Imperium legitimè devoluta. Hic sequimur legem specialiozem, & Imperator providebit non adhibito Electorum vel Statuum consensu. (5.) Si sint duæ leges prohibitivæ, & casus emergat, ut uni ex duabus prohibi-

tio-

tionibus sit contraveniendum, illa tunc videtur permiffa, quam violari minoris interest; e. g. fit lex, nullus ex subditis nostris huic vel isti regi militet; fit altera, nullus ex subditis nostris eadem regi pecuniam vel quicquam aliud contribuat. Huic posteriori potius, quam priori contraveniendum, si casus emergat, ut aut militet, aut pecuniam solvat. (6.) Si sint duæ leges vel præstationes, quæ in certo articulo collidunt, quarum una habet causas magis honestas vel utiles, quàm altera, hæc cedit priori; e. g. promiffi operas bellicas primo foederato, eandem promitto foederato posteriori, sub cujus protectione, forte etiam sumptibus cujus vivo: casus autem emergit, ut uterque foederatus opus habeat operâ bellicâ; promiffio posterior præfertur, quia habet causas magis honestas & utiles, propter fortior obligationem. (7.) Propter eandem rationem, quando duo pacta, juratum & injuratum, simul nequeunt impleri, certo eventu præferendum erit id, cui adest jurisjurandi religio. (8.) Obligatiõni perfectæ mutuæ, homines utrinque respicienti, cedit obligatio imperfecte mutua, Sic quæ

*Puf. l. 5. c. 12. §. 23.*

*Grøt. l. 2. c. 15. §. 13. n. 4.*

*Puf. d. l. 5. c. 12. §. 23.*

ex contractu debentur, potius solvenda sunt, quàm quæ ex promisso gratuito. (9.) Lex beneficentiæ cedit legi gratitudinis, cæteris paribus, quia favorabilius est debitum grati animi, quàm beneficentiæ; in illo enim reddimus, quod debemus, in hoc vero damus aliquid gratis. (10.) Inter leges, quæ à potestatibus subordinatis proficiscuntur, lex inferioris cedit legi superioris, ubi utrique simul satisfieri nequit; sic Deo magis, quàm hominibus est obediendum.

Grot. l. 1. c. 4. §. 6. n.  
3. l. 2. c.  
26. §. 3.

**XXXIV.** *Contractus, an in dubio censetur esse perfectus, antequam scriptura confecta est.*

*Et tradita?*

Grot. d. c. 16. §. 30.  
l. 1. c. de fide instr. Str. 28.  
th. 34. Grot. l. 2. c. 15.  
§. 16. l. 3. c. 22. §. 12.

Nisi aliud convenerit, in dubio credendum, scripturam adhiberi ut monumentum contractus, non ut substantiæ ejus partem. Alioquin exprimi id solet, ut interdum in induciis, in pace, in foederibus, quæ rata non sunt ante conscriptas condiciones, nec ante mutuam superiorum ratihabitio- nem, & instrumentorum traditionem.

**XXXV.** *An contractus regum, & eorum, qui summam habent potestatem, sunt interpretandi ex jure Romano?*

R. Non,

R. Non, quia hoc jus est civile, quod summas potestates non obligat; nisi forte appareat, inter quosdam populos jus istud in his, quæ sunt juris gentium, etiam receptum esse: quod tamen temere non est præsumendum, quia obligationem inducit.

Grot. l. 2. c. 11. §. 5. n. 3. c. 16. §. 31.

XXXVI. *An debemus magis attendere verba conditionem offerentis, an accipientis?*

R. Attendi debent verba ejus, cujus favorem conditio continet. Si contineat offerentis favorem, & verba non sint clara, contra ipsum ea interpretamur; sin contineat favorem accipientis, & verba non sint clara, contra ipsum ea interpretamur; nam hic clariùs debuit exprimere ea, quæ voluit in sui favorem esse adjecta.

l. 39. D. de post. l. 21. §. 34. in pr. de contr. emt. Grot. d. c. 16. §. 32. aliter.

XXXVII. *Si conditio nondum sit acceptata, an is tenetur, qui obtulit, an verò eum pænitere potest?*

R. Non tenetur, qui obtulit, quia nullum adhuc jus quæsitum est ei, qui acceptare debuit, & oblatio conditionis minus est promissione.

Grot. l. 2. c. 11. §. 14. c. 16. §. 32. in fin.



## CAPUT XVII.

## De damno per injuriam dato, &amp; obligatione, quæ inde oritur.

- I. Quid sit *damnum injuria datum*.
- II. Qualis oriatur *obligatio ex damno dato*.
- III. Quot modis aliquid *nostrum esse dicatur*.
- IV. An sola *aptitudo verum & perfectum jus tribuat*.
- V. An tantum *jus petendi juxta alios*.
- VI. An is, cui *magistratus collata mandata est, reip. teneatur ad eligendum eum, qui dignus sit*.
- VII. In *damni aestimatione, an tantum aestimetur res ipsa, an etiam fructus*.
- VIII. Quinam, *præter eum, qui immediate damnum dedit, teneantur*.
- IX. Quid si *sine eorum actu aut neglectu, is qui damnum dedit, certus fuerit id ipsum dare*.
- X. Quo *ordine conveniantur*.
- XI. Si *plures delictum commiserint, an singuli teneantur in solidum, an pro parte damni dati*.
- XII. Quibus *exemplis hæc illustrentur*.
- XIII. Ad quid *teneatur is qui contractui aut promissioni causam dedit dolo, vi, aut metu injusto*.
- XIV. Quid si quis *ipse in causa sit, cur vim pati, aut metu cogi debeat*.
- XV. An *potestates civiles teneantur ex damno, à subditis per latrocinia & piraticam dato*.
- XVI. Quid si *eorum milites vel ministri, contra ipsorum imperium, amicis noceant*.
- XVII. An *dominus teneatur ex damno ab animali suo dato*.
- XVIII. An *damnum adversus honorem & famam dari possit*.

I. Quid est *damnum injuria datum?*

§. 3. l. de  
L. A. l. 44.  
D. cod.  
Grot. l. 2.  
c. 17. §. 2.  
§. 2.

Re. **D**amnum injuria datum est maleficio seu delictum, quo dolo vel culpa res alterius læditur. Seu in genere, cum quis minus habet suo.

II. Qualis oriatur *obligatio ex damno dato?*

Re. Na-

R. Naturaliter oritur inde obligatio, ut id resarciatur. Nam natura unicuique indidit tam tenerum sui & eorum, quæ ad ipsum pertinent, amorem, ut omnibus modis nitatur repellere eum, qui damnum ipsi infert, adeo ut, nisi desistat, & damnum datum repararet, justam videatur habere bellandi causam; cumque præterea velit natura, ut in societate civili ordinata & rectæ rationi convenienti tranquille vivamus, necessarium fuit præceptum de tribuendo unicuique, quod suum est, de nemine lædendo, aut si quis fuerit læsus, etiam culpa, de damno isto resarciendo.

d. c. 17. §.  
1. Puf. l. 3.  
c. 1. §. 1.  
aliter.

Grot. l. 1.  
c. 2. §. 1.  
n. 1.

III. *Quot modis aliquid nostrum esse dicitur?*

R. Nostrum est, quod nobis competit, sive ex mera natura, sive accedente facto humano, puta dominio, aut pacto, sive ex lege. Natura ad nos pertinet vita, non quidem ad perdendum, sed ad custodiendum, corpus, membra, fama, honor, actiones propriæ. De dominio & pactis supra dictum. Ex lege jus nobis oritur, quia idem aut plus lex potest in nos & nostra, quam singuli in se & sua. Sic pupillus jus habet, exactam diligentiam

d. c. 17. §.  
2. n. 1.

Grot. l. 1.  
c. 1. §. 6.  
d. c. 17. n.  
1. in fin.

quandam exigendi à tutore, respública à magistratu, imò & cives singuli, quoties lex id expressè, aut per sufficientem consequentiam, significat.

IV. *An etiam ex sola aptitudine jus perfectum acquirimus, ut inde oriatur restitutionis obligatio, si occasione ejus damnum aliquod patiamur?*

Grot. l. 1.  
c. 1. §. 7.  
d. c. 17. §.  
2. n. 2.  
Ziegl. b. l.

R. Sola aptitudo verum & perfectum jus seu dominium non tribuit, quia id, ad quod apti sumus, non statim nostrum est; & sic eo interverso, super damno accepto queri non possumus.

V. *Sed annon ex hac aptitudine jus verum habeo petendi juxta alios?*

Grot. d. c.  
17. §. 3.  
Puf. l. 3.  
c. 1. §. 3.  
in med. l.  
un. D. & C.  
ad L. Jul.  
de ambitu.  
& ibi  
Brun.

R. Quamvis civis, etiam non indignus, adversus civitatem non habeat jus proprium ad officium aliquod, habet tamen verum jus petendi juxta alios, in quo si per vim aut fraudem ab alio impediatur, exigere potest æstimationem, non quidem totius rei expetitæ, sed incerti istius damni, seu spei incertæ obtinendi munus petitum.

VI. *Quando resp. alicui mandat collectionem magistratus, an contra eum habet jus verum?*

R. Resp.

R. Resp. adversus talem mandatarium habet jus proprium & verum, ira ut, si ex indigni electione damnatum fecerit, ille hoc resarcire teneatur.

d. c. 17. §. 3.

VII. *An tantum estimatur damnum, quod datum est in ipsa re nostra?*

R. Damnum aliquis fecisse intelligitur, non in ipsa re tantum, sed & in fructibus, sive illi percepti sint, sive non: si tamen ipse eos percepturus erat: deductis quoque impensis in fructus factis, & in rem necessariis & utilibus; idque ex regula, quæ nos vertat locupletiores fieri cum aliena jactura. Sic & spes lucri ex nostro aestimabitur secundum propinquitatem ad actum, ut in semente spes messis, prout hæc vel instat, vel remota est.

d. c. 17. §. 4. Ziegl. b. l.

d. c. 17. §. 5.

VIII. *Suntne alii, quàm ille ipse, qui immediate dat damnum, qui tenentur?*

R. Affirmatur, & quidem interdum alii tenentur, qui momentum attulerunt, aut ad totum damnum, aut ad partem, vel faciendo vel non faciendo, idque vel primario vel secundo. Et primario quidem is, qui jubet, qui consensum requisitum adhibet, qui adjuvat, qui receptum præstat, aut qui alio modo in ipso crimi-

d. c. 17. §. 6. seqq. Ziegl. ibi.

ne participat; item, qui vetare debet præcepto, aut opem ferre ei, cui fit injuria, & id non facit. Secundario tenetur, qui consilium dat, laudat, assentatur: item qui non dissuadet, cum debeat, aut factum reticet, quod notum facere debet; sive hoc debitum oriatur ex lege (sic vasallus vel subditus revelare debet domino vel seniori, consilia contra ipsum suscepta) sive ex officio; sic quilibet magistratus, vel officialis, suo superiori tenetur ad omne damnum, quod ex silentio circa ea, quæ concernunt officium, in ipsum redundat.

2. Feud. 6.  
& 7.

IX. *Sed quid juris, si ille, qui damnum dedit, certus fuerit, id ipsum dare, etiamsi alii non concurrissent?*

Ziegl. b. c.  
§. 10.  
Frantz. Ex.  
12. quest. 5.  
Gros. d. c.  
17. §. 10.  
aliter.

R. Tamen hi laudatores sunt puniendi, quia laudando augent malitiam; licet non semper teneantur ad damni reparationem. Sic & illi tenentur, qui suaserunt vel juverunt ideo, quia si ipsi hoc non fecissent, alii defuturi non fuissent, qui suaderent aut juverent: nam sicut hi obligarentur ex delicto, si fecissent, ita & illi, quia fecerunt.

X. *Quonam ordine conveniuntur?*

R. Uter-

℞. Uterque quidem hîc obligatur, & mandans & mandatarius; verum quia patrator facinoris immediate dedit damnum, & scire debuit, rei turpis mandatum non obligare, primus convenitur, & post eum cæteri, qui mandarunt, vel alio modo damnum dederunt.

Ziegl. b. c.  
§. II. Grot.  
d. I. §. 11.  
aliter. Kul-  
pis Ex.  
Grot. 8.  
b. c.

XI. *Quid si plures delictum commiserint?*

℞. Aut (1.) actus est individuus, ad quem multi concurrunt, sed ita, ut ex unius opera integer actus potuerit sequi, neque singulis certa pars possit assignari, ut est incendium, aggerum perfossio, & similes actus, tunc singuli tenentur in solidum: ita tamen, ut si omnes simul deprehendantur, æquales damni partes singuli sarcire debeant; & ubi, reliquis elapsis, unus tantum deprehenditur, ab ipso solidum, scilicet non tantum damnum quod dederunt, sed & omnia quæ ex actus vi sequuntur, exigi possint. Item, si ex deprehensis aliqui non sint solvendo, hoc onerat reliquos. Et in hoc differt reparatio damni ab exactione pœnæ, quod ibi, uno solvente, reliqui liberantur (cum idem damnum bis reparari, æquum non sit) hîc solida pœna singu-

Puf. l. 3.  
c. 1. §. 5.  
Grot. d. c.  
17. §. 11.  
Str. Ex.  
14. tb. 47.  
Ex. 49. tb.  
50.

Grot. l. 3.  
c. 10. §. 4.

singulis, qui ad idem facinus concurrerunt, infligitur; justum enim est, ut qui malum fecit, malum ferat. Aut (2.) actus est dividuus, ubi nempe singulis certa velut pars assignari potest: ut si plures fustibus alium invadant, quorum unus capiti vulnus infligit, alter brachium rumpit, tertius oculum excutit &c. tunc singuli non de tota læsione, sed quisque de eo, quod fecit, tenetur. Etsi per modum poenæ, si reliqui elabantur, & unus deprehendatur, interdum deprehensus pro omnibus solvat.

XII. *Quibus exemplis hæc illustrantur?*

Grot. d. c.  
17. §. 13.

Puf. l. 3.  
c. 1. §. 7.  
Ziegl. b.  
c. §. 13.  
sed aliter.

¶. Homicida injustus tenetur solvere impensas, si quæ factæ sint in medicos, & iis satisfacere, quos occisus alere ex officio solebat, puta parentibus, uxori, liberis, scilicet dare tantum, quantum illa spes alimentorum, ratione habita ætatis occisi, valebat: non autem lucrum speratum & incertum, quod occisus facere potuisset, si diutius vixisset. Nam tale lucrum non est inter bona nostra, & futurum tempus æque ad damna, quam ad lucra patet. Sic qui mutilavit, tenetur ad impensas, & ad æstimationem ejus, quod

quod jam is qui mutilatus est, minus poterit lucrari. Ita & cicatrices interdum æstimantur, ut si puellæ innuptæ facies deformetur, quæ nubere non potest, nisi ampliore dote constituta, nam oris gratia sæpe est dotis instar. Sic adulter & adultera tenentur non tantum maritum indemnem præstare ab alenda prole: nam ad pullos supposititios pro suis alendos nemo tenetur; sed & legitimis liberis, qui jure naturæ in successione bonorum parentum præferuntur illegitimis, rependere, si quod damnum patiantur, ex concursu ita susceptæ prolis ad hæreditatem. Qui virginem imminuit vi aut fraude, tenetur ei refarcire, quanti minoris ipsi valet spes nuptiarum: imò & ducere tenetur, si ea promissione corporis usuram impetraverit; jure enim naturæ inter pactum matrimonii, ejusque executionem, nullum requiritur interval- lum: & cum solus consensus nuptias faciat, non erit turpis conditio, eris mihi uxor, si statim, tanquam uxor, corpus tuum mihi præbueris. Fur & raptor tenentur rem subtractam redde- re, cum suo incremento naturali, & cum sequente damno, aut cessante lu- cro, & si res perierit, summam æsti- matio-

*Grot. d. c.*  
17. §. 14.  
*Boeck. l. 2.*  
c. 1. §. 6.  
*Puf. l. 3. c.*  
1. §. 8. in  
*fin. Brun.*  
ad l. 13. D.  
ad L. A.

*Grot. d. c.*  
17. §. 15.  
*Puf. §. 9.*  
*ibid. Ziegl.*  
b. c. §. 15.  
*sed aliter.*

*Grot. d. c.*  
17. §. 15.

*Puf. d. c.*  
1. §. 10.

*Ziegl. b. c.*  
§. 16. *Puf.*  
d. l. §. 11.  
*Grot. d. c.*  
17. §. 16.  
*aliter.*



mationem; si enim, ubi invitus rem vendo, ex affectione illam aestimare possum, cur furi, qui invito mihi auferat aliquid, remittere hoc deberem?

*Brun. l. fin.  
D. de furt.  
Str. Ex. 4.  
8. tb. 22.  
Carpz.  
prax. crim.  
q. 80. n. 10.*

Et si fur sit suspensus, hæredes ejus ad idem mihi obligantur, quia sicut aliud æs alienum, ita & hoc solvere debent: nec poena huic persecutioni præjudicare potest. In hac classe ponendi sunt, qui legitima vectigalia fraudant, item qui judicio injusto, accusatione injusta testimonio injusto, damnum dederunt.

XIII. *Ad quid tenetur, qui contra-  
ctui aut promissioni causam dedit  
dolo, vi, aut metu injusto?*

*Grot. d. e.  
17. §. 17.  
C. c. 12.  
§. 8.*

ꝛ. Tenetur eum, quicum actum est, in integrum restituere, si quid ab eo acceperit; quia ille jus habuit, tum ne deciperetur, tum ne cogeretur. Illud ex natura contractus, quæ æqualitatem exigit; hoc ex naturali etiam libertate, quæ non admittit, ut alter alteri vim injustam inferat, sed vult, ut à mutua læsione abstineamus. His annumerandi sunt, qui id quod ex officio facere tenebantur, facere noluerunt, nisi pecunia accepta.

*Str. Ex. 49.  
ib. 73.*

XIV. *Si quis causam dedit, cur vim  
pati aut metu cogi debeat, ut si  
bellum alteri denunciaret?*

ꝛ. Huic

¶. Huic juri suo, scil. ne ab alio lædatur, renunciare quis potest, vel (1.) tacite, ut si quis sine justa causa alium invadat, hic omni modo vi ipsum repellere potest: nam manus propterea homini datæ sunt; vel (2.) expresse, cum scil. bellum alteri denunciatur; belli enim lex est, ut cuique liceat, quantum potest, hostem suum lædere & in persona & in rebus. Sibi ergo imputet, si lædatur, & involuntarium ex voluntario ortum, moraliter habetur pro voluntario.

Grot. d. c. 17. §. 18.  
Puf. l. 3. c. 1. §. 7.  
in med.

Grot. l. 1. c. 5. §. 1.

Grot. l. 3. c. 4. §. 7.  
n. 2. §. 3.

XV. *Quid si reges & magistratus non inhibeant latrocinia aut piraticam?*

¶. Tenentur ex neglectu, si non adhibeant, quæ debent ac possunt adhibere remedia, ad impedienda latrocinia ac piraticam. Contrà, si legibus prohibeant, ne amicis noceatur, si parati etiam sint, noxios, si reperiri possunt, aut punire aut dedere, præterea si jus in bona raptorum reddant, ipsis imputari nihil potest.

Grot. d. c. 17. §. 20.  
c. 21. §. 3.  
§ 4

XVI. *Si milites, aut terrestres, aut classarii, contra imperium, amicis noceant?*

¶. Reges non tenentur, nisi forte in culpa sint, ut si forte militibus non bene

Grot. d. c. 17. §. 20.  
n. 2. l. 3.  
c. 17. §. 2.  
n. 6.

bene solvant stipendia; tunc enim non tantum militibus tenentur de damnis inde secutis, sed & iis, quos milites inedia coacti male habuerunt.

XVII. *An, si mancipium alicujus aut animal mihi damnum dedit, aut pauperiem, dominus mihi obligatur?*

*Gabr. Vasq.  
de restit.  
c. 2. §. 2.  
Grot. d. c.  
17. §. 21.  
aliter.*

*R.* Affirmatur; cum enim ante divisionem jus habuerim, ab animali, quod mihi damnum dederit, reparationem istius quocunque modo quaerendi, per divisionem hoc jus mihi sublatum non est. Quare cum ipsum animalis corpus mihi sit obnoxium, si dominus illud retinere velit, oportet ut retineat cum juribus, quæ corpus istud sequuntur, i. e. ut aut æstimationem damni solvat, aut animal noxæ dedat.

XVIII. *Potestne damnum dari adversus honorem & famam?*

*Grot. d. c.  
17. §. 22.  
Ziegl. b. l.*

*R.* Dari potest verberibus, contumeliis, maledictis, calumniis, irrisu, aliisque similibus modis: & damni reparatio hinc fit culpæ confessione, exhibitione honoris, testimonio innocentiae, & per ea, quæ his similia sunt; quamquam & pecuniâ tale damnum rependi poterit, si læsus velit, quia pecunia communis est rerum utilium mensura.

CA-

## CAPUT XVIII.

## De legationum jure.

- |   |  |
|---|--|
| <p>I. Quid sit legatus.</p> <p>II. Quotuplex.</p> <p>III. Fus mittendi legatos ex quo jure fit.</p> <p>IV. Quibus competat.</p> <p>V. An illis, qui impari federe juncti sunt. An Regibus regno excutis.</p> <p>VI. Quid si civitas per bellum civile ita scindatur, ut dubium fit, à qua parte stet jus imperii.</p> <p>VII. An competat rebellibus.</p> <p>VIII. Quenam in hac materia de legatis ad jus naturæ &amp; gentium referri soleant.</p> <p>IX. An omnes legati admitti debeant.</p> <p>X. Quot sint rejectionis causæ. Quid si quis legatum sine causa rejecerit.</p> <p>XI. Cur legati jure naturæ &amp; gentium sint inviolabiles.</p> <p>XII. Si legatus aliquid contra salutem reip. moliat, an occidi possit.</p> | <p>XIII. An etiam hoc in casu Principem repræsentet, &amp; an ipse Princeps occidi possit.</p> <p>XIV. An lex de non violando legato etiam obliget eum, per cujus territorium transit.</p> <p>XV. An jure talionis interfici aut male tractari possit legatus.</p> <p>XVI. An ejus comites, ministri &amp; vasa, sancta sint.</p> <p>XVII. An legatus jurisdictionem in suam familiam habeat.</p> <p>XVIII. An jus asyli in domo sua.</p> <p>XIX. An legati bona mobilia pignoris causa, vel ad debiti solutionem, capere possint.</p> <p>XX. An hoc jure creditoribus denegato, facile &amp; recte quis cum legato tracturus sit.</p> <p>XXI. Quid si violetur legatus.</p> |
|---|--|

## I. Quid est legatus?

21. **L**egatus est minister publicus, à summa potestate ad aliam similem potestatem missus, ut negotium sibi demandatum nomine mittentis proponat & tractet.

Y

II.

II. *Quotuplex est legatus?*

*Kirebn. l. 1.  
de legat.  
c. 1. n. 22.  
Limn. ad  
A. B. c. 1.  
§. 1. Obs. 8.  
Rbet. Inst.  
Jur. Publ.  
l. 2. c. 23.  
p. 456. Kul-  
pis. de le-  
gat. stat.  
Imp. c. 2.  
§ 21.*

R. Omnibus legatis debetur quidem eadem fides, & propter personam mittentis omnes sunt sancti & inviolabiles, sed cum non omnes eadem solennitate & iisd. ceremoniis recipiantur, factum est ut dividantur in legatos cum caractere repræsentativo, & eos, qui principalem suam ratione honoris & præcedentiæ non repræsentant. Et hinc alii sunt legati primi ordinis, in specie dicti *Gesandten*, alii sunt legati secundi ordinis, ablegati communiter dicti, *Abgesandten*, gallice *Envoyez*, licet hæc vocabula sæpe confundantur. Hæc distinctio usum habet ratione præcedentiæ; legatus primi ordinis præfertur legato secundi ordinis, quanquam posterioris principalis præcedentiam prætendat. Sic Rex Galliæ Viennam mittit legatos secundi ordinis, quia legatus Regis Hispaniæ in Imperatoris aula ipsi præfertur.

III. *Ex quo jure est jus mittendi legatos?*

*Grot. l. 2.  
c. 18. §. 1.  
aliter.  
Puf. l. 2.  
c. 3. §. 22.  
in fin. aliter  
Text.  
c. 14. n. 2.*

R. Jus mittendi legatos est ex eo jure, ex quo est negotium, propter quod mittuntur; si mittantur vel ad pacem faciendam, vel ad eam perfœdera & pacta magis confirmandam, jus

jus naturæ, quod vult ut in pace vivamus, eorum admissionem præcipit cum effectu, & sic specialem ipsis præstat securitatem. Si mittantur propter commercia, aut similia negotia; quæ communem necessitatem & utilitatem inter omnes gentes continent, jus gentium eos & admitti & sanctos vult haberi. Si mittantur vel ex civilitate, vel ex singulari amicitia ad congratulandum, e. g. propter matrimonium, nativitatem principis, obtentam victoriam &c. jus civile, seu potius voluntas ejus, ad quem mittuntur, eorum admissionem, & sanctitatem specialem, quam jure gentium habent, confirmat. Sic juris civilis, seu voluntariæ tantum sunt ceremoniæ, solennitates, obviations, hospitii jura specialia, i. e. ut legati vivant sumtibus & expensis ejus, ad quem mittuntur &c.

*Kulpis. E. 2.  
Grot. l. 2.  
c. 18. aliq  
ter.*

IV. *Quibus competit jus mittendi legatos?*

æ. his hoc jus competit, qui summi imperii sunt compotes inter se, quia hi soli jus habent tractandi de iis negotiis, propter quæ legati mittuntur, & ab ipsorum persona tantum sanctitas & securitas legatorum derivari possunt

*Grot. d. 7.  
18. §. 2. m)  
2. Boeck.  
dissert.  
Pol. 114*

*Horn. l. 2.  
c. 8. §. 1.  
Kirchm. l.  
1. de legat.  
c. 3.*

ac debent. Legati provinciales, municipales, seu qui mittuntur à Pro-Regibus, præsidibus, vel ducibus belli, non fruuntur juribus legatorum specialibus, seu iis quæ Legatis jure gentium competunt, sed jure civili reguntur, vel potius gaudent tantum iis juribus, quæ hæc vel ista majestas istis tribuit.

*Instr. Pac.  
art. 8. n. 2.  
in fin. Myl.  
ab Ebrenb.  
de Stat.  
Imp. part.  
1. c. 17.  
§. 15 Rhet.  
d. l. Text.  
c. 14. §. 8.  
Inst. Jur.  
Publ. l. 3.  
tit. 2. §. 71.  
& seqq. &  
tit. 19. §.  
153.*

Principes Imperii Romano-Germanici, quia ipsorum potestas est majestati analogæ, & quia jura belli, foederum &c. ipsis conceduntur, legatos mittere possunt, etiam cum caractere. Quo accedit, quod alii reges legatos ad ipsos mittant, & ipsorum legatos agnoscant: licet forte solennitates solitæ in regum legatis in receptione ipsorum non adhibeantur. Hæc enim, ut modo diximus, non sunt juris naturæ vel gentium, sed pendent à voluntate istius, ad quem mittuntur.

*V. Quid dicendum de iis, qui impari fœdere juncti sunt?*

*Grot. d. c.  
28. §. 2. n.  
2. c. 15. §.  
7. n. 1.*

R. Si foedus non contineat imminutionem majestatis, legatos mittere possunt. Idem dicendum de iis, qui ex parte subditi sunt, ex parte non sunt, pro ea scil. parte, qua subditi non sunt, hoc jure gaudent. At reges, qui bello solenni victi, regnoque exuti sunt,

cum

cum aliis regni bonis & jus legandi per-  
diderunt. Item, qui regnum dereli- d. l. §. 2.  
querunt; item qui pulsi sunt regno, n. 2.  
ita ut nullum jus retinuerint; item qui  
abdicarunt regnum.

VI. *Quid si civitas scindatur in par-  
tes æquales, quarum utraque sum-  
mum affectat imperium, ut dijudi-  
cari vix possit, utri istud competat,  
& quæ superior haberi debeat?*

R. Necessitas huic juri locum facit, Grot. d. c.  
& hoc eventu gens una pro tempore 18. §. 2. n.  
quasi duæ gentes habetur. Imo fieri 3. Ziegl.  
potest, ut nunquam deinceps in unum de jur. maj.  
populum redeant & coalescant, sed l. i. c. 32.  
pro una gente duæ posthac semper ma- §. 9.  
neant, quarum unaquæque absoluto  
imperio & regimine summo utatur.  
Idem dicendum, quando jure admo-  
dum controverso de regni successione  
decertant.

VII. *An rebelles habent jus mit-  
tendi legatos?*

R. Non; & hinc eorum legati ple- Kirchn. l.  
rumque in carcerem conjiciuntur: at 1. c. 13. n.  
ne media reconciliationis & excusatio- 38. Alber.  
nis ipsis adimantur, eorum deputati Gent de  
repelli non debent, præsertim si de legat. l. 2.  
innocentia sua docere velint. Sic pira- c. 2.  
tæ, latrones, proscripti, quia civita- Grot. d. c.  
tem 18. §. 2. n.  
3. in med.



tem non faciunt, jure gentium niti non possunt, sed interdum tales qui sunt, jus legationis nanciscuntur fide data.

VIII. *Quenam in hac materia de legatis ad jus naturæ & gentium referri solent?*

Grot. d. c.  
18. §. 3. n.  
1.

R. Duo sunt: prius, ut admittantur; quamvis & hoc interdum pendeat à voluntate ejus, ad quem mittuntur, vid. q. 3. in fin. deinde, ne violentur.

IX. *An jus naturæ & gentium omnes legatos admitti præcipit?*

Grot. d. c.  
18. §. 3. n.  
2. Feld. b. l.  
Horn. c. 8.  
§. 2. n. 3.  
Ziegl. de  
jur. maj.  
l. 1. c. 32. §.  
11. Text. c.  
14. §. 28.  
aliter.

R. Non, sed vetat sine causa rejici: secus, quam quando admissio pendet tantum à voluntate ejus, ad quem mittuntur; licet sic peccetur in civilitatem vel amicitiam singularem.

X. *Quot sunt causæ rejectionis?*

Grot. d. c.  
18. §. 3.  
p. 2. Ziegl.  
d. c. §. 11.

R. Causa potest esse (1.) ex eo, qui mittit, ut si ille qui mittit, alterius Populi, ad quem mittuntur, legatos antehac rejecit ipse: aut si callida legationis simulatione sæpe antehac alterum decepit, & nunc simile deceptionis metuatur artificium; quod autem veniat ab hoste armato, id non videtur semper esse justa repudiij causa, (2.) Ex eo, qui mittitur; ut, si odiosa fuerit legati persona, si crimine in admit-

ten-

rentis territorio commisso notata, si perfida in principem fuerit, ad quem mittitur, si contumeliis antehac eum profciderit &c. Huc non refertur, si legatus veniat ab hoste, & antè fuerit subditus ejus, ad quem mittitur. (3.)

Ex eo, ob quod mittitur, ut si aperte constet, legatum non venire, ut agat id, quod palam profitetur, sed ut seditiones moveat, concitet populum; aut si non ex dignitate aut temporibus conveniens sit legatio; ut, si plures, arcto foedere uniti, pacem non sint facturi, antequam hostem superbum & perfidum intra justos limites ad restitutionem inique ablatorum coegerint, viresque nocendi ita ademerint, ut justa ultione posthac securitati suæ consultum esse appareat, & ille malo suo delinquere dedoceatur. An autem justa sit rejectionis causa, si legatio debeat esse perpetua, seu an jure rejicere possimus legatos perpetuos, qui Residentes vocari solent? dubitatur. Cæterum, si sine justa causa aliquis rejiciat legatos, non tantum peccat contra officium, sed & contra jus humanitatis, ita ut, cæteris paribus, hæc possit esse justa belli gerendi causa.

*Kulpis. d.  
Ex. 8. c. 18.  
§. 2. in fin.  
Grot. b. c.  
§. 3. n. 2.  
in fin. &  
Ziegl. b. l.  
aliter.*

XI. *Cur legati jure natura & gentium sunt inviolabiles?*

Horn. d. c.  
8. §. 8.  
Ziegl. §.  
13. Grot.  
b. c. §. 4.  
n. 5. aliter.

R. Quia legatus subit principis vi-  
ces, qui cum majestate gaudeat, æ-  
qualis censendus erit principi, ad  
quem missus est, & sic neutiquam co-  
gendus, ut discrimen judicii subeat.  
Et quemadmodum princeps, alterius  
territorium ingrediens volente domi-  
no, quamdiu se hostem peregrinæ  
reip. non profitetur, eo honore eaque  
reverentia colendus est, ac si apud  
suos ageret, ita & legatus, qui princi-  
pem repræsentat. Hinc est, cur non  
fiant subditi temporarii ejus, in cujus  
territorio subsistunt, & cur jure civili  
populi, apud quem vivunt, non te-  
neantur: & si delictum committant,  
tale quidem, quod contemni posse vi-  
deatur, id aut dissimulandum erit, aut  
è finibus jubendus excedere legatus: si  
scilicet per tale delictum ita vilescat per-  
sona legati, ut turpe sibi ducat prin-  
ceps, cum tali homine tractare; aut si  
tale non sit, remittendus erit legatus  
ad eum, qui misit, cum postulato, ut  
eum puniat, aut dedat.

XII. *Si legatus moliatur aliquid in  
statum reip. si in caput regis conspi-  
ret, populum concitet &c.?*

R. Pro

R. Pro ratione delicti commiffi, occidi poterit, non per modum poenæ, sed per modum naturalis defenfionis, tanquam hostis: modò crimen adeo manifestum fit, ut vel negare id nequeat, vel apertis convinci testimoniis possit. Non hic suspitionibus agendum, quæ temerariæ plerumque sunt, & ut in virum bonum non cadunt, ita non sufficiunt, ut viri magni, quales sunt legati, ex iis sortiantur iudicium.

Grat. d. c.  
18. §. 4. n.  
7. Horn.  
§. 10. Text.  
c. 14. §.  
44. aliter.

XIII. *At legati principem repræsentant, & vero princeps præter Deum non agnoscit superiorem?*

R. Potest princeps hostilia moliri, & contra hostem arma sumere licet, & victus captusque, si ita res ferat, trucidari potest. Princeps ergo, quamdiu princeps manet, majestatem retinet, & sic sanctus est & inviolabilis: ubi verò in hostem degenerat, in victoris manum & potestatem redigitur, exspirat pristinum imperii axioma, subicitur alterius arbitrio, & iudicium subit, qui antea nullum patiebatur iudicem. In hoste nemo quæsiverit, princeps sit, nec ne. Hostilia molientem hostilia manent. Censeatur eodem

Ziegl. d. l.  
§. 18.  
Horn. d. l.

dem jure legatus; dum pacem colit, & ipse colatur, dum hostis fit, hostili jure puniendus.

XIV. *An lex de legatis non violandis etiam obligat eum, per cujus territorium transit legatus?*

Horn. d. c.  
8. Feld. b. l.  
Grot. d. c.  
18. §. 5. n.  
x. aliter.

R. Affirmatur; quia principem suum repræsentat, qui est instructus imperio ac majestate, quocunque loco fuerit, & divinitatis quendam characterem sibi impressum circumfert, & universæ reip. instar est. Neque admissio demum ipsum reddit sanctum & inviolabilem, sed securum tantum reddit, nullam esse rejectionis causam; & hæc etiam ratio est, cur legationes soleant denunciari, & cur literæ salvi conductus dentur. Sicut autem in territorio istius, ad quem mittuntur, non sunt sancti, si hostilia moliantur, ita nec in territorio istius, ubi transeunt, si certum sit, hostem esse legatum, qui ad amicum aut confœderatum missus est, ut istum sollicitet, & in hunc tertium concitet.

XV. *An jure talionis interfici, aut male tractari legatus potest, ab eo veniens, qui tale quid patravit?*

R. Sunt quidem ultionistalis exempla

pla

pla in historiis satis multa ; sed nimirum historiæ non tantum ea quæ juste , sed & quæ inique , iracunde , impotenter facta sunt , commemorant. Jus naturæ & gentium non tantum mittentis cavet dignitati , sed & ejus , qui mittitur , securitati. Imo videtur quis facere contra fidem , quam legatum admittendo dedit ; nisi (1.) contingat , talem mitti , qui antea auctor existit injuriæ alterius legato inferendæ ; quantum & hoc casu videatur dicendum , per admissionem remissam esse injuriam , & plenam securitatem promissam. (2.) Nisi levius aliquod contumeliæ genus fuerit , legati corpus non affligens : ista enim ignominia non legato , sed principi , qui similia primus commisit , aspersa censebitur.

Grot. d. c.  
18. §. 7.  
Horn. l. 2.  
c. 8. §. 11.

Horn. d. c.  
8. §. 11.

Feld. ad  
Grot. b. 6.  
§. 7.

XVI. *Legati comites, ministri, famuli, & vasa habentne sanctimoniam?*

ꝛ. Habent sui generis sanctimoniam ; scilicet , sancta sunt accessorie , & à nemine lædi possunt. Itaque , si quid comites gravius deliquerint , postulari à legato poterunt , ut eos dedat (vi enim abstrahendi non sunt) aut puniat ; quod si dedere noñt , eadem faciendæ erunt , quæ supra de legato diximus.

Grot. d. c.  
18. §. 8.  
Ziegl. de  
jur. maj. l.  
1. c. 32. §. 21.

XVII.

d. 5. 8. n. 2. XVII. *At legatus eos punire non potest, quia nullam in suos comites habet jurisdictionem, verum ea tantum exercetur à territorii domino?*

Horn. d. c.  
§. 5.

R. Legatus principem refert, qui nunquam est sine imperio. Hinc quemadmodum dominus territorii non posset in ipsius principis mittentis comites, si præsens esset, animadvertere, ita nec in comites legati, qui tantam videtur consecutus jurisdictionem in suos comites, quanta requiritur ad eos regendos, & ad legationis finem obtinendum; in moralibus enim qui dat jus ad finem, dat jus ad media.

Ziegl. b. l.

XVIII. *Estne jus asyli in domo legati pro quibusvis eò confugientibus?*

Grot. d. c.  
18. §. 1. n.  
2. Kulpis.  
Ex. Grot.  
b. l. aliter.

R. Hoc pendet ex voluntate ejus, ad quem missus est; si hic concedat, habebit, secus, si non concedat. Nam jure naturæ & gentium ea censentur saltem competere jura legato, quæ ad legationem obeundam sunt necessaria. Adde, quod is quis deliquit, est subditus domino territorii, & locus, in quem fugit, est in & de territorio, cui talis securitas annexa non est: nam ea quæ manant à persona legati, ad ipsum

ipsum legatum, comites, & vasa pertinent, non ad alios, vel ad hunc locum.

**XIX.** *An legati bona mobilia, pignoris causa, aut ad solutionem debiti, capi possunt?*

**R.** Non, nec per judiciorum ordinem, nec manu regia. Nam omnis coactio abesse à legato debet, tam quæ res ejus necessarias, quam quæ personam tangit, quo plena ei sit securitas; & cum publico nomine adsit, omnia quæ cum ipso sunt, eo jure censi debent. Hinc, si quid debiti contraxit, & ut fit, res soli eo loco nullas possideat, ipse compellendus erit amicè, & si detrectet, is qui misit; si ille justitiam nobis deneget, vel malitiose protrahat, ad postremum ea usurpare possumus, quæ adversus debitores, extra territorium positos, u-

*Grot. d. c.*  
18. §. 9.  
*Horn. c. 8.*  
§. 4. n. 7.  
*Textor. c.*  
14. n. 25.  
*aliter. Feld.*  
*b. l. aliter.*

*Grot. l. 3.*  
c. 2. § 4.

**XX.** *At hac ratione nemo invenietur, qui cum legato contrahere velit?*

**R.** Hoc non est metuendum; nam & Regibus qui cogi nequeunt, non desunt creditores: & qui cum ipsis contrahunt, aut curent, ut pariter impleatur contractus, aut si fide nuda contenti sint, sibi imputent, quod delusi sint.

*Grot. d. c.*  
18. §. 10.

**XXI.**



Grœc. d. 6.  
18. §. II.

## XXI. Si violetur legatus, quid juris?

Æ. Nascitur parti læsæ jus belli. Sane bellorum, quæ ob male habitos legatos suscepta sunt, plenæ sunt profanæ historiæ. Extat in sacris libris memoria belli, quod eo nomine David gessit adversus Ammonitas.

## CAPUT XIX.

### De jure sepulturæ,

- |  |   |
|--|---|
| <p>I. Quid sit hominum mortuorum sepultura.</p> <p>II. Quotuplex.</p> <p>III. Ex quo jure oriatur.</p> <p>IV. An omnes homines sint sepeliendi.</p> <p>V. Quid dicendum sit de exemplis in contrarium allegatis.</p> <p>VI. An sepultura debeat insigniter facinorosis.</p> <p>VII. Quibus non debeat.</p> <p>VIII. Mortui, cum nihil sentiant, an recte ita pu-</p> | <p>niri dicantur.</p> <p>IX. An homo se ipsam occidere non possit.</p> <p>X. Quid si quis videat, se deinceps victurum in probrum ipsius Dei.</p> <p>XI. An virgo se ipsam occidere possit, ne pudicitiam amittat.</p> <p>XII. An proditores patriæ sepeliri debeant.</p> <p>XIII. An ob negatam sepulturam, bellum juste suscipi possit.</p> |
|--|---|

### I. Quid est sepultura hominum demortuorum?

Æ. **S**epultura hominum demortuorum est officium, quod hominibus post mortem debemus ad cadavera ipsorum reponenda, ut perpetuò ab injuria quasi tuta sint, & ne ex ipsorum foetore aër inficiatur.

### II. Quotuplex est sepultura?

Æ. Sc.

ꝛ. Sepultura alia est honesta, cui ceremoniæ atque ritus certi, pro cuiusque gentis & loci consuetudine, adhibentur; alia inhonesta seu ignominiosa, quæ absque ceremoniis atque receptis ritibus fieri debet: seu ubi hæ ceremoniæ atque ritus adhiberi non possunt, propter legis prohibitionem. Ad hanc referimus asininam sive caninam sepulturam, quando cadaver humanum, extra locum consuetum, in bivio vel trivio, aut sub patibulo, aut ubi brutorum cadavera abscondi solent, à carnifice terra obtegitur.

Grot. l. 2. c. 19. §. 2. n. 4. Carpz. in Jurisp. Confist. 2. p. 382. Ziegl. ad Lanc. 2. tit. 24. §. 9. p. 580. in fin.

III. *Ex quo jure oritur sepultura?*

ꝛ. Juri naturæ conveniens est, ut cadaveri humano humus porrigatur; at proteri ac laniari corpus humanum, alienum merito videtur ab istius naturæ dignitate. Hinc Jus gentium hoc inter omnes gentes, quæ ratione sua recte utuntur, constituit, ut cum homo cæteris animantibus præstet, cadaver ejus in talem locum reponatur, ubi ab omni quasi injuria inferenda liberum sit, & ne foetore ipsius aër inficiatur.

Grot. d. c. 19. §. 1. n. 1. & 4. & §. 2. n. 4. & 5. b. l. & Ziegl. Osiand. Puf. l. 2. c. 3. §. 22. in fin. aliter.

IV. *An omnes homines sepeliendi?*

ꝛ. Omnes, etiam inimici & hostes, quia hoc officium non tam homini, i.

Grot. d. c. 19. §. 2. n. 6. & §. 3. n. 1. Seld. l. 6. c. 16. p. 783.

e. personæ, quàm humanitati, i. e. naturæ humanæ, præstari dicitur. Nul-  
lum cum victis certamen & æthere cas-  
sis; nam quod malorum est extremum,  
illis jam accidit. Si inter viventes fue-  
rat certamen, odia mors aliena com-  
pescat; jam tacet, cum quo antè liti-  
gabas.

V. *At exempla extant in contrarium,  
& hostibus sepultura est dene-  
gata?*

Grot. d. c.  
19. §. 3. 7.  
4. & O-  
fiand. ibi.

R. Verum est; sed hæc exempla  
communi judicio sunt damnata: &  
ferinum est, bellum gerere cum mor-  
tuis, qui ejusdem naturæ fuerunt. Præ-  
terea extant exempla eorum, qui eos  
vel sepeliendos curarunt, vel tradide-  
runt.

VI. *An etiam debetur sepultura in-  
signiter facinorosis?*

Feld. b. c.  
Grot. d. c.  
19. §. 4. O-  
fiand. b. l.  
& Gisbert.  
Voet. ibi  
alleg.

R. Affirmatur, nisi ultra mortem  
quid meriti sint; scilicet ad hoc, ut  
omnem tandem humanitatem exua-  
mus erga mortuum, requiritur tale faci-  
nus, quod in hominem non cadit, sed  
à feritate quadam proficiscitur. Quo-  
rum enim cadavera sine sepultura pro-  
jiciuntur, feris æquantur.

VII. *Quinam sunt isti?*

Grot. d. c.  
19. §. 5. n. I.

R. Qui deliberato animo ipsis sibi  
mor-

mortem consciverunt; nam in hos, qui mortem pro supplicio non habent, aliud supplicium constitui non potest.

VIII. *At vero mortui nihil sentiunt, nec damno nec pudore affici possunt?*

R. Verum est, nihil sentiunt, tamen post mortem fama vivit, quæ damno & pudore quasi afficitur; & satis est, id quod mortuis accidit, metui à vivis, ut hoc pacto à peccato retrahantur.

Grot. d. c.  
19. §. 5. n.  
1. in fin.

IX. *An ergo homo se ipsum interficere non potest?*

R. Non, quia homo nullum jus habet in suam vitam, ad eam destruendam, sed tantum ad eam conservandam: nec injussu ejus, à quo animus nobis datus est, ex hac vita demigrandum. Imo quia proximum suum occidere non potest, multo minus se ipsum; quilibet enim sibi ipsi proximus est, & se ipsum ad minimum debet amare, ut proximum. Adde, quod natura vitam ponit in bonis, mortem in malis, ut eo ipso ab occisione sui ipsius deterreat hominem.

Grot. d. c.  
19. §. 5. n.  
2. Molina  
tom. 4. tr.  
3. disp. 9.  
Franc. à  
Vid. relect.  
de Homie.  
10. n. 2.  
p. 430.  
Matth. de  
crim. ad l.  
48. tit. 5.  
c. 1. §. 9.

X. *Quid si quis videat, se deinceps victurum in probrum ipsius Dei, an non ex præsumta Dei voluntate,*

L

te,

*te, aliquis se ipsum interficere potest?*

*Osiand. ad  
d.c. 10. § 5.  
n. 4. Ziegl.  
b. l. Grot.  
d. l. aliter.*

**R.** Non, (1.) quia ita certò hoc non potest prævideri, Deo enim singulis momentis varii sunt modi illud probrum impediendi, talem hominem vindicandi, & gloriam suam manifestandi. (2.) Quamvis sic, vitam sibi tollendo, impediatur probrum, quod in Deum redundaret, tamen non sequitur, quod hic actus sit bonus & licitus, quia ad hoc requiritur etiam medium licitum. (3.) Voluntas Dei non potest præsumi, cum opposita voluntas de non interficiendo se ipso, sit revelata. Idem dicendum, si quis se ipsum interficiat, ne tormentis adactus Christi religionem ejuret.

**XI.** *An virgo se occidere potest, ne pudicitiam amittat?*

*Matth. d. l.*

**R.** Non, quia quæ vi stupratur, mente virgo est: mens enim peccat, non corpus, & ubi consilium abest, ibi crimen abest. Quid gravius pati potest, quæ alienæ libidini corpus suum substernere constanter recusat, quàm mortem? ea igitur expectanda, non occupanda; nam mori velle, ne moriari, furor est. Idem dicimus de iis, qui se vel interficiunt, vel mandant hoc  
hoc



332. *Limn.*  
l. 8. c. 4.  
n. 32.

*Gros. d. e.*  
19. §. 5. n.  
5. & *Kul-*  
*pis. ibi.*  
*Ziegl. O-*  
*fiand. b. l.*  
*aliter.*

utilitatem, magistratus eorum corpora diffecanda tradere potest.

XIII. *An ob negatam sepulturam bellum juste suscipi potest?*

R. Affirmatur, si scilicet ex denegata sepultura, magna injuria seu contumelia redundet in ipsam remp. e. g. si alicujus populi Rex, in bello occisus, à victore ex patibulo suspendatur, vel in alio loco ignominioso diu aliorum conspectui exponatur. Si enim justa suscipiantur bella propter violatos legatos, cur non, si per eum, qui fuit reip. caput, injuria resp. afficiatur?

## C A P U T XX.

### De Poenis.

- |  |  |
|--|--|
| <p>I. <i>Consideratis factis, ut possunt reparari, quomodo ea porro consideranda sint.</i></p> <p>II. <i>Quid sit pena.</i></p> <p>III. <i>Quid sit malum passionis.</i></p> <p>IV. <i>An incommoda ex morbis recte panarum nomine vendant.</i></p> <p>V. <i>An delinquentem punire, licitum tantum sit, an verò præceptum.</i></p> <p>VI. <i>Pena an ad justitiam assignatricem, an ad expultricem pertineat.</i></p> <p>VII. <i>Jus puniendæ an competat soli superiori.</i></p> | <p>VIII. <i>An quis male agendo &amp; delinquendo, aliis non delinquentibus se subjiciat.</i></p> <p>IX. <i>Superior aequè nocens an alium punire possit.</i></p> <p>X. <i>An pena utilitatis alicujus causa exigere debeat.</i></p> <p>XI. <i>Quæ sint utilitates pænæ, &amp; quotuplex sit ejus finis.</i></p> <p>XII. <i>Quæ pena respiciat primum finem.</i></p> <p>XIII. <i>Cui delinquentis emendatio competat; an superiori; an hoc pænæ genus ad mortem pertingere possit.</i></p> |
|--|--|

XIV.

- XIV.** *Quæ pena respiciat finem secundum.*
- XV.** *Cui competat jus hanc penam exigendi, an itidem superiori.*
- XVI.** *Quid si quis versetur in locis, ubi copiam iudicis habere non potest.*
- XVII.** *Quæ pena respiciat finem tertium.*
- XVIII.** *An jus hanc penam exigendi etiam superiori competat.*
- XIX.** *An leges humana, quæ interfectionem quorundam hominum permittunt, interfectores jus verum apud Deum præstent, an tantum inter homines impunitatem.*
- XX.** *An omnes actus vitiosi ab hominibus puniri possunt.*
- XXI.** *An interdum ignoscere aut veniam dare liceat. An & ante & post legem penalem latam.*
- XXII.** *Quomodo post legem penalem latam; quomodo legislator legibus suis teneatur. Quomodo ante legem penalem latam.*
- XXIII.** *Quotuplices sint cause ad ignoscendum probabiles. Quæ sit causa intrinseca.*
- XXIV.** *Quæ sint cause extrinseca.*
- XXV.** *Quæ consideranda sint ad justam penæ taxationem.*
- XXVI.** *In merito, seu delicto, quæ examinanda sint. Quæ sint causæ ad delinquendum impellentes.*
- XXVII.** *Quotuplex sit causa, quæ à delinquendo abstractere debuit.*
- XXVIII.** *An vita anterior, simul cum delicto, in estimationem veniat.*
- XXIX.** *Personæ aptitudo quid conferat ad æstimandum meritum seu delictum.*
- XXX.** *An in penis requiratur passio omnino per delicto, an verò extendi possit ad majus nocumentum, quàm quod peccans intulit.*
- XXXI.** *Quæ sit intrinseca penæ taxatio, quæ extrinseca.*
- XXXII.** *Quæ sint præcipua incitamenta ad peccandum, & an propter facilitatem & consuetudinem peccandi, penæ intenduntur.*
- XXXIII.** *Ubi pena est arbitraria, an rectius minuat.*
- XXXIV.** *An ad penam exigendam bellum suscipi possit.*
- XXXV.** *An reges jus habeant puniendi quasvis personas jus naturæ & gentium violantes.*
- XXXVI.** *An detur bellum penale, propter delicta in Deum commissa.*
- XXXVII.** *An ad religionem Christianam propagandam, bellare liceat.*
- XXXVIII.** *An in Christianos quædam tales, vel eos qui*



Christi legem pro vera | ejus interpretationem bal-  
quidem habent, sed circa | lucinantur.

I. *Consideratis factis, ut possunt reparari, quomodo ea porro consistantur?*

Grot. l. 2.  
c. 20. §. 1.  
n. 1.

R. Ut punienda.

II. *Quid est pœna?*

Grot. d. c.  
20. §. 1. n.  
1. l. 131.  
de V. S.

R. Pœna est malum passionis, quod infligitur ob malum actionis: seu pœna est noxæ vindicta, & delictorum coërcitio.

III. *Quid est malum passionis?*

Grot. d. c.  
20. §. 1. n.  
1. Puf. l. 8.  
c. 3. §. 4.  
Kuijss. b. c.  
Ziegl. aliter.

R. Passionis malum est omne id, quod per modum coactionis & pro imperio alicui imponitur, propter malum actionis, seu propter delictum præcedens: sive in agendo, sive in omittere consistat; omissio enim comprehenditur hîc sub actione. Huc referuntur operæ, quæ alicui pro pœna injunguntur, ut si quis condemnetur ad metallum, ad ergastulum, extruendum vallum &c. si scilicet tantum considerentur ut molestæ, & ut passiones, propter præcedens delictum; si enim considerentur ut debitæ vi summi imperii, etiam invito possunt injungi, sed pœnæ non sunt.

IV. *Quid dicendum de incommodis, quæ patiuntur aliqui ob morbum*

con-

*contagiosum, aut corpus mutilum, aut ob alias impuritates?*

ꝛ. Quamvis respectu Dei poenæ possint vocari, & etiam ita appellari soleant, tamen hominum respectu poenæ non sunt; quia hæ requirunt & præcedens delictum & superioris sententiam. Hinc etiam, ante sententiam latam, carcer pro poena haberi non potest, sed tantum pro custodia.

Grot. d. c. 20. §. 1. n. 2.  
Puf. l. 8. c. 3. §. 4.  
circa fin.  
Ans.  
Mattb. de crimin. tit. quibus modis crimen extingui. c. 5. n. 3.

V. *An aliquem poenâ licet afficere?*

ꝛ. Jure naturæ non tantum æquum est, ut qui malum fecit, malum ferat, verum etiam præcipitur, ut delinquentes puniantur; nam eadem operâ, qua Jus illud prohibet delicta, præcipit quoque poenam; & lex, nisi sit imperfecta, sanctione non caret.

Ziegl. b. c. §. 1. n. 2.  
Et de jur. maj. l. 1. c. 8. n. 10.  
Puf. l. 8. c. 3. §. 1. in med.  
Grot. b. c. §. 1. n. 2. aliter.

VI. *Pœna an pertinet ad justitiam assignatricem seu distributivam, an ad expletricem seu commutativam?*

ꝛ. Pertinet ad expletricem seu commutativam, quia est tantum collatio rei cum re, seu tantum confertur poena cum delicto: si hoc sit magnum vel parvum, etiam poena est magna vel parva. Sicut in emtione est collatio mercis ad nummos, quanquam alibi merx eadem plus, alibi minus valet,

Grot. c. 20. §. 2. n. 3.  
Et §. 33.  
Feld. §. 2.  
Et Kulpis paulo aliter.  
Str. Ex. 1. th. 29. Puf. l. 8. c. 3. §. 5. in fin. aliter.

Z 4

item-

itemque nummi. Hinc quoque est, cur ad hanc æqualitatem & proportionem observandam, poenæ magnitudo non tantum nude spectetur, sed & cum respectu ad patientem; nam multa eadem pauperem onerabit, secus quam divitem: & vili ignominia leve erit malum, honorato grave.

VII. *Cui competit jus puniendi?*

Ziegl. b. c.  
§. 3. de jur.  
maj. l. 1. c.  
8. §. 11.  
Puf. l. 8.  
c. 3. §. 7.  
Grot. c. 20.  
§. 3. n. 1.  
aliter.

ꝛ. Recta ratio dicitur, hoc jus competere superiori, seu illi, qui in civitate habet majestatem; infligitur enim poena propter legis transgressionem, post cognitionem factam & sententiam latam: quod jus tantum competit ei, qui habet summum imperium, vi cuius leges fert, & transgressores punit. Hinc omnia mala, quibus quis in bello subicitur, huc non pertinent, licet inferantur propter præcedens delictum.

Grot. c. 20.  
§. 3. n. 1.

VIII. *At eo ipso, dum alius peccat, me superiorem & se inferiorem facit, & quasi ex hominum censu se detrudat in bestiarum numerum, quæ homini subjacent?*

Grot. l. 2.  
c. 1. §. 9. n.  
2. c. 8. §. 2. c.  
Puf. l. 8. c.  
3. §. 7. in  
med. vid.

ꝛ. Delictum imperium nec confert, nec adimit, nec superiorem nec inferiorem facit: aliàs uxor maritum, filius patrem, servus dominum, subdi-

tus

tus regem punire naturaliter posset. Sed si in naturali libertate degam, & alius contra me delinquat, reparationem damni & cautionem per modum belli exigere licet.

tamen Gros.  
l. 2. c. 14. §.  
6. n. 2. in  
fin.

*IX. Quid si superior aequè nocens sit?*

℞. Officio judicis nihil decedit: licet sit indecorum & legum reverentiam valde minuatur, si exactor justitiæ iisdem vitis maculatus sit, quæ in aliis vindicatur; videtur enim non vitis irasci, sed eorum dulcedinem aliis invidere.

Ziegl. b. c.  
§. 3. n. 2.  
Puf. l. 8.  
c. 3. §. 7. in  
med. Gros.  
b. c. §. 3. n.  
2. alter.

*X. An homo potest ab homine puniri, tantum puniendi causa, seu ut tantum voluptatem capiat ex pœna?*

℞. Non; nam homo ita alteri ipsa consanguinitate alligatur, ut nocere ei non debeat, nisi boni alicujus consequendi causa: & ad vindictam veniendum, non quasi dulce sit vindicare, sed quasi utile. Dictat enim ratio homini, nihil agendum, quo noceatur homini alteri, nisi id bonum aliquod habeat propositum. In solo autem inimici dolore ita nude spectato nullum est bonum, nisi falsum & imaginarium; ut in divitiis supervacuis, multisque aliis rebus ejusmodi. Et quo hominum quisque minus valet rationis usu, eo

Grot. c. 20.  
§. 4. n. 2.  
§. 5. n. 1.  
2. & 3.

ad vindictam est pronior, juxta illud  
Juvenalis:

— — — quippe minuti  
Semper & infirmi est animi exigui-  
que voluptas

Ultio; continuè sic collige, quod vin-  
dicta

Nemo magis gaudet, quam fœmina.

XI. *Quæ ergo utilitates rectam  
faciunt pœnam?*

Kulpis. b. c.  
§. 6. Grot.  
c. 20. §. 6.  
n. 2. Servo.  
Ex. l. th.  
33.

R. Quæ sumuntur ex fine pœnarum.  
Finis pœnæ alius est internus, qui est  
satisfactio justitiæ, & hunc etiam Deus  
in omni pœna intendit; alius exter-  
nus, qui præterea aliud utile atque  
bonum erga societatem civilem respi-  
cit, aut utilitatem ejus qui peccavit,  
aut ejus cujus intererat, aut indistincte  
quorumlibet.

XII. *Quæ pœna respicit primum  
suam?*

Grot. c. 20.  
§. 7. n. 1.

R. Quæ constituitur in emendatio-  
nem, peccantem reddens meliorem me-  
dendi modo, qui est per contraria.  
Nam quia omnis actio, præsertim de-  
liberata ac frequens, quandam gignit  
sui proclivitatem, quæ adulta habitus  
dicitur, idè vitii, quam primum fie-  
ri potest, adimenda est illecebra, quod  
fieri

fieri rectius nequit, quam si dolore quodam subsequente saporem dulcedinis amittat.

XIII. *Quibus hæc punitio competit naturaliter?*

R. Istis quibus naturaliter competit imperium; in familia patrifamilias, ita ut pro natura negotii, aliquid asperioris disciplinæ adhibere possit, ut diximus h. l. cap. 5. qu. 7. Parem fere potestatem obtinent ii, quibus loco parentum, juvenus gubernanda est commissa, ut sunt tutores, præceptores, magistri, qui citra modicam coërcitionem officio suo vix satisfacere possunt; quamvis hæ correctiones proprie poenæ non sint, verum vi imperii paterni vel similis, alicui competant. In civitate magistratui: ita tamen, ut hoc genus poenæ ad mortem usque procedere non possit, cum absurdum videatur, aliquem emendationis causa in eum statum redigere, ut emendationis specimen exhibere non possit, nisi eo modo, quem reductivum vocant, in quantum ingeniis insanabilibus melius est, i. e. minus malum, emori, quàm vivere, quando certum est, vivendo pejores evasuros. Castigatio, quæ fit verbis, magis

*Puf. l. 8. c.  
3. §. 10.  
Ziegl. b. c.  
§. 7. n. 2.  
Kulpis. Ex:  
2. §. 3.  
Grot. c.  
20. §. 7. n.  
2. aliter.*

gis consilium & admonitio videtur, quam poena: & si fiat vehementioribus verbis, non tam communi aliquo jure est concessa, quam vel jure imperii, vel amicitiae lege.

XIV. *Quæ poena respicit suam secundum?*

Grot. c. 20.  
§. 8. Puf.  
t. 8. c. 3.  
§. 11.

ꝛ. Hunc, ne scilicet ille, cujus intererat, non peccatum esse, posthac tale quid patiatur ab eodem, aut ab aliis. Illud tribus modis curari potest: primum, si tollatur is qui deliquit; deinde si vires nocendi ei adimantur; postremò, si malo suo dedoceatur delinquere. Hoc, scilicet, ne ab aliis lædatur, qui læsus est, punitione non quavis, sed aperta atque conspicua, quæ ad exemplum pertinet, obtinetur. Unde est, quod fere poenæ infligi soleant in locis celebribus, & cum terribili apparatu, ut horror vulgi animis incutiatur.

Puf d. c. 3.  
§. 11. Of.  
b. c. §. 8.

XV. *Cui competit jus exigendi hanc poenam?*

Grot. c. 20.  
§. 8. n. 2.  
aliter. Boec.  
cler. ad  
Grot. l. 2.  
c. 1. §. 15.  
Frantz.  
Ex. 12. q. 6.  
Boec. de

ꝛ. Isti soli, penes quem est summum imperium; etsi in nonnullis civitatibus legislatores etiam privati hoc jus permittere soleant. Sic Germanicis nationibus, ante Christianismum, usitata erant certamina singularia, quæ alicubi

licubi nec dum fatis defueta sunt : a-  
licubi autem, ubi officio suo recte &  
cum immortalī laude funguntur impe-  
rantes, hodie sub poena capitis prohi-  
bita sunt.

bel. & duet-  
l. 2. c. 2. §. 4.  
& seqq.  
Thomafius  
de duell.  
var. gen.  
mon. c. 1. §.  
25. & seqq.  
Const. Ser.  
El. Bran-  
denb. de  
duellis.

XVI. *Quid si quis versetur in locis,  
ubi copiam iudicis habere non potest,  
vel in statu naturali extra civi-  
tatem?*

ꝛ. Adversus eum, qui me insultat,  
defendere me possum, interdum etiam  
jure belli ipsum occidere; si desistat,  
injuriam illatam vindicare, citra au-  
thoritatem publicam, non licet. Jus  
enim naturæ vult, ut me non amplius  
lædentem amem, propter cognatio-  
nem, quam natura inter nos constituit,  
non autem ut eum lædam.

Grut. d. c.  
20. §. 8. m.  
5. Zieg. d.  
c. §. 8.

XVII. *Quæ utilitas respicit tertium  
finem?*

ꝛ. Utilitas indistincte quorumlibet; qui finis eandem habet partes, quas ille, qui ad læsum pertinet. Nam aut hoc agitur, ne qui uni nocuit, aliis noceat: quod fit eum tollendo, aut debilitando, e. g. arma ipsi auferendo aut constringendo, ita ut nocere nequeat, aut emendando: aut ne alii, impunitate illecti, aliis quibusvis molesti sint; quod ex suppliciis conspicuis ob-  
tine-

Grut. c. 2. d.  
§. 9. Puf.  
l. 8. c. 3.  
§. 12



tinetur seu exemplis, quæ ideo adhibentur, ut unius poena metus sit multorum, utque poenæ genere cæteri deterreri possint.

XVIII. *Cui competit jus exigendi hanc poenam?*

*Puf. d. c. 3.  
§ 13. Ziegl.  
b. c. §. 9.  
Osiand. b. c.  
§. 9. Grot.  
c. 20. §. 9.  
n. 2. aliter.*

*R.* Isti qui summum imperium habet, & cui à summo imperio hoc est concessum. Sic quando apud quosdam populos, & patribus in liberos, & dominis in servos, conceditur jus puniendi plenum, etiam ad mortem usque, hæc est particula quædam imperii publici, auctoritate publica exercendi. Si quid perpetratur in illis locis, atque inter illas personas, quæ certis judiciis non subiunt, puta in piratas, id ad jus belli pertinet, quod à potestate poenas exigendi diversum est. In piratas enim ac prædones cum omnium hostes sint, quilibet homo miles est.

XIX. *An leges humanæ, quæ interfec-  
tionem quorundam hominum per-  
mittunt, interfectores jus verum  
præstant, etiam apud Deum, an tan-  
tum inter homines impunitatem?*

*Ziegl. b. c.  
§ 17. Puf.  
l. 8. c. 3.  
§ 24.*

*R.* Leges humanæ verum jus præstant, etiam apud Deum, quando naturæ & divinis legibus non sunt contrariæ: id quod ex finium connexionem

CON-

constare debet, nam prout fines obtineri possunt, vel non, ita & poenæ possunt remitti vel intendi. Interim hæc regula tenenda: Ubi lex dolori indulget, poenam humanam tollit, non vitium, ut in marito, qui adulteram uxorem aut adulterum occidit; si verò periculum respiciat futuri mali ex dilatione poenæ, censenda est jus ac potestatem publicam privato concedere, ita ut jam privatus non sit. Sic qui hostili animo venit ad delendam patriam, fures nocturni, latrones, & populatores agrorum nocturni recte occiduntur, quoniam serum est legis auxilium expectare.

*Grat. c. 20. §. 17.*

*Ant. Matth. de crim. l. 48. tit. 5. c. 2, §. 6. & 7.*

XX. *An omnes actus vitiosi puniri ab hominibus possunt?*

R. Pro certo habendum est, non omnes esse tales. Primùm enim actus mere interni, ut cogitatio de peccato aliquo, cupiditas, desiderium, quia civilis societas his non læditur, non sunt puniendi, etiamsi casu aliquo, puta per confessionem subsecutam, ad notitiam aliorum perveniant: modò in externos non influant; tunc enim veniunt in æstimationem, quia ad qualitatem & quantitatem meriti seu delicti maximum momentum adferunt, & mul-

*Grat. c. 20. §. 19. n. 1. & 2. Puf. l. 8. c. 3. §. 14.*

multum interest, an dolo, an verò culpa quis delinquat; item, an cogitet saltem quis v. g. de stupranda virgine, an verò etiam eam prosternat, tamen si perficere non potuerit. Secundò, puniendæ non sunt culpæ minores & quasi quotidianæ; nam ab omni omninò peccato & semper abstinere, supra humanam est conditionem, ut ea nunc est, & cognatum homini est peccare: tamen qui ob corporis concretionem in animum transeuntem (ut, in quibus bilis prævalet, iracundi sunt, in quibus sanguis, ad venerem proni) aut ex adulta consuetudine peccant, puniri solent ob culpam præcedentem, quia aut neglecta sunt remedia, aut ultrò attracti in animum morbi. Tertio, quædam peccata interdum ideò non puniuntur, quia citra convulsio- nem civitatis tolli nequeunt, ut lap- naria in quibusdam civitatibus. Quarto, illa vitia humana, quæ ex corruptione mortalium communi resultant, quamdiu in enormes actus non erumpunt, non sunt punienda, ut avaritia, ambitio, inhumanitas, ingratus animus, & in genere talia vitia, quibus opponuntur virtutes, quarum natura coactionem repudiat.

*Ziegl. b. c.*  
§. 19.

*Puf. l. 8. c.*  
3. §. 14. in  
fin

*Grot. b. c. §.*  
20. n. 1. in  
fin. §. 7. 2.

*Seld. de J.*  
*N. & G.*  
l. 6. c. 6. p.  
728. §.  
*Seq. Boeckl.*  
*dissert. ad*  
*Gros. l. 3.*  
p. 100.

XXI. *An ignoscere aut veniam dare licet interdum?*

R. Licet, siue poena penitus tollatur, ut fit in dispensatione, siue minuatur, ut fit in mitigatione; & non solum ante, sed & post legem poenalem latam. Si enim maiestas totam legem tollere potest, etiam vinculum eius circa personam aut factum singulare, manente de cætero lege.

Grot. c. 20.  
§. 21. 22.  
& 24. n. 2.  
Ant.  
Matth. de  
crim. l. 4.  
tit. 19. c. 5.  
n. 1.

XXII. *At legislator aliquo modo legibus suis obligatur, & sic post legem latam, quæ pœnalis dicitur, non videtur posse dispensare circa pœnam, vel eam mitigare?*

R. Post legem poenalem major quidem videtur difficultas, & quatenus legis auctor ut pars civitatis spectatur, lege sua interdum obligatur, non verò quæ civitatis ipsius personam atque auctoritatem sustinet. Nam quæ talis est, potest legem etiam totam tollere, quia legis humanæ natura est, ut à voluntate humana pendeat, non in origine tantum, sed & induratione. Non debet tamen legis auctor legem tollere, nisi probabili de causa, peccaturus alioqui in regulas iustitiæ gubernatricis. Ante legem poenalem, ubi jus scriptum non est, & pœnæ sunt arbitrariæ,

Grot. c. 20.  
§. 24. Puf.  
l. 8. c. 3.  
§. 16. Zieg.  
d. 6. §. 22.  
& Osiand.  
aliter.

Grot. d. 2.  
20. §. 22.

dispensatio facilius obtinet, quia quamvis naturaliter is qui deliquit, in eo statu sit, ut puniri possit, non tamen semper necessario punitur, sed hoc pendet ex connexione finium, ob quos poena instituta est, cum ipsa poena. Quare si (1.) fines illi per se morali aestimatione necessarii non sint, ut si sit peccatum paucissimis cognitum, cujus proinde publica traductio non necessaria sit, aut dampnosa etiam: aut si (2.) alii fines ex opposito occurrant non minus utiles aut necessarii, ut in eo, qui bene merita, aut sua, aut parentum, repensari digna, culpæ opponit; aut (3.) si fines poenæ propositi alia via obtineri possint, ut in eo, qui verbis emendatus est, aut læso verbis satisfecit, ita ut ad eos fines poenâ jam opus non sit. Interdum tamen hæc tria occurrere possunt, aut (1.) ut poena omnino sit exigenda, ut in pessimi exempli sceleribus; aut (2.) ut omnino ea non sit exigenda, ut si bonum publicum omitti eam exigat; aut (3.) ut liceat utrumvis. Utroque tamen casu, scilicet & post & ante legem poenalem, hoc non est faciendum, nisi causa subsit probabilis, & delictum tale sit, ut aggratiatio (ut loquuntur) possit locum habere; quòd  
homi-

*Grot. d. c.*  
20. §. 23.

*Matth. de*  
*crim. l. 48.*  
*tit. 19. c. 5.*  
*n. 2. jung.*  
*tamen*  
*Ziegl. de*  
*jur. maj.*  
*l. 1. c. 8. §.*  
*3. & 8. ad*  
*Grot. b. c.*  
*§. 22. Puf.*  
*l. 8. c. 3.*  
*§. 26.*

homicidium referri non potest, vel delicta, quæ lex divina, aut recta ratio, gentiumque consensus capitis supplicio puniri jubet. Quæ autem sint causæ probabiles, licet hoc præcise definiri non possit, tenendum tamen est, majores esse debere post legem, quam quæ ante legem spectabantur, quia legis auctoritas, quam servari utile est, ad causas puniendi accessit.

*XXIII. Quotuplices sunt causæ liberandi aliquem à pœna legis?*

*ꝛ.* Causæ solent esse aut intrinsecæ aut extrinsecæ. Intrinseca, cum si non injusta, dura tamen est pœna ad factum comparata; quamvis proprie loquendo, quando certæ circumstantiæ occurrunt, quæ delicti atrocitatem, qualem lex præsupponit, minuunt, ex æquitate potius pœna mitigetur, etiam ab inferiore magistratu, quàm dispensetur. Aliud enim est æqua legis interpretatio, aliud dispensatio.

*Grot. c. 20.  
§. 25. Ferd.  
Vasq. Contr.  
illust. l. 1. c.  
36. aliter,*

*XXIV. Quæ sunt causæ extrinsecæ?*

*ꝛ.* Aut meritum aliquod antecedens ipsius delinquentis, aut majorum ejus; aut alia res, quæ ipsum commendat, ut insigne artificium, vel si delinquens omninò sit necessarius ad conservationem Statûs; aut spes magna sit, fore

*Grot. c. 20.  
§. 22. n. 1.  
§. 26.  
Puf. l. 8.  
c. 3. §. 16  
in med.*

ut peccatum insignibus factis eluatur; aut intercessio magnatum interveniat; aut si ratio legis saltem particulariter cesset in hoc facto, de quo agitur. Nam quanquam, ad sustinendam legis efficaciam, satis sit ratio universalis, sine repugnantia contrariæ rationis, tamen cessatio rationis, etiam quæ particularis est, efficit, ut lex facilius, & minori cum damno auctoritatis, solvi possit: ut si sint leges sumptuariæ, quarum ratio generalis est voluntas legislatoris, particularis autem, ne inutilibus & immodicis sumptibus privati exhauriantur, dives tamen aliquis, qui has leges transgreditur (quia in eo cessat hæc ratio legis particularis) facile dispensationi locum faciet. Sic est justa dispensandi causa, si delictum per ignorantiam, quamvis omni culpa non carentem, aut per animi infirmitatem superabilem quidem, sed difficulter superabilem, committitur. Interdum multitudo delinquentium gratiæ locum facit, ne poena, quæ servandæ societati inventa est, ad civitatem evertendam valeat.

XXV. *Ut ergò re etè æstimemus poenam, quotnam sunt consideranda?*

✱. Duo: id (i.) ob quod poena  
in-

infigitur, & (2.) cujus ergò. Ob quod, est meritum; cujus ergò, est utilitas ex pœna. Puniendus nemo est ultra meritum, & intra meriti modum magis aut minus peccata puniuntur, pro utilitate.

*Grot. c. 20, §. 28.*

XXVI. *In merito seu delicto quotnam veniunt examinanda?*

Æ. Examinanda veniunt (1.) causa, quæ impulit, (2.) causa, quæ retrahere debuit, & (3.) personæ idoneitas ad utrumque. Vix quisquam gratis malus est, aut si quem malitia propter se ipsam delectat, is ultra modum humanum processit. Pars maxima ad peccandum ducitur affectibus, quorum aliqui impetu quodam impellunt ad declinandum malum, qui maxime naturales sunt, ideoque inter appetitus honestissimi, & quæ mortis, carceris, doloris, aut summæ egestatis vitandæ causa, injuste fiunt, maxime excusabilia videri solent. Cæteri appetitus ad bonum aliquod tendunt, aut verum, aut imaginabile. Vera bona, extra virtutes & earum actiones, quæ ad peccatum non ducunt, sunt aut (1.) delectantia, aut (2.) delectantium causa, quæ utilia vocantur, ut possessionum abundantia; licet interdum præbeant occasionem peccandi. Imagi-

*Grot. c. 20, §. 29. Puf. l. 8. c. 3. §. 19. Osiand. b. c. §. 29, aliter.*

*Puf. l. 2. c. 4. §. ult. in med. Grot. l. 2. c. 1. §. 7. & ibi. Boecl.*



nabilia, non autem verè bona sunt, excellentia supra alios, quatenus à virtute & utilitate sejungitur, & interdum à sola nativitate desumitur, vel à munere, cui quis præfectus est: item vindicta, quæ ex inimici dolore voluptatem capit &c. quæ quo magis à natura abeunt, eo sunt scœdiora, & delicta propterea commissa, minùs excusabilia.

**XXVII.** *Causa, quæ à delinquendo abstrahere debuit, quotuplex?*

Grøt. c. 20.  
§. 30. Puf.  
l. 8. c. 3.  
§. 20. Str.  
Ex. 48. th.  
4. & seqq.

R. Alia (1.) generalis, scilicet injustitia, quæ eo major est, quo majus alteri damnum infertur. Ideò primum locum obtinent delicta consummata, postremum, quæ ad actus aliquos, sed non ad ultimum, processerunt: in quibus tanto quidque est gravius, quo ulterius processit. In utrovis genere ea injustitia eminet, quæ communem ordinem perturbat, ut est crimen læsæ majestatis, ac proinde plurimis nocet. Sequitur ea, quæ singulos tangit. Maxima hic est, quæ vitam, proxima, quæ familiam, cujus fundamentum est matrimonium; postrema, quæ res singulas expetibiles spectat, sive directè subtrahendo, sive dolo malo causam dando damni, quod secuturum pro-

probabile est; sic in incendio & per-  
 fesso aggere multorum summæ cala-  
 mitates & mortes spectandæ sunt. Alia  
 (2.) est specialis. Interdum enim ad inju- d. 6. 30;  
 stitiam generalem aliud accedit vitium, n. 3.  
 puta impietas in parentes, inhumani-  
 tas in propinquos, ut in parricidio, in-  
 gratus animus in beneficos; gravius  
 quippe afficit ab amico, quam ab ho-  
 ste, illata injuria. Non parum quoque  
 refert, quo in loco aut tempore deli-  
 ctum fuerit perpetratum. Sic foedius  
 est in templo stuprum committere,  
 quàm in caupona. Sic in confesso ju-  
 dicum pulsari gravius est, quam intra  
 privatos parietes. Sic gravius delin-  
 quit, qui se inebriat die precibus sin-  
 gulariter destinato, quam qui alio die  
 &c.

XXVIII. *An etiam vita anterior si-  
 mul cum delicto in æstimationem  
 venit?*

R. Affirmatur, apparet enim major Grot. c. 20.  
 §. 30. n. 3.  
 & Ziegl.  
 ibi.  
 pravitas, si quis sæpius deliquit; quia  
 habitus mali actibus sunt pejores. Et  
 hinc isti, quibus, alioqui non malis,  
 fortè aliorum exemplo aut data occa-  
 sione seductis, subito aliqua peccandi  
 dulcedo subrepsit, mitiùs puniuntur,  
 quàm isti, qui peccandi habitum con-

traxerunt, & totum vitæ genus immutarunt; nisi sit delictum atrocius.

**XXIX. Personæ aptitudo, quidnam confert ad æstimandum meritum seu delictum?**

Gen. 6. 20.  
p. 31.

Æ. Personæ aptitudo, aut ad considerandas causas avertentes, aut ad suscipiendos affectus incitantes, considerari solet in corporis mixtura, ætate, sexu, educatione, circumstantiis affectus. Nam pueri & foeminae, & crassi ingenii homines, maleque educati, justii & injusti, liciti & illiciti discrimina minus habent cognita: & in quibus bilis prævalet, iracundi sunt, in quibus sanguis, ad venerem proni; tum verò huc juvenus, illuc senectus inclinat. Hæc tamen non ita simpliciter accipienda erunt: verum in pueris distinguendum, an doli sint capaces, nec ne; inter foeminas, utrum simpliciores sint, an verò nequitia sexum superent; quoad crassi ingenii homines videndum, an inter morationes versati sint, an non; item utrum delictum juri naturæ, an juri positivo repugnet; in iracundis, an habuerint justam iræ causam, an non &c. Interim ex ira & metu delicta commissa minus odiosa sunt, quam quæ ex voluptatis

Zenob. b. c.  
p. 31.

Gen. 6. 20.  
p. 31.

ptatis nascuntur desiderio, quod & minus efficaciter movet, & differri & aliam sibi materiam sine injuria quærere facilius potest. Hinc omninò illud tenendum est: Quo animi eligentis judicium magis impeditur, quoque magis naturalibus causis, eò id quod delinquitur, minoris esse.

XXX. *At vero in pœnis requiritur passio, quæ par sit delicto (seu talio) ergò nec plus, nec minus, debet pati is, qui punitur, quàm is, in quem delictum commissum est, & sic hæ cautiones sunt superflue?*

℞. Quando par passio requiritur in pœnis, id non ita accipi debet, quasi qui alteri nocuit deliberatò, & sine causis culpam valdè minuentibus, tantundem nocumentì, nec amplius, ferre debeat; nam sic par esset periculum innocentis & nocentis, nec satis cave-retur hominum securitati, si malis non immineret major metus à legibus, quàm bonis à malorum petulantia. Atque hoc inde quoque æstimari potest, quod interdum delicta quædam non consummata puniantur, ut consummata, ut si quis, hominis occidendi causa, cum telo ambulaverit. Quò accedit, quod Prif. l. 8. c. 3. §. 17. talio absoluta & stricta in plurimis de-

lictis non possit habere locum, e. g. in adulterio, in stupro, foedo concubitu, crimine læsæ majestatis &c. Imò ea ne quidem in injuriis, quæ corpori inferuntur, commode potest locum habere. Sic, si rusticus rustico colaphum impegit, & percussus alteri reponere debeat; quomodo æquilibrium accurate servari poterit, & quomodo constabit, qualiter libratus prior colaphus fuerit? Unde sequitur, istos, qui talionem requirunt, tantum innuere velle, poenas delictis proportionatas esse debere, ne scuticà dignum horribili flagello sectemur, aut secures meritum scuticà soleave cædamus. Ideoque consummatis criminibus major debet pœna respondere: sed quia morte nihil est gravius, eaque iterari non potest, intra eam necessario consistitur, additis tamen interdum pro merito cruciatibus.

*Mod. de  
Rep. l. 6. c.  
ult. Habn.  
ad Wesenb.  
de just. &  
jur. n. 13.*

*Grot. c. 26.  
§. 32. in  
fin.*

XXXI. *Quomodo ergò spectatur  
magnitudo pœnae?*

*Grot. c. 20.  
§. 31. Puf.  
l. 8. c. 3. §.  
25. Str. Ex.  
1. ib. 32.*

*R.* Cum respectu ad patientem. Nam quia pœna est læsio, quæ pro diversitate objecti, quod læditur, est magna vel parva, consideranda omninò persona, quæ est punienda: aliàs uni eademque delicto mox major, mox minor

nor poena imponeret. Nam multa eadem pauperem onerabit, divitem non onerabit: & vili ignominia leve erit malum, honorato grave. Et hæc est intrinseca taxatio poenæ, cui interdum accedit causa extrinseca, quæ est ingens periculum ab eo, qui deliquit, plerumque autem necessitas exempli, quæ nasci solet ex generalibus invitationis ad peccandum, quæ reprimi, nisi acrioribus remediis, nequeunt.

XXXII. *Quæ sunt ista invitationa?*

xx. Invitationa præcipua sunt consuetudo & facilitas. Sic ob facilitatem furtum de pascuo gravius punitur, quam furtum de domo: & apud quasdam gentes, furtum à domestico commissum severius, quàm ab extraneo. Consuetudo facti, seu ubi aliquod vitium in publicos mores abiit, etsi aliquid detrahit de culpa in judiciis, tamen ubi leges sunt ferendæ, efficit, ut eidem reprimendæ poena sit intendenda, seu poenæ acrimoniam ex aliqua parte flagitat, ut in duellis coercendis.

XXXIII. *Altera pars juris aggratiandi, in quo consistit?*

Ubi poena est arbitraria, potius

Ziegl. b. l.  
l. 16. D. de  
pen.

ad minuendam eam debemus esse prompti, quam ad augendam, & faciliores ad absolvendum, si fieri possit, quam ad condemnandum; seu iudex pœnam, si tutò poterit, condonet, sin minùs, temperet.

XXXIV. *An pœnae causa bellum suscipi potest?*

Grot. c. 20.  
§. 38. & L  
2. c. 1. §. 2.  
aliter.

R. Bellum pœnale nullum est, ut suprà diximus, quia pœna exigitur propter transgressionem legis, quæ à superiori inferioribus, seu subditis tantum, præscribitur; & bellum inter pares, seu qui tales se credunt, geritur.

XXXV. *An ergò Reges & qui par jus Regibus obtinent, non habent jus pœnas poscendi in quibusvis personis, jus naturæ & gentium immaniter violantibus?*

Osiand.  
ad Grot.  
c. 20. §. 40.  
Grot. d. c.  
20. §. 40.  
aliter. Kuis  
pis Ex. ad  
Grot. 9. §.  
7. in fin. &  
8. aliter.

R. Non, quia punitio requirit subjectionem ejus, qui punitur, seu est effectus imperii & judicii, quod non exercetur, nisi in subditos. Et quemadmodum Rex Hispaniarum non potest punire peccata, quæ in Gallia committuntur, ita nec peccata Barbarorum, qui barbarè vivunt, & quorum peccata cedunt in offensam Dei, & in peccantium perniciem: nisi ipsi subji-

cian-

ciantur. Quò accedit, quod par sit ratio peccatorum, quæ contra jus naturæ committuntur, si non cedant in alterius regis injuriam; & sic barbaros punire deberent propter fornicationem, furtum, ebrietatem &c. quod est absurdum.

XXXVI. *Daturne bellum pœnale propter delicta in Deum commissa?*

R. Non (1.) quia non datur bellum pœnale, propter delicta in jus naturæ commissa, ut modò diximus; (2.) quia omnes gentes, è persuasione suæ religionis, ita damnarent alias gentes; & sic in roto mundo esset bellum universale in universas gentes; (3.) quia quamvis Deum offendant, tamen suarum possessionum habent dominium, quod ipsis invitis, sine facto ipsorum, ne quidem à rege ipsorum, auferri potest, multò minus ab alio rege per bellum, quod non est justum, sine injuria sive inferenda, sive illata.

XXXVII. *An ergò Religio Christiana bello non potest propagari?*

R. Non, nam falsa persuasio de Deo est morbus menti inhærens, ad quem proinde curandum non iis, quæ in corpus tantùm penetrant, sed doctrinâ & sedulâ institutione, quæ in animum

*Offend. ad  
Grot. c. 204  
§. 44. Grot.  
d. c. 20.  
§. 44. n. 1.  
aliter.  
Kulpis. d.  
Ex. §. 9.  
aliter.*

*Tbuan. ad  
Henr. IV.  
in præf.  
hist. tom. 1.  
Grot. c. 20.  
§. 48. O-  
sund. b. l.  
jurg. 4-*



*dom Pia-  
setzki à  
Kranich-  
feld, in  
tract. de re-  
lig. vi,  
carcere,  
tormentis  
non propag.*

mum leniter instillata descendit, opus est; & alia omnia pro arbitrio civilis magistratus fanciuntur; sola religio non imperatur, sed ex percepta veritatis opinione, accedente divini numinis gratiâ, benè præparatis mentibus infunditur. Quo accedit, quod ubi quis religione ducitur, in eo nullum habent momentum vexatio & dolor. Stet illic licet carnifex, licet tortor ferrum & flammam admoveat, non quid passurus, sed quid facturus sit, cogitabit.

XXXVIII. *An arma possunt sumi in Christianos, idèd quia Christiani sunt?*

*Grot. d. c.  
20. §. 49.*

Æ. Non; quia in disciplina Christiana nihil est, quod humanæ societati noceat, imo nihil, quod non proffit; & eorum conventus non sunt bacchanalia, aut coetus turbandæ paci, sed virtutum scholæ. Hinc qui in tales sæviunt, ipsi in ea causa sunt, ut puniri justè possint, imò à Deo puniendi. Multo magis ii qui Christiani sunt, & in eos sæviunt, qui Christi legem pro vera habent, sed de quibusdam, quæ aut extra legem sunt, aut in lege sensum videntur habere ambiguum, & ab antiquis Christianis non eundem in

*Grot. c. 20.  
§. 50. n. 1.  
Boecl 2.  
Inst. Pol.  
Pol. c. 4.  
p. 144.  
Disp. pol.  
r2. p. 377.*

mo-

modum sunt exposita, dubitant aut errant. Nam si in tales suppliciiis grafsantur, perinique faciunt. Nec admittendæ sunt excusationes quorundam, scil. nova omnia esse metuenda, præfertim coetus; nam neque metuenda sunt dogmata, quamvis nova, si modò ad honesta omnia, atque ad exhibendam superioribus obedientiam ducant; nec suspecti esse debent coetus proborum hominum, & qui latere non quæruat, nisi cogantur.

C A P U T XXI.

De Poenarum communicatione.

- |  |   |
|--|---|
| <p>I. Quid sit poenarum communicatio.</p> <p>II. Quotuplex.</p> <p>III. Quibus modis rectores teneantur ex subditorum delicto.</p> <p>IV. Quomodo ex patientia.</p> <p>V. Unde scientia in imperantibus præsumatur.</p> <p>VI. Quomodo teneantur ex recepta.</p> <p>VII. An delinquentem dedere teneantur.</p> <p>VIII. An dediti nec recepti cives manean.</p> <p>IX. Quid, si delinquens in locum asyli confugiat.</p> <p>X. Quid sint asyla.</p> <p>XI. Ex quo jure puniendus sit delinquens, qui non quidem deditur, sed à populo, cuius quædam est, puni-</p> | <p>nitur.</p> <p>XII. Quomodo subditi teneantur ex delicto imperantium.</p> <p>XIII. An subditi, in superiorum delicta non consentientes, puniantur.</p> <p>XIV. Quomodo poena universitatis, &amp; poena singulorum, differant.</p> <p>XV. Poenæ jus in universitatem an semper, &amp; quamdiu duret.</p> <p>XVI. An exemptum Dei, delicta parentum in liberis post tres generationes punientis, homines imitari possint.</p> <p>XVII. An poenæ, ut honores &amp; præmia, ad posteros transeant.</p> <p>XVIII. An &amp; quatenus, sine</p> |
|--|---|

- sine ulla alieni delicti communicatione, damnum sentire possimus.*
- XIX.** *Quomodo alieni peccati occasione malum obliquando patiamur.*
- XX.** *An fidejussor se ad mortem obligare possit.*
- XXI.** *An ad exilium.*
- XXII.** *An civitas liberis, occasione delicti paterni, ea auferre possit, quæ habituri erant à civitate.*
- XXIII.** *An ergò nemo ob delictum alienum puniri possit.*
- XXIV.** *Quid dicendum sit de legibus, quæ libertos vel cognatos, ob crimine patris vel cognati, puniunt.*
- XXV.** *An subditi rectè puniantur ob Régis delictum.*
- XXVI.** *An Deus populum, ob Davidis peccatum, puniverit.*
- XXVII.** *An delinquentis bares de pœna teneantur.*

### I. *Quid est pœnarum communicatio?*

Grot. l. 2. c.  
21. §. 9.

**R.** **P**œnarum communicatio est, qua alius quàm qui deliquit, occasione delicti, propter factum suum præcedens, pœnæ fit particeps: & punitur hic non tam ex alieno; quam ex suo delicto.

### II. *Quotuplex est?*

Grot. c. 21.  
§. 2. & 7.  
Puf. l. 8. c.  
3. §. 28.

**R.** Duplex, aut civitas tenetur ex facto singulorum, aut singuli tenentur ex facto civitatis.

### III. *Quibus modis rectores aliorum in crimen veniunt?*

d. c. 21. §.  
2. n. 2.

**R.** Duobus modis, patientia & receptu.

### IV. *Quid juris circa patientiam?*

d. c. 21. §. 2.  
n. 2. 3. 4. 5.  
Ziegl. b. h.

**R.** Rectores aliorum, si sciant subditos delinquere, si etiam hoc prohibere possint, sicut debent, & tamen

NOIV

non prohibeant, ipsi delinquant. Sic pater, qui scit filium suum delinquere, & prohibere potest, non tamen hoc facit (modò filius ipsum audiat) ipse delinquit; sic quoque dominus, ephori & omnes, quorum officium est, ut alios regant, eodem modo veniunt in communionem delicti & poenæ. Idem ad subditos pari ratione referri debet; venit enim hoc ex naturali æquitate. Sic qui patiuntur, ut subditi exerçant piraticam, & non prohibent, tenentur. Pariter autem concurrere debent facultas prohibendi, scientia, & non-prohibitio, ut quis ex facto alieno teneatur.

Grot. l. 2.  
17. §. 20.

V. Unde præsumuntur Imperantes scire?

R. Facile præsumuntur scire, quæ conspicua sunt & frequentia: id enim, quod à multis fit, necesse est à nemine ignorari.

d. c. 21. §.  
2. n. 6.

VI. Quid juris de receptu adversus poenas?

R. Civitas, apud quam degit delinquens, horum alterum facere debet, aut (1.) ut ipsa interpellata pro merito puniat nocentem, aut (2.) ut eum permittat arbitrio interpellantis; sive rei sint subditi perpetui, sive post

c. 21. §. 4.  
n. 1. Horn.  
l. 2. c. 2. §.  
18.

Grot. c. 21.  
§. 4. n. 8. c.  
11. §. 5. n. 6.  
2. in fin.

Bb cri-

crimen commissum, ab aliis ad alios confugiant, & fiant subditi temporarii.

VII. *An ergo Rex vel populus non stricte tenetur ad dedendum?*

d. c. 21. §.  
4. n. 3.

ꝛ. Non, nam quia talis delinquens, dum apud nos reperitur, subditus non est, in eum habemus imperium, non alius: & sic nos ipsum (non alius) punire possumus, quamdiu apud nos est. Ne autem delictum ipsius videamur probare, & sic nos participes facere, eum aut dedere, aut punire debemus; quamvis fontes deponentibus interdum optio detur, quo cumulatius satisfiat. Imò jus hoc deponendi ad poenas eos, qui extra territorium profugerunt; apud plerisque Europæ populos circa ea demum crimina uturpatur, quæ Statum publicum tangunt, aut quæ exitiam habent facinoris atrocitatem. Minora verò mutua dissimulatione transmitti invaluit: nisi foederis legibus propius quiddam convenerit.

Grot. c. 21.  
§. 5. n. 5.

VIII. *An isti, qui à civitate sunt dediti & non recepti ab aliis, cives manent?*

Grot. c. 21.  
§. 4. n. 7. *Alber. Gent.*  
l. 3. c. 17.  
p. 628.

ꝛ. Si alter populus concessio jure non utatur, erit is deditus est, eo loco, ut à suo populo possit puniri aut non puniri: ut multa sunt delicta, in quibus

bus utrumvis fieri potest, Nam hæc deditio, quæ nihil aliud est, quam civem alterius populi potestati permittere, ita ut de eo statuat quod voluerit, jus nullum dat aut adimit, quia tantum est factum, quod executionis tollit impedimentum; sed decreto aliquo, aut judicio (nisi lex aliqua factum velit haberi pro re judicata) opus est, & sic jus civitatis, ut & jura & bona alia non amittuntur, nisi interventu vel decreti, vel judicii, vel legis: & sic manebunt ejus, cujus fuerant. Si deditio accepta sit, & postea casu aliquo reversus sit is, qui fuerat deditus, hic civis non erit, nisi ex novo beneficio.

*IX. Quid, si delinquens in locum asyli confugiat?*

*ix.* Asyla profunt illis, qui immerito odio laborant, i. e. qui casu aliquo vel latâ culpâ deliquerunt, non autem qui commiserunt tale, quod societati humanæ aut hominibus aliis sit injuriosum. Nam qui initio jura ista constituerunt, infelicibus quidem misericordiam, at his, qui malo animo injuriam intulerunt, pœnam expectandam voluerunt. Et si quis deliberato animo hominem occidit, vel civitatis

*Grot. c. 27.  
§. 5. n. 1.  
Seld. l. 4. c. 2.  
Ant.  
Matth. de crim. l. 48. tit. 18. c. 5. n. 17.  
Kulpis.  
Ex. Grot. b. c. §. 1. in fin. Inst. Jur. Publ. p. 482*

statum turbat, vel aliud crimen committit, huic ne ipsum sanctissimum Dei altare patrocinator, sed aut puniendus, aut certe amovendus est.

X. *Quid ergo sunt asyla?*

Grot. c. 21.  
§. 6. O-  
sland. b. l.  
Ziegl.

R. Sunt loca, publica auctoritate, ad innocentiae auxilium & praesidium, constituta, ut interim causae justitia cognoscatur.

XI. *Quando delinquentem ipsi punimus & non dedimus, secundum quae jura est puniendus, an secundum jura loci, ubi deliquit, an secundum nostrae civitatis jura?*

Grot. c. 21.  
§. 6. n. 2.

R. Quod si id, cujus accusatur delinquens, non sit vetitum jure naturae aut gentium, res dijudicanda erit ex jure civili populi, unde venit: si secus, secundum nostrae civitatis jura; jus enim naturae & gentium poenas non determinat.

XII. *Quomodo à summa potestate culpa transit ad subditos?*

Grot. c. 21.  
§. 7. n. 1.  
Puf. l. 8. c.  
3. §. 28.

R. Si consenserint in crimen, aut consensu ac iussu summæ potestatis aliquid fecerint, quod facere non licebat.

XIII. *An ergo ii qui non consenserunt, non puniuntur?*

R. Quanquam regulariter decreta, in

in quæ major pars consensit, habeantur pro decretis universitatis, sic ut etiam pauci dissentientes teneantur ea observare & exequi; tamen in delicto aliter se res habet, & ad eos non pertinet, qui aut non consenserunt, aut aliorum sententiis victi sunt. Ita tamen, ut interdum civitati adimi soleant ea, quæ habet communia, ut sunt muri, navalia, naves bellicæ, arma, ærarium, agri publici &c. & sic illi etiam damnum aliquod sentiant. At ut singuli, ob delictum universitatis, citra consensum suum, ea amittant, quæ ipsorum sunt propria, injustum est.

Grot. d. c.  
21. §. 7. 11.  
2. Puf. d. l.  
Horn. l. 2.  
c. 7. §. 11.  
Ziegl. b. l.

XIV. *An ergò pœna universitatis & pœna singulorum differunt?*

R. Affirmatur. Sicut enim singulorum pœna interdum est mors, ita mors civitatis est, si evertatur aut dissolvatur; singuli in servitatem pœnæ nomine rediguntur, civitas vero servitatem civilem subit in provinciam redacta; singuli bona sua amittunt confiscatione, & civitati adimi solent, quæ habet communia, ut modò diximus.

Grot. c. 21.  
§. 7. n. 2. &  
3. Puf. d. l.

XV. *An pœna, ob delictum universitatis semper, etiam ante duas vel*

Bb 3 tres



*tres generationes admissum, exigi potest?*

Prot. c. 21.

§. 8. n. 1.

Paul. l. 8. n.

3. §. 29.

R. Quamdiu isti non sunt extincti, per quos ad universitatem meritum deducebatur, ipsum quoque meritum, ac proinde poenæ debitum, quod sine merito poenæ non potest subsistere, non extinguitur, & sic poena exigi potest: iis autem extinctis, exigi non potest. Licet enim universitas duret, quia idem corpus manet, quanquam particulis succedentibus, quædam tamen de universitate, primò ac per se, & sic semper dicuntur, quamdiu universitas durat, ut habere ærarium, leges & similia; quædam non nisi derivatione à singulis, seu propter singulos; sic doctam dicimus universitatem & fortem, quæ plurimos habet tales cives & hæc tamdiu dicatur, quamdiu hi singuli vivunt. Ex hujus genere est meritum seu delictum, quod singulis, ut animum habentibus, quem universitas per se non habet, competit.

*XVI. At Deus etiam delicta parentum in liberis post tres generationes punire potest.*

Prot. c. 21.

§. 8. n. 5. §.

§. 14. n. 1.

Osiand. b. l.

R. Aliud est jus Dei, aliud hominum; Deus jus dominii plenissimum habet,

ut

ut in res nostras, ita in vitam nostram, quod sine ulla causa & quovis tempore auferre cuivis, quando vult, potest. Hinc si liberos alicujus præmatura aut violenta morte Deus abripiat, in ipsos jure dominii, non poenæ utitur. Sæcùs quàm homines, qui jus in vitam subditorum limitatum &, non nisi propter meritum seu delictum præcedens, auferendam acceperunt.

XVII. *An honores & præmia ad postereros transeunt?*

R. Honores & præmia accipere ob bene merita majorum possumus, quia beneficii ea est materia, ut in quemvis, etiam in immeritum, & gratis conferri possit; poenæ non item.

Grot. c. 2 r. 3  
§. 8. n. 5.  
in fin. Puf.  
d. l.

XVIII. *An autem ob delictum alterius, de quo nullo modo participamus, nullum plane damnum sentire possumus?*

R. Damnum directè datum, quo auferitur alicui id, ad quod quis jus proprium habet, non sentimus propter delictum alterius, citra factum nostrum præcedens; damnum autem per consequentiam (quo fit, ut quis non habeat, quod alioqui habiturus fuisset, si alius non deliquisset) sentire possumus, citra factum nostrum. Sic paren-

Grot. c. 2 r. 5  
§. 10.

Grot. l. 2. c.  
 17. § 2. l. 2.  
 c. 21. §. 10. n.  
 a. r. f. 24.  
 fin. & ibi  
 Bitfcb.

tum bonis confiscatis, liberi sentiunt quidem incommodum seu damnum per consequentiam, quia bona illa illorum futura erant, si à parentibus ipsorum delictum non fuisset commissum, & si ad ultimum spiritum ea fuissent conservata, sed proprie poena non est, nec damnum directè illatum. Hinc etiam ea, quæ liberi à natura habent, ut vita, corpus, membra &c. aut quæ ipsis aliunde tribuuntur, iisdem incolumia manent. Sic cum ex delicto majoris partis, quæ personam universitatis sustinet, universitas in culpa est, eoque nomine amittit communia, libertatem civilem, muros, & alia commoda, sentiunt quidem damnum & singuli innocentes, sed ea in re, quæ ad ipsos directè non pertinebat, scilicet per consequentiam tantùm, seu per universitatem.

XIX. *An non, occasione peccati alterius, interdum aliquid mali quis patitur?*

Grot. c. 21.  
 §. 11. Pif. l.  
 §. c. 3. §. 32.

ꝛ. Affirmatur, verùm peccatum alterius non est causa proxima hujus mali, sed propria commissio. Sic quando quis pro delinquente fidejebet, non ex delicto, sed ex sua sponfione tenetur. Atque hinc fit, quod malum illi fe-

ferendum mensuram accipiat, non ex delicto alterius, sed ex potestate, quam in promittendo habuit.

XX. *An ex fidejussione aliquis occidi potest?*

R. Non, quia nemo jus tale habet ad vitam, ut eam sibi adimere, aut adimendam obligare possit, ut supra diximus. Idem intelligi debet de membris; nam & in illa jus homini datum non est, nisi corporis servandi causa.

Grot. c. 21.  
§. 11. n. 2.  
& l. 2. c. 19.  
§. 5.

XXI. *An fidejussor se potest obligare ad exilium?*

R. Quamvis aliàs liberis patribusfamiliàs liceat, de sua civitate statuere, quid velint, ut diximus, fidejussor tamen non recte se obligat ad exilium, tum quia illud poenæ rationem non videtur obtinere posse, nam delinquens hac ratione non punitur: tum quia non interest civitatis, ejusmodi civem, qui non deliquit, ex civitate exire. Exinde sequitur, quod tantum se possit obligare, quando poena est pecuniaria, vel in aliis delictis, de reo sistendo, sub certa pecuniæ summa, si non sistatur.

Puf. l. 8. c.  
2. §. 32. in  
fin. Str. Ex.  
47. sb. 39.  
Grot. c. 21.  
§. 11. n. 3.  
aliter. &  
Ziegl. b. l.

XXII. *An civitas liberis auferre potest, occasione delicti paterni, ea*

Bb 5 *quæ*

*que habituri erant à ci-  
vitate?*

Grot. c. 21.  
§. 11. n. 3.  
in fin. §.  
§. 16. & c.  
17. §. 3.

R. Affirmatur, si hoc jus pendeat à voluntate civitatis: sic proditorum & perduellium liberi sæpe honoribus excluduntur; id quod parentibus in pœnam redundat, dum sciunt, liberos ipsorum inglorios vivere, sed in liberis pœna non est; civitas enim de his pro arbitrio disponere potest.

**XXIII.** *An ergò nemo, qui delicti est  
immunis, ob alienum delictum  
puniri potest?*

Grot. c. 21.  
§. 12. Puf.  
d. c. §. 33.  
Ziegl. b. c.  
§. 12.

R. Nemo potest puniri ex delicto alieno, si proprium factum nullum præcedat: aptitudo enim ad pœnam ex merito oritur; meritum autem est personale, quippe ex voluntate ortum habens, qua nihil est magis nobis proprium. Et neque virtutes, neque vitia parentum liberis sunt imputanda.

**XXIV.** *Quid ergò dicendum de legi-  
bus, quæ liberos vel propinquos ca-  
pite puniunt, propter crimen pater-  
num vel cognati?*

Grot. c. 21.  
§. 14 & 15.  
Matth. de  
crimin. l.  
48. tit. 2. c.  
3. §. 10.

R. Illæ leges sunt injustæ, nam unusquisque ex suo admisso sorti subijcitur, nec alieni criminis successor constituitur. Hinc prægnans mulier mortis supplicio affici non potest. Quamvis

vis autem liberi non possint puniri propter delicta parentum, tamen ea ipsis possunt denegari, de quibus modo dictum.

**XXV. *Ea, quæ de liberis dicta sunt, possuntne applicari ad populum verè subditum?***

R. Affirmatur; nam contractus, qui ex natura consociationis oritur, seu ejus corporis, cujus caput est rex, membra cæteri, vi cujus totum corpus, seu major ejus pars, vel ille, in quem jus totius corporis seu integri est translatum, reliqua membra obligare potest, non pertinet ad delicta, sed ad negotia licita ex probabili causa suscepta. Hinc etiam isti, quorum consensus non accessit, vel factum aliud, quod per se sit poena dignum, non obligantur, licet interdum damnum inde sentiant.

Grot. s. 21.  
§. 17. n. 1.  
l. 2. c. 5. §.  
17. c. 14. §.  
11. n. 2. l.  
3. c. 2. §. 2.  
Ziegl. b. c.  
§. 17. aliter.

**XXVI. *At Deus, ob Davidis peccatum, populum pestilentia confecit, & quidem, ut David censet, innocentem?***

R. Deus, qui in vitam ipsorum habebat jus plenissimum, non populum, sed Davidem sic punivit; Regis enim supplicium est, subditis orbari. Ac perinde est, ac si quis manu peccavit,

Grot. c. 21.  
§. 17 n. 2.  
Ziegl. &  
Ostend. b. l.  
& §. 14. a-  
liter. l. 1. c.  
3. §. 8. n. 16.

cavit, in tergo feriatur.

XXVII. *An hæres delinquentis de pœna tenetur?*

Grot. c. 21.  
§. 19.

J. 2. c. 10.  
§. 2.

J. 2. c. D. de  
O. & A.

J. 3. §. 11.  
de pecul.

Grot. c. 21.  
§. 20.

R. Hæres de cæteris debitis tenetur, non de pœna; quia hæres personam defuncti refert, non in meritis, quæ sunt mere personalia, & propter quæ pœna imponitur, sed in bonis, quibus ut cohærent ea, quæ alicui debentur ex ipsa rerum inæqualitate, id simul cum dominio fuit introductum. Hinc si ultra meritum, nova quædam causa obligationis exsiterit, contractus vel quasi contractus, qui præsumitur ex litis contestatione, pœna pecuniaria ab hærede debetur.

## CAPUT XXII.

### De Causis injustis.

I. *Quid sit causa belli injusta.*

II. *Quotuplices sint.*

III. *Quæ sint causæ injustæ.*

IV. *An inventionis titulus ab aliis possessas occupare possimus.*

V. *An libertatis desiderium in populo subdito justa sit belli causa.*

VI. *An voluntas alios regendi, quasi naturaliter servos, & ad ipsorum commodum.*

VII. *An titulus universalis imperii, quem quidam*

tribuunt Imperatori Romano.

VIII. *An detur Monarchia universalis.*

IX. *An Ecclesia habeat jus in populos ignotos.*

X. *An spes, concepta ex divinorum vaticiniorum explicatione, justa sit belli causa.*

XI. *An bellum juste geratur ad consequendum id, quod non ex jure stricto, sed aliunde, e. g. liberalitate, grati udinis, misericordia, aut virtute simili, debetur.*

XII.

XII. *An bello ex justa causa suscepto, interdum vitium ex animo agentis accidere possit.*

I. *Quid est causa belli injusta?*

R. *Causa belli injusta est, quando quis, citra præcedentem injuriam, vel inferendam, vel illatam, alii bellum infert.*

Grot. l. 2.  
c. 1. §. 2.

II. *Quotuplices sunt?*

R. *Sunt variæ, interdum plane nulla, nec justificata, nec suasoria; & hoc vitium humanum excedit modum, & non crudelis tantum, sed ferus est, cui sævitia est voluptati, imò insanus est. Nam sine causa in bella ac pugnas ferri, mera est insaniã, malum sibi quærens. Plerique suasorias habent, & justificas planè non curant. Tales sunt isti, quibus pro foedere proque justitia est ensis. Alii causas quasi justificas adferunt, quæ tamen expensæ ad rectam rationem injustæ reperiuntur.*

Grot. c. 22.  
§. 1. n. 2.  
§. 2. c. 20.  
§. 5. n. 3.

c. 22. §. 3.

d. c. §. 4.  
A. B. tit.  
17. §. ibi  
Limn.

III. *Quenam sunt istæ?*

R. *Ex justis causis injustæ cognosci possunt; rectum enim obliqui est index. Summa genera sunt metus ex vicina potentia, ut si vicinus, nulla pactione impeditus, in suo arcem facit, aut munitionem aliam, quæ damnum aliquando dare posset; nam adversus tales metus contrariæ in suo munitiones,*

Grot. c. 22.  
§. 4. in fin.  
d. c. §. 5.  
n. 1. §. 29



d. c. §. 6.

nes, & si qua sunt similia remedia quaerenda sunt, non vis bellica. Nec utilitas (e. g. si quis locus omnino commodus & conveniens esset ad territorium alicujus muniendum vel firmandum) par jus facit cum necessitate.

d. c. §. 7.

§ 8. l. 2. c.

2. §. 20. §

f. 77.

Nec ubi laxa est matrimoniorum copia, negatum matrimonium. Nec amor mutandæ sedis, de quibus omnibus supra diximus.

IV. *An titulo inventionis nobis possimus vindicare ea, quæ ab aliis possidentur?*

Grot. c. 22.

§. 9. § de

mari libe-

ro c. 2. O-

frand. b. c.

§. 9.

R. Equè improbum hoc est; etiam si is qui tenet, sit improbus, de Deo male sentiens, aut hebetis ingenii. Nam inventio est rerum, quæ nullius sunt: & licet possessores de Deo malè sentiant, nihilominus publicè atque privatim rerum possessionumque suarum dominium habent, quod illis sine justa causa eripi non potest. Et fides non tollit jus naturale & gentium, ex quo dominia profecta sunt: neque ad dominium requiritur aut virtus moralis, aut religiosa, aut intellectus perfectio.

V. *An justa belli causa est libertatis desiderium in populo subdito?*

R.

ꝛ. Non; nam quamvis libertas natura compctere dicatur, tamen hoc intelligendum est de jure naturæ præcedente factum omne humanum. Quare qui legitima causa in servitutem, five personalem, five civilem, devenerunt, contenti sua conditione esse debent; nam olim honestum erat pro libertate pugnare; at qui victi semel sunt, & longo tempore paruerunt, si jugum postea excutiant, faciunt quod desperatorum hominum est, non quod libertatem amantium, ut supra diximus.

Grot. l. 2.  
 c. 22. §. 11.  
 c. 4. §. 14.  
 l. 1. c. 3.  
 §. 8. n. 12.

VI. *An voluntas alios regendi, quasi naturaliter servos & dignos qui serviant, & quia ipsis utile, est justa bellandi causa?*

ꝛ. Non; quamvis enim alicui aliquid sit utile, tamen mihi non licet id ei per vim imponere. Nam his, qui rationis habent usum, libera esse debet utilium & inutilium selectio, nisi alteri jus quoddam in iis quæsitum sit. Quod accedit, quod nullum sit naturale imperium, nec naturale servitium, & aptitudo ad parendum alteri non tribuit imperium: aliàs interdum pater filii, dominus servi, rex subditi &c. servus esset.

Grot. c. 22.  
 §. 12.  
 Horn. l. 1.  
 c. 3. §. 1.  
 Puf. l. 6.  
 c. 3. §. 4.

VII.

VII. *An titulus universalis imperii, quem quidam tribuunt Imperatori Romano?*

Grot. c. 22.  
§. 13. Jac.  
Gothofr. ad  
l. 9. de L.  
Rbod. de  
jactu.  
Linn. l. 2.  
c. 8.

R. Stultum est credere, quasi Imperator Romanus in remotissimos & incognitos hactenus populos jus imperandi habeat; hoc enim à nemine & nullo jure unquam ipsi est tributum, & habent alii populi, & semper habuerunt suos Imperantes, suas leges, sua jura, quæ ipsis invitis, citra ipsorum factum, nemo jure auferre, unquam poterit.

VIII. *An ergò Monarchia universalis non datur?*

Grot. c. 22.  
§. 13. n. 1.  
in fin.  
Henr. Kipping. in not.  
& animad.  
in axiom.  
Gall. Zuberii de  
prætenf.  
Regis Gall.  
super imperium.  
Osiand. ad  
Grot. b. c.  
§. 13.  
Ziegl. b. c.  
aliter.  
Thom. Campanel. de

R. Non; ut enim navis aliqua ad eam magnitudinem pervenire potest, ut regi nequeat, sic & hominum numerus & locorum distantia tanta esse potest, ut unum regimen non ferat; ita ut sit ea res humanis consiliis altior, & morali æstimatione impossibilis. Imò videtur esse contra Dei arbitrium & providentiam, qui orbem terrarum non uni vel alteri concessit, sed cum tam dispares limites posuerit orbis partibus, & tam diversa populorum ingenia condiderit, videtur omnino voluisse, ut essent diversa regna & diversa imperia. Præterea omnium seculo-

culorum historia de imperiorum regno-  
rumque discretionem hoc testatur.

**IX. An Ecclesia habet jus in populos  
ignota hactenus partis terrarum?**

**R.** Negatur, quia Christus ipse, à  
quo omnis potestas Ecclesiastica fluxit,  
& cujus vita exemplar Ecclesiæ, quæ  
talis, est propositum, negavit regnum  
suum esse de hoc mundo.

**X. An spes concepta ex divinorum  
vaticiniorum explicatione iusta  
est belli causa?**

**R.** Non; nam præterquam, quod  
quæ nondum impleta sunt oracula, in-  
terpretari certò vix contingit sine pro-  
phético spiritu, etiam rerum certarum  
latere nos possunt tempora. Ac postre-  
mò prædictio, nisi expressum adsit Dei  
mandatum, jus nullum dat, cum Deus  
quæ prædixit, sæpè per improbos ho-  
mines, aut per pravas actiones, ad exitum  
ire permittat.

**XI. Si quis mihi quid ex liberalitate,  
gratia sive gratitudine, misericor-  
dia aut virtute simili, non ex pro-  
pria justitia, debeat, an si sponte  
id non velit præstare, armis hoc  
consequi licet?**

**R.** Sicut in foro hoc exigi non pot-  
est, ita nec armis deponci. Nam qui

monarch.  
Hisp. Aubé-  
rius dict.  
lib. aliter.

Grot. c. 22.  
§. 14. de  
mari lib. c.  
6. Becm. in  
hist. geog.  
& civ. part.  
2. c. 1. §. 7.  
Ostiad. ad  
Grot. b. c.

§. 14.  
Ziegl. de  
jur. maj.  
l. 1. c. 33.  
§. 52.

Grot. c. 22.  
§. 13. &  
Ostiad. b. l.

Grot. l. 1. c.  
2. §. 2.

Grot. c. 22.  
§. 16. c.  
20. §. 20.  
Boech. de

ad ingrati.  
139. Ziegl.  
b. c. §. 16.

beneficium dedit, nullum habet jus (idem dicendum de aliis similibus virtutibus) ad reposcendam gratiam, alioquin contractus esset, non beneficium. Et non convenit, beneficia foenerari, aut in calendario scribere. Cumque res honesta sit, referre gratiam, desinit honesta esse, si necessaria est: neque gloriosa res est gratum esse, nisi tutum est, ingratum fuisse.

XII. *An bello ex causa justa potest accidere vitium ex animo agentis?*

Prot. c. 22.  
§. 17.  
Ziegl. b. c.  
§. 17. aliter.

R. Affirmatur, ut si causæ justæ accidat gaudium acquiescentis in malo alieno, sine boni respectu, vel profunda cupido imperii & divitiarum; & hæc, ubi causa justifica non deest, peccatum quidem arguunt, ipsum tamen bellum proprie injustum non faciunt: unde nec ex tali bello restitutio debetur.

## C A P U T XXIII.

### De causis dubiis.

- |   |  |
|---|--|
| <p>I. Quid sint causæ belli dubiæ.</p> <p>II. Quæ sit causa hujus incertitudinis.</p> <p>III. Quid, si quis errans factum injustum putet, quod revera justum est.</p> | <p>IV. Quid, si hæsitet.</p> <p>V. Quid, si post examen aliquod, animus in alterutram partem inclinet, sed tamen cum formidine injusti, propter rationem non penitus certam.</p> |
|---|--|

VI.

- VI. *Quid, si ab utraque parte probabilita se ostendat argumenta.*
- VII. *Quid si sententia sint alternantes circa bellum & pacem.*
- VIII. *Quibus & quot modis vitari possit, ne controversia in bellum erumpant.*
- IX. *Quomodo per colloquium evitetur bellum.*
- X. *An melius sit, ut partes per se congregiantur, an per legatos.*
- XI. *Quomodo bellum per compromissum vitetur.*
- XII. *An partes arbitri sententia stas cogantur.*
- XIII. *Quomodo denique bellum vitetur per sortem. An hoc certamen singulare referri possit.*
- XIV. *Cujus sit, quærere conditiones, ut bellum vitetur. An is, qui documenta non habet sufficientia, quibus possessorem de injustitia suæ possessionis convincat, bellum licite gerat.*
- XV. *Quid, si jus sit ambiguum, & neuter possideat, aut ex æquo uterque.*
- XVI. *An bellum utraque ex parte justum esse possit.*

I. *Quid sunt causæ belli dubiæ?*

ꝛ. Sunt causæ, de quibus non semper certò constat, justæ an injustæ sint.

II. *Quæ est causa hujus incertitudinis?*

ꝛ. Quamvis nostra disciplina, quæ in actionibus humanis considerat, quid justum, quid injustum sit, ejusmodi fundamentis nitatur, ut exinde genuinæ demonstrationes, quæ solidam scientiam parere sunt aptæ, deduci queant, æquè certa sit, ac disciplinæ mathematicæ: tamen, quia applicatio fieri debet ad facta, quæ sæpè obscuram & dubiam habent interpretationem, in illa major videtur esse latitudo, quam

*Puf. l. 1. c. 2. §. 4. in fin. & §. 9. Boet. in præf. ad Grot. p. 36.*

*Grot. c. 23. §. 1. aliter.*

in disciplinis mathematicis. Sic potest in bello dubium oriri de facto, ob quod bellum movetur, justum an injustum sit, tamen hoc principium, Ubi præcedit injuria, ibi bellum est justum, propterea non est dubium vel incertum; & si constet, cum facto injuriam esse conjunctam, certa & indubitata ratione concludo, bellum propterea susceptum esse justum.

III. *Quid ergò faciendum, si quis erret, & factum injustum putet, quod re ipsa justum est?*

Grot. c. 23.  
§. 2. c. 26. §.  
3. Ziegl.  
c. 23. §. 2.  
Puf. l. 1. c.  
3. §. 13. in  
fin.

R. Abstinendum omnino à tali actu, quia vitiosus est, propter errorem; putat enim, eum esse contra legem, & sic legem aspernatur, dum facit, quod ex conscientia erronea putat, non esse faciendum, & ea lege prohibitum esse.

IV. *Quid, si hæsitet?*

Grot. d. c.  
23. §. 2. n. 2.  
Ziegl. b. l.  
Puf. l. 1. c. 3.  
§. 8. in pr.

R. Et hîc abstinendum, quia qui dubitat, an factum justum vel injustum sit, & tamen facit, sciens & volens se periculo peccandi exponit, & legem contemnit: tamen si faciendum omnino fuerit, eligere debet dubitans id, quod tutissimum ipse judicaverit; e. g. subditus dubitat, an bellum sit justum, princeps mandat, ut se in bellum sequatur, sequi ergo potius debet prin-

principem, quàm refractarius esse; quia credere potest, principem non esse tam imprudentem & impium, ut bellum injustum suscipiat.

V. *Quid, si quidam in alterutram partem inclinet, sed tamen cum formidine injusti, propter rationem non penitus certam?*

R. Qui non habent, ut activum judicium rectè conforment, tenentur audire sapientum consilia. Nam probabilia sunt, quæ omnibus videntur, aut plurimis, aut certè sapientibus: hisque rursus aut omnibus, aut pluribus, aut præstantioribus. Et hac via judicandi maxime utuntur reges, quibus artium momenta ediscere aut expendere vix vacat, juxta illud:

Grot. c. 23.  
§. 4. Puf.  
l. 1. c. 3. §.  
5. & 6.

*Dat sapere regi turba sapientum comes*

Sic Imperatores Christiani vix, nisi auditis Episcopis, bella suscipiebant, ut si quid esset, quod religionem posset injicere, ejus monerentur.

Mylcr.  
Archolog. c.  
12. Inst.  
Jur. Publ.  
p. 148.

VI. *Quid, si ab utraque parte se ostendant argumenta probabilia, sive intrinseca, nimir. ex natura ipsius facti, sive extrinseca, seu ab aliorum auctoritate petita?*

R. Id cum accidit, si res mediocres sunt, §. 5.

Grot. c. 23.



sunt, de quibus agitur, videtur vitio carere posse electio, in utramvis partem ceciderit. At si de re magni momenti, ut de supplicio hominis capitali, agitur, jam propter magnum discrimen, quod est inter eligenda, præferenda est pars tutior, & sic satius est, nocentem absolvere, quam innocentem condemnare.

VII. *Quid, si sententiæ sunt alternantes circa pacem & bellum?*

Grot. c. 23.  
§. 6.

R. Quia bellum est maximi momenti, ut ex quo mala plurima, etiam in innocentes, sequi soleant, idè inter sententias alternantes vergendum est ad pacem.

VIII. *Quibus & quot modis vitare possumus, ne controversiæ in bellum erumpant?*

Grot. c. 23.  
§. 7. §. 3. c.  
20. §. 46.

R. Tribus, quorum primus est colloquium, secundus compromissum, tertium fors.

IX. *Quomodo per colloquium evitamus bellum?*

Grot. d. 1.  
Rusf. l. 5.  
c. 13. §. 3.  
Alber.  
Gent. l. 2.  
c. 1.

R. Quando partes inter se congregantur, vel ipsæ, vel ipsarum mandatarii, & per amicam disceptationem litem componunt. Nam cum hic modus proprius sit hominis, omnia prius verbis experiri sapientem decet, quam armis,

armis, ad quem modum confugiendum, si non licet uti priori.

X. *An utile est, ut partes per se congregiantur, an verò potius hoc fieri debet per legatos?*

ꝛ. Optima prudentiæ pars est, colloquia ipsarum partium neque suaderi, neque suscipi debere, nisi provisus deliberatisque rationibus, quibus pericula declinentur & successus promoveantur: Hæc enim colloquia in propria persona (ut loquuntur) interdum periculis sunt exposita, & minus tutum est, alienæ potestati se permittere, ex quo religio fidei in ludum verti coepit.

Boecl. de congress. & coll. prin. §. 23. & seqq.

Comin. l. 3. hist. l. ud. XI. Rbet. de pac. c. 4. §. 6. & 7.

XI. *Quomodo per compromissum?*

ꝛ. Quando per amicam disceptationem res componi non potest, forte quia quælibet pars se solidis rationibus niti putat, proximum est, ut ad arbitrum eatur, qui hic ab iis, qui non habent communem judicem, eligitur, ut instar judicis litem arbitrio suo decidat.

Grot. c. 23. §. 8. l. 3. c. 20. §. 46.

XII. *An partes ergò coguntur, stare ejus sententiæ?*

ꝛ. Partes se invicem pacto adstringunt, quod velint tali sententiæ stare; nam sine hoc effectu finis arbitri sumti

Puf. l. 5. c. 13. §. 4. Ziegl. ad Grot. c. 23. §. 8. aliter.

redditur irritus, & fit progressus in infinitum.

XIII. *Quomodo per sortem?*

Grot. c. 23.  
§. 9. & l. d.  
3. c. 20. §.  
42. Prov.  
18. v. 18.  
Ziegl. &  
Ostind. b. l.

ꝛ. Ubi natura negotii & partium facilitas fert, sorte facillime liti finis imponi potest, & sortem Salomon commendat. Sorti affine quid est certamen singulare, cujus usus non videtur omninò repudiandus, si duo, quorum controversiæ alioqui totos populos gravissimis malis sint implicituræ, inter se parati sint armis decernere. Videtur enim id, si non ab ipsis recte fieri, certè à civitatibus posse acceptari, ut minus malum. Et inter cæteros Francorum mores, hunc quidam impensè laudant.

Grot. c. 23.  
§. 10. n. 2.  
Lebm.  
Chron.  
Spir. l. 2.  
c. 30. p.  
118. &  
seqq.

XIV. *Cujus est querere conditiones, ut bellum vitetur?*

Grot. c. 23.  
§. 11. l. 2.  
c. 1. §. ult.

ꝛ. Magis is tenetur, qui petit, quàm qui possidet. Ut enim in pari causa melior sit conditio possidentis, non civili tantùm, sed & naturali jure convenit. Atque hîc & illud addendum est, ab eo, qui justam causam habere se scit, sed documenta non habet sufficientia, quibus possessorem de injustitia suæ possessionis convincat, bellum licitè non sumi; quia non habet jus cogendi alterum, ut de possessione de-

Grot. c. 23.  
§. 11. in  
fin. jung.  
l. 2. c. 7.  
§. 2. n. 2.  
in fin.

decedat, ut suprà diximus.

XV. *Quid, si jus sit ambiguum, & neuter possideat, aut ex æquo uterque?*

R. Iniquus censendus erit, qui oblatam rei controversæ divisionem repudiat.

Grot. c. 23.  
§. 12. O-  
sland. h. l.  
Str. Ex. 2.  
tb. 53.

XVI. *An bellum ratione habita eorum, qui principales belli motores sunt, utrinque justum esse potest?*

R. Justitia causæ penes unam tantum partem esse potest, ut in lite, ita in bello: quia facultas moralis ad contraria, puta ad agendum, ut nempe quis cum effectu agere possit, & ad impediendum, seu ut exceptio opponatur cum effectu, non datur per rei ipsius naturam. At ut neuter bellantium injuste agat, fieri sane potest: injuste enim agit nemo, nisi qui & scit se rem injustam agere; multi autem id nesciunt. Sic justè, i. e. bona fide, potest litigari utrinque. Multa enim, & in jure & in facto, unde jus oritur, fugere homines solent. Quanquam in bello vix est, ut temeritas saltem omnis absit, ob negotii gravitatem, quæ omninò talis est, ut, causis probabilibus non contenta, quàm maximè evidentes requirat. Justum, si sumatur pro solenni, ut & ratione effectuum, qui

Grot. c. 23.  
§. 13. n. 2.  
Ziegl. h. i.

Grot. c. 23.  
§. 13. n. 4.  
§. 16. §. 4.  
n. 5.

inde pendent, bellum utrinque iustum esse potest.

## CAPUT XXIV.

Monita de non temerè, etiam ex iustis causis, suscipiendo bello.

- |   |   |
|---|---|
| <p>I. Ubi ius satis certum est, an statim bellum sit suscipiendum, an potius remittendum.</p> <p>II. Quid, si Rex ob causas leves bellum suscipiat.</p> <p>III. Quid regi sit facien-</p> | <p>dum, ut bellum periculosum vitet.</p> <p>IV. Quid in tali deliberatione sit observandum.</p> <p>V. Si res ita sit aestimata, quid porro sit faciendum.</p> |
|---|---|

I. *Ubi ius satis compertum est, an statim oportet bellum suscipi, aut an etiam semper licet?*

Grot. l. 2. 6. 2. 4. 6. 4. 7. 1. § 6. 7.

¶. Sæpè nobis ipsis nostrisque præstandum habemus, ne ad arma veniatur. Nam non tantum prudentia vult, ut bello periculoso abstinemus, sed sæpe etiam iustitia rectoria, quæ ex ipsa regiminis natura superiorem non minus ad curam pro inferioribus, quam inferiores ad obedientiam obligat.

II. *Quid ergò juris est, si Rex ob causas leves, & magnum secum periculum trahentes, bellum suscipiat?*

Grot. d. c. 24. §. 7. n. 1.

¶. Tenetur subditis ad reparationem damnorum, quæ inde oriuntur.

Nam

Nam etsi non in hostes, in suos tamen veram committit injuriam is, qui talibus de causis tam gravi malo eos implicat.

III. *Ut Rex tale bellum non suscipiat, quid ipsi faciendum?*

R. Si quis rex cum rege altero bello certandum habeat, primò sedeat expensurus apud se, an ipse, qui decem millia militum habet, hosti ducenti bis totidem par esse possit? quod si videat, se imparem esse, antequam ille intra fines adsit, mittat legatos cum mandatis, pacis causa.

d. c. 24. §. 4. n. 1.

IV. *In hac deliberatione quid præterea est observandum?*

R. Qui deliberant, partim de finibus, non quidem ultimis, sed interjectis deliberant: partim de iis, quæ eò ducunt. Finis semper est bonum aliud quod, aut certè mali declinatio, quæ vicem boni obtinere possit. Quæ verò huc aut illuc ducunt, per se non expetuntur, sed quatenus ducunt. Quare in deliberationibus comparandi sunt & fines inter se, & eorum quæ ad finem ducunt, facultas effectiva ad finem producendum.

Grot. d. c. 24. §. 5.

V. *Si res ita sit aestimata, quid porro faciendum?*

R. Si

Grot. c. 24.  
§. 9.

d. c. 24. §.  
10. n. 1. §.  
2. in fin.  
Forst. n. 2.  
Ann. Tac.  
21. Kulpis.  
b. c. §. 2. in  
fin.

¶. Si à jure simul stent vires, tunc si major emolumentum spes, quàm damni metus ostendatur, bellum suscipiendum. Et hoc vel maxime locum habebit, cum spes est, terrore ac famà (nullo aut exiguo periculo) rem confici posse. Unde, quia sæva res bellum est, cumulumque secum trahit injuriarum & insolentiæ, Reges magis in pacem, quam in bellum inclinent: nihil enim magis est regium, quàm consulere omnium salutem, quæ pace continetur.

## C A P U T XXV.

### De Causis belli pro aliis suscipiendi.

- |   |  |
|---|--|
| <p>I. <i>Quæ sint justæ causæ belli pro aliis suscipiendi.</i></p> <p>II. <i>Quæ sit prima &amp; maxime necessaria causa.</i></p> <p>III. <i>An civis innocens, qui ab hoste ad exitium depositur, deserere possit.</i></p> <p>IV. <i>An tradi, ut vitetur imminens alioqui civitatis excidium.</i></p> <p>V. <i>Quinam subditos sequantur.</i></p> | <p>VI. <i>An socii, contra spem boni exitus, sint defendendi.</i></p> <p>VII. <i>Quæ sit tertia causa.</i></p> <p>VIII. <i>Quæ latissima &amp; postrema causa.</i></p> <p>IX. <i>An justa sit belli causa pro subditis alienis, ut ab eis injuria imperantis arceatur.</i></p> <p>X. <i>An mercenaria militiæ, sine causæ discrimine, justa sit.</i></p> |
|---|--|

### I. *Quæ sunt justæ belli causæ pro aliis suscipiendi?*

Grot. l. 2.  
c. 25. §. 1.  
& c. 1. §.

¶. **Q**uæ causæ justæ sunt ipsi, cujus res agitur, eadem justæ sunt

sunt iis, qui aliis opem ferunt.

II. *Quæ est prima & maximè necessaria?*

R. Cura pro subditis, sive qui familiari, sive qui civili subsunt imperio; sunt enim quasi pars rectoris: sed tamen non semper singulorum, nisi ubi id sine omnium aut plurium subditorum incommodo fieri potest. Rectoris enim officium magis circa totum, quam circa partes versatur, & quo pars est major, eo ad totius naturam propius accedit.

III. *An civis innocens desereri potest, qui ab hoste deposcitur ad exitium?*

R. Si appareat, civitatem hostium viribus multò esse imparem, non tenetur istiusmodi hominem cum exitio suo defendere; sic enim & ipsa peribit, & innocens ille haudquaquam servabitur. Neque ille postulare potest, vi tacitæ conventionis civium inter se & cum capite (qua scilicet placuit ab initio, dum coiret societas civilis, ut una esset salus omnium, unum & commune periculum) ut pro se & secum tota civitas pereat; contractus enim ultra contrahentium mentem non est extendendus, quæ non videtur fuisse, ut se totam obligaret pro vita unius. Er-

2. b. lib.  
Schutz. vol.  
2. Ex. 10.  
tb. 4. lit. f.

d. c. 25. §.  
1. n. 2. &  
c. 1. §. 8.  
b. lib. &  
l. 1. c. 5. §.  
3. d. c. 25.  
§. 2. l. 1. c.  
4. §. 7. r. 4.  
Osiand. ad  
c. 25. §. 3.  
in med. a-  
liter.

Grot. c. 23.  
§. 3. Puf.  
l. 8. c. 2. §.  
5. diff.  
Ziegl. b. l.  
Osiand. &  
Frid. Horn.  
l. 2. c. 2.  
§. 14.

gò



gò hoc relinquitur misero, ut quantum potest, sibi ipsi consulat fugam, aut ausu quodam, quamvis periculoso.

IV. *An verò tradi in manus hostium civis innocens potest, ut vitetur imminens alioqui civitatis excidium?*

Horn. l. 2.  
c. 2. §. 20.

R. Videndum, ad quid petatur talis civis; si certò constet, nec ad cædem postulari, nec ad scelus aliquod, puta si vir rerum civilium peritus, aut si eximius artifex petatur, & civitati post traditionem nihil amplius sit metuendum, tradi potest; quia hîc eadem est ratio necessitatis conservandæ partis, quæ est totius, & unusquisque subditus civitatem & corpore & bonis conservare cogitur, propter imperium, quod civitati in caput ejus competit. Sin petatur aut ad præsentem mortem, aut ad scelus perpetrandum, e. g. formosus adolescens, vel virgo, ad libidinem tyranni implendam, tradi non potest, quia quidem imperans subditi caput periculis objicere potest, sed cum facultate pugnandi, & subdito quidem mandare potest, sed non quod est contra jus naturæ aut divinum. Et si imperans eum tradat de facto, id citra participationem peccati fieri non potest.

Grot. l. 2.  
c. 6. §. 5.  
§. 8. & c.  
25. §. 3. n.  
3. & 4.  
Kulpis. b. c.  
§. 1. in fin.  
Boeckl. ad  
Grot. l. 1.  
c. 1. §. 6.  
Ostend. b.  
c. §. 3.

est. De cætero, majoris debet esse civitati vita suorum civium, quam ut eam, declinando periculo incerto, aut acquirendo aliquo bono parum necessario, prodigere velit; neque in tales usus vitam suam civis offerre tenetur.

*Puf. l. 8. c. 2. §. 5. in fin.*

V. *Quinam subditos sequuntur?*

æ. Subditis, ut defendi debeant, proximi sunt focii, in quorum foedere comprehensum id est, sive in tutelam sese & fidem aliorum dederint, sive mutua auxilia pacti sint. Pactiones autem tales ad bella, quibus justa causa non subest, porrigi haud possunt.

*Grot. d. c. 25. §. 4. h. l. c. 3. §. 21. n. 1. §. 10.*

*Grot. l. 2. c. 15. §. 17.*

VI. *Quid, si nulla sit spes boni exitus?*

æ. Si meus focius videat, se hosti parem non esse, etiam adjunctis meis viribus, & tamen perseveret in certam perniciem ruere, cum liceat tolerabilibus conditionibus transigere, stolidus forem, si alieno furori me comitem adjungerem; & nemo ad certum exitum præsumitur se velle obligare, imò nemo potest. Si hoc moraliter certum non sit, sub prætextu, quod non sit spes boni exitus, focius se excusare non potest, quia aliàs facile omne foedus deserì posset, & focius omnitem-

*Grot. c. 25. §. 4. in fin. Puf. l. 8. c. 6. §. 14. in med.*

*Ziegl. b. c. §. 4.*

tempore diceret, sibi nullam esse spem boni exitus.

VII. *Quæ est tertia causa?*

Grot. c. 25.  
§ 5.

R. Tertia causa est amicorum, quibus auxilium promissum quidem non est, sed tamen amicitiae quadam ratione debetur, si facile & sine incommodo exhiberi possit.

VIII. *Quæ est latissima & postrema causa?*

Grot. d. c.  
25. §. 6.  
& 7. n. 1.  
Puf. l. 8. c.  
6. §. 14.  
in fin.  
Schutz. Vol.  
2. Ex. 10.  
ib. 4. O-  
sland. ad  
Grot. c. 25.  
obs. 7. in fin.  
Grot. d. c.  
25. §. 7. n. 2.  
aliter.

R. Hominum inter se conjunctio, quæ vel sola ad opem ferendam sufficit, & fortitudo, quæ defendit infirmos, plena justitiâ est: præsertim cum nostra quoque facillimè interesse possit, ne alium populum sine justa causa alius invadat. Sic homo hominem defendere cogitur ab injuria alterius: imò, si oppressus nisi morte infaucis eripi possit, observato moderamine inculpatae tutelæ, & iis quæ supra diximus, hic occidi poterit; luit enim, quod meruit, & satius est, servare innocentem, quàm opprimentem, si uterque servari non possit. Hoc tamen casu, si manifestum sit periculum, vitam & res suas alienis præferre quis potest, quia prima cura est sui ipsius & rerum suarum.

Grot. c. 25.  
§. 7. n. 1.  
Puf. l. 2.  
c. 6. §. 4.  
Osland. b.  
c. §. 7. cir-  
ca fin. ali-  
ter.

IX. *An ergò justa est belli causa pro sub-*

*subditis alienis, ut ab eis injuria imperantis arceatur?*

R. Quo casu ipsi recte arma sumunt contra suos imperantes, eo casu etiam eos recte defendimus: aliàs non licet. Nam ex quo civiles societates institutæ sunt, certum est, rectoribus cujusque speciale quoddam jus in suos sanctum, inviolabile & tutum, cum à subditis, tum ab aliis, à Deo concessum esse; & huc illud pertinet:

*Spartam, quæ tibi contigit, orna,  
Nobis fuerint cura Mycenæ.*

Et impedimentum, quod hîc est, non tantum est personale, seu ex personæ qualitate, quæ in alios non transit, sed ex re, seu ex ipso summo imperio, quod æquale habet cum altero, & in quod alteri non læso nihil juris competit. Ideoque hoc in statu subditis nihil reliquum est, præter libellos supplices, deprecationes, preces serias ad Deum, qui non patitur tentari ultra vires, sed aut mutat talis tyranni animum, aut vitam tollit.

X. *Quid de iis dicendum, qui sine causæ respectu, mercede conducti militant?*

R. Nullum vitæ genus est improbius, quam eorum, qui sine causæ re-

Dd

spe-

*Puf. l. 8. c. 6. §. 14. in fm. vid. supra l. 1. c. 4. §. 8. & seqq. Ofsand. b. c. §. 8. Ziegl. Horn. l. 2. c. 12. §. 10. Groc. c. 25. §. 8. n. 3. alior.*

*Schutz. d. Vol. 2. Ex. 10. tb. 4. lit. I. in fm.*

*Groc. t. 25. §. 9. Ofsand. h. c. §. 9. & 10.*

spectu, mercede conducti militant, & quibus

— *ibi fas, ubi plurima merces.*

Et parum est, quod suam vendunt necem, nisi & aliorum sæpe innocentium venderent: tanto carnifice detestabiliores, quanto pejus est, sine causa, quam ex causa occidere. Et bellum non debet esse inter artificia; nam militare non quidem est delictum, sed propter prædam militare, peccatum est; imò & propter stipendium, si id u-nice aut præcipuè spectetur: cum alio-qui stipendium accipere, sit omninò licitum. Huc referuntur præfecti, qui die stipendii solvendi, aut lustrationis suscipiendæ, alios conducunt, vel etiam suam familiam numerant, imò & de-functos quandoque, in suum commo-dum interpretantes illud Imperatoris, quod illi qui pro rep. ceciderunt, in perpetuum per gloriam vivere intelli-gantur.

Grot. c. 25.

§. 10.

Ziegl. b. c.

§. 10. de

jur. maj.

I. c. 33. §.

17.

I. de excu-  
sat. tut. in  
fin. pr.

## C A P U T XXVI.

De causis justis, ut bellum geratur ab his, qui sub alieno imperio sunt.

- |  |  |
|--|--|
| <p>I. Quomodo circa causas bel-<br/>li agere debeant, qui sub<br/>alieno sunt imperio.</p> | <p>ut militent, &amp; causam<br/>belli injustam credant.</p>             |
| <p>II. Quid, si ipsis edicatur,</p>  | <p>III. Quid, si dubitent.<br/>IV. An rationes consiliorum<br/>popu-</p> |

populo, sine reip. periculo,  
edi possint.

V. Quid, si subditorum a-  
nimis per causæ exposi-  
tionem satisfieri nequeat.

VI. Si de justitia belli dubi-  
tari non possit, an subdi-  
ti invitati cogi possint.

VII. An captivus ab hoste  
dimissus, ea conditione,

ne unquam contra ipsum  
militet.

VIII. An justa in bello in-  
justo subditorum defensio  
esse possit.

IX. An ergò hoc modo bel-  
lum, ab una parte inju-  
stum, utrumque justum  
fieri possit.

I. Quomodo agendum circa causas belli  
ab illis, qui in conditione parendi  
positi sunt, ut filii, servi, subditi,  
etiam cives singuli, si cum civita-  
tis suæ corpore comparentur?

R. Si aut ad deliberationem adhibe-  
antur, aut libera ipsis optio de-  
tur militandi aut quiescendi, easdem  
regulas sequi debent, quas illi, qui  
suapte arbitrio pro se aut aliis bella su-  
scipiunt.

Grot. l. 2.  
c. 26. §. 2.

II. Quid, si edicatur ipsis, ut mili-  
tent, ubi constat, ipsis injustam  
esse causam?

R. Abstinerè omninò debent, & Deo  
potius, quàm hominibus, qui à Deo  
suam potestatem habent, eamque con-  
tra Dei voluntatem exercere non pos-  
sunt, est obediendum; & patri est pa-  
rendum, & Regi, si quidem intra ju-  
ra, recte: sin ultra honestum, non con-  
venit. Tantundem erit, si quis per-

d. c. 26. §.  
3. n. 1. &  
2. in fin.  
Puf. l. 8. §.  
1. §. ult. &  
l. 1. c. 3.  
per tot.

suasus sit, id quod imperatur, injustum esse: nam huic tantisper ea res pro illicita est, quamdiu eam opinionem non potest deponere.

III. *Quid, si dubitent, res licita sit, nec ne, eritne quiescendum, an parendum?*

Grot. d. c.

§. 4. n. 1.

Ziegl. b. c.

§. 4. aliter. Horn.

l. 2. c. 12.

§. 5.

d. c. 26. §.  
4. n. 4.

d. c. 26. §.  
4. n. 5.

¶. Parendum plerique censent, contra laudatum illud *quod dubites, ne feceris*; quia qui contemplative dubitat, potest activo iudicio non dubitare; credere enim potest, in re dubia obsequendum superiori. Quæ distinctio iudicii duplicis, licet in multis actionibus locum habeat, verior tamen est contraria sententia, quia qui dubitat contemplative, debet iudicio activo eligere partem tutiorem, quæ est abstinere à bello: nam cum utrumque incertum sit, caret peccato, quod ex duobus minus est, inobedientia autem in eiusmodi rebus suapte natura minus malum est, quam homicidium, præsertim multorum innocentium. Imò proprie inobedientia non est; ubi enim imperii est defectus, ibi nulla est inobedientia.

IV. *At hac ratione perire posset resp., quia plerumque non expedit, rationes consiliorum edi populo?*

¶. Ne-

¶. Negatur consequentia. Ut enim hoc verum sit de causis suasoriis belli, de justificis verum non est, quas oportet claras esse & evidentes, & proinde tales, quæ palam exponi possint & debeant. Et sane denunciationes palam fieri solebant & expressâ causâ, ut totum quasi genus humanum de justitia causæ posset cognoscere. Scilicet, prudentia virtus est imperantis propria: justitia verò hominis, quæ homo est. Adde tamen, si dubium sit omninò illiquidum, fides superiori data non est negligenda, propter præsumptionem justitiæ, quæ jussa superiorum videtur comitari.

Grôt. d. c. 26. §. 4. n. 5.

d. c. 26. §. 4. n. 7.

Puf. l. 8. c. 1. §. 6.

V. *Quid, si subditorum animis per causæ expositionem satis nequeat fieri?*

¶. Omninò officium erit boni magistratus, tributa ipsis potiùs extraordinaria imperare, quam operam militarem: præsertim ubi non defuturi sunt alii, qui militent; quorum voluntate, non tantum bona, sed & mala, uti potest Rex justus, quomodo Deus & Diaboli & impiorum paratà operà utitur.

Grôt. c. 26. §. 5. n. 1.

VI. *Si de causa belli dubitari non possit, an subditi inviti cogi possunt?*

Dd 3

¶. Af-



*Puf.* l. 8.

c. 2. §. 1.

*Horn.* l. 2.

c. 2. §. 17.

*Grot.* c. 26.

§. 5. n. 2.

*aliter.*

**R.** Affirmatur, quia aliàs summi imperii, quod habet in personas civium, ad civitatem conservandam, nullus daretur effectus. Et si subditi tenentur, ex officii præscripto, strenua manu ultrò consulere publico, multò magis, si summi imperii jussus accedat. Imò, nisi imperantibus hæc potestas in capita subditorum competeret, qua hosti eosdem possent opponere, in præsentissimo versaretur discrimine omnium salus,

**VII.** *Quid, si captivus ab hoste detentus, ut dimitteretur, promiserit, quod contra ipsum arma deinceps non sit gesturus, an iste postea à civitate sua recte potest obligari, ut contra promissum suum in talem hostem militet?*

*Grot.* l. 3.

c. 23. §. 7.

*Puf.* l. 8. c.

2. §. 2.

**R.** Quia tali pacto civitatis conditio non fit deterior, quippe cui is, qui captus est, si non liberetur, jam habetur pro mortuo, videtur eum hac lege recepisse, ut illi relinquat facultatem servandi promissum hosti: nisi in summa necessitate, ita ut civitas in periculo versetur, si ille arma non capiat; hoc enim in casu non videtur se potuisse obligare, ne alterius vim injustam, ad perniciem ipsius & suorum con-

conciuium tendentem, repellere queat. Ideoque hoc pactum tantum de offensivo, non autem de defensivo bello, interpretandum erit, ne nimium constringatur libertas naturalis.

Grot. l. 2. c. 26. §. ult.

VIII. *An in bello manifeste injusto potest esse aliqua iusta subditorum defensio?*

Grot. l. 2. c. 26. §. ult.

ꝛ. Affirmatur, si certò constet, hostem venire eo animo, ut hostilium subditorum vitæ parcere cum possit, omninò nolit, etiamsi innocentes sint. Jus enim naturæ defensionem hoc in casu concedit; quod gentium jure ademptum illis non est. Subditos enim innocentes, & à belli culpa remotos, interficiendi jus verum & internum hostis, justum quamvis bellum gerens, non habet, nisi aut ad necessariam defensionem, aut per consequentiam, & extra propositum.

IX. *An ergò hoc modo bellum, quod ab una parte est injustum, utrimque justum fieri potest?*

ꝛ. Negatur: non enim de bello, sed de certa ac definita actione quæritur; illa autem actio, quamvis à jus ad bellum habente procedat, injusta est, & proinde justè repellitur.

d. c. 26. §. ult. n. 2.

## LIBER III.

## CAPUT I.

## Quantum in bello liceat, regulæ generales ex jure naturæ: ubi &amp; de dolis &amp; mendacio.

- I. Quid quantumque liceat in bello, & quibus modis.
- II. An in bello naturaliter liceant ea, quæ ad finem sunt necessaria.
- III. An jus nostrum spectetur ex solo belli principio, an etiam ex causis in bello subnascentibus.
- IV. An quædam consequenter licita sint, quæ non licerent ex proposito.
- V. Quid liceat in eos, qui quidem hostes non sunt, sed hostibus res subministrant.
- VI. Quid, si non ad hostem, sed ad amicum vicinum, mittantur merces.
- VII. Quis sit modus gerendi bellum, & an dolo uti liceat. Quid sit dolus in actu negativo.
- VIII. Quomodo vocetur dolus in actu positivo.
- IX. An inter voces & res aliqua intercedat differentia. Quid, si sint actus ex conventionione significantes.
- X. An verba natura sua, citra hominum voluntatem, aliquid significant.
- XI. Qua ratione verbis significatio imposita fuerit, an per hominum conventionem.
- XII. Quotuplex ea conventio sit.
- XIII. In quo consistat veritas.
- XIV. In quo natura mendacii consistat.
- XV. An dolus in mendacio requiratur.
- XVI. Quid, si verbum plures habeat significationes.
- XVII. Quando sermone ambiguo uti non liceat.
- XVIII. Quid dicendum sit de reservationibus mentibus.
- XIX. An mendacium sit, si alterius jus non lædatur.
- XX. Quibus ergo non mentiamur.
- XXI. An semper, & quando, falso sermone apud hostem uti liceat.
- XXII. An & cur plurimæ gentes fraudes naturaliter in hostem licitas repudiaverint.
- XXIII. An liceat aliquem ad id impellere, quod ipsi non licet.
- XXIV. An ergo hostis interfectio non semper & omni modo licita sit.

I. Quid

I. *Quid licet in bello, quot & quibus modis?*

R. **I**d quod in bello licet, aut nudè Grot. l. 3. c. 1. §. 1. spectatur, aut ex promisso antecedente. Nudè, ex naturæ primum, deinde ex gentium jure.

II. *Quid ergò naturâ licet?*

R. Ad ea, quæ ad finem juris mei d. l. 3. c. 1. §. 2. l. 2. c. 5. §. 5. in fm. o. 14. §. 11. Feld b c. & Osiand. aliter. consequendi sunt necessaria, necessitate sumpta, non secundum physicam subtilitatem, sed moraliter & jure naturæ, facultatem habeo: modò nullam contineant turpitudinem: ea enim, quæ ad finem ducunt in morali materia, æstimationem suam intrinsicam accipiunt ab ipso fine. Sic, si vitam aliter servare non possim, licet mihi vi qualicumque arcere eum, qui eam impetit, etiamsi forte is peccato vacet: quia jus hoc non proprie ex peccato alterius oritur, sed ex jure, quod mihi pro me natura concedit. Grot. l. 2. c. 2. §. 10. Sic, ubi justum est bellum, omnis vis justa est, sine qua jus nostrum obtinere & ad pacem pervenire non possumus: ut rerum corruptio per incendium, aut aliter, intra justum scilicet modum.

III. *An jus nostrum spectatur ex solo belli principio?*

R. Non, sed etiam ex causis subna-  
D d 5                      scen-

Grot. l. 3. c. 1. §. 3. Str. Ex. 47. th. 51. § 52. c. 2. §. 9.

c. 10. §. 3. 4. § 5.

Text. c. 18. §. 6. 7. 8. 9.

scentibus, sicut in judiciis, post litem contestatam, jus sæpè parti novum paritur. Sic, qui se aggregant me impetenti, sive socii sive subditi, in se quoque jus tuendi me mihi porrigunt. Sic, qui bello se miscent, quod injustum est, præsertim si ipsi id injustum esse scire possunt ac debent, obligant se ad sumtus & damna resarcienda, Imò, quia satisfactione facta pro sumtibus belli & damnis, ab initio belli, seu tempore suscepti belli datis, in posterum tamen mihi adhuc eadem facilitate nocere possunt tam is, qui est belli auctor, quam ii qui se ipsi junxerunt, nisi vires eis adimantur: petere potest victor, ut aut loca illa, ex quibus noceri potest, cedantur, aut alia præstetur cautio, arbitriò victoris, ex bono & æquo sufficiens, scil. de non offendendo subsequenti tempore. Debent enim, secundum supervenientem statum, & circumstantias præmissas, satisfacere victori, si justitiam armorum velint interrumpere.

*IV. Licitane quedam sunt consequenter, quæ non licerent ex proposito?*

Grot. l. 3. c. 1. §. 4. n. 1. Puf. l. 2. c. 6. §. 4.

ꝛ. Ad jus agendi multa consequuntur indirecte & extra agentis propositum, ad quæ per se jus non esset. Sic

navis

navis piratis plena, aut domus latronibus, tormentis peti potest, etiam si intra eandem navim aut domum sint pauci infantes, mulieres, aut alioqui innocentes, quibus inde creetur periculum. Idem dicendum de obsidionibus fortalitorum, quæ globulis ignitis petuntur; quamvis enim, præter intentionem jaculantium, unus vel alter interficiatur innocens, tamen cum hoc fiat extra propositum eorum, & majus bonum ex occupatione talis fortaltii speretur, quàm est malum, quod hic innocens patitur, jure fecisse videntur, & innocens hoc infortunii loco ducere debet, quod Rex vel resp. indicendo vel suscipiendo bellum, omnes suos cives vel subditos profuerit in statum hostilitatis, ut licitè ab hoste offendi & violari possint. Non tamen semper uti summo jure permittit proximi caritas. Quare etiam ea, quæ extra propositum accidunt, & accidere posse prævidentur, cavenda erunt: nisi multò majus sit bonum, quò nostra actio tendit, quàm malum quod metuitur, aut nisi in pari bono & malo multò major sit spes boni, quàm mali metûs; quod prudentiæ arbitrandum relinquitur.

*Text. d. c.*  
18. §. 10.

V.

V. *Quid licet in eos, qui hostes non sunt, aut dici nolunt, sed hostibus res aliquas subministrant?*

Grot. l. 3.  
c. 1. §. 5.  
n. 2. Bod.  
de rep. l. 1.  
c. 4. Aug.  
Tbuan. l.  
69. p. 309.

Job. Ma-  
quard. de  
jur. mercat.  
l. 1. c. 16. §.  
29. & seqq.

Grot. l. 3.  
c. 1. §. 5.  
n. 3. Job.  
Marq. de  
jur. mer-  
cat. l. 1. c.  
16. & seqq.  
Ziegl. ad  
Grot. b. c.

R. Distinguendum inter res ipsas. Sunt enim, quæ in bello tantum usum habent, ut arma & cætera hujus generis, quæ hostem valde contra me juvant, & vulgò dicuntur *contrebande*, tales si quis hosti advehat, hostis habetur; in hostium enim habetur partibus, qui ad bellum necessaria hosti subministrat, nec hoc est colere cum utrisque amicitiam, si alios lædas, juves alios. Et quomodo securitate gaudere poterunt, qui securitatem publicam suis commerciis illicitis turbant, & quantum in ipsis est, juvando & validiorem reddendo hostem, evertunt. Sunt alia quæ in bello nullum habent usum, sed voluptati tantum inserviunt, ut sunt vestes pretiosæ, odoramenta &c. quæcunque animum hostis ad delicias & luxum inclinant, fortitudinem exuunt; & hæc querelam non habent. Sunt etiam talia, quæ & in bello & extra bellum usum habent, ut pecuniæ, comæatus, naves, & quæ navibus adsunt; & in his distinguendus erit belli status. Nam, si tueri me non possim, nisi quæ mittuntur intercipiam,

nc-

necessitas jus dabit, sed sub onere re- §. 5. *Et de*  
stitutionis: nisi causa alia accedat. *jur. maj.*  
Quod si juris mei executionem rerum *l. 1. c. 41. n.*  
*29. aliter.*

subvectio impedierit, idque scire po-  
tuerit qui advexit, ut si oppidum ob-  
fessum tenebam, si portus clausos, &  
jam deditio aut pax expectabatur, te-  
nebitur ille mihi de damno cul-  
pa dato, & ad damni dati modum res  
quoque ejus capi, & dominium earum,  
debiti consequendi causa, quæri poterit.  
Imò, pro hoste talis videtur habendus,  
& ut hostis excipiendus, saltem quod  
hunc actum concernit; sive mercator  
hoc faciat privato nomine, sive publi-  
co. Si damnum nondum dederit, sed  
dare voluerit, jus erit, rerum reten-  
tione eum cogere, ut de futuro caveat  
obsidibus, pignoribus, aut alio modo.

VI. *Quid juris, si non ad hostem, sed  
ad amicum vicinum mittat merces  
prohibitæ, an tunc ab una bel-  
ligerantium parte, metu ne ab illo  
loco ad hostem res transferantur,  
commercium impediri potest?*

R. Non, quia sic nimium constri- *Marq. d. l.*  
geretur commerciorum libertas; nisi *§. 36.*  
constet de animo utriusque, tam ejus,  
qui mittit, quam ejus, ad quem mit-  
titur, & quem ita merces intercipiend-  
do



vid. Grot.  
in not. §  
Marq. d. l.

do impedire non possumus, quo minus eas ad hostem nostrum mittat, eumque juvet. Hinc in pactionibus, quæ plerumque intercedunt inter bellum gerentes, & eos, qui sunt neutrarum partium, hæ res semper excipi solent.

VII. *Quis est modus gerendi bellum?*

Grot. l. 3 c.  
1. §. 6. n. 1.  
§ 2. §. 7.  
Ostend. h. c.  
aliter.

¶. Vis ac terror maxime quidem propria sunt bellorum, interim tamen cum justum suscipitur bellum, vi aperta pugnet quis, an ex insidiis, nihil ad justitiam refert, & maxime laudantur duces, qui fraude, scilicet bona, dolo bono seu stratagematibus, victoriam quærunt: qui dolus dicitur consistere in actu negativo, & ad eum refertur, quando quis per dissimulationem tuetur sua vel aliena. Nam cum nec quæ scias, nec quæ velis, aperire aliis tenearis, dissimulare quædam apud quosdam, id est, tegere ac occultare fas est. Imò necessaria omninò atque inevitabilis est dissimulatio, his præsertim, quibus resp. commissa est.

VIII. *Quomodo dolus, qui in actu positivo consistit, vocari solet?*

Grot. l. 3 c.  
1. §. 8.

¶. Vocatur in rebus simulatio, in verbis mendacium.

IX. *Interceditne hic inter verba & res*

*res aliqua differentia?*

¶ Verba, nutus, & notæ illæ, quæ Grot. l. 3. c. 1. §. 8. significant res ipsas, ut hieroglyphicæ, vel quæ ex mero arbitrato significant, ut apud Sinenses, quibus integri conceptus & sententiæ exprimentur, reperia sunt ad significandum cum mutua obligatione, ita ut iis aliter uti non liceat, quam eo quo convenit modo inter homines; res aliæ non item. Hinc fit, ut rebus aliis uti liceat, etiamsi prævideamus futurum, ut alter inde falsam concipiat opinionem, e. g. ficta fuga ex instituto nihil significat, Ofand. b. c. obs. 8. quanquam hostis eam accipiat, ut signum pavoris: quod alter cavere non tenetur, utens sua libertate huc vel illuc eundi, & magis minusve celeriter, & hoc vel illo gestu habituve. Huc referuntur eorum actus, qui hostium armis, signis, vestibus, velis, utuntur. Et hæ res sunt ejus generis, ut à quovis pro arbitrio, contra consuetudinem, usurpari possint: excipe res quæ ex Puf. l. 4. c. 1. §. 2. in med. conventionione, vel certos apud homines, vel apud plerosque aut universos, valere videntur. Huc pertinent ignes nocturni, dirigendo navium cursui accensi; item alia signa, quibus diurnus navium cursus regitur, brevique & sco-

scopuli indicantur ; item , signa itinerum terrestrium , hermæ , protensæ manus , & similia. Apud quosdam populos in usu sunt ignes , per montium cacumina incensi , quibus certæ res per totum regnum brevissimo spatio nunciantur. In bello huc referuntur tubarum sonitus , tympanorum pulsus , vexilli propositio , &c. quibus omnibus pro lubitu uti non licet.

X. *At verba naturâ significant ?*

Grot. d. c.  
1. §. 8. n. 1.  
1. 2. c. 16. §.  
2. Ziegl. b.  
c. §. 8.  
Guil. Po-  
stcl. de  
omn. ling.  
orig. Ges-  
ner. Mi-  
tbrid.  
Bécmán. in  
hist. orb.  
geogr. &  
civ. part.  
1. 9. Hob-  
bes Leviathan. c. 4.

R. Imò ex mero hominum arbitrio atque instituto ; aliàs nulla posset ratio reddi , quare eandem rem in diversis linguis diversa notarent vocabula. Id quod etiam de apicibus & figuris literarum verum est. Sicuti & de plerisque linguis constat , illas ab initio valde fuisse pauperes atque simplices , postea autem ab hominibus locupletatas , & in concinniorem formam redactas. Quamvis & hoc verum sit , hominis præ cæteris animantibus , hanc esse naturam , ut conceptus animi verbis significare aliis possit , ita ut non consistat in alieni repetitione , ut psittacorum garritus.

XI. *Qua ratione ista impositio ab hominibus est facta ?*

R. Aut per tacitam quandam conven-

ventionem, aut per expressam, cujus Grot. d. c. 1. §. 11. n. 1. Puf. l. 4. c. 1. §. 5. vi necessum est, ad hanc & non aliam rem notandam, verba & alia signa, ut modò diximus, adhibere. Nam si ne tali obligatione inane fuisset tale re-  
 pertum, etiamsi statuamus, primævas linguas hominibus fuisse infusas: cum enim quilibet homo suam loquendi facultatem seorsim obtineat, eademque libere uti possit, quælibet verba quibuslibet rebus pro lubitu applicando, opus fuit tali conventionem, ut quisque eodem modo verbis uteretur, easdemque res iisdem vocabulis exprimeret; ita ut quis serio voluisse præsumatur, quod signis istis expressit, licet forte intrinseca voluntatis destinatio à signis discrepet. Et hinc est, cur ab altero quis postulare possit, quod signis istis expressit & promisit.

XII. *Quomodo subdividitur hæc conventio?*

ꝛ. In generalem & specialem. Illa Puf. l. 4. c. 1. §. 6. intervenisse intelligitur inter homines eadem lingua utentes, ut certas res, imprimis in frequenti commercio atque usu versantes, certis vocabulis expriment, quæ communis usus ejusdem temporis adprobat. Nam penes hunc Grot. l. 3. c. 1. §. 8. & 11. arbitrium est, & jus & norma loquen-

E e di;

di; & eo volente, multa renascuntur, quæ jam cecidere, cadentque quæ nunc sunt in honore vocabula. Hæc est, qua vocabula quædam vel peculiarem à communi usu significationem induunt, vel qua communis usus quædam vocabula ignorat; quò pertinent vocabula artificum seu termini artis, & peculiariora vocabula aut notæ, quæ finguntur à quibusdam, ut à se invicem, non autem ab aliis intelligantur; huc etiam referuntur tesserae militares.

*Gesner. in  
fin. Mi-  
thridatis  
sui.*

*Puf. l. 4. c.  
1. §. 8.*

XIII. *In quo ergò consistit veritas?*

R. Veritas consistit in eo, ut signa, ac imprimis verba, commodè animi nostri sensa repræsentent alteri, cui eadem intelligendi jus est, quæque ut ipsi aperiamus, nobis obligatio perfecta aut imperfecta incumbit, ut vel commodum aliquod inde consequatur, vel ne damno præter meritum afficiatur. Unde veritas proprie est, quando signa animi nostri sensa alii, cui eadem intelligendi jus est, rectè repræsentant.

XIV. *In quo consistit natura mendacii?*

*Puf. d. 1.*

R. Ubi scientes & volentes facimus, ut signa aut verba aliam præ se ferant sententiam animi nostri, quàm quæ  
re-

revera erat, cum tamen hanc ipsam is, ad quem signa illa diriguntur, intelligendi & judicandi jus habeat, & nobis obligatio incumbat faciendi, ut ille nostram sententiam intelligat. Ex quo mendacium definitur, quod sit, quando signa dolô non conveniunt cum sententia animi nostri, contra jus alterius, ad quem diriguntur.

XV. *Cur additur dolô?*

R. Quia, ubi dolus non intervenit, mendacium non est, sed falsiloquium. Grot. l. 3. c. 1. §. 10. n. 1. Hinc aliud est mentiri, aliud mendacium dicere. Nam qui rem falsam dicit, quam veram existimat, non mentitur, & qui rem veram quidem dicit, quam tamen falsam putat, mentitur.

XVI. *Quid, si verbum habeat plures significationes?*

R. Ut quis excusetur à mendacio, sufficit, si animi conceptus uni istarum significationum congruat: id quod fieri solet interdum cum iis, qui curæ nostræ ad erudiendum sunt traditi, ut exploremus vires ingenii & eruditionem, vel ut interdum iniquam evitemus interrogationem, vel ut nostrum aliquod commodum quæramus, sine damno alterius. Grot. l. 3. c. 1. §. 10. n. 1. in fin. Prof. l. 4. c. 1. §. 13. Osiand. h. c. §. 10. aliter.

XVII. *An non interdum fas non est*

Ee 2 uti

*uti istiusmodi sermone ambiguo ?*

Grot. d. c.  
1. §. 10. n. 3.

R. Interdum non modo illaudabile hoc est, sed & improbum: ita ut nihil intersit, sive simplex quis mendacium dicat, sive ambiguo sermone alterum decipiat; puta cum Dei honos, aut amor proximo debitus, aut reverentia adversus superiorem, aut rei, de qua agitur, natura exigunt, ut quod animo cogitatur, omninò patefiat; sicut in contractibus id aperiendum, quod natura contractus intelligitur exigere.

XVIII. *Quid dicendum de reservationibus mentalibus ?*

Grot. d. c.  
1. §. 17. n.  
3. l. 2. c. 16.  
§. 2. *Osiand.*  
*ohf.* 9.

R. His reservationibus corrumpitur omnis sermonis usus, & nemo certus esse potest, in quam partem alterius verba debeat accipere. Et nihil obstat, quo minus qui quid affirmat, id id ipsum negare, qui negat, affirmare dicatur, e. g. cum dicunt *nescio*, subintelligi posse *nescio, ut dicam*. Item *non habeo*, subintelligi posse *ut tibi dem*; & id genus alia, quæ sensus communis repudiat. Ita & eorum commentum non probatur, qui quasi vocem, non rem, exhorrescant, joca vocant ea, quæ vultu ac pronuntiatione maxime seria proferuntur; ut plerumque

Grot. d. §.  
17. n. 4.

que isti se excusant, qui nova confingunt.

XIX. *Cur additur in definitione mendacii, Contra jus alterius?*

R. Quia, nisi alius jus quæsitum habeat (vel ex peculiari pacto, vel ex communi præcepto legis naturalis, vel ex præsentis negotii natura, cui contrahendo sermo vel similia signa adhibentur) ut animi mei sensum ipsi aperiam, mendacium proprie non est, si verba mea non conveniant menti meæ: ita ut hoc in casu non tantum dissimulare liceat, verum etiam, si jus alterius non lædatur, mea autem vel alterius utilitas aliter procurari, aut salus servari nequeat, licebit mihi ita adhibere signa, ut diversam planè animi mei sententiam, quàm revera est, exprimant. At posita obligatione sensa animi alteri indicandi, vocabulis propter conventionem, ut modò diximus, ita uti debeo, ut sententia animi mei ab altero possit intelligi; nam sine hoc nullus sermonis foret usus.

*Puf. §. 10. in med. Grot. b. c. §. 11. n. 1. aliter.*

XX. *Quibus ergò non mentimur?*

R. Omnibus istis, qui nullum jus quæsitum habent, vel quia prædiximus, nos falsa dicturos, & alter per-

*Puf. l. 4. c. 1. §. 11. Grot. d. c. 1. §. 12. & s<sup>ca</sup>.*

E e 3 misit,



*aliter.  
Of. htc diff.  
omnino &  
Ziegl.*

misit, vel quia status & conditio ejus, ad quem sermo dirigitur, impedit jus, propter quod verba menti convenire debent. Sic, regulariter infanti aut amenti non mentimur, nec tertio, ad quem sermo non dirigitur, licet inde falsam hauriat persuasionem (quò referuntur isti, qui obiter aliquid audiunt) non enim cum eo agitur, ideoque nulla est ad illum obligatio, imò, si ipse sibi opinionem informet de eo, quod non ipsi, sed alteri dicitur, habet quod sibi, non alteri, rem imputet. Nec ægroto mentitur medicus, aut si quis ægotantem amicum persuasione non vera soletur, aut in prælio periclitanti ex falso nuntio animum addat, quo incitatus victoriam & salutem sibi patriat. Certum enim est, eum, ad quem sermo est, hoc ægre non laturum, imò gratias habiturum, ob commodum aliquod, quod inde assequitur. Nec subditis princeps mentitur, si utilitas & necessitas publica hoc exigat: nimirum propter eminens dominium in omnia jura alterius. Nec mentimur istis, qui ab improbi facinoris perfectione aliter averti non possunt; ut, si iratus alium occisurus, fictis sermonibus ab hoc facinore abducatur & placetur: vita enim

nim innocentis aut par aliquid sæpè aliter fervari nequit ; sic apud hostem falso sermone uti licet.

XXI. *Hæc, quæ de hoste dicuntur, ad quem sermonem pertinent?*

R. Ad asserentem, non ad promittentem. Nam ex promissione jus speciale ac novum confertur ei, cui fit promissio; idque inter hostes etiam locum habere, sine ulla hostilitatis jam existentis exceptione, certum est, neque tantum in promissis expressis, sed & tacitis, ut in colloquii postulatione.

Grot. d. c. 1. §. 13. & c. 19. b. lib. Osiand. b. c. §. 18.

XXII. *An principes eo jure, quod naturaliter concessum diximus, semper uti solent?*

R. Sæpius non utuntur, ob eximiam quandam animi celsitudinem, interdum & ob virium fiduciam. Magnanimus enim verum & liberè loqui amat. Generosus animus hostibus furtim necem inferre nescit.

Grot. d. c. 1. §. 20.

XXIII. *An, quod alicui facere non licet, ad id alium impellere aut sollicitare licet?*

R. Plures negant, quia qui alteri causam peccandi dat, peccat & ipse. Sic regem suum occidere subdito non licet, nec oppida sine consilio publico dedere, nec spoliare cives; ad hæc er-

Grot. d. c. 1. §. 21. jung. tamen Puf. l. 8. c. 0. §. 18.

go subditum, qui talis maneat, permovere non licet.

**XXIV. At hostis interfectio est licita?**

Grot. d. §.  
21. in fin.  
& §. 22.  
Ziegl. b. c.  
§. 22. aliter.

**R.** Est quidem licita, sed non eo modo: secus, si quis opera sponte & suo impulsu peccantis ad rem sibi licitam utatur; sic contra jus belli non est, ut eum admittamus, qui deserta hostium parte nostram eligit.

**C A P U T II.**

**Quomodo jure gentium bona subditorum pro debito imperantium obligentur: ubi de repressaliis.**

- |  |   |
|--|---|
| <p>I. <i>Id quod in bello ex jure gentium licet, an ad omne bellum pertineat, &amp; ad omnes belli species.</i></p> <p>II. <i>Quid hic sit violenta executio.</i></p> <p>III. <i>Quotuplex sit.</i></p> <p>IV. <i>Quid sit dominium prebenjio.</i></p> <p>V. <i>Quid sint repressaliæ.</i></p> <p>VI. <i>Quid ad eas requiratur.</i></p> <p>VII. <i>Quando justitia dicitur negata, vel malitiosè protrahita.</i></p> <p>VIII. <i>An &amp; cur repressalia tantum locum habeant, ubi nullum aliud superest remedium.</i></p> <p>IX. <i>An juste quis ita ex facte alieno teneatur.</i></p> | <p>X. <i>Quanam in tali casu capiuntur.</i></p> <p>XI. <i>An &amp; vita subditorum ex tali causa obligari possit.</i></p> <p>XII. <i>Quales subditi &amp; quorum bona capi possint.</i></p> <p>XIII. <i>An legati &amp; eorum bona.</i></p> <p>XIV. <i>Quis concedat repressalias: an &amp; quomodo repressaliæ à pignorationibus differant.</i></p> <p>XV. <i>Quis sit effectus repressaliarum.</i></p> <p>XVI. <i>Ad quid teneantur illi qui vel non solvenda, quod debebant, vel jus non reddendo, causam dederunt repressaliis, &amp; qua actione conveniantur.</i></p> |
|--|---|

I. *Id*

I. *Id quod in bello licet jure gentium, ad quodnam bellum pertinet?*

R. **I**d quod licet in bello, vel pertinet ad quodvis bellum, vel ad certam belli speciem; ad quam referuntur violentæ executiones.

Grot. l. 3. c. 2. §. 1. in pr.

II. *Quid hic est violenta executio?*

R. Violenta executio hic est, quando ob denegatam populo, vel malitiose protractam justitiam, alius populus vi quidem, sed non bellica aperta, sibi ipsi jus reddit.

Grot. l. 3. c. 2. §. 5. n. 1. in pr.

III. *Quotuplex est?*

R. Est duplex: hominum prehensio, & repressaliæ.

Grot. d. c. 2. §. 3. & 4.

IV. *Quid est hominum prehensio?*

R. Hominum prehensio est jus capiendi homines aliquos ex civitate aliqua, propter v. g. homicidam nec deditum, nec punitum; & apud Græcos vocabatur androlepsia.

Habn. de repress. memb. 3. aliter. Grot. d. c. 2. §. 3. n. 4.

V. *Quid sunt repressaliæ?*

R. Repressaliæ sunt remedium extraordinarium, quo ob denegatam, vel malitiose protractam justitiam, à magistratu alterius reip., in re non modica, & causa liquida, læsi magistratus, si ejus præcedens monitum alter magistratus negligat, detinet istius loci civem quemlibet, seu res, usquedum læ-

Grot. d. c. 2. §. 4. & 5. n. 1. & c. 3. §. 6. n. 2. Str. Ex. 9. sb. 2. Habn. de rep. memb. 2. Ziegl. de jur. maj. l. 1. c. 34 §. 6.

so ab altero magistratu satisfiat.

VI. *Quenam requiruntur, ut represalia concedi possint?*

Grot. d. c.  
2. §. 4. Inst.  
Jur. publ.  
p. 314.

R. Requisita ex definitione facile colligi possunt; primarium est, ut justitia sit denegata, vel malitiose protracta, & ut nullum aliud detur remedium.

VII. *Quando justitia dicitur denegata, vel malitiose protracta?*

Grot. d. c.  
2. §. 2. n. 1.  
in fin. §. 5.  
n. 1. Blum.  
ad process.  
Camerac.  
tit. 37. n. 2.  
Ziegl. d. l.  
1. c. 34. §.  
10. & seqq.

R. Justitia dicitur denegari, si judex preces supplicantis vel plane audire nolit, sed eum, limen judicii adeuntem, vel litem prosequentem, apertè repellat, vel si aliquem injuste condemnet, & sententiam latam non velit revocare, nec læsum sistere indemnem. Protrahi autem dicitur justitia, quando intra præfixum tempus, in loco judicii, (solenntia enim, in judicio recepta, etiam à peregrinis observari debent) judex aut non inchoat litem, aut non finit, sed se malitiose negligentem in cognoscendo vel exequendo præbet.

VIII. *Cur dicitur, & nullum aliud supersit remedium?*

Grot. l. 3. c.  
3. §. 6. n. 2.  
Habr. d. l.  
Limn. l. 4.  
F. P. c. 8.  
n. 311. &  
seqq.

R. Quia quamdiu datur remedium ordinarium, non pervenitur ad extraordinarium, imprimis violentum hoc, quod continet speciem belli. Hinc non

non datur, si possit suum quis confe-  
 qui per compensationem; item si sub-  
 alternus magistratus justitiam vel dene-  
 gaverit, vel protraxerit, interdum re-  
 visio petenda, interdum supplicatio  
 adhibenda. Imò, magistratus sive  
 princeps, cui justitia est denegata, de-  
 bet petitionis suæ fundamenta trans-  
 mittere, & per legatos aut amicos, si-  
 ve intermedios alios, petere satisfac-  
 tionem: & si tunc, his omnibus ad-  
 hibitis, nihil obtineat, quia alter con-  
 stituitur in culpa, ex qua aut damnum  
 dare censetur, aut & ipse delinquere,  
 sicut justum potest geri bellum, ita &  
 repressaliæ justæ erunt.

IX. *At verò est injustum ex facto  
 alieno teneri?*

R. Verum est, quod jure naturæ  
 nemo tenetur ex facto alieno, nisi qui  
 bonorum successor est; ut enim cum  
 oneribus bona transfrent, simul cum  
 dominiis rerum introductum est. At  
 verò hîc intervenit factum proprium,  
 non quidem immediate, sed mediate;  
 unusquisque enim, qui in aliquam so-  
 cietatem civilem intrat, tanquam mem-  
 brum se tacite obligat & corpore &  
 bonis, pro factis istius civitatis: & juri  
 naturali conveniens est, ut consensu  
 suo

Grot. l. 3.  
 c. 2. §. 1.  
 l. 2. c. 21.  
 §. 19.

Grot. l. 2.  
 c. 2. §. 2.  
 c. 14. §. 1.  
 n. 2. & §.  
 12.

Grot. l. 3.  
c. 2. §. 2.  
n. 1. §. 2.  
Habr. de  
repress.  
membr. 6.  
Puf. l. 8.  
c. 6. §. 13.  
Ziegl. d. l.  
1. c. 34. §.  
29.

fuo ex facto alieno quis obligari possit, exemplo fidejussorum. Accedit necessitas & utilitas mutua inter gentes, quæ hoc jus extorsit; nam alias magna daretur injuriis faciendis licentia: cum enim magistratus illius, qui mihi obligatus est, justitiam deneget, facit, ut modo extraordinario meus magistratus mihi jus dicere debeat. Et licet fortè hoc remedio nunc aliquis gravetur, alio tempore tamen & ipse per idem sublevari potest: nam casu existente, talis resp. contra nos eodem jure utitur. Præterea isti, qui vel ipsi, vel quorum res detinentur, faciliè suæ indemnitati per suum magistratum consulere possunt: nam ubique ferè locorum major habetur ratio civium, quam exterorum, qui plerumque rudiùs & duriùs excipiuntur.

X. *Quenam in tali casu capiuntur?*

Grot. l. 3.  
c. 2. §. 5. n.  
2. Ziegl. de  
jur. maj.  
l. 1. c. 34.  
§. 17.

R. Aut corpora, aut res mobiles subditorum ejus, qui jus non reddit, capiuntur. Corpora seu personæ tunc, si etiam nostri subditi apud istos, contra quos utimur repressaliis, detineantur: bona autem, si circa bona subditorum nostrorum iniquitas sit commissa. Licet & hoc in casu, si bona haberi non possint, rectè videantur personæ

sonæ detineri, usquedum iustitia adm-  
nistratur.

XI. *An & vita subditorum ex tali  
causa potest obligari?*

ꝛ. Creditum hoc fuit apud aliquos Grot. d. c.  
2. §. 6. &  
l. 2. c. 21.  
§. II. n. 2.  
populos, ideò nimirum, quod crede-  
rent, unicuique hominum jus plenum  
esse in se, idemque jus ad rem. posse  
transferri: quod minime est probabile,  
ut suprâ diximus. Fieri tamen pote-  
rit, non ex intentione, sed ex acci-  
denti, ut occidantur, qui juris execu-  
tionem, fortè capere se aut bona vo-  
lentibus resistendo, per vim volunt im-  
pedire.

*Ant.  
Mattb. de  
crim. tit.  
de fcar. c.  
2. n. 10.*

XII. *Quales subditi capi possunt, &  
quorum bona?*

ꝛ. Distinguenda omninò sunt ea, Grot. l. 3.  
c. 2. §. 7. n.  
2. Habn. de  
repr. l.  
memb. 12.  
quæ juris gentium sunt proprie, &  
ea, quæ jure civili aut pactis populo-  
rum constituuntur. Jure gentium ca-  
pi possunt ii qui tales sunt ex causa per-  
manente, sive indigenæ, sive advenæ:  
non qui transeundi, aut moræ exiguæ  
causa alicubi sunt. Introductæ enim  
sunt pignorationes ad exemplum one-  
rum, quæ pro exsolvendis debitis pu-  
blicis indicuntur, quorum immunes  
sunt ii qui tantùm pro tempore loci le-  
gibus subsunt. At jure civili populo-  
rum



rum sæpè excipi solent personæ mulierum & infantium, ut & res eorum, qui literis operam dant.

XIII. *Quid dicendum de legatis?*

Grot. d. c.  
2. §. 7. n. 2.  
in fin.  
Ziegl. d. l.  
1. c. 34. §.  
16. Rüg.  
Rudant. l.  
7. c. 9.  
aliter.

℞. A numero eorum, qui capi possunt, eximuntur Legati & eorum bona, quia aliàs legationis finis impediri facile posset. Huc non videntur referri posse Commissarii, sicuti nec tabellarii, apparitores, nuncii & similes; hi enim inter alias gentes hoc privilegio non gaudent.

XIV. *Quisnam concedit repressalias?*

Hahn. d. tr.  
memb. 7.  
Inst. Jur.  
publ. p. 313.  
in fin.  
Grot. l. 3. c.  
2. §. 7. n. 3.  
aliter.  
& Kubis  
ibi. Schutz.  
vol. 2. Ex.  
5. th. 2. Roding.  
in Pand. Ca-  
mer. 1. tit.  
10.

℞. Is, cui competit jus belli, ideoque hoc judicandum est ex cujusque gentis legibus fundamentalibus. Et in hoc etiam repressaliæ differunt à prehensione hominum, quæ apud Græcos in usu fuit, & à pignorationibus proprie sic dictis. Quamvis enim in genere repressaliæ possint comprehendi sub pignorationibus, strictè tamen consideratæ repressaliæ pignorationes non sunt. Nam (1.) pignorationes possunt fieri propria auctoritate, secùs quàm repressaliæ. (2.) Pignorationes locum habent inter concives, quoties alter alterum turbat in re sua, aut in quasi possessione sui juris, quod ad se pertinere putat; repressaliæ non item.

XV.

XV. *Quis est effectus repressaliarum?*

ꝛ. Personæ captæ non perinde habendæ sunt, atque si in bello captæ essent, nec etiam servi nostri per talem apprehensionem fiunt; cum nec hostes quidem illicò sint, adversus quos repressaliæ exercentur. Quocirca pœna corporali affici non possunt, vel corporis cruciatu, sed tamdiu tantùm detineri, usquedum vel ipsi, vel ipsorum amici, satisfactionem impetraverint: aut si planè impetrari non possit, videntur habendi esse instar obsidum. In rebus captis creditor consequitur jus retentionis, & hinc confici debet rerum captarum inventarium, eæque diligenter sunt custodiendæ; si post aliquod tempus creditori nec per judicem, nec per debitorem satisfiat, tunc res captæ creditori vel in solutum dari, vel justo pretio vendi possunt, & solutio fieri, deductisque impensis, pretium quod superest, isti erit restituendum, cujus bona capta sunt.

XVI. *An isti, qui ita pro alio captus fuit, aut ejus bona, datur recursus adversus debitorem vel civitatem?*

ꝛ. Ilte qui causam dedit pignora-

tio-

Ziegl. de  
jur. maj.  
l. 1. c. 34.  
§. 25. §  
28.

Ziegl. d. l.  
§. 27. Grot.  
l. 3. c. 2. §.  
7. n. 3. in  
med. aliter.  
Grot. d. c. 2.  
§. 7. n. 2.  
in med.

Grot. l. 3. c.  
2. §. 7. n. 4.  
Ziegl. in  
comment.  
h. c. §. ult.  
§ d. tr. §.  
39. & J<sup>o</sup> 99.

tioni, naturali jure tenetur ad refarcienda damna alii, cui eam ob causam aliquid decedit. Quanam autem actione hoc peti possit, inter se non conveniunt Doctores; nos conditionem ex æquitate concedendam putamus, ex qua illa oritur.)

## CAPUT III.

De bello justo sive solenni jure gentium, ubi de indictione.

- |  |  |
|--|--|
| <p>I. <i>Quale bellum hic dicatur justum.</i></p> <p>II. <i>Quid hic sit hostis, &amp; an requiratur, ut habeat summum imperium.</i></p> <p>III. <i>Quinam summum imperium habeant: an populi, quamvis injuste agentes: an latrones: an isti, qui pro parte illud habent: an inæqualiter federati.</i></p> <p>IV. <i>An præter summum imperium, ad bellum solenne requiratur denuntiatio.</i></p> <p>V. <i>An hæc in omni bello requiratur.</i></p> <p>VI. <i>Quid sit belli indictio.</i></p> | <p>VII. <i>Quotuplex.</i></p> <p>VIII. <i>An bellum utrinque sit indicendum.</i></p> <p>IX. <i>An simulatque indictum est, geri possit.</i></p> <p>X. <i>An bellum principi indictum, etiam ejus subditis &amp; sociis censeatur indictum. An hi, ob suppeditata auxilia, eo bello finito, citra novam indictionem, impeti possint.</i></p> <p>XI. <i>Cur gentes ad bellum justum denunciationem requirant.</i></p> <p>XII. <i>An bellum ei sit indicendum, qui jus legationis violavit.</i></p> |
|--|--|

I. *Quodnam bellum hic justum dicitur?*

Grot. l. 3. c.  
3. §. 1.

**J**ustum bellum hic dicitur, quod est solenne, & geritur ab eo, qui majestatem habet, præcedente de-

denunciacione: postquam is *hostis* dicitur.

II. *Quis & hostis?*

R. Hostis hic est, qui habet summum imperium, & bellum publice alicui decrevit.

d. c. 3. §. 1.  
n. 1. Puf.  
l. 8. c. 6. §.  
9. Ziegl. de  
jur. maj.  
l. 1. c. 33.  
§. 25. & in  
comment.  
l. c. §. 1.

III. *Quid intelligimus per eos, qui habent summum imperium?*

R. Omnes qui remp. habent, quamvis admittant aliquod injustum, etiam communiter: licet enim delicta committant, tamen juris fruendi causa sociati sunt, & exteris jus reddunt, si non per omnia secundum jus naturæ, (quod multos apud populos ex parte quasi obliteratum est) certè secundum pacta cum ipsis inita, aut secundum mores. Corpus morbidum corpus tamen est, & civitas, quanquam graviter ægrota, civitas dicitur, quamdiu manent leges, judicia, & quæ alia necessaria sunt, ut ibi exteri jus consequi possint, non minùs, quàm privati inter se. Coetus autem piratarum aut latronum civitas non est, quia criminis causa sociantur: hinc, licet tanquam milites atque imperatores se gerant, non pro hostibus habendi sunt; nisi fortè mutatio incidat, non in singulis tantum, velut quando ex prædone dux

Grot. d. c.  
3. §. 2. n.  
1. & 2.

Grot. d. c.  
3. §. 3.  
Rhet. de  
pace c. 2. §.  
11.

d.c.3.§.4.  
 §.1.c.4.  
 §.13. §.21.

justus fit, sed etiam in cœtibus, ut qui prædones tantùm fuerunt, aliud vitæ genus amplexi civitas fiant. Etiam isti habent summum imperium, qui illud pro parte habent, & pro ea parte justum bellum gerunt; item ii, qui in æquali foedere juncti sunt.

IV. *Quid, præter summum imperium, requiritur ad bellum solenne?*

Grot. d. c.  
 3. §. 5.

æ. Requiritur, ut publice decretum fit, ita ut ejus significatio ab altera partium alteri facta sit; unde promulgata prælia dicuntur.

V. *An in omni bello requiritur denunciatio?*

d.c.3. § 6.  
 n. 1. in pr.  
 Hugo de  
 Roy de eo  
 quod just.  
 l. 1. tit. 7.  
 n. 3. Rbet.  
 de pace  
 c. 2. §. 9.  
 Schutz.  
 vol. 2. Ex.  
 10. th. 6.  
 lit. a.

æ. In bello defensivo, & ubi vis illata arcetur, non requiritur denunciatio, quia tale bellum à natura censetur indictum; vim enim vi repellere naturaliter licet. In bello offensivo, etiam quando dominus rei suæ manum injicere vult, requiritur, ut post denunciationem constare possit, an alter ipse, & sine vi, satisfacere velit, nec ne. Sic, quoties pro re una res alia, multoque magis, si res eorum qui debitori subditi sunt, occupare, vel summam potestatem habentem impetere, ex debito aut delicto subditi, quis velit, interpellationem oportet intercedere, quæ

quæ illum in culpa constituat.

VI. *Quid est belli indictio?*

ꝛ. Belli indictio est actus, quo ejus, quem bello invadere decrevimus, amicitia & societati renunciamus, ipsumque nihil sibi nisi hostile à nobis expectandum, certiore reddimus.

VII. *Quotuplex est belli indictio?*

ꝛ. Alia (1.) est conditionata, quæ cum rerum repetitione conjungitur, e. g. eam se injuriam, nisi ab ipsis qui fecerint, dematur, se ipsum omni vi depulsurum esse. Nec necesse est, ut hanc conditionatam pura subsequatur, licet aliquando fiat ex superabundanti. Alia (2.) pura, quæ denunciatio in specie *indictio* vocari solet, & est, qua simpliciter alterius amicitia & societati renunciamus, eumque hostem nostrum declaramus. Hoc plerumque fit, ubi bellum jam alter intulit, sæpe etiam ubi quis ipse ea deliquit, quæ bellum merentur.

Grot. d. c.  
3. §. 7.

VIII. *An requiritur, ut utrinque bellum indicatur?*

ꝛ. Sufficit, eam fieri ab altera parte: licet sæpè utrinque indici soleat, ut de animo & jure nostro reliqui fiant certiores. Et hoc sine in regni vel provinciae limitibus, & aliis con-

Grot. d. c.  
3. §. 7. n. 3.  
Schurz. d.  
Ex. 10. th.  
6. lit. b.

fuetis locis, ad tubarum clangorem, bellum proclamatur & publicatur, *Wird mit Ausblasung der trompetten und öffentlicher Ausruffung an gewöhnlichen orten angekündigt.* Qui modus promulgandi ex moribus populorum varius est, & non ex jure gentium.

Grot. d. c.  
3. §. 8.

IX. *An bellum geri potest, simul atque indictum?*

Bellin. de  
re milit.  
part. 1. tit.  
8 n. 8.  
Ziegl. b. c.  
§. 13. Text.  
c. 17. §. 32.  
Grot. l. 3.  
c. 3. §. 8. in  
fin. & §.  
13. aliter.

¶. Non, sed concedi debet tantum temporis spatium, quantum requiritur ad deliberationem & inde concipiendam responsionem, an spontè alter satisfacere, an verò belli eventum expectare velit; sicut in judiciis citato datur tempus ad deliberandum, an contendere, an concedere velit: & si contendere velit, ut instructus veniat ad respondendum.

X. *Quando bellum est indictum, cui censetur esse indictum?*

Grot. d. c.  
3. §. 9. &  
10.

¶. Indictum bellum ei, qui imperium in populo summum habet, simul indictum censetur omnibus ejus, non subditis tantum, sed & qui se socios ei adjuncturi sunt, ut qui accessio sunt ipsius, & hoc est, quod ajunt *diffidato principe, diffidatos ejus adherentes.* At eo bello absoluto, si ob auxilia sup-  
pe-

peditata populus aut rex alter bello impetendi sint, nova opus erit indicatione, quia novum est bellum, & jam non ut accessio spectatur, sed ut principale aliquod.

XI. *Cur gentes ad bellum justum denunciationem requirunt?*

R. Ut adhuc ultima vice alter de satisfactione moneatur, & si non satisfaciat, ut bellum certum expectet.

XII. *Si jus legationum sit violatum, an opus est denunciatione?*

R. Affirmatur, non enim necessario denuntiatio fit per legatos; nam ad violatores legatorum contemtoresque juris eorum sanctissimi, legati non mittuntur, sed per literas & aliis modis, quibus id tutò fieri potest.

Ziegl. b.c.  
§. 11. Feld.  
ad Grot. b.  
c. §. 11. &  
Kulpis.  
cum ipso  
aliter.

Grot. d.c.  
1. §. 14.  
Alber.  
Gent. l. 2. c. 4.  
1. p. 212.  
aliter.

C A P U T IV.

De jure interficiendi hostes in bello solenni, & alia vi in corpus.

C A P U T X.

Monita de his, quæ fiunt in bello injulto.

C A P U T XI.

Temperamentum circa jus interficiendi in bello justo.



- I. *Quinam sunt belli effectus.*
- II. *Vox licere quot modis sumatur.*
- III. *Quomodo hostem laedere liceat.*
- IV. *Cur gentibus placuerit, ut ex utraque parte, & sine ullo respectu ad causam justitiam, hostem laedere liceat.*
- V. *Quinam sub hac licentia laedendi comprehendantur.*
- VI. *An hostem vere subditi ubique occidi possint.*
- VII. *An captivi & supplices juste, propter rationem, occidantur.*
- VIII. *An propter pertinaciam bellum in partes, & ob strenuam defensionem.*
- IX. *An liceat hostem veneno tollere.*
- X. *An aquas corrumpere, ut bibi nequeant.*
- XI. *An hostem immisso percallore interficere liceat.*
- XII. *Cur tales percussores deprehensi exquisitis suppliciis affici soleant.*
- XIII. *An supra & adulteria in feminas hostiles sint permessa.*
- XIV. *An effectus belli, solennis quidem, sed injusti, justitia intrinseca justis esse possint.*
- XV. *Quinam tunc ad restitutionem teneantur.*
- XVI. *An in bello justo ratione causae suae, omnes, de quibus jure gentium id licet, & de quibus agitur quaest. 5. juste occidi possint.*
- XVII. *Quibus ergo justè parcat ex temperamento juris natura.*

### I. *Quinam sunt belli effectus?*

Grot. l. 3. c. 4. §. 3.

**U**t liceat hostem laedere, & in persona, & in rebus.

### II. *Quid hoc est, licet?*

d. c. 4. §. 2.  
n. 1. & 2.  
4. l. c. 1. §. 3.  
9. & 17.  
& ibid.  
Boeckl.

**R.** Licere interdum dicitur id, quod rectum & ex omni parte pium est, ut amare Deum & proximum: interdum licere aliquod dicitur, non quod salva pietate & officiorum regulis fieri potest, sed quod apud homines poenae non subjacet. Sic apud multos populos scortati licet; sic regibus dicuntur omnia

omnia licere, quia sunt exempti à poenis humanis.

III. *Quomodo ergò licet lædere hostem?*

R. Hosti hostem licet lædere in persona & rebus, i. e. non ei tantum, qui ex justa causa bellum gerit, quique lædit intra eum modum, qui naturaliter concessus est, sed ex utraque parte & indistinctè, ita ut eam ob causam nec puniri possit, in alieno territorio deprehensus, tanquam homicida, aut fur, nec bellum ipsi ab alio, talis facti nomine, inferri. d. c. 4. §. 2.

IV. *Quæ est causa, cur hoc gentibus ita placuerit?*

R. Quia inter duos populos de jure belli pronunciare velle, periculosum fuerat aliis populis, qui ea ratione bello alieno implicarentur. Deinde, quia etiam in bello justo vix satis cognosci potest ex indicis externis, quis justus sit se tuendi & sua recupererandi modus, ita ut omnino præstiterit hæc religioni bellantium exigenda relinquere, quam ad aliena arbitria vocare. Grot. d. c. 4. §. 4.  
Puf. l. 3. c. 1. §. 7.  
in med.

V. *Qui comprehenduntur sub hac licentia lædendi?*

R. Omnes, qui intra præsidia hostium sunt, non tantum qui actu ipso d. c. 4. §. 6.  
7. 8. 9. 10.  
11. 12. 14.

arma gerunt, aut qui bellum moventis subditi sunt, sed etiam peregrini, qui ante bellum eò iverunt, & post modicum tempus, intra quod discedere poterant, ibi manserunt, & qui, commisso cognitoque bello, intra fines hostilicos veniunt. Referuntur huc infantes, foeminæ, senes, captivi quibus vita non est promissa, supplices, dediti sine conditione, obsides; in omnes hos competit potestas occidendi, quamdiu injuria ipsis non est remissa.

*Puf. l. 8.  
c. 2. §. 6.*

VI. *Quo in loco subditi hostium possunt occidi?*

*Grot. d. c.  
4. §. 8. n. 2.  
Boech. in  
diss. Quies  
in turb.  
p. 210.*

*R.* Qui sunt subditi ex causa permanente, eos offendere ubique locorum licet, in solo proprio, in solo hostili, in solo nullius, in mari. In territorio autem pacato eos interficere non licet, propter jus ejus, qui ibi imperium habet, & quod hoc modo violaretur.

VII. *An causa intersectorum captivorum, aut supplicum, referri potest ad talionem?*

*Grot. d. c.  
4. §. 13. &  
ubi Ziegl.*

*R.* Non, quia talio proprie exercenda est in eandem personam, quæ deliquit. Contra vero ex bello plerumque id, quod talia dicitur, in malum redundat eorum, quorum in eo, ob quod accusantur, nulla est culpa, quales

les sæpe sunt captivi & supplices.

VIII. *An propter pertinax studium in partes, & ob strenuam defensionem, quis occidi postea potest, quando captus est?*

R. Nemo est, qui talem supplicio dignum judicet, maxime cum partes illæ aut à natura assignatæ sunt, ut inter imperantes & parentes, aut honesta ratione electæ, ut qui aliis auxilium ferunt in justo bello. Imò, tantum abest, ut in eo crimen sit, ut pro crimine habeatur, si quis præsidio intemptivè decesserit: interim tamen, ut hostes occidi impune possunt.

d. c. 4. §. 13. n. 2. & c. 11. §. 16. Obrecht. de rat. bell. c. 2. §. 8. Kipps. b. c. §. 6. in med.

IX. *An licet hostem tollere veneno?*

R. Jure naturæ licet: nam quem interficere licet, eum gladio, an veneno interimas, nihil interest; licet generosius sit, ita occidere, ut is qui occiditur, sui defendendi habeat copiam: quod tamen huic non debetur, qui mori meruit. Jure autem gentium, quia communis est necessitas, ne pericula in bellis nimium intendantur, hoc non videtur esse permissum. Et credibile est, à regibus id esse profectum, quorum vita, quæ ab armis ante alios defenditur, à veneno minus,

Grot d. c. 4. §. 16. Abb. Cout. l. 2. c. 6. p. 250. O. sian t. b. c. §. 16. aliter. Jung Zoot. graf. diff. de armis in bello prohibitis.

ff 5 quam

quam aliorum tuta esset, nisi defendantur ii juris aliqua religione & metu infamiæ. Sic & videtur esse contra jus gentium, spicula, fontes, & aquas veneno inficere; quæ talia prohibuerunt, ut minuantur pericula in bello.

**X. Sed an licet aquas corrumpere, ut bibi nequeant?**

Grot. d. c. 4.  
§ 17. Alber.  
Gent. aliter. p.  
256.

**R.** Affirmatur, id enim perinde habetur, ac si flumen avertatur, aut fontis venæ intercipientur.

**XI. Licetne hostem interficere immisso percussore?**

Grot. d. c. 4.  
§ 18. jusg.  
c. 1. § 21.  
& ibi not.  
Alber.  
Gent. p.  
275. jusge  
tamen Puf.  
l. 8. c. 6.  
§ 18.

**R.** Per eos, qui fidem expressam vel tacitam violant, ut sunt subditi, vassalli, milites, recepti ut supplices, advenæ, transfugæ, id non videtur permissum, ne nimium intendantur pericula eorum, qui maxime eminent. Per alios verò id videtur licere: nimirum hostem occidere ubivis licet; nec refert, quot sint, qui faciant.

**XII. At tales percussores deprehensi exquisitis suppliciis affici solent?**

Grot. d. c.  
4. § 18. n. 3.

**R.** Hoc non ideo venit, quod in jus gentium deliquerint: sed quia eodem jure in hostem quidvis licet: gravius autem aut levius malum statuit quisque, pro sua utilitate. Nam sic & explo-

Grot. d. c.  
+ § 19.

ploratores deprehensi pessime tractari solent: quos tamen mittere jure gentium haud dubie licet.

*Alb. Gent. p. 421. Kulpis. h. c. §. 7. in fin.*

XIII. *An supra & adulteria in bello sunt permissa?*

R. Non, quia per denunciationem belli renunciavimus tantum istis jurebus, quæ ad securitatem nostram faciunt; & hostis noster habet tantum jus ad ea media, quæ ad bellum gerendum, & ad finem in eo obtinendum sunt necessaria: qualia non sunt supra & adulteria, sed tantum sunt actus efferatæ libidinis, qui non minus in bello, quam in pace puniendi sunt.

*Ofiand. ad Grot. b. c. §. 19.*

XIV. *Si belli causa sit injusta, bellum autem solenniter sit susceptum, an effectus belli justitiâ intrinsecâ justî esse possunt?*

R. Si belli causa injusta sit, etiamsi bellum solenni modo sit susceptum, injusti sunt (internâ injustitiâ) omnes actus, qui inde nascuntur: ita ut qui scientes tales actus operantur, habendi sint in eorum numero, qui ad regnum coeleste sine poenitentia pervenire non possunt. Vera autem poenitentia, si tempus & copia suppetat, omninò requirit, ut is, qui damnum dedit, sive interficiendo, sive res corrumpendo, sive

*Grot. l. 3. c. 10. §. 3. Ofiand. b. c. §. 3.*

l. 2. c. 17. §. 13. <sup>3</sup>  
14. five prædas agendo, id ipsum resarciat  
ipsis, quorum interest.

XV. *Quinam ergò sunt isti, qui hæc  
resarcire debent?*

d. c. 10. §. 4. l. 2. c. 21. §. 4. <sup>3</sup> 7.  
l. 3. c. 1. §. 3. <sup>3</sup>  
l. 2. c. 17. §. 11. **R.** Ad restitutionem tenentur belli  
auctores, sive potestatis jure, sive con-  
silio damnum dederint, etiamsi infolium sit damnum; dummodò bellum  
sequatur, si etiam tale quid jusserint  
aut suaserint, quod impedire potue-  
runt & non impediverunt. Sic duces  
tenentur de his, quæ suo ductu facta  
sunt: & milites in solidum omnes, qui  
ad actum aliquem communem & indi-  
viduum, puta urbis incendium, con-  
currerunt; in actibus autem dividuis  
quisque pro eo damno tenetur, cujus  
ipse causa unica, aut certe inter cau-  
sas fuit. Referuntur etiam huc isti,  
qui aliis operam navarunt, & in culpa  
sunt. Item, qui rem bello injusto ca-  
ptam penes se habent, tenentur domi-  
nis eam restituere, ut tamen, si quid  
sumtus aut operæ impenderit, dedu-  
cere tantum possint, quantum domi-  
no valebat adipisci desperatam posses-  
sionem, & si rem emerint, pretium  
restituendum. Sin autem rei possessor  
culpæ exfors eam consumserit, aut a-  
lienaverit, non tenebitur, nisi in quan-  
tum

Grot. l. 3. c. 10. §. 6. l. 2. c. 10. §. 9.

tum cenferi potest locupletior factus.

XVI. *Si bellum fit iustum ratione cause sue, an omnes iustitiâ internâ occidi possunt, quos enarravimus?*

ꝛ. Non, iustè seu ex iustitia interna nemo interfici potest, nisi aut in poenam iustam, aut quatenus absque eo vitam & res nostras tueri non possumus; licet interdum accidat, ut contra propositum nostrum etiam innocentem occidamus.

Grot. c. 11;  
§. 2.

XVII. *Quid ergò dicendum de infantibus, sceminis, senibus &c?*

ꝛ. Ex rigore belli, quia sunt partes istius corporis seu civitatis, cui bellum indiximus, occidi possunt; sed ex temperamento juris naturæ, quod respicit circumstantias, & an vita nostra & res ab iis non sint tutæ, non possunt. Infantes quidem excusat ætas, sceminas sexus, nisi virilia & arma tractent, aut aliàs in bello juvent; senes defectus virium, nisi consilio vel aliàs noceant; sacerdotes, item eos, qui literis operam dant, vitæ genus, nisi & hi servitia militaria præstent. Item agricolaë, mercatores, opifices, artifices, modò ad bellum nihil contribuant, sive negotiando in rebus ad militiam per-

Grot. c. 11.  
§. 9. 10.  
11. 12. 13.  
14. 15. 16.  
& 18.  
Ziegl. b. c.  
& Feld.  
Alb. Gent.  
l. 2. c. 21.  
& 22. Seld.  
l. 6. c. 15.  
in firm.



pertinentibus, sive arma fabricando, pulverem pyrium &c. faciendo. Captivus parcendum, quia arma posuerunt, item deditis sine conditione, ita ut nec talio, nec pertinax studium sufficiens sit causa eos occidendi, nisi forte sævitia hostis in captivos exerceri solita, aliter non possit coerceri, quam simili sævitia. Sic & obsides non sunt occidendi, nisi & ipsi aliquid commiserint morte dignum. Adde tandem omnes commissiones, quæ ad jus consequendum, aut ad bellum finiendum nullius sunt usus, sed meram habent virium ostentationem propositam, & cum officio Christiani hominis, ipsaque cum humanitate pugnant.

## CAPUT V.

De rebus vastandis eripiendisque.

## CAPUT XII.

Temperamentum circa vastationem, & similia.

- |  |   |
|--|---|
| <p>I. An res hostium corrum-<br/>pi &amp; rapi possint.</p> <p>II. An etiam res sacrae.</p> <p>III. An hæ sint in Christi<br/>patrimonio.</p> <p>IV. Quid, si quis ex erro-<br/>re credat, simulacro nu-<br/>men aliquod inesse, an<br/>istud jure belli violare</p> | <p>possit.</p> <p>V. An res religiosæ viola-<br/>ri possint.</p> <p>VI. An res hostiles vi tan-<br/>tum eripi possint, an etiam<br/>dolo.</p> <p>VII. An citra modum rapi<br/>aut corrumpi possint.</p> <p>VIII. Quid, si populatio</p> |
|--|---|

hostem brevi ad pacem faciendam adigat.

IX. Quae res non videantur vastandae.

X. Quae rationes & utilitates, praeter aequitatem & humanitatem, moderationem suadeant.

I. Possumusne res hostium vastare, easque iis eripere?

R. **A**ffirmatur; nam contra naturam non est, spoliare eum, quem honestum est necare: & jure belli eripi aut corrumpi possunt munitiones hostium, portus, urbes, viri, na- ves, fructus, & si qua sunt similia.

Grot. l. 3. c. 5. §. 1. Puf. l. 8. c. 6. §. 18. in fin. Ofsand. b. c. Obs. 1.

II. An & res sacrae?

R. Quia res sacrae sunt ejus, qui summum imperium in populo obtinet, merito & hae res cedunt victori.

d. c. 5. §. 2. n. 1.

III. At res sacrae sunt in Christi patrimonio?

R. Christi patrimonium non est de hoc mundo; hinc cum sacra sint publica, quando populus alteri populo aut regi se dedit, tum etiam ea dedit, quae divina dicuntur, juxta illud:

Grot. d. c. 5. §. 2. n. 1. & 2. Conring. ad B. Innocent. X. c. 6. Mauriti: de secularis. bon. eccles. c. 5. Kulpis b. c. §. 1. in fin. Ofsand. b. c. §. 2. cum pluribus aliis, aliter.

*deduntque se, divina humanaque omnia.*

Et idèd jus publicum in sacris consistere dicitur: & populus ipse, mutata voluntate, propter utilitatem & necessitatem publicam, ex sacro profanum potest facere: certo indicio, haec bo-

Grot. d. c. 5.  
 §. 2. n. 4.  
 Osiand. ibi  
 & Ziegl.  
 Nov. 37.  
 Zapper. de  
 Polis. Ec-  
 clef. l. 2. c.  
 26. & de  
 leg. Mosaic.  
 l. 4. c. 10.  
 Hortled. de  
 caus. bell.  
 Germ. tom.  
 1. l. 5 & 6.

bide m.

bona quidem ex privatorum dominio & potestate exivisse, & sacra dici à fine, cui destinata sunt, non autem ex illo, quod summæ potestati in omnia reip. bona competit, & dominium eminens vocatur. Propter quod etiam procedunt ab imperantibus constitutiones de sacris rebus non alienandis vel oppignorandis, nisi certis in casibus.

IV. *Quid si quis ex errore credat, in simulacro numen aliquod inesse?*

R. Id violari aut corrumpi, nefas est ab iis, qui in ea persuasionem conveniunt, ex talis opinionis positione, seu quia conscientia erronea obligat æquè ac recta. Aliud est, si hostes non idem sentiant; ab his enim recte talia simulacra seu idola abolentur, & bona sacra, in cultum idololatricum destinata, in alios pios usus & verum cultum convertuntur.

V. *Quid dicendum de rebus religiosis?*

Grot. d. c.  
 5. §. 3.

R. Idem & de religiosis intelligi debet. Nam hæc quoque non mortuorum sunt, sed viventium, sive populi alicujus, sive familiæ. Quare sicut sacra loca ab hostibus capta, ita & religiosa talia esse desinunt: dummodo ipsa mortuorum corpora non male tractentur, quia id contra jus est hominum sepeliendorum.

l. 1. c. 10.  
 §. 2. & 6.

VI.

VI. *An res hostium tantum vi possunt eripi, an etiam dolo?* Grot. d. c. 5. §. 4.

ꝛ. Non visola res hostium hostibus eripi possunt, sed & doli, qui perfidia carent, permitti censentur.

VII. *An citra modum res hostium possunt corrumpi, aut iis eripi?* Grot. l. 3. c. 12. §. 1. Francis. à Vill. de jur. re bel. n. 56.

ꝛ. Non, sed desistendum est, vel quando id acquisivimus, quod par est illi, quod nobis debetur, vel quando tantum damni datum fuit, quantum vindictæ modum non excedit, vel quantum requiritur, ut pericula futura, ne scilicet de novo nobis inferatur bellum, & sic bellum ex bello nascatur, evitare possimus. Quare, ut propter pecora abacta, aut domos aliquas incensas, totum regnum vastetur, æquitas non fert. Ziegl. de jur. maj. l. 1. c. 33. §. 72.

VIII. *Quid, si populatio hostem brevi ad pacem faciendam subigat?*

ꝛ. Stultum est, nullo suo bono nocere alteri, sed si vastatio ad pacem adigat hostem, non est ratio parcendi. Quamvis, si rem rectè expendas, plerumque admittantur talia, ex odio magis, quam prudenti ratione. Grot. d. c. 12. §. 1. n. 2. & 3. Alber. Gent. l. 2. c. 23. p. 448.

IX. *Quæ ergò res non videntur vastandæ?*

ꝛ. In quibus cessat ratio vel necessi- Grot. l. 3. c. 5. §. 2. n. 3.

tatis vel utilitatis; sic, post plenam victoriam, horrificum, nefarium & omni odio dicitur imbutum bellum, quod parietibus, tectis, columnis, postibus fit. Sic, si magna spes sit celeris victoriæ, cujus præmium & ager & fructus futuri sint, his parcendum. Nam jam res hostiles non diripies, utpote quæ non amplius ad istum pertinent, sed tuæ sunt, tuas res perdes. Si hostes aliunde, quo se sustentent, habeant, puta mare, si fines alii pateant, agricultura etiam in ipso collimitio tuta maneat, & potius tributum exigatur. Et hinc non tantum agricolæ, sed & animalia, quibus arant, & semina, quæ ad agrum portant, extra belli periculum poni debent. Sic rebus, quæ ad bellum faciendum aut ducendum nihil momenti habent, ut sunt templa, etiam durante bello parcendum: & quidem in templis specialis ratio accedit, quod sacris usibus dicata sunt, & si nullum inde sit periculum, talia ædificia, & quæ eis accedunt, conservari suadet rerum divinarum reverentia, inter eos maxime, qui eundem Deum ex eadem lege colunt, etiamsi fortè sententiis quibusdam aut ritibus dissideant. Consuetudo tamen fere est qua-

d. c. 12. §.  
3. jung.  
Fus-  
Knechts-  
Bestall. de  
an. 1570.  
art. 53. &  
Kulpis. b. c.  
§. 3. lit. I.

d. c. 12. §.  
6.

Ziegl. in  
com. b. c.

quarundam gentium, ut campanæ rebus sacris destinatae, certa pecuniæ summa redimantur. Idem dicendum de religiosis & illis, quæ in honorem mortuorum structa sunt; nam & hæc, nisi contempta humanitate, violari non possunt.

Græc. d. c.  
12. §. 7.  
Text. c. 18.  
n. 37.

X. *Præter rationem equitatis & humanitatis, suntne adhuc alie rationes quæ hoc suadent?*

R. Affirmatur, talis enim moderatio hosti magnum telum eripit, desperationem scilicet & præ se fert speciem magnæ de victoria fiducia; clementia per se est apta frangendis & conciliandis animis. Inprimis autem summorum potestatum & ducum, qui Christiani & à Deo & ab hominibus haberi volunt, officium est, violentis urbium directionibus, & si quid his simile est, intercedere, ut quæ abire non possint, sine gravissimo multorum innocentium malo, & sæpe ad belli summam parum proficiant: ita ut bonitas Christiana ferè semper, ipsa quoque justitia plerumque ab istis abhorreat.

d. e. 12. §.  
8. n. 1. 2.  
& 4.

CAPUT VI.

De jure acquirendi bello capta.

G g 2

CA.

## Temperamentum circa res captas.

- |  |   |
|--|---|
| <p>I. <i>Capta in bello cui cedant.</i></p> <p>II. <i>Quando res censeantur captæ.</i></p> <p>III. <i>An res, quæ non sunt hostium, quamvis apud ipsos inventa, bello acquiri possint.</i></p> <p>IV. <i>An res exterorum in navi hostili repertæ.</i></p> <p>V. <i>An hostibus erepta vindicari possint à prioribus dominis.</i></p> <p>VI. <i>An res, in bello publico ac solenni captæ, singulis capientibus, an verò toti populo acquirantur.</i></p> <p>VII. <i>An &amp; quando singuli capta sibi acquirant.</i></p> <p>VIII. <i>An singuli aliquid, extra ministerium publicum, facere possint.</i></p> <p>IX. <i>Quas res singuli sibi acquirant.</i></p> <p>X. <i>Quot modis præda tribui soleat.</i></p> <p>XI. <i>An præda concessio sem-</i></p> | <p><i>per sit mera donatio.</i></p> <p>XII. <i>An &amp; cur sociis pars prædæ concedatur.</i></p> <p>XIII. <i>Cur aliquando subditis.</i></p> <p>XIV. <i>Cui res sit addicenda, si apud populum, bello non permixtum, controversia oriatur de re bello captæ.</i></p> <p>XV. <i>An extra territorium bellum gerentium, captæ fiant capientium.</i></p> <p>XVI. <i>An hoc jus acquirendi res bello captas ita proprium sit belli solennis, ut in aliis bellis locum non habeat.</i></p> <p>XVII. <i>An res, in bello iusto, ultra debitum modum captæ, retineri possint.</i></p> <p>XVIII. <i>An tantum capi possint res ad consecutionem debiti primarii, an &amp; subnascantis.</i></p> <p>XIX. <i>Quid, si isti, quorum res capiuntur, sint extra culpam.</i></p> |
|--|---|

I. *Capta in bello cuius cedunt?*

Grot. l. 3. c.  
6. §. 1. n. 1.

*re.* Bello iusto ea nobis jure naturæ acquiruntur, quæ aut paria sunt ei, quod cum nobis sit debitum, aliter consequi non possumus, aut etiam quæ nocenti damnum inferunt, intra æquum vindictæ modum; id quod & Deus

Deus probat in lege à Mose data. Jure gentium non tantum is, qui ex justa causa bellum gerit, sed & quivis in bello solenni, & sine fine modoque, dominus fit eorum, quæ hosti eripit, eo sensu, ut à gentibus omnibus & ipse, & qui ab eo titulum habent, in possessione rerum talium tuendi sint: quod *dominium quoad effectus externos* (in quantum non habetur pro future, & proprio nomine pro lubitu de hac re disponere potest) licet appellare.

*Kulpis. b. c. §. 1. Deut. 20. vers. 14.*

*Grot. d. c. 6. §. 2.*

II. *Quando res censentur captæ?*

Res mobilis capta dicitur, ubi intra fines, i. e. præsidia hostium perducta fuerit; eodem enim modo res amittitur, quo postliminio redit, redit autem, ubi intra fines imperii esse cœpit, sive intra præsidia. Et quamvis res captæ statim dicantur fieri capientium, tamen hoc cum conditione aliqua, continuandæ scilicet eousque possessionis, intelligi debet. Cui consequens esse videtur, ut in mari naves, & aliæ res captæ censeantur tum demum, cum in navalia aut portus, aut ad eum locum, ubi tota classis se tenet, perductæ sunt. Hæc tamen apud quasdam gentes aliter determinari pos-

*Grot. d. c. 6. §. 3. n. 2.*

*Groene-  
weg. de  
LL. abrog.  
ad tit. de  
capt. &  
postl. revers.  
Ziegl b. c.  
§. 3.  
Grot. d. c.  
6. §. 4. n. 2.*



sunt. Res immobiles captæ intelliguntur, quæ mansuris munitionibus ita includuntur, ut non nisi iis expugnatis, parti alteri palàm aditus non sit: seu in quibus non est momentanea, sed firma possessio.

III. *Quid, si res capta non sit hostium?*

Grot. d. t.  
6. 5. 5.

R. Ut res aliqua belli jure nostra fiat, requiritur, ut ea hostium fuerit: nam quæ res apud hostes quidem sunt, puta in oppidis eorum, aut intra præsidia, sed quarum domini nec hostium sint subditi, nec hostilis animi, eæ bello acquiri non possunt: nam & ratio deficit; non enim habentur pro rebus nullius, & jus hoc mutandi dominii odiosius est, quàm ut produci debeat; & à rebus exterorum non metuitur damnum, quomodo ab exteris ipsis, qui tempore indicti belli apud hostes deprehenduntur, & intra modicum tempus non discedunt. Si tamen eo consilio sint missæ ad hostem, ut eum juvent, meritò habentur pro hostilibus.

Ziegl. d. 6.  
5. aliter.

IV. *Quid ergò juris, si res exterarum inveniantur in navi hostili?*

Grot. l. 3. c.  
6. 5. 6.

R. Censentur esse hostiles, usquedum hæc præsumptio validis in contrarium pro-

Probationibus elidatur.

V. *An, quæ hostibus erepta sunt, possunt vindicari ab his, qui ante hostes nostros ea possederunt & bello amiserunt?*

R. Non, quia jus gentium hostes primùm dominos fecit dominio externo, deinde nos.

d. c. 7. §. 1.  
Puf. l. 8.

c. 6. §. 20.  
Frantz. 2.

rejol. 9. §.  
47. & 53.

Ziegl. b. c.  
§. 7.

VI. *Cuinam acquiruntur res hostiles in bello publico ac solenni, an populo, vel isti, cujus auspiciis bellum geritur, an singulis, qui de populo aut in populo sunt?*

R. Res quæ sunt nullius, quales sunt res hostium (quia non ulterius nobiscum in societate vivunt, & ipsis non ampliùs debemus jura, quæ ex societate fluunt, quale etiam est jus domini) fiunt capientium, sed tam eorum, qui per alios, quàm qui per se capiunt: naturaliter enim homo hominis alterius volens volentis instrumentum est. Ità non servi tantum, aut filii, sed & liberi homines, qui in piscando, aucupando, venando, margaritas legendo &c. operam suam addixerunt aliis, statim id quod acceperunt, acquirunt ipsis, quibus operam navant, & sic quoque milites istis, qui sunt principales belli auctores. Perinde enim est,

Grot. d. c.

6. §. 8. &  
9. Puf. l. 8.

c. 6. §. 21.

per se quis faciat aliquid, an per alium.

VII. *An ergò singuli nihil sibi acquirunt?*

Grot. d. c.

6. §. 10.

Puf. l. 8. c.

6. §. 21. in

fm. Kulpis.

b. c.

R. Distinguendum inter actus vere publicos belli, & inter actus privatos, qui fiunt occasione publici: per hos actus privatis res quæritur primò ac directè, per illos actus populo.

VIII. *At verò singuli seu privati nihil possunt facere, nisi in ministerio publico.*

Ziegl. b. c.

É de jur.

maj. l. 1. c.

33. §. 77.

Text. c.

67.

18. n.

R. Singuli seu privati, qui in bello aliquid faciunt, semper quidem sunt in ministerio publico, sed non omnia faciunt, quia sunt in ministerio publico, e. g. quæ in liberis seu injustis excursibus, vel etiam contra expressas prohibitiones capiunt.

IX. *Quales sunt res, quas singuli sic sibi acquirunt?*

Grot. d. c.

6. §. 11. É

12.

Cujac. l. 19.

obf. 7. ali-

ter Text.

4. l. É a-

lii.

R. Res soli, quia nisi publico actu, inducto exercitu, impositis præsidiis, capi non solent, populi fiunt: res mobiles & se moventes, si capiant in ministerio publico, primò ac directè populo acquirunt, & ab hujus concessione est, quicquid ex his rebus sibi vel retinent, ut in direptionibus, aut populationibus militibus concessis, vel quic-

quicquid ex præda ipsis tribuitur : vel extra ministerium publicum, ut modo diximus, & sibi primò & directè acquirunt ; nisi & in his rebus lex civilis dominium singulorum antevertat. Sic lege introduci potest, ut quæ apud nos reperiuntur hostium res , publicæ fiant.

X. *Præda quot modis tribui solet ?*

ꝛ. Sicut res aliæ, ita præda potest à populo aliis concedi, non tantum post acquisitionem, sed & ante eam, ita ut, subsecutâ capturâ, conjungantur actiones brevi manu : nec tantum ea concessio nominatim fieri potest, sed & in genere, ut viduis, senibus & egentibus pupillis pars prædæ dari potest.

XI. *An hæc juris translatio semper est mera donatio ?*

ꝛ. Non, sed interdum contractus, interdum aut solutio ejus, quod debetur, aut remuneratio, ob damna, quæ quis passus est, aut ob id, quod ipse bello impendit, sive sumtu, sive opera, ut cum socii aut subditi nullo stipendio militant, aut non tali, quod operæ respondeat. Nam ex his causis prædam aut omnem, aut ejus partem concedi solitam videmus. Et

G g 5 hinc

hinc receptum, ut sua faciant, quæ capiunt aut focii aut subditi, qui sine stipendio & suo sumtu suoque periculo bellum gerunt.

XII. *Quæ est ratio in sociis?*

Grot. l. 3. c.  
6. §. 23.

¶. In sociis ratio est manifesta, quia naturaliter socius socio tenetur ad reparationem damnorum, quæ ob negotium commune aut publicum eveniunt. Adde, quod opera quoque gratis præstari vix soleat. Credibile ergo est, nisi causa alia appareat, puta beneficentia mera, aut contractus antecedens, spem ex hostibus lucrandi spectatam esse in damni & operæ compensationem.

XIII. *Quæ est ratio in subditis?*

d. c. 6. §.  
24. Puf.  
l. 7. c. 4. §.  
5. Horn.  
l. 2. c. 2.  
§. 17.

¶. In subditis id non æque evidenter procedit, quia hi operam civitati suæ debent: sed contrà occurrit, quod ubi non omnes, sed aliqui militant, his ipsis à corpore civitatis retributio debetur ejus, quod plus cæteris operæ aut sumtus impendunt, multoque magis damnorum, in cujus retributionis certæ locum, spes prædæ totius, aut partis incertæ, facile nec sine ratione conceditur. Cæterum hodie passim usurpatur, ut in direptionibus oppidorum, & in præliis, suam quisque

ta-

Grot. d. c.  
6. §. 24. n.  
8. & Kul-  
tis. ibi.

faciat, quod cepit: in excursibus vero capta communia fiant eorum, qui in comitatu sunt, inter ipsos pro dignitatis ratione partienda.

XIV. *Si apud populum bello non permixtum controversia oriatur de re bello capta, pro quo judicabit?*

R. Addicenda ei, cui faveant leges d. c. 6. §.  
 aut mores populi, à cujus partibus res 25.  
 capta est: quod si ejus nihil probetur,  
 ex jure gentium res ipsi populo erit  
 adjudicanda: si modò ea res in actu  
 bellico capta sit.

XV. *An extra territorium utriusque partis bellum gerentis capta sunt capientium?*

R. Sicut & hostem ubique licet interficere, ita & in rebus locum non consideramus. In loco tamen pacato is, qui imperium habet, potest lege sua prohibere, ne id fiat, & si contra legem factum sit, de eo tanquam de delicto poscere potest, ut sibi satisfiat. d. c. 6. §. 26. n. 2. § c. 4. § 8. n. 2. b. l. § ibi not.

XVI. *An hoc jus externum acquirendi res bello captas, ita proprium est belli solennis, ut in aliis bellis locum non habeat?*

R. Si sint talia bella inter populos Ziegl. b. c. §. 7. Grot. b. l. aliter.  
 utrinque majestate pollentes gesta, etiam

iam locum habet: sin autem sint inter cives, five magna ea, five parva sint, nulla fit dominii mutatio, nisi auctoritate judicis. Sic etiam in repressaliis aliter non obtinet.

XVII. *Quæ in bello justo capta sunt ultra debitum modum, an retineri possunt?*

Grot. l. 3.  
c. 13. §. 1.  
u. 1.

R. Non ultrà licitum est capere aut habere, quam causa subest debendi in hoste, excepto, quod etiam extra eam, ad securitatem necessariam, res possunt detineri, sed restitui debent cessante periculo, in se, aut in pretio; nam quod in re pacatorum liceret, multò magis in re hostium licet.

XVIII. *An res subditorum capi & acquiri possunt, ad consecutionem debiti primarii tantum, unde ortum est bellum, an & subnascentis?*

d. c. 13. §.  
3.

R. Res subditorum non tantum capi possunt & acquiri, ad consecutionem debiti primarii, unde ortum est bellum, sed & subnascentis, ita ut & impensæ in bellum factæ, & damna inde orta, præstari debeant.

XIX. *Quid si isti, quorum res capiuntur, sint extra culpam?*

d. c. 13. §.  
3. n. 2. &  
3. & c. 2.

R. Æquitas vult, ut cum tantum quasi fidejussorio nomine sint obstructi, ipsis

ipsis relinquuntur res istæ, quibus nos <sup>§. 5. n. 1.</sup> <sup>§. ult.</sup> facilius, quam ipsi careamus, præfer-  
tim verò, si satis appareat, illos ipsos  
id, quod eo modo amiserunt, à civi-  
tate sua non recuperaturos. Sic & in  
repressaliis, quamdiu spes est, nos no-  
strum satis faciliè consequi posse ab ori-  
ginariis debitoribus, aut ab iis, qui jus  
non reddendo se debitores faciunt, ad  
eos, qui culpa vacant, non veniend-  
um.

CAPUT VII.

De jure in captivos.

CAPUT XIV.

Temperamentum circa captivos.

- |   |   |
|---|---|
| <p>I. An &amp; cur bello capti<br/>in servitutem redigan-<br/>tur.</p> <p>II. An hoc tantum sit intel-<br/>ligendum de subditis bo-<br/>stium perpetuis, an &amp;<br/>de aliis ibi deprehensis.</p> <p>III. An etiam posterii eorum<br/>servi sunt.</p> <p>IV. Quæ sint hujus juris<br/>effecta.</p> <p>V. An incorporalia belli ju-<br/>re acquirantur.</p> <p>VI. Captivi, an populi, an<br/>singulorum captivum<br/>siant.</p> <p>VII. An bello injusto captis<br/>ausugere liceat.</p> <p>VIII. An gratitudo, quam<br/>captivus domino ob vitam</p> | <p>relictam debet, hoc per-<br/>mittat.</p> <p>IX. An servus domino re-<br/>sistere possit.</p> <p>X. An bello capti necessario<br/>apud omnes gentes servi<br/>fieri debeant.</p> <p>XI. Quisque homines ca-<br/>pere liceat, salva justitia<br/>internâ.</p> <p>XII. An jus vitæ &amp; necis,<br/>in servos competens, justè<br/>semper exerceatur.</p> <p>XIII. Quomodo ab iis exi-<br/>gendæ sint operæ.</p> <p>XIV. An bello justo capto<br/>fugere liceat.</p> <p>XV. Quid circa captivum<br/>faciendum sit, ubi servi-<br/>tus in usu non est.</p> |
|---|---|

I. An



I. *An captivi possunt fieri servi?*

Grot. l. 3.  
c. 7. §. 5.

R. **U**t captores à summo illo rigore, quo omnes captivos, & statim & post moram, quamdiu injuriam non remiserunt, possunt occidere, abstineant, apud omnes gentes necessitas & utilitas vult, ut capti possint in servitutem redigi.

II. *An hoc intelligendum est tantum de iis, qui sunt subditi hostis perpetui, & qui se dedunt, aut servitutem promittunt?*

d. c. 7. §.  
1. n. 1. §.  
2. c. 4. §. 7.

R. Non tantum qui se dedunt, aut qui servitutem promittunt, pro servis haberi possunt, sed omnes omninò bellò capti, ex quo scilicet intra præsidia perducti sunt; & omnium eadem fors est, etiam eorum, qui fato suo, ut diximus, cum bellum repente exortum esset, intra hostium fines deprehenduntur.

III. *An etiam posterì ipsorum servi fieri possunt?*

d. c. 7. §. 5.  
n. 2. Grot.  
l. 2. c. 5. §.  
29. n. 2.  
Puf. l. 6.  
c. 3. §. 9.

R. Affirmatur, 1. quia si captores summo jure utantur, illi ipsi nascituri non sunt. 2. diu alendi sunt è servis nati, antequam opera eorum domino utilis esse possit, & sequentes operæ sui temporis alimentis respondent.

IV. *Quæ sunt effecta hujus juris?*

R. Ef-

R. Effecta hujus juris infinita sunt: Grat. l. 3. c. 7. §. 3. n. 1. & 2. Horn. l. 2. c. 1. §. 4. Ziegl. b. c.  
 nulla enim permissio est, quæ stricto jure belli non impunè illis imponatur, ut modò diximus; & res omnes, quæ captæ fuerunt, cum persona acquiruntur domino.

V. *An incorporalia belli jure acquiruntur?*

R. Non acquiruntur primo ac perse, sed media persona cujus ea fuerunt. d. c. 7. §. 4. Puf. l. 8. c. 6. §. 22. Grat. l. 2. c. 5. §. 5.  
 Excipienda tantùm ea, quæ ex singulari personæ proprietate fluunt, ac proinde inalienabilia sunt, ut jus patrum. Hæc enim, si manere possunt, manent penes personam, sc. quando pater revertitur ex captivitate, si non, extinguuntur, & liberi censentur esse sui juris; nam qui jam nati sunt tempore Grat. l. 3. c. 9. §. 7. captivitatis, non fiunt servi, nisi & ipsi capiantur.

VI. *Qui capiuntur, populine an singulorum fiunt?*

R. Homines hac in re jure belli rebus æquantur, & sic ex his, quæ de præda diximus, hoc definiendum est. Grat. l. 3. c. 7. §. 5. n. 4.

VII. *Qui bello injusto capti sunt, possuntne aufugere, vel etiam ii, qui ex iis nati sunt?*

R. Aufugere possunt, sive bello manente, sive pace facta; sive ad suos, d. c. 7. §. 6. n. 1.  
 sive

five ad alios. Priori casu, jure postliminii consequuntur libertatem, posteriori casu, sc. si fugiant pace facta, vindicari possunt à domino, ipsique reddendi sunt, quia is jure gentium consequitur dominium externum, quod effectum non haberet, si pace facta auferere possent. Si nesciatur, ubi sint, aufugientium animis nullum vinculum videtur esse injectum: quia cum belli causa sit injusta, ipse captor justitia interna eos retinere non poterat, & sic aufugiendo, propter defectum judicii humani, sibi ipsis jus dicunt. Sic & suas res, quas retinere captor non poterat, sine furti vitio auferunt, aut laboris sui mercedem, si quam supra alimenta præstari æquum est, nam & hic judicium deficit, & debitum ex facti evidentia satis censetur probatum, si conferantur hujus captivi operæ cum operis aliorum, quibus alimenta & mercedem præstamus; modo ipse neque suo, neque publico nomine, quicquam debeat domino, aut ei, cujus jus dominus acceperat.

d. c. 7. §. 6.  
n. 1.

l. 3. c. 10.  
§. 3.

l. 1. c. 3.  
§. 2.

Grot. l. 3.  
c. 7. §. 6.  
n. 4. jung.  
l. 2. c. 7.  
§. 2. in fin.  
Kulpis. b. c.

VIII. *At captor vitam donavit, ergo propter vinculum gratitudinis videtur esse obligatus, ut nec aufugere, nec res suas, nec mercedem au-*

*auferre possit; nam vita est res inestimabilis.*

℞. Talis captor non habuit jus ipsi auferendi vitam, & sic ipsi reliquit quod jure naturæ relinquendum erat, nec liberalitas est in eo, quod meum est, & auferri non debet. Sic, quamvis latro vitam mihi non auferat, tamen si ex ipsius captivitate evadam, non pecco, nec furtum est, si furi res meas iterum eripiam. Et licet talis fuga & subductio deprehensa graviter puniri soleat, tamen hæc & alia multa faciunt potentiores, non quia æqua sunt, sed quia ipsis expediunt.

Ziegl. h. e. §. 6. & Of. aliter.

Grot. l. 3. c. 7. §. 6. n. 4. in fin.

IX. *Si dominus jus suum externum exsequi velit, an servus potest resistere?*

℞. Hoc jus externum, quia non sola agendi impunitate, sed & judiciorum tutela constat, inane erit, si ex adverso resistendi jus maneat. Nam si domino vi resistere liceat, licebit & magistratui dominum tuenti, cum tamen magistratus, ex jure gentium, dominum in illo dominio ejusque usu defendere debeat.

d. c. 7. §. 7. & l. 1. c. 4. §. 2.

X. *An necessarium apud omnes gentes capti in bello fiunt servi?*

℞. Si necessitas & utilitas hoc exigant, jus gentium apud omnes gentes

d. c. 7. §. 8. Horn l. 1. c. 3. §. 3.

H h

vult

d. c. 7. §. 9.  
n. 1. *Gudcl.*  
*de jur. no-*  
*viff. l. 1. c.*  
4. *Str. 40.*  
*tb. 70.*  
*Schutz.*  
*vol. 2. Ex.*  
*30. tb. 13.*  
*lit. F.*

d. c. 7. §. 9.  
n. 2. *Text.*  
c. 18. n. 41.  
*Grot. l. 3.*  
c. 9. *Kul-*  
*pis. b. c.*

*Grot. l. 3.*  
c. 14. §. 1.  
n. 1.

vult potius, ut capti in servitutem redigantur, quàm ut occidantur: & si bella aliter geri possint, quam ut capti libertatem amittant, & servi fiant, ne quidem servi fiunt, quia cessat ratio necessitatis. Sic inter Christianos bello orto, capti non fiunt servi, ita ut vendi possint, ad operas urgeri, & alia pati, quæ servorum sunt: nam non opus est inter ipsos, ut à miseris hominibus interficiendis abducantur minoris sævitæ concessione; reverentia enim Christianæ religionis sufficit. Mansit tamen etiam inter Christianos mos captos custodiendi, donec persolutum sit pretium, cujus æstimatio in arbitrio est victoris: nisi certi aliquid convenit expressis pactis, quæ hodie vocari solent *Cartel*. Inter Christianos & Mahumetistas adhuc servi fiunt, quia alio remedio ab interfectione Mahumetistæ non possunt prohiberi.

XI. *Ubi ergò servitus adhuc obtinet, quando censetur justa?*

R. Licita est talis acquisitio justitiâ internâ, quousque debiti aut primariî aut subnascentis quantitas patitur; nisi forte in ipsis hominibus peculiare sit delictum, quod libertatis damno puniri æquitas ferat. Et hætenus justum bellum

lum gerens in hostis subditos captos jus habet, idque in alios valide transfert: habita tamen æquitatis & bonitatis ratione in captis, prout vel arma gesserunt, vel aliàs contra nos operas præstiterunt, vel non, ceu diximus, cum de interficiendis hostibus ageretur.

Grot. l. 3.  
c. 4 §. 6.

XII. *Ex temperamento belli, vel habita ratione, quod capti nullam amplius injuriam nobis inferant, quid juris in eos habemus?*

℞. Jus vitæ & necis, quod rigor belli domino concedit, ex æquitate domino præstat, ut domesticam habeat jurisdictionem, sed eadem religione exercendam, qua publica exercetur: etiam in minoribus correctionibus, puta in verberibus; nam & hic adhibenda est æquitas, imò clementia.

Grot. d. c.  
14. §. 3. &  
4. §. 2. l. de  
bis qui sui  
vel alieni  
juris. l. uni  
C. de e-  
mend. serv.

XIII. *Quid de operis dicendum?*

℞. Operæ cum modò exigendæ sunt, & valetudinis servorum humanè habenda ratio. Et pro his alimenta servo debentur. Imò, si quid fecerit servus, quod servilis officii modum excedit, aut quod non ex imperio, sed ex voluntate præstat, ubi ex ministerio in affectum amici transit, beneficii ma-

d. c. 14. §.  
5. n. 1.  
Puf. l. 6.  
c. 3. §. 8.  
Boel. Inst.  
Pol. l. 1. c.  
4. p. 75.

Grot. d. §.  
n. 2. & 3.  
Grot. l. 1.  
c. 1. §. 6. l.  
2. c. 14. §.

Hh 2

teria

6. Seld. l.  
6. c. 7. p.  
737. &  
1096

teria invenitur. His consentaneum est, ut si quid servus suum defraudans genium comparfit, aut succisivi temporis diligentia quæsit, id aliquo modo sit ipsius, quod ipsi, citra delictum suum, aut domini necessitatem, auferri non debet: nam servi utilitas utilitatibus domini subest, magis etiam, quam res civium civitati. Sic ex humanitate & beneficentia venit, ut post longas operas, aut valde magnas, libertas detur servo: quod fit per manumissionem.

Grot. d. c.  
14. §. 6. n. 4.

XIV. *An fugere fas est ei, qui bello justo captus est?*

d. c. 14. §.  
7. & 8. &  
Os. ibi.

R. Non, quia jure gentium operas suas civitatis nomine debet: nisi intolerabilis sævitia hanc necessitatem ipsi imponat. Sic & nati ex servis interdum domino terentur interno jure; si enim parentes suo delicto poenam mortis erant commeriti, poterunt eorum posteris, qui sperabantur, ad vitam servandam, obstringi servitio, quia alioqui exstituri non fuerant. Pro debito autem civitatis nondum nati non tenebuntur, secus quam ii, qui jam nati erant, quique ut pars civitatis, non minus quam parentes ipsi, obligari poterant.

XV.

XV. *Quid juris ex temperamento belli apud eos, ubi servitus non viget?*

R. Optimum erit permutari captivos; proximum dimitti pretio non iniquo. Hoc quale sit, præcise defini non potest: sed humanitas docet, non ultrà intendi debere, quam deducto superfluo, ne egeat captus rebus necessariis. Alibi, ut dictum, hoc patet definitur.

d. c. 14. §. 9. & c. 7. §. ult. Gent. l. 2. c. 15. Kulpis. b. c.

c. 7. §. 10.

C A P U T VIII.

De imperio in victos.

C A P U T XV.

Temperamentum circa acquisitionem imperii.

- |   |  |
|---|--|
| I. <i>An victor etiam imperium in universos acquirere possit.</i> | in hac imperii acquisitione uti debeat.                                  |
| II. <i>Quot modis imperium victori possit acquiri.</i>            | VI. <i>Quoniam ex victoris benignitate, devictis rebus relinquuntur.</i> |
| III. <i>An etiam res incorporales victori acquirantur.</i>        | VII. <i>An religionis civitas usus.</i>                                  |
| IV. <i>Quid, si populo victo relinquat jus civitatis.</i>         | VIII. <i>An semper.</i>  |
| V. <i>An summo jure victor</i>                                    | IX. <i>An victi semper cle- menter sint habendi.</i>                     |

I. *An victor etiam sibi potest acquirere imperium in universos?*

R. **Q**ui sibi singulos potest servitute personali subicere, nihil

Grot. l. 3. c. 8. §. 1. & 2. Horn. l. 2. c. 9. §. 2.



mirum est, si & universos, sive illi civitas fuerunt, sive civitatis pars, sub-  
jicere sibi potest, subjectione sive mere  
civili (sc. ut nullum imperium quidem  
retineant, maneant tamen liberi ho-  
mines) sive merè herili (sc. ut plane  
fiant instar servorum, & non amplius  
sint civitas, sed magna familia) sive  
mixta, ita ut cum aliqua personali li-  
bertate servitus misceatur. Victor e-  
nim in devictorum capita jus & pote-  
statem à Deo consequitur, a quo est  
omnis victoria: & hinc imperia armis  
quærentur, victoriis propagantur.

II. *Quot modis imperium victori pot-  
est acquiri?*

d. c. 8. §. 1.  
n. 3. *Kulpis.*  
b. c.

℞. Potest imperium victori acquiri  
vel tantum, ut est in Rege aut alio im-  
perante, i. e. in quantum mediante  
populo Deus in regem vel imperantem  
contulit per electionem vel successio-  
nem; vel etiam, ut est in populo, i.  
e. in quantum Deus mediante victoria  
in ipsum contulit absolutissimum ali-  
quod imperium, ut ab ipsius solius ar-  
bitrio omninò dependeat, & de impe-  
rio in vivos & mortis causa, sine populi  
consensu, pro lubitu disponere possit:  
aded, ut populus ne quidem ea, quæ  
à primæva in societatem cœuntium

Grot. l. 1.  
c. 3. §. 12.  
n. 3. & 4.  
l. 2. c. 7.  
§. 12.

VO-

voluntate, antequam imperium est constitutum, dependent, amplius retineat. Nam & in electivis regnis & successivis, vivis imperantibus, populus nullam habet majestatem, sed tantum id, quod à primæva voluntate dependet, & sub imperio non continetur: & tunc regnum vocatur non patrimoniale, sicut aliud patrimoniale.

Grot. l. i. c. 3. §. 7. n. 2.  
Os. l. 3. c. 8. §. 1. n.  
3. & Ziegl. aliter.

III. *Quænam res mediante imperio victori acquiruntur?*

xx. Sicut res singulorum jure belli iis acquiruntur, qui eos sibi subjiciunt, sic & res universitatis eorum fiunt, qui sibi subjiciunt universitatem, si ipsi velint, ergò & ærarium & incorporalia seu jura, quæ universitatis fuerunt, debita & credita, ut alibi diximus. Nam qui dominus est personarum, idem & rerum est, & juris omnis, quod personis competit.

Grot. l. 3. c. 8. §. 4. n. 1. & 2. Puf. l. 8. c. 6. §. 22. & 23. Ziegl. de jur. maj. l. 1. c. 33. §. 79. in med. aliter.

IV. *Quid, si populo victo relinquat jus civitatis?*

xx. Etiam si quis populo victo jus civitatis relinquat, potest tamen quædam, quæ civitatis fuerant, sibi sumere. In ipsius enim arbitrio est, quem velit esse sui beneficii modum.

Grot. d. c. 8. §. 4. n. 3.

V. *Quodnam temperamentum victori*

Hh 4 est

*est adhibendum circa imperii acquisitionem?*

Grot. l. 3.  
c. 15. §. 1.

R. Quæ in singulos aut exigitur æquitas, aut laudatur humanitas, tantò magis in populos, aut in populorum partes, quantò in multos insignior est & injuria & beneficentia. Justo bello ut alia acquiri possunt, ita & jus imperantis in populum, & jus quod in imperio habet ipse populus ex primæva voluntate, & sub imperio non comprehenditur, sed quatenus fert aut vindictæ, aut alterius debiti modus. Quibus addenda est causa vitandi periculi summi, quæ semper tum in pace constituenda, tum in utenda victoria maxime spectanda est. Sapientes pacis causa bellum gerunt, & laborem spe otii sustentant. Si hoc obtineat victor, & injuriæ licentiam adimat hosti, cætera est ut remittantur ex misericordia. In publico autem periculo, quæ modum excedit securitas, immisericordia est.

Grot. d. c.  
15. §. 2.

VI. *Quenam ergo relinquenda?*

Grot. d. c.  
15. §. 4. 5.  
6. 7. 8. 9.  
10.

R. Pendet hoc ex modo vindictæ & debiti, ut modò diximus, & ex prudentia & benignitate victoris. Sic moderatæ victoriæ species est, victis aut regibus aut populis relinquere quod ha-

habuerunt imperium; & ut securitati victoris consulatur, præsidium iis imponere. Tributorum quoque indictio sæpe non tam ad factorum sumtuum restitutionem, quàm ad securitatem & victoris & victi in posterum pertinet. Interdum, ut mutent reip. formam, eamque instituant & accommodent ad remp. victoris. Si minus tutum sit, omni in victos imperio abstinere, temperari res potest, ut aliquid imperii relinquatur ipsis, aut ipsorum regibus. Sed &, cum omne imperium victis eripitur, relinqui illis possunt circa res privatas & publicas minores, suæ leges sui que mores & magistratus.

VII. *Quid circa religionem agendum?*

ꝛ. Indulgentiæ pars est, avitæ religionis usum victis, nisi persuasis, non eripere: hoc enim victis pergratum, quia religio sua cuique videtur optima, & plerumque non ratione, sed affectu dijudicatur, & victori est innoxium.

Grot. l. 3. c. 15. §. 11.  
 Et l. 2. c. 20. §. 47.  
 n. 4.

VIII. *Quid, si falsa apud victos sit religio?*

ꝛ. Si falsa apud victos sit religio, ne vera opprimatur, recte curabit victor.

d. c. 15. §. 11. n. 2.  
 Boeck. Inst. Pol. l. 2. c. 4.

IX. *Quæ est postrema cautio circa victoriam?*d. c. 15. §.  
12.

R. Ut in imperio, etiam plenissimo & quasi herili, victi clementer habeantur, & ita, ut eorum utilitates cum victoris utilitatibus socientur; & ut videatur tantum mutatus rex, maneant ipsis domus, agri, jus in uxores, in liberos, ut ante fuit. Nam si bonam dederimus pacem, & fida & perpetua erit futura; sin malam, haud dicturna. Hæc sit ratio vincendi, ut misericordia & liberalitate nos muniamus.

## CAPUT IX.

De postliminio.

## CAPUT XVI.

Temperamentum circa ea, quæ jure gentium postliminio carent.

- |   |   |
|---|---|
| I. Quid sit postliminium.   | VIII. Liber homo, qui sic rediit, an & libertatem & res suas recuperet. |
| II. In quibus locis sit.  | IX. An etiam res à victore alienatas.                                   |
| III. Quotuplex sit jus postliminii.   | X. An etiam jura in ipsam restituantur.                                 |
| IV. An & quando in pace postliminium sit.   | XI. An dediti jure postliminii gaudeant.                                |
| V. Cur exteris, fato suo apud hostes deprehensis, in pace postliminium sit, & cur non aliis captivis. | XII. An etiam in populis integris jus postliminii locum habeat.         |
| VI. Liber homo quando dicatur postliminio redire.   | XIII. Quinam jure postliminii recipiantur.                              |
| VII. Quid, si ab hoste venditus, commercia ad jus redeat.   | XIV. Quomodo recipiantur.   |
|   | XV.   |

- XV. *Quenam res recipiantur.*  
 XVI. *An res, intra hostium praesidia nondum perditae, vel à latronibus captae, postliminio egeant.*  
 XVII. *An haec omnia jure civiis alio modo determinari possint.*  
 XVIII. *An jus postliminii extra bellum, & inter populos, qui non sunt hostes, locum habeat.*  
 XIX. *An haec nostris temporibus obtineant.*  
 XX. *Res, quae in bello injusto captae fuerunt, licet jure gentium postliminio non redeant, nec restituende sint, an ex equitate & temperamento juris, prioribus dominis reddi debeant.*  
 XXI. *An eo in casu sumtus, in possessionem recuperandam facti, recte repetantur; an etiam laboris & periculi aestimatio sit facienda.*  
 XXII. *An eodem modo populi integri, vel populi partes, restitui debeant.*  
 XXIII. *An obligatio reddendi nullo tempore extinguatur.*  
 XXIV. *Quid, si jus sit ambiguum.*

### I. *Quid est postliminium?*

R. **P**ostliminium est jus, quod nascitur ex reditu in limen seu fines publicos, ita ut prior ante captivitatē status reviviscat. Grot. l. 3. c. 9. §. 2. n. 1. Text. c. 18. §. 77. seqq. aliter.

### II. *Quid intelligimus per fines publicos?*

R. Fines nostros, vel etiam sociorum vel amicorum, qui partes in bello eadem sequuntur; apud eos vero, qui amici sunt, sed non earundem partium, seu neutrales, ut vocantur, bello capti statum non mutant, nisi ex speciali pacto. d. c. 9. §. 2. n. 1. & 2.

### III. *Quotuplex est jus postliminii?*

R. Duplex; aut postliminio quis revertitur. d. c. 9. §. 3. in fin. §. 4. n. 4.

vertitur, aut aliquid postliminio recipitur. In bello redeunt postliminio homines, qui antequam caperentur, liberi fuerant: recipiuntur servi & alia quædam.

IV. *An in pace postliminium non est?*

d. c. 9. §. 4.  
n. 1.

℞. In pace postliminium est his, qui non virtute bellica superati, sed fato suo deprehensi sunt, ut qui, cum bellum subito exarsit, apud hostes reperiuntur. Aliis autem captivis in pace postliminium non est, nisi id pactis sit comprehensum.

V. *Quæ est ratio?*

d. c. 9. §. 4.  
n. 2. & 3.

℞. Quia in deprehensis apud hostes, bello exorto, nullum injuriæ consilium fingi potest, & tantum ad minuendas hostium vires manente bello retinentur, bello autem composito nihil obtendi potest, quominus dimittantur. Itaque tales in pace semper libertatem obtinent, utpote confessione partium innocentes: cæteri virtute bellica capti, propter injuriam illatam, jure videntur capti, & sic retinentur, nisi pace facta pactis id sit expressum.

VI. *Liber homo quando dicitur postliminio redire?*

d. c. 9. §. 5.  
Fuf. l. 8.  
c. c. §. 25.

℞. Quando eo animo ad suos venit, ut eorum res sequatur, sive dolo evadat,

dat, five vi, five sponte ab hostibus tradatur.

VII. *Quid si ab hostibus venditus commercio ad suos redeat?*

ꝛ. Liber judicatur, quia est alienatus cum sua causa, i. e. ut postliminio redire, & suum pristinum statum recipere possit. d. c. 9. §. 5. *in fin.*

VIII. *Liber homo qui sic rediit, quidnam recuperat?*

ꝛ. Non se tantum sibi acquirit, sed & res omnes, quas habuerat & apud suos, & apud populos pacatos, five corporales five incorporales, etiam dignitates & officia hæreditaria: alia autem, nisi in alios jam sint collata. Ratio est: quia populi pacati, sicut factum pro jure secuti erant in capto, ita & in liberato, ut se æquos præbeant utrique parti. Ergo dominium, quod habuerat in res ejus is, qui belli jure eum possidebat, non erat sine omni conditione: cessare enim poterat ipso invito, si captus qui fuerat, ad suos pervenisset. Has ergò res sic ille perdit, quomodo hominem, cujus erant accessio. d. c. 9. §. 6. n. l. *Ziegl. b. c. aliter. Text. c. 18. §. 90.*

IX. *Quid si tamen alienasset, an qui titulum habet ab eo, qui belli jure eo tempore erat dominus, tutus erit*  
gen=



*gentium jure, an & hæc recupera-  
buntur?*

d. c. 9. §. 6.  
n. 2. Ziegl.  
b. c. & de  
jur. maj.  
l. 1. c. 33.  
§. 82. Go-  
thofr. in l.  
12. §. 7. de  
capt. &  
postl. rev.  
aliter jung.  
Felman.  
respons.  
mitt. 6.

ꝛ. Distinguendum inter res, quæ ejus sunt generis, ut postliminio redeant, quales sunt res immobiles, & tales videntur alienatæ cum sua causa, ita ut non satis tutus sit tertius possessor, qui agrum ab hoste sibi comparavit, propter jus postliminii, quod in suspensio est, & cui præscribi durante eo bello nullatenus potest; & res quæ extra id genus sunt, ut res mobiles, quæ in præda sunt.

*X. An etiam jura in ipsum resti-  
tuuntur?*

d. c. 9. §.  
7. l. ult. D.  
de sent. pass.

ꝛ. Sicut ad postliminiò redeuntem jura redeunt, ita & jura in ipsum restituantur, ac pro eo habentur, ac si nunquam ille hostium potitus fuisset.

*XI. An jure postliminii gaudent  
dediti?*

Grot. d. c.  
9. §. 8. c.  
19. §. 1. &  
5. l. 2. c.  
21. §. 6. c.  
2. n. 2.

ꝛ. Armis victi & hostibus dediti postliminio non gaudent, nimirum quia pactiones cum hostibus factæ valent, nec adversus eas datur postliminium. Unde & induciarum tempore non est postliminium.

*XII. An quæ dicta sunt de singulis,  
etiam possunt obtinere in uni-  
versis?*

ꝛ.

¶. Quod de singulis personis dictum est, idem & in populis locum habere arbitror, ut qui liberi fuerunt, suam recipiant libertatem, si forte eos vis sociorum eximat hostili imperio: nisi sociali foedere aliter cautum, vel ipsa multitudo, quæ civitatem constituerat, dissoluta sit; tunc enim nec idem populus censebitur, nec postliminio res restituentur, quia populus qui partium perpetua conjunctione consistebat, eandem dissolutione plane interiit.

d. c. 9. §  
12. Text.  
c. 18. §. 105.  
Puf. l. 8. c.  
6. §. 26.  
Kulpis. b.  
c. §. 2.

XIII. *Quinam jure postliminii recipiuntur?*

¶. Servi & ancillæ, etiam ab hoste manumissi, quia hostium jure manumissio vero domino obesse non potest; transfugæ item, & ab hoste redempti.

d. c. 9. §.  
11. n. 1. 2.  
§ 3.

XIV. *Quid requiritur, ut recipiantur?*

¶. Ut aut revera habeantur à veteri domino, aut haberi facile possint. Quare cum in rebus aliis sufficiat, eas intra fines esse perductas, in servo id non sufficiet. Vicissim non requiritur, ut animo res nostras sequendi venerint, ut in libero homine.

d. c. 9. §.  
11. n. 1.

XV. *Quæ res sunt in postliminio?*

¶. Agri sunt in postliminio, simul ac hostes sunt expulsi, ita ut amplius eò ac-

d. c. 9. §.  
13. c. 6. §.  
4. n. 1.

accedere non possint. Quod de agris jus, idem esse arbitror de omni jure, quod solo adhæret. Nam & loca capta ab hostibus, quæ religiosa vel sacra fuerant, si ab hac calamitate fuerint liberata, quasi quodam postliminio reversa pristino statui restituuntur. Sic agrô receptô, ususfructus agri restituitur; fructus autem, ab alio interimi percepti, non restituuntur. Sic comitatus & aliæ jurisdictiones hæreditariæ postliminio redeunt. Res mobiles postliminio non redeunt, sed in præda sunt. Quare & commercio parata, ubicunque reperiuntur, manent ejus, qui emit, nec apud pacatos recepta, aut intra fines perducta vindicandi jus est veteri domino.

XVI. *Quid dicendum de rebus, quæ intra præsidia perductæ nondum sunt?*

d. c. 9. §. 16.  
Ziegl. l. 3.  
c. 6. §. 3.  
aliter. &  
de jur. maj.  
l. 1. c. 33.  
§. 79.  
Frantz 2.  
R. sol 9.

æ. Postliminio non egent, quia dominium nondum mutarunt; hinc etiam quæ piratæ aut latrones nobis eriperunt, non opus habent postliminio, quia jus gentium illis non concessit jus domini mutandi: & sic res ab ipsis captae ubique vindicari possunt; modò possessori sumtus in possessionem recuperandam facti restituantur.

XVII.

XVII. *An omnia hæc, de quibus hætenus dictum, jure civili varie possunt determinari?*

ꝛ. Jure civili, propter propriam civitatis utilitatem & necessitatem, hæc adstringi additis exceptionibus aut conditionibus, & produci ad alia comoda varie possunt. d. c. 9. §. 10.  
§. 17.

XVIII. *An jus postliminii extra bellum & inter populos, qui non sunt hostes, locum habet?*

ꝛ. Ubi obtinet extra bellum, ibi sunt reliquæ sæculi Nomadum, quo sensum naturalis societatis, quæ est, inter homines, mores exfurdaverant. Hinc apud tales gentes, quæ publicum bellum non gerebant, erat quædam belli inter privatos, quasi ipsis moribus indicti, licentia: ac ne ea licentia ad interficiendos homines profili- ret, placuit, captivitatis jura inter eos introduci; cui consequens fuit, ut & postliminio locus esset, aliter quàm cum latronibus ac piratis, quia illa vis rem producebat ad æquas pactiones, quæ à latronibus & piratis contemni so- lent. d. c. 9. §.  
18. Gro-  
nov. ibi.

XIX. *An hæc adhuc nostris temporibus obtinent?*

ꝛ. Nostris temporibus non inter  
li Chri-

d. c. 9. §.  
19. Text.  
c. 18. §. 85.  
§ 104.  
Perez. C.  
de posth. re-  
vers. §. 17.

Christianos tantum, sed & apud ple-  
rosque Mahumetistas, jus ut captivita-  
tis extra bellum, ita & postliminii eva-  
nuit, sublata utriusque necessitate, ob  
restitutam vim ejus cognationis, quam  
inter homines natura esse voluit. Habere  
tamen locum poterit, si res sit cum  
gente tam barbara, quæ sine indictio-  
ne aut causa, omnes externos & res  
eorum hostiliter tractare pro jure ha-  
beat.

XX. *In quo consistit temperamentum  
circa jus postliminii?*

Grot. l. 3.  
c. 16. §. 1.  
n. 1. §.  
2.

R. Consistit in iis rebus, quæ post-  
liminio non gaudent, ut res mobiles.  
Si enim bello injusto tales res captæ  
sint & in alium translatae, huic non ac-  
quiruntur, quia ipse captor habuit tan-  
tum dominium externum, (i. e. com-  
modum hoc, ut ubique judiciaria au-  
thoritate ac manu pro domino tuendus  
fuerit) non autem internum, & sic in  
alium illud transferre non potuit; &  
sicut ipse justitiâ internâ reddere rem  
cogebatur, ita & hic secundus posses-  
sor.

XXI. *Quid si commercio res talis ad  
aliquem pervenerit?*

d. c. 16. §.  
3. n. 1. l. 2.  
c. 10. §. 9.

R. Æquitas vult, ut imputetur quan-  
tum ipsi qui rem amiserat, valitura  
fue-

fuerat desperatæ possessionis recuperatio. Item æstimatio laboris & periculi, perinde ac si quis rem alienam in mari perditam urinando eduxisset.

*Et ibi not.*  
Puf. l. 4.  
c. 13. §. 13.

XXII. *An eodem modo populi & partes populorum restitui debent?*

R. Restitui debent his, qui jus imperii habuerunt, aut etiam sibi; si sui fuerant juris ante vim injustam.

d. c. 16.  
§. 4.

XXIII. *Hæc obligatio restituendi an nullo tempore potest extingui?*

R. Si agitur inter cives ejusdem imperii, tempus à legibus civilibus istius civitatis præscriptum observari debet: si inter eos, qui alii aliis externi sunt, ex sola conjectura derelictionis est definiendum.

d. c. 16. §.  
5. Text. c.  
18. n. 136.  
Grot. l. 2.  
c. 4. §. 8.  
Ziegl. b. 4.  
c. 9. §. 13.  
d. c. 16.  
§. 6. &  
Kulpis ibi;

XXIV. *Quid, si jus sit ambiguum?*

R. Optimum est consilium, ut vel novi possessores pecuniam recipiant & possessionibus cedant, vel ut veteres domini patiantur sibi numerari, quod tanti est, quanti suum recuperare.

C A P U T X.

*seu.*

C A P U T XVII. *ap. Grot.*

De his, qui in bello mediū sunt.

li 2

I. An

- I. *An neutralitas, ut dicitur, semper amplectenda sit.*
- II. *Quid sit neutralitas.*
- III. *An omnis, qui non sequitur alterutram belligerantium partem, sit neutralis.*
- IV. *Quotuplex sit neutralitas.*
- V. *Quinam neutrales esse possint.*
- VI. *An aliquis ad neutralitatem cogi, vel etiam ea alteri denegari possit.*
- VII. *Quid sit officium bellantium circa neutrales.*
- VIII. *An locus, summa necessitate ita exigente, in eorum territorio occupari possit.*
- IX. *An hostis occidi, vel res ejus capi.*
- X. *Quod sit officium neutralium circa bellantes. An utrique transitum concedere debeant.*
- XI. *An alterutri parti arma, & quae in bello usum habent, vendere possint.*
- XII. *An & quomodo bellantes ad pacem inducere debeant.*

I. *An utile est, ut quis sit medius in bello, seu neutrarum partium?*

*Machiavol. de Princ. c. 21. & ibi Conring.*

R. **E**st res consilii & prudentiae politicae, ideoque neutralitas, ut loquuntur, non semper vel amplectenda, vel declinanda est.

II. *Quid est neutralitas?*

R. Neutralitas est status, in quo belli societatem declinamus, & nos inter bellam gerentes quietos tenemus.

III. *An omnis, qui non sequitur alterutram belligerantium partem, est neutralis?*

R. Affirmatur in sensu generaliori, quatenus non est socius alterutritus, & sic neutrarum partium ratione belli, ratione autem amicitiae & jurium, quae inde

*Boeckl. Quies in eurb. p. 186. & seqq. Grot. l. 3. c. 17. §. 1.*

*d. c. 17. §. 1. Text. c. 26. §. 1.*

inde fluunt, socius utriusque, & erga utrumque æquum se præbet. In sensu stricto isti dicuntur neutrales, quibus media isthæc conditio pacto velexpresso vel tacito est concessa.

IV. *Quotuplex est neutralitas?*

R. Duplex, alia generalis, alia specialis; item alia absoluta, quæ utramque partem in omnibus æquat: alia restricta, qua certæ tantum res vel certi actus excipiuntur. Item alia expressa, alia tacita, ex usu æqualis amicitia, hostibus hinc inde scientibus & non contradicentibus, contracta.

*Text. dist.*  
c. 26. §. 1.  
& 2. §.  
10. & 11.  
*dist. c. §.*  
20. & 21.

V. *Quinam possunt esse neutrarum partium?*

R. Omnes, quibus de bello pacisci propria auctoritate & proprio nomine licet.

*Inst. Jur. Publ. p.*  
587.

VI. *An aliquis cogi potest, ut sit neutrarum partium, aut ut non sit?*

R. Sicut foedera bellica sua natura sunt libertatis & consilii; ita & neutralitas est libertatis & consilii, non necessitatis: nam neutralitas contrahitur foedere, si non de adjuvando in bello, tamen de abstinendo: nisi isti, qui volunt esse neutrales, partium sint subditi; tunc enim cogi possunt, ne sint neutrarum partium. Sic Status Imperii

*Boecl. Quies in turb. p. 192.*  
*Text. c. 26. §. 2. in fin. aliter. & §. 16. & seqq.*



R. Germanici, ubi est bellum Imperii, cogi possunt, & oportet, ut militem, qui in Imperii matricula vel in comitiis est assignatus, mittant.

VII. *Quodnam est officium eorum, qui bellum gerunt, erga neutrales?*

Grat. l. 3.  
c. 17. §. 1.  
§ 2. n. 3.  
§ 6. § c.  
4. §. 8. n. 2.

R. Ut nullum exercent actum hostilitatis, vel in subditis capiendis vel trucidandis, vel in rebus, sive territorium vastando, res publicas vel subditorum occupando vel capiendo. Quamvis enim sæpe maxima sit militum licentia & libido, exacta tamen cura, provisus rerum necessariorum, bene soluta stipendia, & vigor disciplinae militaris hanc securitatem & temperantiam præstabunt. Hinc etiam rex qui quæ debet stipendia, militibus non solvit, non tantum militibus tenetur de damnis inde secutis, sed & subditis & vicinis, quos inedia coacti milites male habuerunt.

VIII. *Quid si summa necessitas hoc exigat?*

d. c. 17. §.  
1. § l. 2.  
c. 2. §. 10.  
§ i. i. not.  
Obrecht.  
de rat. bel.  
c. 3. §. 3.

R. Si moraliter certum sit, hostem occupaturum e. g. castrum aliquod, ex quo magnum damnum posset inferre, occupari potest, sed custodia, ut alibi diximus, quæ durante necessitate est sumpta, ea cessante restituenda.

IX.

**IX.** *Possumusne in solo pacato hostem occidere, vel res ejus capere?*

**R.** Non; natura enim societatum civilium vult, ut in eos, qui in aliquo sunt territorio, nihil per vim agamus, nisi iudicio tentato.

*Grot. l. 3.  
c. 4. §. 8.  
n. 2. Text:  
c. 26. §. 43.  
aliter.*

**X.** *Quodnam est officium eorum, qui sunt neutrarum partium?*

**R.** Æquos se præbere debent utrique, in comœatu præbendo legionibus, in obsessis non sublevandis. An utrique transitum concedere debeant? disputatur, alii negant, quia hoc ipsis summe noxium esse potest, cum propter damnum, quod datur à transeuntibus, tum propter bellum ipsum, quod sic facile in territorium ipsorum transferri potest.

*Grot. l. 3.  
c. 17. §. 3.  
Et l. 1. c. 2.  
§. 14. n. 4.  
Et ibi not.  
Et supra  
l. 2. c. 2.  
quæst. 32.  
Et seqq.*

**XI.** *An etiam arma hostibus vendere possunt, & quæ habent tantum necessarium usum in bello?*

**R.** Non, quia in exercitu hostium censetur, qui quæ proprie ad bellum usui sunt, hostili exercitui subministrat, ut alibi diximus. Cæterum proderit, cum utraque parte bellum gerente fœdus miscere, ita ut cum utriusque bona voluntate à bello abstinere, & communia humanitatis officia utriusque exhibere liceat.

*Grot. l. 3.  
c. 1. §. 5.  
Et ibi not.  
Text. c. 26.  
§. 29. aliter.*

## XII. *An ad pacem possunt inducere partes bellum gerentes?*

*Forstn ad Tacit. l. 1. Ann. p. 13. Rhet. de pac. c. 4. §. 18. jung. tamen Boeckl. d. disert. Quies in turb. p. 221.*

**R.** Sæpe principes bellis fessi pacem optant, sed infra dignitatem esse existimant, eam ab hoste petere, & hoc in casu eorum, qui neutrarum sunt partium, officium est, ut moneant, rogent, imò si pars fortior ultra modum debitum vel satisfactionem, vel vindictam exigeret, cogant (necessitate ita exigente) ut pacem acceptet.

## CAPUT XI.

*scu*

## CAPUT XVIII. *ap. Grot.*

De his, quæ in bello publico privatim fiunt.

- |  |  |
|--|--|
| <p>I. <i>An privatim hosti nocere liceat.</i></p> <p>II. <i>Quo jure.</i></p> <p>III. <i>Quotuplex sit mandatum de hoste persequendo.</i></p> <p>IV. <i>An civitati ex rebus captis aliquid sit reddendum.</i></p> <p>V. <i>Quomodo in rebus ho-</i></p> | <p><i>stium capiendis contra temperamentum juris nature peccatur.</i></p> <p>VI. <i>An, ubi occasione belli publici nascitur bellum privatim, hostis læso sic jurgia.</i></p> <p>VII. <i>Ad quid teneatur miles, qui sine mandato hostibus nocuit.</i></p> |
|--|--|

### I. *An privatim hosti nocere licet?*

*Grot. l. 3. c. 15. §. 1. n. 3.*

**R.** **I**n bello iusto cuilibet concessum est ea facere, quæ parti innocenti, intra justum bellandi modum, profutura confidit.

II. *Quæ*

II. *Quæ est ratio?*

R. Ratio est indictio belli, vi enim consensus & mandati generalis, civi hostem publicum ubique locorum persequi, occidere, & bonis exuere permissum est.

Grot. l. 3.  
c. 3. § 9. c.  
4. §. 3. & 8.  
Ziegl. de  
jur. maj.  
l. 1. a. 33.  
§. 77.

III. *Quotuplex est hoc mandatum?*

R. Duplex, aut generale, aut speciale: generale in declaratione belli, quæ hodie fieri solet in Manifestis, ut dicuntur: speciale mandatum habere possunt non hi tantum, qui stipendia percipiunt, sed & qui suo sumtu militant, & qui, quod plus est, suo sumtu partem belli administrant, ut qui naves instruunt ac sustentant suis impendiis, quibus vice mercedis concedi solet, ut capta sua faciant; intra justum tamen modum, qui & ab iis observari debet, quorum auspiciis bellum geritur.

Grot. d. c.  
18. §. 2.

IV. *Sed an civitati ex rebus captis aliquid reddendum?*

R. Aut civitas spem prædæ, pro compensatione impensarum laboris & periculi, expressè concedit, tunc civitati nihil erit reddendum, quia hæc spes (1.) omnino est incerta, & sicut, si nihil cepisset, omne damnum ad ipsum pertinuisset, ita meritò & omne

Feld. h. c.  
§. 3. Grot.  
b. c. 18. §.  
3. aliter  
Kulpis. b. c.

commodum ad ipsum pertineat; (2.) quia periculum vitæ nulla spe prædæ æstimari potest, nam vita est res inæstimabilis, & pluris æstimanda, quam ipsa libertas. Aut civitas expressè partem sibi ex captis stipulatur, tunc hæc ipsi erit reddenda.

Grot. l. 2.  
c. 14, §. 6.  
n. 2. & O.  
fiand. ibi.

V. *Annon peccari interdum potest contra temperamentum, quod in rebus capiendis observandum?*

d. c. 18. §. 4. & c. 13. §. 4. R. Affirmatur, ut si appareat, talem prædationem præcipue nocituram, non hostium universitati aut regi, aut etiam his, qui per se fontes sunt, sed innocentibus, & quidem adè, ut eos destrutura sit in summas calamitates, in quas etiam eos, qui privatim nobis debent, conjicere immiserordia foret. Quod si insuper ista deprædatio neque ad finem bello imponendum, neque ad hostium publicas vires accidendas notabile aliquod momentum habeat, tum verò probo homine, præsertim Christiano, indignus censeretur debet quæstus ex sola temporum infelicitate.

Ziegl. ad  
Grot. h. c.  
§. 4 jung.  
Grot. l. 2  
c. 25. §. 9.

VI. *Quid, si occasione belli publici nascatur bellum privatum?*

R. Evenit interdum, ut occasione belli

C A P U T XI. 507

belli publici nascatur bellum privatum, puta, si quis in hostes inciderit, & vitæ aut rerum adeat periculum, quo eventu iuste in hostem irruit & quovis modo eum lædit.

Ziegl. b. c.  
§. 5. Grot.  
b. c. §. 5.  
aliter &  
Kulpis. b. c.

VII. *An in bello solenni miles, vel alius etiam, obligari potest, si ædificia incenderit, vel alia damna dederit?*

xx. Miles, aut alius, etiam in bello solenni, si ædificia hostium incendit, agros vastaverit, atque id genus dederit damna non iustus, aut citra necessitatem, & ubi iusta causa non subest, tenetur ad damna ea resarcienda: imo etiam si iusta subsit causa, civitati teneri potest, cujus leges transgressus est, licet hosti non teneatur, cui nullam fecit injuriam. Cæterum videtur hîc Grotius ita militis conscientiam informare, ut ne millesimus quidem sibi hodie persuaderi patiatur istas juris interni regulas.

Grot. l. 3.  
c. 18. §. 6.  
Kulpis. b. c.

Ziegl. l. 34  
c. 18.

C A P U T XII.

*seu*

C A P U T XIX. *ap. Grot.*

De fide inter hostes.

I. *Quid*

I. Quid hęc sit fides.

II. Quotuplex sit.

III. Cur fides, hosti data servanda sit, an etiam latronibus data.

IV. Quid, si eum ipsis, ut latronibus, pactum sit.

V. Quid, si desertoribus aut rebellibus aliquid promissum fuerit.

VI. Quid, si tertio qui metum non intulit.

VII. Quid, si per talia pacta recip. status mutetur.

VIII. In bello solenni promissa, an propter metum rescindi possint.

IX. An propter omnem metum, an ob eum tantum, quem jus, gentium non improbat.

X. An perfidis fides sit servanda.

XI. An & quot modis fides absque perfidia frangi possit.

XII. Quomodo propter conditionis defectum.

XIII. Quomodo per compensationem

XIV. An illud, unde bellum ortum est, hic compensari possit.

### I. Quid hęc est fides?

Grot. l. 3.  
c. 1. §. 1.  
E<sup>c</sup> c. 19.  
§. 1.

R. Fides hęc est promissio, qua hostis hosti obligatur vel ad dandum, vel ad faciendum seu præstandum.

### II. Quotuplex est?

Grot. l. 3.  
c. 20. §. 1.

R. Vel est expressa, vel tacita. Item vel publica, vel privata.

### III. Cur fides hosti data est servanda?

F.H. ad  
Grot. b. c.  
§. 1.

R. Quia promissio jus novum hosti confert. i. e. hostis, quoad hanc promissionem, à statu dissolutæ societatis discedit, & in societatem redit, ita ut ad jura societatis ipsi præstanda hostis de novo videatur obligatus esse. Hinc quamvis, ut hosti falsa eloqui potuerim, tamen nunc ut homini socio non pos.

Grot. c. 19.  
§. 1. n. 3.  
Ziegl. i. i.

possum, & promissa servare cogor. Quo accedit communis utilitas & necessitas; si enim fidem hostibus datam violare pro lubitu liceret, nihil aliud inde sperandum esset, quam perpetua diffidentia, cædes & bellum perpetuum. Et hæc obtinent, etiamsi tyrannis vel latronibus aliquid sit promissum. Homines enim sunt, & communionem juris naturalis habent, etiam ipso actu & cum effectu, si nobiscum redeant in societatem, id quod videtur fieri, quoad hanc promissionem; & verò juris naturalis est pacta servare.

*Grot. c. 19.  
§. 3. d. c.  
19 §. 2. n. 2.*

IV. *Quid, si cum ipso, ut cum latrone, pactus quis esset?*

R. Quando piratis & prædonibus cum republica sua, cujus membra fuerunt, aut cum ejus imperantibus negotium est transactum, respublica, quamvis aliàs subditis jura quæsitâ in pœnam auferre possit, tamen hoc in casu videtur suum jus remisisse, ne actus in vanum recidar. Quando cum privatis res est, e. g. privatus promittit pecuniam, ad redimendam vitam, vel propriam, vel alienam, nullum jus sibi acquirunt, quia, ut alibi diximus, metus injustus tollit in istis facultatem exi-

*d. c. 19. §.  
4. & Puf.  
l. 3. c. 6. §.  
11. in med.  
aliter.*



exigendi promissum, etiam juratum.  
 V. *Quid, si desertoribus, aut subdi-  
 tis rebellibus, aliquid esset pro-  
 missum?*

Grot. d. c.  
 19. §. 6. &  
 l. 2. c. 18.  
 §. 2. n. 3.  
 & ibi not.

R. Promissum, quod ipsis novum  
 jus tribuit, & propter quod superior  
 poenam censetur remisisse, est servan-  
 dum; imò etsi cum iis tantum ut de-  
 fectoribus, aliàs contraxerit, non po-  
 terit sine perfidiæ nota promisso pœ-  
 nam opponere. Adde, si concedatur,  
 ut propter dominium eminens, iis jus  
 quæsitum in poenam auferatur, viden-  
 tur inanes fore omnes tales pactiones,  
 ac proinde belli nisi per victoriam fi-  
 niendi spes nulla. Et cum eminens  
 dominium se exserat, quatenus com-  
 muniter expedit, in regimine non do-  
 minico tantum, sed & civili, etiam  
 regio, plerumque communiter expe-  
 dit, talia pacta servari.

VI. *Quid, si tertio aliquid promissum  
 fuerit, qui metum non intulit?*

d. c. 19. §.  
 9. aliter.

R. Si metus idem sit incussus, ut ter-  
 tio aliquid daretur aut promitteretur,  
 idem erit dicendum, quod de latrone  
 dictum.

VII. *Quid, si de statu puro inmixtum  
 transeat pactis?*

R. Pacta sunt servanda, ita ut qui  
 sub-

subditi fuerant, incipiant summum habere imperium, aut certè partem ejus, etiam cum libertate partis ejus vi tuendæ.

d. c. 19. §.  
10. jung.  
l. 2. c. 4. §.  
12.

VIII. *Quid, si in bello solenni aliquid promissum sit, an potest rescindi propter metum?*

R. Sicut bellum solenne habet alia peculiaria, ita & hoc, ut quæ in eo bello, aut ejus finiendi causa, promittuntur, adeo sint valida, ut ex causa metus injuste illati, invito eo, cui promissa sunt, in irritum deduci non possint. Aliàs enim talibus bellis, quæ valde sunt frequentia, nec modus, nec finis potuisset imponi, quod tamen fieri interest humani generis, propter pacem communem. Licet is, qui ex tali bello injusto aliquid possidet, internà (ut alibi diximus) justitià illud retinere non possit.

d. c. 19. §.  
11. & l. 3.  
c. 3. §. 3.  
5. & 6.

Grot. l. 2.  
c. 4. §. 9.

c. 9. qu. 20.

IX. *Quando metus, qui bello solenni infertur, pro justo habetur, de quo metu hoc est intelligendum?*

R. De eo metu intelligi debet, quem jus gentium non improbat. Nam si stupri inferendi metu extortum sit quippiam, aut alio terrore contra datam fidem, verius erit, rem constitutam in-  
tra

d. c. 19. §.  
12. Kulpis  
ibi. jung.  
c. 4. §. 19.  
& ibi not.

tra jus naturale, quod obligationem omninò improbat, & jus gentium ad talem metum suam vim non porrigit.

X. *An & perfidis fides est servanda?*

d. c. 19. §.  
13. l. 2. c.  
11. §. 4. &  
ibi not.

R. Affirmatur, quia eo ipso, dum de novo cum ipsis contraho, simul remississe videor perfidiam, & ex meo promisso sibi jus acquirunt perfectum, quod (ut alibi diximus) adimit particulam libertatis, vel in faciendo vel dando, etiamsi sint hostes perfidi.

XI. *Annon potest accidere, ut quis non servet, quod promisit, & tamen à perfidia vacet?*

Grot. d. c.  
19. §. 14.

R. Accidere hoc potest duobus modis, defectu scilicet conditionis, & per compensationem.

XII. *Quomodo defectu conditionis?*

d. c. 19. §.  
14. *Alib.*  
*Gent. l. 3.*  
*c. 24. Puf.*  
*l. 8. c. 9.*  
*§. 11. in fin.*

R. Si prior alter non impleverit, quod ex sua parte implere tenebatur, etiam ad implenda promissa non teneor. Nam unius ejusdemque contractus capita singula alia aliis inesse videntur, per modum conditionis, quasi expressum esset, hæc ita faciam, si & alter faciat, quæ promisit; & hinc si conditio deficiat, eventus ostendit, nullam esse obligationem, ut quæ non nisi sub conditione contracta erat.

XIII. *Quomodo per compensationem?*

R. Quod

R. Quod promissimus, poterit non præstari, si non plus valeat, quam res nostra, quæ sine jure est penes alterum: vel si vicissim nobis aliquid debeat, sive alio ex contractu, sive ex delicto, ut si damnum dederit intra induciarum tempus, si legatos violarit, aut aliud quid fecerit, quod inter hostes jus gentium damnat: dummodo inter easdem personas fiat compensatio, nec jus tertii cujusquam lædatur, ita tamen, ut subditorum bona, pro eo quod civitas debet, jure gentium obligata intelligantur.

d. c. 19. §.  
15. 16. 17.  
18. 19. n.  
3. Ziegl. b.  
i. aliter.

XIV. *An etiam illud, unde bellum est ortum?*

R. Non, sicut enim inter litigantes compensari non potest, aut actio, de qua lis est, aut litis damna & impensæ, ita nec manente bello compensari poterit, aut id, unde ortum est bellum, aut quicquid bellico jure gentium fieri solet. Negotii enim natura, ne nihil actum sit, ostendit, convenisse sepositis belli controversiis; nam alioqui nulla esset pactio, quæ non posset eludi.

d. c. 19. §.  
19. in pr.  
Str. 21.  
ib. 24.

*seu*CAPUT XX. *ap. Grot.*

De fide publica, qua bellum finitur, ubi de pacis pactione, de sorte, de certamine condicto, de arbitrio, deditioe, obsidibus, pignoribus.

- |   |   |
|---|---|
| <p>I. Quid sit fides publica.</p> <p>II. Quotuplex.</p> <p>III. Quanam sint principalia in pactionibus bellum finientibus.</p> <p>IV. Quanam pactiones istas, quae bellum finiant, inire possint.</p> <p>V. Quales res istis pactionibus subjiciantur. An rex per eas imperium aut ejus partem alienare possit.</p> <p>VI. Quid ad id requiratur, ut vel totum imperium, vel ejus pars, valide alienari possit.</p> <p>VII. An &amp; quando bona regni alienari possint.</p> <p>VIII. An successores semper ex promissione regis obligentur.</p> <p>IX. Quid rex in res singulorum, vi eminentis dominii, statuere possit. An damnum in rebus subditorum eo jure datum refarciri debeat.</p> <p>X. An hoc damnum in re-</p> | <p>bus etois jure belli datum sit, &amp; sic ad reliquos civis non pertineat.</p> <p>XI. Quomodo sint interpretandae pacis conditiones.</p> <p>XII. Quot modis bellantes, quoad belli justitiam, in pacis conditionibus interser quam maxime aequentur.</p> <p>XIII. An in dubio praesumatur conventum, ut res maneant quo sunt loco.</p> <p>XIV. Quale tempus inspiciendum sit, si convenerit de restituendis omnibus in eum, quo ante bellum fuerant, statum.</p> <p>XV. An ex tali pacto restitui debeat populus, quod sui juris cum esset, sponte se alicui subjecit.</p> <p>XVI. An damna bello data, si de iis nihil convenerit, utrimque remissa censentur.</p> <p>XVII. An ea quae antebellum debebantur.</p> <p>XVIII. An jus quod ante bellum</p> |
|---|---|

- bellum fuit : an pena , ante bellum publice debita , condonata censeatur.
- XIX. An pena privatis debita.
- XX. Quando tamen , quod ante bellum pretendebatur , remissum censeatur.
- XXI. An post pacem factam capta reddenda sint.
- XXII. Quomodo interpretanda sint possessiones de reddendis bello captis.
- XXIII. An fructus , & à quo tempore percepti , simul cum re sint concedendi.
- XXIV. Nomina regionum restituendarum quomodo sint accipienda.
- XXV. An qualitates priori pacto expressa in posteriori , quod ad prius relationem habet , repetita censeantur.
- XXVI. An in pacto de faciendo , pro faciente sit habendus is qui facere voluit.
- XXVII. An mora intra breve tempus purgari possit.
- XXVIII. An in dubio interpretatio contra eum , qui conditiones elocutus est , fieri debeat.
- XXIX. Quid sit ruptura pacis.
- XXX. Quando & quot modis pax rupta censeatur ; quomodo pacem rumpere & novam causam bello praeberè differant.
- XXXI. Quomodo rumpatur pax , faciendo contra id , quod omni paci inest.
- XXXII. An , ubi facis nostri vim bellicam inferunt , pax rumpatur. Quid , si subditi nostri tale quid faciant : quid , si eorum factum probaverimus.
- XXXIII. Quomodo id probatum censeatur per scientiam nostram , puniendi potentiam , & neglectum.
- XXXIV. Quid , si subditi nostri aliis bellum gerentibus militent.
- XXXV. Subditis nostris vis illata an pacem rumpat.
- XXXVI. An per pacem liceat se suaeque defendere.
- XXXVII. An ultionem sumere , aut ablata per vim recuperare.
- XXXVIII. Quid , si sine pirata vel similes , in quos iudicium postulari non possit.
- XXXIX. Sociis vis illata an pacem rumpat. Quid , si in pace nominati non fuerint.
- XL. Quomodo rumpatur pax faciendo contra id , quod in pace dictum est , & an semper propterea rumpatur.
- XLI. Quid , si pena sit adjecta.
- XLII. Quid , si necessitas aliqua conditionum adimplerioni obstiterit.
- XLIII. An pax , ab altera parte rupta maneat , si le-

- sus & innocens id velit.*
- XLIV.** *Quomodo pax rumpatur, faciendo id, quod specialis pacis natura repudiat.*
- XLV.** *Ex quibus actibus pax, amicitiae causa facta, praesumatur rupta.*
- XLVI.** *An & quando belli exitus sortis aleae subjici possit.*
- XLVII.** *An condicta certamina ad bellum finiendum permissa sint.*
- XLVIII.** *Quorum consensus ad tale certamen requiratur.*
- XLIX.** *Quis in tali certamine dicatur victus.*
- L.** *Quid, si victoria à neutro probari possit.*
- LI.** *Quotuplices sint arbitri, quorum judicio bellum finiri potest.*
- LII.** *An à tali arbitrio provocare liceat.*
- LIII.** *In quo consistat arbitri officium.*
- LIV.** *An arbitrium aliquando significet deditionem*
- puram.*
- LV.** *Quale sit officium victoris in tales deditos. Quid, si sit deditio conditionata.*
- LVI.** *Quae sint accessiones pactionum. Qui obsides dari possint.*
- LVII.** *Quid sit obses.*
- LVIII.** *An dominus feudum vasallum obsidem dare possit.*
- LIX.** *An civitas damnum obsidi datum repensare debeat.*
- LX.** *An interfici possit obfes: an servus fiat.*
- LXI.** *An ipsi fugere liceat.*
- LXII.** *In unam causam datus obfes, an in aliam retineri possit.*
- LXIII.** *An mortuo eo, pro quo obfes datus fuit, liberetur.*
- LXIV.** *An rege mortuo, qui fuerit fecit.*
- LXV.** *An pignorum eadem sit ratio, quae obsidum.*
- LXVI.** *An pignus semper lui possit.*

### I. Quid est fides publica?

Grat. L. 3.  
c. 20. §. 1.

**R.** **F**ides publica est fides à persona publica data.

### II. Quotuplex est?

d. c. §. 2.

**R.** Aut est expressa, aut tacita: utraque aut summarum potestatum, aut inferiorum. Quae summarum est potestatum, aut bello finem imponit, aut eo manente vim habet. In his, quae bel-

bellum finiunt, spectantur principalia & accessiones.

III. *Quenam sunt principalia?*

ꝛ. Principalia sunt ipsa, quæ bellum finiunt, sive actu suo, ut pactiones, sive ex consensu ad aliud relato, ut sortes, prælii exitus, arbitri pronuntiatio: quorum illæ seu sortes merè sunt fortuitæ, alia duo casum temperant cum viribus animi, aut corporis, ut prælii exitus: aut cum facultate judicante, ut arbitri pronuntiatio.

d. c. 20. §. 1.

IV. *Quinam possunt pactiones inire, quæ bellum finiunt?*

ꝛ. Si quorum est bellum: rei enim suæ quisque est moderator. Unde sequitur, ut in bello utrinque publico hoc eorum sit, qui summi imperii exercendi jus habent. Regis igitur hoc erit in statu verè regio, modò is rex etiam jus habeat non impeditum vel naturali impedimento, quale est ætas, quæ iudicii maturitatem non habet, (quod in regnis aliquibus lege definitur, alibi ex probabilibus conjecturis, ut suprà diximus, erit æstimandum;) & mentis imminutio: vel morali, ut est captivitas, modo regnum ex consensu populi ortum habeat; non enim credibile est, à populo imperium dela-

Grot. l. 3. c. 20. §. 1. 3. 4.  
Horn. l. 2. c. 5. §. 6.  
Ziegl. de jur. maj. i. c. 40. §. 1. & 2.

Limn. in not. regn. Gall. c. 8.



tum ea lege, ut à non libero exerceri possit. Ergò & hoc casu imperii non quidem jus totum, sed exercitiò & quasi tutelâ, erit penes populum aut eum, cui id rex vel populus commiserit. De his tamen, quæ privatim sua sunt, si quid pepigerit rex captivus, ut & de regno patrimoniali, valebit; ita tamen, ut si enormiter læsus sit, possit in integrum restitui. Idem dicendum de rege, qui exul est, si obnoxius vivat, nam sunt & laxæ custodiæ. In procerum aut populi imperio, jus paciscendi erit penes majorem partem, ita ut etiam eos obligent, qui aliter senserunt. In statu mixto penes eum, cui leges fundamentales hujus juris concedunt exercitium.

*V. Quæ sunt res pactioni subjectæ?*

R. Sunt res tam publicæ, quam privatæ. Imperium aut omne aut ejus partem reges, quales nunc sunt plerique, regnum non habentes in patrimonio, paciscendo alienare non valent. Imò, antequam regnum accipiant, quo tempore populus tanquam totum, ipsis tanquam partibus adhuc superior est, lege publica tales actus in futurum plane irriti reddi possunt, propter defectum facultatis, quam ta-

lis

*Text. c. 20.  
§. 11. &  
Jeqq. paulo  
aliter. Alber. Gent.  
l. 3. c. 14.  
p. 595. &  
Jeqq.*

*d. c. 20. §.  
5. Text. c.  
20. §. 31.  
& Jeqq.  
Instr. Pac  
art. 10.  
Conring. de  
fin. Imp. c.  
19. Grot. l.  
2 c. 5. §.  
23.*

lis rex non habuit: obligatur enim, quia per pactum ad eam servandam se obstrinxit, aded ut nec ad id, quod interest, ipsius pactum obligationem pariat. Atque id populos voluisse credibile est, ne alioquin, si ad id quod interest, salva esset actio contrahentibus, subditorum bona pro debito regis caperentur, ac sic de non alienando imperio vana esset cautio.

VI. *Ut ergo in pactione pacis vel totum imperium, vel pars transeat, quid requiritur?*

R. Si regnum sit non patrimoniale, requiritur populi consensus; & si pars alienetur, etiam (ut alibi diximus) ipsius partis, quæ invita à corpore, cui coaluit, avelli nequit. Sed pars ipsa tamen valide in se imperium transcribet, sine populi consensu, in summa atque aliàs inevitabili necessitate, quia eam potestatem credibile est exceptam fuisse, cum societas civilis coita est.

Grot. d. c. 20. §. 5. l. 2. c. 6. §. 3. & 4. & ibi not. Text. c. 20. §. 35. aliter. l. 2. c. 6. §. 8. in fin. & ibi not.

VII. *Quid dicendum de bonis regni?*

R. In regno patrimoniali alienari possunt, secus quàm in non patrimoniali, nisi diserte id appareat ex primitiva lege aut more, cui contradictum nunquam est, ut olim in Impe-

Grot. l. 3. c. 20. §. 5. n. 4. l. 2. c. 6. §. 11. & ibi not. Gabr. de jur. quest. non toll. quest. 8. aliter. & Text. c. 20. §. 23.

rio Romano-Germanico.

VIII. *An successores obligantur ex promisso regis?*

Grot. l. 3.  
c. 20. §. 10.  
§ 1. 2. c. 14.  
§. 7.

R. Affirmatur, quatenus obligandi potestas, ut alibi diximus, sub imperio comprehensa est.

IX. *Quid in res singulorum possunt pacis causa statuere, qui reges sunt, nec in res subditorum aliud jus habent, quam regium?*

Grot.  
d. c. 20. §.  
7. Boecl.  
not. Imp.  
18. & in  
Grot. l. 1.  
c. 1. §. 6.  
Text. c. 20.  
§. 28. Instr.  
Pac. art.  
18.

R. Res subditorum sunt sub eminenti dominio civitatis, ita ut civitas, aut qui civitatis vice fungitur, iis rebus uti, easque etiam perdere & alienare possit, non tantum ex summa necessitate, quæ privatis quoque jus aliquod in re aliena concedit, sed ob publicam utilitatem, cui privatas cedere, illi ipsi voluisse censendi sunt, qui in civilem cœtum coiverunt. Sed addendum, ut si fieri possit, à civitate hoc damnum, quod propter alios sentiunt, ipsis resarciatur.

X. *At damnum hoc jure belli datum est, & sic ad civitatem non pertinet?*

d. c. 20. §.  
8 & 9.

R. Jus hoc belli populos alios spectat, partim & hostes inter se, non cives inter se, qui cum focii sint, æquum est, ut communia habeant damna, quæ focie-

societatis causa contingunt. Nec interest, an res, quæ ipsis est ablata, sit acquisita ex jure gentium, an ex jure civili; nam dominium, ex qualicunque causa ortum sit, suos semper habet effectus ex jure naturali: & hinc in omnes æquale est jus regis, & sine causa subditis auferri non potest. Licet autem ad hoc eminentis domini exercitium justa causa requiratur, externis tamen, qui cum rege contrahunt, nudum regis factum sufficit, cum ob præsumptionem quam secum adfert dignitas personæ, tum etiam ob gentium jus, quod bona subditorum obligari ex facto regis patitur.

XI. *Quomodo sunt interpretandæ conditiones pacis?*

æ Quò quid plus habet favoris, ut alibi dictum, eò laxiùs accipiendum: quò longius abit, eò restrictiùs. Hinc si jus naturæ merum spectemus, maximus favor in eo est, ut suum quisque consequatur, & qui justa arma habuit, ut id consequatur, ob quæ arma sumit, & damna sumtusque recuperet; non item ut vindictæ nomine quicquam lucretur; id enim est odiosius. Sin jus gentium spectemus, quia ad pacem veniri vix solet injuriæ confessione, ea

d. c. 20. §.  
 11. Alber.  
 Gent. l. 2.  
 c. 4. p. 591.  
 Text. c. 20.  
 §. 40.

sumitur interpretatio in pactis, quæ partes, quoad belli iustitiam, quam maximè æquat.

**XII. Quot modis hoc solet fieri?**

Grot. d. c.  
20. §. 11.  
n. 2.

ꝛ. Duobus maxime modis: aut ut quarum rerum turbata bello possessio est, ex formula juris antiqui componatur; aut ut res maneat, quo sunt loco.

**XIII. In dubio quodnam ex his duobus præsumitur?**

d. c. 20 §.  
12. Text. c.  
20. §. 44.

ꝛ. In dubio magis est, ut præsumatur posterius, quia facilius est, & nullam inducit mutationem.

**XIV. Quando possessio restituitur in statum, in quo fuit ante bellum, quale tempus inspiciendum?**

Grot. d. c.  
26. §. 13.  
Ep. c. 9. §. 6.  
n. 2.

ꝛ. Ultimum, quod fuit ante bellum; ita ut privatis dejectis interdicto, aut vindicatione, apud iudicem experiri liceat.

**XV. Quid, si quis sui juris populus sponte se bellantium alteri subjecerit?**

d. c. 20. §.  
14. Ziegl.  
b. c. §. 14.

ꝛ. Ad eum hæc restitutio non porrigetur, quia ad ea tantum pertinet, quæ vi metuve facta sunt, aut alioqui dolo non nisi in hostem licito.

**XVI. Quid, si de damnis nihil convenerit?**

ꝛ. Omni

R. Omni pace id actum ceneri debet, ut quæ bello data sunt damna, eorum nomine actio non sit: quod de damnis, etiam privatim à militibus hostis nostri acceptis, intelligendum est; nam & hæc belli sunt effecta. In dubio enim ita censentur contrahere voluisse bellantes, ut neuter iniustitiæ damnaretur.

Grot. d. c. 20. §. 15.  
Ziegl. b. l.  
Schwarz.  
vol. 2. Ex.  
13. tb. 6.  
Boeckl. de  
amnest. c.  
1. §. 2.

XVII. *An ea, quæ cæperunt deberi belli tempore, censentur condonata?*

R. Non, nam hæc non belli jure quæsitæ sunt, sed bello tantum exigivetita: itaque sublato impedimento, vim suam retinent.

d. c. 20. §.  
16. Habn.  
ad §. de in-  
daganda, l.  
P. art. 8.

XVIII. *Quid dicendum de jure, quod ante bellum fuit?*

R. Jus quod ante bellum fuit, quam nemini facile ademptum ceneri debeat (hanc enim ob causam maxime, ut sua tenerentur, respublicæ civitatesque constitutæ sunt) intelligendum id tamen de eo jure, quod ex rerum inæqualitate nascitur, sive in dominio, sive in contractibus, sive in delictis. De jure ad poenas & vindictam non æque: nam id jus, quatenus inter ipsos reges aut populos versatur, remissum idèd ceneri debet, ne pax non satis pax sit, si veteres ad bellum causas

d. c. 20. §.  
16. in med.  
Habn. d. l.  
Grot. l. l. c.  
2. §. 1. n. 5.

Mævius  
& Box-  
born. de  
Amst. in  
princ.

fas relinquat. Quare & ignorata hinc venient sub verbis generalibus: nam optimæ sunt conciliationes, quæ iram & offensarum memoriam delent.

XIX. *Quid, si privati jus ad pœnam ante bellum habuerint?*

Grot. d. c.  
20. §. 18.

R. De privatorum jure ad pœnam non tanta est ratio, ut remissum censeatur, quia sine bello judiciis expediri potest: tamen cum hoc jus non ita nostrum sit, ut illud quod ex vera inæqualitate nascitur, & pœnæ semper aliquid odii habeant, levis verborum conjectura sufficiet, ut hoc quoque donatum intelligatur.

XX. *An jus, quod ex vera inæqualitate nascitur, & ante bellum fuit, nunquam videtur condonatum?*

d. c. 20. §.  
19. Text. c.  
23. §. 44  
& 45.

R. In privatorum jure firmè tenendum est, quod non censeatur ademtum seu condonatum: in jure autem regum aut populorum facilius est, ut condonatio aliqua intelligatur facta, si jus de quo agitur, non liquidum erat, sed in controversia positum. Benignum enim est credere, id actum esse, ut belli semina evellerentur.

XXI. *Quid juris, si post perfectas pœtiones capta quædam sint?*

Grot. d. c.  
20. §. 20.  
c. 21. §. 5.  
l. 2. c. 17.  
§. 1.

R. Reddenda esse satis constat: sublatum

latum enim jam erat belli jus.

**XXII. Quomodo pactiones interpretandæ, quæ sunt de reddendis his, quæ bello capta sunt?**

ꝛ. Latius sunt interpretandæ pactiones, quæ mutuæ sunt, quàm quæ claudicant, quia in illis par est utriusque cõditio, secus quàm in his. Deinde quæ de hominibus agunt, plus favoris habent, quàm quæ de rebus; & inter eas, quæ de rebus, hæ quæ de agris, plus quàm quæ de rebus mobilibus agunt; & quæ de his, quæ penes publicum sunt, plus quàm quæ penes privatos; & inter eas, quæ penes privatos sunt, plus illæ, quæ reddi jubent lucrativo titulo possessæ, quàm oneroso, ut quæ emtionibus, quæ dotibus tenentur.

d. c. 20. §. 21. Gudel. de pac. c. 5. Schutz. vol. 2. Ex. 13. Rbet. de pac. c. 5. §. 26. Text. c. 20. §. 40. & seqq.

**XXIII. Quid juris est de fructibus?**

ꝛ. Cui pace res conceditur, eidem & fructus conceduntur, à tempore concessionis, non retrò: hi enim, ut alibi dictum, pertinent ad possessorem priorem.

Grot. d. c. 20. §. 22. Ziegl. b. d. l. aliter.

**XXIV. Si regio sit restituenda?**

ꝛ. Nomina regionum accipienda sunt ex usu præsentis temporis, non tam vulgi, quàm peritorum: nam à peritis negotia talia tractari solent.

Grot. d. c. 20. §. 23. l. 2. c. 9. §. 11. n. 4. Conring. de fin. Imp. c. 1. & 2. Rbet. de pace, c. 5. §. 14. Schutz. d. Ex. tb.

**XXV. Quid juris, si pactio se referat**

d. Ex. tb. 7.



*rat ad pactiōnem antecedentem?*

Grot. l. 3.  
d. c. 20. §.  
24.

¶. Quoties relatio fit ad pactum antecedens aut vetus, toties repetitæ censentur qualitates aut conditiones priori pacto expressæ.

XXVI. *Si pactum sit de faciendo?*

d. c. 20. §.  
24.

¶. Pro faciente habendus, qui facere voluit, si per alterum, quicum controversia est, stetit quominus fieret.

XXVII. *An mora purgari potest intra breve tempus?*

d. c. 20. §.  
25. Puf. l.  
8. c. 8. §. 4.  
Ziegl. h. l.  
aliter. &  
Schutz.

¶. Jure stricto non potest, nisi improvisa necessitas impedimento fuerit.

XXVIII. *Si pacti sensus plane dubius sit?*

d. c. 20. §.  
26. Str.  
Ex. 6. tb.  
52.

¶. Magis est, ut contra eum fiat interpretatio, qui conditiones elocutus est, quod esse solet potentioris. Habet enim, quod sibi imputet, qui non apertius locutus est: alter autem, quod plures sensus recipit, id suo jure accipere potest in partem sibi utiliore.

XXIX. *Quid est ruptura pacis?*

Text. c.  
22 §. 1.  
Schutz. d.  
Ex. 13. tb.  
14.

¶. Est injusta contraventio, qua pax ab altera parte violatur.

XXX. *Quando & quot modis pax rupta censetur?*

Grot. h. c.  
20. §. 27.

¶. Tribus modis, aut faciendo contra

tra id, quod omni paci inest, aut contra id, quod in pace dictum est aperte, aut contra id, quod ex paciscujusque natura debet intelligi. Unde patet differentia inter rumpere pacem & novam causam bello præbere: quod magnum usum habet, tum ad committendam poenam à peccante, tum ad liberandam in cæteris fidem ejus, in quem peccatum est.

**XXXI. Quando fit contra id, quod omni paci inest?**

R. Si vis bellica inferatur, ubi nulla nova subest causa, quæ si probabiliter adferri potest, satius est injustitiam sine perfidia, quàm cum perfidia admissam credi.

d. c. 20. §. 28. Alber. Gent. l. 3. c. 24. p. 703. Text. c. 22. §. 4. seqq.

**XXXII. A quibus illata vis armata pacem solvit?**

R. Si focii tale quid fecerunt, rumpunt pacem, si manifestè appareat, hoc fuisse actum: aliàs credi non debet; est enim enorme, & communi facientium voto non convenit; ergò in eos, qui vim intulerunt, non autem in eos, qui non adjuverunt, erit bellus. Si subditi quid fecerunt sine jussu publico, civitas non tenetur, nisi factum privatorum probaverit; ad quod tria requiruntur, scientia, puniendi

d. c. 20. §. 29. & §. 30. Sebuz. Ex. 13. v. 14. lit. d. Alber. Gent. l. 3. c. ult. p. 705.

po-

potentia, & neglectus.

**XXXIII.** *Quomodo hæc tria probantur?*

*Gras. d. c.*  
20. §. 30.  
l. 2. c. 21.  
§. 2. &  
seqq.

*R.* Scientiam evincunt facta manifesta & denunciata. Potentia præsumitur, nisi defectio appareat. Neglectum ostendit elapsum temporis ipsium, quale in quaque civitate ad crimina punienda sumi solet.

**XXXIV.** *Quid juris, si alicujus subditi non per se arma moveant, sed aliis bellum gerentibus militent?*

*d. c. 20. §.*  
31.

*R.* Verius est, & hoc permittendum non esse, nisi probabilibus argumentis appareat actum aliud, ut nunc interdum fieri solet.

**XXXV.** *Quibus illata vis armata pacem rumpit?*

*d. c. 20. §.*  
32. *Text. c.*  
22. §. 14.  
*Schutz. d.*  
*Ex. tb. 14.*

*R.* Pax rupta censeri debet, non modò, si toti corpori civitatis, sed & si subditis vis armata inferatur, sine nova causa. Nam, ut omnes subditi tuti sint, pax initur: est enim pax actus civitatis pro toto & pro partibus.

**XXXVI.** *Si causa nova subsit, an se licet defendere?*

*d. c. 20. §.*  
32.

*R.* Per pacem licebit se suaque defendere; naturale enim hoc est, arma armis repellere. Ideò abdicatum inter pares non est, ut facilè credatur.

**XXXVII.**

XXXVII. *An ulcisci licet?*

℞. Ulcisci aut ablata recuperare per vim non licebit, nisi postquam iudicium erit negatum: hæc enim res moram fert, illa non. d. 5. 32.

XXXVIII. *At si subditorum quorundam ita sit perpetuum maleficiū, ut quod faciunt, id credendi sint omnino facere rectoribus suis improbantibus, & iudicium in eos postulari non possit, ut sunt piratæ?*

℞. Ab his & res recuperare, & ultionem exposcere licebit, tanquam a deditis propter delictum. At alios innocentes eo nomine armis impetere, id verò est contra pacem. d. c. 20. §. 32. n. 2. l. 2. c. 6. 17. §. 20.

XXXIX. *Quid, si vis inferatur sociis?*

℞. Vis armorum sociis illata pacem rumpit, si in pace comprehensi sint, licet ipsi socii non pepigerint, sed alii pro ipsis: modò postea pacem ratam habuerint. Aliorum sociorum, ut & cognatorum & affinium, qui nec subditi sunt, nec in pace nominati, separata causa est: nec ad pacem ruptam vis in eos trahi potest, licet eo nomine ex nova causa bellum suscipi possit. d. c. 20. §. 33. l. 2. c. 16. §. 13.

XL. *Quomodo rumpitur pax, faciendo contra id, quod in pace di-*

LI

etum

*Etum est ?*

Grot. b. c.

23. §. 34.

§ 35.

Scutz. d.

Ex. 13. th.

14. lit. e.

§ f. Text.

c. 22. §. 19.

in med. §

§. 8. § 9.

R. Rumpitur, five faciamus quod non facere debemus, five non faciamus, quod & cum oportet: five fiat contra capita majoris five minoris momenti. Satis enim magna, ut ferventur, videri debent, quæ pace comprehensa sunt. Sed quo magis paci caveatur, consultum erit, ut capitibus minoris momenti adjiciatur, ut si quid adversus ea factum erit, id pacem non rumpat: aut ut arbitri prius adeantur, quàm arma inferri liceat.

*XLI. An censetur hoc actum, si pœna sit adjecta?*

Grot. b. c.

20. §. 36.

Puf. l. 8.

c. 7. §. 12.

in fin.

R. Videtur hoc actum ob negotii naturam, quamvis interdum possit esse electio ejus, cui injuria est facta, pœnam malit, an à transactione recedere.

*XLII. Quid, si necessitas aliqua in causa sit, quo minus pars una impleat id, quod promissum est?*

Grot. b. c.

20. §. 37.

R. Si adsit necessitas, puta si resperierit, aut ablata sit, sine facto ipsius, aut factum redditum sit alio eventu impossibile, pax quidem rupta non censebitur, quia non solet pendere à conditione casuali. Sed tamen alter opta-

optabit, an expectare malit, si qua spes sit, impleri promissum ferius posse, an æstimationem accipere, an verò mutuis præstationibus isti capiti respondentibus, aut æquum valentibus liberari.

**XLIII.** *An, postquam pax est rupta, pars innocens adhuc stare potest paci?*

**R.** Pacem quidem non rumpit, qui pactis simpliciter factis posterior non stat; neque enim tenebatur, nisi sub conditione; interim tamen, post læsam fidem, integrum est innocenti pacem servare, quia contra obligationem faciendo nemo se obligatione eximit; & si additum sit, ut tali facto pax rupta habeatur, adjectum id censeri debet in commodum innocentis duntaxat, si eo uti velit.

*Gr. l. c.*  
20. §. 28.  
*Text. c.*  
22. §. 25.

**XLIV.** *Quomodo rumpitur pax faciendo id, quod specialis natura pacis repudiat?*

**R.** Si pax sub lege amicitiae contracta sit, rumpitur per ea, quæ fiunt contra amicitiam: quod enim inter cæteros solius amicitiae officium exigeret, hic etiam pacti jure præstandum est. Sed hic quoque detrahenda, quantum fieri potest, facto invidia. Itaque per-

*Gr. l. c.*  
20. §. 40.  
*Alber.*  
*Gent. p.*  
603.  
*Schütz d.*  
*Ex. 12. 17.*  
14. *lit. c. 10.*  
*mod. Gr.*  
*l. c. 20. §.*

40. n. 2.  
 Text. c. 22.  
 §. 15. *Alb.*  
*Gent. p.*  
 601. *Bet-*  
*lin. de re*  
*milit. tr.*  
 10. tit. 2.

sonæ, quamvis conjunctæ aut subditæ facta injuria, ipsi quicum pax inita est, facta non censebitur, nisi apertè in ipsius sigillationem facta sit. Sic adulterium aut stuprum libidini potius, quam inimicitie imputabitur, & invasio rei alienæ novæ potius cupiditatis reum faciet, quàm fidei læsæ.

*XLV. Quinam ergò sunt actus, ex quibus præsumitur, contra pacem, amicitie causa contrariam, esse factum?*

*Grot. b. c.*  
 20. §. 40.  
 n. 3. l. 2. c.  
 2. §. pen.  
 c. 22. §. 5.  
 n. 2.

*re.* Varii sunt; huc referuntur atroces minæ, nulla nova causa præcedente, arces in finibus structæ, non tuendi, sed nocendi causa, insolita copiarum conscriptio, si justis satis indiciis appareat, in non alium hæc, quàm in eum, quicum pax facta est, comparari. Sic oppida aut magnos cœtus, qui civitatis partem integrantem faciunt, recipere non licet, neque magis eos, qui ex sacramento, aut aliter, ministerium au servitutem debent. Subditos tamen singulos, qui ex altera ditione in alteram migrare volunt, suscipere, non est contra amicitiam: neque enim naturalis tantum, sed & favorabilis est ista libertas. Huc refertur perfugium exulibus datum; nam in exules nullum jus civitati.

*Grot. b. c.*  
 20. §. 41.  
 n. 1. §. 2.  
 §. 1. 2.  
 c. 5. §. 24.  
*Inst. Jur.*  
*Publ. p.*  
 569.

*Grot. l. 2.*  
 c. 5. §. 25.

XLVI.

XLVI. *Quando sortis aleæ potest  
subjici belli exitus?*

R. Si vera æstimatione, qui injusto bello impetitur, tantò sit inferior, ut resistendi nulla spes sit, videtur fors offerri posse, ut certum periculum incertò evadat; hoc enim est de malis minimum. Aliàs tum demum fors est permessa, quoties de re agitur, in quam plenum habemus dominium; quod de subditorum vita, pudicitia, libertate & similibus dici non potest.

Grot. b. c.  
20. §. 42.

XLVII. *An prælia, quæ definito numero condicuntur, belli finiendi causa permessa sunt, puta inter singulos utrinque, inter binos, inter ternos &c.?*

R. Certamen tale justum ac pium est, si alioqui omninò expectandum sit, ut qui injustam fovet causam, victor sit futurus, cum magna innocentium strage; tunc enim nihil imputandum est ei, qui mavult ea ratione certare, quæ spem ipsi maximè probabilem ostentat.

Grot. b. c.  
20. §. 43.  
Osiand. hic,  
& ad l. 2.  
c. 23. §. 10.

XLVIII. *Ut hæc pæctio valeat,  
quid requiritur?*

R. In regno non patrimoniali requiritur & populi, & si qui nati jus ad successionem habent, consensus; in re-

Grot. b. c.  
20. §. 44.  
Puf. l. 8.  
c. 8. §. 5.  
Rhet. de  
pace c. 4. r.



gno patrimoniali regis, qui sic in prælii exitum conjicit controversiam, consensus sufficit. Jus enim suum quisque sibi adimere potest, non autem alterius, sine ejus consensu.

.XLIX. *Quis in tali prælio dicitur victus?*

Græc. h. c.  
22 §. 45.  
Ejusd. l.

R. Victus non potest videri, nisi qui aut occubuit, aut in fugam datus est. Sic, in fines se aut oppida recipere, victi signa sunt. Illa vero, spolia legere, cadavera ad sepulturam concedere, prælio iterum lacessere &c. per se nihil probant, nisi quatenus cum aliis indicibus valent ad docendam hostium fugam. Et certè, qui loco cessit, in dubio magis est, ut fugisse credatur.

L. *Quid juris, si victoriae firma non adsint argumenta?*

Græc. h. c.  
22 §. 46.

R. Res manet eo loco, quo ante prælium fuit; & aut ad bellum, aut ad novas pactiones veniendum est.

LI. *Quotuplices sunt arbitri, quorum judicio bellum finitur?*

Græc. h. c.  
22 §. 47.  
Ejusd. l.  
22 §. 48.

R. Arbitrorum duo sunt genera, unum ejusmodi, ut sive æquam, sive iniquum pronuncient, parere debeamus: quod observatur, cum ex compromisso ad arbitrum itum est; alterum ejusmodi, ut ad boni viri arbitrium

trium redigi debeat, & ut fiat conciliator tantum. Utrovis modo arbiter sumi potest, aut ad bellum evitandum, ut supra diximus, aut ad finiendum; hic sumitur ille, cujus dicto parendum omnino fit.

LII. *An à tali arbitrio provocare licet?*

ꝛ. Non; nulla enim hic est potestas superior, quæ promissi vinculum aut impediatur, aut solvat. Standum ergo omnino, sive æquum, sive iniquum pronunciaverit. Aliud enim est de arbitri officio, aliud de compromittentium obligatione quærere.

Grot. b. c. 20. §. 46. n. 2. Puf. l. 5. c. 12. §. 4. & seqq.

LIII. *Quodnam est officium arbitri?*

ꝛ. Officium arbitri interdum est instar officii judicis, ut cogatur præcise secundum legem judicare: interdum habet laxiorem potestatem, ita ut omne possit, quod rectius fit, quam non fit, etiam extra justitiæ propriæ dictæ regulas. Qui summam potestatem obtinent, cum judicem communem non habeant, arbitrum censendi sunt adstrinxisse iis regulis, quibus judicis officium adstringi solet. Illud tamen observandum est, arbitros lectos à populis, aut à summis potestatibus, de principali negotio pronunciare debere,

Grot. d. 6. 20. §. 17. Schut. vol. 2. Ex. 13. th. 4.

Grot. d. c. §. 48. Boecl. quies in turb. p. 222. & seqq.

Ll 4 non

Ziegl. b. 1. non de possessione. Et ideò dum causa  
aliter. cognoscitur, nihil est innovandum,  
tum ne præjudicium fiat, tum quia  
difficilis est recuperatio.

LIV. *Estne adhuc aliud genus  
arbitri?*

Grot. d. c.

20. §. 49.

§ c. 11. §.

18. c. 15.

in fin.

R. Affirmatur, cum quis ipsi hosti  
de se arbitrium permittit: quæ est de-  
ditio pura, subditum faciens eum, qui  
se dedit; ei verò, cui fit deditio, sum-  
mam deferens potestatem. Sed hic  
quoque distinguendum est, quid vi-  
ctus pati debeat, & quid victor jure,  
quid salvo omni officio facere possit,  
quid denique eum maxime deceat.  
Victus post deditionem nihil non pa-  
tiendum habet: quippe jam subditus,  
& si jus belli externum respicimus, eo  
est loco, ut ipsi nihil non eripi possit,  
etiam vita, etiam libertas personalis,  
multò magis bona, non publica tan-  
tum, sed & singulorum.

LV. *Ne victor quid injuste faciat,  
quid spectandum?*

Grot. b. c.

20. §. 50.

R. Spectare primum debet, ne quem  
occidat, nisi id suo facinore meritum:  
sic & ne cui quicquam auferat, nisi in  
justam poenam. Intra hunc autem mo-  
dum, quantum securitas patitur, ad cle-  
mentiam & liberalitatem propendere  
sem-

semper honestum est, interdum pro circumstantiis, etiam ex morum regula, necessarium. Et huc pertinet illud Senecæ: *clementia liberum arbitrium habet: non sub formula, sed ex equo & bono iudicat, & absolvere illi licet, & quanti vult taxare litem.* Neque refert, an dedens dicat, se dedere alterius sapientiæ, an moderationi, an misericordiæ, *auff Genad und Ungenad*: hæc enim omnia blandimenta sunt, res manet, ut victor arbiter fiat. Secus, quam quando deditiones sunt conditionatæ, quæ aut singulis consulunt (ut quibus vita salva, aut corporum libertas, aut quædam bona excipiuntur) aut universitati: quarum nonnullæ etiam mixtum quoddam imperium induere possunt.

Grot. d. c.  
§. 51.

LVI. *Quenam sunt accessiones pactionum?*

R. Obsides & pignora. Obsides dantur aut sua voluntate, aut ejus, qui imperium habet: nam in summo civili imperio comprehenditur & jus in actiones subditorum, ut in bona. Et si plures sint, qui ire possunt, danda est opera, ut forte res dirimatur.

Grot. d. c.  
§. 52.

LVII. *Quid est obses?*

R. Obses est, qui fidei publicæ ser-

Alber.  
Gens. p.  
394.

vandæ causa, principi aut duci exercitus datur.

**LVIII.** *An dominus feudi vasallum potest obsidem dare?*

*Grot. b. c.  
20. §. 52.  
in fin.*

**R.** Si vasallus idem sit subditus, dominus potest, etiam invito vasallo; si non sit subditus, non potest; neque enim reverentia, aut obsequium, quæ debet, hucusque pertingunt.

**LIX.** *Si obses aliquod damnum patitur, quid juris?*

*Grot. d. c.  
§. 52. Puf.  
l. 8. c. 2. §. 6.*

**R.** Civitas aut ejus rector tenebitur illud incommodum ei, qui patitur, aut proximis, repensare.

**LX.** *An interfici potest obses?*

*Grot. b. c.  
20. §. 53.  
c. 4. §. 14.  
Schutz. Ex.  
13. tb. 12.  
lit. g. aliter.*

**R.** Jure gentium externo potest, quia hostis manet, & ex ejus civitate; non autem interno, nisi par ipsius culpa accedat. Servi quoque non fiunt: imò & jure gentium bona habere & hæredibus relinquere possunt.

**LXI.** *An fugere obsidi licet?*

*Grot. b. c.  
20. §. 54.  
Ostend. b.  
l. Gall. de  
pace publ.  
l. 2. c. 2. n. 2.  
aliter.*

**R.** Non licet, si ab initio aut postea, quo laxius haberetur, fidem dederit. Alioqui non videtur is animus fuisse civitatis, obligandi civem, ne aufugeret, sed hosti dandi facultatem, qualis vellet custodiæ.

**LXII.** *Si obses sit datus in unam causam, poteritne retineri in aliam?*

**R.** Odio-

℞. Odiosa est obsidum obligatio, tum quia libertati inimica, tum quia ex facto alieno venit. Ideoque stricta interpretatio hic locum habet, & in unam causam datus, in aliam retineri ut obses non potest. Sed, si in alia causa fides jam violata sit, aut contractum debitum, retineri potest, non ut obses, sed eo gentium jure, quo subditi ex facto imperantium detineri possunt per androlepsiam: quod ipsum tamen ne fiat, caveri potest adjecto pacto de reddendis obsidibus, ubi id, cujus nomine dati erant, impletum fuerit.

Grot. b. c.  
§. 55.

Grot. b. c.  
§. 55. c. 2.  
§. 3. & 5.  
Alber.  
Gent. p.  
398. &  
Jeqq.

LXIII. *Quid, si obses detur, ut alterum captivum aut obsidem redimat?*

℞. Eo mortuo liberatur: nam in illo, dum moritur, jus pignoris extinctum est, ut in captivo redempto.

Grot. b. c.  
§. 56.

LXIV. *Rege, qui foedus fecit, mortuo an adhuc tenetur obses?*

℞. Si foedus fuerit reale, obses adhuc tenetur; si fuerit personale, non tenetur. Nam accessoria non possunt efficere, ut in principalium interpretatione à regula recedatur, sed ejus naturam & ipsa sequi debent.

Grot. b. c.  
§. 57. l. 2.  
c. 16. §. 16.  
Tabor.  
de oblig.  
succes. c. 5.  
n. 14. Alber.  
Gent.  
p. 399.

LXV. *An pignorum eadem est ratio, quæ*

*quæ obsidum?*

Grot. b. c.  
§. 59. *Al-*  
*ber. Gens.*  
d. p. 399.  
*Forst. ad*  
*Tacit. p.*  
220.

**R.** Commune habent cum obsidibus, quod ex alio jam debito retineantur, nisi data fides obstet: proprium, quod quæ de iis est pactio, non tam strictè sumatur, quam illa de obsidibus; neque enim æquale est odium, res quippe natæ sunt, ut teneantur, non & homines.

**LXVI. *An pignus perpetuò potest lui?***

Grot. l. c.  
§. 60. l. 1.  
c. 4 §. 15.

**R.** Multi affirmant, & nullum tempus efficere posse putant, ne luitio sit pignoris, si id præstetur, pro quo pignus suppositum est: nisi certæ conjecturæ aliam interpretationem exprimant; ut si quis luere cum veller, impeditus id silentio transmisisset tanto tempore, quod ad consensus conjecturam sufficere possit.

## CAPUT XIV.

*seu*CAPUT XXI. *ap. Grot.*

De fide manente bello, ubi de induciis, comæatu, captivorum redemptione.

- |   |   |
|---|---|
| I. Quid sint induciæ.   | <i>convenerit, &amp; injuriæ fuerint longiores, potius pax censeatur, quam induciæ.</i> |
| II. Quotuplices   |   |
| III. <i>An nova belli indictione opus sit, tempore induciarum finito.</i> |   |
| IV. <i>An, si pactis tale quid</i>  |   |
|   |   |

- prebensus intelligatur.
- VI. A quo tempore inducia obligare incipiant: an ubique obligent.
- VII. Quantum per inducias liceat.
- VIII. An ultrò citròque ire & redire.
- IX. An, iis durantibus, interius recedere cum exercitu liceat: an mania reficere & militem conscribere.
- X. An, corruptis hostium praesidiis, loca invadere.
- XI. Quid, si loca fuerint derelicta.
- XII. An dimittendus sit, qui circa induciarum exitum, vi majore retentus, recedere antea non potuit.
- XIII. Quot modis finiantur induciae.
- XIV. Quomodo violatione: an laeso hoc in casu liberum sit, statim ad arma venire.
- XV. Quid, si poena addita à violante soluta sit.
- XVI. An per privatorum facta rumpantur induciae.
- XVII. An extra inducias sit jus commearandi, seu salvi conductus.
- XVIII. Quid sit jus commearandi.
- XIX. Quotuplex.
- XX. Militibus concessus commearatus, an etiam ad duces porrigatur.
- XXI. An subito etiam comprehendatur reditus.
- XXII. Qui abire potest, an

- etiam redire; & qui venire, anmittere, vel saepius venire possit.
- XXIII. Commearatus patri concessus, an ad filium extendatur, an ad famulum unum vel alterum.
- XXIV. An ad bona; an ad comites omnes, vel eos, qui alterius sunt gentis, in commearatus concessione non expressa.
- XXV. An jus commearandi morte concedentis extinguatur.
- XXVI. Quid, si ad beneplacitum concedentis fuerit concessum.
- XXVII. An leges, quae captivos redimi vetant, semper sint justae.
- XXVIII. An jus exigendi à captivo pretium redemptionis in alium transcribi possit.
- XXIX. An idem pluribus redemptionis pretium debere possit.
- XXX. An conventio de pretio facta rescindi possit ob ignoratas captivi divitias.
- XXXI. An pecunia à captivo celata ei prodesse possit ad redemptionem.
- XXXII. An pretium conventum, & ante mortem non solutum, ab haerede debeatur.
- XXXIII. An dimissus, ut alterum liberet, eo mortuo, nec liberato. in carcerem redire debeat.



I. *Quid sunt induciæ?*

Ziegl. de  
jur. maj.  
l. 1. c. 39. §.  
2. in fin.  
Grot. l. 3.  
s. 21. §. 1.  
n. 1. aliter.

R. **I**nduciæ sunt status belligerantium, quo (manente bello) bellicis actibus, ad tempus, ex conventionem, abstinendum est.

II. *Quotuplices sunt?*

Horn. l. 2.  
c. 5. §. 6.  
Grot. l. 3.  
c. 21. §. 1.  
n. 3. & 4.  
Alber.  
Gent. l. 2.  
c. 12. p.  
302. Puf.  
l. 8. c. 7. §.  
4.

R. Duplices esse possunt, scilicet ratione temporis, vel longiores vel breviores. Dari enim possunt in horas, in paucos dies, in annos, etiam viginti, triginta, quadraginta, etiam centum; licet hæ longiores induciæ propius ad pacem accedant: & in his idem ferè, quod de pacis tempore dictum est, valet, non ex vi vocis, sed mentis certa collectione. Sic etiam ab objecto dividi possunt, ut si ad certos actus concedantur. Non autem videntur rectè dividi in expressas & tacitas: quia licet, tempore induciarum finito, partes se invicem non laceffant, hoc tamen non fit cum mutua obligatione; sed cuicumque liberum est redire ad actus bellicos, quando ipsi visum fuerit.

III. *Tempore induciarum finito, an nova opus est indictione?*

Grot. b. c.  
21. §. 3.  
Puf. l. 8.  
c. 7. §. 6.

R. Non; nam sublato impedimento temporali, ipso jure se exierit status belli, non mortuus, sed sopitus, ut domi-

minium & patria potestas in eo, qui à furore convaluit: nisi pactis aliter convenerit, & induciæ fuerint longiores; in his enim, si non necessum, tamen decorum est, ut iis elapsis fiat indictio conditionata.

IV. *At hoc in casu, ubi aliter convenit (quia opus est nova indictio-  
ne) induciæ potiùs sunt pax?*

ꝛ. Non; quia utrique parti relicta est facultas, citra novam causam, bellum repetendi, fecus quàm ubi pax facta est.

Grot. b. c. 21. §. 3.  
Ziegl. de jur. maj. l. 1. c. 39.  
§. 3. in fin.  
Text. c. 1.  
§. 19. Cardinal.  
Marrica  
Lucubr.  
Vatic. l. 27. tit. 2. n. 15. alitor.

V. *Utrum, ad quem diem, aut mensem, aut annum, dictum est, duraturas inducias, is dies, mensis aut annus exclusus, an comprehensus intelligitur?*

ꝛ. Magis naturale est, ut terminus sit pars rei, inprimis ubi temporis productio favorem in se habet, ut in induciis, quæ humano sanguini parcunt. Imò, propter eandem rationem, videtur comprehendi etiam dies, à qua incipiunt; nam hæc etiam est pars rei, & idem favor militat.

Alber.  
Gent. l. 2. c. 12. p. 306.  
Ziegl. ad Grot. l. 3. c. 21. §. 4.  
Text. c. 19. §. 22. Puf.  
l. 8. c. 7. §. 8.

VI. *A quo tempore induciæ obligant?*

ꝛ. Statim obligant contrahentes, ex quo contractus absolutus est: at subditos utrinque obligant cum effectu, ubi

Alber.  
Gent. d. 1.  
Grot. l. 3. c. 21. §. 4.

n. 2. § 3.  
aliter.

Grot. h. c.

21. § 5.

Schutz.

vol. 2. Ex.

13. ib. 16.

lit. k. Text.

s. 19. § 20.

Puf. 1. 8.

c. 7. § 3.

in fin.

ubi publicatæ sunt, & ad notitiam subditorum pervenerunt. Hinc, si publicatio uno tantum loco facta sit, ea non per omnem ditionem eodem modo se exferit, sed per tempus sufficiens ad perferendam ad singula loca notitiam. Quare, si quid interea à subditis contra inducias factum fuerit, ipsi quidem à poenis immunes sunt, sed tamen res captæ restituendæ sunt, si extant, aut si sint consumptæ, id quò facti sunt locupletiores. Cæterùm, licet longiores induciæ regulariter completantur omnes pacifcentium ditiones, tamen in imperio latè patenti conveniri potest, ut certis in locis tantùm induciæ observentur, in aliis autem bellum maneat, e. g. populi Europæ, qui in India orientali aut occidentali loca possident, inducias facerè possunt vilituras per Europam, non autem in India.

### VII. *Quantum licet per inducias?*

ꝛ. Ex ipsa induciarum definitione hoc potest intelligi. Illiciti sunt omnes actus bellici, sive in personas, sive in res. Etiam res hostium, si tempore induciarum casu ad nos perveniant, reddendæ erunt, etiamsi antè nostræ fuissent, quia quod jus externum attinet, ipsorum sunt factæ:

factæ: & hoc est quod dici solet, tempore induciarum non esse postliminium. Et hæc vera sunt, si sint induciæ illimitatæ, inprimis longiores; si enim sint restrictæ, ob specialem conventionem, nihil erit mutandum, ut si sint tantum sepeliendorum hominum causa datæ reliqui actus non sunt permitti: & sic auxilia & commeatus admittere non licebit, verum intercipi poterunt. Sic si obsessis induciæ sint datæ, reliqui, qui extra præsidium sunt, occidi poterunt. Interdum convenit, ne commeari liceat: interdum personis cavetur, non & rebus; quo casu, si ad res defendendas, lædantur personæ, nihil contra inducias fiet.

Grot. b. c.  
21. §. 6. &  
Text. c.  
19. §. 10.  
Bcllin. de  
re mil.  
part. 5.  
tit. 3.

Puf. l. 8.  
c. 7. §. 10.  
in med.

VIII. *An ire & redire ultrò citròque licet?*

R. Affirmatur, dummodo id fiat eo apparatu, qui periculum nullum ostentet.

Grot. b. c.  
21. §. 6.  
n. 3.

IX. *An durantibus induciis interiùs recedere cum exercitu licet?*

R. Interiùs recedere licet, item reficere mœnia, militem conscribere &c. omnes enim hi actus præparatorii tantùm sunt futuræ vel defensionis vel oppugnationis; nisi vel expresse con-

Grot. b. c.  
21. §. 7.  
Alber.  
Gent. l. 2.  
c. 13. p.  
314.  
Text. c.  
10. §. 11.  
& seqq.  
Schutz.  
vol. 2. Ex.  
13. tb. 16.  
lit. c.

M m.                      vene-

venerit, ut omnia in statu suo persistant, vel nisi quidam actus expresse excipiantur.

X. *An, corruptis hostium praesidiis, loca invadere licet?*

Grot. b. c.  
21. §. 8. n.  
1. Schutz.  
vol. 2 d.  
Ex. tb. 17.

ꝛ. Non licet: talis enim acquisitio justa esse non potest, nisi ex jure belli. Idem habendum, si qui subditi ad hostem deficere velint.

XI. *Quid, si loca fuerint derelicta?*

Grot. b. c.  
21. §. 8. n.  
2. Alb.  
Gent. l. 2. c.  
13. p. 314.

ꝛ. Occupare licet derelicta, dum verè derelicta sint, i. e. eo animo, ne amplius sint, quorum fuerant: non si incustodita, sive custodia ante inducias, sive factis induciis omissa sit. Dominium enim manens injustam facit alterius possessionem.

XII. *Finitis induciis, si quis vi majore impeditus recedere non potuerit, atque deprehenditur intra fines hosticos, an adhuc habet jus redeundi?*

Grot. b. c.  
21. §. 9. c.  
4. §. 6. c. 9.  
§. 4. n. 3.  
Alb.  
Gent. p.  
310. Bodin. de rep.  
l. 5. in fin.  
Alb.  
Gent. p.  
310.

ꝛ. Si jus externum gentium respiciamus, par est ejus conditio ei, qui cum in pace venisset, bello repente exorto, inter hostes fato suo deprehenditur. Internum verò si consideremus, seu temperatum ex æquitate (quia non fecit contra inducias, dum casu, puta per valetudinem, per adversam maris tem-

tempestatem &c. est impeditus, & per eum non stetit, quo minus secundum conventionem abiret) redeundi facultas ipsi est concedenda, multò minùs occidi potest.

**XIII. Quot modis finiuntur inducie?**

R. Quatuor modis, 1. contraria pactione. 2. cessione diei aut temporis in induciis præfiniti. 3. absoluto actu, ad quem concessæ. 4. violatione.

Grot. l. 3. c. 21. §. 6. n. 2. Bart. ad l. 15. de publ. aliter. Text. c. 19. §. 31. & seqq.

**XIV. Quomodo violatione?**

R. Qui durantibus induciis hostem laceffit, i. e. violentas belli functiones, quæque his æquiparantur, dolosas exercet, vel contra personas, vel contra res hostiles, inducias violat; & quin læso liberum sit, etiam sine indicatione, ad arma venire, frustra dubitatur, etiam in induciis horariis. Nam capita conventionis insunt conventioni per modum conditionis: quanquam etiam, si læsus velit, ad induciarum terminum usque quiescere possit.

Grot. b. c. 21. §. 11. c. 19. §. 14. c. 20. §. 36. & 38. Alber. Gent. l. 2. c. 12. p. 308. Myns. l. 4. obs. 7. aliter. quem refutat. Schütz. d. vol. 2. Ex. 13. th. 17. lit. c. Puf. l. 8. c. 7. §. 12.

**XV. Quid, si pœna addita, eaque petita & soluta sit?**

R. Si pœna conventa poscatur & persolvatur ab eo, qui contrà fecit, jam bellandi jus non est: idè enim pœna solvitur, ut cætera salva maneant. Contrà, si læsus bellum moveat, à pœ-

Grot. b. c. 21. §. 12. & c. 20. §. 36. & ibi not. Puf. l. 8. c. 7. §. 12. in fin.

na recessisse intelligitur: id quod imprimis accidit, ubi læso optio relinquitur; quod tamen regulariter non solet fieri, ut neglectâ poenâ, aliquis statim ad arma recurrat.

XVI. *An rumpuntur induciæ, si privati contrâ faciant?*

Grot. b. c.  
21. §. 13.  
& c. 20.  
§. 30.

R. Non, nisi publicus actus accedat, puta imperii aut ratihabitionis, quæ etiam intelligitur, si qui deliquerint, nec puniantur, nec dedantur, si non reddantur res.

XVII. *An extra inducias est jus commeandi, seu salvi conductus?*

Grot. b. c.  
21. §. 14.  
Alber.  
Gent. l. 2.  
c. 14. p.  
163.

R. Non, sed est privilegium quoddam: quare in ejus interpretatione sequenda sunt, quæ de privilegiis traduntur. Est autem hoc privilegium neque tertio noxium; neque danti admodum grave: idè intra verborum proprietatem laxa magis, quam stricta admittenda est.

XVIII. *Quid est jus commeandi, vel salvi conductus?*

Becht. de  
secur. &  
salv. cond.  
c. 1 §. 16.  
Magalot.  
de salv.  
cond. in  
pr. aliter.

R. Jus commeandi, vel salvus conductus, est justum seu perfectum immunitatis ab offensione, damno, vel inquietatione præsidium.

XIX. *Quotuplex est?*

R. Vel universalis, vel particularis, qui

qui certis personis vel rebus conceditur.

*Becht. d.tr:*  
c. 3. §. 32.

**XX.** *Si militibus concedatur commensus, quinam intelliguntur nomine militum?*

*R.* Intelliguntur non tantum gregarii, verum etiam medii & summi duces, quia verbi proprietates admittit eam significationem: quanquam est & alia strictior.

*Grot. b. c.*  
21. §. 15.  
*Alber.*  
*Gent. p.*  
320. *in fin.*  
*aliter.*

**XXI.** *Quid in salvo conductu comprehenditur sub itu?*

*R.* In itu cautum & de reditu censetur, ut absurdum vitetur; nam nisi tutus esset recessus, videretur petiisse itum, ut veniret in potestatem hostium: quod est ridiculum & improbum. Imò, sicut is ante salvum conductum poterat offendi ubique, sic eo dato nullibi, ne quidem in proprio vel alieno territorio, ubi transit, offendi potest. Et abitus tutus intelligendus est, usquedum eò pervenerit, ubi tutus sit.

*Grot. b. c.*  
§. 16.  $\text{E}$   
22. *Alb.*  
*Gent. p.*  
318.

*Becht. de*  
*secur. E*  
*salv. cond.*  
c. 4. *ib.* 87.

**XXII.** *An is, cui abire datum, redire potest?*

*R.* Non; sed nec is cui venire concessum est, mittere potest, non contra. Sunt enim hæc diversa, nec extra verba exspatiari ratio cogit: ita tamen, ut

*Grot. b. c.*  
§. 16. *n. 2.*  
*Alber.*  
*Gent. p.*  
319.  $\text{E}$   
320.

Mm 3 error



error excuset à pœna. Sed & is, cui venire permissum est, semel veniet: nisi temporis adjectio, intra quod sæpius abire & redire potest, aliam supeditet conjecturam.

XXIII. *An patrem filius sequitur, virum uxor?*

Grot. b. c.  
§. 17.

R. Non; aliter quàm in jure comorandi. Nam morari solemus cum familia, peregrinari sine ea. Famulus tamen unus aut alter, etiamsi expressus non sit, comprehensus censebitur in eo, quem sine tali comitatu ire, indecorum foret. Nam qui aliquid concedit, concedit simul quæ necessariò sequuntur: necessitas autem hîc moraliter intelligenda est.

Boecl. con-  
ductor. Ca-  
rol. p. 17.  
& 24.

XXIV. *Quid dicendum de bonis & comitibus?*

Grot. b. c.  
§. 18. 19.  
Alb. Gent.  
p. 325.

R. Non comprehenduntur hîc quævis bona, sed quæ solita sunt ad iter assumi. Expresso comitum nomine, non sunt intelligendi hi, quorum causa magis est odiosa, quàm ipsius, cui prospicitur, tales sunt piratæ, latrones, transfugæ, desertores. Gentis expressum nomen in comitibus satis ostendit, facultatèm ad alios non porrigi; sic concessò pro Germanis salvo conductu, Galli duci non possunt.

XXV.

XXV. *Si is qui concessit saluum conductum, moriatur, an hic quoque expirat?*

R. Non, quia hæc concessio venit ex vi potestatis, quæ transit in successores regulariter. Nam interdum, si utilitas publica aliud suadeat, vel comatus sine probabili & justa ratione fuerit concessus, is expirat vel potius revocatur.

Grot. b. c.  
c. 21. §. 20.  
Osiand. b. l.

XXVI. *Quid, si saluus conductus ad beneplacitum concedentis, seu quamdiu voluerit, fuerit concessus?*

R. Durat hoc beneficium, etiamsi novus actus volendi non intercedat; secus est, si is qui concessit, desierit posse velle: quod per mortem contingit.

Grot. b. c.  
21. §. 21.

XXVII. *An leges quæ captivos redimi vetant, semper sunt justæ?*

R. Non sunt justæ, nisi appareat opus esse tali rigore, ut majora, aut plura mala, alioqui moraliter inevitabilia, caveantur; tunc enim captivi suam sortem patienter ferant. Aliàs captivorum redemptio multum habet favoris, maximè apud Christianos, quibus lex divina hoc misericordiæ genus peculiariter commendat.

Grot. b. c.  
21. §. 23.  
Osiand. b. l.

Mm 4 XXVIII.

XXVIII. *An jus exigendi pretium redemptionis potest in alium transcribi?*

Grot. b. c. §. 25. c. 28. §. 53. aliter. R. Affirmatur, quia natura patitur, ut incorporalia alienari possint.

XXIX. *Potestne pretium redemptionis pluribus deberi?*

Grot. b. c. §. 26. Alber. Gent. d. l. R. Ita: scilicet, si ab uno dimissus, pretio nondum soluto, captus sit ab alio; sunt enim diversa hæc debita ex diversis causis.

XXX. *An conventio de pretio facta rescindi potest, ideò quod captus nunc intelligatur locupletior, quàm primùm credebatur?*

Grot. b. c. §. 27. l. 2. c. 12. §. 8. R. Non, quia jure gentium externo nemo cogitur supplere id, quod in contractu minus æquò promisit pretiò, si dolus non intercessit.

XXXI. *Si captus pecuniam aliquam celaverit, an ei hæc prodesse potest ad pretium redemptionis?*

Zingl. b. c. §. 8. Grot. l. 3. c. 9. §. 4. n. 2. & 3. & b. c. §. 28. aliter. Puf. l. 8. c. 7. §. 14. in fin. Alber. Gent. p. 337. aliter. R. Non, quia simul cum persona capta intelliguntur ea, quæ penes personam deprehenduntur. Imò & ea, quæ captus alibi habet, apud eos scil. qui sunt neutrarum partium: & victor statuit, ut vult.

XXXII. *An pretium conventum, & ante*

*ante mortem non solum, ab  
hærede debetur?*

R. Si captivus in carcere mortuus sit, non debetur; promissioni enim inerat conditio, si liberaretur: mortuus autem non liberatur. Nisi convenerit, ut ab ipso contractus momento purè debeatur pretium, & captivus tantum retineatur, non jam ut jure belli captus, sed ut à se oppignoratus. Sin mortuus sit, cum in libertate esset, debetur: jam enim lucratus est id, pro quo promissum est pretium.

*Grot. b. c.  
§. 29. Alber. Gens.  
p. 336.  
Text. c.  
18. §. 51.  
Gl. ad l. 19.  
de capt.  
aliter.*

XXXIII. *An in carcerem redire debet is, qui dimissus est sub pacto, ut faceret dimitti alterum, qui factum morte prævenit?*

R. Non tenebitur quidem dimissus reddere se custodiæ; neque enim id conventum fuit, neque tacitè hoc actum intelligi patitur favor libertatis: neque tamen debet lucrifacere libertatem, sed ejus quod præstare non potest, æstimationem præstabit. Nam in promissis onerosis non sufficit facere quantum quis potest, sed obligatur quis ad id, quod tantundem valet.

*Grot. b. c.  
§. 30. Kul-  
pis. b. c.*

seu

CAPUT XXII. *ap. Grot.*

## De fide minorum potestatum in bello.

- |   |   |
|---|---|
| <p>I. Quinam nomine minorum potestatum in bello veniant.</p> <p>II. Quos modis eorum promissa considerari possint.</p> <p>III. Quando per pacem suam summam potestatem obligent.</p> <p>IV. Quid, si conditiones in mandato expressas non observaverint.</p> <p>V. Quid, si fines mandati excefferint.</p> <p>VI. An tali in casu pars altera obligetur.</p> <p>VII. An inferiores suos obligare possint.</p> <p>VIII. An de belli causis transigere, &amp; pacem facere.</p> | <p>IX. An inducias dare.</p> <p>X. An homines, agros, imperia, bello quaesita, concedere &amp; alienare.</p> <p>XI. An nondum quaesita condonare.</p> <p>XII. Haec ducum potes, an strictè sint interpretanda.</p> <p>XIII. Quomodo interpretanda sit deditio pure à duce accepta.</p> <p>XIV. Quid, si sub cautione ratificationis deditio fuerit accepta.</p> <p>XV. An obsessi, si oppidum simpliciter tradere promiserint, praesidium ante deditioem dimittere possint.</p> |
|---|---|

I. *Quanam sunt minores potestates in bello?*

Grot. l. 3.  
c. 22. §. 1.  
l. 1. c. 3. §.  
4. n. 2. c. 4.  
§. 4. n. 1.

R. **M**inores potestates sunt omnes, quorum potestas pendet ab eo, cujus auspiciis bellum geritur; si ve sint summis proximi, quales sunt duces excellenter dicti, si ve longius remoti.

II. *Quot modis possunt considerari horum promissa?*

R.

R. Duobus, nam aut hoc quæritur, Grot. b.c. 22. §. 2.  
 an summam potestatem obligent, aut  
 hoc, an se ipsos obligent.

III. *Quando obligant summam pote-  
 statem?*

R. Obligant summam potestatem d.c. 22. §. 2.  
 (1.) quando faciunt id, quod proba-  
 biliter ipsorum officio contineri cen-  
 setur; (2.) aut etiam extra illud, ex  
 speciali propositione notâ publicè, aut  
 iis, quorum res agitur; (3.) per con- b.c. §. 3.  
 & c. 20.  
 §. 30.  
 sensum subsequenter, quando summa  
 potestas vel expressè ratum habet, quod  
 gesserunt, vel tacitè, ubi scivit sum-  
 ma potestas, quod actum erat, & fie-  
 ri passa est, quæ ad aliam causam re-  
 ferri probabiliter non possunt; (4.) per  
 rem, in quantum quis fit locupletior ex  
 ipsorum facto. l. 2. c. 10.  
 §. 2. Hinc ab injustitia ex-  
 cusari non possunt, qui pacta impro-  
 bant, & tamen retinent, quod sine  
 pactis non haberent. Nemo enim cum  
 damno alterius locupletari debet.

IV. *An, si habet mandatum, præcisè  
 debemus sequi conditiones in  
 mandato comprehensas?*

R. Affirmatur; nam si quis sub cer- b.c. 22. §.  
 4. l. 2. c. 11.  
 §. 12. &  
 13. Puf. l.  
 3. c. 9. §. 2.  
 ta lege, vel interventu cujusdam per-  
 sonæ contrahi voluit, æquissimum est,  
 id servari, cui fuit præpositus; idque  
 ius-

sufficit etiam ad hoc, ut alius obligetur, licet habeat mandata arcana, ut alibi diximus. Cui consequens est, ut alii reges aut populi magis, alii minùs, ex ducum suorum contractibus teneri possint, si satis notæ sint ipsorum leges atque instituta. De his si non constet, concessum intelligitur id, sine quo satis commodè ea, quæ officii sunt, expediri non possunt.

Ruber. p.  
167. in  
fin.

V. *Quid, si fines mandati excefferit minor potestas?*

Grot. b. c.  
§. 4. n. 3.  
l. 2. c. 15.  
§. 16. &  
ibi not.

R. Tenebitur ipsa, si id quod promisit, præstare non potest, ad æstimationem: nisi lex aliqua satis cognita id quoque impediatur. Quod si dolus accesserit, i. e. si præulerit jus majus, quam habebat, jam tenebitur de damno culpa dato, imo & ex crimine ad poenam crimini respondentem.

VI. *An semper obligaturis, quicum minoribus potestatibus contrahit?*

Grot. b. c.  
§. 5. jung.  
§. 3. b. c. in  
fin. l. 5. pr.  
D. de au-  
ctor. tut.

R. Quia semper aut summa potestas obligatur, aut minister ejus, certum est, & partem alteram obligari, & contractum claudicare non posse.

VII. *An inferiores potestates obligare possunt?*

Grot. b. c.  
§. 6.

R. Non dubitandum, quin dux milites, magistratus oppidanos obligent, intra

tra eos actus, qui solent ab ipsis imperari; id enim in potestate ipsorum comprehensum est.

VIII. *An dux belli potest transigere de causis belli & consequentibus, & pacem facere?*

R. Non; neque enim belli gerendi pars est bellum finire. Imò, etsi cum maxima potestate præpositus fuerit, ea tamen de solo belli ductu intelligenda erit. Et eorum tantum est bellum finire, ut alibi diximus, quorum est bellum.

Grot. b. c. §. 7. l. 1. c. 3. §. 5. n. 3. & ibi not. l. 2. c. 11. §. 12. Ziegl. de jur. maj. l. 1. c. 40. §. 2.

IX. *Potestne inducias dare?*

R. Inducias dare ducum est, nec summorum tantum, sed & minorum, iis nempe, quos oppugnant aut obsessos tenent, & se suasque copias quod attinet. Et sic particulares & brevioris temporis, puta in horas aut dies aliquot dabunt: nam administrationi militari creditur inesse hæc quietis imago. Universales autem inducias, in aliquot menses aut annos porrectas, cum ad pacem propius accedant (pax enim non sunt, quia omnis pax, ex voto paciscentium, debet esse perpetua) majestati soli competere verius est; adeò ut, si de factò Dux longiores concedat, rescindendæ sint.

Grot. b. c. §. 8. Alb. Gent. l. 2. c. 12. p. 305. in med. Frid. Horn. l. 2. c. 5. §. 6. Baud. de Ind. Belg. l. 1. §. 2. Ziegl. de jur. maj. l. 1. c. 39. §. 5. Rhet. de pace, §. 12. & 13.

X.



X. *An homines, imperia, agros, bello quaesita concedere potest?*

Grot. b. c.  
§. 9. & c.  
6. §. 11.  
15. seqq.

R. Non, nam & hæc ad eum pertinent, ad quem bellum pertinet, & quamvis ducibus concedatur aliquod jus in præda, tamen hoc non competit ex vi potestatis, sed ex cujusque populi moribus.

XI. *Quid de nondum quaesitis dicendum?*

Grot. b. c.  
§. 9. n. 2. c.  
6. §. 15.

R. Nondum quaesita condonare omnino in ducum est potestate, quia oppida pleraque & homines sæpe in bello se dedunt sub conditionibus vitæ salvæ, aut libertatis, aut bonorum, de quibus summæ potestatis arbitrium exquiri res plerumque non patitur. Pari ratione, jus hoc & ducibus non summis dandum est intra ea, quæ ipsis agenda commissa sunt.

XII. *Hæc ducum pacta quomodo sunt interpretanda?*

Grot. b. c.  
§. 10.

R. Quia de re agunt aliena, quatenus contractus natura patitur, adstringenda est interpretatio, nempe ne aut ex ipsorum facto summa potestas plus, quam vellet, obligetur, aut ipsi Duces damnum subeant officium faciendo.

XIII. *Si in deditioem puram quis à duce sit acceptus?*

R.:

CAPUT XV. 559

ꝛ. Hoc sic est interpretandum, ut censeatur eo jure acceptus, quo de ipso victoris populi aut regis arbitrium sit. Grot. b. c. §. 11. c. 4. §. 12.

XIV. *Quid, si adjecta sit clausula, ita ratum esto, si majestas censerisset?*

ꝛ. Hæc clausula efficiet, ut ratihabitione non secuta, dux in nihil ipse teneatur, nisi si qua re locupletior factus sit, ut si aliquid accepisset, quod aliàs non accepisset. Grot. b. c. §. 12. l. 2. c. 15. §. 3.

XV. *Si obsessi oppidum tradere promiserunt, quomodo hoc interpretandum?*

ꝛ. Possunt præsidium dimittere, & oppidum tradere. Grot. b. c. §. 13.

CAPUT XVI.

seu

CAPUT XXIII. ap. Grot.

- |  |   |
|--|---|
| <p>I. An privati fide hosti data obstringantur.</p> <p>II. Quousque privatorum in paciscendo cum hoste potestas se extendat.</p> <p>III. An talia pacta in summa necessitate, &amp; ut evitetur minus malum, permissa consueantur.</p> <p>IV. An lex ea semper prohibere possit.</p> <p>V. An privatorum actus, ubi justa est prohibitio, irriti sint.</p> | <p>VI. An valeat promissio captivi de redeundo in carcerem, vel quod contra victorem nunquam militare velit.</p> <p>VII. An fugere possit, ubi contrarium promissit.</p> <p>VIII. An alteri se dedere.</p> <p>IX. An privati à suo magistratu cogi possint, ut hostibus promissa implerant.</p> <p>X. Quomodo hæc pacta sint interpretanda.</p> |
|--|---|

I. An

I. *An privati fide hosti data obligantur?*

Grot. l. 3.  
c. 23. §. 1.  
& 2. jung.  
suprà l. 2.  
c. 11. quest.  
17.

R. **A**ffirmatur: nec admittenda est opinio eorum, qui statuunt, pacta publicè cum hostibus inita, fidem adstringere, non verò ea quæ à privatis fiunt. Nam, cum privati jura privata habeant, quæ obligare possunt, & hostes capaces sint acquirendi juris, nihil est quod obligationem impediatur. Huc accedit, quod nisi id statuatur, detur cædibus occasio, & libertati impedimentum. Sic & latroni & piratæ data privatim fides obligat.

II. *Quousque privatorum in paciscendo cum hoste potestas se extendit?*

Grot. d. c.  
23. §. 5.

R. Difficilis inspectio est. Quod publicum est, à privato alienari non posse, satis constat. Nam, si ne duobus quidem belli id permissum sit, ut modò diximus, multò minus privatis. Pacta etiam, de ipsorum actionibus & rebus, videntur illicita civibus, propter indictionem belli, & ob civitatis supereminens dominium in rebus ipsorum: militibus verò conductis, ob fidem sacramento datam.

Grot. l. 3.  
c. 3. c. 9.  
l. 1. c. 1.  
§ 9.

III. *Quid, si sit summa necessitas, & ut evitetur majus malum?*

R. Ea pacta, quæ majus malum aut

cer-

certius evitant, e. g. tributa hostibus promissa ad redimenda incendia & vastationes, magis utilia, quam damno-  
sa, etiam publico, cenferi debent, & permiffa esse videntur.

Grot. l. 3. c. 23. §. 5. n. 2. l. 1. c. 4. §. 7. & ibi not.

IV. *Annon lex hanc potestatem subditis adimere potest?*

R. Lex quidem potest adimere subditis, aut perpetuis, aut temporariis hanc potestatem, sed nec lex hoc semper facit: parcit enim civibus; neque semper hoc facere potest. Nam leges humanæ vim obligandi tum demum habent, si latæ sint ad humanum modum, non si onus injungant, quod à ratione & natura planè abhorreat, e. g. si prohibeatur, ne hostibus tributa solvantur, ubi dominus territorii nullo modo subditos à vi hostili tueri potest.

Grot. b. c. 23. §. 5. n. 3. l. 2. c. 13. §. 20.

V. *Quid, si actus, qui lege aut præcepto interdictus erat, & valere vetitus, interdici æquo jure potuit, e. g. commercia, ne arma, equi, frumentum &c. hostibus vendantur?*

R. Jam irritus erit actus privati, & puniri poterit, quia promissit id, quod sui juris non erat, maximè, si contra præstitum juramentum hoc fecerit.

Grot. b. c. 23. §. 5. n. 4. l. 1. c. 3. §. 16. n. 2. l. 2. c. 5. §. 10.

VI. *Promissio captivi de redeundo in*  
Nn car-

*carcerem an toleratur?*

Grot. b. c.  
 §. 7. Alb.  
 Gent. p.  
 295. &  
 299.  
 Puf. l. 8.  
 c. 2. §. 2.

R. Affirmatur, quia nec civitatis nec captivi reddit conditionem deteriorum. Item valet pactum, ne quis in certum locum redeat, ne adversus eum, qui ipsum in potestate habuit & dimisit, militet. Nam & hic patriæ causa non fit deterior, cui is, qui captus est, ni liberetur, jam periisse censendus est. Nisi tamen salus publica omninò id postulet, & civitas in manifesto versetur periculo, ni iste quoque arma capiat, ut alibi diximus.

VII. *Si promiserit, quod non velit fugere?*

Grot. b. c.  
 §. 8. l. 2. c.  
 17. §. 19.  
 Alber.  
 Gent. p.  
 595. &  
 599.

R. Tenet hoc eum, etiamsi vinctus promiserit, quia hæc vis est licita, & sic solet aut vita servari, aut mitior obtineri custodia.

VIII. *An qui captus est, alteri se dedere potest?*

Grot. b. c.  
 §. 9.

R. Non, nemo enim sua pactione jus alteri quæsitum auferre potest.

IX. *An privati à suo magistratu cogi possunt, ut pacta servent?*

Grot. d. c.  
 §. 10. &  
 c. 6. §. 2.  
 n. 1. Horn.  
 l. 2. c. 9.  
 §. 3. & 4.

R. Affirmatur, nam in bello solenni bellum gerentes obstringuntur alter alteri jus reddere, etiam de factis privatorum; ut puta, si à privatis violati essent hostium legati.

X.

X. *Quomodo hæc pacta sunt interpretanda?*

22. De interpretatione tenendæ regulæ jam aliquoties memoratæ, ut a proprietate verborum non recedatur, nisi absurdi vitandi causa. Sic vitam pactus non habet jus ad libertatem, sunt enim diversa. Vestium nomine arma non intelliguntur. Venisse auxilium dicitur, si sit in conspectu, etiamsi nihil agere possit. Rediisse ad hostem non dicitur, qui clam rediit, ut statim exiret, sed ita rediisse intelligi debet, ut in potestate hostium sit. Justa auxilia in pactis deditiois non faciendæ, si ea advenerint, intelligi debent talia, quæ periculum cessare faciant, &c.

Grot. b. c.  
§. 11. 12.  
13. & 14.

CAPUT XVII.

*seu*

CAPUT XXIV. *ap. Grot.*

De fide tacita.

- I. *Quid sit fides tacita, & quomodo interponatur.*
- II. *An non nimium sit extendenda.*
- III. *An signa, quæ ex con-*

- suetudine significant, tacite obligent.*
- IV. *An vindictæ remissio ex dissimulatione soligatur.*

I. *Quid est fides tacita?*

Grot. l. 3.  
c. 24. §. 1.  
2. §. 3. l.  
2. c. 2. §.  
16.

Grot. l. 2.  
c. 9. p. 282.

R. **F**ides tacita est fides, quæ præsumitur aut ex silentio, aut ex negotii natura. Sic qui aut ab hostibus, aut ab externis venit, & in alterius populi aut regis fidem se dat, tacite se obligat, ne quid faciat adversus statum, in quo præsidium petit. Sic qui colloquium aut postulat, aut admittit, tacite pollicetur, collocutori- bus id innoxium fore.

II. *Annon ultrà tacita illa voluntas trahenda est?*

Grot. b. c.  
24. §. 4.  
c. 1. §. 6.  
Puf. l. 4.  
c. 1. §. 19.

R. Non, nam dum collocutores nihil patiuntur, specie colloquii avertente hostem à belli consiliis, sua autem interim promovere, perfidia vacat, & dolis bonis annumeratur.

III. *An etiam signa, quæ ex consuetudine significant, tacite obligant?*

Grot. b. c.  
§. 5. §. c. 1.  
§. 9.

R. Affirmatur: sic hodiè vela candida tacitum habent signum petiti colloquii, obligabunt ergò non minus, quam si voce petitum esset.

IV. *An vindictæ remissio colligitur ex dissimulatione?*

Grot. b. c.  
§. 7. c. 20.  
§. 40.

R. Non, sed opus est, ut accedat actus talis, qui aut amicitiam per se ostendat, ut foedus amicitiae causa; aut opi-

opinionem de tali virtute, cui meritò antè facta condonari debeant, sive ea opinio verbis indicata sit, sive rebus, quæ ex more institutæ sunt ad talem significationem.

C A P U T XVIII.

*scu*

C A P U T XXV. *ap. Grot.*

Conclusio cum monitis ad fidem & pacem.

- |   |  |
|---|--|
| <p>I. <i>An summæ potestates fidem omnino servare debeant.</i></p> <p>II. <i>An in bello semper pacem spectare debeamus.</i></p> <p>III. <i>Quid sit pax.</i></p> <p>IV. <i>Quotuplex.</i></p> <p>V. <i>Quando iura censeatur.</i></p> <p>VI. <i>Quid sit aonestia.</i></p> | <p>VII. <i>An semper presumatur, licet de ea expressè cautum non fuerit.</i></p> <p>VIII. <i>Quando pacem facere maxime conveniat.</i></p> <p>IX. <i>An pax, qualibuscumque legibus facta, summa religione servanda sit.</i></p> |
|---|--|

I. *An omnino necesse & utile est, ut summæ potestates fidem servent?*

R. **O**mnino opus est, tum propter alia, tum ne spes pacis adimatur. Fide enim non tantum respublica quælibet continetur, sed & major illa gentium societas: hac sublata, tollitur quod inter homines est commercium. Et fidem tantò magis præstare summi hominum rectores debent, quanto cæteris impunius peccant.

*Grot. l. 3. c. 25. §. 1. & 2.*



Grot. in  
 Proem. §.  
 18. & 22.  
 Puf. l. 2.  
 c. 3. §. 10.

Præterea magis est regum, religiosè hanc colere, primùm, ut conscientiæ, deinde & famæ, qua stat regni autoritas, consulant. Et sciant isti, qui ipsis fallendi artes instillant, diu non prodesse doctrinam, quæ hominem hominibus infociabilem facit, & Deo invisum.

II. *An in bello semper in pacem prospectare debemus?*

Grot. b. c.  
 §. 2. 4. &  
 5.

R. Affirmatur, nam sapientes pacis causa, ad quam nati sunt, bellum gerunt, & pacem non quærunt, ut bellum exercent, sed bellum gerunt, ut pacem acquirant. Huc accedit utilitas publica, quæ homines ad pacem colendam invitat, tam eos, qui minùs valent (quia his periculosum est longum cum validiore certamen) quàm validiores: cum, quia pax melior tutiorque est, quam sperata victoria, tum etiam propter improvisas mutationes, quæ in bello accidere solent; & ne hostes ad desperationem adigantur, quorum audacia tunc maxime est metuenda.

III. *Quid est pax?*

Alber.  
 Gent. p.  
 472. dicit.  
 Schutz. vol.  
 2. Ex. 13.

R. Pax in genere est status, quo in societate, amicitia & securitate vivimus. In specie, est pactum publicum,

cum, vel potius status, quo ii, qui summum imperium habent, ex pacto in societate & concordia perpetuò vivunt.

*ib. 1. Rbet. c. 1. de pac. c. 1. §. 2. l. 3. D. de J. & J.*

IV. *Quotuplex est?*

R. Est vel privata, vel publica: & hæc rursum vel communis omnium hominum in statu naturali, vel certorum populorum.

*Grot. 1. 2: c. 24. §. 10.*

V. *Quæ pax est tuta?*

R. Pax tuta est, quæ constat & malefactorum & damnorum & sumtuum condonatione, seu ubi est amnestia quædam generalis.

*Grot. b. c. §. 3.*

VI. *Quid est amnestia?*

R. Amnestia est omnium in bello, ejusque intuitu commissorum peccatorumque, perpetuò sancita obli-  
vivo.

*Grot. 1. 3. c. 20. §. 19. Rbet. de pac. c. 5. §. 5. & 6.*

VII. *Si amnestia expressè cauta non sit, an tacitè præsumitur?*

R. Affirmatur, quia pacem tutam, firmam & securam cupimus, qualis esse non potest, nisi sit universalis obli-  
vivo injuriarum, & perpetua suspensio omnis vindictæ & ultionis.

*Grot. 1. 3: c. 20. §. 15. & 17. Boeck. de amnest. c. 2.*

VIII. *Quando convenit pacem facere?*

R. Optimum tempus de pace agendi est, dum uterque pares adhuc

*Grot. b. c. §. 6.*

N n 4 sibi

sibi videntur, & sibi uterque confidit.

IX. *An pax servanda est, qualibuscunque legibus facta sit?*

Grot. d. c.  
§. 7. & 8.

R. Omnino, ob fidei sanctimoniam: & hinc sollicitè cavenda, non tantùm perfidia, sed & quicquid animos exasperat. Inscribebat hæc Deus, qui solus hoc potest, cordibus eorum, quorum res Christiana in manu est, & iisdem mentem divini humanique juris intelligentem duit, quæque semper cogitet, lectam se ministram ad regendos homines, Deo carissimum animal.

F I N I S.



I N-

# INDEX

rerum

## PRÆCIPUARUM.

Numerus primus librum, secundus caput,  
tertius quæstionem notat.

- A.**  
**A**bdicari regnum an possit. v.  
Regnum.  
*Abjecta* quando habeantur pro de-  
relictis. 1. 2. c. 4 q. 4.  
*Abitus* tutus an comprehendatur  
sub itu concessio, & quando  
tutus intelligatur. 3. 14. 21.  
*Absentium* jus an præsentibus ac-  
crescat. 2. 5. 31  
*Absolvere* à juramento an possit  
princeps. 2. 13. 29. & 30.  
an *Absolvere* in dubio melius sit,  
quam condemnare. 2. 23. 6.  
*Abstinentia* militum in solo paca-  
to & neutrali quomodo obti-  
neatur. 3. 10. 7.  
*Abjura* nemo credendus est vel-  
le. 2. 16. 27.  
*Abusus* rei alienæ, quando sit li-  
citus, & ad quid utentem ob-  
liget. 2. 2. 23. & seqq & 3.  
10. 8.  
non *Acceptata* conditio an offe-  
rentem obliget. 2. 16. 37.  
*Acceptatio* an necessario in pro-  
missio requiratur. 2. 6. 4. &  
2. 11. 28. an illud præcedere  
possit. ib.  
*Accessio* modus acquirendi. 2. 8.  
12.  
*Accusator* injustus, an ad dam-  
num per eam accusationem da-  
tum resarciendum teneatur, 2.  
17. 12.  
quomodo *Acquiratur* derivative.  
2. 6. 1. quomodo factio bomi-  
nis. 2. 6. 2. quomodo lege.  
2. 7. 1. quomodo expletione  
juris. 2. 7. 3. quomodo succeſſio-  
ne. 2. 7. 6. & 7.  
an *Acquirantur* bello res apud ho-  
ſtes inventæ, licet eorum non  
ſint. 3. 6. 3. an *incorporalia*.  
3. 7. 5.  
*Acquisitio* in bello an *justa*. 3.  
6. 1.  
*Acquisitio* originaria qualis sit.  
2. 3. 1. & seqq.  
*Acquisitiones* juris gentium. 2.  
8. 1.  
de nondum *Acquisitis* an lex di-  
ſponere possit. 3. 6. 9.  
*Adiones* siue cuique naturaliter  
proprie sunt. 2. 17. 3. & in  
eas quisque par jus habet, ac  
in res suas. 2. 11. 1. an à ſupe-  
rioribus dependeant. 2. 13. 29.  
quomodo ex *Adibus* præceda-  
ntis æqualitas æſtimetur inter  
contrahentes. 2. 12. 11.  
in *Adu* benefico non præſumitur  
quis se ad magnum suum in-  
commodum obligasse. 2. 16. 31.  
de *Adu* qui tenetur, an etiam  
de conſequentibus teneatur. 2.  
17. 7. & 12.  
an ab *Adu* dubio, ut illicito,  
abſtinendum sit. 2. 23. 3. & 4.  
an *Actus* meræ facultatis præ-  
scribi

# I N D E X.

- scribi possint. 2. 4. 23.
- Actus interni an sint congruentes societati humanae.* 2. 6. 3. an iis efficacia juris sit tribuenda. 2. 4. 2. an in aestimationem pena veniant. 2. 20. 20.
- an Actus externi possint esse signa sufficientia voluntatis nostrae.* 2. 4. 2. & 2. 11. 28.
- Actus contra iuramentum factus, an iniustus tantum, an & irritus sit.* 2. 13. 28.
- Actus regum, vel regii, vel privati.* 2. 14. 3. an regii eo loco habendi, ac si communitas fecisset. ib.
- Actus dividui quomodo distinguantur ab individiis in resarciendo damno.* 2. 17. 11. & 3. 4. 15.
- an omnes Actus vitiosi, & quales, puniri possint.* 2. 20. 20. quomodo considerandi in penarum impositione. 2. 20. 27.
- Actus publici & privati in bello.* 3. 6. 7. & seqq.
- an adiuvans tenetur de damno.* 2. 17. 8.
- Admiralitatibus natura & utilitas.* 2. 12. 41.
- an Administratores regni summum imperium habeant.* 1. 3. 38.
- an Adoptivi in regnis succedant.* 2. 7. 45.
- Adulter, ad quam restitutionem teneatur.* 2. 17. 12.
- an Adulteria cum seminis hostium sint permissa.* 3. 4. 13.
- Aedificare in littore an liceat praeter roebentibus.* 2. 2. 38.
- Aequalitas in contradibus servanda.* 2. 12. 8. quomodo determinetur & inveniatur. 2. 12. 10. 11. 15. & 16. an ubique observetur. 2. 12. 42.
- Actus alienum civitatis an faciat, quominus civilis e civitate discedere liceat.* 2. 5. 20.
- Aestimatio rei quomodo fiat.* 2. 12. 21.
- Agendi impunitas an verum jus tribuat.* 2. 1. 26. & 2. 20. 19.
- Agrilimitati & illimitati.* 2. 8. 13.
- Agri quando intelligantur capti.* 3. 6. 1. an semper vastantur. 3. 5. 7. & seqq. cui acquirantur. 3. 6. 9. an sint in postliminio. 3. 9. 15.
- Agricolis in bello parcendum.* 3. 4. 17. & 3. 5. 9.
- an ad Alapam vitandam alter iuste occidatur.* 2. 1. 19.
- Alca. v. fors.*
- Alienandi jus dominis naturaliter competit.* 2. 6. 2.
- Alienatio quid requirat in dante.* 2. 6. 3. quid in accipiente. 2. 6. 4.
- Alienatio regni. v. Rex.*
- Alimenta debentur liberis.* 2. 7. 9. 10. & 11. quamdiu. 2. 7. 18. debentur quoque parentibus. 2. 7. 12. non tamen ita ut liberis. 2. 7. 13. debentur quoque servis pro operis. 3. 7. 13. an ob ea praestita teneatur proles servilis. 2. 5. 47.
- Alii prolesse licitum & honestum.* 1. 5. 2.
- per Alium quid faciens, an ipse fecisse censetur.* 3. 6. 6.
- per Alium an licite semper exequamur, quod nobis licet.* 3. 1. 23. & 2. 4.
- Allodio ad quem pertineat.* 2. 8. 12. an sub sola imperii concessionis continetur. 2. 8. 14

# I N D E X.

- an ad vasallos feudo concessio.*  
*ib.*  
*Alexi mutatio an imperii terminos mutet.* 2. 3. 20.  
*an Amentes ex promisso teneantur.* 2. 11. 6.  
*an Amenti mendacium dicatur.* 3. 1. 20.  
*Amici quinam intelligantur in jure possliminii.* 3. 9. 2.  
*pro Amicis an juste suscipiatur bellum.* 2. 25. 7.  
*Amicitia conventio in pace ad quid obliget.* 3. 13. 44.  
*Amnistia quid.* 3. 18. 6. *an expresse non cauta tacite praesumatur.* 3. 18. 7.  
*pro Anchoris in littore jadis an aliquid exigi possit.* 2. 2. 39.  
*Andrelepsia quid.* 3. 2. 4.  
*Animantibus agriculturae inservientibus in bello perendum.* 3. 5. 9.  
*an Appellare à subditis aliquando non liceat.* 2. 4. 21.  
*Appetitus honestissimus & maxime naturalis est declinare malum.* 2. 1. 15. & 2. 20. 20.  
*Aptitudo juris species quid.* 1. 1. 17. *jus perfectum non tribuit* 2. 17. 4. *sed jus petendi juxta alios.* 2. 17. 5. & 6.  
*an Aquas corrumpere in bello licet.* 3. 4. 10.  
*Arbitri quotuplices sint.* 3. 12. 51. *quales consentantur electi ad bellum componendum. ib. an à tali arbitrio provocare liceat.* 3. 13. 52. *eorum officium.* 3. 13. 53.  
*Arbitrium aliquando pro deditio- ne.* 3. 13. 54.  
*ex Argumentis pluribus quale praeferi debeat.* 2. 23. 6  
*Aristocratia quid.* 1. 3. 27.  
*Arma hosti alicujus an per pacem licite subministrantur.* 3. 1. 5.  
*an Armis hostium ad eos decipiendos uti licitum sit.* 3. 1. 19.  
*Arrogatio quid.* 2. 5. 43.  
*Artium vocabula quomodo sint intelligenda.* 2. 16. 6.  
*Arx à vicino structa, quae damnum al quando dare possit, an justa sit belli causa.* 2. 22. 3. *an pacem amicitiae causa contractam rumpat.* 3. 13. 45.  
*Asscuratio ut subsistat, quid requiratur.* 2. 12. 35. *quomodo in ea aestimetur pretium.* 2. 12. 34.  
*Assertio quid.* 2. 11. 2. *quid ad eam requiratur.* 2. 11. 3.  
*Asyla quid sint.* 2. 21. 10. *quibus profunt.* 2. 21. 9.  
*Auctores belli injusti ad quid teneantur.* 3. 4. 15.  
*Audientia suadendi à potestate differt.* 1. 3. 35.  
*Aves an per universitatem occupatae* 2. 2. 20.  
*an avus teneatur alere nepotes.* 2. 7. 14.  
*Auxilia promissa mittere quando quis excusetur.* 2. 16. 31.  
*Auxilium, quamvis non promissum, an amicis debeatur.* 2. 25. 7. *ut in bello praestetur, saepe conveniri solet, & quale fedus sit.* 2. 15. 8. *cujus suntibus debeatur.* 2. 16. 13. *ex federatis pluribus inter se bellantibus, quibus debeatur* 2. 15. 2. *quando posteriori federato potius praestandum sit, quam priori.* 2. 16. 33. *hosti praestitum an justa sit belli causa.* 3. 1. 3. & 5. &

# I N D E X.

3. 3. 10.  
*Auxilium obsessis venisse, in pacto non faciendæ deditiois, quando dicatur.* 3. 16. 10. *justum quale dicatur.* ib.
- B.
- an Barbarorum non subditorum peccata punire, aliis regibus incumbat.* 2. 20. 35.  
*an Bella pro aliis geri possint.* 1. 5. 2.  
*Bella non debent suscipi, nisi ad juris consecutionem.* 1. 1. 3.  
*ad Bella injusta an ex fœdere quis obligetur.* 2. 15. 12. & 2. 25. 5.  
*Bellantium quodnam sit officium erga naturales.* 3. 10. 7. *an in eorum territorio castrum occupare possint.* 3. 10. 8.  
*quomodo Bellantes in pacis interpretatione maxime aquantur.* 3. 13. 12. & 13.  
*Bellare quando liceat.* prol. quæst. 5.  
*Belli gerendi potestas regi concessa de quo bello intelligenda.* 1. 4. 18.  
*Belli efficientes causæ principales quæ sint* 1. 5. 1. *adjuvantes.* 1. 5. 2. & 3. *instrumentales.* 1. 5. 4.  
*Belli causa quid sit.* 2. 1. 1. *quotuplex.* 2. 1. 2. *in omni bello requiritur justifica.* 2. 1. 3. *quid ad eam requiratur.* 2. 1. 4. *an sua-soria sufficiat.* 2. 22. 2. v. *Causa.*  
*Belli quæ sit prima justa causa.* 2. 1. 7.  
*Belli justa causa est rerum defensio.* 2. 2. 1.  
*Belli causæ justifiçæ an recte pu-*  
*blicentur.* 2. 26. 4.  
*Belli gerendi quis sit modus.* 3. 1-7.  
*Belli inditio quid.* 3. 3. 6. *conditionata & pura.* 3. 3. 7. *cur ad bellum solenne requiratur.* 3. 3. 11. *an requiratur, ubi jus legationis est violatum.* 3. 3. 12.  
*Belli effectus qui sint.* 3. 4. 1.  
*Belli solennis, sed injusti, effectus an justitia intrinseca justis esse possint.* 3. 4. 14.  
*Belli jure quinam occidi possint.* 3. 4. 3. & 16.  
*quando Belli exitus sortis alicui subijci possit.* 3. 13. 46.  
*Belli dux. v. Dux belli.*  
*in Bello an jus observetur.* 1. 1. 3.  
*an Bello quæ sita regis, an populi propria sint.* 1. 3. 41.  
*an Bello quis ad liberalitatem, gratiam, & similes virtutes præstancias cogi possit.* 2. 22. 11.  
*an Bello justo vitium ex animo gerentis accedere possit.* 2. 22. 12.  
*ex Bello justo quidem, sed temere suscepto, an rex teneatur subditis, & ad quid.* 2. 14. 2.  
*in Bello injusto an juxta possit esse subditorum defensio.* 2. 26. 8.  
*in omni Bello an requiratur denunciatio.* 3. 3. 5. & quare. 3. 3. 11.  
*in Bello justo an omnes justè occidi possint.* 3. 4. 16. *an innocentes, infantes, femine, senes, &c.* ib. & 3. 4. 17. *an captivi, ob-sides, &c.* ib.  
*an Bello non solenni res acquirantur.* 3. 6. 16. 4  
*Bello justo quantum quis consequatur.* 3. 13. 11.

in

# I N D E X.

- in Bello semper in pacem prospere-  
stantium.* 3. 18. 2.
- Bello capta. v. Capta.*
- in Bello quid liceat, v. quid Li-  
ceat.*
- Bellum quid sit. 1. 1. 1. an status  
naturalis, an subsidiarius. ib.  
quotuplex. 1. 1. 2. privatum  
prius est, ib. pacis causa geri  
debet. 1. 1. 3. & 3. 8. 3.*
- an Bellum jure naturæ aliquando  
justum esse possit. 1. 2. 1.*
- Bellum aliud publicum. 1. 3. 1. a-  
liud privatum. 1. 3. 2. aliud mix-  
tum. 1. 3. 4. quomodo publicum &  
privatum inter se differant. 2.  
1. 30. privatum an licitum post  
constituta judicia. 1. 3. 5. &  
6.*
- Bellum publicum solenne vel mi-  
nus solenne. 1. 3. 8. quid solen-  
ne. 1. 3. 9. quid minus solen-  
ne. 1. 3. 10. an & quando à mi-  
nore magistratu geri possit. 1.  
3. 11. & 14. an ad injuriam  
regi illatam vindicandam. 1. 3.  
12. an ex sola conjectura volun-  
tatis ipsius regis, vel ex spe eam  
facile vindicandi. 1. 3. 13.  
quid si in specie ea potestas ipsi  
fuerit concessa. 1. 3. 14. an ad  
tuendam plebem & exercendam  
jurisd. locum. 1. 3. 15.*
- Bellum sine causa justifica susce-  
ptum injustum est. 2. 1. 5.*
- Bellum penale an detur. 2. 1.  
6. & 2. 20. 34.*
- Bellum jussu ad defensionem citæ  
suscipitur. 2. 1. 8. quomodo in-  
veter p. peccato careat. 2. 1. 9.  
modo si periculum præsens. 2. 1.  
11. nec qualiscunque metus sus-  
ficit. 2. 1. 12. & 13.*
- an Bellum, ad imminuendam po-  
tentiam crescentem, licite in-  
feratur. 2. 1. 31. quid si de a-  
nimo nocendi conslet. 2. 1.  
32.*
- an Bellum pro iis qui jussu illud  
sunt promeriti, rectè suscipiatur.  
2. 1. 33.*
- an Bellum, oblata satisfactione,  
componi debeat. 2. 1. 34.*
- Bellum quando pro solo offensivo  
sumendum sit. 2. 16. 16.*
- Bellum justum est in eum; qui ad  
id causam dedit. 2. 17. 14.*
- an Bellum, ob legatos non admis-  
sos, jussu inferatur. 2. 18. 10.  
an ob eos violatos. 2. 18. 21. an  
ob sepulturam denegatam. 2. 19.  
13. an ad vindicanda delicta in  
Deum commissa. 2. 20. 36. an  
etiam ad, religionem propagan-  
dam 2. 20. 37. an in Christianos,  
quæ tales, vel in eos, qui le-  
gem Christi diversè interpretan-  
tur. 2. 20. 38.*
- an Bellum à populo subdito, ad li-  
bertatem pristinam vindican-  
dam, jussu suscipiatur. 2. 22.  
5. an ad imperium in homines,  
quasi naturaliter servos, acqui-  
rentium. 2. 22. 6. an ex spe con-  
cepta ex divinatorum vaticinio-  
rum explicatione. 2. 22. 10.*
- Bellum quot modis vitari possit. 2.  
23. 8. & seqq.*
- an Bellum utrinque possit esse ju-  
stum. 2. 13. 16.*
- Bellum, quamvis justa adsit cau-  
sa, non temerè suscipiendum. 2.  
24. per tot. ex quibus causis  
pro aliis jussu suscipiatur. 2. 25.  
1. & seqq. an pro subditis de-  
fendendis. 2. 25. 2. & seqq.*

an



# I N D E X.

3. 3. 10.  
*Auxilium obfessis venisse, in pacto non faciendæ deditiois, quando dicatur.* 3. 16. 10. *justum quale dicatur.* ib.
- B.
- an Barbarorum non subditorum peccata punire, aliis regibus incumbat.* 2. 20. 35.
- an Bella pro aliis geri possint.* 1. 5. 2.
- Bella non debent suscipi, nisi ad juris consecutionem.* 1. 1. 3.
- ad Bella injusta an exsulare quis obligetur.* 2. 15. 12. & 2. 25. 5.
- Bellantium quodnam sit officium erga naturales.* 3. 10. 7. *an in eorum territorio castrum occupare possint.* 3. 10. 8.
- quomodo Bellantes in pacis interpretatione maxime aquentur.* 3. 13. 12. & 13.
- Bellare quando liceat, pro. quest.* 5.
- Belli gerendi potestas regi concessa de quo bello intelligenda.* 1. 4. 18.
- Belli efficientes cause principales quæ sint* 1. 5. 1. *adjuvantes.* 1. 5. 2. & 3. *instrumentales.* 1. 5. 4.
- Belli causa quid sit.* 2. 1. 1. *quotuplex.* 2. 1. 2. *in omni bello requiritur justificata.* 2. 1. 3. *quid ad eam requiratur.* 2. 1. 4. *an suaforia sufficiat.* 2. 22. 2. v. *Causa.*
- Belli quæ sit prima justa causa.* 2. 1. 7.
- Belli justa causa est rerum defensio.* 2. 2. 1.
- Belli cause justificæ an recte publicentur.* 2. 26. 4.
- Belli gerendi quis sit modus.* 3. 1. 7.
- Belli inditio quid.* 3. 3. 6. *conditionata & pura.* 3. 3. 7. *cur ad bellum solenne requiratur.* 3. 3. 11. *an requiratur, ubi jus legationis est violatum.* 3. 3. 12.
- Belli effectus qui sint.* 3. 4. 1.
- Belli solennis, sed injusti, effectus an justitia intrinseca justis esse possint.* 3. 4. 14.
- Belli jure quinam occidi possint.* 3. 4. 3. & 16.
- quando Belli exitus sortis alee subijci possit.* 3. 13. 46.
- Belli dux. v. Dux belli.*
- in Bello an jus observetur.* 1. 1. 3.
- an Bello quesita regis, an populi propria sint.* 1. 3. 41.
- an Bello quis ad libertatem, gratiam, & similes virtutes præstantius cogi possit.* 2. 22. 11.
- an Bello justo vitium ex animo gerentis accedere possit.* 2. 22. 12.
- ex Bello justo quidem, sed temere suscepto, an rex teneatur subditis, & ad quid.* 2. 14. 2.
- in Bello injusto an justa possit esse subditorum defensio.* 2. 26. 8.
- in omni Bello an requiratur denunciatio.* 3. 3. 5. & *quare.* 3. 3. 11.
- in Bello justo an omnes justè occidi possint.* 3. 4. 16. *an innocentes, infantes, femine, senes, &c.* ib. & 2. 4. 17. *an captivi, obfides, &c.* ib.
- an Bello non solenni res acquirantur.* 3. 6. 16. 4
- Bello justo quantum quis consequatur.* 3. 13. 11.

in

# I N D E X.

- in Bello semper in pacem prospere-  
tandum.* 3. 18. 2.
- Bello capta. v. Capta.*
- in Bello quid liceat, v. quid Li-  
ceat.*
- Bellum quid sit.* 1. 1. 1. *an status  
naturalis, an subsidiarius.* ib.  
*quotuplex.* 1. 1. 2. *privatum  
prius est, ib. peccis causa geri  
debet.* 1. 1. 3. & 3. 8. 3.
- an Bellum jure naturæ aliquando  
justum esse possit.* 1. 2. 1.
- Bellum aliud publicum.* 1. 3. 1. *a-  
liud privatum.* 1. 3. 2. *aliud mix-  
tum.* 1. 3. 4. *quomodo publicum &  
privatum inter se differant.* 2.  
1. 30. *privatum an licitum post  
constituta judicia.* 1. 3. 5. &  
6.
- Bellum publicum solenne vel mi-  
nus solenne.* 1. 3. 8. *quid solen-  
ne.* 1. 3. 9. *quid minus solen-  
ne.* 1. 3. 10. *an & quando à mi-  
nore magistratu geri possit.* 1.  
3. 11. & 14. *an ad injuriam  
regi illatam vindicandam.* 1. 3.  
12. *an ex sola conjectura volun-  
tatis ipsius regis, vel ex spe eam  
feliciter vindicandi.* 1. 3. 13.  
*quid si in specie ea potestas ipsi  
fuerit concessa.* 1. 3. 14. *an ad  
tuendam plebem & exercendam  
jurisdictionem.* 1. 3. 15.
- Bellum sine causa iustificata susce-  
ptum injustum est.* 2. 1. 5.
- Bellum poenale an detur.* 2. 1.  
6. & 2. 20. 34.
- Bellum justè ad defensionem vite  
suscipitur.* 2. 1. 8. *quomvis in-  
vator peccato careat.* 2. 1. 9.  
*motio sit periculum præsens.* 2. 1.  
11. *nec qualiscunque metus jus-  
ficat.* 2. 1. 12. & 13.
- an Bellum, ad imminuendam po-  
tentiam crescentem, licite in-  
feratur.* 2. 1. 31. *quid si de a-  
nimo nocendi constet.* 2. 1.  
32.
- an Bellum pro iis qui justè illud  
sunt promeriti, rectè suscipiatur.*  
2. 1. 33.
- an Bellum, oblata satisfactione,  
componi debeat.* 2. 1. 34.
- Bellum quando pro solo offensivo  
sumendum sit.* 2. 16. 16.
- Bellum justum est in eum; qui ad  
id causam dedit.* 2. 17. 14.
- an Bellum, ob legatos non admis-  
sos, justè violatos.* 2. 18. 10.  
*an ob eos violatos.* 2. 18. 21. *an  
ob sepulturam denegatam.* 2. 19.  
13. *an ad vindicanda delicta in  
Deum commissa.* 2. 20. 36. *an  
etiam ad, religionem propagan-  
dam.* 2. 20. 37. *an in Christianos,  
qui tales, vel in eos, qui le-  
gem Christi diversè interpretan-  
tur.* 2. 20. 38.
- an Bellum à populo subdito, ad li-  
bertatem pristinam vindican-  
dam, justè suscipiatur.* 2. 22.  
5. *an ad imperium in homines,  
quasi naturaliter servos, acqui-  
rendum.* 2. 22. 6. *an ex spe con-  
cepta ex divinatorum vaticinio-  
rum explicatione.* 2. 22. 10.
- Bellum quot modis vitari possit.* 2.  
23. 8. & seqq.
- an Bellum utrinque possit esse ju-  
stum.* 2. 13. 16.
- Bellum, quamvis justa adsit cau-  
sa, non temerè suscipiendum.* 2.  
24. *per tot. ex quibus causis  
pro aliis justè suscipiatur.* 2. 25.  
1. & seqq. *an pro subditis de-  
fensendis.* 2. 25. 2. & seqq.

# I N D E X.

- an pro hominibus infirmis.* 2. 25. 8.
  - an Bellum pro sola mercede geri possit.* 2. 25. 10. *an per homines improbos.* 2. 26. 5. & 3. 1. 24.
  - Bellum justum aliquando pro solenni.* 3. 3. 1. *vel quoad effectus externos.* 2. 23. 16.
  - ad Bellum solenne quæ requirantur.* 3. 3. 3. & 4. *cur gentes in eo denuntiationem requirant.* 3. 3. 11.
  - an Bellum utrimque indici debeat.* 3. 3. 8. *an simul atque indictum est, geri possit.* 3. 3. 9. *quibus indictum censeatur.* 3. 3. 10. *an etiam hostis nostri subditis & sociis.* ib.
  - an Bellum, ob missa hosti auxilia gerendum, novam indictionem requirat.* 3. 3. 10.
  - Bellum privatum aliquando nascitur occasione belli publici.* 3. 11. 6.
  - ante Bellum debita an eo superveniente tollantur.* 3. 13. 17.
  - an Bellum in piratas per pacem licitum sit.* 3. 13. 38.
  - quomodo Bellum per arbitros componatur.* 3. 13. 15. & seq.
  - Bellum finire qui possint.* 3. 15. 8.
  - Bellum pro sociis. v. Sociis. pro Amicis. v. Amicis.*
  - Beneficentia cedit gratitudinis debito.* 2. 16. 33.
  - an Beneficia à principibus concessa revocari possint.* 2. 14. 20.
  - an Beneficium, tunc concessum, alteri sine causa negari possit.* 2. 2. 47.
  - Beneficium nemini debet esse damnosum.* 2. 12. 9.
  - Bona, quibus naturaliter relicta censeantur.* 2. 7. 15. 17. & seqq.
  - Bona vera & imaginaria, quæ.* 2. 20. 26.
  - an Bona subditorum ex factio civitatis obligentur.* 3. 2. 9.
  - Bona transeunt simul cum oneribus.* 3. 2. 9.
  - Bona innocentum an bello justè capiuntur.* 3. 6. 19.
  - Bona regni, an à rege alienari possint.* 3. 13. 7.
  - Bruta an sint capacia juris naturalis.* 1. 1. 36.
- C.**
- an Capitatio exteris, ut civibus rectè imponatur.* 2. 2. 36.
  - Capta in bello cui cedant.* 3. 6. 1. *an singulis acquirantur, an, cuius auspiciis bellum geritur.* 3. 6. 6. 7. & seqq.
  - Capta ultra debitum modum, an justè retineantur.* 3. 6. 17.
  - Capta bello injusto, an retinenda.* 3. 9. 20. *restituenda, & à quibus.* 3. 4. 14. & 15. & 3. 9. 20.
  - Capta post pacem factam, an reddenda.* 3. 13. 21.
  - Capti in bello, an populi, an singulorum capientium fiant.* 3. 7. 6. *bello injusto capti, an aufugere possint, & res suas victori, citra furtum, auferre.* 3. 7. 7. & 8.
  - Captis in bello parcendum.* 3. 4. 17.
  - an Captivi aut supplices jure talionis interfici possint.* 3. 4. 7.
  - cur Captivo in servitutem redigantur.* 3. 7. 1. & 10. *an omnes indistinctè.* 3. 7. 2. *an isti, qui facto suo apud hostes deprehensi.* 3. 7. 2. *eorum res, etiam non apprehensæ, an victori acquirantur.*

# I N D E X:

- tur.* 3. 14. 31. quo jure ipso-  
 rum posteri servi fiant. 3. 7. 3.  
*Captivi promissio de redeundo in*  
*carcerem, an valeat.* 3. 16. 6.  
*Captivitas modus acquirendi.* 2. 8.  
 11. ejus effecta. 3. 7. 4.  
*an Captivorum redemptio justè pro-*  
*biberi possit.* 3. 14. 27.  
*circa Captivus quia obtineat, ubi*  
*servitus non est recepta.* 3. 7. 10.  
 & 15.  
*an Captivus redemptionis pretium*  
*pluribus debere possit.* 2. 14. 29.  
*an Captivus, ut alterum libera-*  
*ret, dimissus, eò mortuò, in*  
*carcerem redire debeat.* 3. 14.  
 33.  
*Captus an alteri se dedere possit.*  
 3. 16. 8.  
*Cartel quid.* 3. 7. 10.  
*Casus in emtione & locutione, ad*  
*quem pertineat.* 2. 12. 30.  
*quando Casus à lege vel pacto, u-*  
*niversaliter concepto, censetur*  
*exceptus.* 2. 16. 33.  
*Causæ dispensandi quæ.* 2. 20. 23.  
 & 24.  
*Causæ impellentes quomodo in de-*  
*licto examinentur.* 2. 20. 26.  
*quomodo astrahentes.* 2. 20. 27.  
*Causæ belli injustæ.* 2. 22. 1. quo-  
 tuplices sint. 2. 22. 2. quæ ad  
 eas referantur. 2. 22. 3.  
*Causæ belli iudicæ.* 2. 23. 1. quæ  
 sit ejus incertitudinis causa. 2.  
 33. 2.  
*Causæ subnascentes in bello.* 3. 1.  
 3. & 3. 6. 18.  
*Cautio innoxia, qualis adversus*  
*metus incertos adhibenda sit.*  
 2. 1. 31.  
*Celari quæ possunt in contradibus.*  
 2. 12. 11. & seqq.
- Certamen singulare v. Duellum.*  
*Certamina determinato numero,*  
*an licita. v. Prælia.*  
*Cicatrices an æstimari possint.* 2.  
 17. 12.  
*Cives, an à civitate recedere pos-*  
*sint.* 2. 5. 36. *an ipsis hoc pro-*  
*biberi possit.* 2. 5. 37. & 38.  
*an gregatim discedere.* 2. 5. 39.  
*an quolibet tempore civitati re-*  
*munerare.* 2. 5. 40.  
*Civis innocens, qui ab hoste depo-*  
*scitur, an deserendus sit.* 2. 25.  
 3. *an hosti tradendus.* 2. 25. 4.  
*Civitas, quid.* 1. 3. 20. *est sub-*  
*jectum majestatis. ib. an jus ha-*  
*beat in exules.* 2. 5. 4.  
*an Civitas invito alienari possit.*  
 2. 6. 6. *an ad totum corpus con-*  
*servandum.* 2. 6. 7. & propter  
 utilitatem & necessitatem pu-  
 blicam. 2. 6. 11. *an à toto cor-*  
*pore pro lubitu recedere.* 2. 6.  
 8. *à corpore separata, an pri-*  
*mæcum jus consequatur.* 2. 6.  
 10.  
*Civitas, quot modis intereat.* 1. 3.  
 21. & 2. 9. 3. & 4. *quomodo*  
*interitu corporis.* 2. 9. 5. *quo-*  
*modo interitu speciei.* 2. 9. 6. *an*  
*per imminutionem civium.* 2. 9.  
 7. *an per migrationem.* 2. 9. 8.  
*an mutata regiminis forma.* 2.  
 9. 9. *an per hanc mutationem*  
*ejus debita exstinguantur.* 2. 9.  
 10. & 11. *an alteri unita in-*  
*tereat.* 2. 9. 12. *an bello sub-*  
*acta.* 3. 8. 1.  
*Civitas quomodo dividatur.* 2. 9.  
 13. *aliquando in partes scindi-*  
*tur.* 2. 18. 6.  
*an Civitas ex indigni magistratûs*  
*electione, adversus mandata-*  
rium

# I N D E X.

- rium agere possit.* 2. 17. 6.  
*an Civitas etiam injusta, sit ci-*  
*vitas, & quamdiu talis ma-*  
*neat.* 3. 3. 3.  
*an & quando Civitas ex facto*  
*privatorum teneatur.* 3. 13. 32.  
 & 33.  
*Civitates plures federatæ singu-*  
*le majestatem retinent.* 1. 3. 25.  
*Civitates, quo sensu dicantur im-*  
*mortales.* 2. 9. 3.  
*Civitates, quomodo puniantur.* 2.  
 21. 13. & seq.  
*Civitates desicentes an per fœdus*  
*liceat recipere.* 3. 13. 45.  
*an Civitati ex rebus, à privato in*  
*bello captis, aliquid reddi de-*  
*beat.* 3. 11. 4.  
*Civitatis jus ad se tuendum ma-*  
*jus est, quam corporis in civi-*  
*tatem.* 2. 6. 9.  
*pro Civitatis debito an nondum*  
*nati teneantur.* 3. 7. 14.  
*Civitatis jura an mediante impe-*  
*rio victori acquirantur.* 3. 8.  
 3. & 4.  
*Clementia victori utilis.* 3. 5. 3.  
 8. 3. 10.  
*Cogendi jus an superiori tantum*  
*competat.* 1. 3. 48. & 2. 14. 11.  
*Cogitatio an puniri possit.* 2. 20. 20.  
*per Colloquium quomodo evitetur*  
*bellum.* 2. 23. 9. *an partes per*  
*se potius, quam per legatos con-*  
*veniant.* 2. 23. 10.  
*Colloquium petens aut concedens ad*  
*quid teneatur.* 3. 17. 1.  
*an Colonia ab origine sua semper*  
*dependeat.* 2. 9. 13.  
*Comitia ordinum, an ubique idem*  
*jus habeant.* 1. 3. 35.  
*Commeandi jus. v. Jus comme-*  
*andi.*  
*Commercium an impedire liceat.* 2.  
 2. 35. *an pactis & fœderibus*  
*stabilienda.* 2. 15. 7.  
*an Compensari possit id, quod bel-*  
*lo causam dedit, aut quod bel-*  
*li jure factum est.* 3. 12. 14.  
*ad Compensationem quid requira-*  
*tur.* 3. 12. 13.  
*per Compromissum quomodo vite-*  
*tur bellum.* 2. 23. 11. *an arbi-*  
*tri sententiæ eo in casu partes*  
*stare cogantur.* 2. 23. 12.  
*an Concubinitus sit verum ma-*  
*trimonium.* 2. 5. 22.  
*Conditio, si res eodem maneat*  
*loco, an omni promisso adjuncta*  
*conferatur.* 2. 16. 29.  
*Conditiones pacti dubiæ, contra*  
*quem sint interpretandæ.* 3. 13.  
 28.  
*Conditionis defectus an fidem li-*  
*beret.* 3. 12. 12.  
*Conductus salvus. v. Jus comme-*  
*andi.*  
*Confiscatio bonorum, ob delicta pa-*  
*terna, an respectu liberorum pœ-*  
*na sit.* 2. 21. 8.  
*Conjecturæ ad interpretationes*  
*quandoque necessarie.* 2. 16. 17.  
*unde fiuntur.* 2. 26. 8. & 23.  
*Conjuncta quando ad interpretatio-*  
*nem adhibenda.* 2. 15. 9. *quo-*  
*tuslibet. ib.*  
*an Conscientia erronea obliget.* 2.  
 23. 3.  
*ex Consensu an quis teneatur ad*  
*damnum datum.* 2. 17. 8.  
*an Consensus per tertium interponi*  
*possit.* 3. 11. 35.  
*Consensus summæ potestatis unde*  
*colligatur.* 2. 21. 4. & 3. 15. 3.  
*Conservatio sui à natura commen-*  
*data.* 1. 2. 1. & 2.

Consa-

# I N D E X.

- Confociatio**, quomodo à subjectione differat. 2. 5. 11.
- Constituens non semper est superior constituto.** 1. 3. 32.
- Consuetudo & facilitas præcipua sunt ad delinquendum invitamento.** 2. 20. 32.
- in Contractibus servanda est æqualitas.** 2. 12. 8. **an etiam in contractibus beneficis.** 2. 12. 9. v. æqualitas.
- in Contractibus indicanda rei vitia.** 2. 12. 11. **an omnia,** 2. 12. 13. **an & alia extra rei substantiam posita.** 2. 12. 12.
- Contractibus invasorum an populi teneantur.** 2. 14. 21.
- Contractus, quid.** 2. 12. 1. **quomodo differat à pacto.** 2. 12. 2. **est vel verus, vel quasi contractus.** 2. 12. 3. **nominatus, vel innominatus.** 2. 12. 4. **realis, verbalis, literalis, consensualis.** 2. 12. 5. **innominati quotuplices.** 2. 12. 6. **bilaterales, unilaterales, onerosi, benefici, bonæ fidei & stricti iuris.** 2. 12. 7.
- Contractus, quomodo confirmari solent.** 2. 13. 1.
- Contractus, juramento confirmatus, an ob enormem læsionem rescindi possit.** 2. 13. 24.
- Contractus regis cum subditis, an bis actionem pariat.** 2. 14. 11.
- an Contractus regum leges sint.** 2. 14. 14. **an iis teneantur successores.** 2. 14. 15. **an interpretandi ex jure Romano.** 1. 16. 35.
- Contractus regum, an populum obligent, & populi liberi contractus an regem.** 2. 14. 16.
- an Contractus, ad publicam perniciem vergens, obligationem producat.** 2. 14. 18.
- an Contractus regum, ad alienationem regni vel ejus partis pertinentes, valeant.** 2. 14. 19.
- ad Contractus perfectionem an necessario requiratur scriptura.** 2. 16. 34.
- ad Contrahendum an quis cogi possit.** 2. 12. 14.
- Controversia de re bello capta, apud populum pacatum orta, quomodo sit componenda.** 3. 6. 14.
- Conventiones publicæ, quid.** 2. 15. 1. **quotuplices.** 2. 15. 2.
- Corpora mortuorum sepelienda.** 2. 19. **per tot. non sunt malè tractanda.** 2. 5. 5.
- an Corpora maleficorum à magistratu ad anatomiam tradi possint.** 2. 19. 12.
- Corpus, quomodo intereat.** 2. 9. 5.
- an Creditor propria auctoritate invito debitori debitum auferre possit.** 2. 7. 4. **quid, si per judicem obtineri non possit.** 2. 7. 5.
- ex Culpa, an & ad quid aliquis obligetur.** 2. 17. 1. & 2.
- Curatores regni, an summum imperium babeant.** 1. 3. 38.
- D.
- Damna bello data, an in pace remissa censeantur.** 3. 13. 16.
- Damnatos inter se committere, ut de vita pugnent, an justum sit.** 2. 1. 28.
- in Damni dati æstimatione quid consideretur.** 2. 17. 7.
- ex Damno injuria dato qualis or-**

# I N D E X.

- riatur obligatio. 2. 17. 2.
- de Damno dato qui teneantur.* 2. 17. 8. & 9. quo ordine conveniantur. 2. 17. 10. quid, si plures damnum dederint. 2. 17. 11. an etiam teneantur de consequentibus, & quae sint consequentia. 2. 17. 12.
- de damno, etiam iusto bello dato, an, & quando teneatur miles.* 3. 11. 7.
- Dammum injuria datum, quid.* 2. 17. 1.
- ad Dammum datum refundendum, an teneatur is qui dolose alium ad contrahendum adigit.* 2. 17. 13.
- Dammum à militibus datum, quando superiores obliget.* 2. 17. 16. à bestia vel mancipio datum, an dominum obliget. 2. 17. 17.
- Dammum adversus honorem & famam, quomodo detur & reparetur.* 2. 17. 7. 8.
- Dammum bello injusto datum, à quibus refundi debeat.* 3. 4. 14. & 15.
- Dammum civi jure eminentis domini datum, an à civitate rescari debeat.* 3. 13. 9. & 10. an damnum obsidi datum. 3. 13. 59.
- Debita civitatis, an mutata regiminis forma extinguantur.* 2. 9. 10. an propter ea teneantur subditi. 3. 7. 14.
- an Debita, aucte bellum orta, pace reniissa censeantur.* 3. 13. 17.
- Debita regis, an ad successorem pertineant.* 2. 14. 15.
- pro Debitis defuncti an bona obligata censeantur.* 2. 14. 15. cur de iis teneatur haeres, non verò de pena. 2. 21. 27.
- Dedere delinquentem an cogatur princeps, ad quem confugit.* 2. 21. 6. & 7.
- an Dediti, & non recepti ab aliis, cives maneant.* 2. 21. 8.
- Dediti sine conditione an justè occidantur.* 3. 4. 17.
- sponte Dediti an postliminio gaudeant.* 3. 9. 11.
- Deditio pura quale jus victori tribuat.* 3. 13. 54. quale tribuat conditionata. 3. 13. 55.
- de Deditis pure, à duce acceptis, an victor populus statuere possit.* 3. 15. 13.
- Defectio subditorum induciarum tempore, an valida sit.* 3. 14. 10.
- Defensio omni jure licita.* 2. 20. 16. an contra regem. 1. 4. 5. & seqq. an cum interfectione aggressoris. 2. 1. 8. an contra amentem, vel furiosum. 2. 1. 9. an cum periculo innocentis. 2. 1. 10.
- Defensio rerum, an justa sit alium occidendi causa.* 2. 1. 24.
- Defensio eorum, qui bellum sunt proneriti, an justa sit.* 2. 1. 33.
- Defensio subditorum, an in bello injusto justa esse possit.* 2. 26. 8.
- Defensio strenua, an justa sit captivum occidendi causa.* 3. 4. 8.
- an Defensio per pacem sit permissa, nec eam rumpat.* 3. 13. 36.
- Defunctis quomodo gratia reddatur*

# I N D E X

- sur in liberis.* 2. 7. 28.  
*in Deliberationibus politicis quæ  
 sint consideranda.* 2. 24. 3. &  
 seqq.  
*an Delicta omnia sint punienda.*  
 2. 20. 20. & seqq.  
*Delicta majora, an rectè remit-  
 tantur.* 2. 20. 22. *an ea quæ  
 per ignorantiam, vel per in-  
 firmitatem difficulter superabi-  
 lem, commissa sunt.* 2. 20.  
 24  
*ob Delicta majorum an puniendi  
 posterì.* 2. 21. 24. *an populus  
 verè subditus, ob delicta regis.*  
 2. 21. 25. & seqq.  
*in Delicto examinanda causa, quæ  
 impedit.* 2. 20. 26. *causa, quæ  
 retrahere debuit.* 2. 20. 27.  
 28. & *personæ aptitudo.* 2. 20.  
 29.  
*ex Delicto subditorum, an &  
 quando teneantur superiores.* 2.  
 21. 2. & seqq.  
*ob Delictum alterius, quomodo  
 quis damnum sentire possit.* 2.  
 21. 18. *quomodo ejus occasione  
 obligari.* 2. 21. 19. *an puni-  
 ri.* 2. 21. 23.  
*Delinquendi consuetudo, quomodo  
 spectetur in penarum impositio-  
 ne.* 2. 20. 32.  
*an Delinquentes à populo, apud  
 quem reperiuntur, eos deposcen-  
 tibus reddi debeant.* 2. 21. 7.  
*si non dedantur, secundum quæ  
 jura puniendi.* 2. 21. 11.  
*Delinquentes, an in dubio absol-  
 vendi.* 2. 23. 6.  
*Democratia quid.* 1. 3. 27.  
*an Deo ex juramento acquiratur  
 obligatio.* 2. 13. 12. *cur is  
 perjuros punias.* 2. 13. 13.  
*de Deo male sentientes an bello  
 justè petantur.* 2. 22. 4.  
*Dea potius obediendum, quam  
 hominibus.* 2. 26. 2.  
*Deponens in rei depositæ repetitio-  
 ne an præferatur domino.* 2.  
 10. 6.  
*Derelictum. v. Res derelictæ.  
 Desertores recipere, an sit contra-  
 jus belli.* 3. 1. 24.  
*Desertoribus promissam an servan-  
 dum.* 3. 12. 5.  
*quomodo Deus parentum peccata  
 in liberis puniat.* 2. 21. 16. &  
*regum peccata in populo.* 2. 21.  
 26.  
*an Dicere quis debeat omnia, quod  
 alteri utile est.* 2. 12. 12.  
*Dictator Romanus an habuerit  
 summum imperium.* 1. 3. 38.  
*Dies induciis adjectus, an inclu-  
 sus, an exclusus intelligatur.*  
 3. 14. 5.  
*Dimicatio singularis quando licita.*  
 2. 1. 27. *an rectè à ma-  
 gistratu duobus mortem meritis  
 permittatur.* 2. 1. 28. *non  
 concedenda ad vindicandas pri-  
 vatas injurias.* 2. 1. 29. v.  
 Duellum.  
*ad Disciplinam militarem servan-  
 dam tenentur duces bellici.* 3.  
 10. 7. *quomodo ea servari pos-  
 sit.* ib.  
*Dispensatio à pœna, an justa esse  
 possit.* 2. 20. 21. *an & ante  
 & post legem pœnalem latam.*  
 2. 20. 22. *differt ab æqua le-  
 gis interpretatione.* 2. 20. 23.  
*Dispensationis quæ sint justæ cau-  
 sæ.* 2. 20. 22. 23. 24. & 33.  
*Disimulatio, an licita.* 3. 1. 7.  
*an vindictæ remissæ sit signum  
 suffi-*



# I N D E X.

- sufficiens.* 3. 17. 4.  
*Divisio, an modus acquirendi dominium originarius.* 2. 3. 3.  
*Divortia an sint licita.* 2. 5. 17.  
*Dogmata nova, an ut metueda, semper probiberi debeant.* 2. 20. 38.  
*Dolo contrabens ad quid teneatur.* 2. 17. 13.  
*Dolus quotuplex.* 3. 1. 7. & 8. an in bello permissus. 3. 5. 6.  
*Domantialia bona an rex, sine consensu populi, alienare possit.* 2. 6. 16. an fructus ex iis perceptos. 2. 6. 17. an oppignorare. 2. 6. 18.  
*Domini jus in servum quousque se extendat.* 2. 5. 46. an ad jus vitæ & necis. ib.  
*Dominia & imperia quot modis desinant.* 2. 9. 1. & seqq.  
*Dominii origo.* 2. 2. 4.  
*in Dominio quid esse possit.* 2. 2. 16.  
*Dominium quid.* 2. 2. 9. vulgare & eminens. 2. 2. 10. unde hoc majestati competere probetur. 2. 2. 11. non datur, eo concessio, facultas grassandi in bonis privatorum, nec eorum dominium subalternum tollitur. 2. 2. 12. an se exserat in exterorum bona. 2. 14. 13.  
*Dominium stricte sic dictum, an homo statim acceperit, an vero jus res vacuas occupandi.* 2. 2. 5. ante multiplicatum genus humanum non fuit. 2. 2. 6. quomodo fuerit introduclum. 2. 2. 7. an ex sola aptitudine. 2. 17. 4. lege civili anteverti potest. 2. 2. 21. & 3. 6. 9. ut etiam peregrinos obliget. 2. 2. 22.  
*Dominium & imperium quomodo differant.* 2. 3. 6. & seqq.  
*ad Dominium acquirendum requiritur usus rationis.* 2. 3. 11. an infantes, furiosi &c. illud acquirere possint. 2. 3. 12. an illo per se uti. 2. 3. 13. an per alium acquiri possit. 3. 6. 6.  
*Dominium in alium transferre, juris est naturalis.* 2. 6. 2. ad illud transferendum quid requiratur in dante. 2. 6. 3. quid in accipiente. 2. 6. 4. an transferatur in eum, qui rem alienam, loco suæ sibi debite, cepit. 2. 7. 3. rerum fungibilium dominium, an sine consensu domini in alium transferri possit. 2. 10. 21.  
*Dominium externum quale.* 3. 6. 1. & 3. 9. 20.  
*Dominio deficiente, ad quem ejus res pertineant.* 2. 3. 22.  
*Dominium rei possessæ ignorans nemini eam dare tenetur.* 2. 10. 8.  
*Dominus, unde habeat jus in prolem servilem.* 2. 5. 47.  
*an Dominus in rei suæ repetitione preferatur deponenti.* 2. 10. 6. an obligetur ad damnum datum ab animali vel servo. 2. 17. 17.  
*in Donatione, quomodo verba donantis accipi debeant.* 2. 16. 12.  
*Donationes & alia beneficia, à principibus concessa, an semper revocari possint.* 2. 14. 20.  
*Dubitans de cause justitia, an* justè

# I N D E X.

*justè militet.* 2. 23. 4.  
*Dubitans de jure, quid facere debeat* 2. 23. 4. 5. *quid, si ab utraque parte probabilia allegentur argumenta.* 2. 23. 6.  
*Duella justissimè sub pœna mortis prohibentur.* 2. 10. 15. *an ad bellum vitandum permitti possint.* 2. 23. 13. v. *Dimicatio.*  
*Dux belli quis.* 3. 15. 1. *an teneatur de damno in bello injusto dato.* 3. 4. 15. *an de bello transigere & pacem facere possit.* 3. 15. 8. v. *Potestas minor.*

## E.

**E***brii, an ex promisso teneantur.* 2. 11. 7. *an ex delicto.* 2. 11. 8.  
*an Ecclesia jus habeat in populis hæcenus ignotos.* 2. 2. 9.  
*Electio, an sit titulus imperii, an verò modus ad id perveniendi.* 1. 3. 36.  
*Eligens indignum is, qui magistratus collationem habet, an reip. teneatur.* 2. 17. 6.  
*Emendatio peccantis primus est pœnæ finis.* 2. 20. 12.  
*ad Emendum an quis cogi possit.* 2. 12. 14.  
*Emens rem alienam bona fide, an eam domino, sine pretii repetitione, restituere debeat.* 2. 10. 16. & 17. *an eam venditori restituere possit, ut pretium servet.* 2. 10. 18.  
*Emere res ad vitam necessarias nemo prohibendus.* 2. 2. 42. *nisi ipsi ejus rei indigeamus.* 2. 2. 43.  
*Emtio, qualis contractus.* 2. 12. 4. *an à Rege, sine pretio fa-*

*cta, subsistat.* 2. 14. 10.  
*in Emptione quomodo transferatur dominium.* 2. 12. 26. *cur ea perfectè, ante dominii translationem, periculum rei venditæ ad emptorem pertineat.* 2. 12. 27.  
*Emtor rei, bello injusto captæ, an ad ejus restitutionem teneatur.* 3. 9. 21.  
*Errantes circa religionem an licitè puniantur.* 2. 20. 38.  
*Error, an promissum vitiet.* 2. 11. 12. & seq.  
*Error circa pretium, an in contractibus corrigi debeat.* 2. 12. 16.  
*Exercitores navis, an ex contractu magistri fringuli pro portione, an in solidum obligentur.* 2. 11. 27.  
*Exercitus, quid.* 2. 16. 6. *de eo in certum locum non ducendo, pactum quomodo intelligi debeat.* 2. 16. 18. *ejus insolita conscriptio an pacem rumpat.* 3. 13. 45.  
*Execratio. v. Juramentum.*  
*Exheredari; ne in regnum succedat, an filius possit.* 2. 7. 57.  
*Exheredationis quæ sint justæ causæ.* 2. 7. 17.  
*Exheredato filio an debeantur alimenta.* 2. 7. 17.  
*Exheredatus filius an tacitè aliquando censeatur.* 2. 7. 57.  
*Exploratores an mittere liceat.* 3. 4. 12.  
*ad Exsiliium an fidejussorio nomine quis obligari possit.* 2. 21. 21.  
*in Exsules an civitas aliquod jus retineat.* 2. 5. 41.  
*an Exsules alienos per pacem recipere liceat.* 3. 13. 15.

# I N D E X

*an Exteri teneantur legibus loci, in quo deprehenduntur.* 2. 2.

22. *an ad sua apud nos vendenda jus habeant.* 2. 2. 44.

*Exteri, apud hostes deprehensi, an pro hostibus habeantur.* 3. 4. 5.

*Exteris, sedibus suis pulsis, an concedenda perpetua habitatio.* 2. 2. 39. & seq. v. Peregrini.

## F.

**F**acta, *an sub iis comprehendatur non facta.* 2. 4. 4. ex Facto alieno *an naturaliter quis teneatur.* 3. 2. 9. *an ex facto singulorum teneatur civitas.* 2. 21. 2. & seqq.

*Facultas, juris species, quid sit.* 1. 1. 11. *quid sub se comprehendat.* 1. 1. 12. *quotuplex.* 1. 1. 13. *vulgaris.* 1. 1. 14. *eminentis.* 1. 1. 15. *quæ superior est vulgari.* 1. 1. 16.

*Facultas, omnibus hominibus competens ad actus aliquos exercendos, quotuplex.* 2. 2. 41. *absoluta seu simplex.* 2. 2. 42. & ex suppositione. 2. 2. 47.

*Fallere hostem an liceat.* 3. 1. 7.

*Falsiloquium, v. Mendacium.*

*Favorabilia, quomodo interpretanda.* 2. 16. 12. *in dubio censentur realia.* 2. 16. 10.

*Fera bestia per universitatem occupata.* 2. 2. 20. *ut tamen dominium earum ad territorium sit restrictum, nec in alieno vindicari possint.* 2. 2. 21.

*Fera occupata quamdiu censeantur nostræ.* 2. 8. 5. *quid, si adversis crepandis, dignosci pos-*

*sint.* 2. 8. 6. *quid ad earum occupationem requiratur.* 2. 8.

7. *an in sylva circumscripta versantes possideantur.* 2. 8. 8.

*sub Feudo concessio an continentur incrementa fluvialitia.* 2. 8. 14.

*an Feudi dominus vasallum invitum obsidem dare possit.* 3. 13. 58. *an Fidejussor se ad mortem obligare possit.* 2. 21. 20. *an ad membrorum mutilationem, ib. an ad exsilium.* 2. 21. 21.

*Fides, quid.* 3. 12. 1. *quotuplex.* 3. 12. 2. *hosti data an sit servanda.* 3. 12. 3. *an tyrannis, vel latronibus data, ib. an desertoribus & rebellibus.* 3. 12. 5. *an perfidis.* 3. 12. 10.

*Fides publica, quid.* 3. 13. 1. *quotuplex.* 3. 13. 2.

*Fides tacita, quid.* 3. 17. 1. *quousque extendenda.* 2. 17. 2. & seqq.

*an Fides privatim hosti data obliget.* 3. 16. 1. *an latroni & pirata data, ib.*

*Fides à summis potestatibus necessario servanda.* 3. 18. 1. *quæ Fides vim habeat juramenti.* 2. 13. 32.

*quando Fides absque perfidia liberetur.* 3. 12. 11. *quomodo compersuasio liberetur.* 3. 12. 13. *bonæ Fidei possessor, v. Possessor.*

*an Filius exheredato debeantur alimenta.* 2. 7. 17. v. Liberi. *an Filius à patre in regno exheredari possit.* 2. 7. 57. & 58.

*an Filius, patre jam rege natus, præferendus sit in successione filii*

- filio ante nato.* 2. 7. 62.  
*ad Finem quæ ducunt, in morali materia, estimationem suam accipiunt ab ipso fine.* 3. 1. 2.  
*Fines publici qui intelligantur.* 3. 9. 2.  
*Fiumen, ad quem pertineat.* 2. 2. 30. *an in illud jam occupatum alii homines jus habeant.* 2. 2. 31.  
*Fiumen, mutato alveo, an idem maneat.* 2. 3. 20. *an totum unius populi esse possit.* 2. 3. 21.  
*Fumina, an occupari possint.* 2. 3. 14.  
*Fuminis cursu mutato, an imperii fines mutantur.* 2. 3. 19. *an alveo mutato.* 2. 3. 20.  
*Fœdera quotuplicia sint.* 2. 15. 7. & 8. *inæqualia quotuplicia, & inter quos contrahi possint.* 2. 15. 9.  
*Fœdera, an morte regis extinguantur.* 2. 16. 20. *cum populo inita, an maneant, mutata regiminis forma.* 2. 16. 18.  
*Fœdera quæ sint favorabilia, quæ odiosa.* 2. 16. 19.  
*Fœderati inæqualiter an summum imperium habeant.* 1. 3. 52. *facile superioris potentia subiguntur.* 1. 3. 53.  
*an Federatus contra fœderatum defendi possit.* 2. 15. 12.  
*an Federatus à fœdere, quod alter violavit, licite discedat.* 2. 15. 14.  
*in Fœderibus, inprimis ad bellum gerendum initis, præsumitur ratio habita prudentiæ ac pietatis ejus, cum quo agitur.* 2. 16. 19.  
*Fœdus quid.* 2. 15. 3. *quinam il-  
 lud facere possint.* 2. 15. 4. *an tyrannus.* 2. 15. 5. *an rex regno pulsus.* 2. 15. 6.  
*Fœdus antiquius quando præferendum sit.* 2. 15. 12.  
*an Fœdus justè cum iis ineatur, qui à vera religione alicui sunt.* 2. 15. 10. *an cum atheis.* 2. 15. 11. *an finito tempore, tacite renovatum censetur.* 2. 15. 13.  
*Fœdus, ne injussu alterius bellum geratur, quomodo intelligendum.* 2. 16. 16.  
*Fœdus reale, quomodo distinguitur à personali.* 2. 16. 18. *an tale sit, ob personam regis frederi insertum.* 2. 16. 19. *in dubio quale præsumatur.* ib.  
*Fœdus cum rege initum, an ad regem regno pulsam extendatur.* 2. 16. 21. *an ad invasorem.* 2. 16. 22.  
*an Fœminæ ad regnorum successionem admittantur.* 2. 7. 52. *an Fœminæ impune occidantur in bello.* 3. 4. 5. *an justè.* 3. 4. 17.  
*Fœtus animalium, an ad dominum patris, an verò matris pertineat.* 2. 8. 15. *quid, si de patre constet.* 2. 8. 16.  
*Fratribus an debeat successio fratrum.* 2. 7. 28. & seq.  
*an Fructus sub rei restitutione contineantur.* 3. 13. 23.  
*Fuga hominis occisioni præferenda.* 2. 1. 21. *nec ignominiosa est.* 2. 1. 22.  
*Furem occidere quando liceat.* 2. 1. 24. & 25.  
*Furiis an dominium acquirere possint.* 2. 3. 12. *an illò per se.*

# I N D E X.

se uti. 2. 3. 13.  
*an Furtum semper committatur ,  
 rem alienam capiendā. 1. 1. 35.  
 & 2. 2. 23. & seqq.*

G.

**G**eneratio, quomodo tribuat jus  
 in personam. 2. 5. 1. & 2.  
 qui Gradus cognationis matrimo-  
 nium impediunt. 2. 5. 20. &  
 seq.

Gratia parentibus mortuis quo-  
 modo reddatur. 2. 7. 28.

Gratitudinis debitum majus est  
 debito beneficentiae. 2. 16. 33.  
*an quis ad eam armis cogi  
 possit. 2. 22. 11.*

H.

**H**abitatio perpetua exteris,  
 sedibus suis pulsis, con-  
 cedi debeat. 2. 2. 39.

Hæres repræsentat personam de-  
 functi. 2. 9. 15. *an ex jura-  
 mento defuncti obligetur. 2. 13.  
 25. an ex ejus facto. 3. 2. 9.  
 an ad pœnam delinquentis te-  
 neatur. 2. 21. 27. an ad debi-  
 ta. ib.*

Homicida injustus, ad quid te-  
 neatur occisi parentibus, uxori,  
 aut liberis. 2. 17. 12.

Homines liberi, an sint in com-  
 mercio. 1. 3. 30 & 40.

Homines ad mutuam, sibi in-  
 vicem præstandam, opem tenen-  
 tur. 1. 5. 3.

Hominum prehensio, quid. 3. 12.  
 4.

Homo ad pacem, non ad bellum  
 natus. prol. quæst. 1. unde  
 hoc probetur. qu. 2. cur tamen  
 tam pronus in bellum sit. qu. 4.  
*an Homo se ipsum interficere pos-  
 sit. 2. 19. 9.*

Homo liber, quando postliminio  
 redeat. v. Postliminio.

Honestum quid. 1. 1. 28. cur de-  
 terminetur ex natura societatis  
 humanae. 1. 1. 30.

Honor homini suum est. 2. 17. 3.  
*an & quomodo honor noster  
 lædi possit. 2. 17. 18. quomodo  
 reparari. ib. an quavis & à  
 quolibet injurias ferendo augeat-  
 tur. 2. 1. 19.*

Hostem quomodo lædere liceat. 3.  
 4. 3. *an indistinctè, non con-  
 siderata causâ justitia. ib. cur  
 hoc gentibus ita placuerit. 3.  
 4. 4. qui sub hac licentia læ-  
 dendi comprehendantur. 3. 4. 5.  
 an eum veneno tollere liceat. 3.  
 4. 9. an immisso percussere. 3.  
 4. 11. an in loco pacato occide-  
 re. 3. 10. 9.*

ad Hostem rediisse quis dicatur.  
 3. 16. 10.

an Hostes sepeliendi. 7. 19. 4.  
 & 5.

in Hostes licitum jus generosè re-  
 mittitur. 3. 1. 22.

apud Hostes deprehensi an servi  
 fiant. 3. 7. 2. *an in pace jus  
 postliminii habeant. 2. 9. 4*

an Hosti ex promissione jus oria-  
 tur. 3. 21. 50. *an ei menti-  
 ri liceat. 3. 1. 9. an privatim  
 nocere. 3. 11. 1. & 2.*

Hostibus subministrans res an  
 pro hoste habendus, & an res  
 intercipi possint. 3. 1. 5. quid,  
 si non ad hostem, sed ad ami-  
 cum vicinum, mittantur. 3.  
 1. 6.

Hostis, quis. 3. 3. 2. *an ejus in-  
 terfectio omni modo licita sit.  
 3. 1. 24. an ob strenuam de-  
 fen-*

# I N D E X.

- fensionem, & pertinax studium in partes, rectè occidatur.* 3. 4. 8. & 7.
- Hostium subditi, an ubique occidi possint.* 3. 4. 6. *an in solo pacato.* 19.
- I.
- I***dola hostium an violare liceat.* 3. 5. 4. *quid, si victores eadem religione teneantur.* ib.
- Impediens aliquem à petendo munere, ad quid teneatur.* 2. 17. 5.
- an Imperator Romanus universale imperium habeat.* 2. 22. 7. *an ad id vindicandum, justum bellum suscipiat.* ib.
- Imperia, quomodo possint esse in patrimonio.* 1. 3. 39.
- an Imperia non summa plenè haberi possint.* 1. 3. 43.
- Imperia sunt magna onera.* 2. 4. 11. *ut res alia aliquando derelicta præsumuntur.* ib. *an alienari possint.* 2. 6. 5. & 12. *an pro parte, & an partis alienandæ consensus requiratur.* 2. 6. 6. *an ad conservandum totum corpus.* 2. 6. 7. *an in feudum offerri.* 2. 6. 13. *an oppignorari.* 2. 6. 14.
- Imperia & dominia, quot modis desinant.* 2. 9. 1. *an per interitum familie regnatricis.* 2. 9. 2. *an amittantur delinquendo.* 2. 1. 17.
- Imperii summitas, an distingui possit ab habendi plenitudine.* 1. 3. 43.
- Imperii forma unde dignoscatur.* 1. 3. 56. & 57.
- Imperii subjecta, personæ & territorium.* 2. 3. 7.
- Imperii terminus, an fluminis cursum sequatur.* 3. 3. 19. & 20.
- Imperio injusto an sit obsequendum.* 2. 26. 2.
- sub Imperio; jure victoriæ acquisito, quæ comprehendantur.* 3. 1. 3. & 4.
- an omne Imperium ejus, qui regitur, causa comparatum sit.* 8. 3. 33.
- an Imperium summum diverso modo haberi possit.* 1. 3. 3.
- Imperium in populum devictum, jure victoriæ acquisitum, regi an populo acquiratur.* 1. 3. 41.
- Imperium summum, an & quomodo dividi possit.* 1. 3. 47. *an divisum intelligatur, si populus liber futuro regi aliquid impetret, vel facultatem eum cogendi retineat.* 1. 3. 48. *an si rex alia acta rata non velit, quam à senatu probata.* 1. 3. 51.
- Imperium summum an retineant ii, qui tributa solvunt.* 1. 3. 54. *an illi, qui nexu feudali tenentur.* 1. 3. 55.
- Imperium & dominium differunt.* 2. 3. 6. *hinc retineri imperium potest, assignato aliis dominio.* 2. 3. 8.
- Imperium loci occupatum sequitur dominium rerum ibi existentium.* 2. 3. 9. *nec propterea nova prohibitionè eas apprehendendi opus est.* 2. 3. 10.
- Imperium in maris partem, quot modis acquiri possit.* 2. 3. 17.
- Imperium, quod in rege est, ut in capite, manet in populo, ut in toto.* 2. 9. 9.
- imperium summum an habeat populi, quamvis injustè agent.*

# I N D E X.

- tes. 3. 3. 3. an cæcus latro-  
nam. ib. an, qui pro parte id  
habent. ib. v. Majestas.
- Imperium in victos quale acquiratur. 3. 8. 1. & 2.
- Imperium summum an comprehen-  
dat jus in bonis & actiones sub-  
ditorum. 3. 13. 56.
- Imperium paternum, quomodo à  
potestate patria differat. 2. 5. 5.  
patri & matri est commune. ib.  
ita tamen, ut patris imperium  
preferatur. 2. 5. 3.
- ob Inæqualitatem intervenientem,  
an juramentum, uti contra-  
ctus, rescindi possit. 2. 13.  
24.
- an Incorporalia belli jure acqui-  
rantur. 3. 7. 5.
- Indictio belli. v. Belli indictio.
- Inducia quid. 3. 14. 1. quotupli-  
ces. 3. 15. 2. an rectè dividantur  
in expressas & tacitas, ib.  
an differant à pace. ib. & q.  
4. à quo tempore obligent. 3.  
14. 6. an ad certa tantum loca  
restringi possint. ib. quot modis  
finiantur. 3. 14. 13. quomodo  
violentur. 3. 14. 14. an per pri-  
uatorum factum rumpantur. 3.  
14. 16. an à belli ducibus con-  
cedi possint. 3. 15. 9.
- an Induciarum tempore detur post-  
liminium. 3. 9. 11.
- quid per Inducias liceat. 3. 14. 7.  
an ire & redire. 3. 14. 8. an  
manea reficere & familia. 3.  
14. 9. an Inocentis hostium præ-  
sidiis, loca invadere. 3. 14.  
10. an loca derelicta occupare.  
3. 14. 11. an incustodita. ib.
- ætra Inducias, an competat jus  
concedendi, seu salvi condu-
- ctus. 3. 14. 7.
- Inducias finitis, an nova requi-  
ratur indictio belli. 2. 14. 3.  
an intra fines hosticas depre-  
bensus jus redeundi habeat. 3.  
14. 12.
- Inducias adjectum tempus, an ex-  
clusum, an comprehensum in-  
telligatur. 3. 14. 5.
- an Infantes dominium acquirere  
possint. 2. 3. 12. an illo per  
se uti. 2. 3. 13. an ex pro-  
missio obligentur. 2. 11. 6. an  
belli jure occidi possint. 3. 4. 5.  
& 17.
- Inferiores, quomodo circa causas  
belli agere debeant. 2. 26. 1.  
an invitè, ubi de injustitia  
causæ constat, ad bellum adigi  
possint. 2. 26. 2. quid, si du-  
bitent. 2. 26. 3. & 5.
- Injuria subito à principe illata,  
an toleranda, an vi repellenda.  
1. 4. 1. & 2.
- Injuria, socio aut subito illata,  
an pacem rumpat. 3. 13. 44.
- Injurie vindicta, à principe ne-  
glecta, an minoribus magistra-  
tibus permissa sit. 1. 3. 12.
- Injurias quasvis ferre, an virtus.  
2. 1. 20.
- Injustitia, quomodo æstimetur. 2.  
20. 27. eo major est, quo ma-  
jus alteri damnum inferitur. ib.
- Injustum, quid. 1. 1. 5.
- Innocentem insultans rex, an ipso  
facto Rex esse desinat. 2. 1. 17.
- an Innocentis aliquando non in-  
justè occidantur. 2. 1. 10. quo-  
modo circa propositum lædi pos-  
sint. 3. 1. 5.
- Insignia regia, an semper deno-  
tent regiam potestatem. 1. 3.

# I N D E X.

35.  
*Insula in flumine nata ad quem pertineat.* 2. 8. 12.  
*Interpretatio recta ad obligationem producendam adhibenda.* 2. 16. 1. quid sit. 2. 16. 2. quotuplex. 2. 16. 3. quæ sit ejus mensura. 2. 16. 4. ex quibus signis desumatur. 2. 16. 5.  
*Interpretatio verborum quomodo fiat.* 2. 16. 6. *an conjecturæ in ea locum habeant.* 2. 16. 7. *unde hæ conjecturæ desumantur.* 2. 16. 8. & 9.  
*Interpretatio extensiva & restrictiva.* 2. 16. 23. *an utraque æquæ facile admittenda.* 2. 16. 24. *extensiva, quando locum habeat.* 2. 16. 25. *restrictiva, unde petatur, & quando locum habeat.* 2. 16. 27. 28. 30. 31. & 33.  
*Interpretatio conditionum pacis, quomodo fieri debeat.* 3. 13. 11. *quæ maxime bellantes acquet quoad belli justitiam.* 3. 13. 12. & 13.  
*Interpretationis regulæ in non odiosis.* 2. 16. 11. *in favorabilibus.* 2. 16. 12. *in odiosis.* 2. 16. 13.  
*Invasio, an sit justus ad regnum perveniendi modus.* 2. 14. 21. & 22.  
*in invasorem regni quid liceat.* 1. 4. 19. *an ad jussum veri regis occidi possit.* 1. 4. 20. *an vi legis, ante invasionem in invasorem lateat.* 1. 4. 21.  
*an Invasores imperii populum obligare possint.* 2. 14. 21. *an fædera inire.* 2. 15. 5.  
*Inventio modus acquirendi.* 2. 8. 9. *an fiat solo visu.* 2. 8. 10.  
*an Inventionis titulo occupari possint ea, quæ ab aliis tenentur.* 2. 22. 4. *quid, si possessores sint barbari.* ib.  
*quæ sint Inventionis ad peccandum præcipua.* 2. 20. 31.  
*an Ira delictum excuset.* 2. 20. 29.  
*Irritum quid sit jure naturæ.* 2. 5. 18. *an id, quod vetitum est.* 2. 4. 24.  
*Itus, quando reditum comprehendat.* 3. 14. 21.  
*Judicare quis possit de controversa regni successione, rex, an populus.* 2. 7. 61.  
*post Judicia publica instituta, an bellum privatum licitè geri possit.* 1. 3. 5.  
*Judicio injusto damnatum qui dedit, ad quid teneatur.* 2. 17. 12.  
*Judicium, quot modis cesset.* 1. 3. 7.  
*in Juramentum inferiorum quale jus habeant superiores.* 2. 13. 29. *an eos ab iis absolvere possint.* 2. 13. 30.  
*Juramenti forma.* 2. 13. 17. *effectus.* 2. 13. 21.  
*Juramentis quæ sint affinis.* 2. 13. 32.  
*ex Juramento an Deo acquiratur obligatio.* 2. 13. 12. *an perjuros propterea puniat.* 2. 13. 13.  
*Juramento non præstito, quis fiat perjurus.* 2. 13. 25. *an is cui id remissum.* 2. 13. 27. *vel qui sub alia qualitate juravit.* ib.  
*Juramentum, cur exigatur.* 2. 13.



# I N D E X.

13. 2. quid sit. 2. 13. 3. quod-  
 tplex. 2. 13. 4. ejus requisi-  
 ta. 2. 13. 5.
- Juramentum an sit, si quis non  
 putans se jurare, verba juran-  
 tia proferat.** 2. 13. 7. quid, si  
 ea deliberato proferat, licet a-  
 nimo non jurandi. 2. 13. 9.
- Juramentum, dolo elicitum, an  
 obliget.** 2. 13. 10. an metu in-  
 justo extortum. 2. 13. 11. an  
 illud, quod est de re illicita. 2.  
 13. 14. vel quod impedit majus  
 bonum morale. 2. 13. 15. vel  
 de re impossibili. 2. 13. 16.  
 quid, si res pro tempore tantum  
 sit impossibilis. ib.
- Juramentum, ab execrationibus  
 & obtestationibus quomodo dif-  
 ferat.** 2. 13. 18.
- Juramentum per falsos Deos an  
 obliget.** 2. 13. 19. an Christi-  
 anis tale à Gentilibus exigere li-  
 ceat. 2. 13. 20.
- Juramentum latroni præstitum,  
 an sit servandum.** 2. 13. 21.  
 an hosti publico præstitum. ib.  
 an perjurio. 2. 13. 23.
- Juramentum an ab hærede præ-  
 stari debeat.** 2. 13. 25.
- Juramentum, ab altero remis-  
 sum, an obliget.** 2. 13. 27.  
 contra Juramentum factum, an  
 injustum tantum, an irritum  
 quoque sit. 2. 13. 28.
- Juramentum regum, an & à  
 quibus rescindi possit.** 2. 14.  
 8.
- an Jurans, si in mente sua obli-  
 gari non velit, tamen obligetur.**  
 2. 13. 8.
- Jurare per creaturas an liceat.** 2.  
 13. 18. an per alium Jurare,
- aut per literas. 2. 13. 26.  
 qui Jurare non possunt. 2. 13. 6.
- Jura quedam realia quo sensu di-  
 cantur.** 1. 1. 9.
- an Jura bello acquiri possunt.** 3.  
 8. 3.
- quale Jus in bello observetur.** 1.  
 1. 3.
- Jus naturæ & gentium omnes  
 homines obligat & semper.** 1.  
 1. 3. quomodo hæc duo jura dif-  
 ferant. 1. 1. 42.
- Jus, quot modis sumatur.** 1. 1. 4.  
 aliquando pro eo, quod justum  
 est. ib.
- Jus: pro qualitate morali sum-  
 tum, quid sit.** 1. 1. 8. quos-  
 plex. 1. 1. 10.
- Jus pro lege.** 1. 1. 20.
- Jus divinum.** 1. 1. 22. quodplex  
 1. 1. 23. morale. 1. 1. 25. po-  
 sitivum. 1. 1. 26.
- Jus naturæ, quid.** 1. 1. 27. an  
 detur. 1. 1. 31. quomodo probe-  
 tur. 1. 1. 32. hypotheticum. 1.  
 1. 33. absolutum. ib. est im-  
 mutabile. 1. 1. 34. videtur ta-  
 men mutari, propter materis  
 mutationem. 1. 1. 35. esse ali-  
 quid juris naturalis, quomo-  
 do probetur 1. 37. quedam e-  
 jus juris esse dicuntur redukti-  
 ve. 1. 1. 38. & abusive pro eo,  
 quod est honestum. ib.
- Jus Gentium, quid.** 1. 1. 39. an  
 à Deo. ib. cur id constitutum.  
 ib. communis inter omnes gen-  
 tes utilitas & necessitas ejus  
 est fundamentum. 1. 1. 41. quo-  
 modo probetur. 1. 1. 43.
- Jus Hebræum, quem usum ha-  
 beat in questionibus de jure  
 belli & similibus.** 2. 1. 44.
- Jus

# I N D E X.

*Jus humanum*, quid. 1. 1. 45. quos obliget, & an in decidende jure belli questionibus adhiberi possit. 1. 1. 46.

*Jus regium*, an 1 Sam. 8. v. 11, describatur. 1. 4. 3.

*Jus stipulae*. quid. 2. 2. 35.

*Jus uni populo concessum*, an & alteri concedi debeat. 2. 2. 47.

*Jus*, quomodo originarie acquiratur in personas. 2. 5. 1. in liberos, propter generationem. 2. 5. 2. quomodo propter consensum. 2. 5. 11. quomodo ex delicto. 2. 5. 50.

*Jus quaesitum subditis an princeps auferre possit*. 2. 14. 12.

*Jus non tantum ex solo belli principio spectatur, sed & ex causis subnascentibus*. 3. 1. 3.

*Jus*, quod ante bellum fuit, an eo superveniente tollatur. 3. 13. 18.

an *Jus*, ex vera inaequalitate natum, per pacem condonatum censeatur. 3. 13. 20.

*Jus commeandi, seu salvi conductus*, quid. 3. 14. 18. quotuplex. 3. 14. 19. an extra inducias competat. 3. 14. 17. militibus concessum, ad quos extendatur. 3. 14. 20. eo concessu, quid comprehendatur subito. 3. 14. 21. an abitu concessu, reditus comprehendatur. 3. 14. 22. patri vel marito concessum, an ad filium & uxorem pertineat. 3. 14. 23. an ad famulum. ib. an ad bona & comites. 3. 14. 24. eo, qui concessit, mortuo, an revocetur. 3. 14. 25. quid, si ad beneplacitum fuerit concessu, 3. 14.

26.

*Justitia expletrix*, quid. 1. 1. 18. attributrix. 1. 1. 19.

*Justitia*, quando dicatur denegata, quando malitiose protratta. 3. 2. 7.

*Justum aquatorium & rectorium*, quid. 1. 1. 6.

## L.

**L**atrocinari, an liceat. 2. 15. 7.

ex *Latrociniis non inibitis an magistratus teneatur*. 2. 17. 15.

an *Latrones jus legationis habeant*. 2. 18. 7. v. *Piratae*.

cum *Latronibus pactum an servari debeat*. 3. 12. 4. an iis promissum, in favorem tertii, qui metum non intulit. 3. 12. 6.

*Legati admittendi & non violandi*. 2. 18. 8. an omnes admittendi. 2. 18. 9. quae sint justae eos rejiciendi causae. 2. 18. 10. cur sint inviolabiles. 2. 18. 11. lex de iis non violandis an etiam eum obliget, per cujus territorium transeunt. 2. 18. 14. an jure civili populi, ad quem mittuntur, teneantur. 2. 18. 11. eorum comites an sint sancti. 2. 18. 16. an eos delinquentes punire possint. 2. 18. 17. an in aedibus suis habeant jus asyli. 2. 18. 18. an eorum bona, ad solutionem debiti, capi possint. 2. 18. 19. an jure repessalium capi. 3. 2. 13.

*Legationis jus*, ex quo jura fit. 2. 18. 3. quibus competat. 2. 18. 4. an istis, qui impari

# I N D E X.

- federe junguntur.* 2. 18. 5. an civitati, si inter se scindatur. 2. 18. 6. an rebellibus. 2. 18. 7.
- in Legatos debitores quale jus creditoribus competat.* 2. 18. 19. & 20.
- ob Legatum violatum an justè suscipiatur bellum.* 2. 18. 21.
- Legatus quid.* 2. 18. 1. quodplex. 2. 18. 2. an mittentem obliget. 2. 11. 25. an etiam contra arcana mandata. 2. 11. 26. an ab eo, ad quem missus est, puniri possit. 2. 18. 11. quid, si hostilia molliatur. 2. 18. 12. & 13 an jure talionis occidi, aut malé tractari possit. 2. 18. 15.
- Legitima liberis & parentibus debetur.* 2. 7. 32. an lege civili tolli possit. 2. 7. 10.
- Lege quot modis fiat acquisitio.* 2. 7. 1.
- Legem quis tollere possit.* 2. 20. 22.
- Leges civiles aliquando injustæ,* 2. 7. 1. & 2. 21. 24.
- Leges, de successione privatorum latæ, an etiam obtineant in successione principum.* 2. 7. 34.
- quæ Leges sint observandæ in contractu, in mari, aut in insulis vacuis celebrato.* 2. 11. 11.
- Leges coercitivæ, an circa Regum actus locum habeant.* 2. 14. 11.
- Leges prohibitivæ non semper sunt æquales.* 2. 16. 33.
- Leges humanæ interfectionem quorundam permittentes, an interfectores jus verum, an tantum impunitatem præstent.* 2. 1. 26. & 2. 20. 19.
- an Leges, quæ liberos ob erimen paternum damnant, justæ sint.* 2. 21. 24.
- Legislator, an lege sua teneatur.* 2. 20. 22. an eam impune abroget. ib.
- Lex, quid.* 1. 1. 20.
- Lex commissoria in delatione regni adjecita; quid operetur.* 1. 3. 46.
- Lex civilis, an peregrinos obliget.* 2. 2. 22.
- Lex de usucapione à principe lata, an ad ipsum jus imperii & ejus partes pertineat.* 2. 4. 18. an ad alia. 2. 4. 21.
- Lex aliquid vetans, an illud simul irritum faciat.* 2. 5. 24.
- Lex decalogi, de furto non faciundo, quid contineat.* 2. 10. 4.
- Lex de non resistendo superiori, an obliget in summo discrimine.* 1. 4. 5.
- Lex permissiva cedit præceptivæ; affirmativa negativæ; generalis speciali; lex inferioris legi superioris.* 2. 16. 33.
- Liberi, quale damnatum, occasione delicti paterni, sentire possint.* 2. 21. 22. an propterea puniri. 2. 21. 23. & 24.
- cur Liberi captivorum servi fiant.* 3. 7. 3. quo jure servi nascantur. 3. 7. 14.
- Liberis debentur alimenta.* 2. 7. 9. & quidem omnibus. 2. 7. 10. an semper. 2. 7. 11. & 18. an ab avo. 2. 7. 14. sic debetur ipsis successio. 2. 7. 8. &

# I N D E X.

**§ 15.** nisi justè exberedentur. 2. 5. 16. vel sint adulterini. 2. 5. 19. quomodo de eo constare possit. 2. 7. 20. quid si sint naturales. 2. 7. 22.  
**Liberorum distinctio in naturales & legitimos, an sit ex jure civili.** 2. 7. 44. an ad regum liberos pertineat. ib.  
**Libertatis desiderium in populo subdito, an justa sit belli causa.** 2. 22. 5.  
**quid liceat in bello, aut nude spectatur, aut ex promisso accedente.** 3. 1. 1.  
**quid liceat natura.** 3. 1. 2.  
**vox Licere quas significationes habeat.** 3. 4. 2.  
**quod licet in bello, ad quod bellum pertineat.** 3. 2. 1.  
**an licita sint quedam consequenter, quæ non licerent ex proposito.** 3. 1. 4.  
**Literatis in bello parcendum.** 3. 3. 17.  
**Locans pluribus operam, an à singulis mercedem in solidum exigere possit.** 2. 12. 31.  
**Locatio conductio convenit & differt ab emptione.** 2. 12. 30. cuius damno sint casus istum impediens. ib. sine certa mercede aut re facta an valeat. 2. 14. 10.  
**Locupletior ex re aliena factus, ad quid teneatur.** 2. 10. 9.  
**quando Locus in solo pacato situs occupari possit.** 2. 2. 27. ut tamen nihil, præter nudam custodiam, sumatur. 2. 2. 28.

M.

**M**agistratus minor, an & quando bellum gerere pos-

sit. 1. 3. 11. an contra superiorum. 1. 4. 4. an injuriam regi illatam, sed neglectam, persequi & vindicare possit. 1. 3. 12.  
**Magistratus latecincia non indubentes, ad quid teneantur.** 2. 17. 15.  
**Majestas, quid.** 1. 3. 16. cur dicatur summa potestas. 1. 3. 17. an & à quo ejus actus possint reddi irriti. 1. 3. 18. an rebus dividatur in realem & personalem. 1. 3. 24. & 29. an semper sit penes populum. 1. 3. 29. an à Deo. 1. 3. 30. an ex nomine & externa administrationis specie cognoscatur. 1. 3. 35. an ex delatione imperii per successionem vel electionem. 1. 3. 36. diverso modo haberi potest. 1. 3. 37. an possit esse in patrimonio. 1. 3. 39. aliquando optimatibus competit. 1. 3. 31. aliquando populo in populum. ib. 8.  
**Imperium.**  
**Majestatis subjectum, quotplex.** 1. 3. 19. subjectum commune. 1. 3. 20. & proprium. 1. 3. 26. cur hoc ita dicatur. 1. 3. 27.  
**Majestatis quot sine jura.** 1. 3. 28.  
**Majoratus, quid.** 2. 7. 54.  
**aa Malum declinandum qua fiunt, maxime excusabilia videntur.** 2. 20. 26.  
**Mandatarius, cui à rep. magistratus collatio est mandata, ad quid teneatur.** 2. 17. 6.  
**an Mandatum per æquivalens impleri possit.** 2. 16. 26.  
**Mandatum, an excuset executorem delicti.** 2. 17. 10.

ad

# I N D E X.

- ad Mandatum injustum an quis teneatur.* 2. 26. 2. quid, si de ejus justitia dubitet. 2. 26. 3.
- Mandatum de hoste persequendo, quotuplex sit.* 3. 11. 3.
- Mandatum excedens, ad quid teneatur.* 3. 15. 5.
- contra Mandatum arcanum agens mandatarius, an mandantem obliget.* 3. 15. 4. & 2. 11. 26.
- an Mare possit esse in dominio.* 2. 2. 14. & 17. an occupari. 2. 3. 14. in quibus partibus occupari possit. 2. 2. 15. & 16. an omne, an internum tantum, & quotisque. 2. 3. 15. an solo animi actu. 2. 3. 16. an per contractum, ne ibi ab alio navigetur. 2. 3. 18. quot modis pro parte acquiri possit. 2. 3. 17.
- an Mares in regnorum successio- nibus præferendi sint feminis.* 2. 7. 46.
- an Maritus habeat imperium in uxorem.* 2. 15. 14. an uxorem, in adulterio deprehensam, impune occidat. 2. 20. 19.
- Mater est certa.* 2. 7. 20.
- Matrimonia parentum cum liberis illicita.* 2. 5. 20. an cum cognatis & affinibus. 2. 5. 21. an inter civem & peregrinam, senatorem & libertam, servum & liberam. 2. 5. 23 non omnia sunt irrita, quæ lege humana prohibentur. 2. 5. 24.
- Matrimonii contrahendi libertas, an vicinis denegari possit.* 2. 2. 46. leges civiles, quæ exteris eam negant, quomodo sint intelligendæ. ib. an propterea jusse suscipiatur bellum. 2. 22. 3.
- Matrimonium quid.* 2. 5. 15. est consociatio maximè naturalis. 2. 5. 13. cui in ea imperium competat. 2. 5. 14. an irritum sit, deficiente parentum consensu. 2. 5. 18. an contrahi possit cum alterius viventis conjugæ. 2. 5. 19.
- Matrimonium ad Morgenaticam, quid.* 2. 5. 25. & 2. 7. 23. an licitum. 2. 7. 24. quæ rationes civiles tale matrimonium fudeant. 2. 5. 26. & 2. 7. 25. an in justum matrimonium mutari possit. 2. 7. 26.
- an Medici, ægrotis falsa dicentes, mentiri dicantur.* 3. 1. 20.
- Medii in bello, qui dicantur.* v. Neutrales.
- an Membri conservandi causa, o- lium occidere liceat.* 2. 1. 4.
- Mendacii natura in quo consistat.* 3. 1. 14.
- à Mendacio an excusetur, qui verbum in alia significatione sumsit.* 3. 1. 16.
- Mendacium, quid.* 3. 1. 8. & 14. quomodo à falsiloquio differat. 3. 1. 15.
- quibus non Mentiamur.* 3. 1. 19. & 20. an hostibus. 3. 1. 21. & 22.
- Mentiri & mendacium, dicere, quomodo differant.* 3. 1. 15.
- Mensura pretii, quæ.* 2. 12. 20.
- Mercatoribus in bello parcendum.* 3. 4. 17.
- an Merces, ad hostem missæ, in- tercipi possint.* v. Hostibus.
- ob Meritum, an quis à pena liberari possit.* 2. 20. 24.
- ex Metu commissum delictum, an excusari possit.* 2. 20. 29.

# I N D E X.

*adversus Metus incertos quale præsidium petendum sit*, 2. 1. 31.  
*an Metus promissum vitiet*, 2. 11. 15. & seqq. *an contractum*, 2. 12. 14.  
*Metus ex vicina potentia, an justa belli causa*, 2. 22. 3.  
*an Metus interveniens obligationem rescindat*, 3. 12. 9.  
*qui Metus in bello solemniter habeatur pro justo*, 3. 12. 9.  
*an Miles ex damno, per vastationem dato, teneatur*, 3. 11. 7.  
*Militare ob solum stipendium an liceat*, 2. 25. 10.  
*an Milites singuli ex bello captis nihil sibi acquirant*, 3. 6. 7. *an aliquid extra ministerium publicum facere possint*, 3. 6. 8. *quas res sibi acquirant*, 3. 6. 9.  
*Militum nomine qui intelligantur*, 3. 14. 20.  
*Ministris regis, iniquum mandatum exequentibus, an resistere liceat*, 1. 4. 8.  
*an Minores ex promisso teneantur*, 2. 11. 6.  
*in Minorum restitutione in integrum, quales leges observari debeant*, 2. 11. 10.  
*Moderatio in bello, ad quid proficit*, 3. 5. 10.  
*Monarchia, quid*, 1. 3. 27. *an universalis detur*, 2. 22. 8.  
*Monopolia, an sint licita*, 2. 2. 48. & 2. 12. 29.  
*an Mora in obligatione faciendi, intra breve tempus purgari possit*, 3. 13. 27.  
*Morari in territorio an peregrinis liceat*, 2. 2. 38.

*Morbi, an proprie sint pœnæ*, 2. 20. 4.  
*Mors mandantis an mandatum tollat*, 2. 11. 34.  
*Mortem meritis an magistratus rectè inter se committat*, 2. 1. 28.  
*quæ Mortis vitandæ causæ injuste fiunt, excusari possunt*, 2. 20. 26.  
*Mortui, an puniri possint*, 2. 19. 8.  
*Mortuorum corpora malè tractari non debent*, 3. 5. 5.  
*sub Meris an aliquando aggeres intelligantur*, 2. 16. 25.  
*Mutilatio membri. v. Membri. qui Mutilavit alium, ad quid teneatur*, 2. 17. 12.

## N.

**N***ati qui nondum sunt, quemodo jus suum amittere possint*, 2. 4. 17. *an pro debitis civitatis teneantur*, 3. 7. 14.  
*Naturæ prima, quæ*, 1. 2. 2. *an per se sufficiant ad probandum jus naturæ*, 1. 2. 3.  
*Naves, quando censeantur captæ*, 3. 6. 2.  
*Navis hostilis, etiamsi in ea innocentes sint, an tormentis peti possit*, 3. 1. 4.  
*Navigandi libertas, an pactis imminui possit*, 2. 3. 18. *an tale pactum occupationem maris doceat*, ib.  
*Naufragorum bona an justè publicentur*, 2. 7. 1.  
*Necessitas gravissima jus dat in res jam occupatas*, 2. 2. 23. *non tamen semper*, 2. 2. 24. *nec furtum ita committitur*, 2. 2. 25. *ut tamen, cessante necessitate*,

Pp      sita.

# I N D E X.

- fiute, restitutio fiat.* 2. 2. 26.  
*eodem jure locus in solo pacato occupari poterit.* 2. 2. 27. v.
- Locus.**
- Neglectus in puniendis subditis, quando in superiore præsumatur.* 3. 13. 33.
- Neutrales qui dicantur.* 3. 10. 3. qui tales esse possint. 3. 10. 5. in *Neutrali loco an alteruter belligerantium locum occupare possit.* 3. 10. 8. *an hostem occidere, vel res ejus capere.* 3. 10. 9.
- Naturalitas in bello, an utilis.* 3. 10. 1. *quid sit.* 3. 10. 2. *quotuplex.* 3. 10. 4. *an ad eum quis cogi possit.* 3. 10. 6.
- Neutrum quod sit officium erga bellantes, & an alterutri transitum concedere possint.* 3. 10. 10. *an arma & similia ipsis vendere.* 3. 10. 11. *an eos ad pacem inducere.* 3. 10. 12.
- Nomen regionis, per pacem restituenda, quomodo accipiendum.* 3. 13. 24.
- Nostrum, quibus ex causis, & quot modis, aliquid dicatur.* 2. 2. 2. & 2. 17. 3. *natura quid sit nostrum.* ib. *quid ex lege.* ib. *an ex sola aptitudine aliquid sit nostrum.* 2. 17. 4.
- Nostrum quomodo aliquid fiat acquisitione derivativa.* 2. 6. 1. *quomodo factio hominis.* 2. 6. 2. *quomodo lege.* 2. 7. 1.
- Nummus, qualis esse debeat.* 2. 12. 23. *an ex stanno, plumbo, papyro, vel simili materia.* 2. 12. 24. *an ejus valor, pro lubitu summum imperium habentis mutari possit.* 2. 12. 25.
- an Nivus interdum sit signum sufficiens voluntatis declarate.* 2. 11. 25.
- O.
- O**bedientia, *quando fit licita.* 1. 4. 1. & 2. 26. 2. & seqq.
- Obligari per alium an possimus.* 2. 11. 25. *an invitati.* 2. 17. 26.
- Obligari naturaliter & civiliter aliquis potest.* 2. 14. 11.
- Obligatio adversus nos nascitur ex rebus exstantibus vel non exstantibus.* 2. 10. 1. *quomodo ex rebus exstantibus.* 2. 10. 2. & non exstantibus. 2. 10. 9.
- Obligatio perfecta præfertur imperfectæ.* 2. 16. 33.
- qualis Obligatio ex damno dato oriatur.* 2. 17. 2.
- an quis, contra obligationem faciendo, se obligationis eximat.* 3. 13. 43.
- Objes, quis.* 3. 11. 57. *an etiam invitatus dari possit.* 3. 13. 56. *an vasallus.* 3. 13. 58. *an damnum ipsi datum à civitate rescircari debeat.* 3. 13. 59. *an interfici possit.* 3. 13. 60. *an servus fiat.* ib. *an aufugere possit.* 3. 13. 61. *in unam causam datus, an propter aliam retineri.* 3. 13. 62. *an eò, pro quo redimendo datus est, mortuus, liberetur.* 3. 13. 63. *an rege mortuo, à quo datus.* 3. 13. 64.
- Objessi, qui oppidi traditionem promiserunt, an præsidium dimittere possint.* 3. 15. 15.
- Obtestatio. v. Juramentum.*
- Occidere alium, ob membrum mutilatum, an liceat.* 2. 1. 14.

# I N D E X.

- an ad pudicitiam conservandam.* 2. 1. 15. *an ad vitandam aliam, aut malum simile.* 2. 1. 19. *an ad existimationem tuendam.* 2. 1. 23. *an ad res servandas.* 2. 1. 24. § 25.
- Occidi innocentes, ad servandam vitam, an possint.* 2. 1. 10.
- Occidi quando quis debeat potius, quam occidere.* 2. 1. 15.
- Occisio hominis per fugam vitanda.* 2. 1. 21. *nec ea ignominiosa est.* 2. 1. 22.
- Occisio sui ipsius, an licita.* 2. 19. 9. *quid, si quis videat, se viturum deinceps in probrum Dei.* 2. 19. 10. *an ad pudicitiam conservandam.* 2. 19. 11. *an ad vitandam hostium crudelitatem, tormenta vel mortem ignominiosam.* ib.
- Occupari que possint.* 2. 3. 6.
- Occupatio alia fit per universitatem, alia per singulos.* 2. 2. 19. *que per universitatem fiat.* 2. 2. 20.
- Occupatio, qualis fit modus acquirendi.* 2. 8. 2. *quot modis fiat.* 2. 8. 3. *quomodo venatione.* 2. 8. 4.
- Oliosa, que sint.* 2. 16, 10. *quomodo interpretanda.* 2. 16. 13. *in dubio sunt personalia.* 2. 16. 19.
- non Odiosa, vel odio carentia, quomodo interpretanda.* 2. 16. 11.
- an Onus promissioni perfecte adici possit.* 2. 11. 36.
- Operæ injunctæ, quando sint preme.* 2. 20. 3. *quomodo à servo exigenda.* 3. 7. 13.
- Opificibus in bello parcendum.* 3. 4. 17.
- Opiniones nova. v. Dogmata.*
- Oppidi traditionem qui promisit, an præsidium dimittere possit.* 3. 15. 15.
- quis Ordo naturaliter inter socios servetur.* 2. 5. 32.
- P.
- P***acatorum officium erga bellantes. v. Neutrales.*
- post Pacem factam capta, an reddi debeant.* 3. 13. 21.
- Pacem rumpere, & novam bello causam præbere, quomodo differant.* 3. 13. 30.
- an per Pacem se suaque defendere liceat.* 3. 13. 36. *an ultionem sumere, aut ablata recuperare.* 3. 13. 37. § 38.
- Pacem facere, cuius sit.* 3. 13. 4. *quando conveniat.* 3. 18. 8.
- Pacis conditiones quis primus quærere debeat.* 2. 13. 14. § 15. *quomodo sint interpretandæ.* 3. 13. 11.
- Pacis ruptura, quid.* 3. 13. 29.
- Pacta, cum extraneis à tutoribus legitime inita, an sub prætextu minoræ ætatis, à Rege rescindendi possint.* 2. 14. 6.
- Pacta ducum belli, quomodo interpretanda.* 3. 15. 12.
- Pacta cum hostibus inita, quomodo interpretanda.* 3. 16. 10.
- Pacta, à rege cum populo inita, de dividendo imperio, an sint servanda.* 3. 12. 7.
- Pacta privatorum cum hoste an valeant. v. Privati.*
- Pactio, in mari vel insula vacua facta, quo jure regatur.* 2. 11. 11.
- Pactio de restituenda re, an etiam*



# I N D E X.

- an contineant fructuum restitutionem.* 3. 13. 23.  
*Pactio se referens ad pacitionem præcedentem, quomodo accipienda.* 3. 13. 25.  
*quinam Pacitiones bellum finientes, inire possint.* 3. 13. 4.  
*Pacitiones de reddendis bello captis, quomodo interpretanda.* 3. 13. 22.  
*Pacitionibus publicis quæ res subiciantur.* 3. 13. 5.  
*Pactionum quæ sint accessiones.* 3. 15. 56.  
*an Pactis de statu puro in mixtum transiri possit.* 3. 12. 7.  
*Pactum & contractus quomodo differant.* 2. 12. 2.  
*Pactum dubitum, contra quem interpretandum.* 3. 13. 28.  
*Pactum de faciendo, quomodo interpretandum.* 3. 13. 26.  
*Pactum cum latrone initum, an sit servandum.* 3. 12. 4. *an cum hoste, de non militando factum.* 2. 26. 7.  
*per Pactum quando imperium, vel ejus pars, à rege alienari possit.* 3. 13. 6.  
*Pactum reale. v. Fœdus.*  
*Parentibus debetur reverentia.* 2. 5. 2. 6. & 18. *alimenta.* 2. 7. 12. & seq. *successio in bona liberorum.* 2. 7. 27. *quando iis impune non obediatur.* 2. 26. 2.  
*an Parere debeant subditi, ubi injustum est mandatum.* 2. 26. 2. *quid, si dubium.* 2. 26. 3. & 4.  
*Pars major universitatis an omnes obliget.* 2. 5. 28.  
*an Pars civitatis invita à corpore avelli possit.* 3. 13. 6.  
*Passionis malum, quid.* 2. 20. 3.  
*Pater, quis.* 2. 7. 21. *liberos coercere potest.* 2. 5. 7. *an vendere, oppignorare, & aliis in adoptionem dare.* 2. 5. 8. *an occidere.* 2. 5. 9. & 10. v. *Potestas patris.*  
*an Patriæ proditoribus sepultura debeat.* 2. 19. 12.  
*Patris imperium an præferatur imperio matris.* 2. 5. 3.  
*Paupertatis summæ vitanda causa quæ sunt injuste, an excusari debeant.* 2. 20. 26.  
*Pax, quid.* 3. 18. 3. *quætriplex.* 3. 18. 4. *quando censeatur tuta.* 3. 18. 5. *in dubio præferenda bello.* 2. 23. 7. *in bello semper spectanda.* 3. 18. 2. *quibusvis legibus facta servanda.* 3. 18. 9. *quot modis ruptatur.* 3. 13. 30. *quomodo faciendo contra id, quod in pace dictum est.* 3. 13. 40. *an violando minora ejus capita. id. quomodo faciendo, quod specialis pacis natura repudiat.* 3. 13. 44. *an censeatur rupta, si alter promissum implere non possit.* 3. 13. 42.  
*ex quibus actibus Pax, amicitie causa contracta, rupta censeatur.* 3. 13. 45.  
*an Pax, post læsam fidem ab altera parte, adhuc servari possit.* 3. 13. 43.  
*Pecunia, an res sterilis, & quo sensu ita dicatur.* 2. 12. 31.  
*Percussore immisso an hostem tcllere liceat.* 3. 4. 11. *cur deprensens percussores exquisitis supplicis afficiantur.* 3. 4. 12.  
*Perquellium liberi an jure bonæ*

# I N D E X.

- ribus excludantur.* 2. 21. 22.  
*Perigrini, sedibus suis pulsī, an in civitatem recipiendi.* 2. 2. 39. *an postulantibus iis certa loca concedenda.* 2. 2. 40. *in civitatem semel admissi an rursus ejici possint.* 2. 2. 43. v. *Exteri.*  
*an Perfidis fides sit servanda.* 3. 12. 10.  
*Periculum, quomodo aestimetur in Affecuratione.* v. *Assecuratio.* *rei venditæ, ad quem pertineat.* v. *Emtio.*  
*Perjurus quis fiat.* 2. 13. 25. *an is, cui juramentum remissum fuit, vel qui sub alia qualitate juravit.* 2. 23. 27. *cur Deus eos puniat.* 2. 13. 13.  
*Permissa cedunt præceptis.* 2. 16. 33.  
*Permittere se hostis arbitrio, quid significet.* 3. 13. 54.  
*Persona aptitudo, an in aestimatione delicti considerari debeat.* 2. 20. 29.  
*Pignora pactionum sunt accessiones.* 3. 13. 56. *in quibus cum obsidibus convenient & differant.* 3. 13. 65.  
*Pignorationes, quomodo à repressaliis differant.* 3. 2. 14.  
*Pignoris constitutione originariè non acquiritur.* 2. 3. 4.  
*an Pignus, ex alio superveniente dubio, retineri possit.* 3. 13. 65. *an perpetuo sui.* 3. 13. 66.  
*Pirata, an civitatem faciant.* 3. 3. 3. *que capiunt, an sua faciunt.* 3. 9. 16. *an jus legationis habeant.* 2. 18. 7. *ipsis juratum an servari debeat.* 2. 13. 24.  
*in Piratas omnis homo miles.* 2. 20. 18.  
*Piraticam non inbibentes magistratus, an teneantur.* 2. 17. 15.  
*Pisces, ad quem pertineant.* 2. 2. 20. *in stagno privato versantes, an occupati censcantur.* 2. 8. 8.  
*Pollicitatio, quid.* 2. 11. 4. *an promittentem obliget.* ib.  
*in Pollicitatione, civitati facta, cur non requiratur acceptatio.* 2. 12. 29.  
*Polygamia, an sit licita.* 2. 5. 16.  
*Pæna, quid.* 2. 20. 2. & 3. *in maleficos non tantum licita, sed & præcepta.* 2. 20. 5. *an ad assignatricem, an ad expletricem justitiam pertineat.* 2. 20. 6. *voluptatis tantum causa sumi non debet.* 2. 20. 10. *sed utilitatis causa, & quæ utilitates in ejus impositione consideranda.* 2. 20. 11. *an jultè tolli possit.* 2. 20. 21. *potius minuenda, quàm augenda.* 2. 20. 23.  
*à Pæna aliquem liberandi causa sunt vel intrinsecæ.* 2. 20. 23. *vel extrinsecæ.* 2. 20. 24.  
*in Pæna an exactè sit passio per delicto.* 2. 20. 30.  
*Pæna universitatis & singulorum quomodo differat.* 2. 21. 14.  
*Pæna quamdiu, ob universitatis delictum, exigi possit.* 2. 21. 15.  
*an Pæna, in violatores pacis imposita necessariò ab altero acceptari debeat.* 3. 13. 41. *an soluta jus bellandi tollat.* 3.

# I N D E X.

14. 15.  
 Penæ nomine an veniant incommoda ex adversa valetudine. 2. 20. 4.  
 Penæ finis internus & externus. 2. 20. 11. externus respicit (1) utilitatem lædentis. 2. 10. 12. à quibus imponatur 2. 20. 13. (2) utilitatem læsi. 2. 20. 14. quot modis obtineatur. ib. à quo. 2. 20. 15. & 16. (3) utilitatem quorumlibet. 2. 20. 17. à quo exigatur. 2. 20. 18.  
 ut Penæ rectè æstimationetur, consideranda delictum & utilitas ex penâ. 2. 20. 25. quæ in delicto sint consideranda. 2. 20. 26. v. in Delicto. an vita anterior simul in æstimationem veniat. 2. 20. 28. an personæ aptitudo. 2. 20. 29.  
 Penæ magnitudo, quomodo spectetur. 2. 20. 31.  
 ad Penam consequendam, an bellum sibi ipsi possit. 2. 20. 34. & seqq.  
 Penarum communicatio, quid. 2. 21. 1. quadruplex 2. 21. 2.  
 Penitentia vera requirit, ut is qui damnum dedit, id reparat. 3. 4. 14.  
 Populatio, quando iusta. 3. 5. 8. & 9.  
 Populi qui in alterius ditionem concesserunt, majestatem ambulant. 1. 3. 21.  
 Populi plures liberi, licet idem carui habeant, an singuli majestatem retineant. 1. 3. 22. unde hoc conflat. 1. 3. 23.  
 Populi interdum ob regionem peccata puniuntur. 1. 3. 33.  
 an Populi integri postliminio restitui possint. 3. 9. 12.  
 Populi & populorum partes an laudabiliter à victore restituntur. 3. 9. 22. quid, si jus sit ambiguum. 3. 9. 24.  
 Populus, an durante domo regnatrice majestatem habeat. 1. 3. 24. an semper sit supra regem. 1. 3. 29. 30. & 32. quomodo teneatur contractibus regis. 2. 14. 16. & invasoris. 2. 14. 21. & 22.  
 an Populus, in alium locum migrans, idem maneat. 2. 9. 8. an mutata regiminis forma. 2. 9. 10.  
 an Populus Romanus bodie idem sit, qui olim. 2. 9. 14.  
 Populus, qui se sponte alteri subjecit, an per pacem restituendus. 3. 13. 15.  
 in Possessione, in priorem statum restituendo, quale tempus inspiciendum. 3. 13. 14.  
 Possessor bonæ fidei rem possessam restituro tenetur. 2. 10. 2. etiam si eam dominus non reperit. 2. 10. 3. non verò, si perierit. 2. 10. 10. nisi ex iis factus fuerit locupletior. 2. 10. 9. sic fructus restituet. 2. 10. 11. an consumptos & percipientes. 2. 10. 12. quid, si talem rem donaverit. 2. 10. 13. an ex tali re donata semper censatur locupletior factus. 2. 10. 14. quid, si venderit. 1. 10. 15. an eam, bona fide emptam, sine repetitione pretii restituat. 2. 10. 16. etiam si hoc malo damnum incurrat. 2. 10. 17. an ad illud vitandum & pretium servandum, rem venditori restituere possit. 2. 10. 18.

Popl

# I N D E X.

- Postliminium, quid.* 3. 9. 1. *quod duplex.* 3. 9. 3. *an in pace obtineat.* 3. 9. 4. & 5. *an induciarum tempore.* 3. 9. 11. *an extra bellum locum habeat.* 3. 9. 18. *an hodie obtineat.* 3. 9. 19. *in quo consistat ejus temperamentum.* 3. 9. 20. 21. & 22.
- Postliminio qui redeant, qui recipiantur.* 3. 9. 3.
- Postliminio quando redeat liber homo.* 3. 9. 6. *an etiam, commercii ad suos redux, pristinum statum recuperet.* 3. 9. 7. *quid cum statu recuperet.* 3. 9. 8. *an etiam res à priori domino alienatas.* 3. 9. 9. *an jura in ipsum restituantur.* 3. 9. 10.
- an Postliminio gaudeant dediti.* 3. 9. 11. *an integri populi.* 3. 9. 12.
- Postliminio qui recipiantur.* 3. 9. 13. *quid ad id requiratur.* 3. 9. 10.
- in Postliminio quæ res sint.* 3. 9. 15. *an mobiles, an immobiles.* ib. *an res, quæ intra præsidia hostilia nondum fuerunt perductæ.* 3. 9. 16. *quæ omnia jure civili variè determinantur.* 3. 9. 17.
- Potestas patria, quid.* 2. 5. 4. *quomodo differat ab imperio paterno.* 2. 5. 6. & 7. *soli patri competit.* ib. *rectè distinguitur per certa temporis intervalla.* 2. 5. 6. *an per captivitatem extinguatur.* 3. 7. 5.
- an Potestate minore contrahens, an semper obligetur.* 3. 15. 6. *an conditiones, in ipsis man-*
- dato expressas, sequi debeat.* 3. 15. 4.
- Potestates minores in bello, quæ sint.* 3. 15. 1. *quot modis earum promissa considerari possint.* 3. 15. 2. *quando summam potestatem obligent.* 3. 15. 3. *quid, si fines mandati excedant.* 3. 15. 5. *quomodo eorum pacta sint interpretanda.* 3. 15. 12. 13. & 14.
- Potestas minor an inferiores potestates obliget.* 3. 15. 7. *an pacem facere possit.* 3. 15. 8. *an inducias dare.* 3. 15. 9. *an bello quæ sita alienare.* 3. 15. 10. *an nondum quæ sita condonare.* 3. 15. 11.
- Præceptum affirmativum cedit negativo.* 2. 16. 33.
- Præda, quot modis tribuatur.* 3. 6. 10. *an semper ex mera liberalitate concedatur.* 3. 6. 11. *cur sociis tribui soleat.* 3. 6. 12. *cur subditis.* 3. 6. 13.
- an Prælia, definito numero condicta, belli finiendi causa, permittenda sint.* 3. 13. 47. *quid in eo requiratur.* 3. 13. 48. *quid, si victoria certò probari non possit.* 3. 13. 50.
- Præmia, ad posteros cur transferant.* 2. 21. 17.
- Præmium cui debeat, si duo simul ad metam venerint.* 2. 16. 17.
- Præscriptio, quid.* 2. 4. 13. *obtinet in regnis.* 2. 4. 14. *neglegi tantum contra regem, sed & populo adversus regem, & vicissim, jus tribuit.* ib. *ex quo jure sit.* 2. 4. 15. *cur ad reges quoque pertineat.* 2. 4. 16. *an*

- non dum natis per eam præjudicari possit. 2. 4. 17. lex, de ea à principe lata, an ad imperium summum extendenda. 2. 4. 18.
- Pretium**, quid. 2. 12. 17. vulgare & eminent. 2. 12. 18. quot modis determinetur. 2. 12. 19. ejus mensura. 2. 12. 20. an omnibus rebus imponi possit. 2. 12. 21. cur mox augeatur, mox minuatur. 2. 12. 22. pretii eminentis materia, qualis esse debeat. 2. 12. 23.
- Pretium redemptionis**. v. Redemptio.
- Primas quis dicatur**. 2. 16. 17.
- Princeps**, quomodo rex summum cum imperio fieri possit. 2. 4. 14.
- Princeps**, cum subdito contrahens, quis leges observet. 1. 18. 11. bestilia in territorio amico tentans, an occidi possit. 2. 18. 13. v. Rex.
- quæ Principalia sint bellum finientis. 3. 13. 3.
- Privati**, in controversia de regno dubia, possessionem sequi debent. 1. 4. 25.
- an **Privati fide hosti data obligentur**. 3. 16. 1. quisque coram in paciscendo cum hoste potestas se extendat. 3. 16. 2. & 3. an his hæc facultas publice adimi possit. 3. 16. 4. & 5. an ad pacta, privatim cum hoste inita, servanda à magistratu cogi possint. 3. 16. 9.
- Privatorum jus ad penam**, an bello superveniente tollatur. 3. 13. 19.
- Promissa**, quomodo confirmari soleant. 2. 13. 1. sine causa à Rege facta, an servanda. 2. 14. 9.
- Promissa**, quoduplicia. 2. 16. 10. non odiosa quomodo interpretanda. 2. 16. 11. quomodo favorabilia & odiosa. 2. 16. 12. & 13. an omnia præsumantur conditionalia. 2. 16. 29. an quæ promissariis sunt inutilia, aut promittentibus nimis noxia, servari debeant. 2. 16. 32.
- Promissio perfecta**, quæ. 2. 11. 5. requirit usum rationis in promittente. 2. 11. 6. & 7. & ut res promissa sit in potestate promittentis. 2. 11. 18. vel in ea esse possit. 2. 11. 19.
- Promissio ex metu**, an sit obligatoria. 2. 11. 15. an ea, quæ in errore est fundata. 2. 11. 12. & 13. quid, si alterius dolus errori causam dederit. 2. 11. 14. quid, si cognito errore, promissor rem confirmet. 2. 11. 38.
- Promissio latroni facta**, an & quando sit servanda. 2. 11. 16. & 17.
- Promissio rei illicitæ** an valeat. 2. 11. 18. & 22. an facti alieni. 2. 11. 40. an de re impossibili facta. 2. 11. 20. quid, si post promissum factum, fiat impossibilis. 2. 11. 21. an ob causam naturaliter vitiosam facta obliget. 2. 11. 22. an ob causam ante contractum. 2. 11. 23. an sine causa facta. 2. 11. 24. an semper requirat causam expressam. 2. 11. 30.
- Promissio** requirit signum sufficientis voluntatis declarationis. 2. 11.

# I N D E X.

- II. 25. fieri potest per ministrum. ib. an is mandantem, contra voluntatem suam obligare possit. 2. II. 26. an per ministrum facta revocari possit. 2. II. 33. quid in dubio sequendum sit. 2. II. 34.
- Promissio ut valeat, est acceptanda.* 2. II. 28. an per tertium acceptari possit. 2. II. 35. an ante acceptationem obliget promittentem. 2. 16. 37. an ea ipsi innotescere debeat. 2. II. 30. an revocari possit ante acceptationem factam. 2. II. 31. an mortuus ante acceptationem promissarius. ib. an mortuus intervenit. 2. II. 32. an tabellarius mortuus. ib. quando posterior praeferatur priori. 3. 16. 33.
- Promissio captivi de redeundo in carcerem, an valeat.* 3. 16. 6. an de adversus hostem non militando. ib. an de non aufugienda. 3. 16. 7.
- Promissioni perfectae aliquandoONUS adjicitur.* 2. II. 36. etiam in commodum tertii. 2. II. 37.
- ex Promissis an naturaliter jus oriatur.* 2. II. 1.
- Promissum in bello solenni, an praetextu metus rescindi possit.* 3. 12. 8. an conditionale, deficiente conditione, servandum. 3. 12. 12.
- quomodo Promissum per compensationem rescindatur.* 3. 12. 13.
- Et quid ad eam requiratur.* ib.
- Et* 3. 12. 13.
- Proprietas v. Dominium.*
- ad Pudicitiam servandam, an quis occidi possit.* 2. I. 15.
- Pueri, quando ratione uti incipiunt.* 2. II. 9.
- Puniendae an sint cogitationes.* 2. 20. 20. an culpa minores. ib. an peccata, quae difficulter e civitate tolluntur. ib. an illa, quae ex communi naturae humanae corruptione resultant. ib.
- Puniendi jus cui competat.* 2. 20. 7. an innocenti. 2. 20. 8. an superiori aequè nocenti. 2. 20. 9.
- Puniendi potentia, quando in superiore praesumatur.* 3. 13. 33.
- R.
- R**aptor, ad quid teneatur. 2. 17. 12.
- Rebellibus fides data, an servanda.* 3. 12. 5.
- in Rebus hostium capiendis, quale temperamentum observari debeat.* 3. 11. 5.
- an ex Rebus, à privato captis, pars reddi debeat.* v. Civitati.
- qui Receptum praestat, an de damno dato teneatur.* 2. 17. 8.
- Rectores aliorum, in crimen quomodo veniant.* 2. 21. 3. quomodo patientia. 2. 21. 4. unde praesumatur eorum scientia. 2. 21. 5. quomodo ob receptum teneantur. 2. 21. 6. an delinquentes dedere teneantur. 2. 21. 7. v. Delinquentes.
- Rectores, an delinquendo subditos suos obligent.* 2. 21. 12. v. Subditi.
- Redemptionis pretium, an in alium transferri possit.* 3. 14. 28. an pluribus deberi. 3. 14. 29. an conventio de eo, ob laesionem, rescindi. 3. 14. 30. an in id imputari pecunia à captivo ce-lata. 3. 14. 31. an conventio,

# I N D E X.

- rum, sed non solum, ab hærede præstandum sit. 3. 14. 32.
- Rediisse ex pacto ad hostem, quis dicatur.* 3. 16. 10.
- Regimen an semper constituatur ejus causa, qui regitur.* 1. 3. 33.
- Regionis restituendæ nomen, quomodo sumi debeat.* 3. 13. 24.
- in Regem, hostem patriæ, an justè suscipiatur bellum.* 1. 4. 14.
- an in eum, qui contra fidem datam agit, ubi lex commissoria adjecta fuit.* 1. 4. 16.
- Reges malè imperantes an populo subjiciantur.* 1. 3. 34. regna populi voluntate delata, alienare non possunt; sed populo tenentur ad exercendum per se summum imperium. 1. 3. 42. aliquando summum imperium soli, aliquando commune cum aliis habent. 1. 3. 43. an illud communicasse censeantur, cum acta sua ab aliis expelli & probari volunt. 1. 3. 51. an contra promissa agentes desinant habere summum imperium. 1. 3. 45. quid, si lex commissoria in delatione regni fuerit adjecta. 1. 3. 36. an promissis, contractibus & juramentis suis teneantur. 2. 14. 1. & 2. an sine pretio emere possint. 2. 14. 10. an beneficia, aliis concessa, revocare. 2. 14. 21. an obdammum, à militibus contra mandatum suum datum, teneantur. 2. 17. 16. quid in res subditorum, pacis causa, statuere possint. 3. 13. 9. & 10.
- Reges improprie dicti populo subjacent.* 1. 3. 48.
- Regi, in partem non suam involanti, an justè resistatur.* 1. 4. 17. quid, si solus belli gerendi potestatem concessam haberet. 1. 4. 18.
- Regis persona inviolabilis.* 1. 4. 6. quid, si subdito injuriam faciat. 1. 4. 7. an idem dicendum sit de ministris, quos adhibet. 1. 4. 8.
- Regis pena est subditis orbari.* 2. 21. 26. ex Regis promisso an teneantur successores. 3. 13. 8.
- Regium est, in pacem potius, quam in bellum inclinare.* 2. 24. 5.
- Regna, an præscribi possint.* 2. 4. 14. quot modis deferantur per successionem. 2. 7. 36. & seqq. in Regnis feudalibus qualis obtineat successio. 2. 7. 51.
- Regnum & principatus an differunt.* 1. 3. 3. an possit esse pars hæreditatis. 2. 7. 50. an abdicari possit. 2. 7. 59. an in præjudicium liberorum. 2. 7. 60.
- an Regum contractus sint leges.* 2. 14. 44. an iis teneantur successores. 2. 14. 13. an & quousque populus iis obligetur. 2. 14. 16. an hoc ex eventu sit judicandum. 2. 14. 17. an rescindi possint, si in publicam perniciem vergere incipiant. 2. 14. 18. quid, si ad alienationem regni, vel ejus partis, pertineant. 2. 14. 19.
- Regulæ, in deliberationibus publicis, quæ adhibende.* 2. 24. 3. & seqq.
- Religio. an bello propaganda.* 2. 20. 57. an victis relinquenda. 3. 8.

# I N D E X.

3. 8. 7. & seq.  
*Religiosa. v. Res religiosæ.*  
*Remedium extraordinarium non datur, quamdiu competit ordinarium. 3. 2. 8.*  
*Repressaliæ, quid. 3. 2. 5. quæ ad ea concedenda requirantur. 3. 2. 6. an dentur, ubi aliud remedium superest. 3. 2. 8. quomodo à pignoratione differant. 3. 2. 14. ad quid teneantur, qui iis causam dederunt. 3. 2. 16. earum effectus. 3. 2. 15. personæ vel res, eo jure captæ, quo in loco sint habendæ. ib. ita captus contra quem recursus habeat. 3. 2. 16. quo jure quis ita ex factò alieno teneatur. 3. 2. 9. innocentibus in iis parcendum. 3. 6. 19.*  
*Repressalias quis concedat. 3. 2. 14.*  
*in Repressaliis quæ capi soleant 3. 2. 10. an etiam vita subditorum ex tali causa obligetur. 3. 2. 11. quales subditi capi possint. 3. 2. 12. an etiam legati. 3. 2. 13.*  
*Repugnantia casus emergentis cum voluntate, quot modis judicari possint. 2. 16. 30. & 31.*  
*Rerum fungibilium dominium in alium transferri possit, sine consensu domini. 2. 10. 21.*  
*Res originariè acquiruntur jure singulari, occupatione & divisione. 2. 3. 2. & 3.*  
*Res à proprietate vacuæ quotuplices sint. 2. 2. 3. quales in totum propriæ fieri possint. 2. 2. 18.*  
*an ad Res conservandas, raptor*

*justè occidatur. 2. 1. 24.*  
*an Res aliena citra furtum invito domino capi possit. 2. 2. 24. & 25.*  
*an Res aliena, ad debitum consequendum, capi possit. 2. 7. 3. & seqq.*  
*Res aliena domino restituenda. 2. 10. 2. etiam si dominus eam non repetat. 2. 10. 3. cum aliàs furtum committatur. 2. 10. 4. non tamen suis impensis eam restituit. 2. 10. 5. quis in ejus repetitione præferatur, an deprensus, an dominus. 2. 10. 6. non interest, an ex gentium, an civili jure, ejus dominium fuerit acquisitum. 2. 10. 7. an præmium inventionis à domino peti possit. ib. si interierit, b. f. possessor ad ejus restitutionem non tenetur. 2. 10. 10. nisi exinde factus fuerit locupletior. 2. 10. 9.*  
*Res aliena, bona fide emta, an restituenda, sine repetitione pretii erogati. 2. 10. 16.*  
*Res aliena, cujus dominus ignoratur, an pauperibus danda. 2. 10. 19.*  
*Res communes, quæ. 2. 2. 13.*  
*Res, quæ dominum habere desinunt, an fiant occupantis. 2. 3. 21.*  
*Res derelictæ, quæ. 2. 4. 1. præsumuntur ex signis externis. 2. 4. 2. ex verbis. 2. 4. 3. & factis. 2. 4. 4. sub quibus comprehenduntur non facta, ut silentium aliquando. 2. 4. 5. quæ requirantur in silentio. 2. 4. 6. an ea ex tempore præsumi possint. 2. 4. 7. & 10. quod non idem*



# I N D E X.

- idem est inter absentes & praesentes.* 2. 4. 8.
- Res derelicta an censeantur, quae negligenter tractantur.* 1. 4. 11. *an originarie acquirantur.* 2. 3. 22.
- an Res hostiles capere & vastare liceat.* 3. 5. 1. *an tantum vi, an etiam dolo.* 3. 5. 6. *an citra modum.* 3. 5. 7. *an ubique.* 3. 6. 5. *an in loco pacato.* ib. & 3. 10. 9. *an tantum ad consecutionem debiti primarii retinenda, an & subnascentis.* 3. 6. 18. *an innocentibus restituenda.* 3. 6. 19.
- Res apud hostes inventae, licet eorum non sint, an victoriae iure acquirantur.* 3. 6. 3.
- Res, in navi hostili inventae, an censeantur esse hostium.* 3. 6. 4.
- Res hostibus ereptae, an à prioribus dominis vindicari possint.* 3. 6. 5.
- quae Res à vastatione sint eximendae.* 3. 5. 9.
- Res, quando censeantur captae.* 3. 6. 2. *quid, si non sint hostium.* 3. 6. 3. *jus eas acquirendi, an tantum in solenni, an & in aliis bellis competat.* 3. 6. 16.
- an Res religiose victori cedant.* 3. 5. 5. *an iuste violentur.* 3. 5. 9.
- Res sacrae, cujus sint, & an victori cedant.* 3. 5. 2. *an sint in Christi patrimonio.* 3. 5. 3. *is in bello parcentium.* 3. 5. 9.
- Res, ex turpi causa accepta, restituenda.* 2. 10. 20. *an ea, quae à victore emta est.* 3. 9. 21.
- Resistere superiori an liceat, in summa necessitate.* 1. 4. 5.
- Resp. mixta, quae.* 1. 3. 27. & 49. *quodcumque fingatur, sua semper habet incommoda.* 1. 3. 10.
- Restituendi obligatio, an nulla tempore exstinguitur.* 3. 9. 23.
- Restitutio in integrum, an in rege locum habeat.* 2. 14. 3. & *quo fieri debeat.* ib. & 2. 14. 5. *an sit ex jure civium.* 2. 14. 4.
- Restitutio damni, injusto bello illati, à quibus fieri debeat.* 3. 4. 15. *an ab iis, qui res captas iusto titulo possident.* ib.
- in Restitutionibus minorum, quae leges sint observandae.* 2. 11. 10.
- an Reservations mentales sint licitae.* 3. 1. 18.
- Reverentia debetur parentibus.* 2. 5. 2. 6. & 18.
- Rex unus potest esse plurium regnorum distinctorum.* 1. 3. 22. & 23.
- Rex à populo constitutus, an ei, ut constituenti, subjiciatur.* 1. 3. 32. *an quis regimen ejus, qui regitur, causa comparatum est.* 1. 3. 33.
- Rex temporarius. quis.* 1. 3. 38. *an tales sint curatores, regibus imperatoribus dati, & Dictator olim apud Romanos.* ib.
- Rex, post abdicationem regni. an fiat privatus.* 1. 4. 10. *an regno pulsus habeat jus foederis faciendi.* 2. 15. 6. *an captivus, vel exsul, de regno suo pacisci, & imperium exercere possit.* 3. 13. 4.
- Rex regnum alienare non potest,*  
nec

# I N D E X

nec illud eo modo amittit. 1. 4. 12. quid, si illud alii tradere, aut subicere moliatur. 1. 4. 13. aut fiat hostis patriæ. 1. 4. 14. quando talis dicatur. 1. 4. 15. an sine populi consensu, de regno pacisci possit. 3. 13. 5. an alii illud in feudum offerre. 2. 6. 13. an oppignorare. 2. 6. 14. an functiones summo minores jure hereditario concedere. 2. 6. 15. an patrimonium populi alienare. 2. 6. 16. & 3. 13. 7. an fructus ex eo perceptos. 2. 6. 17. an eos oppignorare. 2. 6. 18.

**Rex**, innocentem insultans, an ipso facto rex esse desinat. 2. 1. 17. an legibus civilibus teneatur. 2. 4. 18. an, ut civitatis pars & membrum, iis obligetur. 2. 4. 19. an leges, in imperii declaratione à populo latis, observare debeat. 2. 4. 20. an capitulationibus, in declaratione regni sibi præscriptis, exceptiones opponere possit. 2. 14. 7. an pacta, cum extraneis à tutoribus inita, rescindere possit. 2. 14. 6. an subditis suis obligari. 2. 14. 11. an iis jus quæsitum auferre. 2. 14. 12.

an **Rex** se ipsum in integrum restituere possit. 2. 14. 3.

**Rex**, ob causas leves bellum suscipiens, ad quid teneatur subditis suis. 2. 24. 2. ut bellum periculosum vitet, quid facere & considerare debeat. 2. 24. 3. & seq. an teneatur de damnis à militibus, ob non soluta stipendia, datis. 3. 10. 7.

**Ruptura pacis. v. Pacis.**

S.

**Sacerdotibus in bello parcendum.** 3. 4. 17.

**Salus propria an præferenda salutis publicæ.** 1. 4. 7. & 2. 1. 18.

**Salvus conductus. v. Jus commendi.**

an **Satisfactio** ab eo, qui bellum promeritus est, offerenda. 2. 1. 33.

**Sciens, præsens & tacens. an videatur consensire.** 2. 4. 5.

**Scientia superiorum, quomodo probetur.** 3. 13. 33.

an **Scriptura** in contractu requiratur. 2. 16. 34.

**Sedis mutandæ amor an justa belli causa.** 2. 22. 3.

**Senibus in bello parcendum.** 3. 4. 17.

**Sententiæ inter se dissentientium in concilio, an numerandæ, an ponderandæ.** 2. 5. 28. si pares sint, nihil agitur. 2. 5. 29. interdum conjunguntur, licet diversæ appareant. 2. 5. 30. quomodo sint conjungendæ. ibi. in iis ferendis, an jus absentium accrescat presentibus. 2. 5. 31. quomodo sint ferendæ inter eos, qui dispartes partes in re habent. 2. 5. 33.

ex **Sententiis alternantibus** circa bellum & pacem, quæ sit præferenda. 2. 23. 7.

**Sepultura hominum demortuorum, quid.** 2. 19. 1. honesta vel ignominiosa. 2. 19. 2. ex quo jure oriatur. 2. 19. 3. omnibus debetur. 2. 19. 4. an hostibus. 2. 19. 5. an insigniter facinorosis.

# I N D E X.

- rosis.* 2. 19. 6. & 7. *an proditoribus patriæ.* 2. 19. 12. *ob eam denegatam, an justè suscipiatur bellum.* 2. 19. 13.
- ad Sepulturam concedere cadavera, an sit signum victoriæ.* 3. 13. 49.
- Sermo ambiguus an sit licitus.* 3. 1. 16. & 17.
- Servi naturâ an dentur.* 2. 22. 6. *an Servis aufugere liceat.* 2. 5. 48. & 3. 7. 14.
- Servitus perfecta, quæ.* 2. 5. 44. *an sit contra naturam.* 2. 5. 45. *quale jus domino in servum tribuat.* 2. 5. 46. *quæ sit justa.* 3. 7. 71.
- Servitus civilis, quid.* 3. 8. 1. *quomodo constituatur.* ib. & seq. & 2. 21. 14.
- Servitutis concessione an originariè acquiratur.* 2. 3. 4.
- Servitutis quæ sint effecta.* 3. 7. 4.
- Servorum filii, an & quatenus naturaliter sint servi.* 2. 5. 47. & 3. 7. 3.
- in Servos quid juris competat, ex temperamento juris naturæ.* 3. 7. 12. & 13.
- an Servus, domino jus suum externum exequenti, resistere possit.* 3. 7. 9.
- Signa, ex consuetudine significantia, an tacite obligent.* 3. 17. 3. *an iis, ad decipiendos hostes, uti liceat.* 3. 1. 9.
- ex Silentio quandoque præsumitur derelicto.* 2. 4. 5. *quæ ad illud requirantur.* 2. 4. 6. *an consensus ex eo probetur.* 2. 15. 18.
- Simulatio, quid.* 3. 1. 8. *an in hostem licita.* 3. 1. 9.
- Societas alia æqualis, alia inæqualis.* 1. 1. 7.
- Societas cum uno tantum populo, etiam per longissimum tempus, non impedit, quo minus cum aliis iniri possit.* 2. 4. 23.
- Societas maxime naturalis est conjugium.* 2. 5. 13. *cui in ea imperium competat.* 2. 5. 14.
- Societas publica, quotuplex.* 2. 5. 27. *pars minor in ea majorem sequitur.* 2. 5. 28.
- Societas publica plurium patrumf. in populum, quale jus consequatur.* 2. 5. 34. *an par jus regibus.* 2. 5. 35.
- Societas contrahi an possit, ut alter damni sit immunis.* 2. 22. 37. *vel ut alter nullum lucrum percipiat.* 2. 12. 38.
- Societas navalis. v. Admiralitas.*
- in Societate quando dicantur partes æquales.* 2. 12. 36.
- an in Societate universorum bonorum exacta æqualitas observetur?* 2. 12. 39.
- Societate soluta, ad quem pertineat periculum rerum collatarum.* 2. 12. 40.
- Societates morte extinguuntur.* 2. 16. 20.
- Socii absentis jus an presentibus accrescat.* 2. 5. 31.
- Socii, qui sint in jure postliminii.* 3. 9. 2.
- pro Sociis an justum sit bellum.* 2. 25. 5. *an semper suscipiendum.* 2. 25. 6.
- Sociorum nomine an futuri intelligantur.* 2. 16. 14. *an hi, salvo federe, contra primum socium*

# I N D E X.

- cium defendi possint.* 2. 16. 15.
- inter Socios quis sit ordo maxime naturalis.* 2. 5. 32.
- an Sollicitare alios ad factum illicitum liceat.* 3. 1. 23. & 24.
- an Sors in bello licite adhibeatur.* 3. 13. 46. & seqq. quomodo bellum per eam vitetur. 2. 23. 13.
- Specificatio modus acquirendi.* 2. 8. 17. *an originarius.* 2. 3. 5. 5. *quid si quis mala fide ex aliena materia novam speciem fecisset.* 2. 7. 18.
- Sponsio, quid.* 2. 15. 15. *quotuplex.* 2. 15. 16. *quid, si à summa potestate improbetur.* 2. 15. 17. *an eam, ex notitia & silentio, obliget.* 2. 15. 18.
- in Statu innocentie an fuisset laborandum.* 2. 2. 8.
- Studium pertinax in partes suas an mortem mereatur.* 3. 4. 8.
- Stupra & adulteria, an in bello sint licita.* 3. 4. 13.
- Stuprator virginis, ad quid teneatur.* 2. 17. 12.
- Susores sceleris, ad quid teneantur.* 2. 17. 9.
- Subditi an in superiores bellare possint.* 1. 4. 1. & 2. *quando in eos licite bellent.* 1. 4. 9. 13. 14. 16. 17. & 24.
- Subditi an omnes bello adhiberi possint.* 1. 5. 5. *an ad bellum justum cogi.* 2. 26. 6. *quid, si hosti de non militando fulem dederint.* 2. 26. 7. *an ob crimen superiorum teneantur.* 2. 21. 12. *an omnes.* 2. 21. 13. *an ob crimen regis puniri possint.* 2. 21. 25. *an in bello manifeste injusto se defendere possint.* 2. 26. 8. *ut tamen bellum justum non fiat.* 2. 26. 9.
- an Subditi alieni contra Imperantes juste defendantur.* 2. 25. 9.
- Subditi, pro aliis militantes, an pacem rumpant.* 3. 13. 34.
- an Subditi semper liceat, ad libertatem proclamare.* 2. 4. 22.
- pro Subditis justissime suscipitur bellum.* 2. 25. 2. *an pro singulis.* ib. & q seq.
- an Subditis rationes consiliorum edi debeant.* 2. 26. 4. *an ipsis, sine periculo, cause belli aperiantur.* ib.
- Subditis vis illata an pacem rumpat.* 3. 13. 35.
- an Subditos alienos per pacem recipere liceat.* 3. 13. 45.
- Subjectio, quomodo à consociatione differat.* 2. 5. 12. *consensualis, quotuplex.* 2. 5. 42. *privata quotuplex.* 2. 5. 43. *publica.* 2. 5. 49.
- Succedendi in regnum jus an abdicari possit.* 2. 7. 59. *an pro liberis.* 2. 7. 60.
- Succedens in regno patrimoniali individuo, quid aliis hæredibus debeat.* 2. 7. 40.
- Successio non est titulus imperii, sed modus ad id perveniendi.* 1. 3. 36.
- Successio defertur ex presunta voluntate.* 2. 7. 7. *primò liberis.* 2. 7. 8. & 15. *an omnibus æqualiter debeat.* 2. 7. 22. *debetur parentibus.* 2. 7. 27. *fratribus.* 2. 7. 28. *consanguineis & uterinis.* 2. 7. 29. *cognatis.* 2. 7. 30. *an carissimis.* 2. 7. 31.

Suo.

# I N D E X.

- Successio, naturali conjectura determinata, an necessario observanda.* 2. 7. 32. quid, si à defuncto expressè non fuerit determinata. 2. 7. 33.
- Successio in regnis patrimonialibus quomodo deferatur.* 2. 7. 37. quales in iis heredes institui possint. 2. 7. 38. an in ea ratio habeatur ætatis & sexus. 2. 7. 39. & 40.
- que fit Successio in regnis, populi consensu delatis.* 2. 7. 41. plerumque est individua. 2. 7. 42. stat in eadem familia. 2. 7. 43. an admittantur naturales. ib. an adoptivi. 2. 7. 45. an mares præferantur feminis. 2. 7. 46. an ratio habeatur ætatis. 2. 7. 47. cur. 2. 7. 48. quid si major natu esset incapax. 2. 7. 49. talis successio est quasi hereditaria. 2. 7. 50. cur à populo electa. ib.
- Successio tantum defert, quantum prima electio.* 2. 7. 48.
- Successio feudalis sequenda in regno, quod primitus fuit feudale.* 2. 7. 51.
- Successio linealis, quid.* 2. 7. 52. cognatica. ib. agnatica. 2. 7. 55. an aliunde, quam ex lege fundamentali desumi possit. 2. 7. 53.
- à Successione regni patrimonialis an filius, per exheredationem paternam, removeri possit.* 2. 7. 57. an à successione regni non patrimonialis. 2. 7. 58.
- de Successione regni controversa quis judicare debeat, an rex, an populus.* 2. 7. 61.
- in Successione regni an præferatur filius, ante adoptionem regni natus, ei qui in regia fortuna natus est.* 2. 7. 62. an nepos ex filio priori, filio posteriori. 2. 7. 63.
- Successiones regum, an eodem modo deferantur, quo privatorum.* 2. 7. 35. quot modis deferantur. 2. 7. 36.
- Successionum plures modi introduci possunt.* 2. 7. 56.
- an Successores ex promisso regis antecessoris obligentur.* 3. 13. 8. an ejus debitis teneantur. 8. 14. 15.
- Superiores, quale jus in juraments inferiorum habeant.* 2. 13. 29. & 31. an eos à juramento absolvere possint. 2. 13. 30.
- an Supplices jure talionis interfici possint.* 3. 4. 7.
- T.
- T**alio, an semper locum habere possit. 2. 20. 30.
- an Tempa hostium justè vastentur & dejiciantur.* 3. 5. 9.
- Temporis lapsus quandoque signum derelictionis.* 2. 4. 7. & 10. major inter absentes observatur, quam inter præsentés. 2. 4. 8.
- Tempus memoriam excedens quid.* 2. 4. 9.
- Territoris pars à quo alienari possit.* 2. 6. 12.
- Testamentum est modus alienandi.* 2. 6. 19.
- Tresaurus, an sit inventoris.* 2. 8. 9.
- an Transientes in territorio aliquantisper morari possint.* 2. 2. 38.
- Transitus populo, justo bello fuerit.*

# I N D E X.

repetenti, necessariò non est concedendus. 2. 2. 32. quare. 2. 2. 33. an, & quibus cautionibus tutus possit reddi. 2. 2. 34. an semper debeat mercibus & commercia exercere. 2. 2. 25.

Tributa solvere, an amissum imperium denotet. 1. 3. 54.

Traditio modus acquirendi. 2. 8. 19. an absolutè ad transferendum dominium requiratur. ib.

Tarpe, quid. 1. 1. 29. cur determinetur ex natura societatis humane. 1. 1. 30.

Tutores à quo constituantur in rebus patrimonialibus & non patrimonialibus. 1. 3. 44.

Tyrannus, quis. 2. 4. 22. & 23. an rectè deponatur. 1. 4. 24.

## V.

**V**asallus an summum imperium habeat. 1. 3. 55. an invitus à domino obses dari possit. 3. 13. 58.

an Vaticiniorum explicatio justa sit bellandi causa. 2. 22. 10.

Vestigialia, an transeuntibus mercibus imponi possint. 2. 2. 36. quis modus in iis exigendis observari debeat. 2. 2. 37.

Venatio, quid. 2. 8. 4.

Vendendi libertas in territorio nostro an aliis absolutè debeatur. 2. 2. 44. an per territorium nostrum exercenda concedi debeat. 2. 2. 45.

que Venditio ex pluibus simul factis valeat. 2. 12. 28.

Venena struentes an occidi possint. 2. 1. 13.

an Veneno hostem tollere liceat. 3. 4. 9. an spicula, fontes &

aquas eo inficere. 3. 4. 10.

Venire cui permissum est, an alium mittere possit. 3. 14. 22.

Verba, quomodo sint intelligenda. 2. 16. 6. & 7. quomodo in interpretatione non odiosorum, favorabilium, & odiosorum. 2. 16. 11. 12. & 13. dubia, contra quem interpretanda. 2. 16. 36. an natura sua aliquid significant. 3. 1. 10. quomodo iis significatio fuerit imposta. 3. 1. 11. & 12.

Veritas, in quo consistat. 3. 1. 13.

Vestium nomine an arma intelligantur. 3. 16. 10.

Victi clementer habendi. 3. 8. 9. quonam iis sint relinquenda. 3. 8. 5. & 6. an imperium. ib. an religio avita. 3. 8. 7. & 8.

an Victor jure victoriae imperium acquirat in universos. 3. 8. 1. quot modis. 3. 8. 2. quomodo jure suo uti debeat. 3. 13. 55.

Victoria quomodo probetur. 3. 13. 49.

Victus quis propriè dicatur. 3. 13. 49.

Vim parantem an prævenire liceat. 2. 1. 13.

Vim bellicam inferre, est contra naturam pacis. 3. 13. 31. à quibus illata pacem rumpat. 3. 13. 32. an à sociis illata, vel à subditis. ib. quibus illata pacem rumpat. 3. 13. 35. an sociis illata. 3. 13. 39.

Vindicta privatis interdicta. 2. 20. 16. an per pacem licita. 3. 13. 37. an simulata censetur remissa. 3. 17. 4.

Violenta executio, quid. 3. 2. 2.

Q q

q'q.

# I N D E X.

- quadruplex.* 3. 2. 3.  
*an Virgo, ad pudicitiam conser-*  
*vandam, se ipsam occidere pos-*  
*sit.* 2. 19. 11. *an se violentem*  
*interficere.* 2. 1. 15.  
*Vita homini sua est, sed non ad*  
*eam perdendam.* 2. 17. 3. *an*  
*ad eam servandam, aggresso-*  
*rem occidere liceat.* 2. 1. 8.  
*quid, si aggressor peccato ca-*  
*reat.* 2. 1. 9. *an innocentem*  
*obterre liceat.* 2. 10. 10.  
*an Vita anterior, in delicti a-*  
*ffimatione, considerari debeat.*  
 2. 20. 28.  
*an Vita subditorum ex repressiis*  
*obligari possit.* 3. 2. 11.  
*sub Vita pacto an libertas com-*  
*prehendatur.* 3. 16. 10.  
*Vitia rei in contractibus indican-*  
*da.* 2. 12. 11. *an omnia.* 2.  
 12. 13.  
*an Universitas obliget singulos.*  
 2. 5. 28.
- de Universitate quaedam dicuntur*  
*primò, quaedam non nisi deri-*  
*vatione à singulis.* 2. 21. 15.  
*Universitatis pena, & pena*  
*singulorum, quomodo differant.*  
 2. 21. 14.  
*Voces. v. verba.*  
*Voluntas, unde colligatur.* 2. 16.  
 30.  
*Voluntatis nostræ quid sit suffi-*  
*ciens signum.* 2. 11. 25.  
*Voluntatis intermentius, quomo-*  
*do à tabellario differat.* 2. 11.  
 32.  
*Usucapio, quid.* 2. 4. 13. v.  
*Præscriptio.*  
*Usura, an licita.* 2. 12. 32. &  
 33.  
*Utilitas innata jus concedit in*  
*res, ab aliis jam occupatas.* 2.  
 2. 29.  
*Utilitas sola, an justa fit belli causa.*  
 2. 22. 3.

JOHANNIS FRANCISCI

B U D D E I

S. S. Theol. Lic. & Philosophiæ Moral-  
lis ac Civilis in Academia Frideri-  
ciana Profess. Publ. Ordinar.

HISTORIA JURIS  
NATURALIS.







Q. D. B. V.

**Q**ui eam philosophiæ partem, quæ mores hominum fingit formatque, quam plerique recentiorum Jus Naturæ appellitant, cum ipsis hominibus natam esse, asserunt, ita ut par est, utque doctrinæ hujus & majestas & antiquitas exigit, sentiunt. Quod enim nonnulli, interque eos C. Cornelius Tacitus (a) rerum suarum longe consultissimus Scriptor, tradidit, ut vetustissimos mortalium, nulla adhuc mala libidine, sine probro, sine scelere, eoque sine pœna & coercitionibus egisse, & sponte sua, sine lege, fidem rectumque coluisse, id ejusmodi est, ut aut à fide abhorreat penitus, aut Principum jussis, tabulisque legum, scriptisque eos saltem caruisse monumentis, evincat condoceatque. Parentes vero suos erudivisse liberos, rectique & honesti non minus imbuisse elementis, quam verò de Numine sensu, id si quis in dubium vocaverit, næ! is simplicium proborumque & sanctiorum, quibus præditi erant cordatissimi mortalium, morum, haud sine æquus est existimator. Ast, cum aut alienæ potentiæ metus, aut alia quævis ra-

a) *Annal.*  
*lib. III.*  
*add. Ovid.*  
*lib. I. Me-*  
*tamorph. &*  
*Lucretius*  
*lib. V.*

## 4 HISTORIA JURIS

tio jungeret homines, & in majores coetus, quos civitates deinceps appellarunt, coire juberet, pristinis moribus eousque vixerunt, ut à parentibus, quid jus fasque & nefas esset, acciperent liberi, Rectores autem civitatum rerumque Domini, saltem quæ è re civitatis essent, sancirent statuerentque. Erumpere inde in ævum omne nefas, hominum pravitas magis magisque se prodere, fraudibus, dolis, se invicem circumvenire, sceleribus, injuriisque nec modum nec finem statuere. Qui itaque rerum summam tenebant, ruere præcipiti casu & collabescere civitates, intelligebant, ni vitia hominum suis circumscriberentur limitibus, pœnisque coercerentur. Nimirum & spernere rationis imperium, & domesticam disciplinam negligere, ut rebus deperditis ac profligatis non aliud quid remedio esset, quam publica auctoritate sanctionibusque severissimis, ad observanda ea, quæ honesta sunt, turpia fugienda, homines rationis rectæ contemptores compellere. Sed vero & tunc, ut credo, patuit, quòd nunquam fere non experientia est comprobatum, clarissimum illud fulgentissimumque lumen, infusum à Sapientissimo Numine insitumque mortalium peccatoribus, velut nubibus quibusdam obductis abscondi, nec cuivis quid pulchrum honestumque sit, quid turpe sædumve, semper perspicere. Quæ ergo, præeunte ac prælucente ratione, quilibet facere debebat, ad ea civilibus sanctionibus adigi cœpere. Cum primis, quæ ut homo hominibus exhiberet, fas erat,

erat, sedulo erant inculcanda, cum & proclives valde pronique sint mortales, ad se invicem lædendos, unde lites, contentionesque, & infinita, quibuscum civitatibus conflictandum est, mala enascuntur. Sic itaque arbitror, quod gentium aut omnium aut plerarumque leges, quæ civiles vocantur, præstantiora simul Juris Naturalis capita, complectantur, id non aliunde magis esse arcessendum. Faciet pretium operæ, qui gentium tum veterum, tum recentiorum, & inter illas earum quam maxime, quæ nostram incoluere Germaniam, leges, quæ ceu servatæ ex naufragio tabulæ, magnorum Virorum ope ad nos pervenere, excusserit, & hujus, quod ratio omnes docet, juris vestigia luculentissima, subinde deprehendet. Romanas enim leges lubens prætereo, quippe in quibus naturales illæ tanto manifestius quandoque se conspiciendas præbent, quanto cæterarum gentium institutis & sanctionibus, eruditissimorum Virorum confessione atque judicio, præstant, Attici quoque juris, quod secundum à Romano, suo merito occupat locum, non minor est præstantia, nec obscuriora hujus sententiæ nostræ suppeditat documenta, id quod ne quemquam fugeret, Johannis Meursii, atque Samuelis Petiti, e tenebris illud strenue eruentium, opera, æternis laudibus digna, effecit. Hunc proinde in modum naturæ leges, positivarum, ut vocari solent, inuolucris vestitæ & circumseptæ, quandoque & per Legumlatorum inscientiam obscuratæ aut e-

b) *vid. Samuel Rabelius in Proleg. vñ Off. Cicer. §. XXIV.*

c) *de I. N. & G. securum disciplin. Hebr. ubi I. c. III.*

versæ, longe quidem lateque, per civitatum omnium jura dispersæ sunt atque diffusæ; simul tamen civiles & naturales inter se confusæ ita atque commixtæ, ut has ab illis fecernere, res summi & desperati fere laboris, doctissimis quoque Viris visa fuerit. (b) Intellexit hoc probe, si quis alius, Johannes Seldenus, Britannia illud immortale decus. Namque perplexa rite extricare, confusa invicem distinguere, veri ac falsi confinia horumque sinuosos anfractus, satis habere exploratos; & demum ex eis, quæ superstruuntur, de fundamentis seu principiis recte conjicere, qui illis utique subeundus est labor, qui naturales civilesque leges inter se permixtas fecernere rite ac sejungere volunt, rem perquam arduam, pæne inaccessibleam, & mortalium paucissimorum esse, diserte profitetur. (c) Jam ergo mirari desino, tot effluxisse secula, feracia quidem doctissimorum Virorum, legumque civilium, Interpretum sapientissimorum, quibus ingenium æque ac industria adeo non defuit, ut commentationum, quas seduli assidue homines in lucem protulere, mole jam pridem orbis eruditus laborèt; sed recentiori demum ætate exitisse, qui præclarum istud pulcherrimumque opus, ex involucris suis tegumentisque evolvendi naturæ effata, ingenti animo, labore incredibili, sed successu felicissimo, aggredierentur. Ceterum ut civilibus legibus, id quod commonstratum hæctenus, comprobatumque est, ita & sanctiori isti reconditaque disciplina, quam  
Theo-

Theologiam nuncupant, non minus interspersa fuerunt & intermixta rationis dictata, tanto majori inde industria eruenda & colligenda, quanto acrius sacri Antistites, in campo, in quo illis nec meti nec feri videbatur, ingenii exercuerent vires. Utique ita est, ut non ultimam in hac arte sedem occupent officia, quibus sanctissimum & immortale Numen, ex luminis naturalis præscripto colunt mortales. Dum igitur nondum in civitates coaluissent hominis, unumquemque patrem-familias sacra rite faciendo, & exemplum prævisse suis, & quid de Numine sentire, quo pacto istud venerari, fas esset, eos edocuisse arbitror. Conditis autem reb. publicis, ut Viris morum integritate, & puritate, & sanctitate præditis, illud munus demandaretur publica auctoritate, bonorum omnium, Principum maxime, & ipsarum civitatum intereat. Si enim forte, quosdam parentes negligentius suo munere fungi contingeret, contingere autem facile poterat, feroçes homines, legumque contemptores, inde prodire necesse erat, qui exemplo alios, ut ad quævis scelera, ita ad impietatem invitant, civitatesque non raro in maxima salutis discrimina adducunt. Venenum istuc, si semel quorundam mentes afflavit, longe lateque serpit, viresque eundo sumit, & incrementa inopinata. Sanctoris itaque disciplinæ Antistites, præter ea, quæ de ratione Deum sacrificiis placandi; aut crimina expiandi, & quæ de Numine quemque sentire, oporteret. exponebant solerter,

Qq s

&amp;

& cum probe scirent, mente pura scelerumque experti Deum coli quam rectissime, subinde & de morum sanctitate pariter ac iustitia, multa præcepere. Laudo hoc proboque, idque eo magis, quod juris naturalis scientiam, quam ita sibi vendicaverunt sacrorum Præfecti, istorum cura & vigilantia immunis ab omni labe ac errore, ad posteros & ultima secula transferri & propagari potuisset, nisi infernalis genii fraude abrepti, non tam rationis rectæ dictamina, aut doctrinam à Majoribus acceptam, quam inepta ingenii sui commenta, hominibus propinare maluissent. Ex quo enim cœlestem divinamque veritatem erroribus polluere & commaculare cœperunt Gentiles, in ipso quoque Naturæ Jure nihil sanum, nihil integrum fuit, cuncta corrupta, depravata, tenebrisque plus quam Cimmeriis involuta. Hoc nomine vero doctas istas eruditasque veterum Theologorum ac Poetarum fabulas, non redarguo. Fuerunt quippe & tum, qui rectius saperent, quibus, ne non desipere fraudi esset, aut involucris quibusdam imaginibusque occultarunt veritatem, aut certe in ipsis figmentis vestigia ejus quæserunt. Nec vero naturalis saltem scientiæ mysteria, sed moralis civilisque Philosophiæ cumprimis, Jurisque adeo Naturalis capita longe præstantissima, hisce sub tegumentis latitabant, quod cum ab aliis doctissimis in hoc literarum genere Viris, Gerharo Johann. Vossio, (d) Fabio Plancia de Fulgentio, (e) Johanne Bocatio, (f) Natali Comite, (g) Picto-

d) de Idololat. Gentil.

e) in libris III. Myth.

f) in libris XV. de Genealog.

Deorum.

g) libro X. cumprimis Myth.

## NATURALIS. 9

Pictorio Vill, (*b*) tum maxime à Francisco Bacone de Verulamio, (*i*) quam luculentissime evictum est & commonstratum. Dispulsa autem quæ orbi universo incumberebat, caligine, orta que denuo post natum Christum Servatorem cœlesti veritate, reditus est & naturali juri pristinus splendor, restituta puritas, superstitione denique, æque ac impietas, subinde proscrip̄ta & profligata. Sublimiora, fateor, longeque sanctiora sunt, quæ à Viris divino afflatu percussis proficiscebantur, quæ tamen & recta quoque ratio honesta esse dictitabat, tantum abest, ut ab illis rejecta sint, ut potius egregie stabilita & confirmata, Servatore ipso subinde ad rationis dictamen provocante. Ea utique Christianæ doctrinæ est indoles, ut præter fidem, vitam quoque ad omnem honestatem compositam ab hominibus exigat, modo quidem & ratione longe excellentiori, quam ut ad mores Christianos formandos sola sufficiat ratio, interim tali profecto, ut quæ ex rationis præscripto honesta sunt, neutiquam habeat pro turpibus, quin ut ceteras virtutes proprias Christianis, ita & illas, quæ omnibus communes sunt, commendet. Sæpius igitur, antiquissimis etiam Ecclesiæ Doct̄oribus, de Juris Naturalis capitibus, haud perfunctorie sermo instituitur. Basilium Magnum, Gregorium Nazianzenum, ipsumque Chrysoſtomum, non tantum Græcæ, sed universæ, quacunque patet, Ecclesiæ summum decus evolvat, legat', scrutetur, cui dubium forte ambiguum.

*b) in Theologia Mythologica.  
i) de Sapientia Veterum. add. nostra Dissert. de Usu fabularum in Philosoph.*



guumque id, quod à me asseritur, videtur. Hos, ingenio acri, judicio singulari juris hujus quæstiones, quoties eas attingerent, (attigerunt autem sæpius) expedivisse constat, ut ipse Hugo Grotius, Restaurator philosophiæ hujus felicissimus, tum demum & pondus, & robur, & lucem insignem, se assertis suis conciliare posse, si Præsulum horum auctoritate, sententiam suam muniret, fuerit opinatus. Ambrosius, qui plane ad Tullii exemplum, tres de officiis libros composuit, quanta solertia, in hac doctrinæ parte fuerit versatus, nemo, ut puto, ignorat, aut, si quis ignorat, Johannem Henricum Boeclerum adeat velim, qui in Præfatione ad hosce Ambrosii libros, quanti Sanctissimi Viri labor sit faciendus, omnes edocuit. Hi ipsi autem Ecclesiæ Doctores, officia hominis & Christiani, id quod non est dissimulandum, multo minus principia diversa utique & admodum inter se differentia, non ita ut par est, secernendo, quæ tamen secernenda esse, ipsi sine dubio quidem perspectum habuere & exploratum, aliis ut in eundem errorem inciderent, &, quod & hodie non adeo infrequens est, (k) Theologiam Moralem cum Jure Naturæ confunderent, suppeditavere occasionem. Quod ut excusemus quam lubentissimè, admiremur autem, si imitari non licet, quæ recte sapienterque ab optimis Viris dicta factaque sunt, nostrarum quidem erit partium. Et utinam non duriora fata, & Theologiam & Jus ipsimul Naturæ, excepissent. *Ecquis igno-*

k) v. Lambertus Danaus, Cretius, alii-que.

ignorat, fuisse tempus, cum fœda & tristis ignorantia orbi universo incumberet, fuisse tempus, cum superstitionis regnum magnis undique viribus stabiliretur. Deplorent alii cladem puriori doctrinæ cœlesti illatam. Id ego nunc non ago. Philosophiam moralem quoque, cum cæteris artibus incultam, squalore & rubigine obsitam jacuisse, ut proscrip- tam velut profugamque avolasse, & mortali- um deseruisse sedes, censere ejus ætatis homines potuissent, neminem fugit. Non quidem defuerunt, cum Scholasticorum, ut vocant, barbaris vocibus literarum sedes & sapientiæ sacraris personarent, ex ipsis etiam Theologis, qui hanc doctrinæ partem sub incudem revocarent, ast adeo infeliciter, ut nullus dubitem, multos in eam ituros sen- tentiam, satius hosce homines & sibi, & optimæ arti consulturos fuisse, si hæc sacra non contrectassent. Qui vero in horum suc- cesserunt locum, ejusdem disciplinæ alumni aliquanto recentiores, industriam profecto & ingenium, & ad scientiam hanc excolendam, quod non diffiteor, attulere, & subtili ac spi- noso dicendi genere, quæ fere propria illo- rum hominum laus est, multa juris natura- lis excusserunt capita, sine ordine tamen cuncta tradunt, infirmo aut lubrico funda- mento, quæ docent superstruunt, divina humanaque jura miscent, rationum momen- ta aut plane non, aut jejuna, quandoque & ridicula afferunt, sæpissime contra ad Patrum auctoritatem, ad Conciliorum canones, ad Romanorum Præsulum decreta, intempesti-  
ve

ve provocant. Sunt tamen, quæ indefesso horum hominum studio, id quod æquus rerum existimator non abnuet, atque labori incredibili debentur. Nec tamen ab erroribus variis, iisque gravissimis, fuerunt immunes, quos Ecclesiæ Theologi, qui horum, ceu Majorum suorum se premere vestigia, gloriantur, emendaverint correxerintque, ut auxerint etiam, hæreditatem novis commentis locupletatam, ad posteros transmissuri. Certe veteres illos minus desipuisse, contendere ausim, adeo aut ignorantia, aut quod credere malim, malitia eos in transversum agit. Fidem faciunt illepida ista de probabilis opinionis usu; unde iudice Ludovico Montaltio, vel potius Blasio Paschali, hunc enim Montaltii nomine tegi accepimus, ceu ex vitiato fonte, cetera doctrinæ flagitia fluxerunt, ut & de peccato, ut vocant, philosophico, commenta. Huiusmodi figmentorum, ut jam in antiquioribus illis, Thoma, Bonaventura, Vasquezio, Sanchezio, Carena, Navarro, Corduba, Azorio, Ramirezio, Bastannegio, Escobaria, Ledesma, Valentio, Castro Palao, Medina Sanctio, Arragonio, Lopezio, Martinezio, Zarando, Villabolosio, aliisque, cum primis vero Diana, vestigia quædam deprehendantur: recentiores tamen Honoratum Fabri, (l) Antonium Terillum, (m) Amadeum Guimennium, (n) & plures, audacia & impudentia eousque provexit, ut non tantum assererent, sed & scriptis publicis contenderent, fas esse eligere sententiam, vel unius Viri, do-

l) in Apol  
Doctrinæ  
Moral.  
Jesuit.  
m) in Reg.  
Morum  
contra E-  
licaldum.  
n) in Sing.  
Theolog.  
Moral. &c.

doctrina inclyti, auctoritate munitam, utut ceteroquin legi planè repugnantem. Cui quidem furori an addi aliquid possit, vehementer dubito: idque intellexerunt cordatiores sanioresque ex ipsis Ecclesiæ Romanensis propugnatoribus, Vincentius Baroni-  
 (o) Gonetus (p) Esclapezius, (q) Antonius Merenda, (r) Stephanus Gradus, (s) Johannes Sinnichius, (t) Antonius (u) Calladeus, aliique. Quin Jesuitici Ordinis Viri ægerrime jam ferre incipiunt, tam lepidi fœtus parentes inter suos quæri. Certe Thyrsus Gonzalez in Salmanticensi quondam Academia Theologiæ Professor, deinde Præpositus Generalis Societatis Jesu, commenti hujus primum excogitati gloriam adeo non suo ordini vendicat, ut ceu crimen ab illo amoliri, quin hanc ipsam sententiam à Societati huic addictis, Ferdinando Rebello videlicet & Paulo Comitolo, primum impugnatam fuisse, contendere non ita pridem ausus fuerit. (x) Ipse vero, etsi probabilium opinionum non plane rejiciat usum, ita tamen eundem temperat, ut longe honestiorem sententia ista induisse faciem videatur. Quæ tamen affert, sintne veritati consentanea, ab aliis discussum iri, nullus fere dubito. Mea quidem parum refert, sintne Jesuitæ, an alii figmenti hujus auctores: nunquam tamen à me quisquam impetrabit, ut non cladem, quam aliis erroribus suis & Theologiæ & Philosophiæ Morali hi ipsi Societatis Jesu Sacerdotes intulerunt, tantam esse censeam, ut nullis, quantumvis præcla-

*o) in Theolog. Mor. adv. Probabil.*

*p) in Diss. de Probabilifma.*

*q) Contra Probabil.*

*r) in Diss. de Confit.*

*s) de Opin. Probabil.*

*t) in Tract. de Probabil.*

*u) cont. Probabil. Jesuit.*

*x) in Fundam. Theol. Moral. b. c. tract. Theol. de recto usu opin. Probabil.*

ris

y) in Theol.  
Mor. à cor-  
ruptelis  
Jesuit.

expurgata.  
z) Kemni-  
tius, Bo-  
quimus. Go-  
tuisius in  
doctrinae

Jesuit. ca-  
pitibus re-  
sectis.

a) in Mo-  
rali Præci-  
ca Jesui-  
tarum. ad  
Auct. li-  
bri, Reli-  
gion des  
Jesuites.

b) in Sum.  
Pecc.

c) in Thef.  
A. 1688. d.  
23. Jul.  
prop.

d) in Thef.  
A. 1670.  
edit.

e) in Synops.  
Theol.

f) in Regu-  
la Morum.

g) in Nova  
Hæres. E-  
pisc. Prin-  
cip. denun-  
ciata. add.  
ej. Arnal-  
di Denun-  
ciatio 2. &  
3.

ris istorum in literas bonasque artes meritis, possit pensari. Sed acceperint hunc errorem ab aliis: fortissimos tamen pertinacissimosque ejus defensores hæc ipsa Societas subministravit. Ab ea vero periculosissimas opiniones, subinde in moralem doctrinam invectas fuisse, evictum, ut alios taceam, jam pridem est à Cassiano, à S. Elia (y) Theologis Nemausensibus: (z) atque Arnaldo. (a) Et, nonne profanum istud de peccato philosophico commentum, annitentibus Societatis hujus Doctoribus in scenam prodiit? Aut, si antiquus error est, quod non plane abnuo, a Stephano Baunio (b) tamen, eundem maxime ab orco revocarem, exceptum ab Estrixio, defensum (c) & propugnatum ab Antonio Burgundo, (d) Jacobo Platello, (e) Terillo, (f) præsertim Divioniensibus Jesuitis fuisse, palam est: si quis vero inficiari ausit, cum rectiora doctissimus Vir Antonius Arnaldus (g) docebit. Ita moralis doctrina, optima nobilissimaque philosophiæ pars, profuga velut & extorris, modo per Jureconsultorum, modo Theologorum castra oberrans, mitius profecto ab illis, quam his habita est, quippe quibus parum fuit, non ita ut decebat, illi litare, sed corrumpere insuper & depravare, pulchrum visum fuit. Nec alia eam temere excipere fata potuerunt, ex quo à Philosophis neglecta, quin ejecta in exilium, & penitus proscripta fuit. Rem omnem à primis, quod ajunt, arcessere fontibus juvat. Fuerunt, res nota est, olim homines, qui rerum omnium scrutabantur & inve-

stigabant causas. Hos Sapientes initio, deinceps post Pythagoram, Philosophos appellabant. Cum vero in naturalium maxime rerum contemplatione ætatem agerent, Socrates tandem, eam veram sapientiam esse intellexit, quæ homines non tantum doctiores, sed & meliores redderet, adeoque de formandis ad omnem honestatem hominum moribus, fuit sollicitus. Permulti ejus fuerunt discipuli, qui varias iterum condiderunt sectas, quarum illæ demum quam proxime ad sapientissimi Viri disciplinam accedere videbantur, quæ in moribus emendandis, in vitæ integritate & puritate tuenda, plurimum studii atque operæ collocabant. Platoniorum cum primis & Aristoteliorum celebre olim fuit nomen. Et Plato quidem (\*) ipse de morali philosophia, sive Jure Naturæ subinde præcepit, præsertim vero in Apologia Socratis, in Critone, Philebo, Menone, Alcibiade primo & secundo, Charmide; hi enim sunt Dialogorum tituli, sed fundamento certo neutiquam inniti ea quæ differit, peritissimis harum rerum viris est observatum. Multa etiam dissimulasse creditur, unde multæ ejus de gravissimis questionibus sententiæ, nemini sunt perspectæ. Platonicis vero, quorum ad nos pervenere scripta, Xenocrates Chalcedonius, Plotinus, Philo Judæus, Apulejus, Maximus Tyrius, Chalcidius, Jamblichus, Mufonius, Proclus, Alcinous, ut plurimum de moribus pauca tradunt, quæ vero tradunt tanti non sunt, ut non aliunde meliora possint hauriri. Ari-

\*) v. *Ficury Dissert. de Platone, tract. ejus Gallico de Selectis & metodo studiorum annexa.*

stoteles quidem majori longe solertia in hac quoque philosophiæ parte, quam Plato, versatus est: nec contemnenda Peripateticorum, Theophrasti Eresii, Andronici Rhodii, Alexandri Aphrodisæi, ceterorumque opera: ego tamen ita arbitror, Stoicos, genuinos Socraticæ disciplinæ alumnos, in hoc literarum genere ita excelluisse, ut Peripateticis æque ac Platonicis Epicureisque dubiam reddiderint palmam. Extat Epistola Gregorii Nazianzeni ad Eudoxium Rhetorem, (b) in qua cum ceteris Philosophis ita contendit Stoicos, ut his principem tribuat inter omnes locum; cujus judicio plane subscribo. Non spernenda, fateor, sunt Pythagoræorum effata, quæ præter Schallerum, vel potius Marcum Mappum (i) aliosque e tenebris produxit Vir Doctissimus Magnus Daniel Omeisius, (k) cum Stoicis tamen vix illa quisquam, ut puto, contendere audebit. Utinam vero multæ præstantissimorum Virorum, qui strenue in porticu militarunt, pulcherrimumque de officiis hominum, quæ periære, commentationes, ad nos pervenissent! Sane tum demum posset intelligi, quantum Jus Naturæ deberet Stoicis. Præclara quidem sunt, quæ Seneca, Stoicis utique, non Epicureis, ut Scaliger censet, aut Cynicis annumerandus, (l) Epictetus, & qui, judice Dacero (m) utrumque superat, M. Aurelius Antoninus Imperator & Philosophus, præcepere, iis tamen, quæ æternis tenebris obruta sunt. Stoicorum operibus, hæc cedere, puto. Non leviter autem Stoicos

b) ap. Basilium M. n. CXVIII.

i) in Diff. de Etbica Pythagor.  
k) in Etbica Pythagor.

l) v. Fonsius de Script. Hist. Philos. lib. III. c. XX.  
m) in Præf. ad M. Aur. Anton. de se ipso ad se ipsum.

cos

cos Jus Naturæ attigisse, nec intra paratenses substituisse, sed exhaustisse penitus, vel Ciceronis de officiis libri testantur. Ut enim Academicorum subinde illi probentur placita, in morali tamen philosophia ex Stoicorum fontibus, sua ut plurimum irrigavit arva. (\*) Hæc vero quoties mecum seputo, mirari lubit, quæ factum, ut non Christiani veteres manibus pedibusque in Stoicorum philosophiam iverint. Errores enim illorum, haud difficulter potuissent rescari. Hieronymus quidem à Christianorum de moribus placitis quam proxime abesse Stoicos profitetur disertè. (•) Nihilominus plerique veterum, Platonicorum abrepti sunt mysteriis, sapius etiam in gravissimos errores præcipitati. Si conjiciendo hic proficeretur ad rei summam, quæ tamen ceteroquin lubrica admodum via est, haud adeo displiceret mihi illorum sententia, qui multitudine sua Christianis quam maxime nocuisse Stoicos, præsertim cum moribus integris vitæque honestissime acta, magnam sibi parassent auctoritatem, indeque adeo odio illis fuisse, opinantur. Sane Stoicos, ceu ætate omnes ceterarum hæresium Philosophos numero superasse, Sextus Empiricus (p) locuples mihi testis est. Quicquid hujus sit, neglexerunt Stoicam Philosophiam, & Platonicam initio, deinceps vero Aristotelicam, inito quasi certamine amplexi sunt, eo quidem eventu, ut parum abfuerit, quin moralis doctrinæ penitus jacturam fecerint. Enimvero ut illorum, qui se Pe-

n) v. Henr. Ju. Scheurlus in Bibliograph. Morali. §. CXXXIX.

o) in cap. VIII. Esa.

p) Lib. t. de Philosoph.



ripateticos aut Aristotelicos esse gloriantur, de undecim virtutibus commentationes, quandoque satis jejunas, dignas esse, quæ hoc titulo superbiant, credam, vix à me impetrare queo. Non is sum, qui de gloria & existimatione summi Philosophi, aliquid detractum cupiam: scio multos vanissimæ ambitionis æstro percitos, eousque dementiæ processisse, ut tum demum elegantissime sapientiæ se litare crederent, si in Stagiritam calumniarum plaustra exonarent, inter quos Franciscus ille Patritius (q) primum obtinet locum; sed nec illud me fugit, hominem fuisse Aristotelem, & præfertim quæ in philosophia morali scripsit, saltem quæ hodie extant, multis modis & augeri & emendari posse. (r) Et nihilo fecius per aliquot secula, ex quo Scholas occupavit Stagirita, intra hosce terminos morum doctrina subtitit. (s) Quin majus adhuc malum, græci sermonis imperitia accedebat, unde hi ipsi, qui Peripateticæ disciplinæ præclari audiebant interpretes, ne mentem quidem Stagiritæ satis assequebantur, ludicraque adeo commenta suis propinavere discipulis. Sed huic quidem malo præter alios Petrus Victorius, eruditissimus Vir, obviam ivit. Atque de Aristotele quidem multi præclare meriti sunt, moralis tamen doctrina non alia inde incrementa sumpsit, quam ut nunc demum, quid Aristoteles senserit, neminem facile latere posset. Fata tandem dedere Hugonem Grotium, illum Juris Naturalis Restauratorem felicissimum, qui

q) in Disc. Percipatet. add. Gasfendus in Exercitat. Paradox. cont. Aristotelicos. r) vid.

præter alios Omeiffi Theatr. Virtut. ab Aristot. omiff.

s) vid. Verulam. lib. I. de Augment.

Scient. p. 31. & 34.

qui restitutæ suo nitori philosophiæ moralis, gloriam, apud literarum, quacunque patet, orbem, jampridem retulit. Reprehenduntur, fateor, in ejus de Belli & Pacis Jure libris, singulares quædam sententiæ, quas tamen facile declinabit peritus Lector, neque propter aliquem nævum, totius corporis pulchritudinem despiciet. Hic signum aliquod ad bene de philosophia morali sperandum sustulit, viamque primum ingressus est, quam clarissimi deinceps solertissimique Viri suis signarunt vestigiis. Alterum à Grotio locum sibi vindicat Johannes Seldenus, cujus cura atque industria factum, ut quæ Hebræorum de gravissimis Juris Naturalis capitibus sententia sit, neminem fugere possit. Extitisse in hac gente, qui & ingenio & doctrina cum quibusvis certare queunt, vel Mosis Maimonidis doctissimi utique Viri & Juris peritissimi, exemplo constat. Accedit, quod quæ à Majoribus suis acceperunt, diligentia, qua possunt maxima, referant Hebræi Doctores, atque vel hoc nomine de morali doctrina non male meriti videri possint. Nec omnino nihil Thomæ Hobbesio debemus. Quin si tantam attulisset probitatem ad literarum studia, quantum attulit ingenium, ingens ab eo emolumentum cum omnes literæ, tum maxime doctrina moralis capere potuisset. Jam vero profanis ridiculisque commentis, ea, quæ bene excogitata scriptaque sunt, polluendo, & se & alios industriæ atque laboris sui fructibus privavit: audaciæ autem sine

& infanzæ pœnas, Cumberlandiô, Cockio, Scharrockio, aliisque doctissimis Viris dedit. Nimirum certatim inde Juri Naturali suas consecrarunt operas præstantissimi Viri, interque alios laude sua non privandi sunt, qui aureum istud Hugonis Grotii de Belli & Pacis Jure, opus, aut suis illustrarunt commentationibus, cum Theologi, tum Jureconsulti celeberrimi, Osiander, Zieglerus, Feldenus, Boeclerus, ceterique, aut summam ejus brevi quadam facillique methodo exhibuerunt, quos inter Vir illustris, Philippus Reinhardus Vitriarius, & Dethlevus Marcus Frisius, vel potius Schefferus, hunc enim Grotii Eucleati autorem esse, ipse fatetur Frisius, principem Jure suo sibi vendicant locum. Et Vitriarius quidem quæ accurate & erudite à Grotio scripta sunt, unico complexus est: fasce, summaque facilitate exposuit, in iis vero, quæ perperam ab eo sunt prolata, aliter sentire, aliorum quoque non neglectis placitis, neutiquam sibi religioni duxit. Sunt præterea & alii doctissimi Viri, quorum pars in hisce castris strenuè militarunt, pars adhuc fortissime militant, quorumque per omnia ora circumvolitat fama: horum vero hic decantare laudes, plane supervacaneum foret, cum nihil de iis tam præclare dici possit, quod non multis superent modis. Ego vero, quoties hæc moralis doctrinæ incrementa mecum expendi, expendi autem sæpius, toties insigni perfusus sum voluptate, felicitatemque nostri sæculi satis mirari non

non potui. Jamque certa me spes tenet, fore, ut, quæ deesse doctrinæ hujus perfectioni videntur, addantur propediem, sed & ut illi rectius sapere discant, qui Jus Naturæ, à doctrina morali, quam Ethicam vulgo dicunt, fecernentes, hodie demum aut nudius tertius illud enatum esse, docerique cœpisse, adeoque è recentiorum saltem scriptis peti ac hauriri posse, perperam opinantur. Tradiderunt quippe jam antiquissimi Philosophi, Aristoteles & Plato, ceterique Jus Naturæ, adeoque recentiores ita sectandi sunt, ne tamen penitus negligantur veteres. Grotium omnes imitari velim, iisque magistris, quibus ille profecit, proficere omnes. Philosophos ille consuluit omnium sectarum, consuluit & Historicos, Oratores, atque Poetas, qui haud raro cum Philosophis paria faciunt. Certe ex hujusmodi Scriptoribus, quantum roboris, aut præsidii, aut subsidii auxiliique, aut cultus & ornamenti accedat morali doctrinæ, ex uno incomparabili Grotii de Jure Belli & Pacis opere intelligi posse, Johannes Andreas Bosius vere non minus ac prudenter judicat. (t) Boeclerus (u) vero neminem Grotium, aut amare aut æstimare posse dicit, nisi qui inde profectus sui rationes expedit, unde & ipse Grotius, nisi qui easdem artes, eosdem artium fontes, quibus Grotius assuevit, imbibit.

t) de Cons.  
par. Prud.  
Civil. §.  
CVI.  
u) in Præ-  
fat. Com-  
ment. ad  
Grot.

T A N T U M:

R r 4



JOHANNIS FRANCISCI

B U D D E I

S. S. Theol. Lic. & Philosophiæ Mora-  
lis ac Civilis in Academia Frideri-  
ciana Profess. Publ. Ordinar.

SYNOPSIS

JURIS NATURÆ

ET GENTIUM.

Juxta Disciplinam

Ebræorum.





## Q. D. B. V.

**H**æcorum de morali doctrina  
sententiam, accurate quidem  
& erudite exposuit Johanes  
Seldenus, omniaque, quæ  
huc faciebant, summo studio conqui-  
sivit atque congeffit: sed digressioni-  
bus subinde eruditissimis, ad histo-  
riam aliasque artes spectantibus o-  
pus suum multo pulcherrimum orna-  
vit, aliaque attulit, quæ legentibus,  
linguarum potissimum orientalium  
notitia non imbutis, tædium creare  
possunt. Quare operæ pretium me  
facturum arbitratus sum, si quæ pro-  
lixius à Viro summo scripta sunt, in  
compendium mitterem, & citra am-  
bages, sine cultu, sine ornatu, mo-  
ralem Hebræorum doctrinam erudi-  
torum oculis subjicerem, & ipsius ut  
plurimum Seldeni verbis, expone-  
rem. Aliorum etiam Scriptorum, præ-  
sertim accuratius jus Naturæ inter-  
pretantium, subinde indicavi loca,  
usui



*usui futura illis, qui revocare ad examen Ebraicæ gentis placita cupiunt.*

*Seldenus lib. I. per integ.*

a) v. *Puf. de J. N. &*

*G. lib. II.*

c. 3. §. 2.

b) v. *Grot.*

*lib. I. de*

*J. B. &*

*P. c. I. §.*

12. &

*Comm. ad*

*b. l.*

e) v. *Schil-*

*ter in Ma-*

*nud. Phil.*

*Mor. ad*

*Jurisp.*

*cap. 3. §. 6.*

p. 81.

d) v. *Mars-*

*hamus in*

*Can. Chro-*

*nico Sec.*

9. p. m.

160.

e) *vid. Sel-*

*dendus lib.*

*VII. cap.*

2.

f) *Lucem*

*affluent*

*Auctores,*

*qui de Idololatria Ebræorum ex instituto scripserunt, vid.*

*Dion. Vossius Not. ad Maim. Tr. de Idololat. Gentil. Atvanafius Kir-*

*cherus in Pantheo Ebr. Oedip. T. I. Synt. IV. Hottinger. Primit.*

*Heid. p. 382. Leusden Philol. Ebræorum mixt. Diss. 42. Abarbanel*

*ad-II. Dig. XVII. aliique,*

**J**uris Naturalis seu Noachidici, quod non  
 lex brutorum actibus, (a) nec Gentium,  
 five omnium five plurium opinionibus,  
 moribus, vel constitutionibus, (b) nec ex  
 rationis humanæ usu, (c) sed Numinis san-  
 ctissimi imperio five indicatione, derivant,  
 quodque intellectus agentis ope, hominibus  
 innōtescit, capita alia illustriora sunt, alia  
 minus illustria. Illustriora septem sunt, de  
 Cultu videlicet extraneo, de Maledictione  
 Numinis Sanctissimi, de Effusione Sangu-  
 nis, de Revelatione Turpitudinum, de Fur-  
 to ac Rapina, de Judiciis, de Membro a-  
 nimalis viventis. (d) Minus illustria subinde  
 attingentur. (e)

## C A P U T I.

**C**ultus extranei (f) nomine Noachidis  
 interdicitur non modo saxorum, stipi-  
 tum, statuarum, imaginum, sed etiam qua-  
 liscunque Angelorum, corporum cœlestium,  
 elementorum, aliufve cujuscunque creatu-  
 ræ cultus, five quo pro Numine supremo  
 ipso habeatur, five quo velut intermedia,  
 ad

*Auctores, qui de Idololatria Ebræorum ex instituto scripserunt, vid. Dion. Vossius Not. ad Maim. Tr. de Idololat. Gentil. Atvanafius Kircherus in Pantheo Ebr. Oedip. T. I. Synt. IV. Hottinger. Primit. Heid. p. 382. Leusden Philol. Ebræorum mixt. Diss. 42. Abarbanel ad-II. Dig. XVII. aliique,*



Disp. XIV.  
Fob. Leus-  
den. in Pbi-  
lol. Ebræo-  
mixt.

disp. XXI.  
de Prose-  
lytis.

Lightfoot  
in Hor.

Hebr.

Talm. p. 41.  
seqq. Cbri-  
stianus

Cartwright-  
ius Elect.

ad Exod.

p. 131.

Seld. lib.

II. c. III.

nem, permissæ. Prioris Generis alii con-  
ditionis seu status erant liberi, quos Prose-  
lytos justitiæ nuncupant, alii servi, alii de-  
nique libertini.

Omnes autem utriusque generis Profelyti  
certis ritibus intiabantur, per circumcisio-  
nem, ablutionem, & oblationem: fœmi-  
næ oblatione & baptismo: mares post tem-  
pli excidium, circumcisione & baptismo  
tantum, idque semper præsentibus Trium-  
viris.

Servi, qui Profelyti justitiæ fiebant, ea-  
dem ratione qua ingenui intiabantur, Do-  
mino Patris vicem sustinente. Et nisi quis  
libertate in ipso actu baptismi donandus es-  
set, disertis verbis baptizabatur, *nomine*  
*servitutis retento*. Libertini erant, qui sive  
in ipso baptismi actu, sive postmodum, li-  
bertate à Dominis donabantur.

De infante è gentibus capto aut reperto  
statuere ex arbitrio Dominus poterat, vel-  
letne servituti per baptismum illum addici,  
an libertati restitui.

Major autem servus, qui spreta admoni-  
tione sæpius iterata, abnuebat sacris Ebræo-  
rum imbui, retro erat vendendus gentilibus:  
quod si ea lege emptus esset, ut ea ratione,  
qua Profelyti domicilii consecrabantur, ini-  
tiaretur, permissum illi erat ita apud Israëlita-  
tas servire. Sin omnem initationem respue-  
ret, morte dignus erat.

Et Profelyti domicilii quidem, cum suas  
sibi res adhuc haberent Ebræi, ad præcepto-  
rum, quæ Noachidis data sunt, observatio-  
nem

nem poterant cogi. Quin hospitio excipere, vel transitum concedere illis, quibus Noachidarum præcepta non erant sancta, nefas erat atque piaculum.

Cum vero Ebræi non amplius sui juris essent, invitare quidem Profelytos domicili, & hortari ad præceptorum Noachidis datorum observationem, at minime cogere licebat.

Effectus initationis duplicis sunt generis. *Schl. lib. II, c. IV.* Alii in Jure, juxta quod initiatis ac admissis vivendum erat, cernuntur: alii in ipsa personis, tum ipsorum, tum posterorum, inhærente qualitate, secundum quam censebantur.

In priori genere illud cumprimis hic non est prætermittendum, pristinae vitæ conditionem, sive statum idololatricum, tum Profelyti ipsius, tum Parentum ejus, nequam probro illi fuisse objiciendum. Idque ad Profelytum justitiæ æque ac domicili spectabat.

Quoad Secundum genus autem quinque potissimum erant initationis effectus. Regenerabantur quippe Profelyti justitiæ, juris Judaici participes fiebant, Judæorum etiam veniebant nomine, originis tamen & peregrinitatis velut perpetuum quendam characterem retinebant, singularisque posterorum erat conditio.

Et per regenerationem quidem novos quasi fortiebantur natales, ita ut nulla eis dein restaret cognatio sive sanguinis relatio, nec fratrem, sororem, patrem, matrem, liberos antè genitos omnino in suis haberent.

rent. Quin novam cœlitus illis infundi animam nonnulli credidere.

Juris autem Ebræi participatio ad ea saltem sese extendebat officia, quæ juxta præscripta Mosaica tum erga Deum, tum erga alios erant præstanda, neutiquam vero ad Magistratus & Præfecturas capeffendas gerendasque, & connubia quædam ineunda. Et hæc etiam peregrinitatis erat nota, quod licet Judæi vocarentur, non tamen ad omnes promiscue honores illis pateret aditus. Proles mascula autem ejusmodi Profelyti circumcidebatur, aliisque fruebatur juribus, de quibus alibi.

*Seld. lib.  
II. c. V.*

Libertinus in Judaismum cooptatus, undique ejusdem erat conditionis & qualitatis cum Profelyto justitiæ, qui tempore cooptationis erat ingenuus seu liber. Qui primo manumissus, postmodum circumciscus & baptizatus erat, Profelytus justitiæ, non libertinus dicebatur. A quibus tamen differunt Judæi Libertini generis, Tacito aliisque memorati.

Servi licet solenni ritu initiati, libertate tamen carebant, nec sui omnino erant juris. Cognationis autem servilis ratio illis erat nulla. Posteriores eorum Parentum sequebantur conditionem.

Profelytos dimicilii, quos, ut dictum, recentiori ætate cogere non poterant, quique præcepta Noachidarum observare abnuebant, pro impuris & inquinatis habebant, ad commercia cum gentilibus evitanda, idque ex jure superveniente.

*Seld. lib.  
II. c. VI.*

Ebræis itaque ac Profelytis utriusque ge-  
ne-

neris; nefas erat statuam erigere, lucum plantare, imagines aliaque id genus facere: & Noachidis quidem ex jure superveniente, ceteris ex jure imperativo,

Nimirum statuæ (i) nomine venit opus qualecunque, etiam altare, ideo constitutum erectumque, ut conventus publicus; ad sacra illic peragenda, etiam vero Deo fieret. Eodem modo sese habebat facultas saxâ figurandi, lucumque plantandi.

Quemadmodum enim Israëlita, ita & Noachidi, neuiquam permissum erat, siue juxta tabernaculum, siue templum Hierosolymitanum, siue in locis, ubi adoraret ipse qualiscunque ornatum, lucum plantare (\*) seu arborum ordines conferre.

Denique quod ad imagines (k) attinet, nefas quidem erat Noachidi imagines facere in territorio Israëlítico, ne ornatus quidem causâ, aut in majorum memoriam, sed & eos, quos & Israëlitis ex jure imperativo formare piaculum erat, idque ex jure superveniente.

Israëlitis autem neuiquam permissum erat formare imagines in solido, seu protuberantes, humanas, (l) nec (siue protuberantes, siue in plano) cœlestes, ornatus gratia, sed tantum docendi discendique causâ.

Non tamen dubitandum, quin pro vario eorum, qui rebus ac disciplinæ præerant, opinione, seculorumque discrimine, aliter atque aliter permissio seu interdictum se habuerit.

Hebræus & Præselytus iustitiæ, qui hæc ju-

i) vid. Henric. Kippingius in Anti-quit. Rom. lib. I. c. 7.

\*) vid. Job. Spencerus de Legib. Hebræor. Ritual. lib. II. cap. 16. p. 364. seqq.

k) Rationes, quare Deus per imagines non sit adorandus, vid. apud Petrum Chauvinnum de Reliq. Natur. P. II. c. 10. p. 312. seqq.

l) de Cherubinibus qui hic excipiuntur. vid. Job. Spencerus de Legib. Hebræor. Ritualibus. lib. III. Dissertat. V. J. de Origine Arce Cherubinarum. Seld. lib. II. c. VII.

m) *add.*  
*Spencerus*  
*lib. II. cap.*  
*27. p. 273.*

*seqq.*  
 n) *Spencerus*  
*l. c. lib.*  
*II. c. 21.*

o) *add.*  
*Spencerus*  
*l. c. lib. II.*  
*c. 29. p.*  
*385. §*

*cap. 20. p.*  
*391. seqq.*

p) *Spencerus*  
*l. c. lib.*  
*II. cap. 12.*  
*p. 308. seqq.*

q) v. *Spencerus*  
*l. c.*  
*lib. II. c.*  
*13. p. 322.*  
*seqq.*

r) *de quibus*  
*præter*

*Spencerum*  
*l. c. cap. 1.*  
*lib. II. conf.*

*Salmastus*  
*de annis*  
*Climacter.*

*in præfat.*  
*Pocockius*

*in Not. in*  
*Specim.*  
*Hist. Arab.*

*p. 138.*  
*Sam. Bo-*  
*obartus in*  
*Geograph.*

*S. lib. II. c.*  
*26. § Hus-*  
*nus in D.*

*E. Prop.*

ris capita violaverat, verberibus ex sententiâ forensi puniebatur: Noachides diversimode, pro rerum temporumque conditione.

Sed & actibus per se licitis ideo abstinendum erat, quia cultus extranei erant & imitamenta & iavitamenta, idque ex jure superveniente. Eiusmodi actus erant habitus sexum ementiri, (m) vestimentum ex diversis generibus gestare, (n) diversi generis animalia ad coitum, sive ad aratrum simul admittere, (o) fructus ante annum quartum comedere, in rotundum attondere comam, aut barbam radere, (p) cutem incidere. (q) Ideo enim hosce actus Israëlitis esse prohibitos ajunt, quia solenniores antea erant Idololatriæ, tum ænis, tum præcipue Zabiis (r) à Maimonide aliisque memoratis.

Quin ad usum & possessionem imaginum hoc interdictum extendebatur. Tria vero hic erant imaginum genera. Aut enim factæ erant cultus gratiâ, necdum cultæ, aut etiam cultæ aut factæ tantummodo in ornatum, sive rusticum, sive urbanum, sive ejusmodi alium usum, citra omnimodam cultus extranei rationem.

Si facta esset imago cultus gratiâ à gentili, necdum culta, nefas erat ea uti: sin ab Israëlita, modo non culta fuisset, ab omni usu non erat arcenda. Ast quæ nec cultus gratiâ, sive à gentili, sive ab Israëlita factæ, nec cultæ erant, plane licitæ habebantur, ut pars supellectilis.

Instrumentorum vero, Vasorum, rerumque

*§. 6. 4 §. 2. §. alib.*

que omnium, quæ cultui idololatræ inferiebant, usus, tum Israelitis, tum Profelytis erat interdictus.

Ast vasa & instrumenta, ut & idolum ipsum, poterant reseccari, sive religione solvi, & quidem tantum à Gentili, qui ipse hæcenus esset idololatra, sive dominus rei, sive non esset. Id quod tamen rursus sine variis restrictionibus non admittunt.

Quemadmodum vero ceterarum rerum, ita & luci, sive arboris, sive eo nomine, ut coleretur ipsa, sive ut idolum obumbraret, idolumve ornaret, plantatæ, usus illicitus erat. Quod eousque extendebant, ut ne transire quidem, si alia pateret via, per ejusmodi lucum fas esset, & quæ erant reliqua. Erat tamen, ubi ejusmodi arbores non plane destituerentur usu, quemadmodum & res mere naturales, extra rerum prohibitarum numerum fuere.

## C A P U T II.

Sequitur alterum juris Noachidici interdictum, de Maledictione Nominis Sanctissimi. Maledictionis autem vox in latiori significato sui ambitu, prout ei opponitur sanctificatio, duo sub se complectitur, profanationem Nominis Divini, & ejusdem exorationem. *Seld. 1. 11. II. c. 2.*

Profanari autem tripliciter Nomen Divinum ajunt. Primo modo, ubi Ebræus, ut mortem imminuentem evitaret, quid adversus sacræ legis præscripta patrabat, quoties scilicet ex Majorum instituto seu disciplina,



s) *Consultantur hic quæ de jure & facere necessitatis subinde disputantur vid. præ ceteris Pufendorfus, lib. II. de J. N. & G. cap. 6. per integr.*

mors præ tanto peccato, ut minus malum fuisset eligenda. (s) Neque enim semper volunt mortem anteferendam: nec levioris periculi ratio habebatur heic ulla.

Mors autem alicui imminabat, aut ex morbo, aut ex alicujus hominis minis. Si illud, fas erat ægroto tum vetita comedere, tum alia in lege sacra prohibita qualiacunque facere, quæ salutis, ut medicina, conducebant, saltem idololatria, homicidium, & revelatio turpitudinum, excipiebantur.

Quoties autem mortis minis Ebræus ad violationem leges impellebatur, idque extra statum publicæ vexationis, permissus illi erat qualiscunque, in quem sic impellebatur, actus, modo trium interdictorum ante memoratorum, violaretur nullum. Et quidem, si actus in emolumentum impellentis cedebat, satius erat obtemperare, quam mortem subire, sin vero directe in legis violationem tenderet, tum si Ebræi decem pluresve adessent, mors præponenda, sin pauciores, vita obedientiæ redimenda erat. At tempore publicæ vexationis, nefas erat, vel levissima legis violatione vitam redemisse.

Secundus profanandi modus est, ubi quis in præceptum quodcunque, cum contemptu aut ardore animi, etiam ad tentandum, seu irritandum Numen, procacius seu morosius quid patrat.

Tertius denique modus nomen divinum profanandi erat, si v. g. vir in magna auctoritate constitutus, moribus se parum decentibus, alios offenderet, quemadmodum

COL.

contra morum sanctorum, sive justæ tum gravitatis, tum comitatis, similibusque virtutum, diligentior in ejusmodi viro observatio, sanctificatio nominis Divini dicebatur.

Si igitur nomine maledictionis intelligatur profanatio illa, hactenus explicata, utique solos Judæos, non autem Profelytos domicilii hac lege teneri, arbitrantur. *Seld. lib. II. cap. XI.*

Quod vero ad alteram maledictionis speciem, seu execrationem nominis Divini, attinet, illam Noachidis interdictam esse, extra dubium positum est.

Vocare eam & blasphemiam solent, committiturque, quando Sanctitas, Potestas, Veritas, Unitas Numinis, aut (1.) convitio ultro ac diserte profcinditur, ut ex professione actuve aliquo palam ac procaciter negari, consequenter deprehenditur. Velut, ubi quis citra idololatriæ actum aliquem, eam amplectendam sive aliis suadet, seu ipse profitetur, idque ex protervia, non ex ignorantia, seu disciplinæ errore, aut ubi (2.) Israëlita Jus Mosaicum, aut Noachides Jus Naturale, simili modo violat.

Quocunque igitur modo capiatur execratio, ad Judæos æque ac ad utriusque generis Profelytos, lex istam prohibens spectat; an autem pœna excidii, legi Num. XV. 30. addita, æque ad omnes pertineat, non liquet. *Seld. lib. II. c. XI.*

Quod autem ad pœnam hujus criminis forensis attinet, tum Judæus, tum utriusque generis Profelytus, morte plectendus erat. Et Judæus quidem, si expressum no-

men tetragrammaton blasphemasset, neutiquam vero, si cognomini Divino maledixisset. Profelyto domicilii autem cognomini Divino maledixisse, capitale erat, idque ex jure superveniente. Non tamen defuerunt, ex ipsis Doctoribus Talmudicis, qui censerent, Israelitæ æque ac Noachidi capitale fuisse, cognomini Divino maledixisse, illi ex civili, huic ex imperativo Jure. Et hinc intelligitur, quo Jure Christum blasphemæ reum peregerit Caiaphas. Quod vero Fl. Josephus & Philo tradunt, etiam Diis gentilium maledicere, in gente Hebræa nefas esse, id secus se habet: rectiusque de Magistratibus Lex Divina capitur.

Sed & quando mentionem Deorum facere prohibentur, id non tam de simplici nominandi Deos actu, quam de votis (s) ac juramentis eorum nomine concipiendis, & præstandis, (t) & de societate cum Idololatriæ ineunda, est capiendum.

Enimvero, ex Magistrorum sententia, non tantum peccabat, qui juramentum per Deum alienum concipiebat, sed & ille qui causa erat, ut alter per idolum juraret. (u) Poena tamen forensis non infligebatur ex hac lege, nisi ei, à quo aut votum conceptum, aut juramentum præstitum fuerat idoli nomine.

Officia hominis erga Deum duo ista Juris Noachidici capita equidem nobis sistunt, ut videtur, negative: dubium tamen non est,

add. lib. II. c. XIII.

s) Vid. Scibiterus in Manu. duci Philof. Mor. ad Jurisprud. cap. II. §. 9. t) vid.

Grotius lib. II. de J. B. ad P. c. 12. §. 10. & Ziegler. ad h. l. add. Pufendorf. l. IV. de J. N. & G. cap. 2. §. 3. §. 4.

u) videatur Grotius l. c. §. 12. Ofsender ad h. l. add. Dr. Variatus in Institut. J. N. & G. lib. II. c. 13. §. 41, Sed. LIII. c. 1.

est, quin simul hoc innuant Hebræi, Deum cultu tali, quali vult coli, esse colendum. Neque enim sufficit, non adorare idola, non maledicere nomini Divino, sed insuper, ut ipsum Deum colamus, amando ipsum, venerando &c. (x) requiritur.

x) vid.  
Pufendor-  
fius de Of-  
ficio H. &  
C. lib. I.  
cap. 4 cum-  
primis §. 6.  
add. Chau-  
vinus de  
Relig. Nat.  
part. 2. c. 1.  
& 2. Seid.  
lib. III. c.  
II.

Ut vero eo rectius intelligatur, qualis Nominis cultus lege naturali juxta Hebræos exigatur, cultum divinum, tum ante, tum post Mosaica tempora, sigillatim considerare juvat; & tandem, qualis cultus Proselytis domiciliis gentibusque aliis, tum ex imperativo, tum interveniente jure, aut interdictus aut permissus, aut quare interdictus permissusque sit, addere.

Quod itaque ad cultum divinum, ante constitutam à Mose Hebræorum Rempubli- cam, attinet, constat, vetustissimos mortalium Deo exhibuisse oblationes. Preces item, benedictiones, adorationes, vota in usu erant, (y) Animalia quoque omnis generis, offerebantur, præter ea, quæ Noachidis immunda (z) fuisse accepimus. Quin & varii generis sacrificia, (a) propitiatoria, expiatoria, eucharistica, & id genus alia, tum apud ceteras gentes, tum ipsos quoque Græcos atque Romanos, frequen- tata fuisse, compertum habemus.

y) Confu-  
latur bio  
Heideggeri  
Historia  
Patr.  
z) vid.  
Spencerus  
l. 1. c. 5.  
a) add.  
Spencerus  
lib. III.  
Dissert.  
II. de ratio-  
ne & Ori-  
gine Sacri-  
ficiorum.

Ast cultus divini Ebræis præscripti, post constitutam à Mose Rempubl. varia fuerunt genera. Partim enim precibus, adorationibus, benedictionibus & gratiarum actionibus: partim victimis, sacrificiis, oblationibus, præstationibusque in corpore Mosaico.

memoratis, præter solennem cessationem à laboribus & obedientiam insuper, qua & præceptorum corpus reliquum observandum erat, absolvebatur.

Sed omnes hi actus duplici possunt considerari ratione: aut qua ex humani generis usu solenniores erant, spontaneæ, ac simpliciores, aut qua singulares, ritus, iussa, atque ceremonias Ebræis peculiare, secum conjunctas habuere. Prioris generis erant holocausta plane spontanea, tum qua sacris usibus reliqua, sive ex voto, sive ex donatione; ultrò ac simpliciter addicta sunt. Posterioris generis exempla habentur in libaminibus, pacificis, expiatoriis, quorum & ritus variè Ebræis præscripti sunt, & finis præter simplicem cultum, diversimodè peculiaris fuit, quemadmodum insuper in annuis dimidiorum siclorum pensitationibus, decimationibus, agni Paschalis comestionibus, primogenitorum consecrationibus, & id genus ceteris.

b) vid.  
Spencerus  
l. c. lib. I.  
c. 6. Sect. 3.

Quod ad tempora (b) autem spectat, hujusmodi cultus, dies festi, præter jejunia, fuere ipsis non pauci, veluti Sabbathum, Paschales dies, Neomeniæ, Scenopegia, alii nemini ignoti. Sacrificia itidem matutina & vespertina, preces pariter cum gratiarum actionibus effundendæ, hora precum, ut apud Christianos Canonice, ipsis peculiare: sed precibus, non quidem ex lege sacra, verum ex Majorum sancitis, certum tempus erat constitutum.

Victimarum & libationum locus tabernaculi

maculum & templum Ebræis erat. (c) Qua de re variæ extant leges. Preces ubique fundere licebat. (d)

c) vid. Spencerus Part. III. Dissert. I. cap. III. de Origine Tabernaculi & Dissert. VI. de Origine & Ratione templi.  
d) vid.

Quod ad gentiles itaque attinet, legis suæ capita illis, siquidem sibi subditi non essent, nunquam ita invaserunt Judæi, ut ejusdem, velut exemplaris optimi, (e) usum, eis pro lubitu, non usquequaque licitum esse arbitrarentur.

Lichtfooti Hor. Ebr. Talm. in IV. Ev. p. m. 292. seqq.

Id quod tamen de Profelytis domicilii multo aliter sese habuit. Præterquam enim quod ex jure imperativo, quædam in specie ad eos, æque ad Judæos, pertinebant, etiam ex jure interveniente, multa Profelytis domicilii vetita sunt, quæ Ebræis utcunque sunt imperata, & vicissim alia, illis æque ac hisce permilla.

e) vid. Grotius lib. I. c. 1. §. 17. & Comment. ad b. l.

Nimirum actus sacri aut simplices sunt, omnibus hominibus præstandi, aut cum ritibus, Ebræis tantum injunctis, commixti. Hi nec Profelytis domicilii, nec aliis gentilibus, sacris Hierosolymitanis misceri cupientibus permilla, ut sacrificia expiatoria, pacifica, quatenus ab holocaustis differunt, item primitiæ, decimæ &c. Simples contra omnes erant permilla, ut preces, adorationes, gratiarum actiones, holocausta, & omnes spontaneæ oblationes.

Seld. L. III. c. 4. & 5

Tempora item hisce præstandis promiscue permilla, ita tamen ut nec festum aliquod Ebraicum Profelytis domicilii celebrare fas esset, nec sibi festum aliquod statuere, aut alibi statutum, in ditione Israëlita observare.

St s Lo

*f) vid. Dn.  
D. Pfeiffer-  
ous in Du-  
bitis Vexa-  
tis. p. 425.  
& seq. &  
ceteri  
Scriptores  
de templo,  
Hierosoly-  
mitano ibi  
citati.*

Locorum vero ita habebatur ratio, ut non tantum quæ de lucis non plantandis, de statutis sive altaribus non erigendis, supra dicta sunt, à Profelyto domicili, ex jure superveniente, observarentur: sed permissum illis quoque erat, preces effundere, hostiasque offerre, in templo Hierosolymitano, laxius accepto vocabulo, prout montem templi, seu montem Moriah (*f*) denotat, qui hæc nomine itidem non raro insigniebatur.

*Seld. L. III.  
c. VI.*

Arcebantur quippe, non solum à Sacerdotum atrio, uti & alii Israëlitarum Laici, eoque, quod Israëlitis Laicis, & qui ipsorum jure pariter ferme in ceteris fruebantur, Profelytis justitiæ, tertioque quod mulieribus proprium erat, verum etiam ab ipso ætemuriali. Sed post templi excidium gentilibus, ubicunque locorum voluerint, holocausta offerre fas est.

*Seld. L. III.  
c. VII.*

Unde & simul in magno errore illos versari patet, qui non res ipsas, sed pretia rerum tantum, Hierosolymis à Gentilibus oblata fuisse, contendunt.

*Seld. L. III.  
c. VIII.*

Hæc omnia eo pertinent, inde ut evincatur, Noachidas, omnesque adeo homines, ad cultum tum internum, tum externum, ex mente Hebræorum, fuisse obligatos. Cultum externum vero, tum aliis quibusdam præstationibus, tum præcipue oblationibus spontaneis absolvi.

Spontaneæ autem vocantur hæc oblationes, non ac si nulla ratione aliquis ad eas obligetur, sed quia genus, tempus, estimatio

no, offerentis arbitrato ita relicta erant, ut legibus ad Ebræos tantum spectantibus, non teneretur.

Nec illud prætermittendum, holocausta Gentilium, juxta leges generales fuisse offerenda, & præterea vices tam ilastici atque expiatorii, quam eucharistici Sacrificii, simplices ac spontaneas illas oblationes supplere, dummodo, quantum ad ilastica, confessio & pœnitentia accederet.

Non minima quoque cultus Judaici pars erat, sanctificatio & celebratio Sabbathi. De cujus origine & institutione (g) antiquiores Hebræi ita sentiunt, ut à Mose demum in Mara illud, jussu Numinis institutum, ut tum creationem, tum redemptionem ex Ægyptiaca servitute, in memoriam sibi revocaret Israël's progenies, magno consensu tradant.

Sic & Judæos ordinarios tantum, & Profelytos justitiæ, Libertinos itidem, aliosque baptismo & circumcissione, in Ecclesiam Ebraicam rite cooptatos; neutiquam vero Profelytos domicili, (b) seu eos, qui Judaismo nondum nomen dederant, in quaecunq; vitæ commercium intra ditionem Israëliticam admissi, hac lege obligari censebant. Quin pœnis gravissimis obnoxii erant Profelyti domicili, si hoc mandatum observarent.

Testatus in Genes. c. II. q. 4. Pererius lib. in Genes. Asterius Inyitius, Moral. T. II. lib. 5. cap. 2.

Seld. Eb. III. C. IX. seqq.

g) vid. Spencer. de Legibus Hebraeorum Ritualibus lib. I. c. IV. Sect. 7. usque ad 13. addantur, Quæstionibus, D. Schmidius & Frijebmabius, in Dissertationibus peculiaribus. b) Præferunt ergo illis, qui hoc præceptum morale esse negant, Alphonfus Inyitius.

CA.



**O**fficia hominis erga Deum excipiunt officia hominis erga alios. Hic primum locum tenet illud de homicidio interdictum.

Nimirum nefas est hominem interficere, (i) nisi per modum pœnæ legitimæ, (k) aut quasi pœnæ hoc fiat. Idque ad omnes æque homines spectat.

i) v. Pufendorf.  
lib. III de  
¶ N. &  
G. c. 1. §.  
6.

k) v. Grot.  
lib. 1. de J.  
B. & P.  
c. 2. §. 5.

Diversimode tamen homicidium punitur, utcumque ex animo & data opera patratum, idque sive genera cædis, sive personas, quæ intermerunt, sive interemptos spectes.

Quod ad genera attinet, cædes ex animo tum ab Israclita, tum à Gentili, patrata sive gladio, sive fuste, sive saxo, aliterve, per ipsum reum, cæsim, punctim, jactu, &c. ultimo supplicio, i. e. gladio ex sententia forensi erat puniendæ.

l) vid.  
Grot. lib.  
II. c. 17. de  
¶ B. &  
P. §. 5.  
seqq. ad-  
dantur quæ  
de actio-  
num impu-  
tatione a-  
pud Pufen-  
dorf. alios-  
que dispu-  
tantur.

At vero, si Israclita per alium (l) cædem perpetrasset, is quidem ordinarie supplicio capitali non afficiebatur, nisi pacis & tranquillitatis publicæ gratia, præter morem hoc fieret. Id quod tamen in gentilium pœnis secus sese habebat.

Personarum quoque interemptarum nulum erat discrimen. Cujuscunque sexus aut ætatis hominem quis interemisset, perinde erat. Itemque sive Ebræum, liberum vel servum, sive Profelytum justitiæ, sive denique servum à Gentilibus alienum.

Quod si quis suum è Gentilibus servum ita percusserat, ut intra 24. horas stare nequiret, sed ex vulnere statim decumberet & more-  
re-

retur, mortis reus erat : fecus vero se res habebat, si ex vulnere non statim decumberet, licet intra 24. horas moreretur.

Quæ de muliere gravida percussa in lege dicuntur, ita intelligunt, ut si ex abortione mortua non esset fœmina, nec sequeretur pœna ibi præstituta, compensationem autem damni marito hinc illati æstimabant ex detrimento, quod uxoris corpori inde eveniret, seu juxta id, quod uxoris pretio, si ancilla esset, inde decederet.

Unde quidem patet, ex mente quorundam veterum Hæbræorum, homicidii reum non fuisse, (m) nec capitale subiisse supplicium, qui mortem intulisset fœtui in utero matris existenti, id quod tamen jure meritoque displicuit sanioribus, qui hosce non minus homicidii reos pronuntiant, ac nos, qui in lucem infantes emissos interficiunt, quorum tamen ob cædem, intra triginta dies, quoties novimestres non essent, ultimum supplicium à foro non irrogabatur, licet plane impune non committeretur.

Sed & exponere infantes ex mente Ebræorum nefas erat. (n)

Est vero nec illud prætermittendum, capitale fuisse homicidii crimen, si ab Israelita, Profelyto justitiæ, vel ab alio rite sacris Judæorum initato, aliquis horum interficeretur : alit vero ob Profelyti domicilii, vel gentilis cædem, pœna capitalis non irrogabatur. Unde constat, eos censuisse, pœnam homicidii non necessario esse capitalem. (o).

m) à qua sententia non videntur procul abesse Henrriquez, Sanctius, & alii. Sed vid. Lessius lib. II. de J. & J. c. 9. Dub. X. n. 61. Covarruv. Clement. s. Furiosus, part. II. §.

n) vid. Pufendorf. de J. N. & G. Lib. II. c. 2. §. 6. ar. d. Lipsius Cem. I. ad Belgas Epist. LXXXV. Thomas

Bartholinus de puerperio p. 46. seqq. Desiderius Herwaldus lib. I. in Tertull. Apolog. Digress. 8. o) vid. hic omnino Pufendorf. lib. VIII.

Si

de J. N. & G. c. 3 §. 26. add. Grot. lib. I. §. 2. §. 5. p) v. Pufendorf. lib. III. c. 1. de J. N. & G. Grotius lib. II. c. 17. q) vid. infra cap. de Judiciis. r) vid. Grotius lib. II. de J. B & P. c. 20. §. 8. sed add. nostrum Disert. de Jure Zebatar.

e) vid. Pufendorfus lib. III. cap. I. de J. N. & G. add. quæ ad actionibus per ignorantiam commissis, ut & de tripli. culpa, passim traduntur.

Si plures concurrissent (p) congeneruntque plagis seu jactibus peremissent, ut eorum nullus seorsim hoc fecisset, quod mortem inferre potuisset, cuncti liberi erant à capitali supplicio. Nec etiam homicidium, ceteroquin capitale, si unus tantum adesset testis (q) ultimo supplicio plectebatur. Id quod tamen in Proselyto domicilii, secus sese habebat. Qui & in eo deterioris erat conditionis, quod semper, si alium ex processu intermisset, capitale debebat subire supplicium, idque ex jure interveniente, à quo tamen aliquando immunes erant ceteri.

De Vindice sanguinis (r) autem ita statuunt, ut ei fas fuisse asserant, homicidam ejusmodi sine fori sententia, obvium præoccupando, morte plectere, quin & eos plectere, qui ex forensi sententia morte non erant afficiendi, v. g. si Israëlita, unico saltem teste convictus, homicidii reus esset. Atque hoc jus ex more gentium Orientalium ad eum spectabat, qui occiso sanguine ipse erat conjunctus, ut proximus esset hæres,

Hactenus de homicidio voluntario dictum, Involuntarii tres ex mente Ebræorum sunt species. Prima est, quando quis ex errore & ignorantia simplici atque infortunio, nec tamen sine culpa levi, contracta, hominem occiderat. (s) Huic speciei accedebat homicidium, per se quidem aliàs voluntarium, atque ex ignorantia seu errore cujusdam facti, vel ut ex jure commissum.

Secunda, quando etiam ex errore quis hominem occiderat, seu casu, sed qui injuriam

vel violentiam imitaretur, interim casus esset, qui nequaquam in rebus humanis ut plurimum eveniret. Unde nec culpa, ne levis quidem, homicidæ tribuenda.

Tertia homicidii involuntarii species est, ubi quis alium occidit ex errore quidem aut ignorantia, quæ tamen prope accedit ad id, quod spontaneum est seu voluntarium, adeoque intervenit culpa latissima.

Ex hisce homicidii involuntarii speciebus nulla est, quæ morte, ex sententia forensi ordinaria, sive in Ebræo aliove circumciso, sive in Profelytâ domicili, aut gentili alio, puniretur.

Urbes asyli autem (1) nec ad secundam nec ad tertiam, sed ad primam duntaxat pertinebant speciem, & tum quidem, quoties percussus statim mortuus esset, non autem ex vulnere langueret. In talem enim Vindici sanguinis nulla erat potestas, quemadmodum & plane non in Magistrum & Patrem, discipulum filiumque ita verberibus corrigentes, inde ut morerentur.

Secundæ speciei homicida opus habebat asylo: ast tertio urbes asyli non erant præsidio.

Urbes asyli duplicis erant generis, tum sex illæ in divinis literis memoratæ, tum omnes etiam urbes Leviticæ. Ast hoc intercedebat discrimen, quod priores homicidæ memorato semper, posteriores tum deum præsidio essent, si incolæ vellent.

Si quis limites asyli sponte esset egressus, impune occidebatur, tum à Vindice sanguinis,

t) ad. Johannes Adamus Osiander de Asylo, Rittersbuschius de Jure Asylo- rum, Mar- tis Asylo- logia Sa- cra, Cocce- jus ad Sam- bedrin. p. 110. seqq.

nis, tum ab alio quocunque; sin ex errore, occifori fas erat in urbem afyli confugere. Quod fi intra limites afyli homicida interficeretur, & Vindici fanguinis, & ceteris hoc capitale erat.

Sunt & qui putant, altare fuiffe locum confugii, id quod tamen tum demum admitti potelt, fi quæ de partibus altaris, de perfonarum & facinorum qualitate, etiam de mora, addunt, rite attendantur.

Ceterum fi Profelytum domicilii, five liberum five fervum, cafu occiderat Ebræus, migrandum ei erat in urbem refugii. Ad Gentilem autem, qui nondum Profelytus domicilii factus, five Ebræum five gentilem ex errore feu cafu qualicunque occiderat, urbium refugii privilegia non attinuere. Nec tamen ex fententia forenfi morte plectendus is erat, fed Vindicis fanguinis arbitrio ita fuberat, ut ab eo impune poffet occidi. Profelyto domicilii autem, fi Ebræum vel circumcifum occiderat, urbs refugii non proderat, fecus autem fe res habebat, fi Profelytum fui generis, five liberum, five fervum, occidiffet. Capitale quippe illi erat Ebræum interfeciffe.

*u) vid.  
Grotius  
lib I. de  
J. B & P.  
6. 2.*

*Seld. L.  
IV. c. III.  
& IV.*

Patet itaque, non poffe hominem interfici, nifi per modum pœnæ, vel quafi pœnæ, quorfum etiam bellica crædes (w) pertinet. Pœna autem capitalis, tum à perfonis publica auctoritate pollentibus, tum à privatis, ut Vindice fanguinis, potelt irrogari.

Erant vero & alia pœnarum gênera privatis

yatis concessa. Defensio videlicet, & jus Zelotarum.

Nimirum poterat quis non tantum se ipsum (x) sed & proximum suum, (y) hoc est congenerum (z) cum cæde & repulsione violenta inuasoris defendere. Sed & adulterii aut incestus omnimodi causa, ut & pæderastiæ, illatam vim, (a) vi propulsare, fas erat. Sed & illius (Israelitæ) qui concivem suum, vel bona ejus in potestatem gentilium tradere volebat, cædem licitam esse pronuntiabant. Quemadmodum & ejus, qui palam atque ad irritandum Numen, ejusve contemptu, præceptum aliquod divinum violasset. Gentilem tamen hac de causa, aut aperta vi occidere, aut circumvenire, nefas erat: licet eos præsentis periculo eripere itidem nefas esset. Existimabant quippe, se non tantum non obligatos esse officia humanitatis gentilibus præstare, sed hoc insuper nefas esse (b) autumabant.

Huc etiam pertinebat, ex eorundem mente, infantis cædes (c) sine illa si mater servari non posset, id quod tamen tum demum admittebatur, si foetus caput nondum in lucem emisisset.

Supplicium capitale homini *ἰπανταφόρος* deprehenso, à Zelotis (d) id est, privatis zelo ductis, infligi permittebant, quoties

T t fan-

x) add. Grotius lib. I. de J. B. & P. c. I. Pufendorf. lib. II. cap. 5. Textor. Synopf. Jur. Gent. c. 5. Obrechtus, aliique, qui ex Instituto de sui defensione scripserunt, laudati Kulpisio in Colleg. Grot. ad cit. Grotii loc.  
y) add. Grotius lib. II. c. 25.  
z) vid. Zieglerus in Grot. lib. I. c. 2. p. 91.  
a) add. Balduinus in Casib. Consc. lib. IV. c. 1. Voetius de Duellis c. 24. Kulpisius l. c. §. 4.  
b) Pufendorf. lib. III. c. 3. Seld. L. IV. c. V. c) vid. Antonius Matthæus de Crim. ad l. 47. D. L. V. §. 5. Meisnerus in Philos. Sobr. Sect. I. c. 6. p. m. 230.  
d) conf. Zieglerus ad Grot. lib. II. c. 20. §. 9. p. 40. add. nostra de jure Zelotarum Dissertatio.

b) Perperam. vid. Zieglerus ad Grot. l. c. p. 91. & Pufendorf. lib. III. c. 3; Seld. L. IV. c. V. c) vid. Antonius Matthæus de Crim. ad l. 47. D. L. V. §. 5. Meisnerus in Philos. Sobr. Sect. I. c. 6. p. m. 230. d) conf. Zieglerus ad Grot. lib. II. c. 20. §. 9. p. 40. add. nostra de jure Zelotarum Dissertatio.

sanctitatem sive Numinis, sive Templi, sive gentis, Ebræus aut circumcisus alius, seu in Judaismum coopratu ita violaret, ut palam ac in publico eam sive denegare, sive spernere, speciebus aliquot facti atrocioribus videretur.

Nimirum præsentibus coram decem minimum Israëlitis quempiam facinorum aliquod jam dictorum commissurum, ipso eodem momento, fas erat incurrere seu aggrediendo eum aut verberare, aut vulnere præpedire ac cohibere, aut etiam cæde perseverantem è medio tollere.

Seld. L.  
IV. c. VI.  
VII. seqq.

Sunt & qui putant, Anathemate percussos licite à privatis in gente Ebræa interfici potuisse. Id quod tamen simpliciter admitti nequit.

e) *add. Aloysius Novarinus in Schediasm. Sacroprof. lib. VII. cap. 10. Vorstius ad Pirke Ehes. p. 226. Dilberus Elector. lib. II. c. 19. aliique.*

Nimirum Anathematis quatuor sunt species. (e) Aut enim vox illa denotat sacrum donarium, quod Numini seu in sacros usus devovebatur; aut id quod expressim jure belli ac militari, seu ob inimicitias capitales devovebatur perditioni, internecioni, aut odio intestino; aut quod in commissum cadit; aut demum, quod diris, jure tantum pacis onustum.

Atque sic ex secundi Anathematis, non vero ceterorum lege, fas fuisse interficere hominem, palam est.

## C A P U T IV.

**Q**uartum Juris Noachidici caput, ex illustrioribus illis, de Revelatione Turpitudinum præcipit. Id quod Ebræorum

Ma.

Magistri ita capiunt, ut ante legem Mosai- Seld. L. V.  
c. I. & II.  
cam, illicitum fuisse concubitum pronun-  
tiant, cum matre, noverca, uxore aliena,  
sorore uterina, masculo, bestia.

Post Legis Mosaicæ promulgationem au-  
tem nefas erat concumbere cum matre,  
noverca, nuru, masculo, bestia, idque ad  
masculos æque ac ad fœminas spectabat, fo-  
cru, socrus matre, soceri matre, filia, ne-  
pte ex filia, nepte ex filio, privigna, ne-  
pte uxoris ex filia, nepte uxoris ex filio,  
uxore aliena, sorore sua uterina, sorore  
germana, amita, matertera, sorore uxoris  
suæ, uxore fratris sui, uxore patruï, fœ-  
mina mensibus laborante, ex parte fœmi-  
narum, cum patre, & patruo.

Ceterum obligatos esse masculos omnes, Seld. L. V.  
c. III.  
f) vid. Puf-  
fendorf. lib.  
VI. cap. 1.  
§. 3.  
ad matrimonium ineundum (f) existima-  
bant, ita quidem, ut quicumque expleto  
vigesimo ætatis anno, uxorem non duxerit,  
hoc præceptum violasse censeatur, nisi aut  
assiduo Legis studio incumbat, acriori libi-  
dinis stimulo immunis, aut partium, quibus  
viri sumus, defectu, generationi impar sit.  
Idque præceptum ad omnes æque homines  
spectare.

Nec vero præcepto huic quis satisfecerat,  
si uxori superstes, prolem utriusque sexus,  
eiusque integri, non haberet. Cujus autem  
filius & filia mortui, relinquerent liberos u-  
triusque sexus, ita ut nec eorum alterutri  
proles deesset, præcepto liber erat. Supple-  
bant videlicet filiorum filiarumque locum,  
nepotes & neptes.



Profelytus, qui etiam hoc jure tenebatur, tum demum huic præcepto fecerat satis, si postquam Judaïsmum amplexus erat, utriusque sexus liberos suscepit. Id quod tamen non obtinebat, ubi servus post susceptam ejusmodi prolem, manumissus erat.

Seld. L.  
P. c. VI.

g) vid. Pufendorf.  
lib. VI. c.

1. §. 4.

b) vid. Lambertus  
Velthufius  
in Tract.  
Morali de  
Naturali  
Pudore

& Dignitate hominis, part. I. operum.

Seld. L.  
V. c. VI.

i) vid. tum propugnatores Polygamia Ochinus, Lyserus, personati illi Sincerus

Warenber-

gius & Dopbnaeus Arcuarius: itemque Athanasius Vincentius, tum oppugnatores Beza, Musæus, Brunsmannus, Dieckmannus, Menzerus, Gejenius, aliique.

k) vid. Buxtorfius in Dissert. peculiari. add. Velthufius l. c. & Pufendorf. lib. VI. c. 1. §. 20. ubi & Miltonum refellit.

Ad matrimonium vero non sufficiebat consensus, sive ipsius conjugis, sive parentis vel propinqui, nomine ejus promittentis, sed concubitus etiam requirebatur, (g) idque ex Jure Noachidarum. Namque ex jure sacro seu civili consensus solus apud Ebræos citra omnem controversiam sufficiebat.

Sed & inuptarum concubitum Jure Naturali licitum esse putabant, (b) qui tamen lege Mosaica Ebræis deinceps fuit interdictus.

Plures uxores simul habere omnibus hominibus, (i) tum ante, tum post legis Mosaicæ promulgationem, fas est, modo præter alimenta & vestimenta, *ἐνοσίαν γαμικὴν* omnibus exhibere maritis possit.

Dimittere etiam conjugem tum maritis, tum uxoribus, ex jure naturali fas erat, idque pro lubitu. (k) Nimirum pactum matrimoniale, illis nihil aliud erat, quam sociorum contractus, qui eousque stabilis manet, cum in eodem consensu utrinque perseveratur.

tur, & renuntiante societati alterutro, solvitur.

Ex Jure Civili autem deinceps solis maritis dimittere conjugem, licebat, idque ratione tum in lege Mosaica præscripta, tum per mores Majorum introducta. (l) Noachidæ autem sive gentiles, ad hunc dimittendi modum non erant obstricti. Hinc & apud gentiles uxoribus fas fuisse dimittere maritosprehendimus.

Quæ de uxoribus dicta sunt, etiam de concubinis, h. e. minoris dignitatis uxoribus (m) sunt intelligenda, quippe quæ eadem ratione poterant dimitti.

Quod ad cognationem Personarum, quarum heic habenda est ratio, attinet, ante legis Mosaicæ promulgationem Parentum & liberorum, (n) nec non fratrum atque sororum, (o) matrimonia illicita fuisse pronuntiant, ita tamen ut in ipsis rerum initiis, cum præter primos parentes, eorumque liberos, nondum quis alias exstaret, dispensante ita Numine, sorores quidem, tum uterinas tum germanas, ast non, si uno cum fratre partu in lucem editæ fuissent, ducere fas fuisse perhibeant. Patri quoque filiam tum ducere licebat, ast non filio matrem.

Postquam vero genus humanum satis multiplicatum est, cognationumque varietas evenit, cum uterina quidem, ast non germana, inire matrimonium nefas esse cœpit; Patri quoque interdictum est, ducere filiam.

Et ita se res habuit ante promulgatam Mosaicam Legem. Ceteros consanguinitatis

l) add. Buxtorfius l. c. Seld. L. V. c. VIII. m) de concubinato legatur Grotius lib. I. c. 5. & Zieglerus ac Boeclerus ad b. l. add. Paganinus Gaudentius de moribus Sec. Justin. lib. XXI. n) vid. Pufend. lib. VI. c. 1. §. 28. & in Spec. Contravers. c. 4. §. 21. Valtbushius l. cit. add. Kulpifius in Colleg. Grot. ad lib. II. c. 5. §. 7. o) conf. B. Job. Musæi Dissert. de Conjugio. §. 104. Seld. L. V. c. IX.

gradus in vitio positos fuisse, non liquet; sane exempla docent, nequiquam nefas fuisse ea ætate, matrimoniali vinculo eas inter se jungi personas, quas jungi lex Mosaica diserte vetat.

*Sold. L. V. c. X.* Ast post legem à Mose latam, omnes personas supra memoratas, non sine crimine matrimonia inter se contrahere, docebant.

Adultero autem aut stupratori ullam stupratæ aut adulteræ superstitis consanguineam, dictis cognationis gradibus conjunctam, in uxorem ducere, non quidem ex lege, sed ex Majorum decretis, nefas erat, ita quidem ut verberum pœnam subiret, qui contra faceret, non ut inde matrimonium ceu irritum dirimeretur.

*p) quorum aliquot repetit Grotius L. II de J. B. & P. c. 5. §. 13. n. 3 sed ad hatur Veltibusius l. c.*

Rationes quoque interdictorum de conjunctionibus incestis, afferunt, (*p*) alteram, ne, si libera forent erga fœminas interdictas, uti erga ceteras, vota conjugalia, ex futuri matrimonii spe, facilius explendæ libidinis ansa prehenderetur, cum personæ interdictæ cum viro cui interdicitur, sive ob consanguinitatem, sive ob affinitatem, in eisdem simul ædibus, plerumque soleant commorari, quorsum & accedit, ne frequenti tam propinquarum, ut fieri amat, æmulatione Lares inquietarentur: alteram à radice & ramo deductam: Nefas enim esse ajunt, ut radix ramum ducat, aut ramus radicem.

*Sold. L. V. c. XI.*

An autem leges istæ Mosaicæ omnes de gradibus consanguinitatis latæ, ad Gentiles æque

æque ac Israëlitas spectent, non plane inter se conveniunt. Plerique tamen autumant, Gentilibus, ex lege Mosaica, eos saltem (q) prohiberi concubitus, quos & ante legem istam latam, omnibus hominibus, illicitos fuisse diximus. Idque de Gentilibus conditionis Israëliticæ, h. e. Profelytis domicili, præcipue afferebant.

q) Male vid. præter innumeros alios Martinus Chemnitius in Loc. de Conjugio p. m. 223. add. Zieglerus ad Grot. lib. II. c. V. §. 13. p. 277. Seld. L. V. c. XII.

Quod ad servos ancillasque attinet, Judæis cum illis inire matrimonia, nefas erat.

Sed duplex erat servorum ancillarumque conditio. Alii enim servitutis nomine, seu servitute retenta, in Judaismum adsciti erant, & horum quidem matrimonia Judæis erant interdicta, si Mamzerum, Ancillam partiarum, & servum Ebræum, excipias. Hisce enim licitum erat, cum hujusmodi generis servis matrimonia contrahere.

Ast cum illis Gentilibus, qui in Judaismum non erant recepti, sive liberæ sive servilis essent conditionis, cunctis Ebræis nefas erat (r) inire matrimonia.

r) add. Buxtorfius de Sponsalib. & Divortii §. 31. seqq.

Sunt & qui putant statim à tempore circumcisionis institutæ, id in gente Ebræa obtinuisse, quod à Mose denuo sibi injunctum credunt. Et Mosis quidem leges, matrimonia cum septem populis Ebræis saltem interdicere, nonnulli autumant, quas tamen ad omnes omnino gentes extendunt alii.

Ita vero à matrimoniis Gentilium abstinabant, ut etiam contractus sponsalitii cum eis initi, plane irriti essent. Coitum autem meretricium cum Gentili, non tam ex lege sacra, quam more Majorum illicitum

pronuntiabant: certe ejusmodi facinus publice perpetrantem Zelotes impune poterat interficere, clam vero patratum verberibus luebatur. Sunt tamen qui secus hic sentiunt. Sunt etiam qui asserunt, foeminam gentilem supplicium subiisse capitale, Ebraeum cum ea concumbentem, vapulasse. Prolem vero ex Ethnica susceptam, in liberorum numero non habebant.

Seld. L.V.  
c. XIII.

s) consulta-  
tur & hic  
Buxtorfius  
de Sponsal.  
& Divor-  
cii §. 32.

Plane vero singulare est, quod plerique tradunt, captivæ gentilis unicæ, quam Ebraeus quis in sua præda fortè, bello ultro-neo, feliciter gesto, acceptam statim deperiret, domumque duceret, concubitum unicum fuisse permissum, (s) ita tamen, ut sine nuptiis eundem non omnino iteraret, neque aliter postea ac in lege præscriptum est, eam, tametsi jure belli ancilla fuisset, haberet: idque tum de nuptis, tum de in-nuptis, capiébant.

Ast jus hoc uxoris alienæ ita in bello capiendæ, volunt Israelitis singulare fuisse, nec omnino Gentilibus, sive inter se, sive adversus Ebraeos belligerantibus permitti, sed eis furti nomine hoc, velut alieni contrectationem, interdici; cum tamen, ipsis fatentibus, captiva ejusmodi gentilis, pro victoris cujuscunque arbitrio, aliena esse uxor desinat.

Non autem licebat Ebraeo ejusmodi captivam ducere, nisi Profelyta justitiæ fieret. In vero & Profelyta domicilii fieri detrectaret, morte insuper erat afficienda, Si Profelyta domicilii fieret, ex unico hoc concubitu

cupitu illud nancifcebatur, ut non amplius captivæ aut ancillæ instar haberetur. Proles autem ex primo ejusmodi captivæ concubitu nata, antequam mater bapfifmo initiaretur, ex fententia forenfi bapfifmo & circumcifione initianda erat.

De Profelytis juffitiæ ita ftatuebant, ut cum nonnullarum gentium, ut feptem populorum, Profelytis utriufque fexus, vetita effe perpetuo Originariis conjugia, cum nonnullarum, ut Ammonitarum & Moabitarum, fexus mafculi tantum, cum aliarum, ut Ægyptiorum, ufque ad generationes aliquot; alit reliquarum gentium Profelytis, permiffa cum Originariis, non tamen fine temperamentis aliquot, contenderent affererentque. Id quod tamen poft Affyriacæ & Babylonicæ captivitatis tempora, in defuetudinem abiit.

*Seld. L. V. c. XIV.*

De liberis illud adhuc obfervandum, eos, qui ab Ebræo ex Pagana erant fufcepti, plane fuiffe Paganos, quemadmodum contra Ifrælitidis proles, five à Pagano, five àervo fufcepta, generis erat Ifrælitici.

*Seld. L. V. c. XV.*

*Mamzeris*, ut vocant, utriufque fexus conjugia Ifrælitica vetita erant. Profelytorum juffitiæ tamen, & Libertinorum nuptiis non arcebantur. Atque iftud quidem de Mamzero manifefto, ex decreto legis, de dubio, etiam ex iftituto Majorum, erat intelligendum. Manifefti autem inter fe invicem rite contrahebant, fed non cum dubiis, nec hi inter fe invicem. Dubiis quippe non aliunde, quam è Profelytis aut Libertinis conjuges

*Seld. L. V. c. XVI.*

petere fas fuit.

†) Adeoque  
ejusmodi  
conjugia  
admiserunt:  
sed perpe-  
ram. vid.  
B. Scherze-  
rus in Sy-  
stem. Theol.  
Loc.  
XXVII. §.  
. aliique.

Seld. L. V.  
c. XVIII.

Seld. lib V.  
c. XVIII.

Ex Eunuchis, illis demum nefas erat du-  
cere Israelitidem, qui ab hominibus erant ca-  
strati, qui per naturam tales erant, non item.  
Profelytas justitiæ autem, & Libertinas, &  
Nethinæas, & Mamzeras dubias, non au-  
tem manifestas, utriusque generis Eunuchi,  
(†) rite ducebant.

Labes *Mamzero* adpersa, tum demum e-  
lavabatur, si prolem ex ancilla susciperent,  
quæ ritu solenni deinceps in Judaismum vel  
Libertinitatem, cooptabatur.

Servorum atque ancillarum cum nulla es-  
sent cognationis jura, hinc omnia illorum  
matrimonia, quæ inter se contrahebant, &  
commixtiones licitæ erant, præter concubi-  
tum cum masculo, bestia, & adulterium.

Profelyti cujuscunque generis & Liber-  
tini, cujuscunque etiam gentis essent, rite  
intra se conjugia contraxere. Iisdem tamen  
interdicta erant conjugia cum exteris, non  
Profelytis, ut & servis atque ancillis, æque  
ac Originariis ipsis. Sed & ratione Mam-  
zerorum, Profelytorum in servitutem addi-  
ctorum, & Ancillarum partiariarum, eo-  
dem cum Originariis fruebantur jure.

Cognatio autem Profelytorum pristina,  
antequam Profelyti fierent, per regeneratio-  
nem plane evanescebat, unde nec matris, nec  
fororis uterinæ matrimonium Profelyto e-  
jusque seu Libertino recens facta, lege sa-  
cra interdictum esse, existimabant.

Nimirum pater & filius, & frater & so-  
ror, licet unico temporis momento in Ju-  
daif

daismum cooptati, censabantur tamen ut alieni: quin inter fratres & sorores, quorum antequam mater Profelyta facta esset, alii, alii postea, nati essent, vel si saltem concepti essent, antequam facta esset Profelyta, nulla tamen sanguinis erat relatio. Ceterum istud discrimen ex tempore Sanctitatis, ut vocant, ita petium, locum tantum habuit in liberis, qua se in vicem respiciebant, non qua respiciebant parentes,

Quemadmodum itaque ex legis dictamine nulla cogitationis ratione inter ejusmodi homines existente, non quoque consanguineorum prohibita erant matrimonia: ita contra ex constitutionibus Majorum, non sane omnes pro lubitu commissiones illis licitæ erant; ita tamen ut alia esset ratio interdictionum incesti, quibus ex Noachidarum jure omnes homines obstringuntur, alia eorum, quæ in lege Mosaica accesserunt, alia item concubitus ex matrimonio, alia sine matrimonio, alia matrimonii ante regenerationem, alia ejus quod post inibatur, atque alia demum cognationis paternæ, maternæ alia.

## C A P U T V.

Quintum Juris Naturalis caput est de furto ac rapina. Quo nomine hic designatur contrectatio, surreptio, & detentio rei alienæ, uti & damni qualiscunque citra cædem, alteri facta illatio, contra quam jura, pro varietate seculorum locorumque introducta præstituunt, sinuntve.

Palam



a) vid.  
*Strauchius*  
*de Imp.*  
*Mar. cap.*  
*I. §. 12.*  
*Obrechtus*  
*in Dissert.*  
*cui titulus:*  
*Sacra ter-*  
*mini §. 27.*  
 x) add.  
*Zieglerus,*  
*Osander,*  
*Boeclerus*  
*in Grot.*  
*lib. II. c.*  
*2. de J. B.*  
*§ P.*  
 y) Præter  
*Theologos*  
*§ Jure-*  
*consultos,*  
*qui subinde*  
*de Origine*  
*Dominii*  
*disputant,*  
*vid. Pufen-*  
*dorf. de J.*  
*N. § G.*  
*lib. IV. c. 4.*  
*sed adda-*  
*tur Strau-*  
*chius. l. c.*  
*§ Kulpif.*  
*in collig.*  
*Grotius*  
*Exercit.*  
*III. f. ad*  
*Grot. lib.*  
*II. c. 2. §.*

Palam itaque est, præsupponi hic jura  
 domini, tum rerum, tum personarum, quæ  
 aut ab ipso Numine præstituta sunt instau-  
 rataque, aut ab hominibus inventa & con-  
 stituta.

Et Deus (u) quidem initio Adamo, (x)  
 deinceps & Noacho rerum omnium domi-  
 nium universale indulxit: (y) simul tamen  
 hominibus permissum est, singulares insu-  
 per acquisitionum & translationum domini  
 inter se formulas, & ejusmodi alia, insu-  
 per introducere, id quod cum citra con-  
 sensum & fidem interpositam fieri non potue-  
 rit, quodnam heic ex hominum dispositio-  
 ni præcepti hujus fundamentum sit, palam  
 est. Consensus videlicet prærequiritur, id-  
 que tum in pacis rebus, ut contractibus,  
 omnibusque sanctionibus civilibus, tum quæ  
 bellum comitantur, ut jure victoriæ, servi-  
 tutis, captivitatis, ceterisque, ut & Lega-  
 tionum jure.

Ast vero ut consensus fundamentum trans-  
 lationum domini & obligationum esse pos-  
 sit, id ex Numinis illo præcepto, de fide  
 servanda, pendet. (z) Id quod de omnibus  
 modis ac temperamentis, quæ hisce obli-  
 gationibus subinde adjici solent, pariter est  
 intelligendum.

Interim supremum rerum omnium Domi-  
 nium manet penes Deum, (a) ita ut etiam  
 do-

1. z) Quod contra Connanum Jureconsultum vindicat H. Grotius  
 de I. B. § P. lib. II. c. 11. §. 1. a) add. Dn. Vitiarius in Inst.  
 J. N. § G. lib. I. c. 1. qu. 19.

dominium humano consensu qualicumque ri-  
te acquisitum, invitis Dominis interdum a-  
lio, jussu suo transferat : quin Ebræis, ut  
hujus gentis Doctores tradunt, permisit,  
alienas subinde invadere regiones. Huc &  
Decimarum (b) aliarumque rerum Sacer-  
dotibus Levitis, Pauperibus assignatio di-  
vina, aliaque legis Mosaicæ capita, spe-  
ctant.

De furto itaque tria initio sunt observan-  
da. Primum, quænam in furtivam causam  
cadant ; secundum, quam late furti nomen  
in naturali hoc interdicto se extendat ; &  
tertium, quodnam & unde inter Ebræos &  
Gentiles seu Noachidas discrimen.

Cadunt in causam furtivam tum personæ,  
tum res : & ad illas quod attinet, tum liberi  
homines, tum servi.

Furti nomen & quod clam & quod pa-  
lam, nec inscio domino fit, denotat. Damnum  
cuique illatum, sive ab hominibus sive à  
brutis, licet alia voce apud Ebræos deno-  
tetur, huc tamen etiam refertur. Nimirum  
damnum quacunque ratione à persona illa-  
tum hoc interdicto comprehenditur, jure-  
que adeo naturali vetatur. De damno au-  
tem à bestiis illato, secus opinantur (c) &  
quod à Numine ea de re sancitum est, ad  
leges civiles referunt. Unde porro si Israël-  
itæ brutum Gentili intulerit damnum, neu-  
tiquam ad ejus compensationem teneri Israël-  
itam : Gentilem vero teneri, si ab ejus bru-  
to acceperit damnum Israëlita, idque ex ju-  
re superinducto.

b) add.  
Nicolaus  
le Maiſtre  
de bonis  
Ecclesiasti-  
cis, part. II.  
lib. I. c. 2.  
Henr. Ca-  
niffus de  
Decimis. c.  
III. Rive-  
tus in Ge-  
nes. Exer-  
cit. LXXX.  
Job. Bu-  
jæus ad Pe-  
tri Blesen-  
fis Epist. 82.  
Seld. L. VI.  
cap. II.

c) Consul.  
Interpre-  
tes Juris  
Romani,  
ad tit. si  
quadrupes  
paup. add.  
Puffendorf.  
lib. III. de  
J. N. &  
c. 6. 1. 5. 6.

Discri-

Discrimen vero quod hic inter Ebræos & Gentiles intercedit, ex eo oritur, quod Juri Naturali varia addiderunt ratione domini, temperamenta. Unde quidem aliquando id fieri permittebatur, quod ex Jure simpliciter Naturali seu Noachidarum furtum esset; furtum quoque Ebræis non erat, quod itidem ex jure simpliciter Naturali tale fuisset. Huc spectat quod asserunt, operarium extra operæ tempus, uvas comedentem committere furtum: Ebræum contra surripientem id quod minoris est minimo nummo, quem *PROTAH* vocant, à furti crimine esse alienum. Huc quoque decem ista Josuæ & Synedrii ejus decreta spectant.

*Seld. L.  
VI. c. III.*

*d) vid.  
Vasquius  
Controv.  
illustr. cap.  
XXIV. ad.  
H. Grotius  
in Mari  
Libero. c.  
4.*

Non licebat bona alterius hoc nomine aut invadere, aut surripere, aut quocunque modo ad se trahere, quod à Religione Judaica (*d*) esset alienus. Quin & si quis ob apostasiam capitali afficiebatur supplicio, bona tamen ejus ad hæredes spectabant, nisi universitas urbis apostasie rea facta fuisset.

Furtum itaque & Ebræus committebat, si Gentilis bona contrectaret, vel dolo malo ad se traheret, sive injusto pondere & mensura, sive alia ratione hoc fieret. Adeoque in alterius sive Ebræi sive Gentilis damnum mentiri, illis nefas habebatur: unde & omnis fraus in contractibus, procul faceffere debebat. Ceteroquin tamen fallere Gentiles, & mendaciis erga eos uti, non pro crimine reputabant.

Hoc vero de Pacis jure est capiendum, namque in bello publica auctoritate indicto, in

in bona Gentilium quævis sibi permiffa, ftatuebant; (e) fed & alienas quascunque terras invadere, adeoque res & perfonas alieni juris in fuum redigere, Ebræis fas fuiffe perhibent.

e) *vid. que infra de Jure Belli traduntur cap. XII. & Jeqq.*

Furti nomine etiam contineri volunt, fi quis vicini agri terminum feu metas intra confinii lineam aut angulum summoveret. Legem facram tamen, quæ hac de re extat, ad terram sanctam signanter in lege memoratam, attinere ajunt. Unde si quis secus in terra sancta fecisset, eum & interdictum generale de furto, & legem hanc specialem de terminis, violasse.

Inter modos acquirendi rerum dominia, referebant occupationem. (f) Occupari autem res omnes possunt, quæ sunt nullius: quod si res ejusmodi custodia serventur, unde intelligi possit, eas esse alterius domini, non poterant occupatione acquiri, sicuti nec res deperditæ aut derelictæ, quæ in custodia aliquem locum stabilem ac occlusum devenerant. Illæ quippe ejus, cujus erat locus, factæ censebantur. Fundus (g) tum demum occupatus credebatur, si dominus occupans eum opere quodam coluisset.

*Seld. L. VI. c. IV. f) de modis acquirendis in genere, & in specie de occupatione, Vid. Grotius lib. II. de I. B. & P. c. 3. add. Pufendorf. lib. IV. c. 6. per integ. g) add. Pufendorf. l. c. §. 8 & 9. b) vid. Grot. l. c. §. 19. Pufendorf. l. c. §. 12.*

Rerum deperditarum seu casu amissarum (b) eadem erat conditio, quæ nondum occupatarum, quin si Ebræus rem gentilem repererat, dominusque prior illi innotesceret, eam restituere non tenebatur, desiisse enim per amissionem dominium prioris, credebant: aut si res deperdita fuisset Ebræi, eam ex lege civili, restituere, Ebræi obligati

gati erant, nisi dominus rem deperditam palam pro derelicta haberet. Excipiunt itidem Prævaricatores seu Minim. namque hiſce ut res reſtituerent, non fuiſſe obligatos Ebræos.

Sed occupari quoque poterant bona Proſelyti juſtitia, ſine hæredibus obeuntis, itemque ager à Gentili emptus, priuſquam Syngrapha contractus firmaretur. Reliquia vero frugum in agris, egenorum occupationi expoſita erant. Omnem vero occupationem niti conſenſu primorum diſiſtorum, (i) de admittendo occupante, quoties res aut nondum fuerint poſſeſſa, aut nullius in bonis eſſe cœperint, exiſtimabant.

i) *conf.*  
*Pufend.*  
*lib. IV. de*  
*J. N. &*  
*G. c. 4. §. 4.*  
*Seld. L.*  
*VI. c. V.*  
*k) vid. quæ*  
*hic Grotius*  
*lib. II. c.*  
*12. & Pu-*  
*fend. lib. V.*  
*de J. N. &*  
*G. c. 2. &*  
*ſeqq. alii-*  
*que de*  
*Contracti-*  
*bis præci-*  
*piunt.*

Ad contractuum & alienationum (k) formulas ſingulares hoc pertinet, quod olim nullus contractus, niſi calceo tradito, ratus eſſet. ſeculis autem ſequentibus, *Prædia* emtoris ita demum fiebant, ſi aut nummis datis, aut ſyngraphæ teſtimonio, aut corporali poſſeſſione, ea adquiſiſſet.

Res mobiles alienabantur fere aut venditione, aut permutatione, aut donatione. Conſtituto, etiam ſoluto pretio, in emptoris dominium res non tranſibat, niſi *prebenſione, tractu* aut *ductu & traditione*. Sed & à permutatione, nec non donatione, priuſquam poſſeſſio corporalis accederet, æque ac à priori contractu, poterat recedi: idque ex Majorum conſtitutionibus.

Si qui Judæus Judæo bona mobilia utriuſque bona fide vendiderat, pretio, vero rei valore ſexta parte, majori ſeu tanto minori

nori (l) pars illa sexta, ei, cui inde damnum sit illatum, erat refundenda; sed & contractum rescindere emtori, nondum finita negotiatione, venditori semper, fas erat: quæ omnia secus se habebant, si sexta parte minus discrimen esset. Et ita quoque in permutatione rerum fungibilium, exceptis instrumentis, vasis, pecoribus, sese res habebat.

1) *Grot. l. c. § 8. seqq. Pufend. l. c. cap. 3. per int.*

Profelytorum, ut fere nunquam non, ita & hic deterior erat conditio; nec enim Ebræus damnum illi hâc ratione illatum, restituere debebat. Sed nec moribundus Profelytus justitiæ poterat per testamentum bona sua distribuere aut dare proli, natæ aut conceptæ, antequam Profelytus fieret: idque ex moribus superinductis.

Non prætermittendum, Egenorum in gente Ebræa jus fuisse singulare. Hujus septem erant capita, Angulus, Spicilegium, Racematio, Acini decidui, quod per oblivionem relinquitur, Decima pauperis, Eleemosyna.

*Seld. L. VI. c. VI.*

Et ad Eleemosynas, (m) quod attinet, non tantum simpliciter necessaria, sed & ea insuper, quæ ad pristinæ, unde deciderant, vitæ fortisque splendorem spectarent, (n) & id genus alia, erant subministranda.

m) *Hæc esse Juris Naturalis, agnoscunt Villalobos I P. Tract. XXII.*

Publica auctoritate, quæ colligebantur eleemosynæ, eæ sententia forensi etiam exigi

*Dif. 1. 2. Sanchez. Conf. P. I. L. I. c. V.*

V v

potest

*Dub. V. Trullenb. Exposit. Decal. lib. I. c. 5. Dub. 8. n) à qua sententia nimium quantum, discedunt recentiores, ut vocantur Moralista, Durandus, Paludanus, Cajetanus, Vasquius. vid. Ludovicus Montaltius in Litteris Provincialis Ejis. 12. cum primis p. 347.*

o) *conf.*  
*Zieglerus*  
*ad Grot. de*  
*7. B. &*  
*P. lib. II.*  
*c. 20. §. 20.*  
*p. 450.*

poterant: (o) pauperum nomine autem qui venerint, accurate definiunt: sane inter alia hoc addiderunt, ut pauperis jure is demum frueretur, qui artificio honesto sedulo incumbendo, non tamen quæ vitæ sustentandæ necessaria erat, sibi comparare poterat.

p) *add. Lay-*  
*mannus*  
*lib. III.*  
*tract. 3. p.*  
*1. cap. 1.*  
*Lessius lib.*  
*II. c. 12. n.*  
*12. Anto-*  
*nius*  
*Ejcohar.*  
*tr. III. Ex.*  
*IX. n. 20.*  
*Grot. lib.*  
*II. c. 2. §.*  
*6. & Zie-*  
*glerus ad*  
*b. l. item-*  
*que Kul-*  
*pifius in*  
*Colieg.*  
*Grot. Ex.*  
*3. §. 5. a-*  
*liique.*  
 q) *conf. Zie-*  
*glerus ad*  
*Grot. lib.*  
*II. cap. 5.*  
*§. 27. pag.*  
*290.*

Ceterum quinque priorum capitum ea erat conditio, ut quæ sic pauperibus erant præstanda, etiam invitis Dominis potuerint auferri. Id quod tamen non fas erat, si partem saltem *donorum* ejusmodi auferrent, vel si ea negligerent plane, aut justo non peterent tempore.

Eodem cum Ebræis hic fruebantur jure Profelyti justitix. Profelyti domiciliū eleëmofynarum saltem fiebant participes: non tamen arcebantur, uti nec ceteri Gentiles, si pauperum qui ei Judæis turbæ se commiserent, idque ex jure superinducto. Ebræum tamen à Gentili petere eleëmofynam, nefas erat: aut oblatam palam, nisi urgente extrema necessitate, accipere. Eo usque tamen jus & favorem necessitatis, ut invito Domino aliquid surripi posset, (p) se extendere, abnuebant.

Nunc quemadmodum personarum dominium, Jure Ebræorum acquiratur, est dispiciendum. Triplici ratione oriebatur servitus: aut, si quis se alteri in servitutem mancipabat, aut ex fori, aut denique ex Patris additione.

Seipsum poterat quis vendere urgente extrema necessitate. (q) Ex fori sententia, si

si quis, furti reus, solvendo non erat, a-  
 ctori in servitutem addicebatur, non fœ-  
 mina, quæ, ne se ipsam in servitutem ven-  
 deret, aut servos emeret, in monitis erat.  
 Addicebatur præterea Ebræo, non Prose-  
 lyto cujuscunque generis, multo minus Gen-  
 tili. Si quis seipsum Gentili vendidisset,  
 quod tamen nefas habebatur, Gentilis qui-  
 dem acquirebat dominium, erat tamen bis  
 redimendus: liberi autem ejus & posterum  
 non fiebant servi.

Servus ex fori sententia Ebræo addictus,  
 mitius ceteris habebatur, uxoriq; ejus, &  
 liberis ex ea susceptis, victum, vestitum,  
 & domicilium, præstabat Dominus, cuita-  
 men neque hi, neque illa, serviebant. Ser-  
 vitus talis sexennio perimebatur, ceteroquin  
 Jubilæum vel ultronæ manumissionis syn-  
 grapha finiebat servitutem. (r) Quod ad

r) add.  
*Pufendorf.*  
*lib. VI. de*  
*J. N. &*  
*G. c. 3. §.*  
 11.

mortem Domini attinet, si is Gentilis esset,  
 etiam plane servitutem tollebat, si Ebræus,  
 tum demum, nisi filium, qui succederet,  
 relinqueret.

Addicto ex sententia fori, poterat Domi-  
 nus ancillam thoro conjungere, ut ita servos  
 ex ea susciperet: sed tum demum, si præcepto  
 de multiplicando humano genere, fecisset  
 fatis: non tamen poterat Dominus à tali ser-  
 vo uxorem legitimam sejungere, aut binis  
 servis unam jungere ancillam. Hæc vero  
 de servo, qui seipsum vendiderat, non in-  
 telligunt, ad quem nec legem de aure per-  
 foranda pertinere volunt: ut cetera horum  
 fervorum discrimina taceam.



s) *conf.*  
*Grotius*  
*lib. II. de*  
*¶. B. &*  
*P. c. 5. §. 5.*  
*& Ziegler-*  
*rus ad b. l.*  
*p. 170.*

Ex Patris additione in servitutem temporariam tradebatur filia, seu ea, quæ adhuc minor, ex consuetudine gentis, erat. Idque urgente extrema paupertate, (s) sed ne tum quidem, nisi spes esset, aut emtorem aut filium ejus, eam ducturum in matrimonium, licebat. Si sponsalia detrectaret emtor, minor ejusmodi pro ancilla per sexennium habebatur, nisi vel ex redemptione, vel alia de causa, servitus exspiraret. Cum libertate & munera illi, ex lege sacra, danda erant: prorogari autem servitus in ancillis, aure perforata, non poterat.

*Seld. L.*  
*VI. c. VIII.*

\*) *conf.*  
*Ziegler.*  
*ad Grot.*  
*lib. II. c.*  
*17. §. 13.*  
*p. 495.*

Servorum Cananæorum aliorumve Gentilium dominium in pace acquirebatur, venditione, permutatione, syngrapha, eodem fere modo ac prædiorum. (\*) Ut vero alienatio ista rata esset, debebat servus opus servile præstare, nimirum solvere, aut induere debebat Domino calceamenta. Et ex hisce, non Ebræis, opera mere servilia erant exigenda.

Hi servi duplicis erant generis: alii circumcisi & baptisati, alii tantum Profelyti domicilii. Priores manumittebantur, pretio Domino dato, aut Syngrapha ultro ei data à Domino, aut si membrum aliquod præcipuum eid. à Domino esset mutilatum. Posterioris generis ex prioribus duabus aliisque quibusdam, neutiquam ex tertia causa, manumittebantur.

Servus gentilis, ab Ebræo Gentili venditus, debebat redimi: nec fas erat ulla ratione servum in terras alienas transferre, hinc

ne

ne quidem licuit domino, servum invitum in alienas terras comitem sibi adhibere.

Ancilla libidini se palam prostituens, nisi castigaret eam satis Dominus, erat manumittenda.

Proles & posteri hujusmodi servorum & ancillarum etiam servi erant. Et licet ancillæ proles matris sequeretur conditionem (t) servi, nihilominus libera erat, nisi ex ancilla suscepta fuisset. Ex Israelitide susceptus filius, æque ac ex Gentili libera, filius liber erat.

Quod vero nonnulli dicunt, apud Gentiles prolem sequi conditionem maris, id de iis Gentilibus, qui matrimonio rite conjungi possunt, non de servis, peritiores intelligunt.

Etsi fœminarum monitum erat, ne emerent servos, si tamen hoc facerent, dominium sibi acquirebant. Nec servos facile manumittendos, præterquam in casibus alibi memoratis, docebant. Nonnulli tamen pro lubitu Dominum hoc facere potuisse, contendunt. Sed & fœvire in ejusmodi servos quacunque ratione fas erat. Servi autem minorum natu, ut cetera bona, erant in fori tutela. Regulariter etiam servus nihil possidebat, sed quæ habebat, erant Domini, nisi ex Domini permissione. (u)

De usuris (x) ita sentiunt, ut non tan-

V v 3

tum

t) vid. Grotius lib. II. cap. 5. §. 29. it. Zieglerus atque Boeclerus ad b. l. add. Pufendorf. lib. VI. c. 3. §. 9.

u) Sed toti huic argumento lucem affundent qui de Servis ex instituto scripserunt, quorum aliquot Tabor edidit, quibus addi potest Laurentius Pignorius. Seld. L. VI. c. IX.

x) vid. hic præ ceteris Pufendorf. lib. V. c. 7. §. 8. add. Grotius lib. II. c. 12. §. 20. & Osiander ad b. l. item Baldus Cas. Conscient. lib. IV. c. 3. Meijnerus in Philos. Sobria Sect. I. cap. 6. q. 1. Dominicus à Sotolib. VI. de J. & J. qu. 1. Lessius de Virt. Card. c. XX. d. 4. aliique.

tum mutuū fœnori dare, Ebræus Ebræo, sine crimine non potuerit, sed ne accipere quidem: sed & qui ulla ratione ad ejusmodi actum adhibebantur, ut scribæ, testes, legem violaverant.

Bina autem fœnoris genera faciunt. Alterum est *usura determinata*, alterum, quod vocatur, *pulvis usuræ*, i. e. *fœnus simulatum* seu *quasi fœnus*. Et prius quidem genus diferte lege sacra prohibitum censent: quam si quis violaverat, ad *restitutionem* tenebatur, ex sententia forensi: nisi usura nullius plane pretii, vel fœnerator jam mortuus esset. Hæredes quippe, vasa, vestes, & alia, quæ restabant, non autem pecuniam aut res fungibiles, debebant restituere.

Fœnoris nomine etiam veniebant munuscula mutuo danti oblata, nisi quod munuscula, quæ *Sapientes* sibi invicem mittebant, hinc eximerentur. Non enim præsumitur eos interdictum violare.

*Quasi fœnus* autem ex scitis Scribarum vetitum erat, sive esset usura antecedens, vel antevergens, sive subsequens. Hoc nomine videlicet, commodum nullum aut beneficium, ne quidem humanitatis officia, ceteroquin usurpari solita, licebat creditori exhibere. Huc referebant omnes illos actus, (y) qui in fraudem legis à fœneratoribus solent committi.

y) Talis etiam est contractus *Mohatra* & *Baratra* *Moralistarum*, *Escobarii*, *Sau-*

*Pulvis usuræ*, ut vocant, non debebat restitui, adeoque nec repeti poterat à debitore: contractus interea erat illicitus, ex decretis Majorum, & reus criminis, plagis

gis aliterve puniebatur.

Excipiebantur tamen bona Orphanorum, uti & quæ pauperum sustentationi, aut Synagogarum usui, aut disciplinæ legis addiscendæ, seponebantur. Hæc enim mutuo dari, usurasque pro iis accipere, fas erat.

Ut vero Ebræos & Profelytos justitiæ, usuris vexare nefas, ita contra à Gentilibus usuram exigere non tantum permissum, sed & præceptum esse lege sacra, nonnulli statuunt, (z) à quibus tamen dissentiant alii.

Ex jure tamen superinducto, non licebat Judæo mutuum quid dare Gentili, fœnori proprie dicto, nisi id fieret, ut salutis suæ, inter Gentiles degens, consuleret. Idque ad evitandam nimiam cum Gentilibus familiaritatem. Excipiunt tamen *usuram pulveris*. Mutuum tamen accipere quidem à Gentibus licitum erat: Sapienti etiam sive Jurisconsulto, dare. Judæi Apostatæ eandem nonnulli volunt esse rationem, id quod tamen negant alii.

Si accepisset à Gentili pecunias fœnori Judæus, & novatione contractus, tam fœnus quam sortem in corpus mutuum unicum conjecisset, id quod fieri debebat, & postea Gentilis fieret Profelytus justitiæ, actio illi competebat tam pro fœnore, quam pro sorte, sic conjunctis. Si contractus illa novatio post Judaismi susceptionem facta fuisset, actione pro sorte, non pro fœnore, uti poterat.

Qui aleâ, talis, & id genus aliis, lucri quid sibi fecisset, furti reus erat,

V v 4

(z)

*Etii, Less, Suarii, Hurtadi, aliorum- que. vid. Ludovicus Montaltius in Litteris Provinciaribus Ep. VIII. p. 207. 208. Seld. L. VI. c. X: z) add. Mullerus in Judaismo part. II. cap. 6: Hoornbekius de Convers. Jud. lib. 7. c. 7.*

*Seld. L. VI. c. XI.*

§ add.  
Pufend.  
lib. V. c. 9.  
§. 5.

a) add.  
Traité des  
jeux & des  
Divertisse-  
mens par  
M. Jean  
Baptiste  
Fbiers

Sch. L.  
VI. c. XII.  
b) Male.  
vid. Gro-  
tius de J.  
B. & P.  
lib II. c.  
. . . § 22.  
add. Pu-  
jendorf.  
lib. VIII.  
de J. N.  
& G. cap.  
o. §. 5. it.  
Franc.  
Videtur  
Relat. V.  
& Kulp-  
fus in Col-  
l. g. Gro-  
tius Exerc-  
itat. X.  
§ 2. Sed.  
I. VI. c.  
XII. Sed.  
L. VI. c.  
17  
vid.

(z) ex jure à Majoribus superinducto.

Ebræis ergo tantum, non item Gentilibus ludicra ejusmodi certamina erant interdicta (a). Si Judæus cum Gentili certans pignus lucrifaceret, non quidem furti reus erat, violaverat tamen interdictum de *non incumbendo rebus inanibus*.

Qui columbas, vel alias bestias volucres, sic instituunt, ut comitatiores domum redeant, furti rei, ex decreto Majorum, fiunt: sine enim hoc decreto, non fuisset crimen, sed titulo occupationis columbas alias potuissent sibi vendicare. Huc spectat, quod retia laqueosve, aliis columbis capiendis tendere, vetant, & cetera, quæ de columbis & columbariis præcipiunt.

Acquirebatur autem dominium rerum & personarum etiam jure belli. Bellum duplex erat, aliud, quod vocabatur *Terræ Israël*, ex præcepto Numinis certis gentibus: aliud bellum ultroneum, ex decreto Synedrii cui libet genti inferendum. Utriusque generis bella aut ad ulciscendum injurias illatas, aut ad firmandum augendumque imperium, suscipiebantur.

De illius belli, quod certis populis ex præcepto Numinis inferebatur, justitia, non est quod dubitemus. Ad belli ultronei autem justitiam sufficere arbitrabantur, (b) si per illud fines imperii dilatarentur, in quo alias Orientis gentes secum consentientes habuerunt.

Interim bellum hostibus, i. e. quibus arma inferre decreverant, (c) indicere fas erat.

In-

Indicebant autem, cum deditionem ac fœdus solum ab hostibus deposcebant. Moabitis autem & Ammonitis, ex lege sacra, ut putant, non erat offerenda pax, petentibus tamen non deneganda.

*Grotius de J. B. & P. lib. III. cap. 3. Zoucheus Jur. Feacial. p. II. §. 10. n. 1. Alberic. Gentilis de J. B. & P. lib. II. cap. 1. Textor. in Synopsi I. Gent. c. XVII. aliique.*

An autem bellum, quod ex præcepto Numinis certis populis inferebatur, denunciandum fuerit, nondum inter se conveniunt. Sunt qui ajunt, sunt qui abnuunt.

*Grotius de J. B. & P. lib. II. cap. 1. Textor. in Synopsi I. Gent. c. XVII. aliique.*

Fœderis autem, ad quod invitabantur hostes, tria erant capita (I.) ut septem præceptorum, quibus obstricti sunt Noachidæ, professione se obligarent (II.) ut ad tributum præstandum se obstringerent (III.) ut servilem in se fusciperent erga Imperium Israëliticum cultum.

Servilis cultus eo præcipue absolvebatur, ut se plane dederent, & sub Populi Israëliti ditione se degere agnoscerent. Tributi autem nomine non solum pecuniarum summæ quotannis pendendæ, sed & obligatio tum ad pecunias, tum ad operas, in publicum commodum, Principis jussu, præstandas continebatur. Ceteroquin nec Israëlitas ab omni tributo plane immunes fuisse, constat.

Si fœdus & deditionem renueret hostis, & spes victoriæ affulgeret, inferebatur bellum. In cujus disciplina cum primis observandum, quod arbores fructiferas succidere aliterve disperdere nefas fuerit, (d) itemque quod in urbium obsidione hostibus locus fugæ fuerit concedendus.

*Seld. L. VI. c. XV.*

*d) add. Grotius lib. III. de J. B. & P. c. 12. §. 2. Textor. in Synopsi*

Arbořem contra, quæ omnino erat sterilis, aut fructum nocivum vel inutilem ferebat,

*Juris*  
*Genit. c.*  
*XVIII.*  
*Zouchæus*  
*Jur. Fec.*  
*p. II. Sect.*  
*10. Kulpif.*  
*in Colleg.*

*Grot. Exercit.*  
*cit. 12.*

*§. 3. Seld.*

*L. VI. c.*

*XVI.*

*e) vid.*

*Grotius*

*lib. III.*

*c. 4. §. 9.*

*10. add.*

*Alber.*

*Gentilis*

*lib. II. c.*

*12. Textor.*

*l. c. cap. 18.*

*Kulpifus*

*Exercit.*

*XI. §. 6.*

*f) add.*

*Grotius*

*lib. III. c.*

*7. it. §. 1.*

*Kulpifus*

*ad b. l.*

*Exercit.*

*scil. XIII.*

*g) vid.*

*Grotius*

*lib. III.*

*c. 6. Hujo*

*de Roy de*

*eo quod*

*justum*

*est, l. b. I. tit. 6. Textor. in Synopsi Juris Genit. c. XVIII. Kulpif.*

*a. l. Gros. loc. cit. Exercit. 12. Seld. L. VI. c. XVII. seq. Seld. L.*

*VI c. XIX.*

rebat, aut culturæ non pensabat labores, vel arboribus vicinis agrove erat detrimento, vel cujus materies pretio eximio vendari poterat, in quoscunque usus bellicos poterat excindi, vel radicitus evelli.

Parta victoria, populi isti septem, quibus ex præcepto Numinis bellum inferebatur, penitus fuere delendi. Fueritne hoc permissum saltem, an præceptum, non consentiunt. Amalekitis, ex peculiari lege, nulla quoque ratione erat parcendum.

Quod ad ceteras gentes attinet, mulieribus & parvulis erat parcendum. (e) Majoribus natu voluerintne parcere, nec ne, penes illos stabat. Personæ, quibus partitum, in servitutem redigebantur, (f) erantque pars prædæ.

Præda ita dividebatur (g) ut thesauri Regum devictorum Regi cederent: reliqua præda bipartito rursus dividebatur, alteram partem Rege itidem sibi eligente, alterâ æquali partitione inter singulos milites distribuenda, ne illis quidem exclusis, qui impedimenta & sarcinas curaverant.

Agri, urbes, & regiones ita dividebantur, ut decimam tertiam partem Rex sibi vindicaret. Si tamen bellum ultroneum à Rege tantum, sine decreto Synedrii M. susceptum, urbes provinciæque omnes Regi cedebant. In bello vero ultroneo, ex de-

decreto Syn. M. suscepto, sed à Rege gesto, terras eodem omnino titulo, eademque ratione possideri Maimonides ait, quam ipsa terra promissa, quam subjugavit, atque Israelitis distribuit Josua.

De aliarum Gentium jure bellico ita sentiebant, ut illarum commilitio se non subtraherent: ad tributorum etiam ex jure victoriæ, deditiois, fœderis, præstationem, se obligatos esse, professi sunt: licet nunquam defuerint, qui secus sentirent.

De servitute personali autem, quam ex jure belli capti quandoque subire tenentur, ita sentiebant, æpud Gentes non fuisse talem servitutem, quæ personæ inhæreret, sed tantum apud Judæos. Si itaque Gentilis acquirebat servum, sive Gentilem sive Ebræum, non in personam servi, sed in operam & ministeria ejus, jus sibi acquirebat: adeoque & sine libello manumissionis, actu quodam, vel alia ratione, libertatem rite adipiscebatur. Apud Ebræos contra servitus tum in bello captis, tum servis à Gentilibus emptis, mere erat personalis, h. e. personæ ipsi, ut character libertatis omnimodæ amissæ, naturalis, inhærens. Paucis: apud Gentiles extrinsecam, apud Ebræos vero ex prærogativa Gentis, intrinsecam servitutem fuisse, autumabant. Adeoque & totam Gentem Ebræam, aliam, quam extrinsecam servitutem, unquam subivisse, aut subire potuisse, negant.

De captivis ita statuebant, eos pretio majori quam valerent (b) non esse redimendos,

ne

b) de *Æstimatione* hujus pretii vid. Grotius lib. III. c. 7. §. 9. Alber. Gentilis lib. II. c. 15. Textor. c. 18. Stammius de Servitute lib. I. c. 3. alii- que.



ne hostes frequentius capturæ affuescerent, nec in fugam pelliciendos, ne alicujus fuga irritati custodes, in ceteros nimium faverent. Ceteroquin redemptio captivorum inter officia charitatis & magnificentiæ, primum tenebat locum. Ordinem tamen certum in redimendis captivis observabant. Si omnes redimi nequeant, fœminam potius, quam Virum, Magiltrum potius, quam Patrem, Matrem potius, quam utrumque, & sic in ceteris, esse redimendos docent.

## C A P U T VI.

*Seld. L. VII. c. I. 2) add. Job. Spencerus in Disser. pecu- liari ad Actor. XV. 20. quæ annexa est lib. II. de Legibus Hebræor. Rit. p. 435. seqq.*

**S**extum caput Juris Noachidici illustrius de membro animalis viventis, esuque sanguinis, præcipit. (i) Et quidem ad sanguinis esum quod attinet, pecorum, ferarum, & volucrum, mundorum æque ac immundorum sanguinem edere, Ebræis non licebat. Si quis sanguinem ejusmodi comederet aut deglutiret, dum effundebatur aut fufius exiliebat, eum excisionis pœna manebat. Piscium vero mundorum locustarum, & id genus aliorum sanguinem, Sapientes, jure superinducto prohibuerunt. Carnis morticinæ, cum carne, unde sanguis nondum erat emissus, eadem erat ratio.

De Gentilibus autem dissentiebant. Nonnulli interdicto Mosaico vetitum tantummodo illis fuisse membrum sive carnem ab animali vivente discerptam exsectamve, contendebant. Alii vero & sanguinis, qualis videlicet Israëlitis ex lege sacra illicitus erat, esum

esum cunctis hominibus interdictum, afferbant. Prior sententia tamen meliori fundamento niti videtur. Originem vero hujus interdicti ab Adamo repetunt, sicuti & ante diluvium omnium carniū esum illicitum fuisse putant. Addunt & casus, in quibus Ebræos ab hoc interdicto exemptos putant.

Multa quoque sunt variaque Juris Noachidici capita secundaria, prius paucis attingenda, quam ultimum ex illustrioribus, de judiciis, subjungatur, Inter ea præcipuum est de honorandis Parentibus. (k) Ebræis illud non tantum ex communi jure, sed civili etiam lege præcipue observandum fuisse, docent. Debebant autem liberi parentibus exhibere non tantum honorem, sed & timorem seu reverentiam. Ad honorem inter alia & hoc spectabat, quod filii esset, Parentes inopes alere, poterantque ad hoc cogi.

Nihilo fecius vim hujus legis mirum in modum imminuerunt, partim quod Magistrum seu Præceptorem, à quo legem ejusque δευτέρον quis didicisset, præferre parentibus ex illorum sententia, debebat, partim quod docebant, votis quibusdam omnes liberorum opes ad usus sacros ita transferri posse, ut in parentes, quantumvis pauperes, nullum inde redundaret emolumentum, (l) id quod jure ipse Servator redarguit.

Obscurioribus Noachidarum legibus, & aliæ sunt annumerandæ, ut illa de Heterogeneorum usu. (m) Ebræis quadruplex Heterogeneorum commixtio erat vetita: lanæ,

Seld. L.  
VII. c. II.

k) vid. Grotius lib. II.  
de J. B. & P. c. 5. §. I.  
seqq. ii.  
Pufendorf.  
lib. VI. c. 2.

l) add. B.  
Stolbergii  
Dissertatio  
peculiaris  
de Korbam.  
Seld. L.  
VII. c. III.  
m) conf.  
Spencerus  
de Legibus  
Hebræorum  
Ritual. l. II.  
c. 17. 18.  
& seqq.

& lini in vestibus, feminum diversi generis in eadem agri parte, animalium generis diversi ad coitum, & demum arborum generis diversi insitio. Priores binis Noachidis licitas esse, posteriores interdictas, nonnulli asserbant. Videtur tamen alicubi innuere Maimonides ad Profelytos domicili, non item ad ceteros Gentiles hoc interdictum spectare.

n) *add.*  
*Buxtorf.*  
*de Spensf.*  
*§ Divort.*  
*§. 21.*

Sunt & qui legem de uxore fratris sine prole defuncti (n) ducenda huc trahunt: quemadmodum & illud, de hominibus & que ac animalibus cujuscunque generis non castrandis. De Magia vero, quam alii addunt, utpote ad idololatriam pertinente, supra dictum. Tandem quæ Ula in Gemara Babylonica ad Tit. Cholin, memorat, plane ad Noachidarum præcepta non pertinent.

## C A P U T VII.

*Seld. L.*  
*VII. c. IV.*  
*§ V.*  
*e) vid. Gro-*  
*tius lib. II.*  
*de J. B. §*  
*P. c. 20.*  
*§. 8. n. 4*  
*add. Pu-*  
*fendorf.*  
*lib. VIII.*  
*cap. 3. §. 7.*  
*Ziegler. de*  
*J. Majest.*  
*lib. I. c. 8.*  
*§. 11.*  
*p) Grotius*  
*lib. II.*

Sequitur ultimum Juris Noachidici caput de Judiciis: humanis scilicet, quæ & insitui vi legis hujus in rebus publicis ad justitiæ custodiam debebant, quorum etiam decretis & sanctionibus stare debebant subjecti.

Quemadmodum vero Juris, ut putabant, Naturalis erat, judicem instituere, (o) ita formulæ, & tempora agendi, & id genus alia, ad indolem cujusque populi poterant attemperari.

Judicia non poterant esse sine facultate puniendi. Et delicta quidem punienda esse, rursus Juris Naturalis est. (p) Nihilofecius tamen pœnas aut graviores, aut leviores, pro per-

personarum, temporis, loci, & id genus aliorum, quæ observari solent, ratione, infligi posse, non abnuebant. (q) Sæptem quædam delicta, quæ ab Ebræis, ut deinceps dicetur, gladio regulariter erant punienda, excipiunt. Dispiciendum hic imprimis de judiciis, quatenus in Profelytorum domicili regimine locum habebant. Versabantur autem judicia hæc vel circa jura simpliciter naturalia vel circa gentium seu interventientia.

Quod ad priora attinet, Ebræis quidem, & eis, qui in eorum ritum transierant, tribunalia fuere ordinaria Triumvirorum, & XXIII. Virorum, per urbes, oppida, pagos, ut & Magnum illud Synedrium LXXI. Virorum, (r) in quibus secundum Leges Moisaicas, & decreta Majorum, tum Ebræis, tum Profelytis justitiæ, & libertinis jus dicebatur, non sine præmonitione, & binis minimum testibus: pœnarum item genera, præter verbera, quatuor, (s) Combustio, Lapidatio, Strangulatio, & gladii.

Profelytis domicili autem erant peculiaria jura forensia, & tribunalia singularia. Judices autem, tum ex Ebræis tum Profelytis domicili, illisque, qui fœdere recepti erant, præficiiebantur ab iis, qui tribunali-

c. 20. §. 1.  
Anton.  
Matth.  
Tit. quibus  
modis crimen  
extingu. c. V.  
n. 3. Ziegler. de J.  
Majest. lib.  
2. c. 8. n.  
10. 11.  
Seld. L.  
VII. c. VI.  
q) Grotius.  
& Pufendorf. II. cit.  
ubi ex instituto hæc  
de re agunt.  
r) vid. Seldeni liber  
peculiaris  
de Synedriis; add.  
Vorflius  
de Synedriis, Ca-  
ninius ad  
L. N. T.  
p. 62.  
Schiakardus de J.  
R. p. 9. cum  
notis do-  
ctissimis  
Carpzovii,

alioque. s) Crucis supplicium addit. Galatinus de A. C. V. lib. VI. c. 8. Baronius ad A. C. 34 Grotius lib. I de Cruce c. 19. Lipsius lib. 1. de Cruce c. 11. sed perperam, secundum Scalig. animato. in Euseb. p. 109. Morneus de V. C. R. c. 30. Casaub. Exerc. XVI. Caius Cong. Eccl. lib. VI. cap. 11. Kappingius Ant. Rom. lib. II. c. 8.

bus Israëliticis cum imperio præerant. Sed fœdere receptis integrum quandoque erat, iudices sibi ipsis præficere.

Peccabant contra hoc præceptum & illi, qui flagitia perpetrata reticebant aut celabant. Non poterat rite in iudicem præfici fœmina. Causas pecuniarias ex Jure Ebræorum Civili tres, capitales ad minimum XXIII. Iudices cognoscebant, hic vero ex sententia Præficientium aliquando sufficiebat unicus. Quod & de Testibus dicendum:

*t) de Testibus vid. & Ligtfoot in Hor. E. T. in Evang. p. 484. Hottinger. in Jur. Ebræor. p. 106.*

inter quos tamen fœminæ non erat locus. (t) Ratione pœnarum hoc intercedebat discrimen: omnia Noachidarum crimina, quibus Jus Noachidicum violabatur, gladio puniebantur: sed Ebræis & alia supplicia, ut dictum, capitalia erant. Præterea non omnia Ebræorum delicta, quibus Jus Naturæ violabatur, erant capitalia, sed quædam restitutione damni; dupli, quadrupli, puniebantur.

*Seld. L. VII. c. VII.*

Quod si aliquod juris intervenientis caput violasset Profelytus domicili, pro lubitu eorum, qui rebus præerant, sive in tribunal Profelytorum domicili regimini seorsim positum, sive in Israëliticum aliquod ordinarium evocandus, ibique vel absolvendus, vel damnandus erat, pœna Israëlitica seu civili inflicta, sic tamen ut iudex unicus, unicus testis, sufficeret, nec præmonitio accederet.

Inter alia exempla, illustre illud est de adulterio. Nimirum cum fœmina desponsata quidem, antequam cum ea maritus coiverat, non ex Jure Naturali, sed Civili Ebræorum

rum

rum committebatur adulterium. Si itaque Profelytus domicili adulterium ejusmodi in sponsa commisisset, ex jure simpliciter suo, in jus vocari nequibat, interim juxta tenorem Legum Civilium, puniebatur non gladio, (qua pœna ceteroquã omnia delicta, quibus Jus Naturæ violatur, puniuntur) sed si reus, ante tamen deductionem, quam coitum mariti, lapidatione, si post deductionem, & ante coitum, strangulatione. Hæc enim pœna ex jure Israëlitarum Civili, ipsis quoque Israëlitis erat infligenda.

De Profelytis autem domicili reis cujusdam criminis, & postmodum in ritus Judæicos transeuntibus, ita statuunt, ut ob cædem Israëlita, & adulterium cum Israëlitide, non autem ob blasphemiam vel idololatriam, morte fuerit afficiendus.

Memoranda hic etiam sunt judicia quædam extraordinaria: quorum alia erant, ubi ex Gentilium litigantium compromisso Ebræus arbiter seu judex fieret: alia de aliarum cum Ebræis gentium litibus, sub judice cui in utrosque potestas, agitatis.

*Seld. L. VII. c. VIII.*

Ubi ex compromisso Ebræus arbiter (u) fiebat, tam actore, quam reo Gentilibus, ex jure Noachidarum controversia erat dirimenda. Et si pars altera esset Ebræus, ita ab arbitrio ferenda sententia, ut secundum illud jus sive Israëliticum, sive Noachidicum, quod in causa Ebræi utilius esset, profuntiare.

*u) conf. que de officio arbitri tractant Gro-tius lib. II. c. 20. §. 46. seqq. & Pufendorf. lib. V. de J. N. & G. c. 13. §. 3. seqq. Seld. l. VII. c. IV. & IX.*

Lites vero aliarum gentium cum Ebræis, à judice, cui in utrosque potestas, aliquando

ita diremptas, ut secundum leges & Historiam sacram, pronuntiaret, historiola sive fabula de Judæis cum Cananæis, Ismaelitibus, & Ægyptiis coram Alexandro M. litigantibus comprobatur.

Licet Lex illa Noachidarum, de judicio divino non sit capienda, non abs re tamen erit, de eo aliquid addere, cum ad illud agnoscendum, & Noachidas certa ratione obligatos esse existiment.

Ex sententia itaque tribunalis superioris, h. e. divini, in universum ajunt esse Bonum justis repositum, vitam futuri seculi. Justum autem eum nuncupant, cujus iniquitati præponderant justitiæ merita. Malus autem est, cujus peccata justitiæ meritis præponderant. Qui utrorumque æqualiter est particeps, medium tenet locum. Ut justos itaque æterna vita, ita malos & intermedios aut excisionis pœna, aut Gehenna manet. (x).

x) Sunt qui & purgatorium addunt, Vid. Josephus de Jubilæo secundum Hebræorum & Christianorum doctrinam, lib. I, c. 13. pag. 163.

Ceterum peccata, quæ tamen delentur confessione & pœnitentia, vel graviora illis sunt, vel leviora: graviora, quæ ex instituto divino tam excisione, quam morte ex sententia forensi punienda erant: quæ secus se habebant, pro levioribus reputabantur. Atque graviorum quidem XXXVI. enumerant ex lege sacra, quibus singulis excisionis pœna imminet: leviorum tamen insignis & justitiæ præponderans multitudo, eandem potest promereri pœnam.

y) add. R. Isaaci

Excisionis autem non una eademque est ratio: (y) alia solum corpus, alia sola anima, alia corpus & anima simul, excinduntur.

tur. Atque XXXVI. istorum criminum hoc discrimen etiam faciunt, ut aliis primi, quibusdam secundi, nonnullis tertii generis excisio immineat. Nec mirum, quod animæ docent: quorundam enim hominum animæ ex illorum mente sunt mortales. In expiationum autem festo cuncta hæc crimina tum graviora tum leviora, expiari docent.

Ad Noachidas itaque excisionis pœnam etiam in certis casibus spectare volebant. Nimirum ob cultum extraneum & blasphemiam, animam æque ac corpus excindi, credebant: adeoque cum hæc crimina naturali jure quoque illicita essent, non aliam hic Gentiles manere pœnam.

Concubitibus incestis omnibus animæ imminebat excisio: ab eaque nec immunes Noachidæ erant, in commixtionibus, Jure Naturali illis prohibitis, atque ita in ceteris. Nimirum quosdam Gentiles Juris Nat. scil. violatores æternis cruciatibus addictum iri, alios vero Juris Noach. observatores, ad beatorum sedes perventuros, lices legis Mosaicæ ignaros, diserte affirmabant.

*Abarbane-  
lis Dissertatio de  
Excidiis  
Pœna ad  
Num. XV.  
addita  
Buxtorfi  
Dissertat.  
de Spon-  
salibus &  
Divortis,  
it. Po-  
cockius ad  
portam Mo-  
sis, n. 158.  
add. Jose-  
phus Vossius  
l. c. Seld.  
VII. c. X.*

F I N I S.





**JURISPRUDENTIAE HISTORICAE**  
**SPECIMEN**  
**SEU**  
**CONTROVERSIARUM**  
**ILLUSTRIUM JURIS NATU-**  
**RAE ET GENTIUM**  
**LX**  
**HISTORIA ROMANA**  
**CONSPECTUS.**



**JURISPRUDENTIAE HISTORICAE  
SPECIMEN**

SEU

**CONTROVERSIARUM  
ILLUSTRIMUM JURIS NATU-  
RAE ET GENTIUM**

EX

**HISTORIA ROMANA  
CONSPECTU<sup>o</sup>**



pro.  
titis

tius censetur? §. XXVI. Quod accuratius discutitur,  
 §. XXVII. Alius casus proponitur, quo ejusmodi cer-  
 tamina licita videri queant, §. XXVIII. De certami-  
 ne Davidis & Goliathi, §. XXIX. Feccialia jura  
 quando instituta? §. XXX. Jus fecciale quid significet?  
 §. XXXI. Ritus Romanorum in bello indicendo, §.  
 XXXII. eos ad speciem justitiae bellis, quantumvis  
 injustis, conciliandam, fuisse comparatos, §. XXXIII.  
 Indictio bellica, an, & quousque juris naturalis sit?  
 Speciatim de indictione secundum mores Romanorum, &  
 secundum mores nostros, §. XXXIV. Tarquinius Superbus,  
 ob mala facinorosa, à Romanis ejectus, §. XXXV. Tyranno  
 liberalisse patriam, olim maximam attulit gloriam, §.  
 XXXVI. Quis tyrannus dici debeat, non aequè semper po-  
 tet, §. XXXVII. De Tarquinio Superbo sententia Joannis  
 Marianaë, §. XXXVIII. accuratius discutitur, §.  
 XXXIX. Principes in eundem cum Tarquinio Super-  
 bo censum referendos, rectè ejici, probatur, §. XL.  
 Exemplo tamen Tarquinii caute utendum esse, ostendi-  
 tur, §. XLI. De Bruto quid judicandum? §. XLII.  
 Dictatoris in republica Romana constitutio, §. XLIII.  
 An dictator habuerit majestatem? affirmatur ab aliis,  
 ab aliis negatur, §. XLIV. Non fuisse dictatores u-  
 nius generis, §. XLV. Dictatores, etiam optima le-  
 ge constitutos, non tamen habuisse majestatem, proba-  
 tur, §. XLVI. An summa potestas perpetua quoque  
 esse debeat? §. XLVII. An ex eo, quod aliquando  
 à dictatoribus provocare ad populum non licuerit, pro-  
 bari possit, eos habuisse summum imperium, §. XLVIII.  
 Mucius Scaevola per insidias Porcenam adgreditur, §.  
 XLIX. Ideo à multis laudatur. §. L. Ex multis,  
 quae hic concurrunt, causis, eam maxime in censum  
 venire, an rectè percussoris in se suscepit partes? §.  
 LI. Civem, si ejusmodi quid contra principem susci-  
 piet, defendi aut excusari non posse, §. LII. Nec  
 peregrinum, si bellum sit injustum; & hinc de Mutio  
 Scaevola pronuntiantur, §. LIII. Cloelia virgo, an re-  
 ctè fuga se subduxerit? §. LIV. Obsides an rectè fu-  
 gam arripiant? §. LV. Sententia illorum, qui ob-  
 sidem, qui se ipsum non obstrinxit, fugere posse,  
 autumat, refellitur, §. LVI. Cloeliam perperam e-  
 gisse, concluditur, §. LVII. Fata M. Manlii, §.  
 LVIII. An criminis, cujus postulatus, reus fuerit?  
 §. LIX. An, si reus fuit, poena ob maxima ejus me-

vita, illi non fuerit remittenda? §. LX. Sententia  
 illorum, qui jus gratiae quandoque dandum putant. §.  
 LXI. Illorum, qui hoc abnuunt, adeoque recte puni-  
 tum Manlium contendunt, §. LXII. Nostra senten-  
 tia proponitur & explicatur. §. LXIII. Fata M. At-  
 zili Reguli, §. XLIV. Is fidem Carthaginensibus  
 datam recte servavit, §. LXV. An recte liberatio-  
 nem ex captivitate respuerit? §. LXVI. De sup-  
 plicio ejus quid censendum? Fure hic reprehendi  
 Carthaginenses, §. LXVII. De jurejurando, quo se  
 Hannibal ad hostilem erga Romanos animum obstrin-  
 xit, §. LXVIII. Aliquando turpius esse, servare jus-  
 jurantium, quam violare: quid tum factu opus? §.  
 LXIX. Jusjurandum novam obligationem non produce-  
 re, multo minus duplicem, ut contra Grotium evinci-  
 tur, §. LXX. Jusjurandum Annibalis illicitum fuisse  
 atque irritum, §. LXXI. Quo jure Romani postulave-  
 rint, ut Annibalem sibi traderet Prusias Bitbyniae  
 rex, §. LXXII. Civem recte repeti a civitate; nec  
 tamen insolens postulari ad deditionem peregrinum, qui  
 hostis sit, §. LXXIII. Concluditur, recte a Romanis  
 postulatum Annibalem: Prusiamque ad eum deditum  
 fuisse obligatum, §. LXXIV. Sponsio Caudina. §.  
 LXXV. Postumii, sponsonem istam irritam facientis,  
 facinus à multis perperam laudatum; foederum &  
 sponsonum discrimen, §. LXXVI. Pactionem istam  
 consulibus potuisse recte imputari, §. LXXVII. Quod  
 consules in ista sponsione polliciti sunt, & promittere  
 potuerunt, id eos non praestitisse, adeoque contra datam  
 egisse fidem, §. LXXVIII. Perfidiae crimen frustra  
 in Samnites eos transferre voluisse. §. LXXIX. An  
 & quousque ipse populus Romanus per sponsonem fue-  
 rit obstrictus, & quo jure ab ea discesserit? §.  
 LXXX. De sponsione Numantina. §. LXXXI. De  
 justitia bellorum, a Romanis gestorum generatim. §.  
 LXXXII. De bellis sub regibus gestis; injustitia belli  
 Albani, §. LXXXIII. De bello Etrusco cum Porser-  
 na, ut & Latino. §. LXXXIV. Bellum cum Ae-  
 quis, Volscis, Veientibus. Faliscis, Fidenatibus, ge-  
 stum, §. LXXXV. Gallicum, perfidia Camilli, frustra  
 ab Alberico Gentili excusata, §. LXXXVI. De bel-  
 lis, quae iterum cum vicinis gesserit Romani, §.  
 LXXXVII. Belli Samnitici primi causa, tum impul-  
 siva, tum justificata, §. LXXXVIII. An Campanos,

ob deditionem, Samnitibus, utpote sociis antiquioribus, praeferre fas fuerit, §. LXXXIX. Antiquiorem socium praefereendum recentiori, nisi arctius vinculum, aut belli justitia obstet, §. XC. Si durante bello socius posterior se nobis dedat. ex causae justitia rem definiendam esse, & hinc Samnitici istius belli justitia dijudicatur, §. XCI. Probatur tamen & illorum sententia, qui posteriori socio contra antiquiorem suppetias ferre, fas esse negant, §. XCII. De bello Samnitico secundo, §. XCIII. Bellum Tarentinum, §. XCIV. In ejus causam inquiritur, §. XCV. Bellum punicum primum, §. XCVI. Ejus causam tum impulsivam, tum justificam, injustam fuisse, §. XCVII. Ad argumenta Alberici Gentilis pro justitia hujus belli, respondetur, §. XCVIII. Bellum Punicum secundum, §. XCIX. Ex parte Romanorum non fuit prorsus injustum, §. C. Injustitia belli Macedonici primi, Syriaci, Aetolici, Histrici &c. §. CI. Bellum Punicum tertium: ejus injustitia contra Albericum Gentilem evicta, §. CII. Achaici belli injustitia contra eundem demonstrata, §. CIII. Itemque Nismantini, §. CIV. De bello Asiatico, Fugurbino, Allobrogico, Cimbrico, Mitbridatico, Cretico, Cyprico, Partibico, & reliquis, §. CV. In modo gerendi bellum saepius quoque contra justitiae leges a Romanis fuit peccatum, §. CVI. De legibus Syllae, quibus prohibebantur, qui cum Mario faciebant, §. CVII. Hae leges an servandae fuerint? sententia Ciceronis atque Flori, §. CVIII. An vim obligandi habeant leges, ab injusto invasore, aut usurpatore reipublicae latae, praesertim si ipsae iniquae sint? ea-demque an a legitimo principe abrogari queant? §. CIX. Julius Caesar per summam iniquitatem rempublicam Romanam oppressit: idem quo jure inscio senatu populoque Romano Ariovisto bellum intulerit? §. CX. In bello defensivolicere duci bellico, inscio summo imperante, arma capere. §. CXI. Minime autem in bello offensivo, §. CXII. Triumviratus Octavii, Antonii, & Lepidi, §. CXIII. Quae eo tempore fuerit reipublicae Romanae forma, dubitatur, §. CXIV. Fuisse monarchicam, sed legitimo imperante destitutam: Triumviros autem fuisse tres invasores, concluditur, §. CXV. De successione adoptivorum in imperio Romano, quid censendum? §. CXVI. Adoptivorum cum filiis naturalibus comparatio, §. CXVII. An, & quomodoque filii adoptivi succedere queant, §. CXVIII.

Quae

*Quae generatim dicta sunt, ad imperium Romanum accommodantur, §. CXIX. Quo pacto facultatem constituendi imperatorem milites tandem ad se rapuerint, §. CXX. Hugonis Grotii sententia, jus eligendi imperatorem pertinuisse ad populum, & aliquoties etiam electionem a populo aut senatu Romano factam, refellitur, §. CXXI. Ad exempla a Grotio allata respondetur, §. CXXII. De jure ipso disquiritur, & electiones a legionibus factas vitio non caruisse, probatur, §. CXXIII. Finis commendationi huic imponitur. §. CXXIV.*

## §. I.

**C**UM & gentis celebritate, & exemplorum copia ac ubertate, & scriptorum, quos nacta est, praestantia & dignitate, historia Romana multum praestet reliquis monumentis omnibus, quae de aliorum populorum institutis, rebusque gestis, ad nos transmissa sunt, aut hodie transmittuntur: hanc etiam cum primis, singularia quaedam capita selecturus, quae juris naturae & gentium tractationem, factis ipsis illustratam, jucundiorum pariter ac utiliorum redderent, huic meo instituto perquam accommodatam deprehendi. Animus itaque est, ire per florentissimum istum historiae Romanae campum, & hinc inde, quae usui nostro inserviant, & disceptandi, de gravissimis aequi & justis argumentis, occasionem praebeant, decerpere.

§. II. Prima ergo quaestio haec esto, ad quam ipsa reipublicae Romanae origo nos ducit: an in civitatem evalescere latronum coetus, mutatis moribus, queat? Romanae etenim urbis conditor Romulus, tum alias ob causas, tum & ideo male apud nonnullos



los audit, quod latronum coacta manu alienum occupaverit agrum, & fundamenta ita ejus urbis, quae caput orbis futura esset, jecerit. Hinc Aetoli apud Justinum (a) Romanos pastores esse dicunt, qui latrocinio justis dominis ademtum solum teneant. Cyprianus populum Romanum de sceleratis & nocentibus congregatum dicit. (b) Idem Romulus vero, cum urbi suae incolas deesse videret, asylum in proximo luco fecit, unde mira hominum multitudo, maxime vero facinorosorum ad eum confluit. Hinc Juvenalis: (c)

*Et tamen ut longe repetas longaeque revolvas,*

*Nomen ab infami gentem deducis asylo,*

*Majorum primus quisquis fuit ille tuorum,*

*Aut pastor fuit, aut illud quod dicere nolo.*

Ultimis verbis latronem innuit. Sed & alii similia Romae exprobant. Id vero quo jure fiat, & an similis origo aliis rebus publicis fraudi esse queat? quaeritur.

§. III. Recte Hugo Grotius (d) docet, coetum latronum aut piratum ideo non esse civitatem, quia criminis causa socientur, etiamsi forte inter se aequalitatem quandam observent. Non itaque differt latronum coetus a justa civitate, ratione potentiae aut virium, aut multitudinis, sed ratione finis. Non enim latronibus hic finis

con-

(a) lib. XXVIII cap. III. (b) de idolol. vanit. p. m. 155 (c) Satyr. VIII. (d) lib. III. de J. B. & P. cap. III. §. III.

constitutus est, quem reliquae civitates sibi propositum habent, securitas scilicet, sed opes ex spoliis congerunt, oppressis quibusvis innocentibus, bellumque gerunt perenne cum hominum genere universo. Quod quamdiu non intermittunt, tamdiu justae civitatis mensuram non implent. Et id quidem positum est extra litem, Sed & si vitae genus mutent, infamia semel contracta non facile, ut videtur, eluitur: unde, an eodem cum reliquis ejusmodi civitas recte habeatur loco, dubitari posset.

§. IV. Hugonis tamen Grotii sententiae plane subscribo, si vitae genus moresque mutent latrones, eosdem civitatem constituere. Romanis itaque latrocinii, quo illorum se obstrinxerunt majores, crimen objici non potuit. Fas enim fuerit, ponere tantisper, mores eos mutasse, aliisque vixisse legibus. Enimvero moribus gentium obtinuit, ut bella quantumvis & atrocissima & injustissima pro latrociniiis non habeantur, non aliam ob causam, quam quod a gentibus contra gentes gerantur. Ast sapientum alia hac de re fuerint scita. Horum si standum iudicio, uti standum omnino est, tantum abest, ut, mutasse mores censendi sint Romani, ut, quae postea gesserunt bella longe injustissima, latrociniiis quibusvis multum fuerint execrabiliora. Sed esto, per bella nullum genti inuri dedecus, quae hodie & recepta gentium est sententia, tum quidem mutasse mores Romanos, largiemur haud difficulter. Et haec tum  
ben-

ratio quoque erit, cur pro civitate iusta habenda sit Romana. Nam quod alii asserunt, latrocinari moribus gentium licitum olim fuisse, ut praeter alios Justinus (e) quoque docet, id hic merito in censum non venit.

§. V. Nimirum imputari delicta nemini possunt, nisi qui illa perpetravit. Posteros itaque ob majorum punire crimina nefas, si iisdem se non obstrinxerunt. Hinc & civitati, quod a latronibus condita, citra iniquitatem manifestam objici non potest. Videtur equidem universitatis alia ratio esse, quam singulorum, eo quod, quamdiu universitas durat, illa eadem maneat, mutatis licet & succedentibus sibi singulis: quem in modum Plutarchus hac de re differit in libro, *de fera Numinis vindicta*. Id vero non semper ita se habet, praesertim in delictis poenam aut infamiam promerentibus; cum haec non committantur, nisi singulorum consensus accedat. Atque hoc recte demonstrat Samuel Pufendorfus. (f) Accedit, quod & singuli homines infamiam, quae ex inhonesto vitae genere illis adhaeserat, genere vitae mutato, exuerint, & exuere possint. Id quod Jephthes, Arfaces, & Viriatus exemplis suis comprobant, quos ex praedonum ducibus, iustos duces factos, pro-

(e) *Histor. lib. XLIII. cap. III. add. Hugo Grotius de J. B. & P. lib. II. cap. XV. §. V. Cum primis autem elegantissimae Jacobi Thomasi dissertationes, quarum altera sub titulo, historia latrocinii gentis in gentem, altera sub titulo, moralitas latrocinii gentis in gentem, extat Observat. selectar. T. VII. observ. VI. VII. (f) de J. N. & G. lib. VIII. cap. III. §. 2 XIX.*

pronunciat Hugo Grotius. (g)

§. VI. Ceterum Romulus cum intelligeret, quam condiderat civitatem, non admodum diuturnam fore, eo, quod feminis carerent, quos sub imperio suo tenebat, viri, ex quibus liberos procreare possent, initio quidem a finitimis matrimonia petiit, sed, quia non impetravit, ad vim fraudesque animum convertit. Simulatis quippe ludis, virgines, quae ad spectaculum venerant, praeda fuere. (b)

§. VII. Hocce facinore an legis naturalis migraverint praescripta Romani? de eo non idem omnes sentire video. Perperam eos egisse, plerique ex doctoribus Ecclesiae contendunt, Cyprianus, Tertulianus, Minucius & alii. Et Minucius quidem desponsatas, destinatas maritis, raptas scribit, (i) contra quem persuadere alii de virginibus solis voluerunt. Sunt tamen contra, qui facinus excusant. Ipse Augustinus connubia Romanis inquit negata, & jus propterea belli contra Sabinos fatetur, hoc saltem reprehendens, quod spectaculi fraude usi Romani sint, bellumque idcirco injustum pronunciat. Alii plane ex necessitatis jure defendunt, qua in sententia ornanda prolixus est Albericus Gentilis. (k)

§. VIII. Qui damnant istud Romanorum faci-

(g) lib. III. cap. III. §. III. (b) Florus lib. I. cap. I. Livius lib. I. cap. IX. & reliqui. (i) Minucius Felix in Octavio cap. XXV. §. III. (k) de armis Romanis lib. I. cap. II. ubi & Tertulliani, Cypriani & Augustini loca profert.

facinus, fractam fidem violata sanctissima hospitii jura, conqueruntur. Nec, ut videtur, immerito. Sed si vel maxime haec abessent, ipsa tamen vis non careret crimine. Namque matrimoniorum copiam exteris facere, ad humanitatis quidem officia spectat, at ad haec ut jure saltem imperfecto obstricti sunt homines, ita cogi ad eadem nemo potest.

§. IX. Generatim, quid de matrimonio-  
rum libertate sentiendum sit, patet expo-  
situmque est ab aliis. Cuncta vero huc  
redeunt. Matrimonia aut singulis homini-  
bus, aut integris gentibus, si necessitate ad  
ea expetenda compellantur, denegare ne-  
fas: nisi praegnans, quae obstet, nos ab-  
solvat causa. Etenim si gens barbara sit,  
quae matrimonii libertatem expetit, aut a-  
liis, quam nostris, imbuta sacris, aut alia  
quaedam ratio accedat, quo minus citra  
nostrum incommodum hoc ei concedere  
queamus, cessat istud obligationis vinculum,  
nihil illa juris habet, dari sine injustitiae la-  
be repulsa potest. Aliis ut intersiviamus,  
par est: naturae hoc leges jubent: at, si  
ita res se habeat, ne nobismet ipsis nocea-  
mus. Inhumanum est, exigere ab alio,  
quod illi aut grave sit, aut noxium. Idem  
vero vi extorquere velle, plane iniquum.

§. X. Romanorum haec fuit conditio,  
ut invidia potius, & crescentis potentiae  
metu, quam ulla justa ratione ad matrimo-  
nia illis deneganda inductae gentes vici-  
nae videri queant. Hoc qui abnuerit,  
pec-

peccasse eos multiplici ratione, fateatur necesse est. Et sane potuerunt quaedam causae accedere, quae gentium reliquarum animos, ab arctiori ista cum Romanis, per mutua matrimonia, conjunctione averterent. Esto vero, aut nullas, aut non iustas, reliquis gentibus, averfandi istam cum Romanis conjunctionem, fuisse causas, tum quidem in Augustini iverim sententiam, inique denegasse reliquas gentes, quod concedere naturae aequitas postulabat: nec vitio Romanis, quod vi matrimonia quaesiverint, prorsus verti posse.

§. XI. Ast fraudes, doli, violata hospitii jura, Romanos involvunt crimine. Augustinus quidem ita sentit; nisi belli pariter, ac necessitatis leges, pro Romanis forte militarent. In hostem enim, quo nomine & is venit, qui denegavit, quae concedere jure perfecto, & necessitate etiam urgente debebat, licere quidvis, etiam dolos, etiam stratagemata, juris naturae consultorum, ipsiusque Hugonis Grotii, scitum est. Et hac quidem ratione excusari haud dubio, si non defendi, Romani possent, si receptis praestantissimorum juris naturae doctorum decretis standum. Unicus tamen memoratur scrupulus, an, quod de necessitate dicitur, semper & ubique locum habeat. Adstricti sumus ad humanitatis officia: sed obligatione imperfecta. Si nostrum incommodum accedat, cessat prorsus obligatio. Accedat in altero necessitas. Quid tum? Si plane nullo jure gaudet, nec necessitas jus

Y y

per-

perfectum dabit. Inhumanum videtur, denegare alteri, quod petit: est inhumanum, quod & supra dixi, petere, quod sine nostro concedi nequit incommodo. Iniquum denegare, quibus indiget: iniquum vi extorquere velle, quae concedere molestum est, & ad quae, hoc ipso, nullum illi jus competit. Nulla ergo necessitatis vis, belli nulla, quae sufficiat causa. Ergo eo magis vituperanda, quae aut belli necessitatis *περσάρες* excusantur.

§. XII. Aegre hoc Romanorum facinus tulerunt tum ceterae gentes vicinae, tum cumprimis Sabini. Hisce Tarpeia virgo, capitolii praefecti filia, portas prodit, pretium rei, quam gerebant Sabini in sinistris, sibi pacta: dubium clypeos an armillas. Illi ut & fidem solverent, & ulciscerentur, clypeis eam obruere. Ita admissis intra moenia hostibus, atrox in ipso foro pugna. Quam quomodo pax, & utriusque gentis conjunctio secuta sit, historiae Romanae scriptores prolixius exponunt. (1) An consentientibus Romanis ad fallendos hostes Tarpeja virgo Sabinis hoc responsum dederit, nondum inter omnes constat. Sunt, qui adamato, ut ille ait, auro prodidisse urbem Tarpejam, & pactis referasse claustra Sabinis, ajunt. Non aurum adamatum, sed Tatium regem, alii latius canunt. (m)

Esto,

(1) Florus lib. I. cap. I. Plutarchus in Romulo. Valerius Maximus lib. IX. cap. VI. Livius, Dionysius Halicarnassensis, ceterique. (m) Propertius lib. IV. eleg. IV. add. Albericus Gentilis lib. II. cap. II.

Esto, à Romanis hanc scenam fuisse instructam. Hostes fuere Sabini. Hos, si ple-rosque juris naturalis magistros audias, fal-lere, circumvenire dolis, perdere stratage-matibus licet. Perperam contra qui egisse Romanos censent, dolos, omneque men-dacii genus, damnant, nec uti iisdem un-quam fas esse, contendunt.

§. XIII. Videtur tamen illorum potior esse sententia, qui & dolis & stratagemati-bus, fictisque ad veri speciem verbis laede-re hostem non esse nefas, autumant. Quos inter ipse est Hugo Grotius. (n) Nec enim alia ratio, cur non liceat fictionibus, dolis, stratagematibus uti, reddi potest, quam quod laedere alium naturae leges vetent. Pone, non laedi iis aliquem, non erunt quoque prohibita: pone ulterius, fas esse, laedere alium; uti quidem hostem laedere omnino licet: iterum iisdem uti non erit nefas. Laeditur vi, factis, armis; laeditur caede, rapina, incendio: cur non & verbis, fictionibus, stratagematibus? Ad minimum ergo, si vitium aliud animi non subsit, aut accedat, contra officia hominis erga alios hac ratione non peccabitur. De Romanis vero ita habendum, reprehendendum hoc in illis esse, sed ex alio capite. Causam bel-li ipsi dederant. Bellum, quod gerebant, si locum habeant, quae supra disputavimus, injustum erat. Injusti itaque omnes actus bellici, injusta vis, injustus dolus.

§. XIV. Nec tamen & Sabinorum faci-  
Y y 2 nus

(n) lib. III. de J. B. & P. cap. I.



nus forte laudaveris. Subdola interpretati-  
one dum fidem datam eludunt, eam fran-  
gunt, violant. Est ea erga quosvis, etiam  
hostes, etiam perfidos, etiam proditores,  
servanda. Cum his dum paciscimur, dignos  
judicamus, quibus fidem servemus. De  
aequivoca interpretatione idem sentiendum,  
quod de aequivoco sermone, si quis eodem  
data opera utatur. Nec hunc, nec illam  
quisquam probaverit, si in alterius damnum  
cedat. (o) Et haec quidem ita se habent,  
si bona fide egisse Tarpejam ponamus. Sin  
fallere Sabinos, instinctu Romanorum, vo-  
luit, jure suo Sabini usi sunt. Qui fas putat  
fallere hostem, non putet nefas, se ab iis-  
dem falli, quacunque demum id ratione  
fiat.

§. XV. Prius autem quam à Romulo dis-  
cedamus, asylorum quoque injicienda men-  
tio. Namque hic ipse Romanae urbis con-  
ditor, ut eo plures ad eam incolendam alli-  
ceret, proximum lucum asylum esse jussit,  
ad quod quivis, cui alibi tuto degere non  
licebat, se reciperet. Statim mira vis ho-  
minum, Latini, Tuscique pastores, qui-  
dam etiam transmarini, Phryges, qui sub  
Aenea, Arcades, qui sub Euandro duce in-  
fluxerant. Ita ex variis elementis congre-  
gavit quasi corpus unum, populumque Ro-  
manum ipse fecit. (p) De asylorum ita-  
que

(o) *conf. Pufend. de J. N. & G. lib. IV. cap. I. Rivetus  
in explicat. decal. p. 397. Ludov. Montaltius Litter. Pro-  
vinc. epist. IX. (o) Florus lib. I. c. I. Livius lib. I. Pa-  
tarchus in Romulo. (p) Florus lib. I. c. I. Livius lib. I.  
Patarchus in Romulo.*

que jure quid sentiendum sit? quaeritur.

§. XVI. Si annales gentium consulimus, apud plerasque asyla, & perfugia quaedam, delinquentibus patuisseprehendimus. Templorum, praesertim ararum, ea erat sanctitas, ut omnes, qui ad illa se reciperent, aut has occuparent, adversus quamvis vim tuti essent. De Graecis & Romanis res nota est. (q) Apud Ebraeos Deus ipse certas urbes refugii constituerat. (r) Horum exemplum deinceps secuti christiani, (s) suorum templorum aliarumque aedium cultui divino consecratarum, idem jus esse voverunt. Quin & aliis quandoque locis ac aedibus idem concessum fuit, ut asyli vicem delinquentibus praestarent. Viditque nostra aetas, Romae legatos quorundam orbis christiani principum eandem suis aedibus asserere sanctitatem.

§. XVII. Est vero omnino considerandum, an asyla etiam exteris pateant? an tantum civibus? & si hoc sit, an quibusvis praesidio sint? an tantum innocentibus? Etenim ad externos, hoc est, alterius reipublicae cives quod attinet, puniendos eos esse, si deliquerunt, aut dedendos, sapientum scitum est, justa ratione suffultum; tantum abest, ut asylum iis aut erigi, aut concedi debeat. (t) In ipsam enim rempublicam

Y y 3

val-

(q) Vid. Ludov. Coelius Rhodiginus lect. antiquar. lib. VI. cap. X. (r) Deut. IV. 17. add. Seldenus de J. N. & G. lib. IV. cap. II. Moebius in Asylogia sacra, Coccejus ad Sanbedrin p. 110. seqq. (s) Hoc Lynkius de jure templorum, aliique pluribus edisserunt. (t) vid. Grotius lib. II. cap. XXI. §. IV.

valde injurius est, qui civem ejus recipit atque tutatur, quem puniri ejus maximopere intererat. Immo e re omnium hominum est, ne impune delicta committantur. Innocentes autem si fuerint, qui ad aliam rempublicam confugiunt, recipi atque defendi etiam sine asyulis poterunt.

§. XVIII. De ejusdem vero reipublicae civibus palam est, principem posse illis asyula constituere, ad quae se recipiant, qui non ex proaeresi, sed ex errore & ignorantia peccarunt. Etiam pro conditione populi aut reipublicae hoc aliquando necessarium esse videtur, ut Ebraeae gentis exemplo patet. Ejusmodi contra si desint rationes, tutius est, nulla constituere asyula. Equidem cum delictum ex errore commissum, aut nullam, aut leviolem promereatur poenam, securitati horum quam rectissime quovis modo consulitur. Id vero cum utplurimum absque asyulis commode fieri queat, his contra homines improbi haud raro, ut maximorum scelerum consequantur impunitatem, abutantur; non temere ea constituenda, aut aperienda, quivis facile intelligit. Qui vero sacris aedibus nescio quam sanctitatem adhaerere putant, aut sacriordinis hanc demum εἰσοχὴν esse credunt, ut imperantium potestati obnoxii non sint, qui in templa aut monasteria confugiunt, & quid dicant asserantve nesciunt, & civilis potestatis limites, quod jus fasque non est, arctius, quam par erat, constringunt. (u) §.

(u) Adversarij, qui de asyulis, & jure asyulorum, ex in-

§. XIX. Colligas itaque ex dictis, quod Romulus erexit asylum, excusari nulla ratione aut defendi posse. Omnes enim recipiebat in asylum Romulus. Nec servum domino, nec creditoribus nexum, nec magistratibus criminofum reddebat; ut auctor est Plutarchus. (x) Et Lucianus: (y)

*Romulus infami complevit moenia lucu.*

Cyprianus, (z) cujus & supra usi fumus testimonio, cum dixisset: populus de sceleratis & nocentibus congregatur, addit: *Et asylo constituto facit numerum impunitas criminum.* Quibus & alii magno numero suffragantur. Nihil igitur in Romanae urbis ortu, quam injustitiae exempla videas, haud obscuro argumento, talem fore rempublicam, quae ut imperii ita & criminum magnitudine, ceteras totius orbis superaret, sedemque aliquando hanc urbem praebituram ei, in quo omnis omnium seculorum malitia ad summum perducta fuit fastigium.

§. XX. Cum Tullus Hostilius rei Romanae summam teneret, inter Romanos Albanosque bellum exarsit. Sed cum pari robore frequentibus praeliis utrique commi-nerentur, misso in compendium bello, Horatiis atque Curiatis tergeminis hinc atque inde fratribus, utriusque populi fata commissa sunt. Tribus igitur ex Curiatis vulneratis, & Horatiis duobus occisis, qui supererat Horatius, addito ad virtutem do-

Y y 4 lo,

*stituto commentantur, ut Conradus Rittersbusius, Fr. Adamus Osiander, ceteri. (x) l. c. (y) phars. VII. (z) l. c.*

lo, ut distraheret hostem, simulat fugam, singulosque, prout sequi poterant, superat. (a)

§. XXI. Equidem & apud alias gentes ejusmodi bella, quae *repraesentativa* a nonnullis vocantur, non infrequentia fuisse, deprehendimus. Davidis & Goliathi ipsae divinae commemorant litterae, (b) de cujus tamen justitia sunt, qui adhuc inter se disceptant. (c) Sic & Argivi & Lacedaemonii, cum de agro quodam controversia esset, bellum hac ratione coarctarunt, ut auctor est Herodotus. (d) Edmundus atque Canutus, ille Anglorum, hic Danorum, identidem hoc pacto finire bellum adgressi sunt, (e) ne quid nunc de reliquis, quorum passim celebrantur exempla, dicam.

§. XXII. Rationibus standum est, non exemplis. Hugonis Grotii hac de re haec est sententia: (f) Gentium jure fas esse, ejusmodi subire certamina, quae interna tamen, ut loquitur, justitia destituantur. Nemini enim jus esse in vitam suam, secus ac plurimi ex Graecis, Romanis, aliisque gentibus existimaverint. Peccare itaque eum, qui in ejusmodi certamen descendat, in Deum, dum vitam, quam a Deo accepit, tam vili aestimat, ut pro re exigui momenti eam perdere velit; peccare in seipsum, cui vitae custodia merito sancta esse debeat;

(a) Florus lib. I. cap. III. Livius lib. I. &c. (b) 1 Sam. XVII. (c) conf. praeter alios, Alphonsus Testanus Abulensis in 1 Sam. XVII. qu. 45. (d) lib. I. cap. VI. (e) vid. Cambdanius in Britannia. p. 151. (f) lib. III. cap. XXIII. §. XLIII.

beat; injurium denique esse in alium, quem itidem ex levi perimere causa, sibi religioni non ducat.

§. XXIII. De gentium jure, quod hic Grotius monet, ad rem parum facit. Sua sponte patet, mores gentium, hi enim hoc nomine veniunt, maximam partem improbos, hic non venire in censum. Rationes, quas idem affert, ad id, quod cupit, evincendum, parum valent. Aut enim me omnia fallunt, aut iisdem, si ulla earum vis esset, probari posset, militiam nunquam subeundam, nec in ullo unquam dimicandum esse praelio. Nemo vitam pro lubitu conjicere in discrimen debet. Peccabitque adeo, qui in praelio contra hostem pugnat, & in Deum, & in se ipsum, & eos, quibus vitam eripere illi animus est. Nihil hic regeres, quod non eodem pacto rationibus Grotii opponi queat. Sive enim dicas: publica auctoritate munitos id milites facere, sive reipublicae defendendae causa istud eos subire periculum, & hac quidem ratione non esse nefas, se mortis discrimini exponere, utrumque ejusmodi est, ut non minus in certaminibus singularibus, principis populique auctoritate susceptis, quam in justis praeliis locum inveniat.

§. XXIV. Aliam itaque ego hic ingrediendam viam censeo. Enimvero aut res, quae belli causam praebet, ejusmodi est, ut confici plane sine ullo praelio ac certamine possit, aut omnino praelio ejusque eventui committenda. Illud si sit, tum praelia mul-

Y y § to-

torum, tum singulorum certamina, injusta, esse pronuncio. Namque & unius hominis, sine summa necessitate, mortis periculo ob-  
 jicere vitam, nefas est. Sin expediri sine certamine nequeat, rursus nefas, unius aut paucorum hominum fortunae, totius populi ac civitatis salutem concedere. *Si res bello digna agitur*, recte ait Grotius, (g) *ut multorum innocentium salus, pro ea totis viribus nitendum est.*

§. XXV. Sed & id recte subjicit idem Hugo Grotius: *condicto certamine uti, tanquam testimonio bonae causae, aut judicii divini instrumento, vanum est, & a vera pietate alienum.* Referunt se haud dubio haec verba ad istam veterum Germanorum consuetudinem, qua lites duello finire solebant, ut nimirum dubiis in judiciis, cum utriusque argumenta essent obscura, armis litigantium crederetur, victusque pro nocente haberetur. Hinc inter illa judicia Dei, ut vocabant, seu ordalia, probatio etiam erat per duellum. Leges Alemannicae ita faciunt: (h) *Si quis liber libero crimen aliquod mortale imposuerit, & ad regem aut ad ducem eum accusaverit, & inde probata res non est, nisi quod ipse dicit, liceat illi alio, cui crimen imposuit, cum tracta spatia (stricto gladio) se idoneare contra illum alium.* Suffragantur & Boioariorum, Anglorum & Werinensium, Frisonum, Longobardorum, aliarumque Germanicarum gentium leges;

(g) l. c. (h) tit. XLV. § I.

leges; (i) quibus & recentior lex Ottonis accedit. Nec populo tantum fuit ea facultas, ut innocentiam suam gladio defenderet, sed & principes proceresque singulari certamine lites in campo discernebant. Itaque Otto Bavariae dux, cum vitae Henrici III. imperatoris insidiatus argueretur, jussus ab imperatore est, ut *objectum crimen, congressus cum accusatore suo, propria manu refelleret*; uti Lambertus Schaffnaburgensis loquitur. (k) De Guntheramno Bofone duce, singulare quoque exemplum legitur apud Gregorium Turonensem. (l) Manifesta autem cum impietate ista judicia Dei conjuncta fuisse, cum per se pateat, non necesse est, ut prolixius hoc demonstremus.

§. XXVI. Videtur tamen, aliquando earum rerum facies esse posse, ut si non utrinque, saltem ab alterutra parte, singularia ista certamina recte permittantur. Hugo Grotius ita censet. (m) Si duo, quos inter de regno controversia est, parati sunt, inter se armis cernere, pati id posse populum, ut major calamitas ceteroqui imminens evitetur, idque tum ad finiendum, tum ad praeveniendum bellum. Quomodo, inquit, Assyrium Regem Cyrus provocavit, & apud Dionysium Halicarnassensem Metius ait: non iniquum fuisse, ut ipsi principes populorum

(i) quas affert Patulus Hachenbergius *Germania media* dissert. III. §. XVIII. (k) apud Hachenberg. l. c. (l) *Histor. Franc. lib. VII. cap. VIII.* (m) l. c. n. 5.



lorum armis rem inter se disceptarent, si de ipforum, non de populorum potentia aut dignitate controversia fuisset. Sic Heraclium imperatorem cum Chosroë, filio Persarum regis, pugnasse singulari certamine legimus.

§. XXVII, Verum & illud nondum positum extra omnem controversiam arbitror. Aut de juribus principum, aut de injuriis illatis vindicandis agitur. Si illud, non video, cur ad certamen singulare recurrendum sit, cum res commode tandem per arbitros aut fortem transigi queat, si modo res tam obscura sit, ut, quis potior jure sit, post accuratam discussionem non pateat. De injuriis autem vindicandis cum agitur, dispiciendum quidem, annon satius sit, ex christianorum disciplina æquo eas ferre animo; aut si tanti res sit, ad resarciendum damnum, quod aut in opibus, aut in existimatione passi sumus, alter cogi debeat, non video, cur non & totius populi viribus ea res agenda sit. Etenim cum & cujuslibet civis defensionem recte suscipiat respublica; multo magis principis aut imperantis. Praesertim cum interdum satius sit, multorum civium vitam exponere periculo, quam principis, ut alias rationes taceam. Quam stulte itaque Franciscus I. Galliae rex Carolum V. Imperatorem provocavit, tam sapienter hic singulare illud certamen declinavit.

§. XXVIII. Fateor tamen, si forte populi ea sit conditio, ut certissimam perniciem  
non

non aliter, quam per certamen singulare evadere queat, tum nullam me videre rationem, cur illud reprehendi debeat. Pone, jam ad incitas fere redactum populum, ultimaque illi instare fata: pone, non superesse vires, ut justo praelio cum hoste concertare aut possit, aut audeat; pone, hostem tunc certaminis singularis conditionem offerre: tum, si ceteroquin causa resistendi justa adsit, recte & populus permittet, & miles suscipiet ejusmodi certamen: ille vero populus, qui talem conditionem offert, ab imprudentiae nota liberari vix poterit: in causa vero injusta eum versari cum supponamus, de injustitia quoque non erit dubitandum. Non licet declinare perniciem, justii praelii non datur copia; in summa itaque ista necessitate satius est, unius hominis aut paucorum in discrimen adduci vitam, quam totam perire rempublicam. Et idem quoque dicendum, quotiescunque unus aut pauci milites, non tam ex conventionem, quam belli jure, aliquid adgrediuntur, quo hosti noceant; de hisce enim, quin recte agant, si cetera, quae ad actuum bellicorum justitiam requiruntur, recte se habeant, dubitari nequit.

§. XXIX. Jam, quid de Davidis & Goliathi certamine statuendum sit, facile intelligitur. Initio quidem id positum est extra controversiam, non fuisse hoc certamen ex duellorum istorum numero, quae judicia Dei vocantur, uti nonnulli volunt, quos i-  
deo operoso refellit Don Iizchac Abarbanel.

(n)

(n) Ostendit namque, ad ejusmodi certamen, quod ad causae justitiam explorandam suscipitur, requiri primo quidem, ut causa dubia sit, super qua disceptetur, veritasque in obscuro lateat; tum, ut conventio atque pactum inter pugnatuos intercedat, testibus aliisque documentis confirmatum, ne post victoriam alteri parti ab eodem resilire liceat; praeterea ut paribus armis, aequalique prorsus pugnent conditione, nec quis altero ulla in re sit superior; denique ut iudices ac arbitri constituantur, qui dispiciant, ne quis ulla in re ab altero circumveniatur. At haec omnia cum in certamine Davidis & Goliathi secus se habeant, patet, iudice Abarbanel, illud ad hanc certaminum singularium classem perperam referri. De conventionem equidem seu pacto dubitari posset, ob haec verba Goliathi: *eligite vobis virum, & descendat ad me, si possit pugnare mecum, meque percusserit, erimus servi vestri, sin a me victus caesusque fuerit, eritis servi nostri, nobisque servietis.* Sed respondet ad haec Abarbanel, dum primum requisitum abesse hic asserit, docetque, non per modum conditionis qua certamen hoc ineundum, haec verba esse prolata, sed ad jactantiam potius & ostentationem:

כרו איש וירד אלי וגו' היו דברי גומא ומה  
שומר והתפארות ולא תנאי עצמי ולזה כון  
במה לבם שאמר אני חרפתי את מערכות  
ישראל היום

(n) Comment. in 1 Sam. XVII.

: **ישראלהיום וגו'.** *Et quod dicit, eligite vobis virum, qui descendat ad me, &c. verba erant sarcasmi & ostentationis, non autem conditio ipsa (certaminis) & id indicat ipse, quando dicit: ego hodie opprobrio affeci castra Israëlitis.*

Deinde vero accedit, quod nec Israelitae consenserint in illam conditionem, ut idem

**כי אורם:**

**הוברים אשר דבר גלית לא הוסכמו בין**

**: ישראל ובין הפלשתים:** *& in illa verba, quae*

*locutus est Goliathus, non consenserunt Israëlitis & Philistaei.* Ex quo colligas, non modo non spectare hoc certamen ad iudicia

Dei, sed nec ulla ratione ad bella repraesentatitia esse referendum, in quibus utri-

usque partis consensus adesse debet. Nimirum non alia erat ratio praesentissimo peri-

culo populum Israeliticum eripiendi, quam

ut Goliathus ille prosterneretur. Omnibus

copiis adgredi Philistaeos Israelitae non au-

debant: Goliathus unius viri poscebat cer-

tamen. Facile intelligebatur, Goliatho pro-

strato, animum rediturum Israelitis. Hoc

ergo agebat David, non ut ipse de fortuna

utriusque populi ex conventionem pugnaret,

sed ut, Goliatho devicto, ad fortitudinem

accenderet Israelitarum animos, vel potius

suo exemplo eos condoceret, fiducia in

Deum non minus, quam armis ad profligan-

dos hostes opus esse. Et ita quin recte egerit

David, per ea, quae supra diximus, du-

bitari nequit.

§. XXX.

§. XXX. Sed revertimur ad historiam Romanam. Tullum Hostilium excepit Ancus Martius, nepos Pompilii. Hic cum videret, populum Romanum bellorum amore ardere bellicos ritus & ceremonias, quas *fecialia jura* adpellitant, ab Aequicolis acceptas instituit. Hoc praeter alios Servius docet. (o) Non tamen desunt, qui jam a Numa Pompilio jura fecialia introducta opinantur, ut Herodotus, (p) quem tum alii, tum etiam Plutarchus (q) sequitur.

§. XXXI. Jus autem *feciale* a *fecialibus* dicitur, quorum Romae integrum erat collegium, in quo de belli jure, itemque de eo, quod circa foedera, pacta, conventiones populorum & regum, circa legatos, inducias, & id genus alia, fas nefasque esset, disceptabatur. Qui autem huic collegio praeerat, *pater patratus* adpellitabatur. Unde patet, qui fecialis juris nomine totam illam, quae de belli jure praecipit, disciplinam designant, non inepte hac voce uti; id quod Richardus Zouchaeus facit, in libro de jure & judicio feciali. Cum vero circa belli indictionem praecipua fecialium cura occuparetur, hinc postea invaluit, ut id, quod circa belli indictionem observandum est, *jus feciale* speciali quadam ratione adpellitaretur.

§. XXXII. Praeterquam vero quod bellica indictio jure naturae quodammodo nitatur,

(o) ad lib. X. *Aeneid.* p. 1470. add. *Alex. ab Alexandro, diar. genial. T. II. lib. V. cap. III.* (p) lib. II. (q) in *Numa & Camillo.*

tur, moribusque gentium sit comprobata, Romani non tantum hunc morem frequentarunt, sed varios insuper ritus ac ceremonias, quibus bellum indicerent, excogitarunt. Nimirum, ut paucis rem complectar, postquam quatuor feciales, in terram hostilem profecti, frustra injuriae illatae reparationem postulaverant, iterumque sancte testati erant, populum istum nullam habere juris rationem, pater patratus solenni formula bellum indicebat. Tum hastam sanguineam in terram hostilem conjiciebat, principium cladis ab exercitu imminens.

(r) Aliarum gentium alii fuere ritus, quos enarrare omnes, hic nostri instituti non est.

§. XXXIII. Lactantius (s) hoc Romanorum non adeo probare videtur institutum: Per feciales enim illos bella indicare, ait, ut legitime injurias inferre viderentur. Id quod à moribus Romanorum non abhorret, quibus nihil solennius, quam virtutis & justitiae speciem quibusvis ausibus, quantumvis iniquissimis, obtendere. Per istos autem ritus quod justitia conciliata fuerit Romanorum bellis, qui sibi persuaserit, nae! eum strenue ineptum esse oportet. Sola causa efficit, bellum ut justum sit, vel injustum: solenne autem, aut minus solenne ut dici queat, id ritibus ejusmodi, gentiumque moribus tribuendum.

Zz

§. XXXIV.

(r) *conf. Alexander ab Alexandro l. c. & Tiraquelhus ad h. l. is. Barnabas Brissonius de Formulis, lib. IV. p. 341. (s) lib. IV. Institut. divinar. cap. IX.*

§. XXXIV. Missis ritibus, cum de ipsa indictione seu denunciatione, sermo instituitur, eam hactenus juris naturalis esse arbitror, quando ut ultimum tentamen, amica compositione litem finiendi, bellumque adeo avertendi, spectatur. Enim vero & prudentia jubet & naturalis aequitas postulat, ut priusquam per vim nostra nobis afferamus, omnes rationes ineamus, componendi amice litem. Bellum enim, quod tantam malorum cohortem secum trahit, ut ultimum atque extremum remedium est, ita ad illud neuiquam provolandum, nisi alia ratio nostra consequendi nobis non suppetat. Admonendus ergo per indictionem hostis est, ut nobis faciat prius satis, quam extrema experiri cogatur. (t) Et Romani quidem, quin huc suam voluerint comparatam indictionem, dubio caret: cum per eam, ut diximus, iustitiae speciem suis conciliante voluerint bellis. Idque ut eo magis hominum sermonibus celebraretur, varios istos adjunxerunt ritus. Sed cum haec omnia ad bellum justum nondum sufficiant, nisi causa justa subfuerit: hac autem plerumque destituti essent Romani, ut deinceps demonstrabitur; recte quidem totus ille indictionis & juris feccialis adparatus inter commenta politica refertur. Quae hodie obtinet indicendi bellum ratio, ne eo quidem comparata videtur, ut pro ultimo conatu avertendi bellum haberi debeat, adeoque, ni fallor,

(t) *add. Hugo Gratius lib. III. cap. III. Risbardus Zouchaeus de jure fecciali part. III. sect. X.*

fallor, non tam jure naturae nititur, quam consuetudine inani, gentiumque moribus. In his autem non raro, postquam res ipsa jam dudum amissa est, quandam ejus umbram atque speciem conspicias.

§. XXXV. Regum Romanorum ultimus Tarquinius superbus fuit, qui rapere regnum maluit, quam exspectare, scelereque partam potestatem non melius egit, quam acquisiverat. Namque in senatum caedibus, in omnes superbia grassatus est. Tandem cum unus ex filiis Lucretiae uxori Collatini stuprum intulisset, Lucretia quidem dedecus ferro expiavit, sed Tarquinius cum familia ejectus, imperiumque regibus abrogatum fuit. Si Floro credimus, & superbi illius importuna dominatio plurimum rei Romanae profuit. *Sic enim effectum, inquit, ut agitated injuriis populus cupiditate libertatis incenderetur.* (u)

§. XXXVI. Quo jure ejectus Tarquinius, regnoque depulsus, hic quaerere liceat. Tyranno liberasse patriam, magnificum olim & praeclarum facinus. Hoc gentium annales comprobant, ex quibus quae huc pertinent, summatim complexus est Jo. Mariana: (x) *Praeterea, inquit, ab omni memoria consideramus, in magna laude fuisse, quicumque tyrannos perimeri adgressi sunt. Quid enim Thrasymbuli nomen gloria ad caelum evexit,*

(u) Florus lib. I. cap. VII. Livius lib. I. Fenestella de Magistratibus Romanis, cap. VIII. reliqui. (x) de rege & regis institutione lib. I. cap. VI. p. 57.



xit, nisi gravi triginta tyrannorum dominatus patriam liberasset? Quid Harmodium & Aristogitonem dicam? quid utrumque Brutum? quorum laus gratissima memoria posteritatis inclusa & publica auctoritate testata est. Multi in Domitium Neronem conspirarunt conatu infelici, sine reprehensione tamen, ac potius cum laude omnium seculorum. Sic Caius Cherea conjuratione periit, monstrum horrendum & grave: Domitianus Stephani: Caracalla Martialis ferro occubuit: Praetoriani Heliogabalum peremerunt, prodigium & dedecus imperii, ipsiusmet sanguine expiatum piaculum. Quorum audaciam quis unquam vituperavit, ac non potius summis laudibus dignum duxit?

§. XXXVII. Sed caute hic incedendum atque valde circumspecte. Etenim cum recte idem Mariana pronunciet, *facti quaestionem in controversia esse, quis merito tyrannus habeatur, juris in aperto (esse,) fas fore, tyrannum perimere*; constare accurate de omnibus prius debebat, in numerum tyrannorum eos referendos esse, quam laudentur, qui eos interfecerunt, aut ejecerunt. Ista vero non tam facilis est disquisitio, uti quidem plerisque videri poterat. Vix enim ulla occurrit de ejusmodi principe narratio, cui affectus non se ingererit. Tyranni nomen statim in ore habent, quibus princeps displicet, aut qui praesentem rerum aegre intuentur statum. Tyrannos contra, quantumvis immanes, facile excusant, qui sua interesse putant, ut pro justis reputentur prin-

principibus. Nihil itaque aliud superest, quam ut characteres tyranni rite constituentur, & is demum tyrannus judicetur, in quem isti palam & nemine dissentiente quadraverint.

§. XXXVIII. Prolixus equidem in characteribus tyrannorum exponendis est idem Mariana: sed dicta ab eo discutere accuratius, non est nostri instituti. Ea tantum afferemus, quae de Tarquinio superbo docet: *Tarquinius, inquit, superbus Romae primus regum, ut traditur, morem de omnibus consulendi senatum sustulit: domesticis consiliis re. publicam administravit, bellum, pacem, sœdera, societatesque per se ipse cum quibus voluit, injussu populi ac senatus, fecit, diremitque. Latinorum sibi gentem maxime conciliavit, ut peregrinis quoque opibus tutior inter cives esset. Sic Livius ait libro primo. Quin & primores patrum interfecisse affirmat, in eorum locum nullos legisse, quo contemptior paucitate is ordo esset: cognitiones rerum capitalium sine consiliis per se saltem exercuisse, quae sunt omnia tyranni praecipuae notae.*

§. XXXIX. Fateor, arguunt haec principem iniquum, & regiminis formam, quae in republica constituta est, evertentem. An tyrannum arguant, definiendum tum fuerit, cum, quid tyranni nomine designetur, constiterit. Multi forte hodie reperientur principes, qui eadem designare, religioni sibi non ducent. Nec tamen hos statim in tyrannorum classem referent recentiores politici. Qui tyrannum vocant, qui hostili erga patriam est animo, rem pau-

cis, sed obscurius efferunt. Nisi qui sibi potius, suisque rebus consultum cupit, quam reipublicae, hostili in hanc esse animo censetur, quod iterum durum nimis multis videbitur. Hostilem ceteroquin erga rempublicam evincere animum, perquam difficile erit: rarissimusque tum inventu erit tyrannus. Mihi ita videtur, exemplis rectius, quam definitione, quis tyrannus sit, declarari. Enimvero si quis revera talia perpetret, quae Tarquinius perpetrasse historici perhibent, is si non tyrannus dicens, jure tamen suo in rempublicam excidit, ut eum regno depellere, & arma contra vim intentantem expedire liceat. His si quis crudelitatem in omnes, ceteraque vitia addat, eo minus dubitandum, quin recte hoc nomine insigniatur.

§. XL. Ejusmodi autem princeps, quocunque eum nomine designes, qui ea perpetrat, quae perpetrasse Tarquinius perhibent, modo revera perpetret, quod recte sua exuatur dignitate, probari haud difficili negotio potest. Nititur enim principum auctoritas sanctitasque certo pacto, quo cives se ad obsequium obstringunt, princeps autem ad conservandam rempublicam, ejusque statum tuendum. Hoc licet inaequale pactum sit, indoles tamen atque natura pacti non aliter permittit, quam ut, si palam a principe abruptatur, nec civibus nefas sit ab eodem discedere. Et tum quidem, si ad vim princeps se convertat, quod vim ei opponant cives, vitio illis nulla ratione verti potest.

§. XLI.

§. XLI. Frequens in scriptis monarchomachicorum , ut vocantur , est exemplum ejecti Tarquini. Ast incaute haud raro , turpiterque eodem abutuntur. Prius constare debebat , recte ejectum Tarquinium. Hoc equidem concedo , si vera sunt , quae vulgo de eo narrantur. Ast si quis narrationes istas , ab ejusmodi hominibus profectas , qui per reipublicae , in qua vivebant , rationes non poterant non iniquo in Tarquinium esse animo , sollicitaverit , defendendi forte Tarquini rationem invenerit. Istud cum primis cogitandum , stuprum a regis filio Lucretiae illatum , nondum justam mutandi reipublicae statum praebuisse causam. Injuriae privatis illatae divinam promerentur poenam , vinculum , quod inter imperantes & cives intercedit , non solvunt. Deinde despiciendum , an per omnia Tarquinio similis sit , quem iisdem subjicere animus est fatis. Ipse Mariana , cum varia de tyrannis docuisset , quae , sano sensu accepta , non sunt rejicienda , in eo haud dubio aberravit turpiter , quod Henricum III. etiam Galliae regem in hunc censum retulit. Quo nomine , uti constat , ut & ob alia perniciofa , quae in hoc libro continentur , dogmata , promeruit , ut haud ultimum inter monarchomachos locum occuparet.

§. XLII. Ast de Bruto quid censendum? Potuit recte ejici Tarquinius , ut idem tamen non recte fieret à Bruto? Quod vero regnum auferre cognatis Tarquini voluit ,

an etiam studio libertatis? Certe osculum terrae dedit, quo praeiperet regnum sibi: & praerepti retinendi viam praeivit. Quem hic à Tarquinio rege magistratum tenebat, in Tarquinium exercuit perfidus. Perfidus & in collegam, bonum atque innocentem virum, levicula, aut nulla potius occasione, quod Augustinus adnotavit. Ita contra Brutum differit Albericus Gentilis. (y) Nec omnia tamen ejusdem sunt ponderis. Officii, quod quis a principe accepit, ratio non impedit, quo minus contra principem reipublicae causam agat, si quidem princeps suo jure excidat. Immo hoc ipso non amplius princeps est: unde, si quae erga ipsum in officio obligatio fuit, haec jam sua sponte exspiravit. Ut taceam, magistratus constituere principem ea auctoritate, quam à republica accepit: magisque adeo magistratus toti reipublicae obstringi, quam principi, si hujus commoda illius saluti adversentur. In collegam quae designavit Brutus, ea ita defendit Cicero: (z)

*Cum Collatino Tarquinio collegae Brutus imperium abrogabat, poterat videri facere id injuste: fuerat enim in regibus expellendis socius Bruti, consiliorum etiam adjutor. Cum autem consilium hoc principes cepissent, cognitionem superbi, nomenque Tarquiniorum, & memoriam regni esse tollendam: quod erat utile patriae consulere, id erat ita honestum, ut etiam ipsi Collatino placere debebat. Itaque*

(y) lib. I. cap. IV. p. 26. (z) de officiis lib. III. p. m. 451.

*que utilitas valuit propter honestatem, sine qua nec utilitas quidem esse potuisset.* Hoc sibi vult Cicero, facinus illud ob utilitatem, quam inde percepit patria, honestum fuisse. Etenim cum privatorum commoda patriae & reipublicae cedere debeant, haud dubio non peccat, qui incommodis quibusdam eos subjicit, ut patriae consulat. Non qualiscunque autem utilitas, sed magna, immo ipsa salus reipublicae, hic intelligitur, ut per se patet. Non recte itaque Ciceronis mentem aut percepit, aut retulit Albericus Gentilis, (a) dum eum scribere ait, *factum Bruti non admodum cum honestate conjunctum, eo colore defendi posse, quod patriae extiterit utilissimum.* Nimirum quia patriae utilissimum, ideo & omnino honestum dixit Cicero. Quod vero primo loco contra Brutum affert Albericus Gentilis, id fateor, majoris momenti est, nec tamen facile definiendum, cum arcaniora consilia, & intimos mentium recessus, in illis, qui talia perpetrant, nobis introspicere datum non sit: externa autem ambiguae sunt interpretationis.

§. XLIII. Cum, expulsis regibus, reipublicae Romanae administratio ad consules esset translata, dictatorem quandoque, si reipublicae id exigeret necessitas, constituere placuit, quem penes belli tempore summa rerum esset, ut ex arbitrio atque nutu suo cuncta gerere posset. Sed ne in tyrannidem, aut regium iterum imperium

Z z 5 haec

(a) loc. cit.

haec potestas abiret, eam itidem temporariam esse voluerunt Romani. Namque bello confecto, aut negotio peracto, cujus gratia dictator constitutus erat, ad pristinam vitae eum redire oportebat conditionem. Cincinnatus dictator creatus belli gerendi causa, cum intra dies quindecim hostium copias fregisset, ac bellum confecisset, dictatura statim abdicavit. Servilius Priscus intra diem octavum, Mamercus eodem ipso die, quo dictator dictus est.

§. XLIV. Sapienter hoc ita fuisse constitutum, nemo dubitaverit; pluribusque comprobatur Nicolaus Machiavellus, (b) Bella vix unquam feliciter geruntur, penes plures si summa rerum sit potestas. Ast haec ne noxia Romanae libertati esset, aptissimum erat, ad tempus eam uni concedere. Sed hic illa exoritur quaestio, super qua jam pridem inter eruditos concertatum, an summo imperio, seu majestate, ut vocant, praediti fuerint Romani dictatores? Abnuit hoc, vir acerrimi ingenii, Joannes Bodinus, (c) quem praeter alios hic sequitur Samuel Pufendorfius. (d) Affirmat contra, ut alios nunc taceam, Henninges, Arnisaeus, (e) qui magno conatu hoc agit, ut majestatem dictatoribus asserat, eumque sequitur cum Lampadio Hermannus Conringius. (f) Et Conringius quidem ad veterum consensum

pro-

(b) *discursib. in Liv. lib. I. cap. XXXIV.* (c) *de repub. lib. I. cap. VIII.* (d) *de J. N. & G. lib. VII. cap. V. §. XV.* (e) *Relect. politic. lib. II. cap. II. sect. XV.* (f) *annot. ad Lampadii part. II. §. VIII.*

provocat. *Non est, inquit, quod quem turbet Bodini & aliquot sectatorum existimatio, cum longe & numero plures, & doctrina praestantiores, non nostri duntaxat aevi, sed veteris, in facili sit auctores adducere. Ita enim utique sensisse Livium, Ciceronem, Polybium, Dionysium Halicarnassensem, Plutarchum, Pomponium, Eutropium, Lucium Ampelium, aliosque certum est, nec solet negari ab iis, qui dissentiunt.*

§. XLV. Constat vero, ipsique observatum est Conringio, non semper dictaturae eandem fuisse auctoritatem, & interdum eam nonnihil fuisse restrictam, sive vim intimam potestatis attendas, sive res ipsi commissas. Interdum enim ad certos tantum actus dictatores fuere constituti, ut clavi figendi causa, aut comitorum, aut feriarum, sive ludorum, aut senatus legendi, aut quaestionum exercendarum. Horum itaque munus multum diversum fuit ab eorum dignitate, qui *rei gerendae causa* creati dicebantur. Prioris quidem generis dictatores non gavisos fuisse summo imperio, positum extra litem est. Ast de illis, qui *rei gerendae gratia*, aut, ut Festus (g) loquitur, optima lege fuere constituti, haud immerito dubitatur.

§. XLVI. Ast horum quoque, nisi me omnia fallunt, iis limitibus circumscriptam fuisse potestatem, ut pro summo imperio haberi nequeat, multa historiae Romanae monumenta produnt. Dictatoribus non fuisse

(g) *voc. optima lex.*



fuisse fas, vel creare, uel dejicere tribunos plebis, Plutarchus docet. (b) Cumque aliquando bini fuerint aequali dictatoria potestate, Q. Fabius Maximus, & Minutius, divisim inter se negotiis, huic eos praefuisse muneri facile conjicias, sicut & legiones omnemque reliquum exercitum hi inter se divisere. Ex quo colligas, non ad quaevis olim dictaturae vim pertinuisse. Sed vero & in iis, ad quae pertinuit, certis limitibus circumscriptam fuisse hanc potestatem, vel illud argumento erit, quod a dictatore ad populum provocare fas fuerit, ut diserte testatur Festus. (i) Sic contra Papirium dictatorem, ut auctor est Livius, ad populum provocavit M. Fabius: & contra M. Furium Camillum dictatorem plebiscitum conditum: *ut si M. Furius pro dictatore quid egisset, quingentorum millium aeris ei multa esset*, (k) ut reliqua exempla, ex eodem Livio haurienda, nunc praetermittam.

§. XLVII. His rationibus Joannes Bodinus addit, quod dictatoris non perpetua fuerit potestas. Sed negat Conringius, *perpetuitatem esse summae cujuslibet potestatis necessarium requisitum*, qui & auctoritate Hugonis Grotii, (l) idem asserentis, se tuetur. Ego tamen aliter sentio. Etenim hoc ipso, dum ista potestas fuit temporaria, non potuit esse ἀνεπέλευστον, id quod tamen ad summum imperium seu majestatem requiritur. Cur enim non fuit perpetua? Ideo, quia

(b) *quaest. Rom. LI. (i) l. c. (k) lib. VI. c. XXVIII. (l) de J. B. & P. lib. I. c. III. §. XI.*

quia ad certum tempus tantum fuit constituta a republica: ergo fuit dependens ea potestas, ergo non summa. Praeterea ex eo, quod ad certum tempus collata fuit, sequitur etiam, certos tantum eam respexisse actus. Confecto bello, depulso periculo, cessabat ista potestas. Ergo se non ad omnia, quae sunt in republica, extendebat, ergo non fuit summa potestas. *Duratio* eadem, ut Hugo Grotius ait, *naturam rei non immutat*: sed addendum, nisi natura rei cum ipsa duratione tam arcte conjuncta sit, ut hac mutata, illa quoque non possit non immutari.

§. XLVIII. Validius adhuc, ut ipse fateatur Conringius, dictaturae summam potestatem oppugnat provocatio ad populum. Reperit vero, illam sero coepisse, & cum *immutato jure*, neququam vero *optima lege*, idque ex Festo constare, pariter ac Livio, aliisque. Atque istud quidem rerum Romanarum non imperitus haud abnuet. Nihil tamen obstat, quo minus & illorum dictatorum, a quibus provocare non licuit, non alia quam magistratum fuerit potestas. Etenim quantacunque ista auctoritas fuerit, a populo tamen tantum ideo concessa fuit, quod reipublicae necessitas ad certum tempus eam requireret, ponendaque iterum fuit ad populi arbitrium. Potuerunt itaque dictatores quidam a provocatione ad populum esse exempti, ut tamen non statim summo gauderent imperio. *Neque absurdum est*, inquit Pufendorfius,

(m)

(m) dari magistratum, a quo, saltem in certo negotiorum genere, provocatio non concedatur. Esto itaque, nullum in historia Romana reperiri exemplum, rati habitae provocationis contra dictatorem, quod operose eundem per singula evincere annititur Conringius, nihil hoc nobis obstat. Namque & gaudere hoc jure, & esse tamen simul tantum magistratus, extraordinaria tamen potestate gaudentes, potuerunt. Certe, qui causam, rationem, finem constitutae dictaturae secum reputaverit, qui reipublicae Romanae statum, eo tempore, secum expendere, & quam invisam Romanis fuerit regia potestas, regium ac monarchicum imperium vix sibi persuadere, voluisse eos constituere potestatem, quae supra populum esset, & cui ad regiam praeter durationem nihil deesset. A nostra itaque nihil est, quod nos dimoveat sententia.

§. XLIX. Expulsos Tarquinius ingentibus copiis reducere annitebatur Porfenna, rex Etruscorum. Quocum bellum gerentibus Romanis, Mutius Scaevola regem per insidias in castris ipsis adgreditur, sed cum pro rege scribam obruncasset, capereturque, ardentibus focus injicit manum, terroremque geminat dolo. *Ut scias*, inquit, *quem virum effugeris, idem trecenti juravimus.* Cum interim hic interritus, ille trepidaret, tanquam manus regis arderet.

(n)

§. L.

(m) l. c. (n) Florus lib. X. cap. X. Livius lib. II. cap. & reliqui.

§. L. Magnum animum, dolorisque & mortis contemptorem, quis non miretur? Nec tamen haec obstant, quo minus ipsum vituperandum sit facinus. Laudat Cicero, (o) laudat Valerius Maximus, (p) laudant alii, praesertim ii, qui Romana nunquam non laudanda putant. Ipse Porfenna, si quosdam audias, nihil nisi virtutem in eo agnovit. Sed faceffant testimonia, cedant auctoritates. Laudare facinus, quod à Romanis laudatum sit, ineptum. Illis saltem ita videbitur, qui sub tanta virtutis specie nequitiae & iniquitatis documenta uberrima deprehendunt.

§. LI. Multa hic concurrunt. Infidiae, fraudes, mendacia, animusque ingratus. Sed ista quidem nunc transeant. Daboque hoc Alberico Gentili, Scaevolam defendenti, & infidias istruere, & fraudes adhibere, & mendaciis uti, non esse nefas, si cum hoste res sit, quem quovis laedere modo, abrupto societatis vinculo, liceat. Animi ingrati labem abstergat amor erga patriam. Debebat aliquid Etruscis Scaevola, aut Porfennae, plus debebat patriae. Hoc ergo superest, rectene in se percussoris suscepit munus. Hoc caput causae est. Regum sanctitas, gentium mores, obstare videntur, ne laudemus, qui in reges principesque ejusmodi quid audent.

§. LII. Sunt vero percussores non unius ejusdemque generis. Nonnulli caedi perfidiam addunt, si civis principi, si servus do-

(o) pro Sextio. (p) lib. III, cap. III.

domino insidias struat, vitamque eripere audeat. Hos aut laudare aut excusare, id quidem esset, laudare aut defendere manifestissima scelera. Nec immunes criminis sunt, qui hos ad facinus perpetrandum sollicitant, impellunt, hortantur. Fidem datam non servare, semper nefas. Ad id vero, quod omnium iudicio nefas est, qui alium impelleret, num innocens esset? Sententiam philosophi ferant, quorum jampridem hoc extitit effatum, criminis non minus reum esse qui perpetravit, quam qui, ut perpetraret, auctor fuit, aut suasor, aut hortator. Hostis est, inquiunt, quem fecerit. Tuus quidem, non percussoris. Tibi ergo hostem laedere fas fuerit, non civi regem, non servo dominum. Hic ergo, si peccat, criminis profecto non erit purus, qui, ut peccaret, induxit.

§. LIII. De illis, qui peregrini sunt, nec ullo vinculo principi obstricti, aliter pronuntiandum. Sed addendum, si is, cujus sequuntur partes, bellum justum gerat. In injusto nihil recte, nihil iuste peragitur. Hoc ergo de Scaevola cogitandum. Hostem adortus est. Hoc sufficit. Sive hoc solus, sive cum aliis in praelio faceret, quid intererat; Eo ergo res redit, an recte Porfenna arma intulerit Romanis? Recte, si hos ejecisse Tarquinius statuamus, minus recte Porfennam eos reducere voluisse, concludamus par est. Nec mores gentium nos morentur. Hos laudarem, si bonorum tantum principum vitae, & incolumitari, prae-  
sidio

fidio essent. Jam vero, quicquid in moribus gentium humanitatis & venerationis erga principes speciem prae se fert, eo comparatum est, ut improbis, & per hominum caedem, per regnorum stragem, per gentium ruinam, ad imperium grassantibus, tuto & impune quidvis committere liceat.

§. LIV. In eodem bello, quod cum Porsenna Romani gesserunt, Claeliae virginis quoque eluxit virtus. Virtutem saltem vulgus vocabit, immo Florus *virtutis monstrum*. Haec quippe, cum aliis regi obses data, impetrat, ut in flumine lavare liceat. Custodibus ergo remotis Tiberim transnatat, fugaque sibi consulit. Immemor utique fuisse videtur, pro obside se Porsennae datam, aut non satis, quae obsides partes sint, intellexisse. Valerius itaque Publicola populusque Romanus hoc minime approbarunt facinus, sed ad Porsennam eam remiserunt, ut auctor est Plutarchus. Porsenna ipse virilem Claeliae laudavit quidem animum, foedus tamen pro rupto se habiturum professus est, nisi obses reddatur.

(9)

§. LV. Nec tamen, an peccet semper, qui fugam arripit obses, inter se conveniunt. Videndum ajunt, num fidem obses ipse dederit aut sua sponte, aut forte ut laxius haberetur: an contra, nullo intercedente ejusmodi pacto, à civitate fuerit traditus. Si fidem ipse obses dederit, eum fu-

A a a

gero

(9) Florus lib. I. cap. X. Livius lib. II. cap. X. Plutarchus in Valerio Publicola, &c.

gere non posse, manifestum est. Datam migrare fidem, nefas est. Nullo autem ipse se obstrinxerit pacto, nihil ob stare autumant, quo minus auffugiat: cum non is animus fuisse videatur civitatis, alligandi civem, ne fuga sibi consuleret. Ita quidem isti rationes subducunt.

§. LVI. Falluntur tamen perperamque sentiunt. Civitas enim, cum obsidem tradit, omnino eum obligat, ne auffugiat. Hoc ni faciat, frustra obsidem tradere, & agere quid, quod effectu careat, videtur. Hoc sibi persuadere, ineptum. Praeterea, si obsidem traderet, ut integrum tamen illi esset, fugere, tum hoc faceret, aut quod non vellet eum permanere, aut quod eum ad hoc obstringere non posset. Illud non admittas, cum obses ut fidei pignus certissimum tradatur. Alterum prorsus falsum est. Si enim civitati ex imperio, quod vocant, eminenti, licet vitam civium periculo exponere, quidni libertatem? quidni liceret eum obsidem dare? Immo si hodie mos ille maneret, ea lege obsides tradendi, ut, ni promissis suis staret civitas, fas esset illos interficere, & id per naturae leges facere posset civitas.

§. LVII. Quae cum ita sint, non posse excusari Claeliam virginem, palam est. Sive enim consenserat in id, ut obses traderetur, sive non consenserat. Illud si fuit, eo minus excusari potest. Sin hoc dicas, jure tamen obstricta fuit civitati, & ideo manere debuit, quod, quae eam tradidit, id voluerit respública. Incaute ergo nimis, & parum circum-

cum specte agunt, qui, quaecunque eis se offerunt in historia Romana, promiscue laudant.

§. LVIII. Rapidissimum procurrentis imperii cursum, parumper Gallorum Senonum incurfio morata est. Quod tempus populo Romano utrum clade funestius, an virtutum experimentis speciosius fuerit, dubitae Florus. Enituit in eo praecipue virtus M. Manlii, quippe quo duce Juventus Romana capitolini martis arcem infedit, tantaque fortitudine & constantia Gallorum insultus repulit, ut, accepta certa auri summa, recedere cogentur. Sed paulo post eundem Manlium, affectati regni reum, tribuni de Saxo Tarpejo dejecerunt. Qua quidem de re Livius<sup>1</sup>, (r) Diodorus Siculus, (s) Aurelius Victor (t), aliique (u) pluribus exponunt.

§. LIX. Id evincendum primo loco erat, criminis, cujus postulatus, reum quoque fuisse Manlium. Ea de re non immerito dubito, cum dubitare videam ipsum Livium. (x) *Cum dies venit, inquit, quae praeter coetus multitudinis seditiosasque voces, & largitionem, & fallax indicium, pertinentia propria ad regni crimen, ab accusatoribus objecta sint reo, apud neminem auctorem invenio. Ingenua confessio. Sed nollem, quae subjicit, addidisset Livius: nec dubito, haud parva fuisse, cum damnandi mora plebi non in causa, sed in loco fuerit.* Perinde enim hoc est, ac si dixisset, quia magno impetu ad eum

A a a 2

da-

(r) lib. V. cap. XXXVI. (s) lib. XIV. (t) de viris illustribus cap. XXIV. (u) Florus lib. I. cap. XIII. Valerius Maximus lib. VI. cap. III. (x) l. c.



damnandum concitata plebs fuit, ideo recte damnatum fuisse. Nec una ratione in hoc Manlii iudicio peccatum, uti jam ostensum est ab aliis.

§. LX. Nobis vero id saltem revocare sub examen constitutum est, an, si reus criminis sit, hoc non, ob maxima ejus in rempublicam merita, illi fuerit remittendum? Ipsum populum Romanum, cum suae mox severitatis poeniteret, in hanc fere credo descendisse sententiam. Aliam mutatae voluntatis causam refert Livius, superstitionem, cui tamen haec subesse quodammodo potuit, nisi prorsus innocentem deinceps judicaverit, quod ille tamen non innuit. *Populum brevi postquam periculum ab eo nullum erat, per se ipsas recordantem virtutes, desiderium ejus tenuit: pestilentia etiam brevi consecuta, nullis occurrentibus tantae cladis causis, ex Manliano supplicio magnae parti videri orta, violatum capitolium esse sanguine servatoris: nec Diis cordi fuisse, poenam ejus oblatam prope oculis suis, a quo sua templa erepta e manibus hostium essent.*

§. LXI. Hugo Grotius, (y) postquam contra Stoicos evicit, omnino poenam aliquando remitti aut mitigari posse, causas, propter quas aliquis a poena legis liberari soleat, vel *internas*, vel *externas* esse, asserit. Internam quidem vocat, eum, si non est injusta, dura tamen est poena, ad factum comparata. Ut cum, qui contra mandatum principis feram ceperunt, capitali afficiuntur supplicio. Externam autem, quan-

(y) lib. II. de J. B. & P., cap. XX. §. 16.

do reus ex merito, five alia re commendatur. Jus itaque aliquando gratiae dandum, & ob insigne meritum, aut remittendam aut mitigandam poenam, statuit. Eadem in sententia, ut reliquos nunc taceam, versatur Cicero (z) *Oportet eum, qui sibi in noscatur postulat, commemorare si qua sua poterit beneficia: Et ostendere, ea majora esse, quam haec, quae deliquerit, ut plus ab eo boni, quam mali profectum esse videatur. Deinde majorum suorum beneficia, si qua extabunt, proferre &c.* Exemplis praeterea constat, etiam apud Romanos quandoque jus gratiae datum, virtutisque & meritorum majorem habitam fuisse rationem, quam delicti.

§. LXII. Reclamant prudentiae civilis magistri (a) Aequum esse, ut magnorum virorum praemiis compensentur praeclara facinora. Ut poenae remissione aut mitigatione compensentur, tam iniquum esse, quam id noxium reipublicae. Non posse sancte satis custodiri leges. Vel unicum impune migratae legis exemplum satis esse, ut evilescat, vimque omnem amittat ac auctoritatem. Rempublicam autem tamdiu salvam esse, quamdiu legibus sua constet auctoritas. Idque eo magis, quando crimen ad ea pertinet, quibus jura reipublicae continentur, de quibus violandis vel cogitare nefas. Recte ergo punitum Manlium: nec enim tanti fuisse, non compensare merita, quanti fuerit, non punire vel

A a a 3 co-

(z) de invent. lib. III. (a) Scipio Amiratus dissert. politic. lib. II. discurs. VII, Machiavellus discurs. in Liv. lib. I. cap. XXIV.

cogitatum facinus, quod perniciem afferre reipublicae potuisset.

§. LXIII. Expediri itaque res ea ratione potest, ut à divinis humanas discernamus leges. In illis, quae a Deo ipso constitutae sunt poenae, modo constitutae sunt, ab hominibus tolli aut mitigari nequeunt: In humanis ad causam rationemque legis, cum primis ad salutem incolumitatemque reipublicae respiciendum est. Si ratio, quae sanctissime observari legem jubet, cesset, nihil obstat, quo minus remitti poena queat, idque tum eo magis, si praeclara ejus, qui deliquit, merita accedant. Hinc & Hugo Grotius, (b) cum dixisset, ob meritum remitti poenam posse, recte addit: *quod causae genus tum maxime sufficiet, si ratio legis, saltem particulariter cesset, in facto, de quo agitur.* Idem vero de commodo & salute reipublicae censendum. Ob hanc enim tantum cum & leges & poenae constitutae sint, oppido inhumanum esset, punire bene meritum, licet hoc reipublicae non magno opere proficit, aut ad ejus etiam conservationem non sit necessarium. Et haec quidem omnia sedulo consideranda sunt, si de Manlio ferre sententiam velimus. Ego quidem, si nocens fuit, recte punitum non dubito, cum nec merita ejus tum delicti gravitatem aequassent, & reipublicae ratio omnino ejusmodi poenam exegisset.

§. LXIV. Devicta & subjugata Italia, ad exterarum gentes transferre arma placuit. Ob-  
stabant

(b) l. 6.

stabant cum primis Carthaginienses. Atrocissima hinc inter hos & Romanos exarsere bella. Quid mirum? Eodem namque tempore pares utrique & votis, & viribus, imperium orbis agitabant. Et in primo quidem bello Punico immortale adeptus est nomen M. Attilius Regulus. Hoc duce prospera initio omnia ac fausta Romanis. Sed a Xanthippo tandem Lacedaemoniorum duce, quem Carthaginienses accersiverant, victi praelio Romani, duxque ipse captus. Sed hic quidem par tantae calamitati fuit. Romam namque missus, diversa, quam hostes mandaverunt, censuit, ne pax fieret, ne commutatio captivorum reciperetur. Rediit deinde, ut hosti quoque datam servaret fidem, Carthaginem, ne quicquam aut carceris Punici molestiam, aut crucis supplicium metuens. Sunt, qui resectis palpebris, & in machina illigatum, vigilando enecatam dicunt. (c)

§. LXV. Hunc M. Attilium Regulum itaque maximis in coelum evehunt laudibus Romani scriptores. Nec immerito, si quod ex laudis & gloriae cupiditate profectum, simulque ad certissimum opprobrium declinandum comparatum fuit, laudem meretur. Licet enim nonnullis parum consulto, pacem Romanis, & captivorum restitutionem dissuadendo, & se ipsum vita, &

A a a 4 rem-

(c) Florus lib. II. cap. II. Valerius Maximus lib. I. cap. I. & lib. IX. cap. II. A. Gellius N. A. lib. VI. cap. II. & IV. Cicero officior. lib. I. cap. XIII. Augustinus de C. D. lib. I. cap. XV.

republicam bono cive & duce privasse videatur : nihilofecius tamen , postquam Romanis constitutum erat, utrumque denegare Carthaginensibus , recte quidem fecit, dum ad vincula rediit. Idque non ideo, quod pulchrum sit, *memorabilem & in opere virtutis mori*, quae quorundam est sententia, sed quia fidem dederat, quam hosti etiam servandam ratio jubet. Clarissime hoc demonstrat Hugo Grotius, qui & hoc ipso Reguli exemplo utitur, & eum non gloriose saltem, sed illud, quod facere debebat, fecisse, recte pronunciat. (d) Accedit, quod fidem datam jurejurando confirmavit, quod sancte esse servandum, & ratio dicitur, & communia saniorum gentium suffragia testantur. Non deerant equidem, qui *postliminii* praetextum ostenderent, perjurii nexum & religionem hoc ipso demere cupientes: (e) sed Regulus *solidioris sapientiae placita tenuit*, ut Jo. Henricus Boeclerus loquitur, (f) (an satis accurate, videant alii) *& ad supplicia reverti, quum dissolvere religionem maluit.*

§. LXVI. Praeterea ad commendandum Reguli facinus pertinet, quod captivorum redemptio non salutaris patriae sit, & plurima secum incommoda vehat. Ea summum, Reguli exemplum exhibens, completur Horatius: (g)

*Hoc*

(d) lib. III. cap. XXIII. §. VI. (e) vid. Eurapius lib. II. & *metabrazis Paeani.* (f) in *milite captivo* pag. 15. (g) Horatius *carm. lib. III. ode V.*

*Hoc caverat mens provida Reguli,  
Dissentientis conditionibus  
Foedis, & exemplo trahenti  
Perniciem veniens in aevum.*

*Si non periret immiserabilis  
Captiva pubes &c.*

Et paucis interjectis :

*Auro repensus scilicet acrior  
Miles redibit ? flagitio additis  
Damnum. Neque amissos colores  
Lana refert, medicata fuco.*

*Nec vera virtus, cum semel excidit,  
Curat reponi deterioribus.*

*Si pugnat extricata densis  
Cerva plagis, erit ille fortis,  
Qui perfidis se credidit hostibus,  
Et Marte Poenos proteret altero,  
Qui lora restrictis lacertis*

*Sensit iners timuitque mortem.*

Sed quantacunque ea commoda sint, majus tamen est incommødum, quod haud raro optimis fortissimisque civibus respublica privetur, si redemptio captivorum locum non inveniat. Accedit, quod & iniquum & inhumanum sit, milites, haud raro praeter omnem culpam suam eo deductos, hostium arbitrio permittere. Quam ob rem in Reguli facinore haec sedulo sunt discernenda, quod fidem datam servaverit, & quod liberationem ex captivitate respuerit. Prius haud dubio laudandum. Posterior tum demum, si plane e re civitatis Romanae fuerit, ejusque in eo constiterit salus, ut traderent potius Regulum Carthaginiensium furori,

A a a §

quam

quam aut pacem cum eis facerent, aut captivos permutarent.

§. LXVII. Licuitne ergo Carthaginiensibus tanta saevitia uti erga Regulum? Ego quidem, minime licuisse, arbitror. Aut enim ob delictum eum puniverunt, aut ex captivitatis jure. Commisisse Regulum, quod poena aut animadversione dignum, ego non invenio. Fortitudo & fides in patriam, suamque rempublicam, in hoste quoque laudanda, non punienda erat. Nec quod captivus esset, puniri poterat. Licet utique belli jure, hostem, sive miles is gregarius, sive belli dux sit, quamdiu nobis nocere potest, interficere. Hoc & finis & ratio belli requirit. Postquam captus est, & jam abductus, cum omnes nocendi vires eijam tum ademptae sint, egoque non intelligam, quo pacto ex militis aut ducis caede tunc ad bellum finiendum aliquod momentum accedere queat, summum nefas esse arbitror, aut vitam illis eripere, aut alia quacunque ratione in illos saevire. Mores itaque cultiorum gentium, captivos custodientium, donec aut redimantur, aut cum aliis permutentur, plane ratione convenientes arbitror. Sed permutationem dissuaserat Regulus? Ergo poterat & debebat retineri in captivitate: puniri ideo non poterat. Nec enim ad summam belli quidquam hoc ipso proficiebant Carthaginienses. Accedebat modus supplicii, cum barbara crudelitate conjunctus, & adeo ab humanitate, quam ratio suadet & jubet, alienus.

§. LXVIII.

§. LXVIII. In secundo bello punico Romanos ad incitas fere redegit Annibal, Carthaginienſium dux fortiffimus. Hunc adhuc puerum pater Hamilcar ad aram jurare juſſit, quod nunquam cum Romanis in amicitia eſſe vellet. Rem pluribus exponunt Polybius, (b) Livius, (i) Appianus, (k) Valerius Maximus, (l) alii. (m) Et Annibal quidem religioſiſſime illud obſervavit, dum inimicum erga Romanos animum non niſi cum vita poſuit. Id quod tum res ab eo geſtae docent, tum confeſſio ad Antiochum regem evincit, comprobaturque. Rectene autem pater ad illud eum induxerit juſjurandum, & an eodem obſtrictus fuerit, juſſe dubites.

§. LXIX. Nullum vinculum ad adſtringendam fidem arctius jurejurando ipſi ethnici cenſuerunt, ut locuples teſtis eſt Tullius. (n) Nec id quidem immerito. Simul tamen conſtat, poſſe homines, imprudenter & incaute jurejurando ſe obſtringendo, in eam ſe conjicere conditionem, incertum ut dubiumque ſit, turpiusne ſit, jurisjurandi inſuper habere religionem, quam perficere ad quae nos obſtrinimus. Hic ergo, quid factu opus, quae ineunda ſit via, id quidem eſt, de quo diſquiſitio ſubinde inſtituitur.

§. LXX. Nos tantisper ponimus, quod ab aliis evictum eſt, & demonſtratum, juſjurandum per ſe non producere novam obligationem.

(b) lib. III. cap. XIII. (i) lib. XXI. cap. I. (k) in Annibalicis. (l) lib. IX. cap. III. (m) Silius Italicus. l. 77. Florus lib. II. cap. VI. (n) lib. I. de offic. p. m. 50.



gationem, sed ei, quae jam antea aderat, adcessorium velut vinculum supervenire, eamque confirmare. Dum enim juramus, supponimus aliquid, quo non praestito, divinam in nos provocamus poenam. Atque ineptum hoc esset, nisi illicitum foret, non praestare id quod supponitur, adeoque nisi jam antea obligaremur. Quod non satis secum perpenderit Hugo Grotius (o) qui omnino duplicem obligationem ex jurejurando enasci arbitratur. Nam & Deo & homini jus quoddam inde acquiri, contendit. Perperam quidem, Non Deo, quia, qui jurat, nihil Deo, sed hominibus promittit: licet Deum ut testem & vindicem invocet. Nec enim obligatio, quam Deus ut supremus imperans omnibus ad obsequendum sibi imponit, confundenda cum ea, qua alteri ad aliquid praestandum ex promissi lege tenemur. Non homini, quia promissum jam adesse debet, cujus tantum per jusjurandum confirmatur obligatio. Ex quo & sua sponte consequitur, si quid promissimus, quod in viribus nostris positum non est, aut sine crimine promitti & perpetrari nequit, tum quidem nec jurejurando, si accesserit, nos obstringi.

§. LXXI. In eo, quo Annibal se obstrinxit, jurejurando, haec omnia sollicitè sunt consideranda. Non dicam, jurasse puerum, rationis usu forte non usquequaque valentem, immo patris auctoritate & insigni cupiditate, patrem ad bellum proficiscentem

CO-

(o) *lib. II cap. XLII.*

comitandi , praepeditum : quanquam nec haec contemnenda sint , & ut jurijurando sua decedat efficacia , multum conferant. Hoc saltem assero , non potuisse sine crimine aut exigere talia a filio Hamilcarem , aut promittere Annibalem. Bella non sunt gerenda ex odio , sed ex reipublicae commodo ac necessitate. Sine causa justa se populi cujusdam hostem profiteri , saltem ut hostes simus , id quidem & barbarum est , & atrox , & cum clarissima naturae lege , alterum non laedendum , nisi idem & nos laeserit , è diametro pugnat. Quare ut gravissime uterque peccavit , in re iniqua jurandum aut exigendo aut praestando , ita Annibal eodem obstrictus non fuit. Immo gravius peccavit , & perficiendo , quae saltem promittere nefas erat , quam jurisjurandi si migrasset religionem , cujus nulla efficacia erat , nullum vinculum.

§. LXXII. Sed aliud adhuc in historia Annibalis occurrit , quod nobis plane praetermittendum non est. Ex patria in exilium ejectum , cum per varia regna provinciasque errasset , excepit tandem Bythyniae rex Prusias. Romani , postquam hoc intellexerunt , à rege petierunt , ne hominem sibi inimicissimum secum haberet , sed eum ut dederet. Prusias jus hospitii non violaturus , se quidem dedere posse Annibalem negavit , permisit tamen , ut Romani , si possent , eum caperent. (p)

§. LXXIII. Ut civitas aut princeps civem suum,

(p) *Cornelius Nepos in vita Annibalis cap. XII.*

suum, sibi que subjectum, ab alia civitate, ad quam forte se recepit, dedi sibi postulet, si quidem is deliquit, infrequens non est. Ratio quoque jubet, ut, qui ad nos poenam declinaturus confugit, aut puniatur à nobis, aut dedatur. Id vero insolens videri alicui poterat, hostem, qui civis noster non est, ab alio, ad quem se recepit, postulare. Nec tamen exempla desunt. Samsonem sibi tradi ab Ebraeis postularunt Philistaei: (q) Fabiosque à Romanis sibi dedi, postularunt Galli, (r) ut reliqua, Hugoni Grotio (s) commemorata, taceam.

§. LXXIV. Sane quidem ad poenam hostis expeti nequit. Punire aliquem, qui nostro non subjectus est imperio, nefas est. Persequi hostem, ubicunque degat, licet. Cumque illi, quibuscum nobis nulla intercedunt bella, suas regiones armis turbari, aegre ferant: nihil amplius superest, quam ut tradant ipsi, cui nocendi adimi vires, nostra interest magnopere. Annibal ergo ut sibi traderetur, recte petierunt Romani. Num Prusias recte denegavit? Obstabat, fa-teor, hospitii jus. Ast magis hominum generis interest, ut coërceantur, qui iniqui in alios sunt, & bella injusta movent, quam ut hospitii non violentur jura. Et revera, hoc jam violaverat Prusias, permittendo Romanis, ut, si possent, Annibalem cape-rent.

§. LXXV. Ad illustre nunc Romanae hi-storiae

(q) *Judic. XV.* (r) *Livius lib. XXXVIII. cap. XIX.*  
(s) *lib. II. cap. XXI. §. IV.*

storiae caput devolvimur, quod amplissimum disceptandi argumentum viris doctis prae-buit, *sponsionem Caudinam*. Occasionem huic dedit bellum Samniticum. Clauso enim per insidias intra saltum, unde non posset evadere, exercitu, stupens occasione tanta dux hostium Pontius, Herennium patrem consuluit: & hic, mitteret omnes, vel occideret, sapienter, ut senior, suaserat. Ille armis exutos mittere sub jugum maluit, & hoc cum subiissent, tum eos se dimissurum edixit, si in aequas victis & victoribus paces consentirent. Si agro Samnitium cederetur, coloniae abducerentur, suis deinde legibus Romanum ac Samnitium, aequo foedere victurum. Consentiant, urgente necessitate, tandem Romani exercitus praefecti, sponsoneruntque consules T. Veturius & Sp. Posthumius legati, tribuni militum, obsides etiam sexcenti equites fuere dati, qui capite luerent, si pacto non staretur. At cum Romam venissent, deque hac pace deliberatio in senatu institueretur, auctor fuit ipse Posthumius, ut cum reliquis sponsoribus ipse Samnitibus dederetur, populum enim ex hac sponsione neququam obligari: adprobante hoc consilium populo, tribunis frustra retinentibus. Immo cum deditio à feziali Samnitibus fieret, Posthumius femur fezialis genu, quanta maxime poterat, vi percutit, & clara voce ait: se Samnitium civem esse, illum legatum, feziales à se contra jus gentium violatum, eo justius bellum gesturos. Hinc nova belli  
causa,

causa, quod Papyrio duce gestum est. (t)

§. LXXVI. Celebratur hoc Posthumii facinus passim. Nec enim Romani scriptores ullam temere occasionem, suorum facta, quantumvis turpia, aut praedicandi, aut excusandi praetermittunt. Magnifice, ut Florus censet, consules voluntaria deditioe turpitudinem foederis dirimunt. Sed aliter forte pronunciabit, qui praejudicatis, quae mentem obsident, procul remotis opinionibus, rem omnem consideraverit. Quod ut recte fiat, ponere tantisper, quae de sponsonibus, harumque à foederibus discrimine, sapientiae magistri docent, extra controversiam liceat, cum nota satis sint & dubio careant. A foederibus namque in eo sponsones, ut hic vocem capimus, differunt, quod illa ab ipsis summis imperantibus percutiantur, iisdemque adeo obstringantur; hae autem ab imperantium ineantur ministris, qui & ad id, quod polliciti sunt, praestandum soli sunt obstricti, nisi imperantis deinceps quacunque ratione accedat consensus, aut aliud forte obligationis, qua & is teneatur, subsit vinculum. (u)

§. LXXVII. Praeterea & illud dubio caret, potuisse consulibus Romanis, qui duxerunt exercitum, istam pactionem, parum profecto populo Romano honorificam, imputari. Sua enim omnino imprudentia in istas difficultates conjecerant exercitum  
Ro-

(t) Livius lib. IX. cap. I. seqq. Florus lib. I. cap. XVI. Cicero de offic. lib. III. p. m. 240. Eutrobius lib. II. §. 6.  
(u) vid. Grotius lib. II. cap. XV. §. XVI.

Romànum, ut illi aut pereundum prorsus, aut maxima cum ignominia jugum subeundum esset. Dum vero Posthumius, in senatu verba faciens, se omisurum esse defensionem suam profiteretur, *quantvis ea non difficillima esset, apud non ignaros fortunarum humanarum necessitatumque*, (x) lepidos illos imitatus videtur disputatores, qui, cum argumentum affertur, ad quod respondere nequeunt, hoc ne dignum quidem esse, ajunt, in quo ingenii periclitentur vires, facilius posse refelli negotio.

§. LXXVIII. Jam quid sponderint, videndum. Id autem facile colligas ex conditionibus, à Pontio & Samnitibus propositis, licet diserte non commemoretur à Livio. Pacem scilicet petierunt consules à Samnitibus conditionibus aequis. Has recusaverat Pontius, praescriptis aliis. In has cum injusfu populi Romani consentire consules non possent, hoc tamen promittere poterant, se curaturos, ut pax iis conditionibus à Romanis iniretur. Et hoc etiam polliciti sunt ea sponstone; ad hoc ergo etiam obligabantur. Num vero praestiterunt? Omnium minime Sp. Posthumius. Namque ceteri sponsores, vel inviti ut sententiae Posthumii subscriberent, coacti sunt: nec eo tamen excusandi prorsus, cum ex promissi sui ratione, ad impediendam deditioem, pacem contra promovendam, plane fuerint obstricti. Posthumius vero diserte, contra datam fidem, pacem dissuasit, auctorque prae-

B b b

(x) *Fid. Livius lib. III. cap. VII.*

cipuus populo Romano fuit, illud ut abrupteretur foedus. Hocce autem erat, omnem adhibere operam, ut illud quod spondederat, ratum esset populo Romano? (y)

§. LXXIX. Quod vero etiam lepido stratagemate, ut illi quidem videbatur, perfidiae crimen transferre in Sannites Posthumius voluit, id vero ejusmodi est, ut miser maximo opere, in populo gravitatis & sapientiae laudem tanta contentione affectantem extitisse, qui tam puerilibus ineptiis, & Numini & hominibus illudere, in animum inducere poterunt. Deditus erat Sannitibus, ergo statim civis: percussit legatum, ergo Sannitibus ob legati violatam sanctitatem inferre arma fas erat? Scilicet. Commenius tamen aliquid est Albericus Gentilis (z) ad Posthumii causam agendam: *Nec tamen, aut illa Posthumii dediti ludibria sunt, ut Pincio; credis: ille enim aut se confecturum foedus promisit, aut dediturum futurum Sannitum, quae conventio est ex parte istorum facta, qui habituras eum dediturum simul stipulati intelliguntur: Et ergo illorum erat Posthumius.* Sed cum ipse Albericus, quam haec omni robore dediturum, intelligeret, tandem ad stratagemata se recepit. Hoc vero est, ineptias ineptis defendere.

§. LXXX. Ita ergo, cum confect, sponditores, etiam in dediturum suum consentiendo,

(y) add. Christiani Thomasti *disp. de sponsione Caudina*, quae sexta est inter Lipsienses, §. LV. seq. (z) *lib. II. cap. 71. p. 167.*

endo, fidem tamen suam non libetasse: de populo Romano nunc quaeri posset, an facta deditio ad nihil aliud fuerit obstrictus? Ita quidem praeter Albericum Gentilem, aliosque, existimat Hugo Grotius, (a) hac ratione inductus, quod populus Romanus in istam pactionem non consenserit. Quae ipsa ratio eo magis probabit, militem suam nondum liberasse hoc modo fidem, cum eos omnino consensisse constet. Sed quicquid hujus sit, contra Romanos pronunciat Samuel Pufendorfus. (b) Sane quidem non consenserat populus Romanus: & haecenus vera erant, quae proferebat Posthumius: (c) *Civem neminem pro nobis spondere iussistis: nihil ergo vobis, nec nobiscum est, quibus nihil mandastis, nec cum Samnitibus, cum quibus nihil egistis.* Non ergo ex consensu obligabatur: bene tamen ex alio capite. Est hoc inter prima atque praecipua juris naturalis scita, neminem debere locupletent fieri cum damno alterius: aequitati enim naturali hoc manifesto repugnat. Lucrum ingens profecto, maximumque ad Romanos inde redundaverat commodum, quod exercitum integrum, salvum, incolumemque receperant. Hoc ergo cum lubenti animo acciperent commodum, debebant etiam adprobare sponsonem, ne hac irrita facta, maximum contra incommodum redundaret in Samnites. Et hoc Samnitibus etiam dux Pontius urgebat: *Si populum Romanum spon-*

B b b 2 sio-

(a) *I. c.* (b) *de B. N. & G. lib. III. cap. IX. §. XII.*  
 (c) *apud Livium lib. IX. cap. IX.*



*sponsio ad furculas Caudinas factae poenitet, restituat legiones intra saltum, quo septae fuerunt, nemo quemquam deceperit, omnia pro infecto sint, &c.* (d) Accedebat, quod ipsa sponsio nihil iniqui continebat, adeoque nulla erat causa, quo minus eam ratam esse vellet populus Romanus. Ceterum quae Albericus Gentilis (e) hic differit, de restitutione in integrum, quam fieri à Romanis non potuisse contendit, huc plane non faciunt. Namque nec Pontius aut Samnites hoc postulabant, nec necessaria ea erat, cum à Romanis nihil amplius exigebatur, quam ut sponsionem consulum ratam esse juberent. Ignominiam autem exercitus pro damno & casu bellico interpretari debebant: eamque, imprudentiam ducum puniendo potius, quam irritam reddendo sponsionem, vindicare satius fuisset.

§. LXXXI. Non multum ab hoc exemplo abest sponsio Numantina. Non temere, ut ipse fatetur Florus, ullius belli causa injustior, quam quod contra Numantinos gesserunt Romani. Segulenses, socios & consanguineos, Romanorum manibus elapsos, exceperant. Habita pro eis deprecatio nihil valuit. Ad bellum res venit: tandemque Hostilium Mancinum assiduis caedibus ita subegerunt, ut ne oculos quidem aut vocem Numantini viri quisquam sustineret. Tamen cum hoc quoque foedus inakere, contenti armorum manubiis, cum ad inter-

ne-

(d) Livius lib. IX. cap. XI. (e) lib. II. cap. VI. pag. 165. seq.

acionem saevire potuissent. Sed non minus Numantini, quam Caudini illius foederis, flagrans ignominia ac pudore populus Romanus, dedecus quidem praesentis flagitii *deditione Mancini* expiavit, si Floro credimus. (f) Hoc scilicet expiare erat, si sponsores dederent. Ast vero & hic ad patetum potius servandum adstrictos fuisse Romanos, per se patet. Eadem enim hic plane ratio, ac in sponsione Caudina. Aut si quod discrimen intercedit, id ad augendam Romanorum perfidiam comparatum est. Cajus equidem Hostilius Mancinus bona fide egit, eoque nomine longe praefertendus est Posthumio, qui datam fidem multis modis violavit. Romani autem longe turpius hic se gesserunt, quam in Caudina sponsione. In hac namque gravissima affecti erant ignominia, cum Numantini contra exercitum Romanum, quem perdere poterant, non incolumem modo, sed & sine ulla ignominia dimisissent, immo Tiberium Gracchum magna humanitate, post initam sponsionem, excepissent. Romani, cum re vera beneficium Numantinorum & humanitatem agnoscere debuissent, & ex hoc quoque capite, ut ratam juberent sponsionem, obstricti essent, non modo eam non servarunt, sed solius Mancini deditione se fidem suam liberasse putabant, cum tamen

B b b 3                      prae-

(f) Florus lib. cap. XVIII. Epitome Livii lib. LVII. seqq. Eutropius lib. IV. cap. III. Vellejus Patereulus lib. II. cap. IV. Orosius lib. V. &c.

praetores Gracchus, & honestissimus quaque Romani exercitus, inter sponsores essent. (g) Perfidae & injustitiae addiderunt crudelitatem. Duce enim Scipione, repudiatis quibusvis conditionibus, quantumvis sequis, Numantinam profus delevere gentem.

§. LXXXII. Sed ipsa tandem nunc Romanorum considerata sunt bella, summamque & velut per compendium, de illorum aut justitia, aut injustitia, dicendum. Nec aliorum judiciis recensendis immorabor, cum nec desint, qui & justitiam in illis laudaverint, & vituperaverint injustitiam. Saltem illud, quod Albericus Gentilis professus est, non possum non meum facere: *Nos, in ultimo temporum positi, mala Romanorum scire non possumus, nisi per eos, qui laudaverunt Romanos. Sed intelligimus, tamen, quam valde multa injusta fuerint Romanorum facta, qui videmus, emanasse non pauca injustissima in tanto studio laudandi.* (b) Eo minus autem iniquitatis erga Romanos aliquis nos arguet, qui pleraque illorum bella injustissime fuisse demonstrabimus: cum gesta cuncta fuisse tanisper supponamus, prout illorum scriptores, in suae gentis laudem tam vehementer proni, illa exhibent; de justitia autem & injustitia, ex naturae, quas omnes admittunt, legibus decernamus.

Ju-

(g) conf: Christiani Thomasti dissertat. de sponsione Romanorum. Dissertatione, quae est inter Lipsioses XLV. (b) lib. I. cap. VII. p. 41.

Juvabit adtem primo de causis bellorum, tum vero & de modo, quo ea gesserunt, dispicere. Contingere namque potest, ut, qui causam justam habet arma alteri inferendi, in modo tamen multiplici ratione peccet. Id quod jam Hugoni Grotio, aliisque, observatum est.

§. LXXXIII. De bellis, quae sub regibus gesta sunt, existimare forte aliquis posset, nis, si causam spectes, justitiam non desinisse. Non tantum quod Romani scriptores omnibus persuasum cupiant, ad defensionem saltem ea fuisse gesta, sed & quod ex ipso statu populi Romani, pariter ac ex aemulatione atque invidia gentium vicinarum, idem probabili quadam ratione colligi posse videatur. Sed accuratius tamen cuncta pensitantes aliter forte pronunciantur. Id quod vel ejus belli, quod cum Albanis gesserunt Romani, exemplo, comprobari potest. De Tulle Hostilio Livius: *(i)* *Hic non solum proximo regi dissimilis, sed ferocior etiam Romulo fuit: tum aetas, viresque, tum avita quoque gloria animum stimulabat. Senescere igitur civitatem otio ratus, undique materiam excitandi belli quaerebat. Est veram belli Albani causam: ambitionem regis, & ne civitas otio senesceret. Nihil ineptius aut futilius cogitari poterat, quam quae ad haec diluenda congerit Albericus Gentilis. *(k)* Fecisse eum, ait, ad quod natura omnes ducit: ideoque excusandum. Naturae parentes omnes: à natura non datas*

B b b 4 vires

*(i)* lib. I. cap. XXII. *(k)* lib. II. cap. III. p. 106. ;

*oires frustra, intelligimus omnes.* Scilicet hoc probandum erat, recte facere, qui naturae ad prava ducenti pareat. Viribus à natura concessis utendum, non ut lubet, sed ut licet. Sed accipe belli *πρόφασις*. (1) Forte evenit, ut agrestes Romani, ex Albano agro, Albani ex Romano, praedas invicem agerent. Utriusque legati fere sub idem tempus ad res repetendas missi. Nihil aliud tum Tullus agebat, quam ut prius indicti Albanis belli gloriam referret. De reddendis, quae Albanorum erant, aut serio, quae Romanorum erant, repetendis, ne cogitabat quidem. Bellum saltem cupiebat: de causa, justane, an injusta, parum sollicitus.

§. LXXXIV. Pulsis ex urbe regibus, prima pro libertate arma corripuit. Porfenna namque Etruscorum rex reducere Tarquinius, regnumque illis restituere, in animum induxerat. Tarquiniū sane, quas poterant, gentes contra Romanos excitabant: poteratque vicinis haec perquam opportuna videri occasio, crescentum Romanorum imminuendi potestatem. De hoc autem bello statuendum ex iis omnino est, quae supra de Tarquiniolorum expulsionē disputavimus. Praeter fas enim, si eos à Romanis ejectos dicas, licuit profecto vicinis gentibus, ad eos reducendos arma jungere. Nihil enim laudabilius, quam innocenti suppetias ferre, & iniquos populi adversus imperantes legitimos ausus coercere. Sine sua culpa a-

III

(1) *vid. Livius l. 6.*

aniserunt regnum Tarquinii, perperam quidem Etrusci ceterique illorum egerunt causam: Romanisque, quod vim vi repulerint, vitio verti non potest. Latini belli initio eadem causa fuit. *Latini quoque*, inquit Florus, (m) *Tarquinos asserebant, aemulatione & invidia, ut populus, qui foris dominabatur, saltem domi serviret.* Pro Latinis dici posset, non aemulatione & invidia, sed justo metu, ne à Romanis opprimerentur, arma eos induisse. Quicquid hujus sit. Eadem hic, quae in priori, cum Etruscis, bello, recurrit ratio, idemque adeo & de hujus belli, pronuncian- dum est justitia. Mutata tamen & deinde belli causa est, Latinis contra injustissimas Romanorum invasiones, ad sui defensionem, arma corripere coactis. Id quod non dissimulat Florus (n) *Hactenus, inquit, pro libertate, mox de finibus cum iisdem Latinis assidue & sine intermissione pugnatum est.* Instituta ac indolem reipublicae Romanae plane ignoret necesse est, qui sibi persuaserit, pro finibus defendendis Romanos pugnasse contra Latinos, & non potius his suorum finium defendendorum à Romanis impositam fuisse necessitatem.

§. LXXXV. De Aequis, Volscisque, qui Latinorum pervicacissimi Romanis scriptoribus audiunt, speciatim dicere nihil attinet. Pugnatum deinceps cum Veientibus, Faliscis, Fidenatibus fuit. Causam facile eandem cum ea, quae Latinos cum Romanis commisit, suspiceris. Etenim si vel maxime

B b b 1 hi

(m) lib. I. cap. XI. (n) l. 6.

hi populi laceſſiverunt Romanos, quod ex horum colligas historicis, modo laceſſiverunt, praefentiffimo ut ſe exiperent ſervitutis certiffimae periculo, hoc eos feciſſe, ut credam, animum facile induco meum. Non equidem nescio, metum ex vicina potentia ad deſenſionem rite inſtituendam non ſufficere, idque recte docet Hugo Grotius, (o) ſed hoc de metu qualicumque & incerto intelligendum eſſe, cum aliis idem Grotius docet. (p) Cum contra, ſi non tantum de potentia, ſed & de animo conſtet, & quidem ita conſtet, ut certum id ſit ea certitudine, quae in morali materia locum habet, omnino fas fit, ſuae deſenſionis cauſa arma corripere. Atque ita quin res ſe plerumque habuerit in illis bellis, quae cum vicinis geſſerunt Romani, ego nullus dubito.

§. LXXXVI. Bellum Gallicum ſequitur, à Romanis pro ſociorum deſenſione ſuſceptum. Cluſium obſidebant Galli. Pro ſociis ac foederatis intervenit populus Romanus, miſſis ex more legatis. *Sed quod jus apud Barbaros? ferocius agunt, inde certamen.* Ita Florus. (q) Ex quo colligas, quod non ſtatim Romanis obediverint Galli, id vero his ſcriptoribus erat *ferociter agere*, ab illis arma fuiſſe correpta. Quicquid hujus ſit, ſociorum cauſam armis tueri, honeſtum ac laudabile eſt. Satis hoc evicit Hugo Grotius. (r) Laudanda ergo hic Romanorum fuerint arma, ſi

(o) lib. II. cap. I. §. V. (p) lib. II. cap. XXII §. V.  
 (q) lib. I. cap. XIII. (r) lib. II. cap. XXVI.

S fociorum causa es corripuerunt. Nec ver-  
 zendum iis vicio, quod, clade gravissima ac-  
 cepta, deinceps pro salute dimicauerunt con-  
 tra Gallos. De Camilli autem facinore, qui,  
 cum pace inita discederent Galli, subito à  
 tergo eos adortus adeo caecidit, ut omnia  
 incendiorum vestigia Gallici sanguinis inun-  
 datione deferret, aliter est pronuncian-  
 dum. Perfidia enim factò inerat manifesta, quae  
 nullis, quantumvis conquistis coloribus, te-  
 gi aut excusari potest. Quae vero pro eo  
 defendendo in medium affert Albericus Gen-  
 tilis, (s) tam jejuna, tam frigida sunt, ut  
 cordatioribus gravedinem moveant atque  
 iussim. Florus (t) nimirum, ut speciem  
 justitiae conciliaret huic facinori, Gallos  
*addito ad iniqua pondere gladio, superbe, vi-  
 stis increpasse*, ait. Ex quo Albericus Gen-  
 tilis colligit, prius foedus rupisse Gallos.  
 Mea vero opinione foedus rumpit, qui non  
 stat conditionibus foederis. At steterunt  
 Galli. Militarem autem istam jactantiam &  
 ostentationem, quis statim pro rupto fo-  
 deris haberet argumento? Plane lepidum  
 est, quod idem Gentilis porro addit, ut e-  
 vincat, pacem à Romanis initam non per-  
 tinuisse ad Camillum: *Non hic decipiuntur  
 Galli, non alii. Qui cum alio contrahit, vel  
 est, vel debet esse non ignarus conditionis ejus,  
 aut sibi imputet, inquit lex. Sibi Galli im-  
 putent, si obsidio sua jam fatigati necessum se  
 vendiderunt, nec de qualitate emptorum quae-  
 sivero.*

(s) lib. II. cap. V7. pag. 163. (t) lib. I. cap. XIII.



*Arv.* Multa hic perperam congerit Albeticus. Etenim cum summa rerum, adeoque & facultas paciscendi penes populum Romanum fuerit, & Camillus ut civis Romanus hic considerari debeat, manifestum est, tum reliquos cives, tum ipsum etiam Camillum hoc foedere fuisse obstrictum. Promisso enim civitatis, vel eorum, qui civitatem repraesentant, omnes etiam ac singulos teneri cives, quis dubitaret? Et qui aliter suspicari poterant Galli? Hinc & non tenebantur in *qualitatem emptorum* ulterius inquirere, quia cum illis paciscebantur, qui & gaudebant paciscendi potestate, & eam prae se ferebant. Sin Romani paciscendi potestatem finxerunt, qua tamen gavisi non sunt, quod tantisper ponere licet, Romanorum iterum, non Gallorum hoc crimen erit, nec liberari illi ulla ratione à perfidiae nota poterunt.

§. LXXXVII. Recruduere, devictis & profligatis Gallis, bella cum vicinis. Horum quosdam calamitatibus Romanorum in spem depellendae à cervicibus suis imminenti servitutis erectos, arma cepisse, non nega-vero? nec tamen ideo injulte prorsus egisse censendi fuerint. Considerandae autem, in justitia horum bellorum dijudicanda, omnes circumstantiae fuerint, in primis Romanorum haud amplius obscurum consilium, per vicinarum gentium ruinam amplum condendi imperium, & harum rursus gentium tot funestis documentis firmatus, justissimusque adeo metus. Haec si quis probe expendere,

rit, dubito, an subscripturus sit Alberici Gentilis, post enumerata haecce bella, ita pronunciantis, sententiae. (u) *Invenimus vera nihil, in quo non iustitia, & virtus omnis Romanorum eluseat.* Sed hisce nunc immorari animus non est, cum quae majus momentum trahant, se nobis offerant.

§. LXXXVIII. Cum primis Samniticum bellum, & quidem primum accuratiorem promeretur considerationem. *Causam ejus paucis complectitur Florus: (x) Precibus deinde Campaniae motus (populus Romanus) non pro se, sed quod est speciosius, pro sociis Samnites invadit. Erat foedus cum utrisque percussum. Sed hoc Campani sanctius & prius omnium suorum deditione fecerant.* Duabus hic videtur probare voluisse rationibus iustitiam armorum Romanorum contra Samnites, primo quidem, quod gesserint bellum non pro se, sed pro sociis, deinde, cum & Samnites focii fuerint, propter deditionem Campanorum, his illos recte fuisse postpositos. Sed revera una saltem est ratio, &, quod initio paucis dixerat, pro sociis Romanos arma cepisse, distinctius deinde explicat. Nec vocem *speciosius* eo acceperim, ac si ea hoc sibi voluerit Florus, sociorum defensionem, *περίστασις* saltem Romanis augendae potentiae praebuisse: cum potius id significavit, hunc belli titulum majorem iustitiae ac aequitatis opinionem conciliare armis Romanorum potuisse, quam quoties ea pro se

(u) Hb. II. cap. VII. p. 172. (x) Hb. I. cap. XVI. add. vult lib. I, cap. XXI.

se capere necesse habuerunt. Res ipsa tamen posita est extra litem, Romanos saepius ideo sociis tulisse suppetias, ut suum saltim, primo sociorum hostibus, deinde sociis ipsis, devictis, amplificarent imperium. Verissimeque, si quid aliud, Cicero dixit: *Noster populus sociis defendendis terrarum jam omnium potitus est.* Nec abnuo, in bello hoc Samnitico ita rem se habuisse, licet forte hoc verbo id non doceat Florus. Videtur tamen clarius deinde mentem Romanorum prodere. Cum enim felicitatem ubertatemque Campaniae descripsisset: *omnium non modo Italia, sed toto orbe terrarum pulcherrima Campaniae praecepta est. Nil mollius aequo: denique his floribus vernat: Nil uberius solo &c.* addit: *pro hac arbo, iis regionibus, populus Romanus Samnites invast.* Quibus forte significat, non tam Campanorum societatem, quam agri Campani fertilitatem, Romanos, ut illis suppetias ferrent, impulisse.

§. LXXXIX. Erant Campani Romanorum socii, erant & Samnites, & quidem antiquiores. Quo ergo his praeferebant Campanos, cum contra prudentum scitum sit, recentiorum socium cedere antiquiori? Causam affert Florus: (1) *foedus Campanorum propter deditionem fuisse sanctius, & hinc eos Samnitibus recte praelatos.* Idem urget Livius (2) *Tam jam fides agi visum, deditos non prodi, nec facturum aequa Samnitibus populorum consuebant, si agrum*

(1) lib. I. cap. XVI. (2) lib. VII. cap. XXXI.

*agrū urbemque, per deditionem factam populi Romani oppugnarent.* Id ergo in quaestione venit, an ob deditionem factam praeferendi Campani fuerint Samnitibus, licet antiquioribus sociis.

§. XC. Sane quidem, cum antiquior socius recte praeferatur recentiori, eo quod recens contracta obligatio tantum eousque valeat, quousque antea existens hoc permittit; rursus si in posteriori socio aliud & quidem arctius vinculum, per deditionem, accedat, hunc praeferendum illi esse, manifestum est. Ad subditos enim, vel qui illorum loco sunt, potius defendendos nos obstrictos esse, quam socios, si utrosque non licet, nemo dubitaverit. Et ita omnino se res habet, si utrique sociorum cum aliis bellum intercedat, nec utrique tamen succurrere in nostris positum sit viribus. Immo & si socii inter se bellum gerant, modo causae iustitia hoc permittat, eum qui ante bellum exortum se nobis dedit, defendere contra socium, utut antiquiorem, licet. Eadem enim id ratio suadet.

§. XCI. Sed quid si durante bello socius posterior se nobis dedat? Id enim vero est, de quo hic disquiritur, cum Campanos id fecisse constet. Hugonis Grotii (a) si sequi decreta placeat, ex causae bellicae iustitia de toto hoc negotio pronuntiandum fuerit. Quae ratio licet non probetur aliis, mihi tamen simplicissima, & in hisce quaestio-

(a) lib. II. cap. XV, §. XIII.

stionibus recte procedere, videtur. Quod vero addit Grotius, *id ita verum esse, nisi convenerit hoc quoque, ut adversus eum auxilia mittere liceat*, id supervacaneum ego puto, immo rectius hoc omitti. Dubito enim, an quis se obstringere aut velit aut possit, quod adversus socium, qui alterum injuste oppugnat, auxilio mittere nolit: ad haec enim cum jure naturae obstricti simus, si nostrarum rerum status hoc permittat, iniquum esset, pacto huic obligationi obviam ire. Esto ergo, respiciendum hic unice ad causae justitiam fuisse, videtur quidem pro Romanis hic pronunciandum esse, saltem si horum historicis credimus. Campanos enim bello aggressi erant Samnites, quod Sidicinos antea adjuvissent. Sidicinis vero injusta arma intulerant Samnites, ut auctor est Livius. Injustum itaque etiam erat Samnitium adversus Campanos, Sidicinatorum defensores, bellum, cum primis quod avide hanc occasionem opprimendi Campanos arriperent, ut Campani quidem assererant. Sed quod Campani hic asserunt, & Livius refert, injusta fuisse Samnitium in Sidicinos arma, id nondum evictum est, nisi hominum in propria causa testimonium perhibentium stare velimus auctoritate. Deinde esto, injusta fuisse haec arma, non tamen profecto justitia fuit, quae à Romanis auxilia impetravit. Ante deditionem haec diserte negabant. Deditione vero facta, *fides agi visa*. Immo utilitas, & opportuna occasio imperii sine proferendi, cui

omnis

cuncta consilia attemperabant Romani.

§. XCII. Haec licet ita se habeant, non tamen plane displicet mihi eorum sententia, (b) qui posteriori socio contra antiquiorem suppetias ferre, fas esse negant. Utique hoc ex natura & indole societatis fluit. Non enim de pacis, sed societatis foedere, hic sermo est. Unio nimirum ad certum finem, quam societatis ratio iussit, non potest non per bellum turbari prorsus atque dissolvi; unde qui alterius se profitetur socium, simul in id consentit, non velle se adversus eum alteri auxilia mittere. Quae enim ceteroquin societas? Multo magis itaque iniquum est, alium in societatem recipere, saltem eum in finem, ut priori socio bellum indici queat. Atque hoc cum de quibusvis, tum etiam de illis, qui per deditionem recipiuntur, intelligendum est. Quamdiu enim antiquius illud foedus durat, tamdiu committendum mihi nihil est, quo illud infringi aut violari queat. Ceterum ad ea, quae Albericus Gentilis pro justitia belli Samnitici disputat, (c) non necesse est, ut respondeamus; cum ex dictis dilui cuncta facile queant.

§. XCIII. Cum Etruscis deinceps arma cepserunt Samnites. Causa non satis aperta. Violati foederis à Romanis accusati Samnites, quod cum Palaepolitanis multa hosti-

C c c

lia

(b) *conf. Christiani Thomasi dissert. de sponsione Romanorum Caudina*, §. XXIV. (c) *lib. II. cap. VII. p. 168. seqq.*

lia adversus Romanos, agrum Campanum Falernumque incolentes, fecerint, quodque populos Privernatem, Fundanum, & Formianum haud ambigue sollicitaverint. Sed nec deerant Samnitibus, quae ad haec regerent, Romanos rursus injustitiae accusantes: (d) *haud ullo publico consilio auxiliove juvari Grascos, nec Fundanum, Formianumve à se sollicitatos. Ceterum non posse dissimulare, aegre pati civitatem Samnitium, quod Fregellas ex Volscis captas dirutasque ab se, restitueret Romanus populus, coloniamque in Samnitium agro imposuerit, quam coloni eorum Fregellas appellant. Eam se contumeliam injuriamque, nisi sibi ab iis, qui fecerint, dematur, ipsos omnino depulsuros esse, &c.* Quae facile docebunt, nec in hoc bello Romanorum armorum justitiam demonstratam satis, atque evictam esse.

- §. XCIV. Tarentinum bellum, unum quidem titulo & nomine, sed victoria, quam retulerant Romani, multiplex. Campanos namque, Apulos, atque Lucanos, & quod caput belli, Tarentinos, id est, totam Italiam, & cum istis omnibus Pyrrhum, clarissimum Graeciae regem, una velut ruina pariter involuit. Ita Florus, (e) qui causam porro hoc modo enarrat: Imminet portui, (urbis Tarentinae) ad prospectum maris positum, majus theatrum? quod quidem causa

(d) *vid. Livius lib. VIII, cap. XXII. XXIII.* (e) *lib. I. cap. XVIII.*

fa miserae civitati fuit omnium calamitatum. Ludos forte celebrarunt, cum adremigantem littori Romanorum classem inde vident: atque hostem rati, emicant, sine discrimen insultant. Qui enim, aut unde Romani? Nec fatis. Aderat sine mora querelam ferens legatio. Hanc quoque foede, per obscenam turpemque dictu contumeliam, violant. Et hinc bellum, quod cum aliis Pyrrhum regem involvit, qui semi-graecam ex Lacedaemoniis conditoribus civitatem vindicaturus, advolabat. Floro & ceteri Romanarum rerum scriptores suffragantur. Contumeliae genus, quo affecti legati, expressius designat Dionysius. (f) Pulsatos Livius (g) scribit; Polybius (h) generatim ἀσέλγηται vocat.

§. XCV. Legatorum itaque jus violatum querebantur Romani, & hanc bello Tarentino obtendebant causam. De sociorum enim armis, ex causa principe belli, pronuntiandum. Hic equidem si probare vellem, sanctos omni tempore ac inviolabiles gentium moribus fuisse legatos, rem susciperem prorsus supervacaneam, cum id jam actum sit abunde ab aliis. (i) Adeoque non videtur de justitia armorum Romanorum contra Tarentinos, horumque socios, dubitandum, cum violatos ab his illorum

C c c 2

le-

(f) excerpt. Leg. IV. (g) epitome XII. (h) lib. I. cap. VII. add. Val. Maximus lib. II. cap. II. (i) vid. Paschalius cap. XXXVI. Frider. de M<sup>u</sup>selaeer dissert. XIII. add. Tacitus hist. lib. III. cap. LXXX.



legatos, in confesso sit apud omnes. Nec hoc ad Romanorum causam agendam praetermittit Albericus Genulis. (k) Nihilofecius duo hic expendi accuratius, atque considerari vellem. Alterum, causam irritati populi Tarentini callide à Floro, forte & à ceteris, dissimulari. Adremigasse littori Tarentino classem Romanam, ait Florus. Causam non addit, cur ad littus accesserit classis, & annon ea id factum ratione, ut causam justam suspicandi, hostili animo venire Romanos, habuerit populus Tarentinus, non indicat. Alterum, à plebe velut per tumultum, contumeliose habitos legatos: ut dubium superfit, an consenserit aut magistratus, aut principes civitatis? Et rursus, an Romani rite contumeliae retractationem postulaverint à Tarentinis, & quo minus amica compositione lis finiretur, nihil in se desiderari passi sint? Quantumvis enim graviter laesus, recte tamen arma non induit, si ulla ratione penes eum steterit, ne alia, quam armis, ratione, controversia dirimatur.

§. XCVI. Missis vero reliquis, quae minoris momenti sunt, ad punica nos convertimus bella: cum, maxime illustria hujus argumenti capita saltem confectari, animus sit. Et primi quidem punici belli injustitia tam manifesta est, ut nec ipsi Romanae historiae scriptores eam inficiari, aut dissimulare, potuerint. Rem omnem planissime enarrat Polybius, (l) ex quo paucis, quae ad nostrum institutum faciunt, repetemus.

Cam-

(k) lib. II. cap. VII. p. 179. (l) lib. I. cap. X. seqq.

Campani videlicet sub Agathocle merentes, Messanam urbem callide in suam redegerunt potestatem. Subdole namque specie amicorum ingressi, urbis potiti, cives partim ejecerunt, partim jugulaverunt, & cuncta pro libidine, qua quisque ferebatur, designarunt. Hi Mamertini dicti, aliquandiu graves finitimis, à Syracusanis vero repressi, tandem in factiones scindebantur: pars Carthaginenses advocabant, quibus etiam arcem dederunt, pars petebant à Romanis auxilia. Ceterum ad exemplum Campanorum etiam Romani, quo tempore Pyrrhus in Italiam trajiciebat, à Rheginis in auxilium vocati, horum urbem sibi subjecerant, improbante tamen senatu populoque Romano, & graviter deinceps in eos, qui Rhegium tenebant, animadvertente. Hinc cum Mamertini, quorum tamen non melior causa erat, quam illorum, qui Rhegium occupaverant, auxilium peterent, Romani, quid consilii caperent, per diu ancipitibus animis dubitaverunt: *quippe auxilii ratio manifestam prae se ferebat absurditatem. Nam eos, qui paulo ante cives suos, ob violatam erga Rheginos fidem, gravissimo supplicio affecissent, repente Mamertinis, qui similia patrassent, non solum erga Messaniorum urbem, sed etiam Rheginorum ire auxiliatum, id vero cum eo delicto conjunctum erat, quod excusari difficulter posset. Neque sane haec nesciebant Romani &c.* Causae itaque aequitas, vel ipsis fatentibus Romanis, non erat, quae eos ad hoc bellum inducebat. Veram

itaque causam subjungit Polybius: *sed quod Poenos viderent non Africae regiones dumtaxat, verum etiam in Hispania pleraque loca juris sui fecisse, insulis praeterea Sardi Etruscisque maris omnibus positos, anxii supra modum erant, ne, si hoc amplius Siciliae dominatum adipiscerentur, valde sibi graves, & formidabiles vicini forent, qui & circumdarent undique populum Romanum, & omnibus Italiae partibus imminerent.* Ergo metus crescentis nimis potentiae Punicae vera causa belli hujus fuit, juxta Polybium. Sed accuratius, ni fallor, rem tangit Florus, *(m)* qui non dissimulat, veram & principem hujus belli causam fuisse cupiditatem potiundae Siciliae. *Praedae hujus cupiditate adeo enarisse populum Romanum, ait, ut quatenus haec insula nec mole jungi, nec pontibus posset, armis belloque jungendam, & ad continentem suam revocandam bello censuerint. Et iterum aperte, specie quidem socios juvandi, re autem sollicitante praeda, eos bellum hoc suscepisse pronunciat.*

§. XCVII. A *μεγαλον* itaque secernenda vera causa, si rite belli hujus constare iustitia debet. Vera causa haud dubio ea fuit, quam Florus designat, cupiditas obtinendae Siciliae. Hanc palam iniquam fuisse, nulla indiget demonstratione. Esto vero, eam fuisse veram causam, quam innuit Polybius, metum ob crescentem nimis Carthaginensium potentiam, tum quidem & Italiae populis non poterant vitio vertere, quod

*(m) lib. II. cap. II.*



rus ait, exarsisse Romanos cupiditate praedae opulentae, regerit: *exarserunt cupiditate etiam praedae opulentae, sed naturali alia adhuc cupiditate restituendi suo corpori avulsum membrum.* Egregie! Scilicet, quia Sicilia velut pars Italiae olim fuit, ideo Romanorum, quibus nec in Italiam, nec in Siciliam ullum jus fuit, cupiditas ea potiundi & imperio suo subjiciendi, *naturalis* fuit, ideo etiam justa. Quis istam vel in turpissimo sophista stultitiam ferret? Sed pergit: *Sit justa acquirendi causa, voluntatem nemo vituperaverit.* Ast an justa acquirendi causa fuerit, id vero est, de quo adhuc disceptatur. Nec Florus hoc adserit, dum dixit: *Sed ecce nec occasio defuit.* Ergone occasio & causa justa unum idemque est? Voluntatem acquirendi non vituperandam ethnici forsitan adprobaverint. Ab homine, christianae disciplinae alumnum se profitente, ejusmodi proficisci vocem potuisse, merito miror. Id rursus lepidum est, quod addit. Siciliam fuisse patriam Cycloperum, nutricem tyrannorum, captivam servorum, & quae reliqua sunt: ergo recte eam potuisse occupari a Romanis. Ita cuncta conquirenda erant, ne color qualiscumque armis Romanis deesset. Sed ad caput causae accedamus. Quod Florus dixit, praedam sollicitasse Romanos, auxilium focis ferendum ab illis obtentum fuit, ad hoc Albericus noster: *de interiori animi sensu disputandum tamen non est: aperta belli causa justa est.* Ast apertam belli causam justam fuisse, nondum est

est evictum. Saltem ipsi Romani, si non injustam credebant, certè de ea dubitabant, ut diserte docet Polybius. De interiori vero animi sensu, si is documentis certis prodatur, eur non esset disputandum? Scio, nonnullos inter bellum justum, & quod juste geritur, discrimen constituere, ita quidem, ut ad illud causa justa sufficiat, ad hoc insuper recta animi intentio accedere debeat. Id tamen fatentur omnes, inique & perperam agere, qui ex causa justa licet, non tamen ob causam justam arma corripit. Atque hoc cum vel Alberico fatente fecerint Romani, injustitiae criminisque haud dubio rei sunt. Et id vero est, quod demonstrare volumus. Mittimus cetera, quae more suo congerit atque miscet, cum ex dictis facile dijudicari queant.

§. XCIX. Peraçto primo bello punico, post brevem admodum quietem, cum Liguribus, Insubribusque, Gallis & Illyriis, & cum his quidem ob legatos Romanos violatos, pugnatum est. Hi namque lacestebant Romanos, si Floro credimus. (o) Ignobiliora haec nos non morabuntur bella, in tanta praesertim circumstantiarum obscuritate, ut de illorum justitia, praeter conjecturas, vix quicquam adferre liceat. Ad bellum ergo punicum secundum accedimus. In causa belli hujus Saguntus deleta est, vetus Hispaniae civitas & opulenta, fideique erga Romanos magnum quidem, sed triste monumentum: quam in libertatem

C c c 5

com-

(o) lib. II. cap. III. seqq.

communi foedere exceptam, Annibal carthas novorum motuum quaerens, & suis & ipsorum moribus everit, ut Italiam sibi rupto foedere aperiret. Ita Florus: (p) sed paulo obscurius. Res ita se habet. Cautum in foedere, facto inter populum Romanum & Carthaginiensem, post bellum de Sicilia, erat: *utriusque populi socii ab utroque populo tuti sunt.* Post autem hocce foedus Saguntini ad societatem populi Romani accesserant. Annibal itaque, Carthaginiensium dux, cum bellum in Hispaniam transulisset, Saguntum quoque urbem oppugnavit, Romanorumque legatis non auditis, expugnavit tandem atque delevit. Hanc ob causam legati Carthaginem missi sunt, qui, si Annibalis factum ibi probaretur, ac defenderetur, bellum indicerent. Carthaginienses ad bellum quidem parati, de causae tamen justitia dicebant, non posse Romanos fracti foederis se insimulare, cum in foedere inter utrumque populum percusso, de sociis, qui tum fuerint, non de iis, qui futuri essent, sermo fuisset. *Nobis, inquit, (q) vobiscum foedus est à Lutatius consule ictum, in quo cavetur utrorumque sociis: nihil de Saguntinis (nec dum erant socii vestri) cautum est.* Et cum regerere possent Romani, in foedere, quod cum Asdrubale ictum, Saguntinorum mentionem fieri, in quo & cautum fuit, ne liberum Carthaginienses transirent, addunt, hoc foedere, sine consensu quippe populi Cartha-

(p) lib. II. cap. VI. (q) apud Livium lib. XXI. cap. XXI.

thaginiensis factō, se non teneri, simulque ad exemplum Romanorum provocant: *Si vos non tenent vestra foedera, nisi ex auctoritate & jussu vestro ista, ne nos quidem Asdrubalis foedus, quod nobis insciis icit, obligare potuit.* Legati quidem bellum denunciare, quam disceptare de jure, magis ex dignitate populi Romani esse censuerunt. T. Livius (r) tamen hanc disputationem ingreditur, & ad rationes Carthaginensium respondet: discrimenque omnino inter foedus Luctatii & Asdrubalis intercessisse contendit, cum in illius diserte additum esset: *ita id ratum fore, si populus censuisset: in Asdrubalis autem foedere, nec tale quid exceptum fuisse, & multorum insuper annorum silentio idem fuisse comprobatum.* Saguntinis autem satis cautum fuisse putat, fociis utrorumque exceptis: *nam, inquit, neque additum erat, iis, qui tunc essent, nec, qui postea assumerentur: & cum assumere novos liceret socios, quis aequum censeret, aut ob nulla quenquam merita in amicitiam recipi, aut receptos in fidem non defendi? tantum ne Carthaginensium socii sollicitarentur ad defectionem, aut sua sponte desciscentes, reciperentur.*

§. C. Cum ergo vox *focii* utramque recipere significationem queat, ut & praesentes tantum, & futuros quoque designet, Hugo quidem Grotius (s) stricte eam hic interpretandam censet, ut tantum praesentes designet.

(r) lib. XXI. cap. XXII. (s) lib. II. cap. XVI. §. XII.



gnet, quia agitur de foedere rumpendo, quae odiosa est materia. Licuisse tamen Romanis putat, defendere Saguntinos, non ex vi foederis, sed ex jure naturali, quod foedere non erat abdicatum. Ita ut Saguntini apud utrosque eo essent loco, quasi nihil de sociis convenisset. Quo casu, inquit, nec Carthaginenses contra foedus erant facturi, si in Saguntinos arma moverent, quae justa arbitarentur, nec Romani, si eos defenderent. Verum notissimam illam Hugonis Grotii, aliorumque regulam, de odiosis strictè, & favorabilibus late interpretandis, omni destitui fundamento, jam alibi ostensum est. Et sane, uti Carthaginensibus *odiosum* videri poterat, abrumpere foedus, ita contra *favorabile* & Romanis & Saguntinis erat, Saguntum conservari, aut, postquam jam excisa erat, periculis Romanae reipublicae inde imminentibus occurrere. Planeque existimo, à naturali vocis significatione hic sine praegnanti causa non discedendum fuisse, qua socios qualescunque, praesentes & futuros denotat, id quod recte urget. Ergo justa fuerunt Romanorum arma, quae pro Saguntinis ceperunt: idque eo magis, quod haud obscure intelligatur, ad ulciscendam cladem, in priori bello acceptam, bellum à Carthaginensibus, vel ab Annibale, intempestivo & inconsulto impetu abrepto, conniventibus Carthaginensibus, fuisse motum. Id quod bene exprimit Florus: (t) *Urebat nobilem populum ablatum*  
ma-

(t) lib. II. cap. VI.

*mare, captas insulas, dari tributa, quas jubere consueverat. Hinc ultionem puer Annibal ad aram patri juraverat, &c.*

§. Cl. Quis belli hujus eventus fuerit, constat. Annibal à suis domum revocatus, victus in Africa à Scipione est. Qua clade Poeni pacem, quanquam iterum duriozem à Romanis accipere coacti sunt. Post Carthaginem vinci neminem puduit, ut Florus ait. (u) Secutae sunt statim Africam gentes, Macedonia, Graecia, Syria, ceteraque omnia. Macedonico bello obtendebatur, Philippi regis cum Annibale societas, pax infida adversus Aetolos, & injuriae Atheniensibus illatae. Primam & ultimam causam adfert Florus: (x) *Causa coepit à foedere Philippi, quo rex jam pridem dominantem in Italia Annibalem sibi sociaverat: postea crevit, implorantibus Athenis auxilium contra regis injurias, quum ille ultra jus victoriae in templa, aras, & sepulcra ipsa saeviret.* Mediam tangit Livius. (y) Sunt vero haec ejusmodi, de quibus multa adhuc disputari in utramque partem possent. Foedus cum hoste initum, nisi hostilem simul in nos animum arguat, nobisque defendendi nos, aut occupandi hostiles impetus, necessitatem imponat; nondum justam belli causam praebet. De Aetolis pariter ac Atheniensibus dispiciendum fuerat, qua causa inductus arma intulerat illis Philippus. Sane non defuisse Philippo causam justam, velex Livio proba-

ri

(u) lib. II. cap. VII. (x) l. c. (y) lib. XXXI. cap.

ri potest. Nec justa semper & quaevis arma sunt, quae pro focis, usque, qui nostram implorant opem, expediuntur: necesse est, ut in causa justa versentur, quorum in nos defensionem suscipimus. Quae adduntur, ultra jus victoriae in templa, aras, & sepulchra ipsa à rege saevitum, Graenanicam valde sapiunt rhetoricam: si vera sunt, inique regem egisse ostendunt: belli causam justam Romanis nondum praebent. Sed quales Aetoli fuerint, in quorum gratiam arma Romani arripuerunt, eventus docuit. Minus enim spe sua, praemium in hoc bello adepti, Antiochum magnum Syriae regem adversus Romanos sollicitant. Thoas enim, praetor Aetolorum in concilio Naupti, conqueritur *injurias Romanorum statimque Aetoliae, quod omnium Graeciae gentium civitatumque inhonoratissimi post eam victoriam essent, cujus causa ipsi fuissent.* (2) Hinc ergo bellum Syriacum Lepide hac de re Florus (a) *Macedoniam statim, & regem Philippum Antiochus excepit quodam casu quasi industria, sic adgubernante fortuna, ut quemadmodum ab Africa in Europam, sic ab Europa in Asiam, ultro se suggerentibus causis, imperium procederet.* Scilicet, cum latrones unam praedam post aliam invadunt, ultro se suggerentibus causis, belle admodum illis res procedere videtur. Imprudentiae utique notam non effugiet Antiochus, & quod Romanis, quibus multis modis inferior erat, bellum

(2) vid. Livius lib. XXXV, cap. XII. (a) lib. II, cap. VIII.

bellum intulit, & cum inferre decreviffet, quod Annibalis non ufus eft confilio. Inique fi quis eum egiffe contendat, eum, quod oppreffos, deque falute fua follicitos, defendere fufceperit, grande Antiochum admiffiffe facinus adfirmare neceffe eft, cui expiando infigni eum regni fui decedere parte oportuit. Saltem cum eadem, aut familia prorfus Romanis arma capiendi, haud raro fuerit caufa, aut tum inique egiffe Romanos, aut Antiochum excufandum, fatendum fuerit. Syriacum bellum Aetolos, Hiftros, Gallograecos, poft fe traxit. Hifce omnibus nihil aliud fraudi fuit, quam quod Antiochum adjuverant. Facile enim intelligebant, & hoc devicto, fibi quoque fervitutis fubeundum effe jugum. De bello Macedonico fecundo, & tertio, nihil nunc dicam. Romani rebellionem interpretantur, quam alii innatam omnibus recuperandae libertatis cupiditatem dixiffent: Saltem constare Macedonibus de iufto Romanorum in illos imperio debebat, fi rebellionis iure eos voluerunt arguere Romani. Caufa Andrifci, qui fe Philippi filium mentitus eft, peculiaris fuit, ob quam promeritas ille poenas dedit, fed cum caufa Macedonum, feu populi Macedonici, tamen non commifcenda. Illyriis non licuit impune adjuvare Macedones. Non enim iuftior Romanis fervitutis caufa vifa eft, quam focios adjuvando, fervitutem a fe depellere.

§. CII. Quae Albericus Gentilis (b) de  
qui.

(b) lib. II. cap. LX. p. 200. feqq.

quibusdam horum bellorum, praesertim ejus, quod cum Antiocho gestum est, pro Romanis disputat, ne digna quidem sunt, quae à nobis commemorentur. Adeo more suo sophistam agit. Quare ad bellum punicum tertium scedimus, tempore exiguum, & in comparatione priorum, minimum labore, sed plane maximum eventu. Vitio illis datum, quod contra foedus naves haberent, & Masanissam socium regem armis infestarent. *Causa belli*, inquit Florus, (c) *quod contra foederis legem adversus Numidas quidem semel parasset classem & exercitum, frequens autem Masanissae fines territabat.* Avide arreptam hanc qualemcunque *μεγίστην* ex eo colligas, quod statim de excindenda Carthagine in senatu deliberatum sit, iis quidem rationibus, quae facile suadeant, de suis potius commodis, quam de belli justitia, Romanos fuisse sollicitos. Id jam ab Orosio (d) observatum, qui ita rationes subducit: alii volebant Carthaginem dirui ob securitatem, alii ob virtutem acundam servari, igitur causa non ex injuria Carthaginiensium erat. Quicquid hujus sit, nihil minus quam causae justitiam Romanos ad bella, speciatim Carthaginiense hocce, movisse, longe est manifestissimum. Albericius Gentilis (e) cum fateatur, invidia ad excindendam Carthaginem esse indutos Romanos, dixisse tamen aliquid sibi videtur, dum addit: *non invidia tantum, sed* &

(c) lib. II. cap. XIV. (d) lib. IV. cap. XXII. XXIII.  
 (e) lib. II. cap. VIII. p. 194.

Et noxia ejus temporis, quam ostendi, Et quas noxia justam nobis fecit excindendi potestatem: sicut fecit invidia voluntatem. Fateor invidiam, fateor: Et illo utor Caesaris: Invideo gloriae tuae, Cato, quoniam Et tu invidisti meas. Invidimus gloriae Carthaginis, quoniam Et Carthago invidit gloriae nostras. Impudentem valde, & bonae mentis inopem esse oportet, cui haec fucum faciatis. Nocere quo pacto hoc tempore Carthago Romanis potuerit, tot jam cladibus debilitata, ut hi illius excidio suae consulere securitati necesse habuerint, ego quidem non intelligo. Esto, migraverint Carthaginenses foederis leges: facili poterant negotio in ordinem redigi, ut sanctius eas imperium observarent. Caesari, ethnico homini condonandam, quod dixerat: *invideo gloriae tuae, Cato, quoniam tu invidisti meae*: quanquam & gravissimos ethnicorum philosophorum suffragantes sibi habeant; qui prorsus negant, fas esse, pravo erga alium esse animo, quia is tali est erga nos. Quis autem in Alberico Gentili hoc ferat? Quorsum ruit coecus rerum Romanarum amor? Sed progredimur ad alia.

§. CIII. Carthaginis ruinam statim Corinthus excepit, Aethiopiae caput, Graeciae decus. Haec, facinus indignum! antea oppressa est, quam in numerum certorum hostium referretur. Ita Florus. (f) Ergone de bellae injustitia adhuc dubitas? Edisserit causam idem: *Cristalaus causa belli: qui libertate d*

D d d

Ro.

(f) lib. II. cap. XVI.

*Romanis data adversus ipfos usus est: legatos quo Romanos, dabunt, an se manu, certe variis visis. Sed uberius ex Justino (g.) rem totam enarrate juvat. Poenis ac Macedonibus devictis, Achaeorumque viribus debilitatis, soli adhuc ex Graecia universa (Achaë) nimis potentes tunc temporis Romanis videbantur, non propter singularium civitatum nimias opes, sed propter conspirationem universarum. Quarentibus igitur Romanis causas belli, tempestive fortuna querelam Spartanorum obtulit, quorum agros Achaëi propter multitudinem cellam populabantur. Spartanis à senatu responsum est, legatos se ad inspiciendas res sociorum, & ad injuriam demendandam, in Graeciam missuros: sed legatis occulta mandata data sunt, et corpus Achaeorum dissolverent, singulasque urbes proprii juris facerent, quo facilius ad obsequia cogentur, nullaeque urbes contumaces essent, frangerentur. Igitur legati omnium civitatum, principibus Corinthum evocatis, decretum senatus recitavit, quid consilii haberent, aperiant. Quod ubi omnibus innotuit, velut in furorem versi universum peregrinum populum trucidant: legatos quoque ipsos Romanorum violassent, nisi subito tumultu trepidi fugissent. Jam haec in senatum colligamus. Belli causam quae sebant Romani, Achaeorum dissolvere volebant societatem, libertum pondus suis cupiebant parere mandatis, & tamen iusta*

(g) lib. XXXIV. cap. I. segg.

eorum in Achaeos arma fuisse credis? Ast advocabantur à Spartanis. Non tamen Spartanorum causa veniebant. Hoc ergo nihil ad rem. Et si venissent, num Spartanorum causa iusta erat? Propter mutuum odium Spartanorum agros populabantur Achaeci, inquit Justinus. Legati tamen violati sunt. Non violati sunt, si Justino credimus, parum tamen abfuit, quin violarentur. Sed à quo? A furente plebe, incitatore Critolao. Ergone statim, excindenda Corinthus? Num principes hoc facinus approbabant? Num detestabant satisfactionem? Hanc vero ne postularunt quidem Romani, urbemque prius opprimerant, quam in certarum hostium numerum referretur. Egrege hic se traducit Albericus Gentilis. (b) *Quaerebant, inquit, Romani causam: scilicet remedium, quo tutior suus & firmior status evadere possit. Scilicet, aliis injuste oppressis, suum statum tutiorem & firmiterem reddere licet. Voluerunt corpus Achaeorum dissolvere: quia Romanis libertas Graeciae curae cordisque erat. Nimirum ut lupus salus agni. Diserte Justinus, voluisse eos ideo hanc societatem dissolvere, quia Achaeci hac ratione nimis potentes Romanis videbantur. Sed transeant reliqua.*

§. CIV. Hispaniae subjugandae bella publica dederunt occasionem. Initio non cum Hispanis, sed cum poenis in Hispania pugnatum est, inde contagio, & series, causaque bellorum. De iustitia deliberare supervacuum

D d d z neum

(b) lib. II. cap. I. pag. 101.



neum visum. Vel Numantini belli exemplo hoc constat. Testem luculentum damus Florum: (i) *non temere, si fateri licet, ul-  
lius belli causa injustior* Nihil clarius dici poterat. Sed loquatur res ipsa. (k) Segulenses, socios & consanguineos, Romanorum manibus elapsos, exceperant Numantini. Habita pro eis deprecatio nihil valuit. Quum se ab omni bellorum contagione removerent, in legitimi foederis pretium jussi arma deponere. Hoc vero erat illis abscindere manus. Hinc ad arma ventum. Albericus Gentilis hic in omnem se vertit partem. (l) Mox Florum accusat nimii erga patriam (Hispaniam) amoris: mox alias ex Appiano adfert causas: mox à Floro allatam defendit: *tu Hispane scriptor, quid popularibus tuis, quid blandiris?* Esto, fuerit Hispanus Florus: non sufficit dicere, eum aliquid patriae amori dedisse, probandum erat. Praefertim cum nimius potius erga imperium Romanum amor in toto hoc opere eluceat. Esto, rhetorem quandoque potius agat, quam historicum, potuit rhetor & vera dicere. Sed alias audiamus causas. *Num rebellis non erat Numantia?* Jure debellatam prius probare oportebat, quam rebellis dicitur. *Num illic consilium non est initum contra Romanos?* Vix credo de urbe, quae omni

(i) lib. II. cap. XVIII. (k) *conf. de causa & justitia belli Numantini Christianus Thomafius, in dissert. de sponsione Numantina, §. IV. seqq.* (l) lib. II. cap. VIII. p. 192.



ut in reliquis negotiis omnibus, minus justitiae habita est ratio. Auctor hujus rei nobis ipse Florus est: (o) *Haec omnis populus Romanus pulcher, egregius, pius, sanctus, & magnificus: reliqua saeculi ut grandia neque, ita vel magis turbida sunt: & foeda: crescentibus cum ipsa magnitudine imperii vitis.* Non ergo, ut diu his immoremur, necesse est. Asiaticum bellum ad vindicandam Attali regis hereditatem susceptum. (p) Multa hic quaeri possent: an testamento transferre Attalus regnum in populum Romanum potuerit? an Aristonicus, regii sanguinis juvenis, recte a successione exclusus? quibus causis inductus testamentum hoc condiderit Attalus? Nondum puto haec ita prorsus expedita esse, ut de causae Romanae justitia nullum superfit dubium. Bello Jugurthino causa, non diffitendum, non defuit. Certe per summum nefas, si vera sunt, quae Romani scriptores tradunt, Jugurtha, Micipsae Numidiae regis filius adoptivus, ejusdem naturalibus Hiempsali & Adherbali praeferrere voluit. Adoptivos enim in successionebus postponendos esse naturalibus, constat. Per summum etiam nefas alterum occidit, alterum regno expulit. (q) Haec aliaque ejusdem scelera recte ulciscabantur Romani, in quorum tutela regnum erat. Cum Salyis, Allobrogibus, aliisque Germaniae Gal-

(o) lib. II. cap. XIX. (p) vid. Justinus lib. XXXVI. cap. IV. Plutarchus in Tiberio Graccho, Vellejus Paternus lib. II. cap. IV. &c. (q) vid. Sallustius in bello Jugurthino p. m. 53. seqq.

Galliaeque populis pugnatum est, ut socios suos ab horum incursionibus tutos praestarent. Nihil honestius, modo quae ~~negotio~~ fuit, eadem semper & causa censei debet. Sed si fallor, libertatis amor & metus servitutis imminentis, quem Romanorum victoriae & mores haud parvum incutiebant, plerumque Galliae & Germaniae populos in Romanos armavit. Hoc vero illis vitio verendum, Cimbrorum, sedes à Romanis postulantium, haud aequa petitio: cum quae illis tribuerent Romanis non essent, nec tutum profecto satis, gentem bellicosissimam in sinum recipere. Thracum pro re: bellibus habitis: recte, si jure ante victi. Mithridates querebatur, *Attroctari turbinos suos à Nicomede Bithynico*, cujus causam agebant Romani. (r) Esto, idem elatus animis in gentibus Asiae totius, & si posset, Europae cupiditate flagraverit. Nihil inde melior causa Romanorum. Eadem, inquam major & in illis cupiditas. Potest autem contingere, ut uterque prave consilio bellum gerat, adeoque & uterque peccet. De Cretico bello rursus citra ambages Florus: (s) *Creticum bellum, si vera volumus noscere, nos fecimus: sola vincendi nobilitate provinciam cupiditate.* Cyprus deinde sine bello recepta, invitantibus, quibus abundabat, divi-

D d d 4

(r) Florus lib. III. cap. V. add. Appianus in Mithridaticis, Plutarchus in vitis Sullae, L. Iaculli, Cn. Pompeji, &c. (s) lib. III. cap. VII. &c.

tiis, ut idem innuit. (†) Gallicum à Caesare gestum; ut hic suae litaret ambitioni immensae, & immodicae. Eandem ob causam & in Britanniam transfretatum. De Parthico bello iterum nos dubitare non sinit Florus: (u) *nec de fortuna queri possumus: caret solatio clades, adversis & diis & hominibus, cupiditate consulis Crassi, dum Partibico inibat auro &c.* De piratico autem, servili, & civilibus bellis, nihil attinet dicere, cum, quid de iis censendum sit, nemini obscurum esse queat.

§. CVI. Et per haec quidem bella, maximam partem longe injustissima, ad tantam magnitudinem crevit Romanum imperium, ut mole sua rueret. Saltem postquam ad Imperatores rerum summa pervenit, simul ad fastigium, fatorum legibus illi destinatum, pervenisse videbatur, unde, quae sub iis gesta sunt bella, conservando magis & propulsandis periculis, quam augendo, si pauca admodum, ex dictis fere dijudicanda, exceperis, fuere comparata. De causis ergo bellorum à Romanis gestorum cum satis dictum sit, nunc, quod alterum tractationis nostrae caput est, etiam de modo, sed paucis, despiciemus. Ad hunc ergo quod attinet, primo quidem constat, bellum, etiam ex justa causa susceptum, tam diu saltem continuari posse, donec laesus satisfactionem acceperit, simulque certus reddatur, se non amplius imposterum lae-

(†) lib. III. cap. IX. (u) lib. III. cap. XI.



templa & sacras Numini aedes non devastarunt, nisi Numine prius evocato: quem admodum & urbium genium prius evocabant, quam flammis eis injicerent. (z) Haec ad fucum incautis faciendum spectabant. Ceteroquin quam parum & hujus legis observantes fuerint, vel Corinthus testatur. De rebus in bello captis constat, quod tantum capere liceat, quantum debiti ratio postulat. Atque id de civium quorumlibet etiam rebus censendum, eo quod bellum cum tota civitate, adeoque & cum ipsis civibus geratur. Romanos vero enormiter hic peccasse, facile probari potest. Etenim existimaverunt, tantum sibi licere bello capere, quantum capere poterant, id quod pluribus documentis evincit ipse Hugo Grotius. (a) Hominum eam hic conditionem esse, volunt naturalis juris consulti, ut saltem illi non recte capiantur, quos capi ad finem belli parum interest. Unde tales nec interfici jure possunt, nec capi queunt. Praeterea in captos non pro lubitu saeviendum, sed humanitatis omnino habenda est ratio. Parum hic rursus cum rationis rectae scitis consentiebant mores Romanorum. Capiebant, quos poterant, quos volebant: in hos statuebant, quicquid lubitum erat. Id quod rursus vel ex his patet, quae ipse hac de re affert Hugo Grotius. (b)

Im-

(z) *conf. exercitatio nostra de jure belli circa res sacras, §. IX.* (a) *lib. III. cap. VI. §. II.* (b) *lib. III. cap. VII. §. I. seq.*

Imperium denique tum domum acquiritur, cum nulla alia ratio superest, aut restitutionem damni dati, aut securitatem futuram consequendi. Quis vero sibi persuadeat, omnium gentium, quas vicerunt Romani, hanc fuisse conditionem, ut horum juribus & securitati non aliter, quam imperii cessatione, subjectione ve, consuli potuerit? Sed plura addere, hoc vero esset in re non dubia uti argumentis non necessarius.

§. CVII. Et de bellis quidem Romanorum cum satis dictum sit, idque ea ratione, ut per illustria rerum eundo capita ad ea deducti simus tempora, quibus ob nimiam amplitudinem res Romana quodammodo ad insignem mutationem vergebat: nunc reliqua prosequamur, quae adhuc hinc inde se offerunt. Ambitio civium perniciem atque ruinam republicae haud dubio acceleravit. Inter hos haud postremus fuit Lucius Sylla, qui, profligato Marii exercitu, non tantum urbe potius est, omnemque in eam furorem effudit, sed legem etiam tulit, per quam multi, qui cum Mario fecerant, proscribentur, proscriptorum bona vendebantur, eorumque liberis omnibus aditus ad honores in republica, intercludebatur. Rem pluribus enarrant Cicero, (c) Plutarchus, (d) Appianus, (e) Seneca, (f) Orosius (g) alii. (b)

### §. CVIII.

(c) lib. II. de offic. p. m. 136. (d) in Sylla. (e) lib. I. Civil. (f) lib. V. de benefic. cap. XVI. (g) lib. V. cap. XXI. (b) Lucanus lib. I. Florus lib. III. cap. XXI. Augustinus lib. III. de C. D. cap. XXVIII.



§. CVIII. Hae leges, à Sylla latae, an servandae fuerint? ipsi Romani scriptores disputant. Cicero apud Quintilianum (i) eas servandas censuit, eo quod status civitatis iisdem contineretur. Nec abit hinc procul Florus. (k) Lepidus enim, inquit, acta Syllae rescindere parabat, nec immerito, si tamen posset sine magna clade reipublicae. Mox tamen addit: *expedivisse sauciae reipublicae requiescere quomocumque, ne vulnera curatione ipsa rescinderentur.* Ut ergo, quid rationi conveniens sit, pateat, duo hic in censum veniunt: alterum, leges hasce latas fuisse ab eo, qui non habuit potestatem leges ferendi: alterum, leges istas in se quoque fuisse injustas.

§. CIX. Quod ad primum attinet, in quaestionem deducitur, an leges, ab injusto invasore, aut usurpatore reipublicae, latae, vim obligandi habeant? & rursus, an à successore, vel legitimo principe abrogari queant? De posteriori namque nullum est dubium. Cum enim quilibet princeps, summo imperio gaudens, antecessoris sui leges abrogare possit, multo magis injustas, aut ab invasore latas, abrogare poterit. De priori autem aliter sentiendum. Namque licet injustus invasor non habeat facultatem leges ferendi, obligant tamen leges ab eo latae ideo, quod probabile sit, eum, qui jus imperandi habet, malle interim rata esse, quae ab illo constituta sunt, quam legibus

(i) lib. II. instit. orat. cap. I. (k) lib. III. cap. XXXIII.

judiciisque sublatis, summam induci confusionem. Recte id exprimit Henningius: (1) in vasorem hic saltem ministrum esse ejus, quem penes de jure summum imperium esse debebat, adeoque suo jure nihil agere. De legibus autem injustis, quales Syllae fuisse constat, ira censendum, illas per se nulla obligandi vi pollere. Tolerari tamen, quae per eas constituta sunt, utcumque possunt, si civitatis salus ejusmodi quid postulet, nec sine graviori reipublicae periculo mutari queant. Et id quidem est, quod Cicero, quod Florus, sibi voluerunt.

§. CX. Quod Sylla, alique frustra tentarunt, perfecit tandem Julius Caesar. Hujus res gestae, civilium moraliumque rerum scriptoribus, non unum differendi atque disceptandi argumentum praebent. Id vero, quod in ejus historia praecipuum est, reipublicae Romanae invasio & oppressio, civiliaque bella ab eo concitata, adeo palam cum omni justitia pugnant, ut nemini ulla dubitandi ratio superesse queat. His vero missis, de bello saltem, quod cum Ariovisto, Germanorum rege gessit, aliquid monebimus. Huic namque, pariter ac Germanis, Caesar, incio senatu populoque Romano, bellum intulit. Quod quo jure fecerit? quaeritur. Certe Cato Caesarem perperam egisse contendebat, hinc & eum Ger-

(1) ad Gronii lib. I. cap. IV. §. XV.

Germanis dedi voluit. (m)

§. CXI. Factum id quidem haud semel est ab aliis belli ducibus. Id historiarum nos condocent monumenta. Ex ipsis Romanorum ducibus Cn. Manlius, iniuste populi Romani, bellum Gallo-graecis intulit. At non exemplis, sed regulis, haec causa disceptanda. Discernendum vero hic statim à bello, quo nostra defendimus, illud est, quo injuriam illatam reparamus. Illud cum interdum moram non patitur, a magistratu inferiori recte geritur, etiam non consulto summo imperante. Immo omnibus, quorum munus est, vigilare pro salute reipublicae, hac potestas à summo imperante, repellendi hostium insultus, concessa intelligitur.

§. CXII. De eo vero, quod ad illatam injuriam reparandam suscipitur, aliter rursus est pronunciandum. Hoc à nemine recte, nisi à summo imperante, suscipitur. Nec temere talis necessitas hic oriri potest, ex qua rite colligatur, inferioribus magistratibus eam facultatem concessam. Accedit, quod noxium admodum foret, ejusmodi potestatem inferioribus magistratibus concedere, qua bellis, quorum incertus semper dubiusque eventus est, involvere reipublicam, & hanc adeo in maxima conjicere pericula possent. Nec sufficit

cur

(m) Livius Enitom. CIV. Caesar de bello Gallico, lib. I cap. VII. & XII. Plutarchus in Caesare cap. VI. Orosius lib. VI. cap. VII.

conjectura voluntatis, si videlicet occasio detur, illatas injurias feliciter vindicandi. Cum enim longe majora incommoda ex ista facultate consequi possent, nunquam hoc voluisse imperantem, recte colligitur.

§. CXIII. Populus Romanus, Caesare & Pompejo trucidatis, rediisse in statum pristinae libertatis videbatur: & redierat, juxta Floro, (n) nisi aut Pompejus liberos, aut Caesar haeredem reliquisset, vel, quod utroque perniciosius fuit, si non collega quondam, mox aemulus Caesareae potentiae superfuisset Antonius. His accessit Lepidus, quem divitiarum cupido, quantum spes ex turbatione reipublicae, ut Antonium ultiones de his, qui se hostem judicassent, Caesarem inultus pater, & manibus ejus graves Cassius & Brutus, agitabant. In hoc velut foedus, pax inter tres duces componitur; apud Confluentes inter Perusiam & Bononiam jungunt manus: & hinc alter *ille triumviratus* exsurgit (o)

§. CXIV. Hoc tempore quaenam Romanae reipublicae fuerit forma, dubitare, immo disceptare viros doctos videas. Monarchicam non fuisse patet, cum non unus, sed tres summa rerum fuerint positi, & quidem aequaliter divisa potestate. Ex quo etiam colligas, non potuisse eam aristocraticam esse, cum optimates in hac forma junctim demum subjectum summae potestatis

(n) *lib. IV. cap. III.*, (o) *Florus lib. IV. cap. VI.*

statis constituent, cum inter triumviros quisque pro se imperare ausus sit. Accedit, quod nec populus in triumviratum consenserit unquam: unde prorsus pro legitima potestate triumviratus iste haberi nequit. Sunt, qui triumviros tres tyrannos dicunt, & eleganter Juvenalis eos tres Syllae discipulos vocat. Dio (*p*) statum ejusmodi fuisse putat, qui nec monarchicus, nec popularis, vocari possit. *Populus*, inquit, *amisso jam status popularis imperio, nondum tamen sub unius potestatem devenerat, sed Antonius & Caësar aequata potentia rerum potiebantur.*

§. CXV. Potest autem res omnis ita expediri. Pono, tempore Julii Caesaris jam formam reipublicae Romanae ex democratica in monarchicam fuisse mutatam. Praeterea manifestum esse puto, penes triumviros nondum reipsa fuisse summum imperium. Facto ipso, non ex consensu populi, imperitabant, adeoque pro invasoribus potius, quam pro legitimis imperantibus habendi erant. Octavius vero post triumviratum demum, accedente populi consensu, imperium adeptus est. Quae cum ita se habeant, dici potest, ipsam quidem formam fuisse monarchicam, sed legitimo imperante destitutam: triumviri autem isti invasores erant, imperium, ejusque administra-

: (*p*) lib. L. sub init. add. *Jacobus Lampadius de republ. Romano-German. part. II. §. IX. & Conringius ad b. l.*

strationem sibi vindicabant quidem, jure nondum gaudebant.

§. CXVI. Augusto nihil magis curae fuit, quam de certo successore sibi prospicere, & ita res suas firmare. Tiberium itaque in filium adoptavit, cum ipse mascula prole, quae succedere in imperium posset, destitueretur. Adoptionis itaque jure successio Tiberii nitebatur. (q) Nihil utique solennius fuit Romanis, quam aliorum adoptione orbitatis suae solatium quaerere, quem morem qui de Romanis antiquitatibus exponunt, (r) pluribus edisserunt. Augusti vero exemplum alii deinceps ex imperatoribus imitati sunt, ut per adoptionem promptissima ad imperium via pateret. Id quod quo jure factum, & an successio in imperiis ad adoptivos etiam filios pertineat, disceptari solet.

§. CXVII. Exemplis si standum, jam res confecta est. Sed videamus rationes. Adoptio, aequae ac arrogatio, mutuo consensu nititur, quo adoptans se parentis instar futurum pollicetur, qui autem adoptatur, filii partes in se suscipit. Si ergo officia pariter ac jura adoptantis erga adoptatum spectes, haec eodem plane modo comparata erant, quo se habent officia & jura patris erga filium. Hoc saltem discriminis intercedit, quod pater naturalis & filius, ex lege naturae, adoptans autem & adoptatus,

E e e ex

(q) vid. Tacitus *Annal. lib. 4. cap. III.* (r) Faber in *Semestribus*, Barnabas Briffotius de *formulis*, aliique.

ex consensu obligentur. Hinc sua sponte etiam sequitur, quod quae jura filiis naturalibus competunt, eadem & adoptivis competant, cum inter hos & illos nullum intercedat discrimen, quam fundamentum officiorum, atque praestandorum, utrobique diversum.

§. CXVIII. In iis itaque regnis, in quibus succedendi ratio à voluntate & arbitrio summi imperantis pendet, adoptivorum successio dubio caret. Adoptans enim cum filii locum adoptivum habeat, manifestum est, eum quoque voluisse, ut sibi succederet, quod eo magis patet, si eam ob causam, ut succederet, eum adoptavit. Quod autem in regnis legitimis secus res habet, id non tam discrimini, quod inter filios naturales & adoptivos intercedit, quam regnorum diversitati, est tribuendum. In his quippe cum succedendi ratio dependeat à voluntate populi atque consensu, aut expresso, aut tacito, quoad filios naturales quidem haec semper adest, non autem quoad adoptivos. Namque nisi populus diserte circa horum successionem mentem suam declaraverit, in eam consensisse credi nequit: cum adoptivi per naturam non sint pars ejus familiae, in quam regiam dignitatem contulit populus. Equidem, si ex eo, quod salutare reipublicae est, colligendam quis populi voluntatem censeat, expedire quandoque adoptionem fateor: rectiusque per eam reipublicae rebus consuli, quam per nativitatem. Adoptari

ptari enim optimus quisque potest, & de quo magna spes est, bene eum rempublicam administraturum, Exempla quaedam id testantur, & iudicium Plinii, in panegyrico Trajano imperatori dicato, comprobatur, (s) Galbaeque imperatoris apud Tacitum. (t) Nihil fecius & pessimos quandoque adoptatos, constat, non dicam studio, quanquam de ipso Augusto non desunt, qui hoc asserant: saltem communi omnibus iudicii imbecillitate, qua haud raro fallimur, optimosque fore credimus, qui omnium evadunt pessimi.

§. CXIX. Haec cum satis clara sint, non tamen aequae, quid de Romanorum imperatorum adoptionibus censendum, patet. Possent facile aliquis in eam ingredi sententiam, vel ex his ipsis adoptionibus recte colligi, fuisse imperium Romanum velut in patrimonio imperatorum. Accedit namque, quod, vi oppressa Romani populi libertate, cum ipso imperio, potestatem quoque de successione statuendi, ad se rapuerint. Sed non desunt, quae huic sententiae opponi queant. Saltem Tiberius non videri voluit, eo modo hoc imperium acquisivisse, quo acquiri imperia patrimonialia solent. (u) Quicquid hujus sit, si & pro legitimo habeatur imperium Romanum, locum tamen habere poterat in eo successio adoptivorum: quia adoptiones in po-

E e e z pu-

(s) cap. V. (t) Hist. lib. I. cap. XV. (u) Tacitus Annal. lib. I. cap. VII.



pulo Romano receptae erant, nec quisquam abnuebat, quin omnibus liberorum naturalium juribus fruerentur adoptivi. Ergo si ponamus, populum adoptivis eadem jura, quibus naturales gaudent, tribuere, recte inde concludimus, velle quoque eum, ut in imperium non minus adoptivi, quam naturales succedant. Tiberio quidem adoptionis titulus, ad cupiditates res novas molientium refrænandas, non satis firmus visus est. Sed hoc, puto, inde factum est, quod probe sciret, adoptionem ejus non tam judicio Augusti factam, quam Liviae matris ambitu, & artibus, procuratam fuisse.

§. CXX. Ceterum non desunt, qui succedendi rationem, electione quadam temperatam, in Romano olim imperio obtinuisse, putant. Quod de primis tamen imperatoribus non aequè concessero; apud quos haud dubio per successionem imperium ab uno ad alium transibat: Post Neronis tamen obitum invaluit licentia militum, Caesares constituendi. (x) Quantum malorum hinc in rempublicam Romanam redundaverit, praeter Tacitum atque Suetonium, Spartianus, Lampridius, Vopiscus, ceteri hystoriae augustae scriptores testantur. Nobis vero de jure electionis istius, à legionibus factae, paucis dispicere animus est.

§. CXXI.

(x) *vid. Tacitus hystor. lib. I. cap. I. (y) lib. II. cap. IX. §. XI.*

§. CXXI. Hugo Grotius (y) jus eligendi imperatorem ad populum pertinuisse putat, & aliquoties etiam à populo, aut per se aut per senatum, electionem factam esse: quae autem à legionibus modo his, modo illis factae sint, non fuisse ratas ex jure legionum, sed approbatione populi. Ast fallitur haud dubio magnus ille Grotius, dum à populo electos imperatores adferit. Ejus enim rei nullum proferre potuit exemplum. Tacitum imperatorem à senatu electum, sunt, qui perhibent, (z) quanquam nec illud dubio careat. Accedit, quod ad Neronem usque successio in imperio Romano obtinuerit, post eum vero invaluisse militarem licentiam imperatorem constituendi, jam antea monuimus. (a) Ex hoc vero non colligendum, semper obtinuisse electionem, cum illud facti, non juris sit, quod hanc potestatem sibi vindicaverint legiones: & praeterea, ex successivo electivum fieri regnum, non sit insolens.

§. CXXII. Miror equidem, Grotium, quod dixerat, exemplo Adriani, Pertinacis, Juliani, Severi, Macrini, Maximini, Balbini, Aureliani, aliorumque probare ausum esse. Satis utique incaute. Hosce enim omnes, quorum meminit, nec à populo Romano, nec à senatu electos fuisse, palam est. Vel unicum Adriani hoc probat exemplum. Hunc

E e 3 nam-

(y) lib. II. cap. IX. §. XI. (z) Flavius Vopiscus in Florianio cap. I. (a) conf. Covringius ad Lampadium part. II. §. X.

namque, Aelius Spartianus auctor est, cum ad senatum scriberet, *veniam petiisse, quod de imperio suo iudicium senatui non dedisset, salutatus scilicet praepropere à militibus imperator, quod esse respublica sine imperatore non posset.* (b) Diserte à militibus eum salutatum imperatorem dicit. Nec est, quod quem moveat excusatio Adriani, & quod veniam petierit. Id namque fecere nonnulli imperatores, ut speciem auctoritatis pristinae senatui conservarent, non quod eligendi potestas penes senatum esset. Simulate potius quam vere hoc eos fecisse, luculenter probat Isaacus Casaubonus. (c)

§. CXXIII. Quicquid hujus sit, an à legionibus salutatus, rite electus imperator censerique queat? id est, de quo quaeritur. Negare id videtur Grotius, affirmare Gronovius. (d) De legionibus enim hic ait: *Haec faciebant, sustinebant, destituebant, destruebant, ubi libuisset, principem, si non jure, at quasi jure: populum Romanum plorare jubebant, aut adulari.* Sed aliud est, an imperator à militibus constitutus summum habuerit imperium, sive jure, sive facto? aliud, an electioni vitium adhaeserit? Prius evincunt rationes à Gronovio adlatæ: non autem posterius. Electionem enim istam à legionibus factam non caruisse vitio, prorsus arbitror. Constituebant, fateor, milites partem reipublicae: non tamen totam rem-

(b) Spartianus in Adriano cap. VI. (c) ad Spartiani l. c. (d) ad Grotii l. c.

republicam, Esto, desinat successio: haud dubio facultas eligendi ad totum populum, qui tum rempublicam constituit, redit. Quae vero a parte populi, ut militibus, per vim peragitur electio, nec ab iis, à quibus fieri debebat, nec eo modo, quo eam fieri par erat, facta censeri debet. Equidem si militibus à republica haec facultas concessa fuisset, aliter esset pronunciandum, sed id frustra adferitur, cum idoneis documentis probari nequeat.

§. CXXIV. Huc usque itaque progredi animus fuit. Restat equidem ultima imperii Romani periodus, sub imperatoribus, & ea maxime tempora, quibus primo divisum & laceratum, mox destructum penitus, atque eversum fuit Romanum imperium. Sed haec ut vitiorum, quam virtutum, fuere feraciora; ita non adeo multa nostrae disputationi suppeditant argumenta. Nonnulla tamen, quod non abnuo, & hic occurrunt, accuratiori disquisitione non indigna: sed nobis specimen saltem dare jurisprudentiae historicae constitutum fuit: quod jam abunde nos praestitisse, arbitramur. Ergo vela ontrahimus, & reliqua aliis discutienda relinquimus.

S. D. G.















